

四庫全書存目叢書編纂委員會編

齊魯書社



四庫全書存目叢書

集部
第一二三冊

責任編輯：孫言誠 賀 偉

ISBN 7-5333-0615-5



E333/01

四庫全書存目叢書·集部一二三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 46印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第一二三冊目次

集部・別集類

甌甌洞稿五十四卷目錄二卷續稿二十七卷目錄二卷(二)

〔明〕吳國倫撰

武漢圖書館藏明萬曆刻本

甌甌洞稿五十四卷目錄二
卷續稿二十七卷目錄二
卷(二)

〔明〕吳國倫撰

武漢圖書館藏明萬曆刻本

附《四庫全書總目·甌甌洞稿
五十四卷續稿二十七卷》提
要

甌甌洞稿卷之二十三

武昌吳國倫著

始安張鳴鳳校
新安方尚寶

七言律詩九十二首

初入京喜順甫使君適至夜酌同賦

客散華陽已十年重來五馬竝朝 天青雲亦借詞
人色白首慙稱計吏賢握管春回燕谷裏聞鐘月過
鳳城邊停杯却憶同遊事何處關山不可憐

入京有感寄懷李王徐三子

春星五馬入朝天陌上衣冠異昔年官鳥不醒滄海
夢禁雲猶索 帝京篇黃金愧我非能吏白首逢人

甌甌洞稿

卷之二十三

結錄餘書

避後賢却問西山千古月幾時虛傍酒壚懸

送龐侍御按浙江

五雲初獻漢宮春手 詔先馳柱下臣南國星辰占

建節中原耆舊識埋輪渡江兵色三吳盡行部 君

恩萬戶新此日尚須嚴穴士桐江千古問垂綸

爲歐楨伯題崙山精舍

崑崙飛卓南海傍五夜西極寒無光誰結玄廬俯三
島自提如意招五羊讀書不聞山鬼哭奮臂欲跨海
雲翔白首遨遊未得志懷中琬琰龍珠藏

贈潘廷尉時良

十年簪筆未央前八使看君雨露先結襪自忘廷尉
貴引經猶屬大儒專畿中得士先推轂幕下談兵半
執鞭欲擬風人歌吉甫丹心常傍五雲懸

過恒山酬梁乾吉憲使招飲乾吉故爲同舍給

事詩蓋有感云

三月燕南花未開恒陽立馬正徘徊因君一問浮湘
賦把手還臨望漢臺同舍十年俱去國各天今夕好
銜杯只應左掖雙梧樹曾識當年諫獵才

答道函

初與道函並騎出京已道函爲中山主人留

甌甌洞葉

卷之二十三

二

陳朝

飲遂失期不及追乃馳一詩約予侯之河上

云

冀北同驅上駟遊一麾相望入中州風雲倏忽鳴鑼
過景物巖巖按轡收公子棄繻疑汗漫故人投轄信
淹留無妨祖逖鞭先著共濟河源尚艤舟

登叢臺

邯鄲城北趙王臺入望煙沙萬里迴碧漢君薨還棟
宇翠華消息久莓苔可憐東海辭金去無復秦庭抱
壁來日暮風生千樹裏猶疑歌管送餘哀

酬汪伯玉中丞論詩

相逢京洛少年行海內蜚揚白雪名一自江湖增浪
跡又從星斗卜平生途窮越石身堪贖淚盡陵陽璞
始明幕府清虛橫玉軫對君山水入無聲

聞元美爲園事佛寄贈

王郎中歲欲逃禪嗜酒耽詩癖未蠲成佛豈從靈運
後息機真在丈人前新營石室藏金粟小引溪流灌
白蓮便好拂衣尋爾去東林應結遠公緣

過衛

寒帷日日是登臨懷古朝歌思不禁郡遠山河開壯
麗隄蟠雲樹入陰森居人指點迴車路過客踟躕擊

甌甌洞葉

卷之二十三

三

陸孝

聲音幾日看花春又盡當年綠竹自淇林

送周明府赴京待調

匹馬周郎又帝京河陽花色正含情那能百里居
龐統只似三年召賈生樽酒路岐春漫別佩刀風雨
夜爭鳴從他漢粟侏儒飽莫使人傳賣賦名

黃州逢張助甫愈憲卽席得江字

西陵落日照空江楚客深春歷舊邦問渡已橫青雀
聞歌還駐碧油幢幾年岐路逢如夢一夜風濤醉
今向道張華能識劍匣中牛斗自成雙

山中有懷助甫得書却寄

江上停驂及暮春，銜杯江閣句爭新。古來誰問滄浪父，歌罷偏愁洛浦人。芳草如雲牽夢寐，征衣幾日解風塵。盈盈一水勞相訊，欲覓桃花何處津。

謁甘將軍廟

黃龍洲接大江迴，捲雪樓高巨浪推。古屋將軍遺像在，荒村伏臘辨香來。何年一破窺吳計，異代還憐翊漢才。有客停舟薦蘭芷，橋烏噪雨若爲哀。

雨後行經東林

積雨初收白日低，江州策馬遠衝泥。瀑流噴雪千巖墮，雲氣浮天萬壑迷。穿逕稍聞呼燕雀，隔梁猶自飲麴醅。洞蒙卷之三三
四
陸
虹霓重來不辨東林社，只逐鐘聲過虎溪。

豐安道中遇雨攜兒阿端避宿田家

海昏新漲接彭湖，問渡南來日漸晡。忽有風霾生灌木，旋看雷雨過平蕪。山寒自怯幃帷濕，村遠見愁燈火孤。田父莫須驚五馬，濁醪深夕爲予呼。

酬德甫江上雜詠

掛冠梅福隱西山，散髮時從江上還。佩好芙蓉秋自結，門深蘿薜晝常關。虛舟泛泛風濤外，高枕蘧蘧牛斗間。逢夜踏歌誰識曲，只隨明月弄潺湲。

次南浦驛德甫同伯用晦攜壺見訪經宿而別

章門五馬復經過，故舊相看慰藉多。溽暑披衣星正聚，隔城移榻夜如何。沙頭雨歇重沽酒，浦口風生一放歌。千載南州須汝輩，不妨人事有蹉跎。

苦雨

予自楚還郡日行雨中入境猶不絕有憂心焉作此

六月南天雨不休，七閩鬱氣接神州。昆鯨吸浪飛何遠，石燕沾泥舞自愁。潦淪郊原頻問渡，雲迷關塞却驚秋。補天無力慚爲牧，多少瘡痍淚未收。

同君敬過屏山寺訪謝文度

樵溪西遶郡城斜，有客清秋遠泛槎。臥閣正須愁瘴癘，出郊聊復問煙霞。深松避暑月窺相，白石翻經天
三
雨花坐裏塵緣銷欲盡，向來何處數恒沙。

凌虛閣雨望

風雨樵嵐萬木驚，登高一寄遠遊情。爐煙自遶祇林散，雲氣全封列嶂平。似有法龍吟大澤，忽飛靈鷲出孤城。上方樓閣虛無裏，極目山川變幻生。

余德甫書至却寄

歲晏孤飛江上鴻，病夫猶臥海雲中。風霜不傲初衣色，兵火常憑尺素通。往事徘徊班女扇，餘年消息楚人弓。籃輿若過東林社，直指蓮花是遠公。

病起登臥治閣望雪

炎方積雪人爭訝病客登樓景亦奇粉堞畫迷千嶂
影冰花寒結萬林枝倦遊梁苑名甘薄竊臥淮陽費
已綵一送江鄉千里日白雲黃鶴若爲期

贈方景武

強年肌骨未勝衣詞賦偏工世事違過趙虛勞雙壁
贈哭秦誰解萬兵圍關山亂後移高枕雨雪吟邊失
釣磯若道使君無重客稱衡今日好誰依

季狂景武夜過郡齋席上賦得天字

傲吏長吟百粵天暮雲高竝七臺懸公餘北海時賓
客病起淮陽又歲年雪意當樽寒欲飲梅花滿署月

甌甌洞葉

卷之二十三

六

相鮮居然此夜成招隱不比虛回訪戴船

人日

閉閣看梅春事幽彩屏金燕憶中州且拚七日花前
醉一破三年海上愁淑氣已隨黃鳥至壯顏誰倩白
駒留粉榆社客緘書問何計風塵罷遠遊

聞季狂已入武夷却寄

昔予曾叩武夷君九曲天從一線分洞口黃冠供石
髓樽前彩筆潤峯紋仙人杖處龍還躍玉女簫時鳳
不聞此日桃花迷往路可能冲舉躡浮雲

將至武夷以詩促季狂併約沈郭二子

武夷明日是中秋運爾還攜二客遊群芳巖懸千古
月桃花洞入五溪舟仙人委佩青霞落詞客揮毫白
雪流佳節名山如可負却從何地覓丹丘

冒雨同顧山人遊七臺山道中作

前谿春雨歇鳴橈望裏仙臺混碧霄大峽雲蘿千境
合上方鐘鼓百靈朝肩輿傍險行偏好露冕凌空意
轉騎石外逢僧君莫笑此中殊勝虎溪橋

登七臺山絕頂

卽劉大師說身處

天削孤峯插斗傍倒看初日起扶桑山煙忽擁祇林
樹海氣遙吞舍利光臺按七星分絕景地蟠三郡俯

甌甌洞葉

卷之二十三

七

南荒真師已跨浮雲去猶有雙龍護法堂

空明閣夜與季狂坐談

高臺風雨極攀躋坐逼青旻萬象低峯似飛來雲未
穩榻應移傍月同樓昔人面壁非吾事明日磨崖共
汝題呼吸已堪通帝座不知何處唱天雞

望氣樓醉題贈戚將軍元敬

仗鉞新澄瘴海波登樓直欲挽天河晴窻突兀三山
峙遠樹參差百雉羅帳外風雲行部曲空中鸞鶴引
笙歌酣來倚劒看牛斗只怪南天紫氣多

午日病小愈孫王二別駕見問留集臥治閣

杜門佳節起偏遲二客相過慰病思采藥名山身未
健泛蒲高閣景堪移葵榴隔樹迎新暑煙雨平城散
晚炊敢道政成如渤海兒曹猶繫辟兵絲

晚過屏山寺

郭外羣峯過雨斜溪南蕭寺晚涼賒慈雲自覆空王
座福土常開異域花爲愛深松留五馬卻乘明月演
三車不知何佛傳燈至海嶠俱懸九色霞

西塔寺避暑

石門迴合郡城西岸幘重來路欲迷池浴九龍將雨
過塔標雙鴈倚天低酒杯無用逃河朔屐齒還如在

甌甌洞蒙

卷之三十三

八

三

會稽萬壑松濤吹日夜炎蒸那得到禪棲

西橋步月

散步城西第二橋飛虹千尺跨山腰月明烏鵲浮空
渡風起魚龍拔浪驕圯上逢人疑化石廣陵懷古罷
吹簫野航秋水堪乘興不信河源此夜遙

顧季狂沈嘉則至自武夷夜集齋中用河字

君從九曲泛滄波念我能乘逸興過高館竹陰懸榻
久七臺雲氣入門多臨叩得客誇能賦郢國逢人屬
和歌此夜秋風俱萬里莫辭杯酒送明河

酬方定之參政

十月江州一鴈來書緘雪色遠天開關山字字成樓
首風雨時時憶舉杯斗入步簷橫作劍雲依望海結
爲臺無憐寂寞黃金使多病原非漢吏才

酬范方伯于中見寄

南浦題書寄海頭別情羈思兩悠悠天寒霧白蠻王
壘日落江清帝子樓高曲故從三歎識末交原自一
言收陳詩若奉明堂采羣牧誰先十二州

酬余德甫憲副

問訊章門淚一收暮雲來往自書郵浦亭卮酒期何
後郡閣烽煙臥未休歲晏客傳流水曲江深誰並采

甌甌洞蒙

卷之三十三

九

三

蘭舟從君好結丹霞侶不向瀟湘賦遠遊

贈門人田時積東歸

得客誰先六藝場開函字字挾風霜江峯暮送湘靈
曲閣夜寒分太乙光莫以下帷高董傳且看題柱屬
田郎東歸雪後溪如駛五兩輕隨海鳥翔

元日登臥治閣

高閣憑城萬井羅朝來春意起關河日南花木三陽
早天北雲霞五色多懷主尚持椒作頌卜農真負
麥爲歌欲將鄉思登臨遣海鴈偏隨落照過

世宗皇帝輓章四首

只怪鈞天夢未通 帝星遙夜燭冥濛金輿罷幸三
芝館玉几深憑五柞宮遺 詔普天俱朔雪望靈何
地不悲風鼎湖自有雲龍會虛使千官泣墮弓

其二

載筆曾趨供奉班江湖猶自憶龍顏宮雲不散神仙
仗禁月常飄玉女環似有飛輪馳 帝座不知遺劍
在人間千門望幸渾無計却恨蓬萊使未還

其三

南狩當年八駿馳故宮湯沐二陵知傳呼封禪無消
息駐蹕山川有夢思萬姓祝堯天共永一時傳啓

甌甌洞藁

卷之二十三

十

陳朝

帝無私詞臣灑淚銘功德最幸輪臺 詔未遲

其四

龍馭蕭蕭出紫宸 君王何意厭羣臣竹宮桂館春
難駐玉鴈金鳧暮已親馳道白雲哀六綈寢園赤日
弔重輪珠丘只似蒼梧野南北千秋俎豆新

送張叔養侍御應 詔還京

抗疏歸來日掩關 詔書今始及東山 兩朝故事
留簪筆 先帝深恩在賜環繡斧重披雙輦下袞衣
帝傍五雲間孤臣潦倒鵷行夢一夜從君萬里還

通水口贈丁司戶庸卿時攝驩政

何地逢君不可憐 雙照七閭天玉華雲氣詩筒
滿金瑣江聲署閣縣煮海近 聞鹽筴議徵兵急藉水
衡錢祗應白首勞王事肯向青雲問後先

奉懷王祭酒子楠先生

解佩何年下石渠南州星斗護蓬居生徒尚憶三鱣
頌篋笥聊存五鳳書自許人間還大藥莫須天上有
安車對君一酌麻源水今古浮雲萬態虛

雨中過簞簞山

寒帷風雨度延津絕嶠經過息馬頻苔蘚石門蒼自
合松篁煙壁翠常勻猿聲斷續號山鬼龍氣虛無過

甌甌洞藁

卷之二十三

十一

陳朝

海神閭越年來新罷戰此中猶有避兵人

夏日譙何侍御山齋

在西塔寺側

烏坂城西佛日青誰從大地啓巖扃都人尚憶埋輪
事野老新傳種樹經鹿苑故題蒼蘚剝鼇峯飛影綠
雲停閒來池上看魚藻却恐垂綸犯客星

寄懷子與僉憲

隔歲音書海上傳知君長抱白雲眠牀頭雨雪烏程
酒門外菰蒲晝畫船萬事併從身外擲一官虛向淚
中遷相思未老頭俱白安得浮家共暮年

贈王太玉

有客尋仙海上回丹成還我玉華杯青牛未叱因關
去白鶴應從緱嶺來豈信瓊書占伏骨虛傳瑤草化
凡胎八公不是淮南侶五嶽真圖何處開

送王子端茂才應試

比年天府計賢能聖主新調六御興才力何人堪
八斗文心須汝悟三乘國恩自許長纓報家夢還
占匹練升臺上黃金懸市駿霜蹄遙蹴五雲騰

寄王大王二兄弟時伏闕為先司馬白冤狀
得旨議功

有客傳書自海門知君披髮叩天關關山遍染秦廷
旆旆洞蒙卷之三十三

血日月重招楚水魂石奮豈須同父難倉公虛復負
君恩無煩塚作祁連象漢使中牢禮更尊

閩闡校卷作

棘院菴光徹曙明桂宮秋色海天清函書競奏三千
牘比玉誰連十五城不忝胥臣能薦士肯令毛遂晚
知名周家典禮賓興重此日岐山又鳳鳴

放榜日作

誰云炎服異神州一日諸生國士收五色雲開天府
曙雙龍劍掣海宮秋登名只藉中臺使奏計還趨列
祁侯縱使王褒能作頌漢家經術敢同流

光澤郊外別邵武諸鄉大夫

白髮青袍郡大賓出疆為別轉情親向
木此去何能比寇恂閩地一隅初按
番綸王程萬里樽前促回首煙霞愧隱淪

出杉關別諸父老二首

閩關五馬玉珂鳴萬里嚴寒又北征日月重扶新
帝輦江湖猶策舊臣名翻慚父老當車意不盡風煙
臥閣情回首青山俱應別行雲無數遠前旌

其二

亂後山城疊鼓笳郊原何意見桑麻年來好與同安
旆旆洞蒙卷之三十三

枕宦拙無妨屢及瓜載路扶攜心萬里度關風雨淚
千家君王若有蒼生問賜帛先應到海涯

渡江別德甫用晦

豫章西望楚雲寒欲別重歌道路難三日故人酣未
足百年羈旅病初寬已堪白社同高枕獨少青門一
掛冠波上西山流不去故牽行色繞江干

武昌渡江寄懷張助甫參議兼訂山中見訪之

約

赤壁開樽一破愁遠天相憶又三秋題書鴈領風霜
色倚棹江兼日月流鸚鵡何曾騎楚賦虹蜺常自攬

吳鉤明年春水平如雪不信門無訪戴舟

贈杜兵憲子虞

使節遙從北海回軍符直向大江開投醪百里舟師
合草檄千金幕士來慕莽重披黃歇墨烽煙漸遠鄂
王臺過逢舊識清狂客欲引瀟湘泛酒杯

重過鄴下訪謝茂秦不遇作此遺之

三年再涉漳河水問訊西遊客未還諸子向人聞戰
伐老妻垂死說關山悲風鴈塞寒相弔勝跡龍門遠
自攀吾意亦將名姓要招遊好在五湖間

涇陽驛逢劉宣甫省元北上應試酌中賦贈

瓶瓶洞葉

卷之三

十四

北走長安又上書氣吞雲夢欲何如相逢一問中山
酒醉語猶憐下澤車雪後煙塵清驛路春前風日霽
宸居禁林千樹俱含色合待劉郎彩筆舒

酬陳廷平玉叔

玉叔尊人
子同年

郢國詞名弱冠傳漢家經術下帷先太丘有子能殊
衆北海論交不問年羈旅一樽開雨雪避人雙劍立
風煙可知白首心難壯萬里長纓畏後賢

贈陸尚寶子傳

一臥江東二十年客星常倚釣臺懸尊鱸有意供垂
白兵火無家住草玄天上徵書俄趣駕夢中操筆正

如椽看君詩從承恩日猶有煙霞癖未盡

駕詣永陵

七陵松檜蒼五色雲隨鳳輦翔彩仗經行生雨
靈珠丘相望光千官扈從天顏近萬嶺盤迴王
氣長侍從詞臣休諫獵宸遊不比幸長楊

贈李子芳

肘後羣書只浪評誰操鴻術佐長生逢君自昔煙霞
足別我何年羽翼輕視背曾知龍叔病折肱無規越
人名丹砂九轉如堪就那得人間老尚平

寒食

瓶瓶洞葉

卷之三

十五

四塞春煙鬱未開佳辰羈旅傍燕臺近臣沾賜餘醺
出社客言修被袂來百日鶯花過伏枕五陵風雨罷
銜杯歸心只逐東皇駕芳草關山日夜催

贈許元復司馭遂訂同舟南還之約

白髮高陽舊酒徒燕關攜手問江湖時名未薄雕龍
技宦跡仍懸市駿圖客裏青榆看漸落歸前黃鳥劇
相呼期君遠泛扁舟去莫使人憐楚大夫

君華書室時下第

辭君未解薛蘿衣又抱圖書萬里歸遂倚南雲開赤
霞待從北斗望彤闕強年百戰心仍壯大海三珠色

競輝漢室方傳韋氏學德星寧獨聚巖扉

送陸參軍赴南京

喜識雲間陸士龍君家太史故儒宗誰誇白面銅鞮
胤不忝丹書鼎甲封三浦樓船天上落兩都詞筆斗
邊逢蘭臺夜靜江聲入只憶風吹長樂鍾

奉和少師徐相公請老述懷詩

懷土非無白苧情抗章猶負赤松盟乾坤再闢雙龍
闕日月常瞻五鳳旌況是先朝銜顧命豈應元老
厭承明天書丞下尊師禮淑氣朝來滿禁城

送謝文度赴信宜令

甌甌洞藁

卷之三

十六

海上論文調已孤天風六翮困南圖逢人未薦三都
賦垂老新懸百里符到邑珠光搖合浦看山雲氣入
蒼梧蜚芻轉戰今逾急多少瘡痍待汝蘇

送金汝介赴開封別駕

年少凌雲賦已工微名亦忝故交同那知駿骨來燕
市只似蛾眉老漢宮一日君恩黃綬結三川行色
佩刀雄憑誰莫道逢時晚麗統猶能起治中

沈箕仲雪中同諸詞客夜過

二三燕山雪正飛上林春色五雲微朝回何處堪乘
興獨憶歸授簡新聞梁客賦援琴欲按楚

臣微墟頭有酒歌相樂莫問人間屬和稀

大中丞趙元朴席間道故

初公爲御史坐劾嚴相免官還過淮海遇予
舟中小飲竟日而別越十年嚴氏族而公始
召還又五年累遷至御史中丞予適以入計至
京晤言如夢率爾成詩

抗疏

先朝萬死輕東山歸去白雲驚十年高枕看
浮世一日安車起盛名南國尚思驄馬步中臺已叱
絳騶行淮陽風雨燕山月樽酒憐人短髮生

送方先生行兵備上谷

先生行兵備上谷今官

甌甌洞藁

卷之三

十七

鴈門西去朔雲馳萬壘烽煙六月師聞道單于窺上
谷不知方叔領邊陲橫戈已壯吞胡氣按轡新成出
塞詞莫向銅標嗟往事燕然今是勒功時

題王太僕祠堂

太僕以勳滿夷言詔賜旌忠

太僕祠堂北斗城中牢遣祀出天京孤軍自濺鯨鯢
血萬戶齊哀鼓角聲烏夷障雲飛不起龍嘘海色臥
猶驚乾坤未散英雄氣化作雙虹貫日明

贈張表

越國諸生短劍懸窮途意氣向人偏三槩不受曹公
辱一諾新知季布賢難後牛衣誰對泣病來雞肋空

爭憐長安片地供遊冶那得君能守太玄

送雋文學下第歸廣陵

千金何處 龍駒萬里霜蹄却後驅且向雲林開小

隱不妨經術老名儒清秋佩結淮南桂永夜燈懸璧

社珠傾蓋得君君又別燕山風雨爲踟躕

寄懷張肖甫參議時自滇南赴西粵

中原遷客一時收不道還同萬里流金馬已聞歸漢

使青門何意老秦侯十年兵火居難卜一字關山淚

未休望望蒼梧南紀盡白雲先入故人愁

贈劉民部

龍龕洞葉

卷之二十三

十八

夏元

河朔衣冠自昔時故家猶有景鍾遺三朝更結青

緡綬五夜常瞻赤羽旗蓬閣御煙趨正笏柏梁春色

擁題詩天顏若問郎何自漢署馮唐起未遲

題龍門圖贈劉秀才

龍門日射扶桑標鱗穴濤驚坤軸搖遂有六螭駕宮

闕忽飛一鯉昂雲霄紫髯如戟海神助朱翼垂天風

力驕擾龍故是若家事赤手攀鱗羽聖朝

上大宗伯殷公

明掌詹事

秘閣圖書紀鳳年暮光夜燭紫宸邊承明早曳尚書

履博望尊居太子延多士風雲推轂應一時霖雨

賜車偏鯁堂舊著三公頌不獨關西弟子傳

發京再上殷公

廿載追趨憶漢京白頭湖海夢頻驚誰知幘被投荒

日不少綈袍戀故情感邁欲題窮鳥賦薦才真規伏

龍名聞君早晚開東閣萬里長裾避後生

息縣阻潦

孤城積雨滯行車千里歸心鬱未舒野水旋吞桐柏

廟橫流不辨玉梁渠沙邊鶴雀含愁息木末魚龍作

意噓使使須臾成大壑便應舟楫是吾廬

集徐懋弘溪閣

龍龕洞葉

卷之二十三

十九

陳朝

喬木參差擁石林旋開亭榭水雲心檻邊溪氣裊三湘

碧屋裏峯蟠五嶽陰舟泊未闌王子與酒酣猶發仲

宜吟移樽更待寒山月愛客惟應此夜深

集徐懋誠山亭

杖藜隨處躡芙蓉得入名園興自濃谷口分泉爲九

曲舍傍穿逕著三峯留歡夜奏魚龍引散步閒隨鹿

豕蹤只擬蘇門舒一嘯萬山雲氣濤相從

銀山寺

黃姑山頭白霧升鐵壁古寺羅荒藤居人已剝金銀

氣法界猶懸日月燈聊倚孤松爲結社不須三竺更

逢僧西風萬壑傳鐘磬立馬歸途思不勝

龍龕洞藁

卷之三

二十

三

龍龕洞藁卷之三

龍龕洞藁卷之二十四

武昌吳國倫著

始安張鳴鶴校

七言律詩九十四首

聞子與僉憲將入楚喜而有作

雪川書後薊門歸病臥常局白板扉得句欲憑青鳥
寄思君疑傍赤霞飛何來使節趨開府定有星槎訪
釣磯郢上相逢誰不訝陽春屬和古來稀

守巡江防三公招飲赤壁亭

山城日落水煙昏檻外驚濤萬馬奔攬勝何年呼赤
壁按圖無處覓烏村虛傳孺子能分鼎不博君侯一

龍龕洞藁

卷之二十四

一

劉

泛樽風起欲乘樊口渡蛟龍作意吼江門

潯陽舟中別莊則勸司益甫劉世仰

楚客扁舟萬里行大江風雨若為情隋珠未變投時
色卞玉猶全別後名三宿潯陽仍問酒十年溟海正
論兵琵琶似解窮交意夜向鄰船作苦聲

寄題張中丞湖南書屋

在周始縣南

期思城南雲木偏遠屋高樹干中天學稼不知寢丘
瘠灌花欲比少室妍蒲輪忽自雙闕下白鉞遠授三
秦專好待功成辟穀去橋邊黃石知君賢

北江舟中

嶺外津門第幾重
曲江煙雨暗芙蓉
樓船暮放天邊
峽斥堠春連海上峯
不道南荒來五馬
仍依北斗望
雙龍官情惟有羅浮識
欲覓安期何處逢

登靈洲山

鬱水西環嶺嶠來
靈山中望石門開
帆檣上下占潮
候檣柏參差護法臺
亂後孤僧愁卓錫
病餘遷客畏
銜杯千秋南海衣冠氣
極目猶從九曜回

黎惟敬招集山館

羊城才士集如雲
楚客南浮却爲君
海上風濤殊未
已人間消息總難聞
抽毫夜失三珠色
說劍星流五

甌甌洞藁

卷之二十四

二

緯文杯酒林塘俱不偶
春愁合向雨中分

海珠寺席間贈戴廣州朝賓

海寺飄飄巨浪中
凌虛一葦信長風
六鱗漫駕金銀
關孤鷺疑投碣石宮
坐久曇花天上墜
望來煙水日
南空君今莫訝珠還早
此地還應合浦同

酬梁公智文學

公實第

藝苑論交二十年
幾人能識季方賢
風塵未試油牛
鼎道路仍投飲馬錢
望海孤雲迷北極
談兵雙淚濕
南天新詩不減明珠贈
恰好移官合浦前

題黃幼章書室

舍傍新逕入蓬蒿
旋理圖書四壁高
遠史先稱牛馬
走策名無忝鳳皇
毛虛亭影射三山日
茂樹風含漲
海濤安得羊城刃
斗息與君長夜醉葡萄

登鎮海樓

羊城高枕越王臺
城上孤樓夾蜃開
曲檻虛無懸嶺
海平林飄忽過風雷
天空戍笛千家落
水盡蠻煙萬
里來只似劉琨長嘯處
同君揮淚一銜杯

夏日登鑑江亭

地盡南荒萬嶺迴
石亭斜倚鑑江開
鄉心苦被蠻雲
結客淚遙含海色來
六月荒城喧鼓角
千家落日閉

甌甌洞藁

卷之二十四

三

蒿萊炎方多難何時解
極目重溟轉自哀

鑑江泛舟

蠻江一曲遶城孤
萬里浮沈楚大夫
遂有驪龍驚赤
水不教鴻鴈度蒼梧
山煙細傍清樽吐
海月遙憑短
劍扶醉裏那知窮異域
林猿山鬼自哀呼

至日

何處爲樓好望京
關山直北正含情
宮中已應黃鍾
律海上猶聞鼙鼓聲
客計此時安去國
君恩萬里
屬羣城衣冠曉漏疑
天近五色雲隨綵線生

楊別駕破賊赤水

十年南越正妖氛鐵面楊郎氣不羣橫海自披金
甲射潮新勒水犀軍羣雄力盡千艘解萬室憂三
羽分田野只今爭寶劍銅標虛紀漢時勲

東齋對花有感

灼灼芙蓉媚小軒垂垂木槿傍泥垣芳菲八月秋無
恙棲息孤禽暮不喧赤羽徵兵橫絕海黃金賜吏滿
中原夷歌處處頭堪白只有花間是主恩

答黎惟敬部石舟中見夢之作

瘴海蠻山穩謫居故人相念欲何如論文今古悲長
夜欹枕風雲薄大虛落日自迷千里駕亂兵遙阻八

甌甌洞藁

卷之二十四

四

行書曲江不比邯鄲道兩岸猿聲淚滿袪

哭薛思素方伯二首

鱷浪晨驅海霧黃龍泉夜擲斗無光臨年自應西州
石約子原無越國裝瘴嶺愁增兵後色溫陵歸是夢
中鄉乾坤不少班荆地却向悲風叩白楊

其二

虞廷嶽牧帝方咨萬里除書到未遲只怪龍蛇千
歲運翻從泉壤戴恩私方伯卒後數日新命至居人欲樹桐鄉
塚門客誰題楚峴祠望海招魂天漠漠傷心惟有白
雲馳

予與書至自武昌念予爲甚作此答之

知君不厭武昌居念我南浮萬里餘岐路此生誰得
意兵戈相望一裁書洲前作賦愁鸚鵡海上脩文走
鯨魚但得青山還白髮衡門應枉故人車

春日東齋示兒無忌兼勉梁姚二生

海上百花春正饒魚龍飛躍趁春潮兒曹幸倚雙珠
樹汝輩寧虛駟馬橋策抱天人堪自獻庭間詩禮未
應騎東齋夜夜窺弦誦合有藜光燭紫霄

答元美憲長

辛苦雙魚寄遠遊此身天地一虛舟越南未必窮還

甌甌洞藁

卷之二十四

五

客海外猶聞有九州兵火復驚降漢壘雲霞偏擁望
京樓何時共醉金闔月夢裏逢君淚亦收

答德甫

龍母山橫大海邊使君常傍石龍眠飛來一字雲爲
錦起按孤琴雪滿絃瘴癘經春皮骨在關河日夜斗
牛懸寧辭白首投魑魅萬里緜袍迥自憐

贈金將軍

將軍自合浦歸新撫民三千人航海

闕下金雞萬里傳帳中銅虎一軍懸潢池赤子兵初
解南粵明珠貢已全行擁列星環部曲坐從高浪出
戈船請看漢主論功日諸將誰居陸賈先

南海舟行寄懷公智

日落風高彩鷁翔海峯沙磧過微茫探奇欲折三珠樹學道虛聞五色羊賴有煙波供放逐且憑卮酒見疎狂歌來白雪君須和莫道南溟是瘴鄉

病中與周子微使君夜談

瘴雨初收海氣清扁舟萬里繫歸情驅馳未遑窮途淚老大猶存直項名亂後白雲依病臥秋來華髮應愁生逢君亦有投簪意好向深山學耦耕

雨夜有感簡子微

八月南中暑未銷孤雲入望楚天遙羊城鼓角懸秋

甌窰洞藁

卷之二十四

六

雨大海風雷過晚潮去國此身元汗漫逢人何事不蕭條惟應自理清商曲藉爾朱弦永夜調

晚過李中丞宅同盧方伯戴使君對菊

深庭密樹已全遮客到疎簾捲暮霞不分風霜催白髮肯辭杯酒負黃花東籬恨未歸陶令南海遙堪醉孟嘉八十主人筋力健何須甘谷更移家

甘谷在南陽縣上冬菊飲其水者多壽

奉懷龐少南中丞山居

石室蘭臺倚禁林抗章何事獨抽簪廷中憶結狂生襪門外曾無故史金抱影碧山雲漠漠題書滄海畫

陰陰林頭一劍虹光吐不盡當年國士心

自新會渡海至蜆岡

片帆輕曳嶺雲飛日落潮生島嶼微欲借蛟龍招海賈漫脩蘋藻薦天妃兵連絕塞鴻難度秋盡平林葉未稀一夜猿聲催櫓發旅魂那得夢中歸

哭李于鱗憲長六首

初聞哭母去中州不道身從地下遊骨立難平風木恨魂銷只結海雲愁異時死孝傳青簡絕域傷心豈素秋一代風流看漸盡高名誰可繼曹劉

其二

甌窰洞藁

卷之二十四

七

瘴海風濤蔽遠天思君萬里日潸然只嗔鴻鴈書重阻誰謂龍蛇識已專東岱精英寒自斂西京詞賦晚逾傳乾坤尚有三難弟不必桓譚惜太玄

其三

燕臺結社五君同不數談天碣石宮敢謂後來無獨步定知先入是宗工關山涕淚揮毫外生死才名側目中若道脩文如管輅悠悠泉路未應窮

其四

我所思兮在泰山百年無自復追攀有兒不忝駒千里其子名駒何客能窺豹一斑白雪樓頭春草綠大

明湖上暮雲閒懸心宰木陰森處誰向龍門御李還

其五

五子詩傳五嶽俱詞場那得少前驅延津一化蒼龍
劍象固難求赤水珠同社各天都黯澹孤雲萬里獨
踟躕卽今嶺外兵戈滿何處能安七尺軀

其六

泰華峯頭一振衣飄然遠駕犢車歸微書漸起東山
臥薦牘紛從上國飛自信主恩終不薄那知人世
忽全非可憐未盡憂時意化作天門一寸暉

元日東郊迎春作

甌甌洞藁

卷之二十四

八都

物候先從絕域新千花爛熳始逢春朝衣夜起迎三
朔社鼓晨喧侑五辛北望彩雲常捧闕東來青帝儼
飛輪嚴耕野牧蒼生意何得烽煙淨海濱

答劉志仁憲使見懷兼謝雙穀之惠

署閣蕭疎臥海濱故交淪落遠猶親八年治郡無能
事萬里橫戈自病身文穀細雨天女錦瑤篇光奪楚
人珍溫陵此日兵聲緩合向安流繫釣緡

來司理過郡

西來一旅控雙旌海樹翻風帆劍鳴粵磴盤旋雲際
出蠻煙飄忽雨中生傷心羽檄馳關塞問俗單車入

郡城多病故人猶臥閣強持樽酒爲君傾

送劉德甫司理扶輿還吉州

海盡南天毒霧深歸舟萬里繫春陰雲山自暗趨庭
路風木難鳴就養心珍重江鄉孤櫬返虛無陵谷二
碑沈可憐楚客銷魂後攜手相看血滿襟

題鄒太史祠

太史蜀人名智在孝廟以言被譴謫石城
所從事竟卒于官有司至今祀之

梁獄鄒陽解上書一官流傍海雲居虛將彩筆千霄
漢無復青藜照石渠賦鵬湘南年竝少頌鱣門下客

甌甌洞藁

卷之二十四

九都

全疎荒祠斷碣蠻煙裏落日楓林黯不舒

硯洲弔古二首

洲在吳川縣南宋端宗航海駐此崩少帝昺

卽位尋徙崖門爲元兵所滅

一旅南巡瘴海邊孤洲叢嶽繫樓船從容卷土天難
定急難防胡地屢遷丹鳳未傳行在所黃龍虛兆改
元年當時血戰潮痕在常使英雄涕泫然

其二

海門鯨浪吸硯洲諸將當年石蹕遊赤岸至今迷御
輦蒼梧何處望珠丘行朝神樹三千舍故國腥臊百

二州爭死厓山無寸補獨餘肝膽壯東流

謁范學士墓

宋龍圖學士范祖禹紹聖初以撰本朝實錄及諫禁中事被譴貶置化州尋卒葬石龍山

南

出郭平堤曉霧重停車宿莽弔遺蹤林間斷碣題金馬塚上孤雲臥石龍彤管細書今未泯青蒲直諫古難容
難容舊荒寸土千秋骨誰擬行藏似蔡邕

哭王司諫徵久先生二首

神武青春已掛冠東山遙在赤霞端天迴漢史浮湘艇
艇艇洞葉 卷之二十四 十一

棹宅枕春人望海壇大藥虛無金竇息空衣縹緲玉樓寒思君一夜成今古嶺外重雲淚未乾

其二

赤水丹山隱少微釣臺虛借客星輝詞名東海無今昔諫草先朝有是非一刺徃時干倒屣此生何地復
復樞衣桓榮負土尋常事兵革還荒恨未歸

弔吳節婦詩有序

節婦李氏電白吳生士儀妻也生病且死目李氏年殊少屬令善事後人李氏乃涕泣與生訣曰此身誓不歷二庭君有不測以死拘

耳生尋卒未數日李亦從容自經死其家合葬之嗟乎茲奇節哉予既采輿論以告部使者請旌其墓復為此詩弔之

黃鵠雙飛振北林雌雄相失晝陰森一時雨暗崩城淚千古霜寒匪石心宰木似能交總帳重泉猶自合
著簪生芻想像人如玉問俗停車感慨深

發高州諸鄉大夫餞送至里麻蓋予前破賊處也
也怡然有作

羣盜初平淚未收除書遠作夜郎遊無能敢附循良傳欲去仍含喪亂憂戰後郊村餘古木樽前風物似

艇艇洞葉

卷之二十四

十一

并州他時父老應相憶萬里雲山望海樓

三橋驛別諸生

荒村古堞三橋西新鬼夜號猿晝啼楚客長征日黯黯蠻兵乍解天淒淒頻年化俗半章甫萬里傷心多
鼓鼙門下諸生總鸞鶴何人先擇瓊樹棲

發電白范將軍楊別駕攜酒送予四十里野店

中痛醉而別是日颶風

海城亂後天昏客子未別先銷魂霜霧暗驅千層過怒潮橫激三山奔將軍解贈蒯緱別駕重攜樽
木樽中路踟躕日已暮那能執手排入關

送許子瞻使君赴柳州

嶺雲隨客度蒼梧直道無妨再剖符象郡白開秦井
邑蠻荒總列漢輿圖一樽解纜兵聲劇萬里懷人海
月孤報國此身君獨健勿云遷謫是窮途

黎惟仁唐寅仲見過舟中對雨

三月羊城熱已毒海風天末生微涼岸頭忽至問奇
客波上且浮聽雨觴坐挽重溟洗碣石虛愁十日焦
扶桑常從誰獨賦鸚鵡吾意能憐處士狂

遊飛來寺同羅方伯賦

一線江流萬仞山嵐煙迴合隱禪關佛來自擁青蓮

甌窰洞藁

卷之二十四

十二

座猿去空遺碧玉環幽逕薜蘿穿象外上方鐘磬落
雲間波銜片月龍宮吐兩岸芙蓉可盡攀

胡元靜使君梓余樂府詩謝之

弱冠操觚擬斷輪擔囊垂老厭風塵那知合浦還珠
客偏識陵陽抱璞人三歎管弦聲屢變百年山水調
仍新問君何處藏書好石匣雲封恐未真

登芙蓉峯

最高峯峙曲江湄千葉寒光石室披乘興偶騎黃鶴
至放歌聊與白雲期雙流夾郡風雷走萬嶺盤空日
月垂摘盡芙蓉天未暮尋仙又過洗丹池

過韶石作

奇峯歷歷總難名羅列南華萬象驚空谷似聞虞帝
樂斷雲虛帶越王城石帆飄忽開瓊島天柱岿峩壯
玉京舟子不須貪利涉看山入夜旅魂清

度庾嶺

瘴海兵戈歲月深望鄉華髮不勝簪卻從一綫生還
路乍醒三年死戰心驄馬倦馳山忽雨白猿哀嘯壁
常陰嶺頭雲氣迷江界征客勞勞半楚音

徐中丞世寅攜酒枉過章江舟中竟日而別賦

謝

甌窰洞藁

卷之二十四

十三

短棹西浮二水來故人開府豫章臺永冠偃蹇猶經
術干羽從容自異才嶂雨寒生滕子閣浦光促李
膺杯論心不盡江天暮秉燭纔驅小隊回

泊南康

石堤楊柳暮維舟滿目山川是舊遊天墜一星浮古
郡雲將七嶺散中流江邊故老都青眼門下諸生半
白頭景物傍人爭戀戀不妨風雨更遲留

月夜出彭蠡湖

彭湖千頃月中來病客蓬窗起自開五老雲隨舟宛
轉一孤天接水潏潏沙寒忽擁陰山雪風起長鳴大

澤雷身是波濤渾不定放歌回首一銜杯

予自嶺南歸至黃龍江口會汪伯玉司馬顧季

狂山人並發鄂城先後適至蓋萬里不期之

遇也促飲舟中達曙而別爲賦二詩紀之時

隆慶壬申四月十八日

浮海歸舟問故鄉故人何自遠相將一時握手歡如

夢萬里論心醉欲狂江口白波吹楚峽樽前明月下

潯陽林鳥欲起樓船發搔首乾坤意未央

其二

漢水西來蹴萬山黃龍捲雪障江關那知天遣雙帆

旣旣洞葉

卷之二十四

十四

到直爲人從五嶺還書札浮沈兵火後劍光明滅斗

牛間百年今夕且高興明日風塵誰壯顏

題龍沙草堂贈樹德宗侯

豫章臺枕白龍沙夜夜龍光帝子家直取滄江浮几

席旋開赤館弄雲霞詞人入座金樽滿諸從趨庭玉

樹斜情興日隨風景別西園勝事好誰誇

聞肖甫中丞自吳下移鎮金陵遙有此寄

二泖戈船一羽收金陵王氣五雲留山蟠龍虎天兵

合路扼梯航帝寵優白簡先從吳地按絳繡如在

洛中遊燕磯半灣風流過安得同君一泛舟

登澄清閣因簡戰兵憲

閣在蕪陽江上戰公所
爲視水師處

八月秋陰四塞開登樓遠見鄂王臺江連吳楚鏡中

劃雪湧岷峩天上來習戰水軍聯巨艦踏歌漁父送

深杯東南且莫憂羣盜鎮靜今逢叔子才

飲洪濟卿戶曹鳳山亭

鳳山亭子碧雲中遠屋蓬蒿入逕通山疊青螺浮曠

野江搖白練下晴空一樽乘興秋無恙何客登高賦

獨工相望菰蒲家不遠勝遊能得幾回同

登嘯臺在定慧院中

千里江山一坐收異時何客此風流沙邊萬樹浮高

旣旣洞葉

卷之二十四

十五

傳

浪天際孤雲入素秋寺僻斜連邾子邑軒空遙俯庾

公樓醉來長嘯不知處豈必蘇門是勝遊

行次鄂渚遇徐子與至自滇

萬里昆明尺素稀洞庭何自錦帆飛雙星倚劍蒼龍

合八月登樓黃鶴歸老去風霜無息駕夢醒湖海一

沾衣高歌郢曲須君和世上知音有是非

同子與夏口泛月

萬里江光漾白雲清秋泛月此同君仙人樓畔星槎

繫處士洲前雪浪分楚國山川憑縱酒漢宮消息阻

論文悲歌夜發魚龍起那得當時屈宋聞

登黃鶴樓

層樓極目楚天孤，騎鶴仙人漫有無。
城郭幾家羅勝地，江山千載見雄圖。
風生秋水蒹葭亂，日落晴沙鶴雀呼。
白首不禁懷古意，一軒明月坐冰壺。

洪山寺眺望

客到層巒一振衣，江山萬態擁禪扉。
雲平野岸峯如扑，雨過空林塔欲飛。
複道香煙迷咫尺，海宮珠色動霏微。
憑欄不盡三湘勝，長嘯真從天外歸。

過蒲圻訪魏順甫憲使

百里蒲湖一草堂，叩門呼酒爲誰狂。
總緣述作思陶阮，卷之二十四 十六

謝遂恐交遊薄，范張瘴海波濤揮。
淚過青山日月著，書長西風握手成悲感。
明發驅馳向夜郎。

登岳陽樓

高閣層城四望開，洞庭秋色正徘徊。
湖吞九水浮天闊，地擁三巴入鏡來。
赤甲雲生神女過，黃陵日落帝妃哀。
尋源不必乘槎去，直取君山作渡杯。

於信夫邀餞潮音閣

萬里秋風動五溪，空王臺殿白雲齊。
客來蓮葉舟堪繫，僊去桃花渡已迷。
握手故人非少壯，攜樽落日更攀躋。
憑欄醉問黔陽道，悵指蠻煙楚塞西。

行經桃源

天闢靈源一逕通，石林秋色上虛空。
谿聲暗咽秦時雨，村落仍遺晉代風。
千尺藤蘿丹洞口，幾家雞犬白雲中。
相逢野老殊顏色，莫問桃花何處紅。

鐘鼓洞在辰溪西

辰溪之水撼孤城，隔岸空山時自鳴。
誰遣馮夷奏金革，每令河伯猜陰晴。
玲瓏雙竅雪乳墮，突兀一峯瘴生何當挈汝置。
清廟應手復作咸池聲。

馬底道中

武陵西入酉陽關，蜀道何如此地艱。
緣磴屢窮千仞，卷之二十四 十七

石穿雲猶阻萬重山，蠻煙似出瘴帷裏。
亂瀑爭鳴霄漢間，落日雙懸遊子淚。
幾時叱馭好東還。

孫山甫中丞宅道故

壯歲簪貂出總戎，紆籌清切在隆中。
卽看西峴碑重勒，豈是南陽戰未工。
解組尚勤明主問，懸車真與古人同。
却慙青瑣追陪客，垂老無聞自轉蓬。

送滕憲使入賀

牂牁萬里界銅標，玉帛爭馳負展朝。
驄馬好隨羣后入，絳旌先拂五雲飄。
明堂日月新龍馭，率土謳歌叶鳳韶。
爲問遠臣何所獻，只將金鏡比芻蕘。

送王閫帥入賀

閫帥楚人名夢弼常有功於楚

曾將孤軍破赤眉荆南父老識旌麾今看玉闕朝
重譯河用銅標絕九夷白馬盟功無遠近蒼龍化劍
有雄雌憑君一酌瀟湘水爲獻甘泉萬壽卮

謁武侯祠

溪上祠堂背郭成前山如列漢時旌丹青異代俱陳
跡俎豆夷方豈世情七縱不知飛鳥盡三分猶說臥
龍名開來抱膝梁甫隔水西風萬木驚

程太恭

八十以婦節受封

其子程汝見人參

燕喜堂開飲

金章照耀彩衣懸由來黃鵠歌前

甌甌洞

卷之二十四

十八

事都向青鸞詔裏傳玉鏡千秋無改色埤池何處有
真仙請看漢使旌門後誰數當時穆母賢

喜元美擢太僕卿有寄二首

丁年去國已婆娑忽有春風動玉珂六馬前驅天路
廣四門新調主恩多卽看止輦收顏駟何異連城
起卞和詩奏柏梁誰第一明良此日正賡歌

其二

攬轡霜清楚甸寒微車遙下彩雲端天門八翼飛如
夢帝輦羣龍馭正安事定交游無按劍書傳湖海
一彈冠西山未改當時色誰與華陽倚醉看

謁王右史墓

右史故爲郡博雅識予文

銅鼓山前霜露深玄臺白石晝陰陰十年問字三湘
夢匹馬將芻萬里心日落松楸聞野笛風生猿鶴助
哀音行藏差擬長沙傳不必新書重士林

立春前一日問于寶甫方伯病

雪盡春生歲欲除高齋樂餌近何如從他箇裏梅花
落莫遣樽中柏葉虛風景解憐同病客兵戈相傍九
夷居聞君不淺尊鱸興令我顛毛一夜疎

元夕同諸大夫譙劉子元中丞宅觀燈

高館長筵樂事賒春燈焰焰吐飛霞金釐遠駕三神

甌甌洞

卷之二十四

十九

秦
島火樹旋開五色花漏下星辰依客聚曲終河漢倚
城斜千金下夜歡相戀肯向樽前負物華

五十初度有感二首

誰將百篋壯春暉屈指浮生事事違朝野逢人曾按
劍風雲何處可忘機愁心自厭新題賦病骨聊勝舊
賜衣四十九年無寸補豈應頭白始知非

其二

學道無聞歲已深更堪多病未投簪少年虛負凌雲
氣盛世偏孤採日心九土山河經浪跡三朝名姓
老詞林途窮更作居夷客何異當時澤畔吟

初度日家兄遣兩僮適至兩僮並善吹笛聞之

悵然

東風搔首夜郎城一字鄉書百感生侍子雙調雲夢
管當筵忽作鳳鸞聲梅花落盡春難寄律呂和來怨
未明卻是吹塤人萬里關山何處不含情

羊腸坡

風塵何地不羊腸白首孤蹤遍鬼方無奈關山行漸
險可能筋骨老猶強蠻煙咫尺迷初逕怪石周遭倚
大荒欲躡片雲飛楚岫便招黃鶴與翱翔

過山甫書院因贈

龍龕洞藁

卷之二十四

二十 秦

城上諸峯赴講堂如雲門客儼趨躡橫經案倚三辰
屢問道津懸四瀆長冠冕舊通羅鬼國弦歌新滿鄭
公鄉居然坐我清虛府一語無聞百慮忘

石阡道中

斷壑陰崖去忽迷前旌已度夜郎西孤城扼險諸夷
伏一逕懸空萬石躋烽火乍清丞相壘瘴雲曾護謫
仙題逢迎父老猶堪喻莫道窮鄉俗未齊

憩蟠龍山館

空館荒階綠蘚平勞人息馬坐含情案頭山引蟠龍
入牖下泉穿跑犢鳴虛擬脩文回與俗祗從傳食負

平生黔陽萬里驅馳盡何得蠻煙一嘯清

龍龕洞藁

卷之二十四

二十一

龍龕洞藁卷之二十四終

甌甌洞葉卷之二十五

武昌吳國倫著

始安張鳴鳳校
新安方尚贊

七言律詩 八十六首

分署卽事因示諸生二首

華髮滿湘一腐儒 詔從偏國領生徒
署依藏甲巖前石山作橫經帳裏圖千樹
雲霞標古閣八番冠冕視名都
當場卻問諸年少 搦管能言帝力無

其二

豁上春雲擁石關 遠峯羅列鏡中看
窺簾燕雀晴空下 遶閣松杉白日寒
多士漸親都講席 無聞虛著進

甌甌洞葉

卷之二十五

賢冠夷方處 處弦歌發爲報虞廷更舞干

古柏

古柏蒼蒼憲府開 清陰常覆讀書臺
千霜自飽華林色 萬石遙撐大厦材
龍甲參差排瘴癘 鵲巢安穩寄風雷
漢廷朱博非儒吏 列樹朝烏總浪猜

抵畢節

九驛途窮役未停 荒城到客雨冥冥
銅符扼險依三蜀 鐵柱臨關鎖七星
虛擬輜軒能問俗 且隨童冠一傳經
攬衣空館微吟好 郭外羣峯遶案青

在畢節簡沈從善兵憲

百雉城開九驛西 千家黯澹石林棲
觀風漸與烏夷近 辟瘴仍愁赤水迷
首蒼雨肥初縱馬 稻花風暖更占雞
非君鎮靜多籌策 何得夷方息鼓鼙

過層臺驛

野潦奔鳴石逕斜 疎林殘日見田家
編籬半護邛王竹 築塢新移望帝花
荒徼萬山連蜀道 遠人重譯問京華
鄉音斷絕愁如夢 何處風高急暮笳

過白崖驛

驛故河落密地

箐林幽窅石龍從 永日驅馳轍未窮
驛道久通滇蜀使 居人猶雜漢夷風
屋間板屋依雲架 塞外芒山入甌甌洞葉

甌甌洞葉

卷之二十五

雨空赤水寧辭三峽遠 雙魚爲寄楚江東
赤水即赤水 芒部經蜀川 合流入楚

途中得

吳中望憲使書有感却寄

中望名崧家滇之永昌 予同宗也 祖墓故在嘉興城東 書來爲合譜計云

關下仙班夢未回 白頭相望遠登臺
馬經芒部山煙過 鴈帶昆明瘴雨來
萬里論心天咫尺 百年懷土日徘徊
離離高塚紅橋畔 猶是延陵王氣開

九日同諸公宴吳總戎山第

藏甲嚴前萬馬馳 八番秋色出朱旗
黃花細遶山亭

發綺席旋從幕府移門客盡韜蓮萼劍侍童爭唱竹枝辭佳辰況值平蠻後莫厭婆娑倒接離

張道卿使君自雲南上計過貴陽席間賦贈

五馬長嘶輦道遙西南天地倚銅標青囊欲載山川勝彩筆偏臨瘴癘騎夢寐一樽逢異域衣冠萬里蕭中朝趨陪半是新鷄侶誰抱朱弦續九韶

寄全州呂先生

雪盡天空一鴈呼片雲何處是蒼梧湖南風雨談經過嶺外兵戈入夢孤老大未窺楊史宅衣冠殊忝鄭公徒惟應鉅鉅潭前月萬里懸看傍玉壺

甌甌洞臺

卷之二十五

三秦

曾少參自關中致政歸漢上逢有此寄

百二秦關攬轡過清時無奈倦遊何醉看彭澤先生傳歸聽滄浪孺子歌江上水雲高枕足花間日月抱書多兒曹玉佩克庭綵不向秋風理芟荷

黃比部謝獄滇南還京報使賦此送之

夜郎西盡出銅標天圻蘭津萬里橋漢使金雞傳絕域蠻王白雉款清朝星辰曉護單車過雨露春隨絳節遙斗酒河梁傾蓋晚看君六翮自雲霄

聞曾以三中丞征都蠻大捷喜而有寄

大夏虛傳博望侯漢標那得界戎州天書遠授中

丞節露布新分聖主憂赤幟萬山雲鳥合烏蠻夜犬羊收聞君已拜彤弓賜漫擬風人述壯猷

林憲副仲清許少參應衡西巡至畢節各以書來述所經諸衛早曠狀及三月安莊雨雹四

月烏撒雨雪之異殊有憂志愴焉答之

竝轡牂牁問俗行窮鄉四月少春耕不辭瘴癘經蠻府旋紀灾祥問董生赤旱未蘇天雨雹朱明何自雪成雲憑誰敢測陰陽令千里投書淚滿纓

寄懷仲清應衡

夜郎西指管連雲萬嶺盤紆九驛分日落蠻王深閉壘雨來山鬼亂呼羣蠻聚誤擬通秦道鳥語誰諳喻蜀文五月輜軒馳未已瘴煙何處不愁君

甌甌洞臺

卷之二十五

四秦

夏日齋中卽事四首

夏木陰陰覆廣除小亭長日坐披書客緣疎嬾逢迎少年入衰遲夢寐虛關塞總留羈宦跡蓬蒿不讓野人居匡衡遠牒何時解悵指浮雲是故廬

其二

署閣朝來宿霧濃開軒四望失羣峯弦歌自穩居夷調磬折聊爲玩世容古柏連雲集鸛鶴空城積雨鬬蛟龍匡時無力頭虛白薄暮愁聞遠寺鐘

其三

綠蕉新擢紫薇芳
密樹重遮薜荔牆
風雨不知三伏
候星辰疑聚百花堂
裁詩興與高雲動
臥病愁隨夏日長
却憶鍾山讀書處
年來松菊未應荒

其四

吏散庭空鳥雀馴
攬衣將酒酌花神
映堦苜蓿如雲
長遶案前苔過雨
新宦拙敢忘酬
主意途窮難作
問津人且隨物理觀
元化莫遣浮名誤此身

參

六月廿二日大雨城郭受潦有感簡林吳二大

甌甌洞藁

卷之二十五

五

朝雨翻盆暮不休
河源倒入戍城流
千家市隱甌甌
窟列署堂連鴈鷺
洲咫尺可能蓮作舫
倉皇欲藉屨
爲樓何當盡斬蠻雲足
一解三農卒歲憂

寄題陳憲卿職方夏內園

司馬園開江漢間
小從波上疊青山
蓬蒿密擁懸車
臥鷗鷺羣隨拖甕
閒老去丹心仍魏闕
書成紫氣卽
函關月明萬里天
如雪何得扁舟訪戴還

初秋同吳林二大參王僉憲登署閣小飲

莫道黔陽是遠遊
興來長日且登樓
人家半隱巖間
樹風景全分城外
州山氣作雲蒸宿
暑溪聲帶雨咽

新秋樽前忽憶涇川鴈何客能忘萬里愁

答歐楨伯見寄

一失風波萬里餘
十年消息數行書
張審異域迷通
道詹尹江潭困卜
居自是青雲遊子
薄非關白髮故人
疎君今且莫深巖
穴合有新知薦子
虛

將發貴州留題署中

已分孤臣老百蠻
除書猶自發燕關
官同太史周南
寄節似張審異域
還白首從人增薄
祿彩毫隨處紀
名山夜郎臺畔江
如珥別去仍懸夢
寐間

訪陳鳴仲

甌甌洞藁

卷之二十五

六

逢人白眼竟紛紛
耐可南遊一見君
金筑萬山深繫
馬銅崖片石好論
文別來鬢髮看仍
健怪殺林泉謗
未分蘭桂滿庭生
計足乾坤何事不
浮雲

登銅崖

雙江渡頭水磷磷
孤嶼飛卓如有神
天造中流一柱
觀地標何代三銅
人野航送酒小於
葉彩鯨當磯垂
作綸莫道金焦獨
形勝巖山亦自無
風塵

登東山閣在銅仁城中

東山突兀雲爲巔
百雉參差雙練懸
入寺渾迷上下
界倚樓欲盡西南
天江光倒浸九華
玉石甲紛披千

葉蓮叶曉春解飛動誰當坐嘯清蠻煙

平溪病懷

南遊莫道武谿深天入平谿更毒淫巖石小開鼃鼠
徑箐藁幽結鷗鵠林霜高楚塞青楓亂瘴擁蠻山白
日陰逆旅病軀搖落候無端風雨促歸心

次辰州胡大參邀宴席上賦贈

沅陵故是黔中郡保障新分楚上游雨閣浮煙千堞
暝風江落木萬家秋名山逸典君應訪梁王解賦云
訪西陽之逸
典永夜清談客自留塞外苞茅都職貢不須銅柱扼
邊郵

甌甌洞藁

卷之二十五

七

萬

過安鄉逢沈伯成明府有感因贈

經過茂宰分符地忽憶參軍請劔年一死終回明
主聽孤忠翻藉佞臣傳却看膺火燃西市遂有天書
錄後賢君父恩離千古事斗光猶自壯龍泉

大司徒方公少司徒姜公自巴陵攜酒枉過城

陵舟中見訪時方年八十七姜年六十八矣

周室興王二老尊楚鄉高節兩龔存人朝並握司

農計歸第猶銜賜杖恩忽枉巾車來浦口還疑飛

鳥自天門樓船坐攬三湘色鶴髮相輝照玉樽

江上哭魏順甫二首

蒲洲分手未三霜尚憶題詩月滿堂厭世孤踪隨幻
化懷人萬里泣瀟湘青編未就兒能續時編楚
志垂成綠綺
無聲客自傷俱人琴亡事江上風高羣籟發總如聞笛過
山陽

其二

與君同奏帝京篇並馬燕臺少壯年假寒三朝
空彩筆酸辛一別竟黃泉漢庭詞客爭為誅楚國諸
生解守玄灑淚招魂搖落後江聲嗚咽到新阡

趙良弼中丞招飲江漢樓作

官閣新成楚望偏舳艫銜尾障晴川由來南郡登高

甌甌洞藁

卷之二十五

八

萬

處絕似昆明習戰年萬里天浮江漢入雙城地夾斗
牛懸元戎不淺匡時意醺酒重歌寶劔篇

陽春園同趙中丞賦

別圃張筵景物新萬山搖落此陽春亭街返照歸黃
鶴沼泛晴莎戲錦繡幕下總無彈劔客國中誰是和
歌人不緣大雅思同調那得疎狂晚見親

將赴大梁答元美促駕之作

開府臨戎汗馬頻書來猶問倦遊人梁園花木春相
待楚國風煙病正新老媿無才克屏翰窮憐知己曠
多虞巡更策中原駟執轡何當遇所親

以詩代書爲張助甫勸駕北上

張翰歸來歲已深著書長日閉雲林 清朝屢下思

賢詔皓首寧無戀 關心郢里陽春懸想像平輿月

旦總銷沈詞臣漸有彈冠色不必重爲白石吟

朱僊鎮謁岳武穆祠

古殿蕭蕭汴水東煙沙四塞起悲風可憐痛哭班師

地尚憶長驅破虜功芳草何曾歸御輦遠村猶自隱

離宮生前不睹中原復遺像千秋恨未終

初入大梁喜雨有引

大梁不雨已六月人心閔旱爲甚適予入境

瓶瓶洞藁

卷之二十五

九

未至三十里而大雨膏塗田野沾足父老迎

謂予曰此隨車雨也則何敢當特爲父老志

喜耳時萬曆三年正月晦日

朝來一雨蕩郊墟父老扶攜問使車長隴黍苗枯乍

醒古堤楊柳綠初舒旋生野水衝平陸驟結春陰爽

大虛天意物情殊不偶無煩竹馬重憐予

至梁邸二日即有成臯之役吳鮑二方伯枉餞

西城樓席上賦謝

停驂幾日又西征攜手登樓感慨生碧草春深隋帝

苑黃沙夕擁魏侯城十年河嶽重爲客千里風煙一

望京岐路縱橫傾蓋晚物華樽酒倍含情

同徐行父按察行經虎牢關有感

竝轡荒郊攬物華春風何處足桑麻孤城北枕嶺關

險斷壁中懸汜水斜野戍重開新戰壘穴屠曾是古

田家一區楚漢爭雄地雞犬無聲自落花

凌少參惟和宅賞海棠

仙署名花海國移半開風雨倍含姿紅妝向客寒猶

膩翠幔留春豔不支款側漫同妃子醉婆娑解乞沈

郎詩梁園多少青陽景妬殺君家赤玉枝

渡河

瓶瓶洞藁

卷之二十五

十

黃河新水漫平沙一葦中流四望賒三晉天隨波震

蕩大梁隄逐岸橫斜尋源未遇支機石奉使曾如博

望槎來往不辭津路險北風回首鬢雙華

衛源同胡少參茂中王僉憲予卿登樓

南來匹馬駐朝歌風雨登臨奈興何別苑傷心梁棟

宇層樓極目魏山河近人春色孤城浦倚檻浮雲萬

里過握手 三朝同病客且憑卮酒慰蹉跎

行部睢陽未得遠見故人李子中賦此寄懷

隕石河邊復問津梁園花鳥亦情親彈冠白首逢新

主伏枕青山憶故人萬里形容驚夢寐十年裘馬過

風塵那堪寄過班荆地一水相憐鬱未伸

哭同年魯朝選

漢家文物總雲蒸經術誰如魯叔陵河嶽萬靈鍾後死圖書千古屬中興窮依老母形相弔病擁孤兒襁未勝把臂空聞知已託綈袍蕭瑟涕如繩

張天光大參園同諸公宴集

十畝新營百卉移主人猶是黑頭時茹垣靜遠棲雲室野水潛通浴鶴池鳥度落花催進酒月來脩竹擁題詩繁華莫問梁王苑醉看明河倚戶垂

潁川書院卽事

甌甌洞藁

卷之二十五

十一

九曲漣漪十畝宮開軒宛坐錦雲中參差古木陰長日旖旎新荷動晚風龍去獨留荀氏里鳳來曾紀漢時功山川今昔無常主聊倚荒臺一望嵩

成臯道中

廣武山前多戰塵經過千載一傷神那知鹿死鴻分後尚有巖耕穴處人磴道懸從空外曲林花暫向雨中新古來扼塞誇三晉徒使英雄感慨頻

白松和吳京兆子彬作

松在密縣天仙宮不知幾千歲相傳軒轅氏三女葬此因化爲白松云

松標歲月深葦宮寒色晝森森龍文細結清霜老鹿尾高懸赤日陰二室迴疑開雪嶺三花遙復妬珠林由來帝子顏如玉詞客偏含萬古心

喜敬美擢尚寶

病起還京又十年郎曹白首一推遷焚香夜直彤扉裏奉璽宸開黼座前綸綍九重雲漢落龜龍千古帝王傳況逢明主脩文日誰道詞臣雨露偏

聞歐楨伯擢國子助教喜而有寄

一官淮汝坐如水何意天書晚見徵上國諸儒多異等聖朝詞客有同升子雲寂寞經堪授方朔談諧

甌甌洞藁

卷之二十五

十二

栗漫增駕幸辟雍時召問好陳三禮答中興

答康裕卿寄懷

莫怪頻年信使稀病夫常與世情違浮雲託足知南北白首論交儻是非絕域有懷驚伏枕中原相望忽沾衣千金一骨空燕市那得康郎老未歸

梅給諫隱居宛溪題其所居樓曰天逸閣賦此

寄贈

梅福尋仙去不回卜居深傍宛陵隈高眠自覺清冷閣遠眺常呼濁酒杯千澗瀑流桐汭合萬松雲氣敬亭來廿年青瑣無懸壺抱真從物外開

月夜渡黃河寄別藩臬諸僚長

兼天白水靜無波使者嚴程戴月過萬里煙光澄玉
宇片帆星色倒銀河懸心魏闕還如夢回首平臺一
放歌旅鴈忽驚沙是雪羣呼此夜奈愁何

入賀抵京敬美過訪席間見贈二章賦答其

一

白髮驅馳入帝州五陵佳氣鬱清秋永冠萬國瞻
新主岐路三朝問舊遊入坐星辰開黯澹劇談風
雨佐淹留那知未拜黃金賜明月雙珠早見投

敬美再過

龍龕洞藁

卷之二十五

十三鄧

鹿苑疎鐘動晚晴叩門還駐玉珂聲王猷不淺山陰
興季重寧忘鄴下盟玩世文章空老大愁人車馬自
縱橫惟應萬里清秋月獨向華陽社裏明

丘謙之歐積伯康裕卿同敬美見訪

去國重來十九年何如典屬更朝天艱難友道無新
故珍重詞名有後先白髮五雲驚鷺侶清霜八月壯
龍泉漢家薪老猶堪積莫歎揚雄賦不傳

送袁進士出宰黃巖

何哉海內好奇客領邑天台鴈蕩間拂案縱橫飛紫
翠染毫清切墮潺湲偶從孤鶴尋僊去便御雙鳬謁

帝還不信當年謝康樂肯將詞藻負名山

與楊運卿大參言別

幾日同君謁帝歸金莖露下覽朝衣無妨潦倒仍
藩服尚憶追趨自瑣闥馬上月明雙杵亂鴻邊霜老
萬楓飛中嵩只尺秋陰裏攜手相看到夕暉

登真定城樓有作呈孫中丞

左翊城臨燕趙開帝京雲物此徘徊飛來北嶽峯
頭石藉作潭沱水上臺三輔雄圖森帶甲九邊戎檄
走風雷天驕不復覩河朔始信安危仗異才

還渡潭沱見兩木橋垂成喜而有作

龍龕洞藁

卷之二十五

十四鄧

檐帷九月渡潭沱忽有雙龍偃大波自是梁成周道
廣不須冰合漢功多橫空欲助常山險轉木疑聞瓠
子歌却怪神鞭鞭石去蓬萊咫尺未曾過

過鄴弔謝茂秦山人

幾渡漳河不見君半生消息旅中聞談詩夢老燕山
月鼓缺歌寒鴈塞雲四壁琴書留慘澹諸王恩禮罷
殷勤誰移一片韓陵石爲汝重題處士墳

還過河北寄懷胡茂中

征塵暗滿鷗鷺裘何事周南更滯留馬上太行千里
三霜前楓葉兩河秋逢人京國勢相問垂老江湖自

遠遊虎觀只今虛講席漢家經術定誰優

送兒無忌還楚

千里趨庭自故山嵩雲聊結舞衣斑不愁文字驚人
晚尚憶桑麻卒歲艱朔氣已深三雪後鄉心猶滯兩
河間明年花發滄浪浦爲報而翁叱馭還

其二

京洛遨遊歲已寒聽鴻猶自憶江干披書白屋分陰
重策足青雲尺步寬伍子城頭疎古木鄂王臺畔長
幽蘭吾家世業韋編在莫作東鄰敝帚看

答李伯承符卿寄懷之作

擬蘇洞藁

卷之二十五

十五

傳

爲憶先朝尚璽郎承恩清切殿中央朝回竝倚
燕臺醉賦就偏知楚客狂一別關山勞夢寐半生書
札慰風霜由來濮上垂綸處雲水千秋傲吏鄉

行經順德有感再哭于鱗

乘輅憶過古邢州下榻高齋十日留詩挾大行高自
許酒如漳水濁同浮中原一散登龍客北道誰堪竝
馬遊風雨欲裁思舊賦不聞鄰笛也生愁

聞袁履善被譴罷歸華亭

秦楚孤踪世已疑上書梁獄更堪悲文章湖海虛千
古冠蓋京華自一時歸去夢魂醒鳥道臥來雲物妬

鴟夷秋風落葉平三泖處處蘊足酒卮

陳州除夕

雪後探春春較遲他鄉歲月湊推移燈花作蕊窺蓬
鬢柏葉無情傍酒卮北斗常懸丹鳳闕層冰初解白
龜池羲皇臺畔聊欹枕不遣風塵到夢思

元日太康道中

宛丘椒花不成頌陽夏柳葉難爲春移家兒女更離
索畏路衣冠徒苦辛元日詩從旅食就百年愁積顛
毛新股殷村鼓發何處馬上逢人非所親

人日大雪集灌甫宗正第同孟中丞王員外陸

擬蘇洞藁

卷之二十五

十六

傳

使君賦

薄暮衝寒雪興饒中原人日美人招不煩剪綵供娛
樂已見飛花破沈寥賦簡誰爭梁客勝舞筵疑助洛
神嬌白雲擁坐春無力何處東風吹玉簫

同徐行父訪黃鳴臯庫部北園小飲

茅堂竹塢靜連漪永日開樽席屢移客興偏濃垂暮
景春光已足未花時蓬蒿二仲元無約魚鳥三川此
更宜便好門題司馬里不妨軒冕結幽期

李應元通政園亭同行父鳴臯小集

貞郭煙扉一逕除問君何事早懸車怡親日捧延年

秋學道新栽種樹書棚布青林仙侶集樽開綠野

帝恩餘繁花競奪梁園勝只媿當筵賦不如

訪同年劉子旭少卿隱居雍丘時年八十矣

白雲高臥古雍丘靜裏真堪散百憂謝客嬾題脩竹

賦罷侯先遂赤松遊僊家日月行能駐宦海風濤涉

未休屈指同袍多汗漫一樽何惜爲君留

淮南招過東陂書院值雨同徐行父陸道由賦

分得家字

三月梁園處處花雨中幽意只君家藏書壁擁雲煙

細讀易臺臨象緯斜石逕莓苔沾蠟屐陂塘鷗鷺狎

甌甌洞藁

卷之二十五

十七

浮槎十年潦倒重游客漫引清樽送物華

劉太史子良奉使周藩枉過署中卽席賦贈

絳節遙遙御氣通周南湯沐主恩隆三花岳吐詞

臣錦九曲河榮帝子宮地攬圖書京洛勝盟懸帶礪

古今同開樽不淺江鄉思野調慙予和未工

送徐行父入賀兼考績

入洛才名客漫傳驂驛五馬更朝天言隨嵩嶽三呼

後再獻幽風七月篇玉燭光中承御氣銅盤露下啓

僊筵千官盡拜黃金賜泰結誰方孺子賢

夏日同淮南宗正撫胡茂承訪道由千西莊席

問分得樓字

請老從容卜菟裘倚雲新築貯書樓綠陰靜抱隋隄

曲紫氣晴分鄭圃幽旋啓蓬蒿來二仲細馮樽酒話

千秋梁園自古豪華地不奈黃河日夜流

在鄴送徐懋弘戶曹北上

司空有子司徒屬許國承家意未輕執策敢虛錢穀

問攬圖先識吏民情誰嘲白面無能事不忝清朝有

令名北道主人何所贈太行峯色染行旌

成臯王西園宴集

綠蘿山第白雲扉五月邀賓坐翠微橋石似從洹水

甌甌洞藁

卷之二十五

十八

躍林煙欲挾太行飛風生錦障吹陰雪花簇瓊筵駐

夕暉最是王孫幽意愜酣來猶自詠無歸

客有遊黃華山者圖黃華之勝併錄紀遊諸詩

謁予予止而觴之有贈

何處名山抱古臺三峯好在五城隈雲隨客子扶筇

到月自仙人掛鏡來黃華絕頂開卷已疑當絕景把

詩聊復助深杯玉龍噴雪應千尺山有瀑布從洞六

月寒光遶坐回

寄勉無忌

楚塞春寒鴈使遲梁園景物繁離思行藏未信家林

卜作述聊存腹笥遺五色雲光開曙闕九天風翮待
秋期請纓自是男兒事肯負文明最盛時

沈肩吾張明成二學士攜壺見訪席間賦謝

僻巷逡巡駐玉珂西清學士晚相過樽中八月新豐
酒月下千秋大雅歌稽古正逢明主好薦才其奈
遠臣何歡言永夕難爲別岐路輝光一顧多

答余伯祥太史見贈

東觀圖書氣象新立談岐路偶情親新知敢自稱同
調大雅從來屬異人青眼世途看易變白頭詞海悵
無津新詩感慨偏投我趙璧隋珠總未珍

甌甌洞藁

卷之二十五

十九

秦

甌甌洞藁卷之二十五終

甌甌洞藁卷之二十六

武昌吳國倫著

始安張鳴鳳校
新安方尚贊

七言律詩八十九首

登鄴城西樓

魏城西擁太行山千堞紛披紫翠間雲氣自浮三晉
合瀑流分瀉二漳還苔碑久蝕殷亡壘黍隴全荒鄴
故關指點黃華僊隱處幾時乘興一躋攀

同王兵憲過訪仲佩王孫夜談

爲憐公子能幽僻薄暮招攜竝馬過小閣藏書雲氣
濕空庭隔竹雨聲多未妨揮麈排高論且復停觴聽

甌甌洞藁

卷之二十六

一

園

雅歌銅雀九華俱泯滅清風千古自西河

暮入淇縣

素餐無力補旬宣日日車塵孔道偏看竹已非淇水
舊陳詩猶憶武公賢遙山萬木低殘照亂堞千家起
暮煙只喜郊原新雨過晚涼高枕月華眠

喜鄭王復國

嘉靖中王以疏請立儲被譴失國幾二十
年

穆朝即位特詔復之

光朝抗疏擬通親逆耳真同犯逆鱗一日漢家成霸

翼廿年梁邱發荆榛匡時力藉河山重復國恩偏九
杖新歎息三仁無寸補何如聖代有宗臣

鄭王召宴呈謝一首

別殿清涼錦樹遮長筵新啓面繁花分封禮樂周宗
國食邑山河鄭世家歌入苑園翻作雪香飄蘭坂結
爲霞王門禮客殊珍重十乘珠光未足誇

王予卿僉憲邀遊王屋李子華劉元善二山人

從之發單懷道中

萬木迎秋暑乍清西山作伴好西行寒帷宛轉雲霞
色露冕逍遙水石情客有布衣門下重詩馮彩筆夢

龍龕洞藁

卷之二十六

一陶

中驚陽臺合是逢仙路一夜天關紫氣生

次濟源有作簡予卿

老去看山猶是癖人言王屋小天台孤城地接西壇
勝二濟泉分太乙來載路煙塵清駐馬隔林風雨妬
登臺明朝擬破遊僊夢萬仞峯頭一舉杯

度猴嶺關

邑志猴嶺俗呼齊嶺皆誤

複嶺重關鳥道通孤軍遠扼萬山雄村煙不散狙猿
麓烽火全銷虎豹宮客到雲峯天混合寒生石峽雨
冥濛當年困驢長鳴處尺步迴迴九折同

雨中王謝二君載酒登山飲紫微亭作

只尺仙壇白霧遮青林一雨散天花瀑流爭迸山門
落嶺樹遙支閣道斜欲挾風雲爲羽翼翻愁日月閱
精華天壇前有山飄然二客攜壺到痛醉看山興未
涯精月華二峯

紫微宮聽劉元善彈琴

元善江陵人

尋真遠抱嶧陽桐促軫調弦石室空霞曲似聞神女
操雪歌元自郢人工龕香結霧團芝蓋礪玉鳴泉墮
蓋宮山水故當幽絕處知音千載竟誰同

予卿偕二山人夜過紫微方丈談玄

羽化煙蘿不記年紫微宮闕片雲懸金光自照虛無

龍龕洞藁

卷之二十六

三

傳

境玉筍仍藏小有天白鶴騎來吹笛過青精飯罷枕
經眠同遊竝是逍遙侶問道誰應悟上玄

初秋入歸德新署作

三伏炎蒸一雨收萬家城郭暝煙稠盧門勝地開新
府菟苑遺民識故侯經術尚堪持保障使車兼得借
遨遊登臺欲極中原目古木風生處處秋

贈別胡茂承

挾刺昂藏鳥角巾談鋒嶽嶽未言貧三川得客名相
重一日論交分已親暮雨關山留下榻秋風江漢憶
垂綸平臺送遠驚搖落醉聽勞歌亦愴神

梁閣夜分閱諸生入試有作奉簡同事諸僚長
河漢森沈夜未央參差庭燎萬星光儒臣竝擁三經
案多士爭馳六藝場宛國霜蹄輕蹀躞南冥風翮信
翔翔何人更擬凌雲賦好爲吹噓到玉堂

明遠樓卽席有作呈趙侍御

白簡掄賢桂殿開如雲經術擁平臺馮軒一候衣冠
氣推轂能無將相才萬里星光騰染翰千門月色佐
銜杯洛陽年少如堪薦何異明珠赤水來

在歸德有懷門人周象賢時象賢客襄邸

攬轡重登梁孝臺渚鳬洲鶴自徘徊名園共汝論文
傳

卷之二十六

四

傳

後脩竹何人授簡來楚邸王侯爭問業習池風物且
銜杯清秋蠟屐陵玄嶽萬葉芙蓉天際開

抱甕亭爲樹德王孫題

憶我肩輿過辟疆逢君抱甕反柴桑畦分菜甲如雲
長砌遶蘭芽入雨香白石憑爲高士榻青荷集作美人
裳相看到老無機事不必支離學坐忘

贈徐子言兵憲

子言家京師弟亦進士

長安節俠羽林豪何客相逢識佩刀只怪君家雙鳳
起偏依帝闕五雲高行營直取嵩淮壯盟府應書
保障勞握手劇談終止銳黃河差足釀春醪

來爽臺爲同伯王孫作

石檻懸馮二水涯層臺新敞楚章華窻衙西嶺僊人
氣景接南州孺子家萬井煙光澄落照一樽潭影過
飛霞懷人欲寄登高賦極目風江去鴈斜

寄訊徐伯繼給舍左遷

問訊中朝徐給事如何被髮走江干移官不是君
恩薄去國聊從友道安梁獄上書人竟遠荆山泣玉
淚猶寒向來攜手歌燕市多少風塵側目看

寄題潘時良中丞留餘堂二首

天目高臨棟宇開飛流遠掛讀書臺人傳萬石家風
傳

卷之二十六

五

舊地表三吳淑氣來鍾鼎故存盈浦戒箕裘偏擅古
今才誰云造物窺多取累葉光輝燭上台

其二

綠野堂非畫錦同雲川雲水抱空濛請看于氏高門
後曾比樊侯樹漆功梓里德星冠蓋集蘭臺鄉夢薛
蘿通知君不盡乾坤意許國承家一素風

送李子華還姑蔑

方外論交忤白親人間多少白頭新十年風雨重聯
榻二室煙花漫卜鄰病骨龍鍾詩態好藥囊蕭瑟酒
杯頻飄然又泛桐江去爲挽長虹繫釣綸

張廷芳太史扶持太夫人過里稱壽事竣還京

詩以送之

闕下新辭供奉班
板輿親導洛中還
嶽雲自獻三花瑞
宮錦何如五彩綢
經席此時虛虎觀
藜光遙夜燭燕山
看君載筆趨丹朶
誰道龍鱗不可攀

送周子明方伯入覲

洛邑垣開天地中
經營千載更周公
山河拱翊圖書府
城闕因依漢魏宮
詩采二南無異政
聲流四嶽此同風
明堂輯瑞君先入
合有玄圭寵上功

劉正言方伯入覲過鄭有作見懷悵然寄答

觀醵洞藁

卷之二十六

六

萬里熊轡入帝畿
前旌尚揭海雲飛
懷人只尺書能到
握手從容願已違
紫極星文開佩劍
黃河雪色上征衣
平臺北向空搔首
幾處勞歌送夕暉

東圃訪王希程中丞留贈

東園百畝中丞里
種樹分畦間雜花
亭徑雨滋苔蘚合
井欄晴繫桔槔斜
懸車靜對三生石
煮鼎時餐九色霞
鄭圃山來多異蹟
不須方外覓仙家

許昌除日有懷寄鄭邦用方伯

八蜡遺風故潁川
白頭明日又明年
南皮落月憐吳北
海春星憶鄭玄
柏葉椒花人自媚
闔關楚峽夢

相牽如何尺寸論
心地尚使郵書隔
歲傳

人日同張僉事集潁川書院試春

雪後春生萬象蘇
東郊鼓吹徹西湖
冰開曲水魚新躍
日射平林鳥競呼
花勝不煩驚旅鬢
菜盤聊復醉行厨
潁川故是農桑郡
三老猶傳漢大夫

訪張鼎文山人留贈

山人吳興人寓陽翟年七十妻子都無

自昔逢君畏白頭
祇今頭白總忘憂
百年韋布昂藏過
二室雲霞汗漫留
門客歲時供井臼
故人書札問箕裘
尋仙最是無家好
只少崑崙馭鶴遊

得放南還

觀醵洞藁

卷之二十六

七

三徑荒蕪有所思
候門童稚若爲期
微名道路虛相誤
浪跡風雲久自疑
只惜壯心空許國
敢言直道未逢時
滄浪一水今千古
清濁惟應孺子知

城南飲餞賦謝諸公

披衣南望旅鴻過
遠向江潭集芰荷
不見陰氛迷白日
肯容舟楫濟黃河
風塵自恨歸來晚
車馬何當出餞多
去住相看成一笑
春雲蕭瑟傍驪歌

晚渡樊口

一羽風帆載浪輕
樊山遠帶夕陽明
江迴伍子蘆漪渡
石抱孫郎鄂縣城
去國身隨沙鳥泛
行歌興逐水

雲生翻愁澤畔逢漁父鼓枻重來銷獨清

鄂縣逢伍從事邀飲北城樓道故有感伍子故

爲新會令予遊嶺南時識之今謫楚從事而
以攝事在鄂予歸適遇焉亦奇會也

大方故識神明宰鄂縣重逢豈夢思百雉新成江上
一樽同作月中朗白雲漢水浮天過芳草樊山入
空歌宣室幾時還賈誼長沙西望不勝悲

仲美以擇冠見遺賦謝

一謝朝簪萬慮寬美人持贈竹皮冠龍鱗乍解雲偏
細鵲尾新裁露尚寒白首自驚玄武象清時虛擬惠
甌甌洞藁

卷之二十六

八

文彈江行更結芙蓉佩恰好同君繫釣竿

喜楊仁甫使君至自京

三月承恩 帝里回萬家春色楚雲開 朝廷故重
親民長郡閣寧虛臥治才正好鶯花江路滿爭迎竹
馬使君來狂夫已結羊裘侶敢擬軒車問釣臺

同家兄阮庭中芍藥

紅藥初花已暮春巧持春色媚歸人重英細吐丹雘
豔紫萼濃含白露新豈向廣陵移地脉故臨湘水發
天真風前十日騎雙朶把酒還堪慰所親

李忠卿憲副見訪山居

一壑高眠嘉樹林衡門春老雀羅深卽看長者迂停
轍豈必人間舊盍簪石竹始花風細細庭柯接葉晝
陰陰自調鮭菜供清酌秉燭重聞大雅音

送李忠卿督學河南

忠卿歷守松江延平武昌
三郡今始得調

何人不識使君賢直道江湖十九年褒績 詔從三
郡後采風行自二南先鄂城細雨沾飛旆嵩嶽高雲
覆講筵爲啓圖書千古闕莫令司馬賦空傳

買茉莉

南海家家西域香花時曾醉鬱金觴山中買植驚如
故石上回看喜欲狂密蕾競含晴雪吐茂藂新結蕊
甌甌洞藁

卷之二十六

九

珠芳澧蘭沉芷無相訝並爾聊克處士莊

答元美中丞見懷

洛下歸來漢上耕尺書千里重含情煙霞却借中山
謗金石誰堅息壤盟采采芙蓉孤鶩沒盈盈秋水片
雲生相將遠泛山陰棹一飽君家蓴菜羹

答敬美少參見問

垂老風塵幸息肩一區聊結靜中緣始知石爛終長
夜誰俟河清更百年僻地雲霞高自許故人書札遠
相憐莫言楚客歸無事常恐三閭賦獨傳

夏夜同方山人進艇南谿

谿上羣山望漸遙月中漁唱引鳴橈疎螢點岸星明滅
息鳥驚櫓夜寂寥野性從來安水石時名虛自薄
雲霄遨遊更挾清狂侶不減豪梁數見招

聞仲美與他客先遊鳳樓因走一詩約之再往
百里移舟訪洞仙林扉咫尺隔風煙總知巖穴無今
古不分登臨有後先蠟屐想能窮勝蹟絺衣遙自怯
飛泉明朝擬作靈山主爲爾重開大有天

訪徐處士因贈

短棹西浮百里餘谿山宛轉綠雲居石門松柏陰長
夏花塢煙霏接太虛愛客淹留徐孺榻傳家安穩鄴

瓶瓶洞藁

卷之二十六

十

方

侯書素封千畝風塵隔肯向人間更曳裾

夏日陪楊仁甫使君重遊鳳樓洞二首

爲訪名山起振衣遙從五馬過如飛鳳皇無復棲丹
穴泉石居然表翠微疑是幻來形屢變不應重到境
全非陰翳忽閃靈幢動六月清霜滿洞扉

其二

秘洞逶迤萬象涵然犀深入共君探霞飛欲墮僊人
掌髓滴將盈玉女潭半壁雨暘懸世外一區靈勝甲
江南屋前有客能供酒好藉煙蘿與盡酣

郭篤周憲使過飲大雅堂有作屬和

五月寒生鄂渚東千山雨色此堂中老夫何德宜歌
雅使者茲行定采風苔跡漸侵圖史案芳香偏結蕙
蘭聚不妨麝櫺延心賞只規陽春和未工

郭憲使招飲公署時久雨江漲憲使有憂色席

間成詩因和

孤城積雨暗江天憲府清疎辟暑筵雲濕似將神女
過漲高疑與渚宮連渚宮在洞庭湖偶從鳴鼓占新霽且縱
深杯散晚煙醉裏聞君歌古調感時應共百憂懸

江漲後汎舟

積雨初收爽氣偏孤城面面水雲連移舟泛月菰蒲

瓶瓶洞藁

卷之二十六

十一

漢

外把酒聞歌鷗鷺邊漲湧羣山浮絕岸江吞萬壑浸
遙天飄飄宛入空明境直取銀河傍枕懸

年家魏均可茂才自蒲圻見訪

六月炎威鬱漢濱掩關猶自畏風塵那知桂棹能乘
興不減桃源又問津去國已甘弘景辭通家誰似阮
咸親論才故是青雲器入坐談鋒捷有神

答吳求叔見寄

懷中白壁未投人千里裁書意獨親若道吾宗無季
子誰令楚國有陽春經營漸老三都筆婚嫁寧羈五
身招隱詩成高興發可能無意訪垂綸

黃元相山人以近詩見示因寄

青山安穩布衣名白首猶堅好古情引去欲從河上
老游揚曾藉濟南生新詩寄我傷同調舊業違時見
獨清解道聖朝嚴穴重祗今誰問鹿門耕

秋日同仲美暮登顏子山觀

天削三峯天外開振衣千疊暮雲來真師已去猶荒
觀落木無情自古臺夜靜鬼吹陰火綠秋清猿嘯谷
風哀石牀苔蘚誰爲掃一枕松濤萬壑回

與仲美飲林間

舍傍三徑白雲平一入秋風萬木清穿竹已成逃暑
處甌洞藁卷之二十六 十三

社撫松尤愜賦歸情佳賓不去非耽飲野老相過只

問耕自是聖朝優嬾拙肯教華髮困逢迎

答子與方伯見問

一騎山中問掛冠林扃初啓石蘿寒蛾眉老盡難銷
妬鳥道歸來始就安八月芙蓉分雜佩三湘雲水狎
漁竿廬峯九疊蟠江介那得同君倚醉看

訪熊惟登隱居

雉水移舟入谷斜雞山迴合是君家垂門雨碧新篴
籜隔圃風香晚稻花土俗尚餘荆楚朴庭光更藉水
雲蒼崖間古木高千尺好與飛觴送落霞

寄懷余德甫

青山一日謝朝紳野服偏裁薜荔新玩世何如巖下
老息機真作漢陰人年來風雅蕭條盡目極關河問
訊頻楚水東流無日夜思君那得不傷神

同俞敦甫遊戎湖洞

曲水平波三十里迎船山色故清秋巖端佛座諸天
逼洞口僧房萬竹幽石乳纏綿陰雪墜空香飄忽彩
霞流俞郎雅識登臨趣載酒從予到上頭

登蠻王岩

突兀不知何代壘相傳曾此駐蠻王羣山霧帶旌旗
甌洞藁卷之二十六 十三

影萬石星流鎧甲光風氣久開秦井邑土人俱習漢

儀章登來欲挽長湖水一洗蠻雲護帝鄉

故人張羽王自京兆謫判吾州八月適至相見

悲喜始不勝情賦此慰之

爲憐幾日張京兆謫宦南浮漢水涯宣室鬼神疎賈
誼郡城卑濕近長沙重逢白首驚相慰恰對清樽款
自嗟詞賦古今愁物色肯將鸚鵡向誰誇

答方生聖休

漂泊奚囊一羽輕少年那得遽藏名天涯旅思孤雲
色澤畔漁歌萬古情鸚鵡向來悲處士麒麟終自薄

書生東歸若過懸車里便與同舟訪赤城

羽王見過草堂席間竝賦

不信風塵行路難登朝幾日又江干故人高枕殊無恙濁酒盈樽且自寬斜日遠銜山堞暝幽花密照草堂寒悲秋正爾逢搖落莫怪鷓鴣息未安

羽王攜酒東署見招

晏坐秋陰百卉迷何期折簡叩幽樓官非彭澤先生隱酒似潯陽太守攜古柏近人涼雨散遙山入署暝雲齊過從暫解風塵色莫道城烏子夜啼

訪盧天教山居

甌甌洞藁

卷之二十六

十四

芡熟蒲荒野水濱山家秋色晚逾新十年汗漫還初服一壑蕭疎見故人進食豈妨雞黍薄藏書不解布衣貧舊交零落猶健短棹重過肯厭頻

潘時良中丞自豫章遣使問予山中寄謝

竝馬當年客帝鄉放歌持酒若爲狂別來容鬢三朝換歸去關河五夜長鴻鴈忽傳南浦信蓬蒿新啓北山堂思君只尺瞻牛斗紫氣猶含萬里光

門人黃坤自南康過訪因贈

不見黃生二十年歲時搔首望江煙匡廬迥隔孤雲外短棹何則一水前斗酒論文猶慷慨公車薦上

連遭及門諸子離羣久獨有侯芭守大玄

秋日約訪元美吳中因病未果先賦一詩報之

東望三吳思欲飛客星遙夜落漁磯已拚巾舄從君逝無奈關山與病違秋水故停蓮葉舫暮雲常襲芰荷衣明年花滿長洲苑握手看春醉不歸

楊範之少府過訪南莊

秋盡山寒萬竹青開軒野色畫冥冥三湖水遶雲林落百里舟如雪夜停却老似聞金鼎訣登高獨悟錦囊經少府善談世興且拚生事杯中了莫遣人窺處士星

侯欽之憲使枉過草堂

甌甌洞藁

卷之二十六

十五

日暮山城驄馬來荆扉旋掃白雲開庭柯宛轉延飛蓋籬菊蕭疎佐舉杯重鎮喜瞻羊祜節雅談親接庾公才酒酣漫賦新知樂小隊從容踏月回

和羽王重陽前一日登太平山見寄之作

太平山色斗牛旁有客攀躋度石梁采菊似遺鍾太傅佩萸曾學費長房亦知臥病人垂老猶有登高興未忘詩句不禁搖落思更堪風雨妬重陽

方聖休至

十月煙霜滿客裾江潭鼓枻問三閭探奇不著陽臺賦好古應傳禹穴書綠鬢遨遊非汗漫紅塵笑語亦

清虛山中小結雲霞侶五嶽何須有定居

答劉子成中丞見訊

一徑幽棲長薜蘿書來猶自惜蹉跎青山永日懷人劇白首浮雲感別多投壁向勞驚暮夜繫舟今始識風波期君更理陽春曲莫向湘沅續九歌

冬日郊行

平湖水落岸如山一線寒流百疊環日霽疎林霜氣薄雲生遠岫石文斑蘭蘅寂寞悲前浦鴻鴈徘徊戀故關散步不知村路遠漁歌款款隔江灣

寄答王孫宗良見懷

甌甌洞藁

卷之二十六

十六

万

放歌曾上豫章臺白雪寒驚萬象回不忝侯王爭折節敢憑樽酒漫論才霜前一鴈將書過斗下雙龍爲汝開讀罷新詩翻怨別西山月色九江來

郭憲使寒夜見懷有作兼餉酒資賦謝

向來行部過山郡老少爭迎郭細侯忽枉軒車存故舊豈緣騷雅重林丘秋風解怨經時別暮雪偏懸入望愁賴有白衣能送酒一江寒色醉堪收

羽王自永壽寺移居永興寺道中有作邀予和之

澤辭官臥已偏長

沙浦宦情憐巾車曉度寒山

外石榻宵憑繡佛前礪道陰風疎萬木空林積雪照諸天前身金粟知非偶辛苦良當了世緣

小除日子與使至却寄

天畔鴻歸逐斷雲美人南浦怨離羣孤臣久自諳齊物聖主何嘗不好文笛裏梅花風雪盡樽中柏葉歲時分明年短髮知誰甚蘭茝芬芳更憶君

除日詠庭中紅梅

手植紅梅歲已殘花開猶及薦辛盤英英霞彩飄山慢點點瓊珠映石欄香泛條風清入夢枝擎霽雪巧勝寒春光特借閒居景不減潘郎賦裏看

甌甌洞藁

卷之二十六

十七

初春日四兄湖上樓新成同諸兄弟子姪登覽

席間漫賦

短牆高閣太湖濱幾日韶光作意新細草暖回冰後色遠山晴獻雪中春景分花萼憐諸從杯引雲霞試五辛野水漸添漁艇集便應乘興著綵綸

送少司寇潘公赴京

開府東南十載餘謳歌江路擁行車論功始被還京詔弼教重攜治獄書公故爲大廷尉三署聲華元不忝九遷恩禮未應虛因君一寄長安夢五色雲偏護帝居

陪羽王飲竹間

山雨初過鳥乳啼舍傍幽逕州萋萋景方首宿園中
少樽似貧簪谷裏攜市遠都無車馬迹君來不減鳳
皇棲風流近代誰嵇阮醉後看山且杖藜

同羽王步過西隴別業

梧桐山下草堂幽一榻嘉賓信宿留小飲未窮浮白
興餘歡更擬踏青遊春深樹樹巢鳴鳥雨過村村響
瀑流指點西隴三畝宅素封應作醉鄉侯

題徐伯繼給舍力耕堂

沃野雙流護草堂閒居生事足江鄉春攜社酒瞻原
隰夜抱農書雨暘鷗鷺夢回青瑣闥水雲圖出輞

甌甌洞藁

卷之二十六

十八

川莊臥龍勲業終霄漢壠上躬耕意未忘

朱時行茂才自豫章謁徐子與方伯還過草堂

酌中賦贈

鄂渚章江衣帶水扁舟乘興往來輕分庭自抗諸侯
禮下榻何慚孺子名勝地煙花曾過眼故人樽酒若
爲情歸與且抱殘經臥漢吏終應薦賈生

送郭篤周憲副督學四川二首

江漢初停使者槎采風曾過野人家鴻書一水懸相
問蜀道千山去復賒明月峽中波是雪百花潭上錦
成霞談經處處弦歌應不必登臨悵物華

其二

夔門竹馬動紛紛遮道重迎郭使君郡績總餘三傳
在公守夔時曾著夔門三傳海內爭誦之山靈不待五丁分漢廷新下
求賢詔益部先題喻蜀文誰謂門牆無國士衣冠錦

里集如雲

得陳于韶憲副書併以新詩見示却寄

故人無奈別離何萬里相憐鬢欲皤老驥未應迷道
路冥鴻猶自怯虞羅閨中詩句青山重江上漁竿白
霧多永夜愁心難可寄只隨明月縱高歌

南墅卽事示汝脩聖休

甌甌洞藁

卷之二十六

十九

謝

湖上同舟慙李郭松間列藉引求羊飛泉出石溪常
碧反照穿林霧欲黃芝草却從樵逕拾芰荷偏襲客
衣香衰年好道宜幽獨不必人傳給事莊

甌甌洞藁卷之二十六終

甌甌洞藁卷之二十七

武昌吳國倫著

始安張鳴鳳校
新安方尚質校

七言律詩八十七首

登靈僊觀故址

觀自陳建故有宋光宗賜額貞一道人菴白

玉蟾詩兵後與觀俱廢

平湖十里鑑崇岡絕頂曾開古道場砌草蒙茸虛殿
閣天風蕭颯亂帆檣青林花老雲無恙丹竈煙沈鶴
自翔仙碣御題何處覓獨憐孤樹倚斜陽

聖休將歸東陽言別

甌甌洞藁卷之二十七

少年學道悟玄空近體還能應手工訪古重過黃鶴

渚思歸欲臥赤松宮琴樽逆旅偏高致韋布名家自
素風一水懷人何處夢扁舟五月下江東

哭虞希五參軍二首有序

參軍雖以文法補官然所至稱賢不媿儒者
與予交自京師蓋三十年情誼如一日比歸
鄉居雅敦古道鄉人無少長高之且業養生
家甚誠年八十有四齒髮如壯久視不衰頃
雖稱疾數月無一呻吟聲竟閉目不食而死
若化解然嗟乎參軍無遺憾矣

投傳歸來尚有君社中耆舊集如雲十年宦蹟文無
害百歲仙流道不羣擬藉丹經傳要眇常從斗酒結
殷懃翩翩八翼今何適一夜天關紫氣分

其二

屈指論交三十年帝城鄉國夢相牽還山旋待諸
孫長入社誰居九老先几杖君恩存抱朴煙霞生
理只談玄也知冲舉非人世泣向空衣亦泫然

助甫自關西量移憲副入鎮池陽因有此寄

使君西自窮邊入獨扼長江治水師羣盜敢窺天塹
險一官真藉主恩私秣陵佳氣樓船擁秋浦行雲

甌甌洞藁卷之二十七

署閣移咫尺故人瞻建節緘書且復慰離思

劉世光見贈夾竹桃

竹葉桃枝樹亦奇花經百日使人疑三湘風雨驚蕭
瑟八月煙霜巧護持看去但愁樽易盡簪來不惜帽
全欹荒庭雜卉紛相妬合自張騫異域移

宋茂才戲道至自江夏以詩見訪病中賦答

一葦飄飄鄂渚東千山木落響秋空病夫高枕煙蘿
僻詞客揮毫水石工解佩似驚神女夢揚帆應帶楚
王風悲來彷彿三閭怨蕭灑將無宋玉同
九日喜故人胡茂承至

山中無菊也重陽病後君來喜欲狂物態久從統霸
絕交情偏自布衣長旋開蘿薜容連榻細剪茱萸著
巨觴若問歸來誰是侶桃花津口捕漁郎

與兆孺言別

華陽巾舄武谿舟千里從予鄂渚遊楓葉關山殊漫
興菊花風雨自深秋入門但問梁園賦對酒都忘杞
國憂漠漠江煙人獨往異時何處覓羊裘

少保呂公致仕過里里人榮之投贈二首

十疏承明乞故山安車萬里載恩還絲綸詔許煙
霞外鍾鼎銘懸霄漢間五夜丹心仍魏闕千秋紫氣

龍龕洞葉

卷之二十七

二

復出關即看雉川頭水猶似磻谿舊釣灣

其二

召公請老寧緣病章相辭侯豈厭勞大業總留青簡
重盛名應借赤松逃隱興蚤自營新第賜杖行能遍
楚皐垂白故人驚一顧歲寒霜色滿綈袍

孫大行過訪道故

輜軒使者漢詞臣數奉天書下紫宸却憶遊梁交
重客偏能入楚問幽人征裘萬里風霜飽佩劍雙龍
氣色新把菊且同籬下醉敢將何事向君論

冬自同社則勸黃子登劉世仰暨兒無忌過飲

莊則大齋中即事

僻徑迂車叩板扉小堂分榻傍漁磯黃柑似爲留賓
熟紫蟹爭持佐酒肥一水到門天漠漠羣山隔竹鳥
飛飛誰從百里占星聚總惜流光醉不歸

至夜楊使君枉過大雅堂留酌

凍雲殘雪夜堂虛月上依稀白玉居但好幽人深掩
戶那知仙客更停車紅梅欲放冰仍結綵線初添暖
未舒把酒和歌成漫興陽春先自發吾廬

門人陳德卿自南康何子仁自邵武同日過訪

喜而有作

龍龕洞葉

卷之二十七

四

宴坐茅堂擁敝貂叩門何客慰蕭條鴈經彭蠡風偏
疾馬度閩關雲未消別後山川成浪迹歸來日月荷
清朝無妨國士收名晚萬里凌雲氣尚驕

席間贈呂祠部時請告扶持少保公過里

奏賦上林纔賜錦陳情中宇獨承恩聖朝鼎
甲歸詞苑華省彈聯自相門扶持遠辭丹鳳闕招尋
時枉綠蘿村謝家蘭玉王家鳳那得同君屈指論

哭徐子與方伯四首

南州書札未全稀過客臚言儼是非幾日彈冠仍北
向子與晉左數日即有此變臨未萬山輿觀忽東歸藏書已散青蘿

館坐釣空餘白瀨磯欲策素車何處哭遠天雙淚不
勝揮

其二

爲憶長安釋褐初衆中一顧獨憐予相將結客談風
雅已自知君握瑾璵側足風雲成末路同心日月老
離居抵今山水弦應絕極目吳雲黯太虛

其三

岳牧旬宣已自尊思歸白首戴君恩怪來天目山
靈盡應爾豐城斗氣昏萬戶居人哀執紼四方門客
賦招魂生芻蕘子真如玉別恨千秋何處論

龔龔洞蒙

卷之二十七

五

唐

其四

結髮稱詩老未休詩成何地不書郵祗今篋笥明珠
在終古山川匹練收酒態分明嵇阮後交情珍重尹
班流總令騎鶴縱山去回首中原處處愁

送鄭汝志食車赴閩

天削三山壯越臺遙遙驄馬帝京來非關聖主疏
廷爭自是殊方仗異才入部星連溟海動行春花遶
幔亭開經時若憶巖居子千里寧無一鴈回

築室文錦池上卽事四首

文錦池頭築卜居黃茆白板映清虛卑棲敢羨于公

望舊業還存惠子書山意隔城親几杖石痕經雨媚
階除雜東隙地新穿井老去惟應學灌蔬

其二

少壯遨遊晚息機雲深無夢入彫闌林塘密邇煙霏
靜斗室新成燕雀歸載酒未妨同社遠閉門那識四
隣非百年上屋還安土豈必膏粱勝蕨薇

其三

小閣峻嶒水石間周遭百雉隱青山坐來星漢垂窻
牖疑有仙人落佩環縱目不知三楚盡藏身止乞片
雲閒偶乘明月舒長嘯空外雙雙白鶴還

龔龔洞蒙

卷之二十七

六

唐

其四

二畝經營亦菟裘乾坤萬事委滄洲非緣采藥思長
往自可懸車息遠遊移樹遶庭多舊種倒樽留客但
新甕兒曹不厭家儒素甲第何須似五侯

文錦閣醉題示客

雨後羣山何太奇閣中四望天垂垂浮雲捲空氣蕭
颯夕照滿屋光陸離飛燕落花解憐我把酒放歌當
屬誰百年但醉如今日世上榮名安所爲

重過寂潭寺與淨上人談禪

靈峯寂寂俯靈湫爲訪高僧復此遊千樹寶花寒欲

雨十方金界疑秋煙霏自向空中沒色相都從鏡裏收坐久但揮如意起分明指點大神州

姚匡叔山人自元美所來見訪極談弇山園景之勝因贈此詩

衡門初闢長新蘿有客飄然遠見過彩筆故稱吳下士白頭猶慕郢中歌十年岐路雙鳴鈇三楚風煙一釣蓑正憶弇山園景好坐談終日臥遊多

訪仲將山居

平湖神入小谿灣一室蕭然萬竹間病自尊鱸思後起人疑蕉鹿夢中還急須釀酒供開社何用餘錢更

饒饒洞藁 卷之二十七 七

買山林日已西猶握手鬚毛殊改別時斑

送姚匡叔重赴豫章訪用晦
黃龍洲望白龍沙來往輕舸似漢槎若道人間無大藥誰將客面比朱華九江秋水堪乘興何處名山不是家見說王孫機盡息芙蓉館裏臥丹霞

雲隱王孫八十

誰道函關紫氣收蒼梧帝子亦仙流談玄忽悟五千字關洞新成十二樓寶自淮南門客校神同巖下老人遊靈瓜白棗瓊飴酒一醉應能隘九州

題張端孟象山書室

象鼻山前水竹居巖煙谿月盪清虛歸從郢上分蘭畹臥似隆中借草廬落筆有神驚五色掩關無俗愛三餘即看年少凌雲氣可是尋常讀父書

胡載道山人過訪 山人畏人也以辟寇居楚

因君叩我歸田日却問攜家入楚年漢水魚龍舟漸穩姑蘇麋鹿夢猶牽不緣遠結青雲社何自能歌白雪篇醉倚欄邊舒慷慨萬山明月正中天

紀縣李應元通政黃鳴皋庫部黃實甫文學各賦一詩見訊寄此答之

憶過雍丘問俗時北園東塢數追隨祇憐回首成長別未必還山負所知河嶽可能重對酒薜蘿應護舊題詩鴻書歲晚遙相訊一夜繁霜滿鬢絲

饒饒洞藁 卷之二十七 八

寄題常熟嚴相國樂壽園

一解綵綸出漢宮懸車江左自高風 天王尚擬賓三老門客何當進八公亦維蕢和調鼎手青鸞書紀濟川功樂遊最是長生境浪許留侯辟穀同

送侯宗度憲長入 賀

犀帝金章白玉簪遠遊偏賦 主恩深却從南國澄清日更識當年獻納心輯瑞總侯羣牧序朝元先聽九韶音湘江父老空延佇五夜台光切禁林

再送楊仁父

五馬駸駸大陸馳，紫宸雙闕動春旗。
入朝自獻明堂頌，觀樂兼聞大國詩。
山郡幾年淹臥理，天書一日下恩私。
遙知侍從清華地，回首南雲有所思。

山中答歐陽伯固學見寄

短褐歸耕幸未遲，村農社老亦新知。
已諧丘壑非貧賤，獨有雲山是夢思。
念我虛投湘水賦，懷君擬報辟雍詩。
向來容譽今何似，好與招攜拾紫芝。

新安汪惟一啟方伯子與門人也遠來爲子與

乞傳詞旨甚哀予高其義潛然賦此

龔龔洞藁

卷之二十七

九

夏元

徐卿門客散如雲，不道心喪更有君。
談麈百年悲斷絕，乞碑千里見殷勤。
侯芭力盡安陵土，宋玉魂銷楚

楚文愧我生芻豢，未東北風吹雨淚繽紛。

送方仲美之合肥訪萬性孺使君使君守襄陽

時延接仲美倡和甚洽後使君以執法忤監

司議調不赴飄然還山中仲美特有此訪云

汝昔曾爲山簡客，幾廻同醉習家池。
襄陽士女歌相樂，太守風流去見思。

明主棄遠遊，應結故人期。
不妨風雪迷津路，金斗河邊問釣絲。

雪中趙汝脩宋汝佐張子元見過小飲因感仲

將新遊歐歛罷酒

雪滿蓬蒿徑已迷，客來猶復叩幽棲。
居然曳履行東郭，不比迴舟向剡谿。
呼酒欲驅寒氣盡，擁爐何厭夕陽低。
白頭醉語偏思舊，忍聽山城烏夜啼。

除雪

中庭積雪已盈尺，曉起呼童爲掃除。
銀浪捲空花歷亂，玉山移影石清虛。
欲全梅蕾輕相拭，畏損蘭芽緩日鋤。
瓦春淋漓冰漸解，晴光先滿白雲居。

入春九日庭中紅梅不花適羽王攜壺見賞各

賦一詩催之

龔龔洞藁

卷之二十七

十

夏元

雪後看梅已過時，疎條密蕾故垂垂。
預愁寒鳥窺零落，急領春風爲護持。
佳客總饒東閣興，遠天虛憶上林枝。
紅英未吐浮香滿，且倩花神佐玉卮。

答宗良見懷

聞君挾轡聘詞場，五十登壇力更强。
豈有師傅秋駕法，不妨人駭夜珠光。
文章失勢江湖重，生死關情滄浪淚長乘興幾時能，鼓繼一葉煙雨入滄浪。

聞周家賢應徐開府之聘脩鄖志成遙有此寄

東帛徵賢幕府居，王門那得老長裾。
銅鞮花月行歌際，錫穴山川縱目餘。
采俗漫同荆楚記，搜奇應發西

陽書可知司馬浮湘後良史才名定不虛

酬孔炎宗侯

宛洛花明帝子宮方城漢水護分相逢時不藉通親
表卑禮真存愛士風修竹鳴鑾過苑苑綠雲飛蓋入
崆峒新詩寄我甘如醴申穆當筵此漫同

酬存甫宗侯

唐叔傳珪有象賢承家詩禮過庭專日華宮啓賓初
集銅爵臺成賦獨先貧賤敢當師事禮殷勤遙屬子
虛篇澧蘭沅芷堪相贈一片浮雲萬里懸

曾子澄參戎過訪

魏魏洞葉

卷之二十七

上

夏元
三言

瀚海樓船未罷征將軍何事獨歸耕揚威總落南人
膽失勢翻成孺子名虛擬太平疎戰略只從多難識
交情短衣叩我重巖下說劍縱橫俠氣生

答孔陽王孫見懷

南浦維舟憶昔時君家兄弟若爲期江聲半入朱弦
操雪色雙標玉樹姿風雨一樽懸夢想音書十載漫
支離那知憔悴行吟日猶有新篇慰所思

吳求叔見訪

鄂渚西風吹野航聞歌泛泛入滄浪十年想像煙霞
侶一雨蕭疎薜荔堂世上浮雲都黯澹山中濁酒信

洋洋毋勞太史占星聚醉倚庭柯夜未央

宿小武當方丈

仄逕盤紆披霧登玄宮倚壁開峻嶒雨餘雙磴瀑流
亂日落萬山雲氣升暝樹全遮玉女鏡虛巖忽吐仙
人燈高眠石榻少塵夢起視明河垂古藤

謝仲南司徒歸過富口追送不及爲此詩寄意

驚聞謝傅反東山尚道君恩重賜環載酒欲追溢
浦渡飛帆已泊漢江灣歸心咫尺孤雲外別恨參差
一水間青桂赤松殊不偶清朝暫乞此身閒

輓劉中丞子成二首

魏魏洞葉

卷之二十七

上

夏元
三言

帝里聯鑣賦壯遊江鄉垂老各悲秋正須物外能相
藉何意人間不可留十月風霜凋宰木三年涕淚灑
滄洲怪來空裏聞天樂去爲仙人記玉樓

其二

辛苦淮揚擁節旄妖氛蕩盡未言勞銘功只博三湘
釣感事時驚八月濤地下可能銷壯氣生前虛自反
離騷燕山麟閣都如夢獨采江蘼薦濁醪

輓陳憲卿憲使

闕下分攜二十年江湖風雨夢中牽孤松自表徵君
節一曲誰操郢客弦擬抱白雲終避世忽乘黃鶴遠

尋仙招魂已逐靈均去惟有圖書屬象賢

奉答太保尚書方公見懷之作

萬里歸鴻尺素書故人清切問離居多情不減窮交
日百感都忘臥病餘帷幄主恩優將相江湖生計
老樵漁他時辟穀尋仙去縣圃峯頭共結廬

初秋月夜同楊仁甫泛舟餞別羽王赴金陵

明月方舟富水涯新秋涼雨過蒹葭歡言此夕銜杯
好奈指長江去路賒湓浦片雲將涕淚金陵六代想
豪華白頭傲骨從人役虛擬張騫八月槎

少玄宗侯受命攝行藩國事寄此爲贈

甌甌洞藁

卷之二十七

十三

陸孝

憶過南州問俗年居人爭頌徹侯賢却從五等參封
後遂列諸姬秉禮先駝紐光輝生別殿象樽賓客盛
初筵怪來兄弟多騷雅不減風流鄴下傳

答元吉宗侯見寄

爲憐年少佳公子奮翼翩翩向藝林錦字數行驚識
面朱弦千里竟知音洞庭落木紛相弔江介秋風慘
自吟老去但諳高枕趣名山亦復許招尋

德安王司理夜過對菊

儒雅王郎晉世家楚游何似客京華紆車不厭霜林
僻倚席偏宜月徑斜教道鄙人工白雪只須村酒醉

黃花憑誰更妬巖居者煮石煙成五色霞

金別駕鍾文學莊劉二茂才各攜壺榼見訪北

園黃孝廉方山人後至共飲月下醉而成詩
小隱林塘背郭開蓬蒿初剪客何來攜壺竝是穿雲
過入坐先拚戴月回露牖寒縈書帶草星軒影集夜
明苔酣歌信與漁樵侶宿鴈棲烏莫浪猜

顧子承大參七十

其弟子良以憲副歸隱屢徵

一辭簪紱返林扃屢有徵書下帝庭兄弟竝堅高
士節江湖偏照老人星言從禹穴窺丹籙不必函關
授道經鳩杖從容還五嶽靜看縣圃樹常青

甌甌洞藁

卷之二十七

十四

陸孝

至後十日偶同徐張二山人步過湖上漁家小

飲卽事

十日陽回物候新晴光初上太湖濱橋邊五柳誰爲
主雪後羣山故近人歷亂賈牆依絕岸縱橫魚罟出
前津野梅獨樹衝寒發恰好攜壺借早春

答鄭汝志僉事見寄

萬里秋空一鴈過美人消息近如何時平海國無烽
燧地迴江村有薜蘿高枕久拚身外事得詩疑聽郢
中歌看君意氣憑陵甚星斗熒熒拂大阿

北園餞別仲美

居風雪總忘貧歲晏那堪別所親累月開樽深
遠天橫棹九江濱無妨酒態依人老莫漫詩篇答
客新經眼梅花落欲盡重來須及采芳辰

雪後過則勒丈留飲

辭巷停車叩席門滿庭殘雪照開樽鶉衣不借時名
重雞黍偏知友義敦一片寒雲生睥睨千山積翠擬
危巖從他壯氣都銷盡懷抱猶堪此夜論

夜過山莊遇雪姪子箕良攜酒至

被裘跨馬入村莊風起山寒雪乍狂宛轉竹籬編玉
樹參差茅屋架銀牀兒曹自挈雙樽至叔氏寧愁此

甌甌洞藁

卷之二十七

十五

陳朝

夜長醉臥白雲生枕畔梅花落盡不聞香

御史大夫陳公起鎮三楚入境未數日先枉問

遺賦此志感

擬結煙蘿大海傍微書遙夜五雲翔中臺法象依宸
極南國巡行表帝鄉入部徵歌誰白雪停車草檄
自清霜那知捧日無遺照幽谷先能被末光

春日喜刑王至自金陵

一別秋江兩夢牽春城攜手信悽然微官莫問何時
調斗酒應逢此地偏澤畔漁人歌舊曲江南詞客贈
新篇

寄黎惟敬

十年何地不思君却恨河梁手易分病起中原書斷
絕望來南海氣氤氳無官好結芝霞侶謝客常隨鹿
豕羣斗酒篇詩成往事勿言西北有浮雲

吳叔嘉遊鳳棲洞還出所作見視

百里窮探古洞回新詩醉倚薜蘿裁寒驚石瀨樽前
瀉麗引巖花筆底開千壁苔痕披錦繡四時雲氣結
樓臺因君忽動神遊興遮莫山靈只浪猜

甌甌洞成胡方二山人過飲

一穴初開壺嶺下虛巖縹緲宿寒煙春殘尚對陰山
甌甌洞藁

卷之二十七

十六

陳朝

雪境辭真同小有天新瀑細穿雲竇落密蘿紛跨石
門懸持杯卻問狂歌侶萬事何如此醉眠

曹伯舉過訪

江行何事遠相求白髮懷珠恥暗投然諾此生誰季
布游揚千里獨曹丘聞來枕藉林間石醉玩浮沈水
上漚揮塵論文兩蘿薛寧辭十日爲予留

贈程汝良

莊則勳門人

蚤從莊子受南華富口青山一問家新集菱荷爲野
服遠乘蓮葉當仙槎暫來訪我林扃僻忽去看雲海
騰賒欲起吸龍持作杖

寄題陳太參玉沙草堂

二澤盈盈遶萬家郊居更卜水村斜青山入牖圖金
谷白浪迎門捲玉沙幽籟不禁風鳴竹異香紛度石
林花移書卻問雲霞侶千里山陰興未涯

酬萬元獻典籤見問

赤城仙吏偶人間虛擬雲霄更賜環坐使形容凋澤
畔獨留文藻壯江關寂寥官署懸琴臥醅酊王宮奏
賦還一水相憐千古意幾時招隱入深山

丁元甫文學過訪

遠遊單騎兩都還辛苦炎蒸歷萬山挾刺漫投明月

甌甌洞葉

卷之二十七

十七

夏元

壁思家應折大刀環夾池風竹全侵坐遠徑雲松曲
掩關擬贈丁儀詩未就石林新雨送潺湲

與丁元甫談秬

白下傳詩一問津滄浪迂騎訪垂綸竹林避暑元高
會布帽當筵自上賓稍喜共談千古業正愁虛乞五
湖身詞家屈宋鄉先達寂寞于今望後塵

王行甫再至

五月江高暑氣多誰嬰毒浪遠相過只疑天外浮槎
至且聽山中拊石歌萬樹積陰澄淥沼一樽涼月散
青蘿王家門內多龍鳳授簡飛觴奈爾何

薛羽王奏記乞休賦此贊之

年少才名著兩都一官垂老尚泥途黃河自古清難
過白雪如君調易孤海客故應從鳥去波臣肯復向
人呼移書倘遂歸田興何異都門漢大夫

攜酒再過羽王得看字

爲厭風塵勇掛冠過從斗酒更留歡亦知流水弦應
絕且幸連城壁尚完隔堞數峯雲際出空齋獨樹雨
中寒飛鴻漠漠遠天盡醉眼同君一笑看

讀陳中丞子震楚遊諸詩有贈

誰言詞賦祖離騷握筆如椽迴自豪一字精含神霧

甌甌洞葉

卷之二十七

十八

夏元

吐七言風視柏梁高陳詩却爲觀民重得句都忘問
俗勞縱使郢人家白雪橫琴不敢向君操

送楊仁甫使君赴襄陽郡丞二首

萬室城開富水涯五年春雨足桑麻君侯攬轡風雲
過父老牽衣道路遮西峴登臨增感慨大隄歌舞謝
繁華君恩故重親民吏留滯荆南且當家

其二

兄道循良與漢齊棘林那得鳳鸞棲十年偃蹇逢推
三仁遂巡未執珪江路獨飛青羽蓋郡人爭唱白
高陽池上誰爲主任笑山公醉似泥

得張肖甫雲中書兼以金見餉賦答一首

南北支離廿載餘，驚見朔方書橫行塞外。身猶健，偃臥林間，病忽除。萬里殷勤，沾厚祿，半生名實寄閒居。稍聞功伐，收盟府，會領朝紳，扈六車。

聞肖甫中丞擢少司馬還京寄贈

仗鉞臨邊九塞清，入朝兼握羽林兵。天居咫尺開三象，廟略頻繁寄六卿。中歲已傳豪士賦，外夷爭識虎臣名。須君赤手扶霄漢，安穩鰥鰥領太平。

贈石戶曹

石管今清河，屢以河渠功被薦。遷戶曹，茲以

龍觀洞藁

卷之二十七

十九

陳朝

使事便道省觀賦詩贈之

初聞壁馬，鯨黃河天下軍。儲枕席過書奏，帝廷宵旰釋秩移。郎署寵靈多，含香永漏瞻金掌。縱轡長衢振玉珂，奉使遠遊成畫錦。親筵起舞欲婆娑。

龍觀洞藁卷之二十七終

龍觀洞藁卷之二十八

武昌吳國倫著

始安張鳴鳳校
新安方尚賢

七言律詩八十七首

飲鄭汝志宅

清溪九曲樹千章，門外飛泉掛石梁。地以畫遊稱錦里，客從星聚擬高陽。故家樽俎風仍朴，新第衣冠澤未央。諸從遠巡守經術，其時何忝鄭公鄉。

飲楊範之陽新別業

林間數畝綠雲居，谿上羣山畫不如。水遶煙沙迷進艇，巖留石匣待藏書。買魚沽酒陽新市，弔古登高孟

龍觀洞藁

卷之二十八

一

郭

氏廬爲憶舊遊多，白髮重來風景莫教虛。

過徐懋誠公子宅

甲第崢嶸萬木中，溪流宛轉石門通。登堂綺席開華月，擁障笙歌度遠風。下榻敢當徐孺子，懸車曾是大司空。主恩優錄名賢後，蚤挾忠猷答漢宮。

園中觀編籬

旋結重籬護晚花，蕭疎不讓野人家。臨池細寫琅玕曲，映石渾侵翡翠斜。散步林亭分落照，回看欄檻隔飛霞。披書日在藤蘿裏，歲晏天寒也物華。

觀童子車水入灌園池

小鑿山塘學種魚
分流何自越村墟
車聲入竹風偏助
水道穿田雪不如
山引似沿金谷澗
懸奔新浦玉梁渠
澆花洗藥從吾意
肯放林間歲月虛

詠水車

童子翻車代桔槔
車聲滑滑水聲號
輓轆穩擅分江力
灌溉都無鑿隧勞
正訝老龍將急雨
坐看平陸湧飛濤
馬鈞機巧非吾羨
蔬圃論功亦自高

稱其巧實絕世然水車利農至于今不廢也

冬日同莊則勸則大瞿伯明登壺嶺觀童子捕

魚小滄浪因以所得生魚畜之園池暢然有

甌甌洞藁

卷之二十八

二

鄧

作

壺嶺峯頭野望寬
滄浪日落水花殘
誰操鸚鵡爲漁艇
遂有珊瑚拂釣竿
銀鬣駭從疎藻出
錦鱗鮮觸暝煙寒
放生池裏悠然逝
自可盤蔬共客餐

徐徵君八十

龍山十月氣氤氲
石室偏藏五色雲
豈必關門逢老子
自堪松菊護徵君
高年未解耽詩癖
醉筆仍題頌酒文
試問滋泉垂釣者
後車何意策功勳

曾子玉尚書七十

尚書自秦藩乞歸
以子工部尚書受封適堂

七十壽辰遙有此祝

一壑懸車自素風
天書遙錫大司空
和歌郢國陽春遍
回首函關紫氣通
賓從趨瞻冠蓋里
雲霞密邇帝王宮
林間歲月偏難老
坐觀兒曹翊漢功

夜自黃砂村出烏崖抵西禪寺

苦竹嶺頭黃霧偏
烏崖峽口石撐天
虛巖仄徑千盤出
大壑飛流百尺懸
羸馬長鳴知出險
老龍潛伏解安禪
上方燈火明星漢
好借山堂一定眠

雪中對菊

入冬籬菊已開
珊幾樹幽芳巧耐寒
儘怪參差霜後

甌甌洞藁

卷之二十八

三

鄧

發却留偃蹇雪中看
六花著處偏含態
斗酒呼來且盡歡
醉裏莫愁花易盡
蚤梅新柳動江干

與良孺飲北園

臘盡郊園臥正寒
美人相過一留歡
池添新水浮煙島
樹擁斜陽過石欄
移席屢驚初地變
放歌真遣百愁寬
蚤梅如雪催詩發
幾對揚州水部看

沈太史君典柱書見訊兼示登臨諸詩卻寄二

首

天子臨軒策治安
卿雲偏著彩毫端
上方篋笥傳宮錦
西第旌旗引玉鞍
來鉞千秋嚴漢史
經綸一代擬

周官詒書萬里心相結恨少平原十日歡

其二

獨往深山拾紫芝姓名誰遣近臣知從前誤學屠龍技夢裏猶慚覆鹿時結社豈無霄漢侶寄情偏向薜蘿私句中山水江南遍且得開函慰所思

伯融宗侯父子竝受 褒書索詩紀事

手詔敦親下木天定知恩澤向誰先儒林漢室優中壘禮物周書屬象賢邸第朱樓雲錦合御題銀榜日華偏名家世值中興主肯使東平頌獨傳

朱山人起巖見訪

甌甌洞藁

卷之二十八

四

桂檣東遊幾日程郊園握手布衣情攜壺且作千花主策杖寧寒五柳盟樹杪懸泉奔絕澗簷端新雨散孤城憑君入夜酣歌發棲鳥潛魚總不驚

與尤白

白予故人顧李狂甥也

短棹初停復遠移大江風雨欲何之談諧稍變吳人語落魄猶傳舅氏詩彈鋏幾年更舊館擔簦千里覓新知澧蘭沅芷君能采白首東歸也未遲

徐文學過訪北園

故人垂白遠相求水上煙扉萬竹幽少別總如前日事劇談那惜片時留泉聲激雨驕林麓花氣成雲擁

石樓山意物華狼藉其與君聊作一樽收

懷志宗侯建白雲樓與諸王孫結社稱詩有作

見懷率爾賦贈

邸第朱樓瞰渚宮白雲黃鶴漫相雄直看九水行天上倒攝千山入鏡中飛蓋追隨公子夜憑軒披拂大王風由來招隱無喧寂虛羨淮南桂樹叢

奉答 樊山王

老病龍鍾臥北園思君何日奉清言真風好與神仙近雅道誰如帝子尊石上彩雲流錦席松間白鶴引華軒平臺授簡多賓從不必狂生更在門

甌甌洞藁

卷之二十八

五

傳

陳大參玉叔以雙鶴見遺志感

白鳥一雙天上來美人千里意徘徊路經崑閬風雲變影息林亭燕雀猶同吟似能思舊主刷翎終擬駕仙才雌雄唱和踰蹕無對爾何時可放杯

席間贈王子振茂才

江夏黃童楚令名寂寥千載又王生論文擬結忘年契載酒偏深問字情入手羣星披短劍揚眉萬里奮長纓君家素業儒林重玉樹庭階故故清

雨登西山

縹緲西山路紫霄石磴斜引萬松橋春衣過雨從沾

濕古殿棲雲自寂寥一線江流經楚甸幾家楊柳識
前朝峯前二客攜壺至日暮登臨興轉驕

其二

莫怪登山興未窮古今靈勝此山中相看惠遠翻經
處即是吳王辟暑宮江樹不知人代遠野雲都向法
門空徘徊且醉樽前雨明日扁舟一水東

飲龍嵒磯

片石江心亦自雄繫舟清切坐龍宮層樓一柱飄飄
迴巨浪三門噴薄同城郭蕭條開積雨帆檣歷亂鼓
長風攜壺暮向磯頭醉瞬息浮雲萬里空

龍嵒洞藁

卷之二十八

六

登西塞山

江上重登西塞山千盤曲徑九磯環回波響震魚龍
宅絕壁雄分虎豹關百里風帆蒼磧外幾家村市白
雲間可憐三足紛爭地漢水東流總不還

飲李叔元參知湖心亭

湖上危亭敞薜蘿隔江山擁白雲多軒空四面開居
景日永時時榜子歌遠郭千家沈綠樹平田一水冒
青荷與君幽興差相敵百里無妨數見過

陳孔震中丞以平蠻功 詔進少司馬鎮楚如

故賦贈二詩

北極祥雲拂曙開荆南萬里捷書來羽干風動三苗
格手 詔雲銜五鳳裁將相古今葵鼎業安危朝野
股肱才主帥六月無征戰坐擁鉞歌傍郢臺

其二

仗鉞平蠻自壯猷幕中文武願封侯千旗日月低黃
鶴萬馬風雷擁絳綢衡嶽此時還重鎮楚江何地不
安流俄聞有 詔登樞府父老偏能臥轍留

奉答司馬陳公見懷

橫槊題詩過楚宮 帝鄉千里動雄風虛傳郢客歌
難和只怪湘靈曲易終雲錦忽飛江漢表星光遙燦

龍嵒洞藁

卷之二十八

七

薜蘿中巖居寂寞逢知己欲報瑤篇媿未工

園居喜邵子俊再過

念汝新從宛洛歸不辭炎暑叩林扉遠遊未必輕投
刺高臥猶存舊釣磯載酒山風除小徑繫船江月上
初衣請看抱甕先賢後千載何人更息機

與羅敬叔夜坐小滄浪堤上談詩

芙蓉池上暮雲平楊柳堤邊月未生客坐已於塵境
絕細談應見古人情且看詞賦悲秋盡不枉風波入
楚行海內只今紛大雅病大甘自損時名

北園餞別敬叔之武昌

千里江山一葉舟無家偏得縱清遊聞歌忽入滄浪浦訪古還過鸚鵡洲榻下涼雲生別館酒酣明月上高丘何時好踐重來約石竹巖花也解留

寄丁元甫

怪爾昂藏厭俗深抱書長日閉雲林千金鑄劍終神物五月被裘自古心奉母艱難醴粥計逢人寂寞鳳鸞音向來攜手論文後何客能憐澤畔吟

秋日自山莊過訪汝脩遇於田間觀穫作

落日村村穫稻還獨憐楓葉亂秋山中車偶過蓬蒿逕岸幘偏逢畝畝間少婦煮茶供笑語鄰翁拾穗省甌甌洞藁

卷之三

八

愁顏雞豚卒歲官租薄萬事知君了不關

送武昌劉使君入觀

分符鄂渚擅高名白璧真連十五城萬戶桑麻看漸長百年江漢此重清旌車犯雪馳天路劒佩乘春謁帝京故事龍黃俱召拜使君何忝漢公卿

楊伯海自白下見訪

皓首龐眉竹籜冠楚遊迅遞發長干相憐谷口人無恙不比山陰興易關秋水遶亭雲石霽芙蓉侵逕草堂寒百年此會乾坤少莫怪詩成白壁看

富口舟中餞送鄒彥吉使君北上應朝二首

千山葉下洞庭波送遠其如秋思何江口白雲驚笑語帆前落日起悲歌詞才不藉南遊壯王氣真從北望多羣牧會朝仙樂舉朱弦應待使君和

其二

十月霜高楚水寒芙蓉猶共美人看江煙黯澹難爲別斗酒須臾且盡歡謁帝遠瞻承露掌贈行新製切雲冠中朝故舊如相問白髮三湘一釣竿

得袁履善書有感卻寄

尺書迢遞發雲間問訊相悲憔悴顏得放總便麋鹿性離居偏共水雲閒豈應屈宋能諧世不必巢由更甌甌洞藁

卷之二十八

九

買山東望欲馳千里駕寒煙漠漠阻江關

遣使赴長興醉子與墓懽然哀之再賦一律

炙雞絮酒暮何之悵望孤墳若水湄一日乾坤成異代三江雲樹只離思重泉始罷憂生淚過客虛傳絕命辭信使到門君不見斷腸殘雪總深悲

除日遲仲美不至聞爲襄陽故人所留寄題惱之

臘盡江寒一鴈流遠天風雪滯歸舟酒酣解道襄陽樂興發將從剡水遊妻子傍人懸凍餒山川隨處足淹留鄰園寂寞誰同社梅柳占春也自愁

元夕陸別駕與客同山園見招同王行甫賦

客途無事買春酒，宴客名山喜見招。坐視平林增火樹，歌隨小榭星橋。華燈不厭園公老，勝賞應從地主驕。欲挹飛仙何處可，只乘明月聽吹簫。

贈陸別駕

弱冠登名屬大方，強年猶復滯江鄉。謫居未損郎官秩，病臥曾辭吏部章。前席鬼神招賈誼，中朝出處類馮唐。逢予故是行吟客，滿目風濤且巨觴。

廖珍之劉中卿王寅之王子致鑑壺過飲舟中

同行甫賦

龍輿洞臺

卷之二十八

十一

只怪西風滯客舟，徘徊卻爲美人留。推蓬赤壁雲間吐，入坐樊山浪裏浮。載酒新春成野趣，論文永日散羈愁。衰年萬事捐都盡，獨有名山興未休。

江上逢顧子承先生先生嘗與予有西遊之約

歲復不果茲逢蓋不期也喜而成詩

歲歲遠遊期不定，煙波江上卻逢君。坐臨南浦三湘合，直視東流九派分。樹杪帆檣紛白集，沙邊鷗鷺各爲羣。欲乘黃鶴雙雙去，且買松醪醉白雲。

初度日王行甫攜酒過舟中對酌

生六十敢言強，客裏逢君一放鄉。韶景逝如江漢

水，雲輕襲菱荷。棠沽來白酒，聊爲詩坐擁青山足。倚觴醉後莫言京國事，久拚衰筇老滄浪。

次郢上曾大司空以三攜具見訪舟中話舊

幾載傳書問別顏，夢中無路覓燕關。那知江漢乘桴過，恰遇雲霄解組還。宦蹟三朝供白首，君恩一日重青山。醉來身世風濤外，始信冥鴻不可攀。

大司空招飲漢上園

爲園故近莫愁村，漢水滌回抱石門。脩竹茅堂穿雪磴，短松沙檻護雲樞。懸車新結幽人社，高枕仍銜聖主恩。歌無未停纖月上，何辭爛熳倒芳樽。

龍輿洞臺

卷之二十八

十一

傳

未至襄陽百里外阻風四日卽事同行甫賦

累日北風何大顛，孤舟旅泊無村煙。飄飄微震不成雪，莽莽飛沙渾蔽天。縱鵲灘頭水盡立，呼鷹臺畔雲空懸。隔江誰問宜城酒，兀兀抱書逢底眠。

阻風客榻使君見訊

飄風獵獵殊未休，漢江幾日無行舟。可憐一夜白頭浪，坐失三春芳杜洲。西道主人意不淺，下邑使者行相求。峴山咫尺望逾遠，那能遽一踏銅鞮遊。

旅泊遇雪

花朝已過猶風雪，朔氣翻從南郡多。兩岸荒煙連凍

合孤舟旅夜奈愁何推蓬黯黯迷芳樹伏枕搖搖警
白波行路艱難春事緩鄰船迴鼓激勞歌

雪後舟行望鹿門山

鹿門何處渺川途白石蒼煙入望孤雪霽千山行盡
舫天空一鳥下平蕪襄州遠落三秦水漢上橫分五
嶽圖怪是龐公棲隱地不殊溟海見蓬壺

紫霄宮二首

磴道嶽岑磳道除松杉繚繞步清虛玄關迴逼中天
象紫府重局上帝居境自煙霄開福地泉分日月瀉
金渠仙童坐進龍根脯靜夜山堂手道書

鹿巖洞藁

卷之二十八

十三

其二

雲屏萬仞欲遮天五老諸峯插御前紫氣氤氳三殿
合朱旗繚繚百靈懸經行閣道都霞外入望巖柯半
手邊列室簫鳴鸞鶴舉無疑此地有飛僊

遇真宮逢張子蓋太史

子蓋予故人張提學復亨子也

春山積翠擁玄都雪後金光歛有無絳節雲渠天使
至青蘿石逕野人扶相將跨鶴凌瑤島且復停驂醉
玉壺明日峯頭看萬境應從匹練指三吳

淨樂宮作

玄師合是軒轅裔楚地仍遺淨樂宮萬井經營山郡

滿五城樓閣帝鄉同棲真宮謁青林出望嶽嶙峋紫
氣中勝地相傳靈異集山來大道只虛空

上下武當道中詠所見五異五首

萬樹輪囷擁道周蒼鱗剝盡赤脂流枯根坼地龍蛇
奮突頂摩空魍魎愁倚澗忽崩三峽石遶宮應護五
城樓秦松漢柏虛爭長擬竝扶桑蔭十洲

右老樹

嶺路崔嵬萬石橫攀緣辛苦亦奇觀羣犀象馬雲心
躍倒曳乳龍樹底蟠赤甲磷磷參貝闕蒼稜齒齒夾
瓊欄頭顱似解生公法莫作防風朽骨看

鹿巖洞藁

卷之二十八

十三

右怪石

望望青天掛玉龍忽驚風雨暗芙蓉懸泉縹緲明河
落急峽奔騰巨浪衝終古雷聲喧大壑四時雪色灑
高松廬山瀑布曾涓滴何似仙源處處逢

右瀑布

虛巖萬仞臨無地複閣千家入紫煙棟宇飄飄雲棧
外旂幢隱約帝闕前笙歌曉奏凌三島環佩宵鳴過
列僊卻恐乘風自飛去便應雞犬亦升天

右懸樓

峭崖垂絕引飛簷咫尺天門路忽迷空際玉階盤杳

沙雪中今鎖助攀躋側身疑在連雲棧息踵愁臨萬
仞谿卻言晚年能濟勝好尋仙侶卜巖棲

右飛梯

登仲宣樓

樓在襄陽城東王粲依劉表即此地非荆州也

荆襄形勝古雄都漢水方城天下無四望春陰平楚
合萬家煙樹此樓孤可憐賦客依劉日虛擬宗臣翊
漢圖猿鳥似知懷古意夕陽殘壘劇哀呼

周象賢少史宅同諸君夜集

橐筆朝回帝子宮邀賓亦復醴筵同異鄉王粲愁
如失華髮高唐賦轉工虛牖江城閒霽雪小亭花石

甌甌洞藁

卷之二十八

十四

豔春風天河漸落南山外何事銅鞮曲未終

爲少史周紹稷題牡丹圖奉祝襄王殿下

曲曲朱欄八寶妝枝枝穠豔百花王誰言蕙圃非懸

圃已見襄陽勝洛陽風葉解留青帝輦露葉紛浸紫

霞觴羣臣競獻千秋頌歲歲衣沾天上香

次宜城題贈王孝廉吉甫

吉甫名兆故少司馬弟也少出繼其仲父業

已終喪而又喪所生父母凡不赴鄉舉者一

不赴南宮試者再蓋可謂敦至性而後榮名

矣國人賢之侈諸頌詠方山人故善吉甫因

手其卷視予予歛衽而嗟曰晚近世有位宰
輔而不奔親喪者何乃一孝廉而又爲人後
者乎吉甫真孝廉哉遂以孝廉名卷而贈之

詩云

峴山朝發暮宜城握手煙江感慨生家卜漢時冠蓋
里人傳楚國孝廉名三徵未就公車對九飯設也難
伸孺子情有母喪而孺子泣者出檀弓試檢襄陽耆舊傳丁蘭千

古竝芳聲

仲美送予至郢復還襄陽踐侯使君之約舟中

酌別一首

甌甌洞藁

卷之二十八

十五

竟陵城南花滿堤白雪樓頭芳草齊逆旅看春歲冉
冉中流別我江淒淒論文何客辨蘭蕙行路此時偏
疾藜但可重干習池主與之一醉歌銅鞮

川上樓新成登眺二首

古臺官閣迴岩巒浪湧天低水郭遙故國儘容舒覽
眺此身兼已屬漁樵日高雲氣千山淨風起煙光萬
井飄空外杳然聞玉笛僊人黃鶴坐堪招

其二

楚天垂盡水雲寬百疊峯陰鏡裏蟠遶郭千櫓沙岸
富軒萬樹野煙寒春深燕雀巢新棟日暮魚龍化

急端不忝白頭湖上主風塵那得近漁竿

送余幕還會稽

逡巡手板十年餘故里蕭然未卜居入幕長官優禮
數散衙羣吏質刑書即看佐郡形容苦誰道登朝玉
石虛歸問永和修禊處蘭亭風日近何如

贈任白甫文學

年少聲名起澤宮大廷長策治安同無煩黍管回燕
律已見陽春播楚風待詔新從雙闕下問奇遙入萬
山中星前把贈蒼龍劍古色看君氣更雄

送熊汝端北上補廕其祖中丞公子同年也

甌甌洞藁

卷之二十八

十六

三世通家汝最賢故居蕭瑟但遺編盛朝恩禮衣冠
後盟府勲勞竹帛先白璧幾年留獻楚黃金千里重
趨燕懸知詔對公車日五色雲開帝座前

輓樹德宗侯

憶予漂泊過南州岐路還容編紵投白眼論文多後
進青霞結侶自君侯月明高館芙蓉夕露下深山桂
樹秋縱是丹戎冲舉去空衣不解故人愁

夏日即事簡張使君叔見

萬戶歡迎五馬回陽春故自郢中來均調緩急烹鮮
手經緯分明表錦才道路已多黃髮頽園扉無復楮

衣哀野田甘雨時沾足且叩山堂一舉杯

張爲春戶曹謫丞下雒賦此慰之

平津開閣延賢日天子臨軒策士年見道玉珂趨
侍從還如金馬隱神僊蛾眉不與煙花媚紈扇相將
篋笥捐澤畔總無憔悴色向來清夢日邊懸

病起偶過北園

病經旬日未窺園新長藤蘿罨洞門爲信此生元木
石不知身外有乾坤攬衣曲逕紛成趣高枕濃陰且
避喧大藥古來多自誤何如花底日開樽

同莊則勸俞敦甫暨無忌無傷二兒泛舟遊笠

甌甌洞藁

卷之二十八

十七

山洞湖上卽事

風起平湖度野航荷衣五月迴生涼青峯天畔羣龍
起白浪煙中萬鶴翔鳥道欹懸雲石亂鷗汀曲泛水
花香一區靈勝容吾老豈必神仙去故鄉

伏日晝睡

一榻僛然掩草門高眠長夏總君恩若非奉詔
還初服那得閒居傍水村推枕北窓風正細捲簾西
嶺日垂昏聊因習靜逃煩暑不必重開河朔樽

鄒黃州還郡後遣人以伏日見懷詩枉訊奉酬

一首

詔賜黃金漢闕回機帷又向大江開城巢五鳳非奇
事客頌三鱣自詎才念我欲修逃暑會貽詩不減御
風來火雲化作仙人掌擬乞天漿泛玉杯

再答葉山人兼訂過訪之約二首

六月酣歌倚郡樓誰從河朔見袁劉看來賦暑詞爭
長想見臨江興並幽落日滄波橫短笛東風赤壁繫
扁舟豈應仲舉齋中客不作元卿竹下遊

其二

得客寧從幸舍遷知音蚤藉使君賢雲移西嶺橫詩
案雪湧長江下酒泉屈宋風流千古盡應徐述作大
甌甌洞藁卷之二十八 十八

方傳新除一石長松底何日能來共醉眠

暑夜與程萬里坐談時頗憂旱

暫去重來雉水濱寂寥相顧轉情親衰年廢酒仍增
病永日耽眠穩辟人何事郊居偏毒熱可知江路少
清塵秋期已近天猶亢起視明河獨愴神

奉寄顧子良憲副子良期過訪予三年不至但

時時勉予學道因寄此詩

一水盈盈河漢遙空中鸞鶴似堪招循溪易返山陰
棹鞭石難成海上橋學道豈應妨老大藏真只合泥
頭焦乾坤萬事都盡白日看羽翮驕

暑中得朱方伯書答寄一首

遠道相思尺素傳還如握手在朝年世情都向歸來
識別恨翻從老去牽長夜攬衣行望雨幾時扶策叩
談玄知君臥在清涼境只少南薰入五弦

憂旱作

六月江聲走大荒炎風獵獵野雲黃初驚十日光相
射欲挽重淵力未強道上逢人俱黯澹林間散髮類
佯狂蒼松翠竹含枯色何處田家足稻粱

逃暑北園徐孝廉應時見過卽事

辟暑深棲萬石間長松密竹隱柴關穿雲有客能相
甌甌洞藁卷之二十八 十九

過傍水移時坐不還薄暮涼飈生別苑近城疎雨過

前山湖頭冉冉紅蕖放不必開樽已破顏

贈徐廷祥處士處士卽應時父

憶自髫年共塾遊憐君偃蹇困林丘一經老去仍傳
子三釜供來且破愁賓客交歡玄鬯酒風霜荏苒黑
貂裘異時

天子徵巖穴鶴髮昂藏拜冕旒

甌甌洞藁卷之二十八終

觀顰洞藁卷之二十九

武昌吳國倫著

始安張鳴鳳校
新安方尚質校

七言律詩九十一首

肖甫張大司馬既平浙亂被命還京途中書

來寄答四首

金符玉節下雲霄幕下材官半插貂侯骨向來知定

遠將星應復護嫖姚三軍盡募吳都士一怒新澄越

海潮萬里風霆飛露布共看司馬又還朝

其二

白鉞如霜耀武林江門殺氣蒸陰森一時理亂須天

觀顰洞藁

卷之二十九

一

吏萬戶悲懽見帝心法擬塗山誅後至恩餘湯網

祝前禽入朝封事先吳越滿目瘡痍感慨深

其三

海上功成獻捷來天顏一日爲君開非緣坐制東

南勝誰識元戎將相才錫詔雲街雙鳳下瑯戈星擁

八驕回諸艱歷盡共帷幄多少輝光切上台

其四

少年詞社久沈淪猶有軍符繫老臣總爲封疆懸廟

略常從甲馬寄朝紳軒車已近華陽道書札猶傳

漢水濱自是素交情不淺白頭凝望總傷神

顧子敬茂才再訪園居因贈

江鄉只隔黃龍浦百里輕舟信往還爲許竹間開小

徑每來湖上狎青山論文不淺風雲色避俗欣從鹿

豕閒醉發郢歌君自賞陽春那得遍人間

元美敬美念予六十初度遣使稱觴歲暮始至

各有贈言奉酬二首

海鴈將書雪滿空素交千里歲寒同揆余虛藉高陽

裔予初度觀樂聊承季子風貧病百年催隙駟行藏亦正月

五嶽寄冥鴻聞君得道棲恬漠冲舉何如白兔公

右答元美

觀顰洞藁

卷之二十九

二

老大無聞祇自寬故人猶作歲星看路迷風雪傳書

遠淚盡江湖握手難白髮詞名虛碩果滄洲生事穩

漁竿從君學道君休訝懸圃之霞擬共餐

右答敬美

哭黎惟敬二首

一辭中秘向羅浮千仞冥鴻不可求世遠獨便三島

臥仙成時跨五羊遊平生問酒黃金市何處修文白

玉樓老別故人泉路杳淫淫雙淚幾時收

其二

早詔當年動紫宸白頭珪組帝恩新銜杯玩世存

高雅請老懸興自古人禪草虛勤中使問詞華久作
秋林珍豈應萬里遊仙夢只託尋常百鬼隣

送武昌劉簡之使君擢山東憲副

雪後旌車出武昌十城耆舊走相將可知遺澤延三
楚不忝清風表四方東岱行雲高駐節上京佳氣鬱
垂裳祇今穆穆天門闢八翼從君萬里翔

過潯陽林使君登卿見訪兼示諸作因贈

潯陽太守廬山主雅道偏從謫後聞臥閣錦屏開九
疊登壇彩筆縱千軍經過野服勞相訊笑語孤舟悵
已分一卷新詩常在手儘如持贈萬峯雲

龔龔洞葉

卷之二十九

三

劉

阻風南湖口同仲美作

飄風五日暗江陲兀坐孤蓬玩綠蘼廬阜總迷雲氣
盡江濤更助雨聲悲已無村市堪呼酒賴有隣船但
乞炊前路險夷都莫問停桡是處好言詩

舟中望九華山

秋浦城頭九子山峯紋片片落江關斗邊金削芙蓉
朶雲裏珠簾婆女鬟客棹遲迴看未足仙踪縹緲悵
難攀何當把釣清溪曲老傍煙霞醉不還

江行書所見

賈帆千片截江行破浪紛如萬馬鳴風候豈應吳楚

異棹歌俱赴往來輕不妨西寄浮湘夢且快東遊詠
戴情最是舟師操絕技中流長日信縱橫

南都篇四首

周家鄴鎬漢長安盛蹟何如此地看一自高皇留
九鼎至今蓬闕擁千官江山險扼輿圖壯南北京分
王氣寬不信武侯能攬勝金陵千古說龍鱗

其二

二水重城百萬家前朝宮殿鎖煙霞鼎湖龍去山靈
杳天塹潮生海氣賒欲賦兩都成感慨虛從六代數
豪華烏衣第宅無常主車騎縱橫自狹斜

龔龔洞葉

卷之二十九

四

其三

二月煙花滿石城看花殊愜壯遊情地偏江左稱佳
麗天爲中原啓聖明靖難功成千古見遷都策定
九垓平今看北極開天府何異當年漢兩京

其四

開國當年赤帝符鍾山天設壯雄都埋金那得銷真
氣鎖鐵空開後壯圖表馬廣衢遊俠子管弦中夜酒
家胡居人盡道承平樂莫遣臨關一卒呼

泊上新河李吏部于田方比部子及歐虞部植

伯周山人文美諸具見訪席開酬贈

短棹逡巡二水回，羈愁擬向故人開。
烏衣巷裏攜書出，白板橋頭結驪來。
垂老山川仍敝屣，感時風雨只深杯。
詞名江左如公等，豈必重論鄴下才。

臨淮侯李惟寅攜其子汝藩載酒出郊同李于田方子及歐楨伯過集分得山字

元戎車馬駐江關，詞客招攜一解顏。
水市輕煙浮萬井，春城微雨過三山。
衰年故舊歡相戀，勝地風流擬共攀。
五嶽便應從此逝，尋仙飛跨白雲還。

真州逢故人程汝正邀過王氏園同蕭宗魯王行甫方仲美宴集

阮醵洞簫

卷之三十九

五

看竹王猷處處家，入門修徑石闌斜。
真州野色登樓盡，揚子江聲到席賒。
連吟綠雲平二麥，遶山晴日麗千花。
故人卮酒能歡客，明月清歌興未涯。

登金山寺二首

春波浮玉起帆前，興發披衣到絕巔。
江合萬流奔赴海，山蟠一柱上撐天。
靈宮俯瞰蛟龍臥，石閣危憑象馬懸。
騁望不知鄉國遠，鏡中吳楚接風煙。

其二

峭壁當江截海潮，芙蓉千葉鎖僧寮。
峯巒飛動疑三島，巖閣崢嶸自六朝。
仙梵杳從空翠落，亂帆紛掛野

雲飄攜壺自汲中冷水，一飲居然萬慮消。

夜泊閶門聞故人沈道初亦以遊虎丘至方圖

一晤而沈又它適，悵然有懷。

薊門攜手十年過江海，其如別思何。
垂老異鄉驚邂逅，向來人世有風波。
移舟擬傍吳門醉，隔水應聞楚客歌。
咫尺見君猶是夢，蘇臺月色不勝多。

弇山園宴集同元美兄弟暨曹子念王行甫方仲美賦時三月三日分得雲字

壯年攜手帝京分，六子蕭條天下聞。
老死未忘千里約，到來直破萬重雲。
相憐酒態還如昔，不必詞名

阮醵洞簫

卷之三十九

六

更似君高會，正逢修禊日。
醉看花鳥亦殷勤。

又得山字

三江垂盡出弇山，忽有層樓海氣間。
吳地總因雙玉重，都門舊羨兩疏還。
安車屢下仍高枕，大藥新成卽掩關。
卻爲故人重載酒，坐憑雲石弄潺湲。

敬美邀過澹圃同元美行甫仲美子念賦分得

看字

幾日登臨興未闌，開筵東圃更留歡。
巷幽誰擬烏衣過，溪靜真如菴畫看。
竹裏琴書清玉案，雲邊花石綴雕欄。
百年此會殊珍重，不醉那能強自寬。

同元美敬美訪王天馭宗伯家馭督學時俱在

告園居席間賦二首

古木高齋白接離客來扶杖出谿湄兩家兄弟都龍
鳳一代風猷自鼎彝永日淹留玄語合長天睥睨素
心知竹間共飽雕胡飯寧比虛船訪戴逵

其二

抗疏連翩下漢廷石渠伊洛罷談經崑山白壁元真
氣里第清言竝德星種樹久銓方外秘佩蘭時坐水
心亭過從偶疎狂客肯爲安車漫啓局

次太倉飲往嘉定訪徐大宗伯明叔不果悵然

甌甌洞藁

卷之二十九

七

寄懷

婁江東下海雲高咫尺玄樓望獨勞去棹偶然隨興
盡攜琴兼欲避人操懸輿不忝三公第走筆能驅萬
里濤白首新詩聊寄問還如二仲訪蓬蒿

吳門逢章元禮明府有贈

元禮江表名人初仕爲蒲圻令蒲予鄰邑也
故得習知其多善政好古文辭心竊慕之未
數月猝聞父凶棄官從間道徒跣歸毀瘠踰
禮業已居草土三年猶銜餘哀不忍遽出謁
選予見而傷之因有是贈且爲之勸駕云

年少詞名薄上都豈應山邑滯飛鳧一時家難身如
棄三載廬居血欲枯遺愛只今猶鄂渚立談何意偶
姑蘇知君故是神明宰許國那能負壯圖

傅曾二明府招遊石湖上方寺同文子悝張幼
千王行甫方仲美賦得雲字

上方臺殿入層雲極目三吳一水分斜日紺園飄塔
影澹煙蒼浦落峯紋詞人接席歡相狎茂宰登高賦
不羣千頃太湖杯回出榜歌漁笛自紛紛

偕行甫仲美訪王百穀留飲半偈齋得醪字

茂苑春花擁敝袍追隨二仲訪蓬蒿齋題半偈生如

甌甌洞藁

卷之二十九

八

幻榻遶羣書臥正高旋起呼兒開石鼎細談留客醉
松醪江東遊冶紛相媚乍可幽蘭向汝操

自婁水還次閶門適道初舣舟見待喜而成詩

咫尺津途去忽迷那知猶有一樽攜看花正好過吳
苑反棹何如在剡溪岸樹參差江賈雜鄰歌清切館
娃齊論心不及人間事酒盡前山日已低

題道初存石齋

道初先公故在諫垣有直聲存石者存其所
遺不且以名齋志不忘親也索余爲題贈

古道于今又沈郎高齋寂寂間松篁庭支一片黃公

石地是先朝給事莊只怪水雲深自結由來風水
老難忘吳山越海東南盡不比君家世德長

吳叔嘉招遊虎丘同幼子行甫仲美分得空字

石徑雲林轉鬱葱丹梯歷盡出花宮生公說法千人
去楚客憑高萬劫空峭壁臨關留伏虎遠山橫海見
飛鴻谿橋欲過成三笑酒社青蓮許暫同

吳江徐善長明府邀過浮玉洲同諸君宴集

太湖平遶洞庭山渺渺松陵一水間城堞半浮芳樹
出石梁橫跨曲江還無妨進酒歌相樂只惜當筵
已斑見道吳中多勝蹟漫同仙令一追攀

甌甌洞藁

卷之二十九

九

浮玉洲上與善長道故

春風洲渚片帆來亭館蕭疎背郭開邑介江湖稱水
國吏兼文酒屬仙才乍疑梁苑重攜手且對吳山一
舉杯七十二橋煙景闊醉看明月下蘇臺

吳江遇黃懋夫文學有感賦贈

廿載文林識汝奇飛揚六翮肯差池那知海國傳經
後又結江門載酒期吳地才賢爭問業漢家恩禮故
尊師高齋莫訝青蓮冷入對三雍詔未遲

沈道初憲副王予卿參知載酒駕脰湖見訪即

事留別

吳江春色太湖開何處方舟載酒來夢裏關山重握
手病餘天地一銜杯煙波不淺草鱸意巖穴偏棲種
蠶才片月中流分鷁首鐘鳴蕭寺若爲哀

駕脰湖舟中與王予卿道故

中原車騎總紛紛雅道相看只使君王屋振衣憑氣
象夷門側足過風雲那知千里星猶聚直似當年手
未分垂老竝應忘出處湖頭月色借論文

徐相國輓詩四首

相業三朝被鼎彝丹青赫赫帝王師懸車擬駕猴
山鶴辟穀將營地肺芝落日五湖驚改色陰飈萬籟

甌甌洞藁

卷之二十九

十

總生悲束芻千里空匍匐未報當年國士知

其二

台垣清切紫宸高尚憶當時夾輔勞解組至今賢廣
受紆籌往古失蕭曹稍聞弔客來雙鶴屢見中宮致
少牢冢上不須重樹梓差我石闕護林臯

其三

海氣淒迷萬象沈一時朝野竝含心門人操筆爭爲
誄天子銜哀詔賜金會葬舟車江路滿行坐松檜
野煙深慙予負土來何暮賦就鈴歌不忍吟

其四

雲間飛旆雪川來天目峯陰是夜臺
竊首碑懸名世業鳳池書屬象賢才
畫宮黠滄虛行哭隣笛淒清遠
寄哀空外定騎箕尾去江鄉何自望三台

潘公

登湖州道場山望見毘山芝林館奉懷大司寇
避人來訪道場山雙塔高低萬樹間
朱草室懸毘嶺絕白蘋洲遶雪溪灣
但將水石禪僧共那得雲霄地主還
入夜歸帆千里夢直隨明月到燕關

行經潯陽奉懷尚書學士董用均先生

楚客蒲帆震澤來南潯甲第錦雲開
懸輿萬木尚書旣旣洞藁卷之二十九
十一

里載筆千秋太史才臥穩客星成水石
丹還紫氣結蓬萊經過不淺追趨意病
骨龍鍾儻見猜

沈少卿工部招同諸君宴集

地主邀歡過野堂清歌妙舞促飛觴
孤舟信宿來王子八詠風流自沈郎
綺席春留芳樹色瑯盤夜進紫尊香
何當愛客都忘倦隔水千山已曙光

吳江詞人顧山甫王子良周叔宗各以詞翰見

訪舟中賦此報之

詞名江左故無虛結社吳山引綠渠
竝有雄心驕五嶽獨含愁色向三閭
移舟客坐欣相結授簡新篇愧

不如解道兩都文物盛偏令風雅屬樵漁

酬沈應宿明府見寄

仙令飛鳧大海傍徘徊幾日遲金閨詞名不忝休文
喬吏事先傳季子鄉念我雙魚來信宿思君一水限
河梁亦知珍重投珠意只愧無能報夜光

病次吳江聞故人沈吏部方移疾在告不及晤

言比過閩門吏部遣人餉酒而侑以二詩殊

敦舊雅有感賦謝

聞君伏枕太湖濱我亦支離怯採新藥物但增羈旅
困詩篇無奈隱侯新回舟刻水興難盡握手燕山迹
旣旣洞藁卷之二十九
十二

已陳豈謂衰年能嗜酒出疆猶遣白衣人

酬傅伯俊明府見贈

蘇臺新雨近城過退食高齋敞薜蘿萬戶居人爭訟
少一時詞客借名多厭從娃館聽吳曲卻向賓筵叩
郢歌衰晚江湖猶浪迹飛揚白雪奈君何

贈曾處徵明府

南嶽尋仙杳未逢漫依鳧舄認仙蹤看花偶過長
苑把酒遙臨岸巉峯水繞八門關象緯匣韜雙劍
芙蓉弦歌滿耳都新政爲卜它時勒景鐘

園中與王罔伯坐談卽事留贈

十日山堂飲未涯移來一榻傍千花何當伯子偏
義不忝東吳有世家進艇浮煙谿樹合洗樽殘照石
門斜玄心過與人間別統綺風流莫浪誇

過吳未及見大司馬凌公先寄此詩

短棹經過司馬里遠巡一水是龍門白緣野服逢迎
懶轉畏賓筵禮數尊東海尺書何歲月南州一別又
乾坤衰年未息遯遯駕此意良當物外論

贈周公瑕

見道風流似石軍揮毫何異郢人斤橋通野水開玄
谷宅枕天池臥綠雲諸體故沿江左習六書應悟壁

麗甌洞壑

卷之二十九

十三

傳

中文吳門後進多高弟誰解酣題白練裙

吳門別曹子念

子念元美甥也

移舟並繫闔閭城和曲居然郢雪聲怪是曹家優仲
子可知王氏有名甥邀歡月借三江色惜別樽懸萬
里情見道明年浮漢水便應攜我拾蘭蘅

別張幼于文學

吳中佳士說三張仲子才情迥自強推第新營言偃
宅避人常臥石丞莊時名白首仍詞苑別意青山但
酒觴一水雙魚堪問訊不煩揮淚向河梁

梁谿舟中別林子啓尚寶還閩

白下違君曾幾日又逢歸棹出梁谿相看水上浮雲
過那得人間物態齊十載路岐成幻夢三山泉石且
幽棲樽前話舊難爲別岸樹青青返照低

王司勳汝明招飲綠蘿菴席間賦

畫舫周遭雜堞過依稀博望轉天河千門雨意含蒼
樹十里江光浸綠蘿地近老農春務急菴藏古佛悲
雲多弓旌在戶猶高臥軒冕知君野興何

訪白光祿伯倫園居二首蓋予嘉靖癸丑嘗過

伯倫飲此園去今三十餘年園景若故而予

兩人老矣相顧極歡醉中留贈

麗甌洞壑

卷之二十九

十四

傳

名園故是延陵勝千里垂年喜再過石室依然幽事
足雲林差擬舊遊多臨池古木排青漢遠閣殘山掛
碧蘿岐路一攜三十載誰能此夜不酣歌

其二

東園散步涉西園一過迂隨薜荔垣水榭重開光祿
酒石門曾駐尚書軒松陰白鶴迎人舞竹外丹榴繞
樹繁握手豫愁明日別徘徊深夜莫停樽

丹陽遇丁庸卿戶部招過觀音山亭小飲

遠寺深松靜可憐官亭好在萬松顛煙生廣野青冥
合日落澄湖白練牽賴有故人招避暑且同詞客醉

逃禪山僧洗鉢脩清供自汲雲根玉乳泉

寺中有井名玉乳

登北固

鐵甕城頭爽氣多雲峯千仞扼江沱臺荒不反梁王
駕地勝仍邀郢客過淮楚霧中開萬象金焦浪裏吐
雙螺古來京口爭雄者曾似滄洲一釣蓑

徐園小飲同子念左虞

水上煙扉紫短檣穿林窅窅似仙家山橫怪石如雲
起臺倚高松蔽日斜薜荔蕭疎蒙屋角漣漪清切寫
簷牙江風何事無情甚一夜吹殘木藥花

五月五日方納言允治歐虞部積伯招飲佑聖

甌甌洞蒙

卷之二十九

十五

萬

觀分得年字

古觀蕭疎野水邊故人佳節欸相憐供來驚黍聊隨
俗看過鶯花又長年玄館似因逃暑闢彩絲爭爲辟
兵懸孤帆已挂新林浦萬樹青青別思牽

孫正甫給事方子及郎中邀登雨花臺

斷壑松風卷綠濤雨花臺倚禁城高聽經擬共逃禪
去覽古寧辭策杖勞官闕五雲開御氣江淮萬里護
神臯夕陽歸馬長干道垂柳千門映敝袍

此君閣爲門人黃賓王題

竹閣崢嶸萬樹間端居誰共此君閒清谿繞作瀟湘

水白嶽橫爲鼓吹山載酒林邊佳客過拖書天外野
雲還主人年少無塵事何用黃金更駐顏

過馬明叔水榭同湯懋昭李時育集卽事成詩

水榭在金陵江東門外

竹迳逶迤水榭幽炎江風起亦清秋杯傳琥珀花爭
勸簾拂琅玕月更留攬景不殊秦杜曲聞歌疑近楚
蘭洲中宵醉放輕舟去兩岸鳴篳出翠樓

李惟寅載酒樓船邀餞大江方子及臧晉叔適

至同集分得留字

歸帆欲發爲君留載酒重過白鷺洲玉樹三山沈霸

甌甌洞蒙

卷之二十九

十六

萬

業金陵萬戶繞皇州更逢詞客成高會何忝長江是
勝遊明日便應懷往路煙波相望不勝愁

秋浦遇趙仁父司理兼得把其新詩喜而有贈

仁父予門人也

不忝吳公薦賢生治安終策漢廷名論文海上千秋
事握手江南萬里情古道蕭條看汝在新篇突兀使
人驚九華峯色清溪酒坐語都忘計水程

劉使君靜之招遊齊山二首

長堤高柳界湖光一片齊山駐夕陽霞靄芙蓉石
紫雨滋苔蘚六亭蒼靈湫穩藉蛟龍臥陰洞斜穿虎

豹藏天爲使君留勝蹟邀賓隨處著壺觴

其二

峯陰廻合萬蓮開幻作中天積翠臺遙郭煙光秋浦
散隔江雲物晚山來何年煮石留仙跡暇日登高見
賦才蕭鼓隆隆出幽壑對君那惜倒深杯

盤塘雨泊

千里歸程一水間忽驚風雨暗江關雲帆歷亂投孤
渚雪浪飄飄震萬山富口人煙沈樹外盤塘漁火隔
村灣明朝暑氣驅應盡好趁新涼瞬息還

聞陸仁卿自黃州召還比部員外寄此言別

甌鰓洞葉

卷之二十九

十七

握手風濤感慨深柯山樽酒憶招尋宏詞不忝宣公
裔羈旅偏憐楚父吟乍喜徵書來漢闕旋揮別淚灑
江潯一時郎吏多新進好向何人說素心

送仁卿赴比部

千里行旌向薊門黃岡父老競攀轅可知去國非
論直是還朝見主恩郡閣清風歌載路江干別思
酒盈樽白雲司裏西山色猶憶當年啓事存

寄和劉子威侍御

憶過金閭問舊遊萬家春色半扁舟看山宛轉移芳
樹望海扶攜上古丘杜史詩成明月壁榜人歌近百

花洲別來勝事還誰共東望江雲濤白浮

得朱子得章懷書并見懷詩卻寄

故人千騎出長楊河內雄分刺史章八郡行能高借
寇一時詞賦重遊梁看雲偶自過王屋就日還如在
帝鄉咫尺音書經歲遠可堪星斗夜相望

丘謙之王行甫夜遊北園同仲美醉賦

山園秋老故人過一逕斜陽散薜蘿秉燭林亭歌未
歇移樽風雨興偏多羣峯醉倚愁飛動曲磴頻穿奈
坎科洞口殷殷蕭鼓發漸看城闕倒銀河

郭外行經故友劉仲將朱懋之墓惻然傷之

甌鰓洞葉

卷之二十九

十八

瑟瑟秋風吹白楊荒荒野日澹枯桑雙墳寂寞村橋
外疋馬踟躕古道傍閱世從來駒過隙論交夙昔鴈
成行也知存歿俱長夜欲賦招魂轉自傷

宿顧德蒙書舍留贈

舍傍穿徑俯長渠小築真成靜者居雲氣半侵蘿石
潤桐陰全覆竹垣虛交歡不淺通家義抗志非徒讀
父書下榻爲君留信宿樽前風雨欲何如

顧子良憲劉備其弟子敬子德蒙甥劉彥孝枉

過蓮花山拜先大夫墓志感

二十年來靜掩關何緣散杖屨重山荒碑感慨雲林

下絮酒沾濡露霽間只自交情生死見便知人道古今還可憐風木哀無盡灑淚相看鬢已斑

秋日北園同則勸仲美伯明惟遠小飲賦得山字

爛熳芙蓉嶺小山陰森竹樹隱柴關浮煙細結平林紫積蘚濃滋錦石斑客興豈妨風雨劇時情偏助野人閒百年生事花間盡不醉那能倚杖還

又得如字

湖頭雨色淨郊居狎客移樽信所如林葉漸稀遙岫出石文新簇小亭虛羣花盡妬鴛鴦菊過鳥時窺玳

醜醜洞葉

卷之二十九

十九

瑁魚入掌深杯君莫厭秋愁盡向此中除

熊惟登六十詩

鄉國論交汝最深每從岐路憶雲林歸來好共漁樵計垂老偏憐少壯心看竹竝攜鳩杖出醉花時輓鹿車尋入間萬態都如幻獨有高風擬漢陰

同徐應時郭懋德北園賞芙蓉

秋盡郊園萬葉萎芙蓉幾樹獨含姿遶山新簇樓霞岫照水驚臨濯錦池斜日靚妝驕欲語清霜狡服劇相持懸愁風雨催零落且共移燈坐少時

冬日同徐應時孝廉暨兒無忌過禽谷訪熊惟

登夜飲席上賦

歲晏霜寒萬木凋孤溪入谷轉迢遙孤舟不淺王猷興三逕能容將謝翦白髮論心悲短景清樽促膝造深宵無勞太史占星聚自分疎狂負聖朝

月夜過六墩訪則勸攜飲舟中卽事

寂寂高齋次水村堤楊野竹護柴門偶乘明月移雙棹共傲嚴霜醉一樽永夜漸看沙鷗起隔江時有榜歌喧當杯更結重來約老去山陰興尚存

過故友劉方回墓

不見劉郎歲已深偶過山徑忽陰森重泉白骨無新

醜醜洞葉

卷之二十九

二十

故積薪蒼碑自古今十月嚴霜凋宰木一溪寒霧濕秋林虛勞下馬驚樵牧鶴馭蕭蕭那可尋

子良彥孝德蒙夜過北園小集因留宿兩兒在

侍鬯然成詩

薄暮松風掃石牀清秋蘿月照飛觴移燈小徑山行曲徙履高臺野望長星聚偶同荀氏里地偏誰擬晉公堂酣眠已涉華胥境何用求仙向渺茫

七言排律五首

寄懷子與兵憲

簪閣蕭條一病夫懷人落日滿江湖神魚失水窮相

照旅鴈衝寒遠自呼老大新提三尺簡艱危更繫五
兵符漁舟載酒疑前日鳥道驅車各畏途虛擬弟兄
官漸遠向來山水調仍孤微名僅可克雞肋小婦何
當挾鳳雛子與尚夢往獨迷千里駕書成先寄九夷
圖爲言努力加餐好欲俟河清歲已徂

答元美中丞寄題北園詩用來體

錦牘題詩慰隱淪郊居五月似青春可知靜後心仍
幻不獨窮來句有神杜楫久淹浮海興荷衣不忝灌
園身卽看花石紛相媚豈是禽魚偶見親高臥莫驚
壺嶺癖遠遊終作弁山賓清齋一室惟僊侶大雅千
甌甌洞藁

卷之二十九

三十一

秋自故人關世總堪醒夢寐與君須復訂玄真月明
東望三吳夜流水桃花何處津

竹里館詩有序

汪生所居竹里館予友李于鱗徐子與王元
美俞仲蔚並有題詠而元美末句不勝山陽
之悲以其時于鱗初逝也今生攜以示余則
子與仲蔚又相繼逝矣撫卷含悽幾不忍讀
屬生索予嗣響因用元美體應之生名時元
字惟一新安人

竹里名依華子岡何年移傍此君堂鮮筠裊露丹

細勁節凌霄綠玉長數畝繁陰翳陸海萬竿疎雨過
蕭湘樽邀梁孝園中月袖拂元卿徑裏霜羌笛未裁
龍競奏秦蕭欲截鳳先翔嫵媚隔幔琴微冷葱蒨臨
池水脉香居士風流還洛下故人消息半山陽異時
看去同誰好獨有王猷興更强

題震澤遐思卷有序

震澤遐思者吳人思林侍御子啓作也子啓
予門人按吳且十年無論激揚風裁爲天下
望卽頃年拮据救荒經畫修水政三吳之民
竝賴之因竝德之其有遐思人情哉俞生襄

甌甌洞藁

卷之二十九

三十二

其卷來視予予竊有喜心焉爲賦長律一首
見道清霜肅肅都邪知霖雨遍三吳觸邪屢拭湛盧
劍禦水新沈秘景符極目狂瀾誰底柱傷心澤國濱
荒蕪巡行不獨開千畝指顧真能劃五湖滬濱幾年
侵橘柚鹽田一日謝荏苒流亡負子循阡陌灌漑分
丁走轆轤井邑斯今無菜色封章自昔建訐謨占年
海上蒲贏遠樂歲沙間稻蟹連問俗有時驚夢寐望
塵何處不歡呼河渠書就方興載瓠子功成帝力
扶重地十年仍鳳節向天萬里信鵬圖請看諸道觀
風使勲業誰如予大夫

送鄒彥吉自黃州太守還中督學詩用行

甫體

雪淨長江萬木春
離懷漫向酒邊陳
執珪仕楚名偏著
鼓棹浮湘賦正新
遂使清風生蕙圃
稍聞優詔出楓宸
試論西漢循良吏
誰竝中朝社稷臣
雙隼飛揚辭鄂渚
五驄迢遞入甌閩
瞻星只訝文昌麗
問俗翻從裔壤親
握管三山憑氣象
探珠八水渙精神
鱣堂應有關西頌
鳳節遙同博望賓
何限美材供巨室
更呼遺劍出延津
不知望海高歌處
曾憶當年屬和人

甌甌洞葉

卷之三九

二十一

甌甌洞葉卷之三十九終

甌甌洞葉卷之三十一

武昌吳國倫著

始安張鳴鳳校
新安方尚賢校

五言絕句一百八十九首

送友人從軍四首

談經不得意
投筆遠從戎
一入嫖姚幕
先稱檄草工
其二

代馬捷如龍
揚鞭日千里
橫行沙漠間
稍雪男兒恥
其三

單于寇朔方
虎士莫言強
長纓在君手
親縛兩賢王
其四

甌甌洞葉

卷之三十一

一

悲歌出塞曲
慷慨從軍行
但醉葡萄酒
莫聞邊馬鳴

閨怨八首

少婦惜年芳
不知春晝長
偶看花漸落
羞自理紅妝

其二

臂挽雙角弓
身騎五花馬
年年隴水西
歲歲長城下

其三

陌上采桑還逢人
半羅綺聞郎挂鐵衣
永遠在龍城裏

其四

何處白狼河
春愁萬里多
十年書斷絕
惟有夢魂過

其五

憶自新婚別長征未擬還苦寒人易老寧復記紅顏

其六

一片秋空月閨中夜擣衣如何南鴈去不見北書歸

其七

聞道交河戰全軍奏凱還豈應封拜日不度玉門關

其八

顧眄東西鄰窮年樂相守封侯豈不榮所願在箕帚

宮怨八首

華月麗金屋疎星臨綺窻徘徊星月散無語對銀缸

其二

麗麗洞葉

卷之三十一

二十

夜宴昭陽罷傳呼御輦過六宮俱望幸何處獨笙歌

其三

寂寞長門裏春來樹亦芳可憐芳樹色也解惜紅妝

其四

紈扇題難就霓裳舞未諧秋風吹落葉一夜滿空階

其五

曉拭芙蓉鏡寒生翡翠樓玉容虛自照珠箔爲含愁

其六

春鳥鳴高林秋蟬響幽砌獨有空閨人不知歲年逝

其七

自罷芝房奏常含桂殿思惟應御溝水流入影娥池

其八

朱粉了不施閒調青羽雀慧語在雕籠何如草蟲躍

惆悵詞四首

人言種玉難不如種花好誰道同心花變作斷腸草

其二

萬羅附青松恨不日千尺常恐歲寒時綢繆不如昔

其三

昔聞秦女簫吹時能下鳳蕭史不重來月明好誰弄

其四

麗麗洞葉

卷之三十一

三

鴈去忽已反君來杳無期惟應化松柏與結千歲脂

子胥城

入郢師何壯浮江骨已銷至今殘堞裏惟有野雲飄

甘寧墓

坐扼長江險將軍自虎臣青山埋俠骨荒塚亦嶙峋

孟嘉墓

爲問陽新令誰如孟氏賢孤墳不可弔虛識永和年

謝公祠二首

古祠依鷺渚疎柳過漁舟不是名賢寓誰知水郭幽

其二

樹杪千峯躍城頭二水環當年讀書處不忝是東山

病中作

對客醒時少憂生病日多孤踪藥餌寄萬事酒杯過

青陽驛阻淺

利涉非吾計窮途處處逢片帆飛不去箕坐數前峯

詠天池

一勺天池水星河此竝流老龍聽法去爲澤遍神州

聞笛

羈旅不堪夜笛聲那可聞風吹折柳怨散作楚江雲

署傍小園初闢二客過飲

甌甌洞藁

卷之三十

四

三百五

爲園新種竹不讓野人居客至旋沽酒官貧好著書

昌邑田家卽事二首

竹逕穿田入荆扉傍水開誰知持法吏亦作問農來

其二

抱甕誰家婦攜兒學灌田君王如賜帛合向爾曹

先

晚過喬園二首

西鄰客已醉此境到何遲一逕斜陽色羣芳過雨時

其二

不是高陽里如何酒伴同狂歌脩竹畔散步落花中

答李丈

白首凌雲氣紅塵混俗身未辭彭澤去猶是折腰人

齋中對羣卉十詠

移花滿齋閣閉閣花相憐倉庚有何意忽忽鳴我前

其二

小筍抽綠玉脩篁拂青雲風雨箨滿地片片皆龍文

其三

叢蘭自幽芳豔桃嬌不持濃澹各有適合情好向誰

其四

鳴鳩拂其羽鳴我芳樹叢君子有所思乃在江之東

甌甌洞藁

卷之三十

五

三百五

其五

庭開五色花膝擁雙稚子將酒醉而翁花意亦爾爾

其六

結束坐公府羣吏走相迫逃之衆卉間居然靜者宅

其七

臥治非曰能神遊亦苦遠攬衣遶花石春雲信舒卷

其八

開軒弄明霞抱甕汲新瀑誰知此一區可以縱遊目

其九

接樹亦奇技吐華非故根物性若將戕天工安所存

其十

紅紫不相奪榮謝亦有期古來達觀者爲樂能及時
與子畏談後有感寄徐使君二首

其二

汝穎十萬戶徐侯挽不來一春沙草色荒殺景夷臺
重過茶洋觀泉二首

其二

懸泉聲不斷山館入淒清起詠滄浪曲居然勝濯纓
瓶瓶洞藁

卷之三十一

六

陸游

送阿端

小字無忌二首

其二

日日呼無忌爾爲讀父書祗緣歸計促忽忽涕漣如
五載南中臥羣愁藉汝寬亦知非久別歧路忍相看
偶題五首

其二

素質皎易汚青蠅來何辭吾躬苟不直多口良吾師
許由竊皮冠曾參操血刃疑端豈終釋古心但自信
其三

黃鵠摩天舉羣鳥紛啾啾相彼亦何意仰視非其儔

其四

熒熒寸心亦自謂可照天燭龍闕九陰精光誰爲然
其五

又五首

好醜不自見險夷從所遭我生固有命之子毋乃勞
五載樵陽牧褒書與薦書不知飛一語聲價定何如
其二

聞道讒書入 君王置篋中似能憐季布又 詔守
河東

其三

瓶瓶洞藁

卷之三十一

七

陸游

明月持爲鏡臨粧忽自悲出宮猶見妬何計掩蛾眉

其四

抱病歸無計驅馳畏路深不緣銷骨語那遂乞骸心
其五

不獨和光晚由來息影遲索居從此逝何用託鴟夷

題梁思伯藕花居

里舍依城僻池軒迫嶺孤千花平玉井六月坐冰壺

夜過吳約卿侍御

避馬人方劇登龍客晏如追歡但今夕何用別來書

酬約卿

白筆愁驚世清樽巧避名投予自雙壁何敢愛連城

許生以醫術訪予蕭寺

逃禪亦逃暑伏枕妙香臺不是韓康伯何人賣藥來

宿清江

空館雲猶濕高江月正新蕭然一杯酒愁殺故園春

清江晚行

曲曲清江岸寒帷入遠天歸雲雙鳥下落日數峯懸

武陵逢於信夫贈之四首

君住武溪曲溪雲結釣臺桃花何處色不入酒杯來

其二

甌甌洞葉

卷之三十

八

虞翻

儒怪遊梁客清時納綬還却隨唐善卷高枕大龍山

其三

垂白容如玉還丹術已真可知騎馬客不及捕魚人

其四

久無城府跡爲我一披衣聽罷幽蘭曲依然踏月歸

過七盤嶺七首

驅馬度層嶺馬鳴知轍軻欲舒千里足其奈七盤何

其二

萬山躋不極忽削半峯飛一線羊腸路懸空上翠微

其三

步石如步虛懸輿若懸綆上欲排天閣下疑墮空其

其四

白雲在山下大鳥飛不來尺步難爲力寸心中自摧

其五

前足却後足後踪躡前踪遲回數盤下下見千仞峯

其六

下盤無息踵倚石坐山腰亂瀑如雷墮僕夫魂盡銷

其七

石梯斜引棧雲磴曲旋車宛轉扶筇過艱危亦自如

麻哈江

甌甌洞葉

卷之三十

九

虞翻

地割雙崖險江吹萬石流桃花半開謝不著捕魚舟

落梅歎二首

忽忽春無力梅花作雪飛誰能萬里外聞笛不思歸

其二

昨日花滿枝今日花滿地愁殺詠花人東風有何意

飛絮

東風柳初條飛絮亦何早幾日春已殘那不令人老

過清平與王幼明言別十首

夜郎五尺道羅夷宅荆榛川嶽苞靈光千載鍾異人

其二

昔交孫山甫今見王幼明相輝兩琪樹竝價五都城

其三

幼明何瑰奇束髮事墳典一目下五行十年破萬卷

其四

讀書悟斷輪縱筆如挾軼射策英妙年致身青雲上

其五

致身豈不早行路良獨難蛾眉本誨妬何以結古歡

其六

仕宦不遇合棄之一畝屣耦耕石戶農問道廣成子

其七

旣翫洞葉

卷之三

十

結廬南山阿種藥南山下藥苗長如雲彷彿具茨野

其八

學道自有真求友良非偶不作域外臣安得丘中叟

其九

巖穴老斯人真宰獨何意巢由自一區不爲唐虞棄

其十

我車駕言邁長當與子辭五嶽一卷石白首聊爲期

同徐行父遲唐憲使適阻大風不得渡河行父

有作走筆答之

一線青陵道三門白水河問津無客至且聽大風歌

松菊堂

豈是徵君宅居然松菊堂總知歸去好無地不柴桑

買菊四首

山中灌園子掘菊換金錢沽酒飲其華將無學延年

其二

市上買菊華猶帶園中土誰知倦遊人亦作梁園主

其三

九日已云邁黃花猶媚人移來傍虛閣種種如所親

其四

銜杯視藥菊種異香亦異綽約霜露姿形神兩相寄

旣翫洞葉

卷之三

十二

二月九日還過三江口愴然有感因示工兒

牧兒生忘而三江口又工兒哭第覆舟處

今昔三江口存亡一寸心旅魂驚浪絕哀思與春深

夏日同方聖休俞敦甫暨無忌無傷兩兒泛湖

入梧塘舟中卽事五首

浩蕩南湖水飄飄一葦過長天孤鳥沒落日遠山多

其二

輕舸小於葉安穩坐空明不比航江海時時風浪驚

其三

鷗鷺各有匹葭菼自爲林何處弄漁笛蕭然諧我心

其四

谿頭千仞石流彩使人驚直似霞標起推蓬近赤城

其五

霞外衆山出浦南千樹芳徘徊應緩棹風景在陂塘

答曹伯舉二首

能詩如伯舉亦復困功曹自與傭書伍寧辭抱牘勞

其二

聞君負奇節白眼世人前狗監何時遇銜杯獨問天

張端孟齋中產芝草因圖其形來索詩贈之二

首

甌甌洞葉

卷之三十

十二

青山抱書處雲氣忽森森旋結三芝館高懸八桂林

其二

神艸亦何異霞英五色重展圖看不定如馬忽如龍

翫池中假山八詠

波上石嶙峋兼之百卉新亦知山是假霄壤孰爲真

其二

爲山本人力奇形亦天造只似陶朱公一池開九島

其三

羣峯互爭高一水僅旋艇幽意與之洽宜醉亦宜醒

其四

輕舸遶山麓來往不移時一線桃花渡漁郎那得知

其五

登臨日不厭只在小山裏上有三石梁下有百花水

其六

花開山有文花落水成錦獨立雲可招閒眠月堪枕

其七

山影時時搖芙蓉淺池底須臾見雲霞飄忽洞中起

其八

峯頭縱遐眺洞裏息塵機所以陶元亮愔然悟昔非

舟中卽事嘲丘謙之二首

甌甌洞葉

卷之三十

十三

豈向陽臺去翻攜漢女來但聽金縷曲便醉玉蓮杯

其二

去國鴟夷子扁舟載美人招搖過楚峽神女莫相嗔

郢中雜歌十二首

紫氣鬱高空金題元祐宮自從天子出誰不頌神功

功

其二

郢邸故宮留千年王氣浮由來江漢水環遶帝王州

州

其三

自是興王地均沾湯沐恩如何諸父老斜日閑荒村

其四

寢園三十里嘉樹鬱蒼蒼不有樵蘇禁誰知是帝

鄉

其五

憶自分茅日王田半郢疆龍飛已三世猶說內家

莊

其六

校卒馮專閫祠官領侍中政門紛自闢不比漢新豐

其七

龍龕洞藁

卷之三十一

十四

咄咄貴家奴鳴鑣出郢都爭馳狹斜道不讓羽林孤

其八

蘭臺不知處但挹楚王風卻是山川勝能令賦筆雄

其九

白雪非新曲陽春自古臺和歌人不見弦管發餘哀

其十

偶作石城遊無心喚莫愁平堤踏歌女笑我雪蒙頭

其十一

萬戶依南郭倡家與酒家東風吹不歇愁殺竟陵花

其十二

白面誰家子揚鞭踏落花千金買良夜醉殺不言家

聽戴生彈琴

茂林新雨歇客子抱琴過曲罷微風入冷然幽意多

二月望日園居對雪四首

寒氣薄春衣春陰黯洞扉朝來花漸發暮與雪同飛

其二

郊園春已半何處不芬芳一夜峯頭雪偏能妬豔陽

其三

夕沼魚爭躍晨林鳥不飛怪來風雪甚容易減春暉

其四

龍龕洞藁

卷之三十一

十五

嚴際雪成錦樹頭花欲冰移樽入孤舫猶似剡谿乘

友人程汝良五十二首

行年纔半百雙鳥遍江湖市隱兼儒術何言不丈夫

其二

髮黑面如童居然方外風可知塵想息便與守丹同

蓮華菴新成四首

池中開淨蓮池上規淨土小結摩尼菴良當水月府

其二

開社臨滄浦聽經臥茂林辟支元幻應自在即禪心

其三

芙蓉新出水爛熳擬天花故遶茅茨屋悠然大士家

其四

昔者陶元亮攢眉赴白蓮若知花是佛何礙酒爲禪

覺上人誦持蓮花菴贈之四首

未證三摩妙那知四大尊高僧說法處半畝亦雞園

其二

僧來本無意僧住亦無營池上繙經坐雲然雲水情

其三

吾豈善知識逢師一問津但明童子性勿現宰官身

其四

甌甌洞藁

卷之三十一

十六

張翥

誰能頂佛足汝獨抱禪心三昧本無量高眠雙樹林

風巖

如何一石穴噫氣羣山鳴萬虎嘯幽澗劃然山鬼驚

尹喜巖

問道青牛後藏真紫氣間巖樓高萬仞那復戀函關

臥龍巖

巖間吐真氣下有老龍眠起作元君馭猶堪遍八埏

黑虎巖

黑帝驅黑虎山行辟妖魔至今巖谷裏時有猛風過

白龍巖

白龍行雨歸但與白雲住只怪此山中鱗甲皆玉樹

凌虛巖

絕澗不可渡中有誦經臺豈應緣筏去學得駕雲來

妙華巖

天女散天華山成九色霞古來人迹少只可住僊家

滴水巖

山中玉乳泉細瀉玉龍口一軟清我心六塵復何有

磨鍼澗

抱杵臨澗濱成鍼豈其易非有金石心疇知神女意

鬼谷澗

甌甌洞藁

卷之三十一

十七

張翥

澗水落潺湲因風振珮環不知棲鬼谷何似訪神山

青羊澗

白石化青羊羣眠綠澗傍初平時一叱太半起爲梁

金雞澗

老樹圻危崖懸泉響靈谷上聞金雞鳴下有金雞浴

慧山寺觀第二泉二首

古寺已蕭條松風時謾謾惟茲石上泉一醒遊人目

其二

山躍九龍來泉奔萬珠瀉品泉者爲誰倒置中冷下

酈子與墓感歎七首

生死見交情那辭犯險行可憐千里駕無復故人迎

其二

孤舟疑訪戴迢遞越溪來隱隱少微見如何不可哀

其三

茗水綠如雲郊村水上分一丘傍東郭云是大夫墳

其四

雪上一杯土松間八尺碑總知名不朽身世益堪悲

其五

我登天目堂不見天目主篋笥殘遺編傷哉淪如雨

其六

脩文應待汝接武竟何人灑淚吳雲濕江天慘不春

其七

中原纔六子凋謝已無多光景嗟馳電吳郎奈汝何

其八

泊舟新林浦遙見牛首山牛首多白雲持杯已堪攀

其二

宛轉三新河風生水不波鳴笳官舫出吹笛酒船過

其三

呼醪亦何濁煮茗但成滓縱有武昌魚不烹建業水

其四

花濃白板橋處處綺羅嬌玉樹非新曲遺風似六朝

金陵盛遊冶強半及姑蘇慷慨誰家子揮金醉博徒

其五

千家女如雲萬室花如錦挾瑟調新聲勸郎花下飲

其六

莫問前朝事但看江上臺平明拾翠去薄暮踏歌回

其七

賈橋集如林三老暮爭泊月出起看天且避風濤惡

其八

題白雲寺僧

其九

白雲本無心空山不知處偶爾風送來還隨錫飛去

其十

張使君郡齋吏隱亭新成邀集四首

其十一

老樹斜穿屋幽籬晚著花蕭然官署裏風景似山家

其十二

退食無塵事披衣過草堂遶亭新種樹勿剪是甘棠

其十三

水石諧清賞茅茨見素風偶來拚一醉誰獨笑山公

其十四

新瀦功德水小作放生池一鏡涵齋閣應留去後思

其十五

亦解遺清白耆年始抱孫蘭湯生喜氣弧矢壯衡門

其二

至後陽新復孫枝晚自憐聊娛右軍目豈必仲舒賢

其三

祖德慚無述孫謀安所貽命名將犬馬且進掌中卮

其四

豈是風神異能符匹練升傳家惟素業何敢望飛騰

文錦閣望霽雪二首

孤城雪已霽萬井氣如春獨鶴橫空下僊僊似洛神

其二

既既洞葉

卷之三

二十一

積霰不盈尺亂峯爭近人樹頭花漸落雲物自精神

六言詩三十一首

贈包護軍鼎臣四首

上馬橫戈耀日下馬草檄成雲誰識瘦羊博士居然

飛騎將軍

其二

學劍不當萬敵學書何用一身但少黃金結客非關

赤羽疑人

其三

莫訝千秋易相休嗟李廣難侯出門劍光凜凜知爾

報恩報雠

其四

孺子偶逢黃石兵家虛領白猿贈君彩虹千尺應手

繫作素纜

齋中偶詠二首

絕域偏容高枕經年不覩除書法家藉爲經案官居

何異僧居

其二

旋緝茹垣護竹閒提石甕澆花呼酒卽稱勝事閉門

知是誰家

既既洞葉

卷之三

二十一

登分界後山小飲四首

遠院峯陰突兀分庭樹色濃安雙鶴載鳴載舞一樽

自勸自歌

其二

小閣懸臨萬象危峯自占一鰲誰信抱書爲吏還能

閉戶登高

其三

城郭家家厭雨山川面面出雲天畔老夫獨坐閣中

野色平分

其四

樽盡萬山垂暮竹深五月如秋薄霧將舒忽卷醉翁
欲去還留

偶題東友人二首

世事孤埋孤惜物情狙喜狙噴雙足正如飛簷二官
何但積薪

其二

左驪難攝右驪東輦強效西輦只可棲棲卒老邨能
碌碌因人

沅陵放舟四首

策馬山行顛頓呼舟水泛憑陵萬里歸心如駛五溪
甌甌洞藁

卷之三十

二十三

秋色難勝

其二

溪穿小酉大酉舟解戩柯杙柯蓬底石飛象馬灘前
浪跋鼉鼉

其三

潦積灘平如掌雲依岸曲爲環永夜啼猿一枕西風
落葉萬山

其四

風候不知順逆山形迴欲飛騫伐鼓朝辭瓠石鳴榔
暮入桃源

病眩時口占五首不知其詩也夢也姑次而存
之

兩耳時鳴天鼓百骸真逼火城欲叩金漿自潤還疑
寶訣難行

其二

枕上萬形都贅夢中百鬼偏親偶爾縱聲叱咤猶然
抱膝呻吟

其三

冥眩初回生氣沈冥反似醉鄉苦性難移甘性藥腸
元是酒腸

甌甌洞藁

卷之三十

二十三

其四

跛足三蟲欲去甘心二豎思遷幸免黃熊作祟將無
白鶴成僊

其五

兀兀乾坤瀕洞茫茫壽夭幾微總類朝榮夕槁誰分
雌伏雄飛

過虎耳巖訪不二和尚語次四首

雪滑羊腸助險雲深虎耳名巖一榻棲形土石諸天
幻迹松杉

其二

聞有如三大願來參不二法門星應西來高士天假
南無世尊

其三

住世心同出世閑關功在開關煩惱或生天界菩提
反在人間

其四

究竟有空卽相本來何妄非真舍筏便超苦海循途
恐涉迷津

發舟東遊兼別北園二首

春水放船飄忽野雲送客綢繆竊比歸吳張翰還同
甌甌洞藁

卷之三十

二四

陳朝
三

訪戴王猷

其二

客夢已馳東海鄉心猶滯北園總負三春百卉偏驕
萬里一樽

夜伯湖州仲美被酒溺水舟人起之戲贈四首

詞伯欲克河伯鮫人將困酒人若使方郎不反誰其

問諸水濱

其二

天目東南勝槩雪川今古清流醉夢不知何處魚龍
好與同遊

其三

濯髮不須湯谷懸壺休訝日梁東海波臣復起西川
浴佛重光

其四

已向波心弄月俄從沙畔呼天甘讓汨羅騷鬼還輸
采石醉仙

甌甌洞藁

卷之三十

二五

陳朝
三

甌甌洞藁卷之三十終

觀黿洞藻卷之三十一

武昌吳國倫著

始安張鳴鳳校
新安方尚賢校

七言絕句一百二十七首

春江詞八首

樓頭小婦拭春衣昨日看花今日稀
暮雨偏深碧草色東風不送王孫歸

其二

繁花幾樹傍江潯蕩槳回看似錦林
片片落浮江面去枝頭誰見可憐心

其三

觀黿洞藻

卷之三十一

一

折柳溪頭聞杜鵑灑花臺上望歸船
不爭十日花禁老奈可三春柳未眠

其四

春江浪高高懸山蛟龍日夜吼江關
獨有涉江人不畏峭帆東去又西還

其五

今春江色勝前春桃李花時作意新
落盡未歸遊冶子看來愁殺浣紗人

其六

朝朝暮暮漢江頭雨雨風風殊未休
多少春情寄江

浪鵞鵝街尾下揚州

其七

牽江遊絲何大長隔浦落絮斷人腸
鷓鴣啼雨出松塢燕子銜春巢杏梁

其八

白雪團爲柳絮飄黃雲散作麥花搖
不知鏡裏容華歇日倚江門望洛橋

明妃曲六首

奉詔平明出漢宮鸞車萬里獨和戎
君王一顧恩多少只是紅顏負畫工

觀黿洞藻

卷之三十一

二

其二

漢家百萬羽林師遣妾和親妾未知
縱使單于遵漢約玉容難比入宮時

其三

五彩織綵耀日光入宮曾刺五雲裳
一朝篋笥無顏色恥向旃裘理故妝

其四

西風攬鏡獨含悲尚憶宮中望幸時
幾日邊塵吹滿面不教胡女妬蛾眉

其五

玉關西去馬長鳴不獨琵琶作苦聲最恨胡兒誇往
事漢家曾困白登城

其六

胡風吹雪暗陰山馬上驚逢漢使還爲報君王休北
顧六宮猶自有紅顏

送元美使淮便過吳中四首

翩翩征蓋出皇都駐馬重傾白玉壺共道相如能使
蜀誰知張翰復歸吳

其二

天際孤帆截海過三江雲樹隔煙波廣陵明月誰同
甌甌洞藁 卷之三十一 三 傳

醉定倚高樓一放歌

其三

洞庭橘柚富千頭江上鱸魚及早秋試上蘇臺望震
澤樓船還似昔人遊

其四

吳下風流本自多蓮塘桂楫戲清波風前孺子滄浪
曲月下佳人白苧歌

九日同于鱗子與賦

秋深木落鴈南飛客裏風霜又授衣燕市酒酣聊共
醉龍山家在未堪歸

送子相移疾歸廣陵二首

淮南落日半江明江上寒潮萬里生遙夜懷人意何
恨一帆秋雨傍蕪城

其二

少年結客重燕京別去猶牽萬里情寶劍銀鞍生俠
氣胡笳羌笛動邊聲

送李師孟愈憲分巡浙江二首

萬里秋風動薊門酒酣君往獨銷魂江南萬戶今流
血諸道衣冠總漢恩

其二

甌甌洞藁 卷之三十一 四 傳

武林城郭海雲蟠曾上江樓倚醉看一片潮來天地
白何人知是郢歌寒

送于鱗還郡二首

千門楊柳暗燕關不繫邢州五馬還寂寞孤城君更
臥白雲愁殺太行山

其二

東風片片下淪錢立馬看春倍可憐君去不堪仍北
望故人零落薊門天

太白樓二首同惟敬子與賦

城上高樓入遠天黃河萬樹起秋煙我來醉枕東山

臥未問當時有謫仙

其二

遷客登樓思轉濃故人攜手白雲從樽前不醉任城
月海上虛來日觀峯

戲馬臺

江頭戲馬築高臺玉勒金鞭雲錦迴荒艸似憐離不
逝至今猶使客心哀

雲龍山

雲龍山閣俯彭城醉裏聞歌激楚聲霸業已隨陵谷
易黃河不盡古今情

旣甌洞藁

卷之三十一

五

子房墓

留城只在黃山北孤塚離離夕照間一自赤松辭帝
子泗流東去不曾還

亞夫墓

鴻門玉玦豈全非西楚山川王氣微遺恨城南骨已
朽不知垓下漢兵圍

濠上六首

雲母山前王氣濃濠梁飛沫濺諸峯風雲不散旌旗
影猶似高皇駐六龍

其二

三牛城北是淮河西望塗山紫氣多殘堞已非湯沐
邑故宮猶想大風歌

其三

揚州四月羽書飛十萬淮兵戰不歸幾日江風飄白
骨那知少婦理征衣

其四

夫去防河役未停阿儂亦作守陵丁不愁薄命填溝
壑只恐烽煙迫帝靈

其五

樓船使者復南征六月淮陽未問耕羣盜不驚烽火
旣甌洞藁

卷之三十一

六

色居人翻畏棹歌聲

其六

江淮父老莫沾巾此日轅門將令新但使羣雄歸鼎
俎不妨諸將畫麒麟

月夜

月白霜寒天欲流關山此夜不勝秋豐城劍氣應寥
落虛遣張華問斗牛

酬同伯

宮亭湖上翫芙蓉雪後還登五老峯只怪落星寒自
動故人遙夜倚雙龍

答樹德

江上何人憶謫居
鴈過彭蠡數行書
可憐澤畔千秋淚
化作浮雲滿大虛

答用晦

匡山一臥萬峯低
吳楚乾坤望欲迷
五老白雲堪贈汝
天風吹入大江西

答用賓

憶在名園秉燭遊
嬌歌艷舞不知秋
于今只隔章江水
風雨淒其湖上樓

答宗良

甌甌洞藁

卷之三十一

七

何人吹笛楚江灣
楚客天涯逐未還
隔水畏聞楊柳曲
梅花一夜滿西山

醉石

何人枕石臥廬山
一醉聲名宇宙間
石上白雲今不散
知君元是獨醒還

文殊堂

春來騎鹿遍諸峯
貝闕金乘此乍逢
爲問何人開福地
文殊手植千株松

凌虛閣與桑侍御小飲

廿年聞爾爲遷客
今日予遷爾未還
茲地相逢如不

醉何須江上有廬山

贈賓陽道人

道人手持玉如意
朝騎白鹿廬山巔
石上逢予但一笑
千峯鬱鬱回蒼煙

左別駕攜酒後至

山形突兀楚天低
樹影參差客逕迷
興發正愁壺易竭
那知猶有故人攜

聞子相由選部出參閻省遙寄二首

馮唐老去未堪憐
屈指爲郎漫十年
自是承明能厭汝
白雲惆悵七關天

甌甌洞藁

卷之三十一

八

其二

匡廬峯色斗牛間
騎鹿尋僊尚未還
一望甌閩雲物變
定知君到武夷山

卓劍池

壽柏亭西卓劍池
僊人曾此斷蛟螭
至今斗斗沈無色
卽有張華恐未知

東鄰文學

春來不見鄒文學
醉臥還當第幾峯
欲遣白衣相問訊
却愁風雨暗芙蓉

酬劉

慙將短髮問流年
嬾拙猶逢長史憐
酒罷忽聞雙玉笛
魚龍日暮吼江煙

送王將軍赴閩二首

征旗獵獵馬如龍
萬里閩天瘴霧重
但使明珠全入貢
何妨勒石武夷峯

其二

閩中一夜羽書傳
萬戶蕭條入燧煙
解贈故人何所有
匣中風雨鬪龍泉

奉題 弋陽王 敕賜書院

平臺碣石未須攀
邱第新成霄漢間
一自君恩來

甌甌洞藁

卷之三十一

九

北極常令春色駐
西山

五老峯

諸峯歷歷黨青霄
五老雲深不可招
欲跨峯前九色鹿
直從天路坐吹簫

鐵船峯

天風吹席挂盧峯
棹鼓無聲雲漢重
一自鐵船飛不去
至今山澤吼雙龍

香爐峯

山煙細細鬱林端
散入春陰楚甸寒
我欲峯頭瞻北極
香爐不似殿中看

石鏡峯

萬仞峯頭石鏡懸
平臨日月倒垂天
滄江夜色寒相照
下有驪龍不敢眠

紫霄峯

紫氣峻嶒碧漢斜
好憑飛杖立煙霞
臨風一夜吹長笛
落盡江南楊柳花

雙劍峯

南斗雙芒削大空
萬山秋色鬪雌雄
誰應把向天河淬
坐使妖氛淨域中

上霄峯

甌甌洞藁

卷之三十一

十一

上霄峯影踏吳天
石匣丹書總未傳
巖下久無封禪使
老人常枕白雲眠

擲筆峯

慧遠風流天下聞
經成擲筆墮青雲
我來趺坐千松頂
指點潯陽九派分

鶴鳴峯

鶴鳴峯下讀書臺
樹杪雙飛瀑布來
峯際白雲千古色
昔人乘鶴幾時回

大林峯

匡廬山北大林峯
萬仞懸泉百尺松
只怪片梯行不

盡諸天天外更聞鐘

章城寒食懷劉使君

逢君斗酒自爲慳何事春花異地看曲水蘭亭今寂寞誰從寒食慰加餐

白鹿洞中間李實夫遊天池寄此

爾過東林問虎谿天池猶在石梁西登高不恐山靈妬爲叱風雲護舊題

九月十四夜劉使君見過

署閣黃花晚自開萬山明月逐君來吳兒莫唱江南曲恐起當年庾信哀

龐鵬洞藁

卷之三十一

十一

懷于鱗

渭水秦關天上迴使君持節馭風雷不妨萬里無書寄紫氣常從西極來

懷元美

六月提兵大海東書生亦作萬夫雄匣中雙劍無顏色倒吸天河吐白虹

懷子相

九曲溪流繞幔亭峯前海色畫冥冥故人無限中原思撫劍歌來祇自聽

懷子與

風塵策馬路俱迷爾得汀江似武溪花落案頭無一事尋仙時過玉華西

寄俞仲蔚

月上姑蘇江水青聞歌江上白雲停醉來莫傍漁磯臥恐有臺官問客星

寄謝茂秦

嗟君懷壁有誰知趙氏連城亦自疑儘道魯連天下士不聞東海蹈何時

寄魏順甫

翩翩黃鵠前門翔顧侶蕭條轉自傷燕雀不須驕羽翼南冥萬里意茫茫

龐鵬洞藁

卷之三十一

十二

翼南冥萬里意茫茫

寄李伯承

別來詩句滿青雲玉露先從狄掌分巖穴故人相問訊平津何客更如君

寄余德甫

吳釣炯炯燭秋旻尚憶綢繆贈所親但使當時顏色在不妨妻子日嗔貧

寄高伯宗

華陽館前荆棘生燕京上客自時名憐君短髮棲郎署猶向人歌白雪聲

寄張肖甫

燕京一逐酒人遊意氣偏能隘九州歸蜀何須難父
老錦江巫峽爲君愁

寄汪正叔

水部風流自昔時燕山易水坐論詩榻來萬里傳雙
淚不獨江湖有所思

章江舟夜

砧杵迎寒動楚天章門萬戶落嬋娟開樽欲醉西山
色鴻鴈一聲江可憐

留別三子四首

甌甌洞藁

卷之三十一

十一

章門春雨逗行舟莫向樽前問去留一夜愁人芳草
色直隨遷客過江州

其二

曲池臺榭枕龍沙幾度披衣醉物華別後芙蓉秋色
裏可能卮酒憶天涯

其三

江雨冥冥江樹蒼片帆三月度瀟湘吾將近矣桃花
水爾莫題書寄夜郎

其四

南浦魂銷未別時滄浪聞笛是相思曲中楊柳如堪

折不向秋風續楚詞

潯陽別南康彭澤諸生

九派長江九疊山白雲西送楚臣還諸生自可同陳
蔡敢謂滔滔世路艱

龍江別潯陽湖口諸生

潯浦風高巨浪橫片帆西指鄂王城別來莫作三鱣
頌我欲還山學耦耕

酬張文學送菊

彭澤歸來逕欲荒病懷蕭瑟度重陽那知藁菊移仙
署忽使秋容豔草堂

甌甌洞藁

卷之三十一

十四

寄懷于鱗四首

聞道齊中老伏生遠攜妻子歷山耕漢家若有傳書
詔使者何從問姓名

其二

自爾辭官入岱宗人間不敢羨登龍浮雲忽起中原
思棄杖高眠第幾峯

其三

海上春風飛騎來百年心事數行栽至今雲氣生懷
袖握管應知五色開

其四

客星一夜散華陽多難王生何處鄉却怪吾徒疎劍術不如諸俠少年場

寄訊王元美五首

聞君倉卒解兵符北走幽燕東入吳稅駕不知何處所天門一夜白雲孤

其二

江門灑淚問王郎六月寒濤白似霜可有黃金投俠窟從他赤眼向詞場

其三

論交原自古人情多難相看白髮生一劍恩讎渾未

甌甌洞藁

卷之三十一

十五

晏

報匣中虛使百靈驚

其四

玉門相望黑山戎百戰誰論主帥功此日中原無射獵王孫那得怨藏弓

其五

一死何辭叫帝閭汝家三世沐深恩男兒不學舍公女日月終應照覆盆

項羽祠

失道陰陵氣已摧漢兵一合楚雲衰虞姬亦是街恩死不爲君王泣草來

逍遙臺

逍遙臺上雨初收風起濠塘二月秋日暮空城山色清白雲如水隔衣流

夢蝶卷

曲陽城頭花未開漆園夢裏蝶飛來年年蝶爲春花老千古莊生夢不回

觀魚臺

魚躍濠梁去復還乾坤無意水雲閒莊生自信知魚樂何用南華著世閒

垂花塢

甌甌洞藁

卷之三十一

十六

才

雙樹藤花飛不起婆娑石塢山門裏東風吹花花奈何片片化爲桐柏水

渡汶河

誰言汶水不朝東劃地分流九道通試問天朝飛輓計何殊神禹鑿山功

汶上道中寄于鱗

幾日東山望未真只驅羸馬向風塵誰將馬上春雲色一寄山中抱膝人

高唐訪友人王珪

沙草萋萋鳴犢河高唐非復夢中過君今物外愁何

事學得縣駒不肯歌

花朝飲李子中宅

琥珀波搖金屈卮平臺風日醉堪持
西來無數嵩雲落合是三花欲雨時

其二

陌上垂楊青可憐城頭飛雨澹如煙
誰喚二月花開晚只怪吾曹醉不先

歸德署中對牡丹四首

移得名花爛熳開小亭無客自銜杯
醒時卽恐花相笑誰見紅顏去復來

瓶瓶洞藁

卷之三十一

十七

其二

十日東風香欲闌洛城春色病中看
莫教移植平章宅皓齒纖腰總未安

其三

誰將花貌比傾城世上虛傳富貴名
露蕊煙梢清署裏向人無語獨含情

其四

三月羣芳汝亦芳憑誰呼取百花王
開來不著人間色落去猶聞天上香

送胡方伯赴陝西二首

梁園三月花如綺花外車塵蔽天起
莫教絲竹發秦聲明日看花人萬里

其二

秦城四塞臨渭水仙掌靈臺碧空倚
一片嵩雲逐君去何人不道函關紫

戲簡魏文啓二首

客子遊梁正倦時鄉心猶恨鴈歸遲
倚闌白髮遙相憶窺戶紅顏總不知

其二

梁苑誰家花滿庭南州豪士眼殊青
秋風落葉遍江甌甌洞藁卷之三十一

十六

路豈是高唐夢未醒

奉送少司馬蔡公赴京營四首

五彩牙幢度鄴臺軍符直向五雲開
天京不近烽煙色樞府今登將相才

其二

笳鼓喧喧出豫州吹臺曾擬望京樓
河邊父老看旌節只道黃河不北流

其三

天王拔劍大明宮南走山夷西破戎
帷幄坐論司馬三非君誰得賜彤弓

其四

長安節俠羽林郎日擁琬戈扈建章天上風雲清警
蹕不妨休馬華山陽

子與助甫送予城南三十里風雨驟至與馬不

前酤酒田家酣而達曙各賦二絕作跳笑云

八月歸人興欲狂與君騎馬出斜陽張燈索取村中

酒醉殺風雷夜未央

其二

風雨城南萬木秋不辭今夕爲君留凌晨策馬去何

意赤日黃雲處處愁

龔龔洞藁

卷之三十一

十九

渡江寄子與

梁王賓客散平臺回首中原事事哀八月漢江濤似

雪分明司馬賦中來

崇安得余德甫憲使訊書奉酬二首

逐客行歌入武夷濛濛雨色萬峯垂故人何自聞消

息尺素先從海上移

其二

九曲溪頭信使來賜如九曲爲君迴若非一笑清纒

瘴那得三山佐酒杯德甫新破島寇遂期予爲三山

曉奚仲明

仲明黃山人爲廷平丞署于南陽遇

閩海愁雲黯不飛前中萬事已全非丹心一逐旄頭
落白骨甘從馬革歸

其二

劍化延津君不知海天雷雨赤龍馳我來更叱龍爲

劍挂向邾林第幾枝

龔龔洞藁

卷之三十一

二十

龔龔洞藁卷之三十一終

龍瓶洞藁卷之三十二

武昌吳國倫著

始安張鳴鳳校
新安方尚賢校

七言絕句一百二十八首

元夕林中丞枉過郡齋翫燈四首

春鴻海上捷書來夜雪樽前柏酒開莫道裝燈無七
寶醉中看似滿珠迴

其二

萬井花明火樹枝昭陽太守燕歌時夜深簫鼓殷殷
發猶憶追從太乙祠

其三

龍瓶洞藁

卷之三十二

一

海畔鰲峯削漢標斗間龍氣燭星橋時平上客能留
醉誰謂千金直此宵

其四

百輪燈火照孤城城上千峯徹夜明無數春星垂戶
牖不將牛斗問君平

答于鱗見寄二首

楚客高齋面武夷卧遊虛與列仙期故人一紙丹霞
色遙自天門寄所思

其二

海鴈將書到七閩白雲應笑未歸人鹿門好是躬耕

處那得狂夫肯厭貧

入計將出杉關顧季狂追至因攜山豫章入楚

分韻各賦四首

遨遊幾日醉三山一夜扁舟劒浦還不必郡齋留下
榻後車相從出關關得山字

其二

病後驅馳倦不禁長途須汝日論心經過半是重遊
地何處雲將五老深

其三

松菊蕭條一逕斜兒童雞黍爲君譁辟疆千畝琅玕

龍瓶洞藁

卷之三十二

二

色曾照延陵季子家

得斜字

其四

十日開樽楚水頭何曾風景異吳州酣來一吐胸中
盡不願人間萬戶侯

爲周明府題仕女鞦韆圖二首

綽約春雲結舞衣彩繩飄忽豔晴暉輕塵不逐迴風
舉絕似霓裳掌上飛

其二

素腕纖腰赤玉竿三春飛雪百花寒嫣然一笑雲中
下多少名姝懷袖看

夜抵汝南憶子與使君二首

汝南太守謫仙才留客清樽十日開此夜驅車深雪裏郡人猶擬和歌來

其二

數奇寧可失封侯那得徐郎曲似鉤不見城頭桐柏水至今難挽向西流

過鄴訪茂秦不值留寄二首

鄴城臺榭起雲霄汝曳長裾何處驕聞道主君曾賜妓莫乘明月和吹簫

其二

甌甌洞藁

卷之三

三

當年賜宴九華宮詞賦誇君老自工此日王門賓客散誰如銅雀怨秋風

雪次邢州憶于鱗使君二首

九華宮北峙邢臺楚客雙轡擁雪來必問故人懸榻處短檠殘角夜徘徊

其二

十年揮手去人間日觀天門醉不還此地只餘歌後雪乘風飛作太行山

過趙州憶許殿卿二首

邯鄲高臨漢將臺何人攜手放歌回喜邊一線漳

水猶似泱泱東海來

其二

趙地逢君漫十年漢家詞客半南遷若非太傅長沙去那得新書海內傳

酬歐積伯

相逢立馬薊城隅短褐風塵色自殊只道燕臺金易盡誰知南海貢明珠

贈薛子熙二首

子熙遊於杜青州遂得過歷下謁于鱗有客遨遊海岱間自言能御李君還攜來一片東峯

甌甌洞藁

卷之三

四

色猶似龍門不可攀

其二

爾傍青州杜使君琅邪高館日論文愁他醉裏南州榻化作峯前北海雲

贈青州杜使君子熙二首

北海城依島嶼開琅邪天畔出層臺誰言漢吏分符處不比周王賜履來

其二

客滿長筵酒不空海人能說大兒雄何如此日青州牧別築高堂禮蓋公

途中寒食

故園花發遠堪憐
日日江雲馬上懸
非爲食寒猶問
酒不甘春色老行邊

麻城逢貢文學有感

予與文學蓋自江州別也

老大無聞每自憐
路岐南北倦風煙
那知山縣逢君
日又似江州送客年

渡江入武昌二首

桃花碧遠橫江館
楊柳青搖鄂縣城
楚客歸心帆外
度不知春色故盈盈

其二

甌甌洞藁

卷之三

五

付

滄江兩岸白花開
照水分明五色裁
萬里人歸花未
落扁舟如坐錦雲來

渡黃河有感寄李參議師孟

問渡中原感舊遊
美人相望渺河洲
長年亦解朝羈
旅那得身如不繫舟

還郡得元美見寄答之四首

計吏新從漢苑回
振衣重上越王臺
虛疑海色寒相
射一片吳雲捲雪來

其二

散髮悲歌淚未乾
布衣疏食古今看
九苞鳳下詞人

第三足鳥棲孝子冠

其三

七首昂藏風雨驚
十年新膽一時平
霍家此日無噍
類地下應知戴聖明

其四

聞君忽悟大明光
轉法親逢十六王
手握尼珠駕鸚
鵡問予何事獨迷方

得敬美書卻寄二首

姑蘇臺倚白陽高
萬里雲霞望海勞
道有伏龍君不
信雙珠夜夜吐胥濤

甌甌洞藁

卷之三十二

六

傳

其二

懸車一臥海雲間
兩兩吳刀白玉環
多少恩讎銷不
盡尚噓虹氣入燕關

聞季狂從江中丞臨戎海上却寄二首

轅門揖客何所長
吻海鯨鯢正陸梁
萬弩射潮天欲
赤却憑詩句敵扶桑

其二

清秋開府壯臨戎
百粵蠻煙一戰空
妬殺幕中文武
士銑歌偏說布衣雄

送包護軍赴江中丞檄召防海二首

六月王師漲海屯樓船諸帥久承恩千金一檄飛如
電多少輝光起將門

其二

中丞臺倚戰雲高八郡寧辭轉餉勞君去好將溟渤
水急從蠻服洗腥臊

送吳士還四明兼有所懷四首

千古男兒七尺身肯將名姓委風塵歸歟且結明山
臥但有鷄衣莫說貧

其二

王家兄弟隱吳山客擬龍門不可攀怪道新詩偏贈

甌甌洞葉

卷之三十一

七

汝可知溟海抱珠還

其三

汝南太守故多情歸去猶耽好士名不有平原雙璧
在何人到處識虞卿

其四

舊識包郎與薛郎雙簪彩筆傲扶桑題書欲寄秋雲
色一夜從君萬里翔

雪中送酒與君敬戲題

閩海風高雪正狂葡萄新酒爲君將無須竊向東鄰
去只合酣眠小婦傍

與方君敬五首

歸來未穩北山眠一夜兵聲萬事捐鼓笳向人雙淚
盡餘生那得問桑田

其二

太守單車入郡時故人雙屐避兵馳月分五斗周家
粟且莫尋山學採芝

其三

鼓角山前白骨高蒲陽萬戶已蓬蒿還家無力鳴刁
斗望海時時倚佩刀

其四

甌甌洞葉

卷之三十一

八

誰道樵溪讓武陵桃花不落水雲迷三年未問來時
路日日酣眠石塔西

其五

不關詩癖老來深萬事都歸抱膝吟小婦炊糜君但
飽海頭兵色故陰陰

酬鄧文學見訪二首

朝來紫氣入閩關何處天風落佩環爲挾麻姑能羽
翼片雲來往幔亭山

其二

爲佩雜瓊瑤雙鳥名山信所如太守避堂留未

得當年北海事應虛

過興林寺

谷口溪流抱法臺爲攜風雨叩關來逢僧一飽孟蘭飯只乞青蓮手自栽

寄懷周光祿鳴周

紫雲溪上木蘭舟亂後言歸淚未收華屋荆榛誰舊主古臺麋鹿好同遊

舟發平原至水口二首

金鎖江頭春水懸暮雲遙海盡南人孤帆背指三山發只似浮槎過日邊

甌甌洞葉

卷之三十三

九

其二

桃花落盡海門春煙水茫茫又問津一夜棹歌聲不

斷萬山愁殺未歸人

董生爲予傳神

美人來自玉華山雙管雲霞五色斑貌我不須麟閣上期君好在鹿門關

董生自吳中攜所圖元美兄弟及子與影子見

示因成此詩

各天相望日徘徊千里圖形海上來却訝故人龍宿地片雲朝暮越王臺

送江中丞八首

時被謗待調

十年海上一戎衣百戰親扶禹貢歸即使臥龍今更臥南人猶自識天威

其二

自按陰符破綠林璽書常荷主恩深何須一勺東洋水更與扶桑洗赤心

其三

閩海年來已晏如如何父老泣當車但愁塞外無重譯不少人間有謗書

其四

甌甌洞葉

卷之三十三

十

彤弓白簡侍中貂一鎮東南殺氣銷若道明珠克後載不知何物壯銅標

其五

四十登壇總大戎帳頭環立萬夫雄親裁露布飛雲錦遮莫文光掩戰功

其六

絕域秋風正憶歸天王殊未釋宵衣前旌尚染鯨鯢血一夜遙將六傳飛

其七

海上三城一戰收幕中文武憶封侯君看赤鳥居東

日四國何言不可流

其八

莫教飛鳥玩良弓猶有丹心貫白虹八郡鐃歌聲不
斷角巾私第亦元功

與薛子熙

脩竹園西一駐鞍黃金臺北更追歡山川託足何時
遍風雨銜杯此夜寬

贈畫梅者王人佐二首

叢花如雪練如霜郡閣依稀白玉堂應手忽飛紅紫
出春風不落壽陽妝

擬阮洞簫

卷之三十一

十一

傳

其二

爛蕖橫梢隔絳紗玉妃雙倚翠欄斜初疑笛裏回三
弄却是毫端散五花

贈邵夢弼

誰挾三山跨六鼈扶桑東柱海天高由來國士逢時
晚自倚長風擊佩刀

贈林茂才子啓

聞海儒衣百結懸漢家經術幾人先毫端自染風雲
色不必吳公薦少年

寄慰曾子澄將軍三首 昨下獄

關扉日落望天關貫索星回壯士顏若道金雞難救
死何如鐵騎不生還

其二

百戰誰誇馬上郎一書垂死見鄒陽如君早佩黃金
印那識幽囚是福堂

其三

吻海樓船罷戰歸千金募士已全非東門黃犬猶堪
獵何用丹心博赭衣

途中九日二首

九日檐帷海上回不知藜菊傍誰開浮雲肯蔽登高
臨擬洞簫 卷之三十一

十二

傳

目一片鄉心萬里來

其二

桂樹凋殘菊又花秋風歲歲客天涯接羅倒著顛毛
短不是龍山醉孟嘉

許山人乞石竹與之

短竹蕭疎傍玉華石盤雲水漾晴沙無多秋色山齋
裏乞與金闕處士家

題李孝甫畫扇

拂手千山落照橫挂帆何處水雲輕若非張翰乘秋
去合是王猷載雪行

陸道田使君左遷河東轉運

三謁承明十九年與君消息並風煙官同季布分符
去老及蘇卿仗節還

毘陵陳貞父見訪

燕市難逢舊酒人看君何自亦風塵由來色借山川
合只似交從杵臼親

贈王朝珍文學二首

燕山高竝郭生臺策士如雲奮臂來見說千金收駿
骨不知何價待龍媒

其二

甌甌洞藁

卷之三十二

十三

青霞爲佩綠荷衣八極橫將二鴈飛欲挽瀟湘雲水
色爲君添入彩毫揮

題梁少嘉書杏

文杏花時春已深淺紅輕碧畫陰陰教庾嶺梅相
妬漢主何曾幸上林

哭司馬總戎王先主六首

十載胡塵老壯顏匈奴未滅敢生還可憐廣柳車中
骨不比輜輶出漢關

其二

城北長驅事已非旄頭不落將星微三江未泛鴟皮

去萬里真同馬革歸

其三

胡兒飲馬渡桑乾曾見長纓繫可汗烏盡弓藏君莫
怪漢家諸將屢登壇

其四

司馬名高天下聞不須麟閣更圖勲梁鴻自託要離
葬千古吳中烈士墳

其五

玄塚離離白馬哀吳中弔客莫相猜若非徐揖將芻
到定是桓榮負土來

甌甌洞藁

卷之三十二

十四

其六

力盡疆場意未伸誰將功罪擬甘陳今皇特下
賢詔高塚祁連氣象新

答沈懋學山人二首

五鳳城南識沈郎新詩授我意飛揚羞將五色江淹
筆只博千金陸賈裝

其二

下雒川頭雲水孤微茫樓閣遠峯扶沙邊忽掃垂絲
石絕抵關西佛界圖

石龍池

太守臨池洗墨歸墨花散作彩雲飛石鯨欲吼潭龍起風雨孤城掩夕輝

夏別駕代予入觀送之二首

朝元百辟會明堂五色雲浮五瑞光不信明珠還合浦憑君萬里獻天王

其二

海上論功別駕多朝天猶自擁瑯戈君王若授征南節不必書生下尉陀

送潘少承赴京

鳴鞭西叱五羊行萬里遨遊五鳳城海內談宗今白甌甌洞葉

卷之三十一

十五

首少年誰更識潘京

寄懷楊別駕

時署石城

白雲爲署石爲城風起枕林作雨聲閉閣無眠占夜氣銀河倒映浦珠明

以兵事赴雷陽次化州四首

陵水郡前陵水環氣蒸青瘴出烏蠻鷓鴣啼老桄榔樹猶有南征客未還

其二

五月提兵向海洋旌旄度石龍岡飛騰千騎風雲色不用樓船下越王

其三

十年父老厭兵聲炎海何時殺氣平但使諸酋能解甲海頭先築受降城

其四

龍母山前海氣昏馬疾祠北瘴雲屯書生豈有平蠻略萬里殷憂客至尊

送陳教授汝亨赴楚王府

甬東辛苦粵南來壯氣都從海上摧一片浮雲無處著隨君又過豫章臺

洞庭湖舟中別司益甫二首

甌甌洞葉

卷之三十二

十六

洞庭秋水碧氤氳四望關山渺不分一葦中流千里別夕陽簫鼓淚紛紛

其二

風起平湖浪跋天蛟龍雙翼使君船飛帆瞬息華容道旅鴈追呼自可憐

過曹名卿憲使宅小飲二首

洞庭西盡五溪頭風雨停驂問舊遊但使五溪俱釀酒不妨十日爲君留

其二

重逢不記別君年短髮垂垂落日前末路行藏堪自

笑岸頭虛泊問津船

送林繼暉大參赴滇南二首

金碧峯懸洱海頭大藩開在古梁州誰言職貢西南
遠萬里寒帷是壯遊

其二

斗酒重停使者輶酣來抵掌話三朝
牂牁落日傷心盡又向蘭津十二橋

寄遠曲二首

章臺楊柳綠如雲憶折南枝早贈君
一夜東風人萬里可憐飛絮已紛紛

甌龔洞藁

卷之三十二

十七

其二

海門孤鶴影蕭蕭萬里歸樓珠樹遙
何事弄珠人不返欲鞭秦石駕飛橋

飲飛雲洞二首

飛雲洞裏雲不飛結作仙人九色衣
我來醉著雲衣臥巖下白龍行雨歸

其二

乳液冷冷雪未消珠光散作彩霞飄
靈根倒植虛無裏一夜春風長石苗

次澗溪與許給舍言懷二首

駐馬山城二月過澗溪花鳥奈君何
分泉一洗風塵耳不遺夷歌混楚歌

其二

漳柳蠻花亦自春樽前白髮故相噴
由來萬里居夷客竝是先朝諫獵人

雲溪洞

雲溪溪上碧雲流有客乘雲繫小舟
石穴空明無一象旋持瑤草飯青牛

天然洞

奇峯倒作萬蓮開洞裏陰晴只浪猜
罔象不驚龍正甌龔洞藁

卷之三十二

十八

臥寒湫夜夜吐風雷

瑞竹吟二首和孫中丞

九節離奇雙籐分含風灑露灑青雲
惟應南海琅玕樹連理相輝似此君

其二

一片清陰朗玉壺風生鳴篠自相呼
聽來羌水龍成匹看到崑墟鳳不孤

阿落客歌二首

鼓子花開六月寒烏丸稻熟且加餐
南人新解巴渝曲荻管聲聲蜀道難

其二

滇人未盡蜀人過車馬如繩奈賊軻莫以相逢非故
舊三杯同買聽夷歌

何元清別駕將赴句町夜過空亭話舊二首

黔陽風雨客消魂駐馬披衣夜叩門二十五年俱一
夢莫將華髮惱清樽

其二

碧雞東望曲江城江上諸夷盡漢兵番老一官猶絕
域可知銅柱亦浮名

題王右史小像二首

旣觀洞藁

卷之三十三

十九

骨象蛟螭劍烏孤故園風物夢中圖滄浪孺子今如
在定識行吟楚大夫

其二

右史風流故不羣醉來軒冕一浮雲只今阿堵猶含
笑誰道凌煙勝廣文

相見坡

相見溪頭相見坡九盤雲石九迴波登來不說羊腸
坂涉去真如賊射河

安鄉閑涼四首

彝陵面面水爲鄉河伯年來苦望洋三峽濤如天上

落蛟龍白日鬪琴堂

其二

大鯨新漲碧氤氲秋盡三農種未分赤子漂零魚腹
飽何人能訴洞庭君

其三

巴丘南望水吞天只似懷襄更九年獨有浮家人未
去安鄉市裏泊漁船

其四

蕭條官閣浪痕新風雨經過獨愴神西去汨羅江已
近懷沙千古淚盈巾

旣觀洞藁

卷之三十三

二十

旣觀洞藁卷之三十三終

甌甌洞葉卷之三十三

武昌吳國倫著

始安張鳴鳳校
新安方尚質校

七言絕句一百四十五首

鄂渚放舟達樊口二首

大別山移小別過小回江送大回波歸帆一羽東流
迅盡日天風揚棹歌

其二

黃鵠磯頭解纜還白頭浪裏過樊山膾魚沽酒且今
夕明日郵籤是故關

賦得隋堤柳二首

甌甌洞葉卷之三十三

千里金堤遶汴流龍舸幾日又揚州春深楊柳花如

雪不管隋煬宮裏愁

其二

汴堤官柳廣陵花一望春光盡帝家歌舞行宮猶未
旦千門萬戶隱啼鴉

哭顧季狂四首

聞君老作南中鬼卻憶南中對榻時酒癖詩魔渾未
醒哭君那得夜臺知

其二

鄉下傳詩自謝生詩成不忝謝生名如今並厭人

世泉路相逢亦愴情

其三

韋布交游俠氣深恥將然諾易千金總令身後家
洗蹈海被裘自此心

其四

一病沈冥萬事空誰將孤櫬反江東蔡邕王粲都無
後不朽還應藝苑同

江寧王別館宴集

鄴下風流帝子偏城中別館自林泉栽花細遮藏書
榻面竹深開避暑筵

甌甌洞葉卷之三十三

清虛宮二首

青溪道士白雲居日誦元君玉字書忽有空香迎客
至月中攜手步清虛

其二

偶來仙觀踏飛霞遙見青林已著花若道人間無月
府門前誰駐五雲車

出山二首

飛泉出峽猛如龍萬壑聲傳送客鐘一片紫雲流不
云當谿立作道人峯

其二

鳴嗽促管應輕鞞十二黃冠出洞齊不信雲山能礙
客前津又似武陵迷

訪劉右史不值聞有具茨之遊

馬度空桑一叩關尋真何處不曾還虛疑七聖從君
過風雨蒼茫大隗山

贈劉元善

倉頡臺前拭彩毫垂垂玉箸走金刀侯王問字車盈
巷只博風霜滿敝袍

其二

大弦新促小弦沈肉甲飛揚作古音鍾子亦知山水

甌甌洞藁

卷之三十三

三 鄧

調相如難寫鳳皇心

寄懷貞吉宗侯二首

南浦樓船載酒過廬山飛瀑倒銀河祗今逢夜思公
子六月寒煙生薜蘿

其二

生綃七尺瑩如霜彩筆親題寄夜郎一片溪山雲裏
出依稀坐我輞川莊

方寅初自京師下第還楚

擔囊遠度濁河濱高館秋風旅思新北走難逢圖駿
客南還猶是敝貂人

題朱邦肅山中葬母卷二首

宰木雲寒烏夜悲金蠶歲久不成絲可憐陌上逢君
日猶似山中哭母時

其二

倚廬蕭瑟傍玄臺想像慈顏月下來欲挽潘輿泉路
隔秋風三泖不勝哀

既別元善至長潭愴然憶之

一葉飄飄宦海歸石盤山色浣塵衣朝來悔與劉郎
別却遺愁隨北鴈飛

喜入楚境

由光山入麻城凡七十二洞予往返仕途蓋十涉之矣

甌甌洞藁

卷之三十三

四 鄧

木陵關口度巾裝回首浮雲謝帝鄉七十二河辛
苦盡誰能復作問津郎

贈形家者程生二首

誰分八柱轉坤輿章步差池亥步虛雉水龍山纔黑
子可容真氣結吾廬

其二

何處新傳相地經身披海嶽掌掄星勞君爲卜容棺
土不必重逢郭洞靈

初春六日學宮望雪

西山萬樹玉玲瓏百里煙光一望通凍草欲迷青帝

聳碧雲偏擁素王宮

久雨則勸

風雨淫淫暗大荒野田無麥水湯湯窮秋定倚琴歌
哭黍飯誰應問子桑

雨中園居簡汝修

繁花困雨不勝春碧鮮盈階鳥雀馴同巷只君如一
仲寒裳何惜往來頻

溪上同諸客流觴醉歌四首

百日風光一瞬過計同羽王遊後凡百日矣重來酒伴莫憎多請
看前度流觴處忽漫青蒲間綠荷

龍龕洞藁

卷之三十三

五

其二

一片浮雲覆石溪沙茸如雪水花齊臨流競取浮觴
飲醉問桃源路已迷

其三

賓從翩翩少長同蘭亭千載更遺風狂來只怪杯行
緩旋折青荷製碧筒

其四

平田漠漠水磷磷白石橋通九曲津四望羣山清興
足飲中何異八仙人
得友人方子及詩卻寄二首

結髮稱詩老未工憐君獨有郢人風曼聲歌入金陵
市六代豪華一瞬空

其二

白下詞名有二方雲林相望亦輝光千金尺牘君休
艷妬殺當年俠客場時新安方思善與子及並在郎署詩亦齊名

胡茂承自郢再至對雪二首

雪後曾登紀郢臺放歌還向雪中來萬山寒氣兼天
擁不敵茅堂一酒杯

其二

日暮風高雪正狂君來但坐酒壚傍相看一夜陽春
龍龕洞藁

卷之三十三

六

色江上梅花樹樹芳

再哭子與六首

淮南分手迫兵聲夏口方舟何限情兩地白雲愁已
斷獨留佳句使人驚

其二

東望淒迷天目峯三江風雨泣芙蓉由來玉樹沈光
彩結作愁煙幾萬重

其三

客散華陽五土分詞林六子半脩文那知又脫延陵
劍挂向徐君第四墳

其四

浦樹陰陰江霧黃見君無地哭君傷泉臺迥隔三江
表絮酒何因遠自將

其五

六十無兒敢問天帷中朱粉夢中憐馮誰慣進鵲鷗
膳不奪阿婆敵體專

其六

東海李生南海梁化時俱作海雲翔可憐孺子如宗
餒鬱鬱遊魂兩異鄉

俞山人東歸

甌甌洞藁

卷之三十三

七

燕臺千金趙雙壁不及太湖三畝宅歸去且同麋鹿
遊那能老作諸侯客

徐可源至

歲莫江天雲水寒相將何處好投竿不如且醉霜林
下贈爾新裁竹簪冠

送求叔還蒲圻三首

五月煙濤五兩輕思歸重過鄂王城城頭黃鶴不知
處月下猶聞玉笛聲

其二

十日樽前得句多少少年詩法奈君何憐才一遇張京

兆不忝清狂寄薜蘿

其三

蒲首山中蕨正肥江行又載錦鱗歸莫言奉母無兼
味新集芙蓉當彩衣

與王行父方仲美飲北園竹下二首

小徑新除二仲過嬾娟綠竹翳青蘿攜壺入坐濃陰
裏且辟時人一放歌

其二

脩竹檀欒傍水湄客來何異集蓬池却看池上玻璃
色妬殺杯中雨露姿

甌甌洞藁

卷之三十三

八

送王君還姑蘇

年過五十困遨遊到處看山惱白頭竹下一樽傾不
盡歸心已作片雲浮

北園同吳叔嘉瞿伯明賞牡丹

洛苑移花冠眾芳臨池巧作漢宮妝朱顏惱殺清狂
客日落酣眠錦石傍

小玉井紅蓮盛開同方仲美莊則勸共賞

雨過風生玉井寒綠荷如幄倚層欄移樽坐傍紅香
醉猶勝將軍幕裏看

園居雜詠十二首

湖上千山與萬山水雲迴合赴柴關誰將片地收奇
勝帝遣吳郎納綬還

其二

乞得青山傍郭門白雲爲社水爲村行歌每逐漁郎
後卽席還推野老尊

其三

一夢遽遽三十年無端蕉鹿總茫然歸來旋作常醒
計洞裏明霞竹裏泉

其四

師子岡頭三徑開竹間新構讀書臺客來問字從攜
甌甌洞葉
卷之三十三
九
酒醕酊無妨舉世猜

其五

匝池芳樹綠氤氳擁砌繁花五色分得醉林間俱長
日那知身外有浮雲

其六

綠陰亭午覆平橋六月林深暑氣消坐裏忽驚幽籟
發甌甌洞口客吹簫

其七

芙蓉新集野人裾被向山亭錦不如剪韭烹葵堪佐
飲客來休厭食無魚

其八

獨有文心老未捐閒憑彩筆傲山川誰言在野君
恩薄數卷殘書亦俸錢

其九

新裁綠玉繫漁竿野色偏繁紫簪冠雨後波平蘭槳
滑香風片片水花寒

其十

萬樹蒼蒼隱萬家雙湖夾繞郡城斜銜杯壺嶺峯頭
坐無數遠峯樓落霞

其十一

甌甌洞葉
卷之三十三
十
高陵門外躡飛橋萬頃波中百雉搖誰道家園門巷
裏不殊松桂鎖僧寮

其十二

橫塘新柳密如雲恰是滄浪一水分莫問山川誰是
主總來魚鳥亦堪羣

與黃克端

築圃新開石蘚亭君來何自識林扃淹留共飽田家
飯高枕雲間萬竹青

龍港

一溪飛流挂遠山尋源莫是武夷灣灘前漁子鳴榔

過石瀨磷磷響佩環

烏春江

誰道烏春減富春被裘是處好垂綸江流混混山煙合不信客星能妬人

望夫石

月寫雙蛾霧結衣望夫山上望夫歸朝雲歲歲含愁散暮雨年年作淚揮

贈樓道人二首

白衲黃冠海嶽姿乾坤不盡遠遊期飄飄訪我重巖下握手談玄卽故知

甌甌洞葉

卷之三十三

十二

其二

四海如涔五嶽卑懸壺遠跨白雲馳何時息駕崑崙圃與子同燃若木枝

送陳良孺茂才還金陵應試二首

片帆東下石頭城千里江濤一日情怪是獨攜龍劍去逢人無處不相驚

其二

入楚親傳白雪歌東歸不復聽陽阿止須一曲逢知己天下同聲未必多

宿悠然樓

小閣虛窻入遠峯古槐脩竹翠陰重涼雲滿榻此高臥何處風飄定後鐘

悠然樓聞布穀

布穀聲殘雨乍收卻餘清響到山樓起看初日射高樹幾處水田雲亂流

詠西山古樹

辟暑宮開萬石間古藤如樹樹如山婆娑不駐吳王輦風雨禪僧自掩關

觀試劍石

山頭石泐雨淋漓誰道孫郎劍術奇鼎足未安王氣甌甌洞葉

卷之三十三

十二

盡卻留陳跡使人疑

百丈泉

回山山半藥堂懸樹杪飛流百丈牽怪是仙源神漢出居人匏飲亦長年

錦雲幄

片片江雲五色飛飛來巖下却成幃只疑二室藏片處無數精光疊翠微

玄玉府

萬石輪囷萬樹中玄霜冷浸玉華宮操瓢坐挹天漿飲不信瑤池路不通

滴乳巖

雪乳泠泠滴未乾
藥珠千葉不勝寒
怪來今古無人跡
卻有老龍巖際蟠

詠品字蓮有序

往歲乞千葉蓮於顧子承先生所種之北園
小池得竝頭華數朶以爲奇今年忽有三花
合跗而開觀者大奇之余考花譜蓮之重臺
雙頭者不常有世人指以爲瑞惟宋嘉元泰
始間一生於建康一生於豫州皆一莖兩華
則三華更不常有可知也乃予池以竝頭爲

甌甌洞藻

卷之三十三

十三

常且得三華如品字則應何瑞乎作品字蓮

詩三首

千葉蓮生太華峯
移根南土百靈從
一莖竝吐三華出
面面都金玉女容

其二

濁水芙蓉本異姿
重臺竝蒂亦稱奇
今看一萼花成
粲何羨三珠出海時

其三

綠沼紅蕖手自栽
看時常抱佛書來
若非帶共禪心結
那得花成品字開

詠雙竝頭蓮有序

昨與仲美賞品字蓮業已成詠今晨同張使
君再至則又增一花成雙竝頭矣花神幻妙
一至此哉使君喜而稱瑞屬再詠三詩

昨日三華共蒂抽
婆娑玉女醉瓊樓
不知何意爭穠豔
一夜分爲雙竝頭

其二

兩兩名姝國色同
新妝無力倚東風
趙家姊妹如相見
恥盡雙蛾入漢宮

其三

甌甌洞藻

卷之三十三

十四

翠莖天矯葉婀娜
捧出丹珠氣象多
世上合歡與連理
看來不及夜舒荷

同敬叔觀蓮二首

綠萼丹葩挺素秋
微風波上錦雲流
大堤嬌女踏歌出
一一新妝勝莫愁

其二

芙蓉的水宮妝
無語含情喚納涼
箕坐綠陰羣鶴息
一樽明月醉餘芳

舟送行甫出富口二首

十日園亭興未涯
又乘明月上星槎
村前沽酒問漁

路何處青山不是家

其二

霜清月白野猿哀江上寒濤捲雪回醉裏不知君欲別片帆飛出萬峯來

踏雪登壺嶺與友人共酌醉歌二首

壺嶺中分北海洲萬峯寒氣一樽收西風片片天花落身世飄然彼岸遊

其二

愛雪衝寒上碧岑呼兒將酒莫停斟不妨與客婆娑醉便臥溪傍玉樹林

甌甌洞藁

卷之三十三

十五

酬楊使君遣人餉酒

郢中移棹入隆中幾日懸灘臥北風何處白衾來送酒萬山寒氣一時空

雙筆峯

亭亭雙管卓空虛點染雲霞侍帝居若道玄冥無鳥史人間何自有天書

二蓮峯

參差天外削晴峯花萼扶疏紫翠重七十二巒俱淨土寶光爭射兩芙蓉

七星峯

北斗杓懸黑帝宮千山金碧曜靈通峯頭一掃浮雲盡九野蒼茫指顧中

中笏峯

一片中峯帝座前分明笏起朝天羣山拱伏都鷄侶玉筍班頭是上仙

五老峯

曾爲傲吏謫匡山日日酣遊五老間何意重逢在天上隔林蒼翠杳難攀

三公峯

虛皇宮闕九重開突兀三公進壁來合有天符傳上甌甌洞藁

卷之三十三

十六

界常令真氣出中台

香鑪峯

何人望氣指田關卻在三公五老間只怪空香飄五色誰知天帝遠遊還

玉筍峯

天削羣峯大頂看枝枝綠玉秀成竿春風不解淇園籜萬點龍鱗白日寒

天馬峯

不見長空天馬來咆哮風雨躡雲雷自從玄武迴靈馭萬嶺盤爲戲馬臺

展旗峯

黑帝當年護北征
陳前時躍九龍旌
只今龍影寒千丈
猶使妖魔日夜驚

丹竈峯

峯爲金鼎石爲丹
萬古雲煙火候看
人世九還俱浪說
由來天地一泥丸

紫蓋峯

一蓋浮空擁萬靈
仙壇縹緲降雲輶
老夫欲跨峯雲去
便謁東皇上紫庭

舟發均陽江上卽事二首

甌甌洞葉

卷之三十三

十七

滄浪水泛鴨頭綠
石色沙光蕩晴旭
不見當年鼓枻人
輕帆已落萬山曲

其二

麋子城南一水斜
望中天柱矗明霞
朝來已破遊仙夢
五嶽五湖都是家

聞張助甫擢御史中丞開府寧夏寄贈六首

十年戎馬護秦關
數有飛書慰聖顏
萬里承恩開幕府
提兵深入賀蘭山

其二

賀蘭山北過羌戎
只怪頻年未挂弓
主帥只今文且

武旂裘遠徙不言功

其三

黃河西統黑山營
枹鼓喧喧戰馬鳴
一自登壇揮白羽
萬山雲鳥盡天兵

其四

長驅萬馬蹀胡庭
誰道文星卽將星
朝野新聞上邊事
還如克國備先零

其五

青銅峽口古靈州
黑水河穿紫塞流
一夜羌人吹笛過
千山明月總邊愁

甌甌洞葉

卷之三十三

十八

其六

畏路浮沈三十年
帳頭金印老猶懸
子房赤手扶炎鼎
黃石陰符豈浪傳

劉世仰文學自金陵寄薔薇百本栽之小園經

春盛開喜而成詠兼謝世仰四首

百本薔薇九色花
一春穠艷足山家
銜杯不共劉生賞
望望金陵日又斜

其二

密刺柔條挂短籬
卷紅抽紫簇葳蕤
遙亭面面看如錦
誰道春從白下移

其三

花滿當年六代宮分來牛勒也春風但須日日花前
醉不必詩傳鮑謝工

其四

萬朵垂垂曲水傍鏡中波拂美人妝迎船曉挹梢頭
露不減琉璃瀉異香

池中畜未魚有徑尺而死者詩以弔之

錦鱗朱鬣戲新荷噴沫時驚赤水波失勢未乘雲霧
去誤疑天女擲金梭

竹間納涼

擬魏洞簫

卷之三十三

十九

萬竿脩竹綠雲中不羨吳王避暑宮幽鳥自來還自
哢石牀箕踞領清風

再贈汝良

黃龍洲畔著浮槎白嶽峯頭弄紫霞來往片雲將鳥
過不隨津水問桃花

閩門九歌

吳王臺榭水煙空千載吳州尚倭風鶴市雞陂今萬
戶誰家不似館娃宮

其二

大賈軒軒水郭盈五方淫巧市明爭金多自挾侯王

重縣吏那能問姓名

其三

酒船如蟻集金閨絲管紛紛遊冶郎花裏行厨驕綠
幘柳邊歌扇倚紅妝

其四

兒郎未盡女郎過畫舫追隨盛綺羅何處相期踏歌
好吳王洲上百花多

其五

百花爲苑酒爲城太半歌聲與笑聲三十年前海夷
入此中麋鹿也縱橫

擬魏洞簫

卷之三十三

二十

其六

殿閣嶙峋冠虎丘山門雜沓酒人遊醉來袒臥生公
石那得當年會點頭

其七

金碧焚焚點萬杉僧房詘曲水雲間望中越女飄長
袖多似吳王挂錦帆

其八

十里風濤蕩石湖上方春色散蘼蕪蘭舟往返輕如
葉不惜千金盡一呼

其九

凌晨伐鼓暮鳴箏竝作吳王宮裏聲不道吳姬歡未
竟東門曾覩越人兵

卽事戲贈王行甫四首

翠袖青蛾倚市門手持花萼妬王孫曼聲歌出章臺
柳此夜何人不斷魂

其二

江樓載酒出吳姬不比紅兒與雪兒見道肉聲能勝
竹調人偏唱竹枝詞

其三

館娃宮畔偶尋春花月偏然解妬人爲問風流誰得
甌甌洞藁 卷之三 王 傳
似前身合是沈真真 其人沈姓

其四

輕舟淥水蕩紅妝還似西施響屧廊卻怪五湖歸未
得尚留魂夢惱王郎

章元禮明府餉予牡丹花二本舟中謾詠二首

謝之

木藥新移種不羣數枝穠艷忽如雲攜來縹緲峯前
賞誰識河陽縣裏分

其二

名花朝自美人移淺碧濃丹總異姿百寶裝欄非所

羨天香飄處卽花師

聖壽寺禪房訪亮上人二首

城隅古刹不知年佛火熒熒雜市煙卻有高僧飛錫
至旋分龍水植青蓮

其二

隙地新成大士家逢師說法散天花偶然留客享清
供第一泉烹顧渚茶

傳曾二明府載酒閭門泛舟對月同諸君各賦

二首

閭門五水入湓潭萬戶嬋娟一鏡涵空外依稀仙佩
飄飄洞藁 卷之三 王 傳
落那知飛鳥在江南

其二

海風吹月上蘇臺仙令攜壺白舫來夜永潮平天籟
靜吳山點點霧中關

題仲和王孫中冷館二首

楚宮雲日蔽江關別館翛然水石間只自杯中傳玉
乳常如几上出金山

其二

浮玉山開第一泉何當飛灑帝孫前須臾解盡文園
渴多少清風入綺絃

張禹卿遊楚一年還豫章壽其母八十贈送四

首

入楚逢人便楚歌狂來杯酒奈君何江門一夜西風動忽有歸心到辟羅

其二

南嶽探奇興正新故山其奈倚閭人還家且獻忘憂草不減千秋種大椿

其三

黃髮慈顏燕喜開江雲故送彩衣回贈君斗水瀟湘色持作西堂介壽杯

甌甌洞藁

卷之三十三

三十三

傳

其四

衣冠名閥自洪都卻寄浮蹤遍五湖拾得蘭衡歸奉母慈闈夜夜錦雲扶

甌甌洞藁卷之三十三終

甌甌洞藁卷之三十四

武昌吳國倫著

齊安王同軌校
新安方尚贊校

碑文四首

太昊犧皇陵廟碑

犧皇氏之王天下也蓋都陳稱太昊云太昊陵在今陳州之西北三里東去其畫卦臺二里高可十尋望之嶢嶢若園丘蔡水經其前東匯為池即白龜獻瑞處陵左右至於今生若蓋地靈也而犧皇之靈實幽贊之陵園寢廟深廣三百畝有奇未詳所自置乃饗祀之典則由上世以來不廢我

甌甌洞藁

卷之三十四

一

通鑑纂要

高皇帝定天下之四年詔治太昊陵寢親為文遣禮官牢祀之敕守臣歲祀為令甲逮

純皇帝即位七年詔大治寢殿殿後為平臺重屋貯御碑其上前為神御為露臺以受朝饗又前為輦道為寢門為棘門為應門門各三扇閤麗泱鬱過孔廟數倍蓋隆之也百餘年來頗為霖潦所囓蟻蜂乘而腐之土木頽弛丹雘剝蝕而先朝之所隆幾且蕩然豈獨其守臣責耶

今皇帝即位之二年都御史臣道憲御史臣鈇以督學副使臣貞吉言具疏請得留酬帑金三千金大治

之如

憲廟時不治且亟壞而費益不訢制下大司宰尚書議議治陵如兩臣言第不得留帑金以薄邊實爲主計者憂其便宜圖之未幾都御史召入爲少司馬御史得代行明年夏四月御史臣堯卿按部陳州齊沐而謁陵廟則參政臣國倫按察僉事臣汝翼臣坤亨從之御史頗仰徘徊感然顧謂三臣曰岌岌矣古之式閭表墓爲其賢且藉以風世也聖如犧皇非所謂啓斯文之闕而爲萬世帝者師乎卽奈何惜三千金使

醜醜洞藁

卷之三十四

一

傳

祖宗之制蕩然又安在其表中土而稱

今皇帝德意乃謀諸都御史臣重奉詔共圖之以經費屬布政臣承蔭以管度屬坤亨以興事攷工屬知州臣烝而以其尉若幕副材石旣盈工吏旣肅拓其舊而一新之凡因之工三拓之工七建兩樓神御前左衡鼓右縣鐘相望若井幹應門之外營綽楔三其一廣徑門象太乙其二橫道東西鄉象六闕御史題其中曰先天門東曰繼天立極西曰開物成務森若鼎峙而樹屏其南以辟車騎爾乃繚以重垣垣皆朱堊翼以丙舍舍皆玄巧別爲左右夾道以通齋棧

庖漏之所爾乃前後植柏數百株蔚然成青林矣是役也因財於公羨因役於刑徒不薄邊實亦不侵民力經始於七月而以十二月告成御史卽以其成之月自大梁馳至陳誅日舉祀事國倫等從之如初御史曰美哉巖巖乎翼翼乎稱帝陵矣藉不得奉明詔從便宜臣力豈至此哉屬國倫紀其事而碑之國倫曰犧皇之功德大矣紀傳所載象圖書卦應龍紀官造書契之文制嫁娶之禮教收漁養犧牲蓋其彰彰著者萬世之下仰而師之其功德大而難名故其澤綿綿而不斬嘗考棺槨制自黃帝黃帝有冢在橋

醜醜洞藁

卷之三十四

三

山猶曰葬其衣冠今按世紀由女皇至無懷氏凡十五世皆繫庖犧之號而後炎帝作由炎帝至榆罔凡八世而後黃帝作然則太昊氏遐矣未有棺槨疑無冢卽陵廟非古也豈後世帝王將脩其功德爲是望而禋之猶所謂葬其衣冠意乎乃茲十尋之丘非有厲禁歷千萬世樵牧不及惟蒼生之而人無古今賢不肖未有毀其一抔土者非其不斬之澤然乎不者何虎丘之錮驪山之穿曾不得比于裸葬而以牢祀終天地乃在其棺槨未制衣冠未藏者乎嗟乎異矣與矣我國家凡三詔治陵而陵寢盛諸臣或倡其

議或肩其勞皆有所以默翼之

今皇帝法古圖治茲一甚盛舉矣孔子曰德合天地者稱帝太昊氏又帝之始也國倫雖欲譽天地之大其將奚從

楊侯城興國碑

初楊侯城興國成父老欲碑之侯不可曰予虞其有復瑕瑕不足恃也其侯之三年乎踰歲淫雨霑而瑕者數處更築之蓋三年城不復瑕父老曰可碑矣侯又不可曰城非從地出予實罷民力興事而復壞以自勞人其謂之何父老以告吳子吳子曰侯意深哉

甌甌洞蒙

卷之三

四

夫春秋成城必書重民力也昔華元巡功子罕行築皆以謳者之口增畏可知古人大役必不得已而後興即防民之口猶防川難矣豈其易居成功乎侯過自謙讓有以也父老識之又踰歲侯遷襄陽永去父老環城而嗟曰微侯其孰遺我以安可碑矣乃礱石以請於吳子吳子曰今乃知父老之不忘侯非有爲也因紀其事而勒之按興國居鄂下雉間故永興縣地歷宋元或爲軍或爲路明興始署爲府尋改州州故有城委土爲之城西一面墉山其三面皆壑湖久之盡圯而僅址存屬承平百餘年民間外戶不閉小

有野警一虞侯之力能制之故有司不恃城居人亦晏然無所告急至嘉靖中鄰境盜漸起間一竊發則

陰結里人爲鄉導然猶憚捕不敢近城久之鄉道皆盜且引鄰境盜深入爲父老憂有司始戒嚴議城守請給縣官緝錢繕治之既得請乃復料民而役計畝而材民自爲城而縣官緝錢莫知所出入矣未一二年城又盡圯頗爲黠盜所窺遂有乘墉而入斬關而出者有司息莫敢問且亟下令勿告變告變者杖殺之嗟乎茲毒於藉寇兵甚哉隆慶中唐侯汝禮來請括鄰邑之田虛我境內者籍爲里氓因得而租庸

甌甌洞蒙

卷之三

五

之衣冠之使無負險而潛奪其遠心且用以備他盜蓋自籍里以來而又繼以楊侯善彈壓四境庶幾其按堵矣乃楊侯視城之圯也則憮然不勝其憂曰古者司空不視塗猶以爲非國而況國無城郭乎夫盜賊何常之有今恃一日羈縻而忘久遠計非是因與父老約曰亡羊而不補牢可謂智乎厝火而臥積薪可謂安乎今父老皆有闔廬以辟燥溼而郡不城猶野處而露寢難且復作將奈何諸父老無不欣然願受命侯乃率其承史物土方度丈數揣高卑厚薄而差算其徒庸財糗奏記兩臺使兩臺使如其議以請

于朝報可於是得留貢金三千有奇爲城資侯乃聚諸父老之稍有家者授以心計分董其役掘舊址入地深五尺實以巨石基之基以上則琢石鱗次而甃之石以上則陶埴而埤堦之外削而內墮豐下而銳上周遭可六百餘丈高二仞厚半之爲門五而樓櫓其上東曰下雉西曰永興小西曰陽新南曰鎮山北曰高陵蓋從其道所郵適也爲水門三爲警舍三十始事在萬曆戊寅之初夏而卽以其秋告成望者莫不稱神速城旣成侯乃議所與守於是設門候嚴更柝以健卒布守諸警舍而猶偵以遊徼提以邏騎

甌甌洞藁

卷之三十四

六

以故居人無不帖席臥者予聞之民所曹好鮮其不濟也民所曹惡鮮其不廢也故曰衆心成城是役也侯不得已與衆圖之而因與衆守之藉令當外戶不閉時父老且晏然難與慮始侯亦且避選事名而無因以勸衆城豈真從地出哉夫事以時舉功以會成今侯去郡且一年而城已五年巋然爲江漢巨觀外足以銷邪心而內足以壯士氣父老不能一日不恃城宜不能一日忘侯矣予庶幾無愧辭哉侯吳郡人名士元字仁甫起家進士在郡故多善政不書特書其成城者如此其爲諸父老先而碑侯者予從兄國

典也銘曰

九州羣牧星錯禹疆爲墟爲垣具曰金湯肆予永興麗彼職方內包山澤外塹長江永平滋久城復于隄奸宄竊發比屋踉蹌楊侯至止維民所恃牧職旣脩民艱斯庀爰省頽維殷憂如燬乃詢耆耆乃謀卿士鳩工慮材衛我赤子豈不閔勞久安伊始百工斯陳百堵載新堅壁文堞突爾嶙峋自夏徂秋厥功何神塗歌巷頌我侯何仁侯也不有退讓逡巡去而見思始被貞珉

華容縣城碑

甌甌洞藁

卷之三十四

七

華容令田君城華容成且三年其邑人孫兆孺走千里謁予爲紀其事且曰邑士人之德君也不徒以其成城也兆孺予故人今又治行高等爲鄰域所竊慕因受狀紀之按華容古孱陵地在巴丘之西稱巖邑逮入國朝尤多鼎甲世族然以其濱洞庭也一二長吏闌於行水而諱言防民邑用坐困焉往予經行其野野人患潦莫知所徙入其市市人患盜莫知所匿爰爰乎眉可察矣因勞之曰潦不可隄而殺盜不可城而拒耶曰棟患非難顧得賢長吏難耳今觀兆孺所稱述田君不誠賢長吏哉夫田君旣平其政使

民有餘力治隄疏溝洫潦不能災而耕者盈野矣乃獨四顧其城郭蕭然如野則閔焉私憂之豈其暴民於路而稱百里長若乃惜一日之經費而避始事名將委土可以限内外乎於是聚邑長老而與之圖事城者盛也非高堅不足以盛民然後役吾瘠民以高堅吾城是爲患非揀患也今計繕於官因工於備二三長老分堞而董之勤惰疾徐惟爾堅瑕惟爾不佞百里長得以行城之法從其後長老得無以爲厲乎長老曰此爲吾屬計長遠也何止無厲謹受命邑故以孔道冠蓋絡繹歲籍丁夫爲徒御凡幾百人往往乾

甌甌洞藁

卷之三十四

八

傳

一新邑士人扶老攜幼覩而駭焉曾不知其役之興而成之若是易也田君其神若乎顧一年成城三年紀事何居兆孺曰邑故土城創自宋而元人易之以石久之址存耳父老相傳成化以來增脩之役凡五舉每費輒溢千金役民夫不可勝算然杵未及息而地者不止一隅城何可恃也乃田君不下堂而置百堵于掌塗雨不能攻潢潦不能齧亡命揭竿之徒望而消其邪心必三年而千百年無恙可知也邑士人之德君蓋深矣夫然後紀豈徒邑士人之心安哉吳子嘗聞之治天下去其害治者而治興矣又曰善爲政者樹德不善爲政者樹怨夫田君去其邑兩大害而新一城且以結士人之心無泯滅時其明於樹德遠怨哉君名大年字蜀定遠人起家進士兆孺各斯億

甌甌洞藁

卷之三十四

九

要

侯公生祠碑

侯公諱堯封字欽之東海嘉定人以進士御史三仕楚爲按察副使提兵鎮襄陽二年遭太夫人喪去又一年襄人思之而家尸祝之襄令吳之佳乃諭諸長老曰公方面重臣有功德若屬若屬思而尸祝之誠厚道然豈若屬所得私爲位乎吾聞齊人思其相慶

燕人思其守布蓋立生祠云若其倣燕齊故事舉
衆爲一祠不猶專且尊乎諸長老莫不欣然受命於
是今先之諸長老羣而赴之卜地得唐相張東之園
故址爲公祠祠成乃走使鄂渚之東乞碑吳子以吳
子故知公也因憶往歲予遊玄嶽過襄公嘗登子峴
山探羊叔子碑俯睨其陽東之園在焉徐與步過飲
深樹間甚幽乃今襄人祠公適在其處豈叔子所稱
自有宇宙即有此山耶非偶然矣顧公法官也而又
治兵非若親民吏之易樹德也何襄人德公乃爾公
蓋用親民之道於襄有以結其心乎夫襄跨江漢而

甌甌洞藁

卷之三十四

十一

與秦韓鼎峙爲楚西戶蓋重鎮也一切軍興若考功
計吏兩撫臣竝得奉璽書兼制之而三方一有始禍
竊發則且相望爲犄角而後稱完計非可自用其便
宜保境偏安爲也又其地磽确受漢水無時病潦土
俗好遊冶五方之人雜處浮食卽探丸竊鉤之徒伏
其中郡邑長吏不能盡繩以法公至旣宣上威德行
部諸郡邑問民瘼稽俗尚條布功令而蘇恤釐正之
已乃登壇講武號召勇敢士淬鐵劍被組練甲修復
楚子左右乘廣授以降中陳圖三令五申之以待不
虞蓋二年江漢間晏然枹鼓不鳴而故所患探丸竊

鉤之徒亦莫不回嚮受約束爲諸將用蓋刑清則民
服有備故無患百姓益得有餘力以耕商自殖熙熙
然不知有兵且不知公法官也效公所由見德襄人
深哉而祠以昭德俎豆以明敬庶幾世世不忘公非
獨其令私也嗟乎豈惟令不私公哉張園與峴山相
望不百武昔人碑叔子以至于今今人碑公以躋諸
古其以功德竝也乃予謂叔子以湮滅爲慨猶名之
也而公曾不有其功德又安冀夫名與山俱傳哉銘
曰 列侯氏晉東海表吳神明之胄厥有耆儒金閨
通籍繡斧辟途風先八使聲著兩都三仕我楚楚人

甌甌洞藁

卷之三十四

十一

其孥江漢湯湯爲楚西甸握符視師戢回翼善淬我
鐵劍被我組練兩轅旣攻八陳斯擅以楚鎮楚方城
攸與保障維嚴繭絲載撤士女見休農人大悅公雖
于征去思彌切立像豎祠俎豆爰設我我三峴表公高節

墓誌銘三首

明都察院右副都御史追贈通議大夫兵部左

侍郎江公墓誌銘

通議公下世且五十年其孫惟大來佐武昌始造予
以誌請予惟公 先朝遺忠也敢不拜命之辱按狀
江公諱潮字天信門人稱之曰鐘石先生豫章貴谿

縣人其先閩之浦城人宋宣和間有祖公榮仕爲弋陽令因家弋陽淳熙初徙貴谿之湖陵里其後有名彥璋者公六世祖也舉元鄉貢生文斌文斌生永洪永洪以文無害丞監利生三子而其季爲公之祖曰憲憲由鄉舉爲應天府學官生未陽令左卽公父娶汪氏生公于成化丙戌五月二十三日公自少岐嶷不羣應天公心奇之間攜以過其鄉高先生所公侍立竊聽高先生語次移時無倦容高先生固目公而語其倩張曰大江氏者必此兒也因從吏張以女字之弱冠補弟子員每試輒儔丙午舉省試第一弘治

甌甌洞藁

卷之三十四

十三

已未登進士選授壽州知州壽雖

祖宗朝湯沐下邑然瘠而近陵民不勝繁役屬歲且大侵道殣相枕藉公至愴然下令與民蘇息尋奏記諸上官拯荒弭盜招流徙所全活不下萬衆會浙江大比士遣使來聘公爲主試官公曰以吾拮据視一郡猶日昃不遑安得曠其職爲人從博士家取代庖之譏耶因報書謝不赴時論高之未幾有少年喜事者議請城中都公立草數千言諷之其略曰茲大役也無論所在空虛而饑饉之民未易卒動卽

高帝神聖其自定鼎以往爲萬世保障計曾無一郡

一邑不金湯也而獨於肇基之地闕焉豈智竭而力不足與此殆有深意非臣庶所得窺耳今欲以尺寸之畫而補

神聖之所不及難矣哉其議遂寢乙丑擢南京刑部郎去之日百姓遮道泣因築生祠祠公正德戊辰擢廣東按察僉事分持風紀海濱吏民肅然憚之會所部連州山寇李亞保聚徒剽掠禍將蔓延公親督將士深入其巢擊破之事聞朝廷勞以白金文綺庚午擢副使奉璽書視嶺南諸學風厲學官弟子先德後藝一時所識拔類多異才如霍宗伯韜蕭太史

甌甌洞藁

卷之三十四

十三

汝成則其最也壬申奔未陽公喪里居三年哀瘁骨立除服補山東如前官風采無異居嶺南時而得士若李太僕舜臣者數輩後皆以名實顯故時人稱公水鑑云庚辰遷山東按察使議法持大體治獄多所平反而獨繩墨吏抑驕將毅然不少貸嘉靖壬午遷廣東布政使公以廣故多珍贖異物而吏其土者率緣篋簋損名乃躬礪清白以風庶官已乃稽出納謹蓋藏節約諸經費皆自攝而手籍之庾人守藏吏惟有抱贖股栗耳公一日見帑金數百錠歲久封識漫滅不可稽詰之守藏吏曰茲積羨也公曰民方困征

求而帑留贏金以資不肖者之私橐何謂因盡括入
屬籍以報兩臺使克軍需是歲省民間軍需數百萬
石而又塞一弊源蓋可謂不媿四知矣乙酉公以文
武才被薦拜都察院右副都御史巡撫山西兼督三
關軍務公下車未數日即行邊閱城堡堅瑕芻粟豐
約與諸將士勇怯騎警徐策緩急而弛張之居二年
虜不敢近會有太原人李福達以妖書惑衆聚黨至
數千人改年爲亂震動三河公勒兵解之而獨福達
操重資通匿他所已聞公圖其形購捕益急遂詭張
寅名入京夜持萬金爲武定侯郭勛壽因匿勛家勛
甌甌洞藁

卷之三十四

十四

奏

詒書山西部使者爲關說欲脫其急公捕得其書抗
疏陳福達罪狀併劾勛倚掖廷親怙勢藏逆敢爲
亂階罪當誅不誅勛無以信法疏三上不報勛因得
流言宮闈謬爲張寅補寃

上疑之時永嘉張公新相恐諸大臣不附已又欲結
勛自固遂阿旨下公詔獄且使人陰嘗公少易而言
中丞可復也公正色謝曰人臣奉法無狀不知死所
何以官爲永嘉知公不能屈卒從末減議罷公官公
既罷歸日侍太夫人養甚愉悅間從鄉長老賓客雅
歌酣飲不復談往事久之勛坐不法敗

上亦悔詔獄非實中外人人謂公當復召用而公
獨晏然將終其身無何真人邵元節新被寵以禮部
尚書乘傳詣龍虎山爲

先帝祝釐所過無不望塵希恩者然獨知公負重名
先使人致幣將招公公恐其汚已也使人報其幣謝
不與見已劉給事君賢疏薦公有風節可當大任公
聞之愀然歎曰吾罪累也奈何巖穴不深而猶以姓
名辱世人耶自是益遠引不入城府辛卯春正月六
日病卒享年六十有六業已葬白谿之東原越數歲
有司舉鄉賢而以公與高先生爲稱首而竝祀之高

甌甌洞藁

卷之三十四

十五

鄧

先生知人哉隆慶改元奉

先帝遺詔錄公忠追贈公通議大夫兵部左侍郎遣
官爲起塚而論祭之制辭有持法正妖矢忠遭謗云
云嗟乎公生平無見憂榮於華袞已哉配卽張淑
人生子一夔以貢爲潛山令娶邵氏女三長適工部
主事裴近次適謝以初又次適丘汝芳俱國子生孫
男二長惟遠國子生娶傅氏次卽惟大壬子舉人任
武昌別駕娶汪氏孫女二長適蘭溪章藹次適安仁
湯廷擊曾孫男四人美冕美中美紳美士曾孫女三
人一適裴京會一適汪容俱庠生一適鉛山費堯年

任武選郎中吳子曰往予釋褐聞朝著長老談大獄狀令人病悸髮上指冠夫永嘉其時馮

天威以修其睚眦至虜辱諸言官大臣何震聾也已手公三疏讀之蓋可謂諤諤批逆鱗而猶幸其得禍獨淺豈忠言正氣有當於社稷之靈非權幸所得辱耶乃武定之奪侯與永嘉之免相皆不旋踵公身後數十年重見襁卹炳炳國史與三辰爭麗人臣何以負國爲哉予故撰次其大者爲誌而系以銘銘曰桓桓司馬顯頊之裔崛起湖陵鬱爲名世駁歷八階忠貞允礪宣威鴈門爲王室衛何哉佞幸馮寵匿妖

龔龔洞藁

卷之三十四

十六

諤諤三疏請劔于朝鼎鑊在前中不可搖反其初服於世若超赫赫遺詔閔忠卹勞冢象祁連祀用少牢垂聲竹帛五嶽均高幽靈永慰奕葉其膏

明奉直大夫尚寶寺卿汪公墓誌銘

汪公名宗凱字子才別號七峯楚武昌之崇陽縣人其先婺源人用高貴爲江左著姓國初有祖樂善公清甫始徙崇陽家焉累傳至公會大父璉璉生大父藻累贈中憲大夫都察院右僉都御史大母夏氏贈恭人以子文盛貴也藻生父文明由鄉貢爲蜀之渠縣令累贈中憲大夫太常寺少卿母楊氏封恭人

以子宗元貴也太常公有四子長卽宗元仕至通政使次卽公仕至尚寶司卿次宗伊任戶部尚書侍

今皇帝經筵自少出繼其叔中丞公文盛嗣又次宗召丁酉舉人汪遂爲武昌右族非帝冠崇陽矣公生而端好穎秀太常公鍾愛之八歲時卽攜之入蜀讀書縣解業已如老成人稍長日誦數千言雖從其父師治舉子業而性尤好古間取秦漢古文辭讀之益快於心不倦嘉靖癸未公始出就試時關中許先生爲督學閱其文異之曰安得經生而古文辭也因令補弟子員廩之戊子與伯兄通政公竝以毛詩舉于

龔龔洞藁

卷之三十四

十七

鄉已丑通政公舉進士而公下第曰是吾學不逮兄也因辟居外舍閉戶誦讀者三年雖宗鄭親故罕窺其面乙未舉進士明年授中書舍人已奉使冊封遼王王敬禮之而厚其餽遺公一無所受戊戌陞工部員外郎庚子考績進階奉直大夫封其配陳氏爲宜人尋陞本部營繕郎中會

上詔司空脩園丘奉壇公與武定侯郭勛董其役勛故椒房親馮藉寵幸多所行不法而好使氣陵人櫻之者往往得禍公獨時時面折之不少屈勛因目公而諷政府將誣搆焉政府握手喻之汪郎不可動

也其謀遂寢

上賜白金文綺勞之辛丑公以陳宜人客死于京請告歸葬尋繼娶葉宜人壬寅還京補戶部福建司員外郎會

上詔脩

九廟大司空難其人因薦汪郎才大夫也善營度而節財省工又不畏強禦可任也公於是益殫心力夙夜祇事材無巨細必親慮庸無衆寡必親計地勢無卑高必親例至於堂室几筵楮陸垣緯莫不心畫而手規之功成

甌甌洞藁

卷之三十四

十八

上嘉悅加賜白金文綺尋陞尚寶寺卿時分宜之子世蕃在尚寶同官多諂附之以希汲引公獨澹然與居卽嘖咲不相假世蕃私語人何楚人樸拙乃爾丁未公又出使遼王遂過家省楊恭人世蕃因以報使失期中公改戶部員外郎尋陞本部山東司郎中庚戌北虜深入京師戒嚴大司馬日馳檄徵諸路兵入衛而京師三大營兵不下數十萬平居坐食大倉粟不下數百萬石寇至曾無一卒可使荷戈主將成國公朱希忠猶晏然坐視之公攬臂而憤焉遂草疏劾希忠誤國負主恩法當誅死以謝天下疏入

上爲之變色以希忠侍

上久不忍加誅又分宜與之約婚從中力解之僅得薄罰革去常祿三之一已寇退分宜用前郅希忠脩怨嗾大司徒孫應奎微及公外事公於是南潤州之謫其後給事徐公遴劾應奎附黨文過移罪屬官詔改陪京尋罷去公心事皦然明矣已公度分宜意未已辭潤州不就歸而築室棠谿之涯塊焉忘得喪知止足歲時自登堂壽母以往他無所營讀書立言而已所著棠谿集數十卷詩文竝擬漢唐諸名家而端居賦與七敘諸篇尤爲士林所膾炙楊恭人且老

甌甌洞藁

卷之三十四

十九

於威暑中病風痺幾痿其右足諸醫以爲不治公自以意立法用艾數斗手提炭火熨之三日竟愈楊恭人曰微吾兒棄官歸誰信吾足者後恭人年至八丁八歲考終公哀毀踰禮里人莫不孝之隆慶改元尚書公自田間召起公大喜曰吾弟負經世才向扼於權奸不及少試今其大用時矣間從賓客卮酒間聞人談時政及邊鄙事一有不繫於中輒憂見顏色因戒其子弟吾家微國恩深矣老臣苦不善宦無所用之若曹其毋忘補報哉公居恒少疾間有微疾旋以善調御之未嘗召醫已卯三月忽一日以手箒

授其子廣曰儒者不廢治生茲爾生計也不言其故
越四月朔日之夕公趣具酒與葉宜人飲飲數行遽
謂宜人曰其易吾巾履吾將逝矣遂端坐而逝距其
生弘治戊辰四月三十日享年七十有二陳宜人爲
耆民大華女葉宜人爲千戶鈺女竝有內行而能經
其家子一人卽廣歲貢生娶某縣令甘應時女女五
人長適邑庠生戴夢庚次適蒲圻龔乾端俱陳出次
適通山庠生朱之楨次適儒官王作珩俱葉出次尚
幼側室顧氏出也孫二人長延詰次延慶孫女一尚
幼俱甘出廣將以庚辰某月日卜葬公于橫山窩之
甌甌洞藁

卷之三十四

二十

中林其兆負展而抱戍因介朱之楨乞銘于予予憶
初仕時見公翊翊然恭也斷斷然辨也已又知其勇
於肩事而介于臨財領率用峭直於人無苟合士亦
以此多不附至於色養太恭人而行友愛于伯仲間
則天性也其大者折勛忤世蕃力詆希忠犯三大難
以信其節雖自謂賁育不能奪之矣其汲長孺之儔
平長孺始列爲九卿而卒以驚見疎不爲用然帝終
以社稷臣許之視九卿孰榮信矣公之似長孺也因
銘銘曰

王氏之胤曷徙而遐傳水之澤曷溢而涯素彼高貴

國是用華四世一經以名其家矧茲英產直躬正色
震之不驚撓之不忒宛其彌留邇殞司直我我中林
千秋斯域

明中憲大夫太常寺少卿兼翰林院侍讀學士
价夫郭先生暨配胡宜人合葬墓誌銘

代作

某不佞以今
皇帝之壬辰年舉進士則學士郭先生實收之今先
生卽世且二十五年其初所舉三百人已多先後
淪落去仕籍而在位者僅七八人頃予受命拊循
中土履先生之故墟則其子孫寔微而墓亦至今未
甌甌洞藁

卷之三十四

二十一

有誌蓋惜然傷之曰公明儀識子張墓侯芭負土爲
楊冢皆執弟子禮甚敦以吾嘗師事先生而使斯禮
竟闕不已負在三之義乎於是取其鄉故給事張漢
卿所爲狀次而銘之先生姓郭名維藩字价夫大梁
儀封人卜居杏岡之東門人稱杏東先生其在元季
有祖名德自虹縣避兵徙家儀封生二公二公生蕭
縣典史巖典史生承德公慶承德公初以布衣行義
鄉閭稱長者嶺歐陽氏而生五子長卽中憲公廷珪
蓋先生父云中憲公起家進士授南京戶部郎以馳
恩得封承德公與歐陽安人郭遂爲儀封著姓後中

憲公調刑部郎坐執法忤權貴人謫膠州稍遇至程
蕃太守程蕃去中州萬里所治多蠻夷部落公遂無
行意與其配太恭人賈偕隱里中課三子治博士業
怡然終其身矣三子皆恭人出而先生最長先生自
少丰神慧朗十餘歲即強記善屬文弱冠從中憲公
南京時南陽王公爲他曹郎先生慕而師之自是問
學日益精瞻而文思日益哀然絕羣比還中州則中
州諸經生未有不下先生者弘治戊午先生舉於鄉
高第正德辛未舉進士推擇爲庶吉士入史館讀中
秘書雅有公輔之度甲戌授翰林檢討丁丑春命
甌甌洞藁 卷之三十四 二十二

同會試所取多海內名人是年四月考績

上嘉之誥封其父中憲大夫母太恭人巳即請告衡
命馳里中奉

上所賜金緋爲中憲公太恭人壽里中父老皆喜而
相告曰往公棄二千石如敝屣今厚發其嗣而席有
餘榮若此哲士哉辛巳擢南京國子司業先生謂大
學賢士所關乃毅然脩復師氏之教日端坐帷中與
六館諸博士弟子講授經業語載南雍講藁中蓋居
國子三年士習粹然一正嘉靖乙酉擢侍講學士視
南院事先是院解蕪圯官屬多不備即視院者又多

傳舍居之巳遂鞠爲場礫先生曰茲豈非昔人所比
於登瀛地乎奈何坐令其蕪圯而不支一木也乃括
院中所儲公貲得數百金又稍稍捐月俸佐之未數
月葺治一新觀者竊歎曰郭先生來吾曹復覩翰林
矣丁亥奔中憲公喪歸巳丑又喪太恭人相繼哀瘁
幾不勝禮辛卯起復故官尋改侍讀學士典內制
壬辰春命主會試掄品殆無遺賢先生以史臣嫺
於辭令又數爲朝廷得士稱任使以故受知
今皇帝有詔進講經筵又輒從講中開陳化理啓
沃

甌甌洞藁

卷之三十四

二十二

上心語載經筵講藁中勿敘敘其大者嘗講尚書天
惟純佑命章末獻言曰願去操急之習而務惇大之
風

上諭輔臣曰維藩言有指其使究言之於是先生草
疏無慮數千言防民邪正士風辨賢才闢僞學罷選
貢復吉士崇師儒廣言路則其大槩也疏入

上多采納行之後又講尚書古之人猶胥訓告章末
又獻言曰古人非止殷三宗周三王乃爾聖如帝舜
其臣猶以逸樂戒之而舜不以爲忤此正胥訓告保
惠教誨意惟陛下裁擇未幾坐失頌白兔瑞免官

歸里中乙未

上思舊臣 召還先生官如故 先生又進講大學衍義

上甚嘉悅賜金幣寶纁丁酉四月擢太常少卿兼侍讀學士視院事是時朝士大夫見

上簡遇正人謂先生且入相乃一夕疾忽作不起訃聞

上悼之賜諭祭敕有司營葬事先生其可謂以榮名終乎配宜人胡氏蓋從先生官累封也宜人父貢士

名拱辰母張出宜人幼即沈靜莊嚴貢士重憐之初甌甌洞藁 卷之三十四 二五

貢士負名膠庠擇壻得先生曰茲郭氏鳳雛也遂約婚宜人既歸先生益竭孝謹佐太恭人庀其家政歲

時供賓祭曲極誠款已從先生宦兩京邸中則時時束澤衣絢履使人起居二尊人即二尊人安乃已脫

有不懌則布衣蔬食夜不貼席寢後二尊人下世宜人毀瘠襄大事且終其身不食醢脯曰吾舅姑弗食

之矣其遇娣姒督戒獲嚴而弗訶至見宗黨貧乏不能舉婚喪又數以先生意周之此不足稱良匹哉先生

生成化乙未八月二十八日卒嘉靖丁酉八月十九日享年六十有三宜人後先生五年生而卒先

年享年五十有八子男一人國子生名留娶李氏後男二人仰山近山皆邑學生以先生卒之明年某月日合葬於邑北原從中憲公兆也嗟乎先生博極羣書明習當世務持論慷慨而所為詩文辭采麗發即尺牘人爭傳之居家孝友敦至在朝獻納敷陳不激不阿有董仲舒劉向之風焉今先生已不可作而海內學士家猶能誦說鄉慕雖無老成人尚有典刑然則先生豈遂泯乎昔予先中郎嘗曰吾為銘多矣唯郭有道銘無愧色其才不逮先中郎廼先生則洵乎有道家法也復何愧於銘銘曰

甌甌洞藁 卷之三十四 二五

於皇季穆實始有號爰氏厥承載命之郭奕世毓靈于彼中嵩篤生先生矯矯儒宗偕此哲儷福祚維基黼藻天室帝曰予毗降年曷永不弔彼蒼豈伊片石可永來芳瞻彼北原孔樹既蕃嗚呼先生綿綿若存

甌甌洞藁卷之三十四終

甌甌洞藁卷之三十五

武昌吳國倫著

齊安王同
新安方尚賢校

墓誌銘六首

明山西提刑按察司副使進階中議大夫贊治

尹憲卿陳公墓誌銘

陳公諱柏字憲卿沔陽州人世居江北村自高伯祖
勛起家仕至青州府太守弟曰勉以翰梁助賑事聞
朝廷義而旌之沔人因稱義民陳氏義民公生高年
公廷器高年公有子四人而承德公泮最少也與其
配吳太安人並有隱德而善經營其家語在廣陵李

甌甌洞藁

卷之三十五

十一

少傳所爲誌中太安人以正德丙寅六月十三日生
憲卿憲卿自少丰儀端秀慧悟絕羣承德公授之書
一過成誦六歲時郡守徐咸以勸農入村見憲卿羣
兒中大奇之顧謂其宗老曰是兒國器若家青州君
少遜之矣年十二郡守李濂識之喜曰何意守沔一
日得雙壁蓋謂憲卿與童士疇云士疇既登第爲太
史憲卿始娶任恭人恭人儒家女善承承德公太安
人意而力翼憲卿爲儒憲卿蓋又與其外弟傅司徒
同志相砥礪遂以經術齊名而陳太淑人者憲卿之
姑傅司徒之母也初太淑人子憲卿無異子司徒居

恒從憑之吾兩家世緒必大因待兩兒兒其勉圖之
未幾憲卿舉戊子司徒舉辛卯里人無不稱太淑人
知子矣嘉靖庚寅憲卿入南大學乙未下第又入北
太學時童傳兩公與茶陵張文毅公同官京師間攜
憲卿登海印寺閣憲卿卽席賦鏡光篇成諸公爲之
擊節歎賞憲卿由是負大雅名辛丑下第臥病慈恩
寺間取佛經讀之忽忽有悟而知聖人爲必可師因
謁程詹事鄒祭酒教學士尹都諫相與究陽明先生
致良知之學甲辰丁未又兩下第而志不少休或勸
之仕弗應歸而營蘇阡偶阡中有合抱之木枯而復

甌甌洞藁

卷之三十五

一

生者憲卿有感焉豈人心不山水若哉因易其別號
曰蘇山蓋憲卿故號大蒙易之謂由蒙而蘇也庚戌
舉進士觀大司空政是秋北虜入寇京城戒嚴憲卿
以薦從王少宰行城已又監造戰車弓矢諸器具皆
立辦寇退少宰薦憲卿騰事習虜情且推擇用之屬
其冬太安人來就養不任苦寒卽憲卿又時時念承
德公計欲請告未有間會

肅皇帝悼張文毅之薨詔司空遣官爲起家司空
議以憲卿行辛亥憲卿旣銜命襄其師文毅公事
因得扶侍太安人取道歸爲承德公壽未數日承德

公下世人言憲卿歸自數千里外及奉承德公訣蓋天也向之急省觀而無意待次也豈偶然哉憲卿居喪始終情極哀禮極易越甲寅除服如京師授職方主事時永豐薛公爲大司馬得憲卿如增一右臂顧憲卿迎刃諸兵事猶以餘力與其同年友高伯宗李師孟徐子與及不佞國倫相過從爲風雅之會丁巳考職方績奉 敕贈承德公如憲卿官母吳妻任俱封安人是秋遷署員外郎戊午擢武庫郎中會蒲坂楊司馬復起謂南北多警請得調陳郎爲職方 詔許之其秋仲子文燭舉于鄉比

甌甌洞藁

卷之三十五

三

肅皇帝自庚戌以後日綜核兵政操下益急每隄度諸邊計一不效卽惶恐待罪莫知所稅駕而分宜父子方盜柄擅威福卽司馬持一議置一帥必先造請而後可不爾禍且立至憲卿適當其難也然每陽順指而退復自伸其意如海賊王直葉宗滿寇吳粵數年始俘至京師分宜入其重賂將議釋憲卿力持以爲非法竟論磔死於市分宜銜之後楊司馬行邊而以左司馬江撫部事江故惟魯少文遇警輒索息不能措一畫憲卿於諸路奏報朝至而夕覆無不當上意江每心憚焉後江以他事鞭一司吏死憲卿謝

曰吏無罪而死其罪在郎江於是有慙色而目攝憲卿矣胡司馬宗憲總戎吳粵師久無功

上遣羅給事嘉賓龐御史尚鵬往按之還奏宗憲奏寇要功二大罪分宜父子惡非其指也以視憲卿曰職方見兩豎子䟽耶何不解事乃爾憲卿正色對曰胡誠才卽東南一日非胡不可然老師費財掩敗餉以自功則有如言官言分宜大怒會

上詔集羣臣廷議羣臣率以臨敵易將爲難下司馬議報憲卿遽草報䟽曰掩瑕錄瑜以異後效者聖人使過之仁也據事直言以警不恪者人臣奉法之

甌甌洞藁

卷之三十五

四

義也

上因直言官言姑令宗憲待罪行間是時覽者無不爲憲卿股弁已未冬

上以秋防無虞 賜銀金勞憲卿故事職方再防秋得晉內卿獨憲卿爲分宜格弗與庚申春出補山西按察副使兵備井陘後同年張肖甫爲憲卿敘其職方䟽草有言楚有兩職方華容位上卿沔州淹晉梟有幸不幸耳肖甫知言哉憲卿居井陘數月嘗提兵曲陽過制馬關中令守蜚狐諸隘是年虜擁衆寇雲中不能深入旋遁去憲卿爲休馬息士謁宋延昭

父子廟摩挲插箭祭刀濕甲諸石因作忠節廟碑讀之其氣足以吞胡已還過涿鹿遇早憲卿閱焉既發倉粟飢者又自登壇禱雨三日父老以爲神應因作喜雨軒記記之無何聞太安人訃痛絕仆地井陘人亦遮道泣焉比歸甫葬太安人而任恭人又下世憲卿哭之慟曰天子何垂老奪吾益友乎癸亥除服當復如京師補按察而憲卿業已倦游不治裝會京考坐職方時浮議當左官蓋左司馬中之也憲卿聞而歎曰以吾爲職方奉法忤權貴人曾不知死所安知有官今得憲卿爲柴桑翁幸矣遂自高臥不出已

甌甌洞藁

卷之三十五

五

丑仲子登進士憲卿尋建閣于宅西歲時讀書其中謝絕諸賓客獨傅司徒得徑入爲花月之飲甚歡隆慶戊辰仲子以廷尉評考績詔復憲卿官致仕憲卿益得恣情山水嘯咏竹石間即監司郡大夫非專造避不見萬曆改元以恩詔進一階其年三月三日憲卿大治具延里中長老由七十至百歲者幾百人爲高年會四座皆龐眉皓首觀者無不歎艷甲戌仲子以淮陽太守考績加封任安人爲恭人仲子尋擢四川督學副使戊寅晉山東叅政督漕務是年伯子文燮以國子生授光祿監事無何監事暴卒且

天其二孤憲卿傷之日戚戚然憊矣自己卯屏居樂軒喜閱晁文元所著迦談因悟解纏縛驅障礙其本在知仁勇是禪家宗釋迦猶吾儒宗孔子也自是不復操翰爲文庚辰三月廿四日忽無疾而逝得年七十有五逝之前二日猶能招友人賞牡丹其夕遽令家僮視歛具曰吾將辭逆旅往徐舉手足示人庶幾全歸君子哉蓋憲卿生平磊落剛正喜揚人之善而亦不欲浮譽人又廉於財而樂施其所嘗施惟恐見德居家躬行孝友而遇外戚故人率過厚其伯兄杞仲兄松皆客死而憲卿哭之過哀已並歸其櫬厚葬之嘗爲恭人表任公鳳墓而子其孤孫其孫女裝送焉少與郡人馬孟遠孟良李天恩友善二馬蚤世憲卿既厚卹其家又爲兩名士表碣于墓其後李死親爲文哭而賻焉所至文房諸器皆勒銘以自警而訓其兩子諸孫更嚴所著有五經語錄河陽人物考藏于家而詩若文凡數十卷叅政君業已彙爲全集南克陳少傅蒲坂張少保序之傳矣子男二人長卽監事文燮娶謝處士警女次卽叅政文燭娶童典術承祥女封恭人孫男四人汝堪娶賀守備襄女繼孫氏汝佳娶王給事順女汝望娶張別駕相女俱文燮

甌甌洞藁

卷之三十五

六

出竝爲諸生堪佳先卒汝圭國子生文燭出聘歐憲
副柏女孫女三人其一文燭出適庠生童行先其二
文燭山長聘費舉人得智子次聘傅參軍作霖子吳
國倫曰庚戌之歲楚人同憲卿釋褐者十六人而推
憲卿爲祭酒非獨長其齒云蓋憲卿之執禮而恭也
愛人而能規也多聞識而不自賢也吾屬皆嚴事之
至與予抵掌談稅則沾沾稱知己矣顧其志在用世
一試于職方再試于井陘遂有激而自罷不復出人
深惜之乃所遺於參政君者皆長世具也何論文章
大業哉參政君將以其月日葬憲卿于故所營蘇阡

甌甌洞臺

卷之三十五

七

傳

先期使使乞誌於予予故誌其大者而系以銘銘曰
鬱鬱蘇阡有木參天枯而復榮孰紀其年以隆以殖
以宅名賢名賢維何太丘之裔質有其文表于奕世
勒爾貞珉用俟千禩

明中憲大夫雲南尋甸軍民府知府元健鄭公

墓誌銘

萬曆庚辰冬十二月十六日中憲公卒于家明年其
子明垣明城卜其冬某月日葬公龍珠山之陽先期
以程按察學博所爲狀匍匐渡江來謁予銘曰先大
大意也予憶與公別京師二十餘年歲因各通一

問而公報之書甚溫客且謂公老而無恙有其二子
俱賢儻能承公歡予竊爲心快焉豈今遽作隔世事
傷哉按狀鄭公諱佑字元健楚黃陂縣人世居魯臺
鄉別號印谿其先有名士達者仕元爲太史太史生
質質生思文思文生子璋子璋生乾竝隱於耕乾生
奉直公鸞始折節爲儒以經術成貢士娶周宜人以
正德癸酉三月初十日生公公自少負異質奉直公
蓋神駒目之稍長綴學善屬文從奉直公徘徊二程
祠而瞻其道像曰茲儒宗也生于斯俎豆于斯豈獨
其地靈哉奉直公益奇其志年十六以儒士應鄉舉

甌甌洞臺

卷之三十五

八

傳

永第補縣庠弟子員日益下帷誦讀至夜分不寐即
家徒四壁立而與里中豪貴游治兒居弗問也每試
督學使輒高等最後遇郭先生識拔引與江漢間諸
名士聚講右室時時進說經史稅文獨公奏對大稱
善嘉靖庚子舉于鄉明年上春官會聞奉直公計號
泣徒步歸幾不勝禮丁未復執周宜人喪前後足不
履城郭者十餘年有司高之庚戌舉進士選授豐城
令豐故劇而難治又其時分宜柄國而豐諸要宦
家多席其威以憑有司而暴鄉里謂非鄭公不制公
至亟下令曰今來奉法爲朝廷安民非爲勢要地

也因一切以法平之而人不得干以私乃銜公者謬其辭以中之曰令誠能第無當於豐耳於是調公令商城時商人方患苦蔡駢駢盜俠也聚亡命千人且爲亂公至通告變歎曰此禍本也弗除將蔓蔓難圖矣因密上狀而計禽之寘于法餘悉聽自解散商遂安而諸所爲商便宜計不具述也丙辰擢大理左評事且行父老遮道泣曰公幸除暴安我何遽去我爲公亦泣數行下別之公旣入備法曹操議益謹惟恐有所失出入會給事吳時來刑部郎董廷策上言分宜父子不法法當誅

甌甌洞藁

卷之三十五

九

鄧

上怒下其議理卿理卿屬公具奏草或風公乘時附分宜便公正色拒之吾聞廷尉天下平也殺鯁臣以媚權倖謂平何竟草奏從輕典一時直聲赫赫動朝著矣未幾以年績被恩命贈奉直公爲文林郎母周爲孺人尋晉寺副寺正庚申奉璽書獄獄四川所從疑議而全活者不下百餘命壬戌擢守雲南府府治在滇會省所部十三州邑民夷雜居簿書填委公直迎刃解之時黔國公怙勢挫抑守令而魚肉其民又引土官鳳索林爲羽翼白日操刃殺人于市而莫敢問公竊扼腕憤之旣以人臣禮折沐氏謝不與

見徐梟索林擅殺之罪驅而遠之因奏記督府其略曰春秋之義家不藏甲行不挾矢戒私逞也

祖訓於四夷不得輕伐惟謹備之杜邊釁也今若沐氏所爲將無漸不可長乎督府壯其議以聞於朝而奪沐氏爵蓋可謂探龍領劇虎牙矣久之公亦坐沐氏行譖貶南通州判官屬其時萬倭攻淮陽淮陽督府檄公部餉從行間綏急無不立應後倭患平大司馬錄其功

肅皇帝賜帑金一鎰勞之未數月稍遷東流令東流故僻邑公但臥治之因得日詣學宮進諸博士弟子

甌甌洞藁

卷之三十五

十

鄧

與之談經析疑義諸弟子無不奮然思興邑故六十年無一第公爲開天波門建興泰殿以壯之其年第王馮二子旋登進士科邑文物自茲蒸蒸盛矣公遇旱禱雨輒雨已視雨不踰境而旁邑早如故人益神之尋用察舉行能異等

先皇帝嘉之賜褒書進其父文林郎爲奉直大夫母孺人爲宜人蓋異數也無何量移嘉興郡丞郡有甲殺人而坐乙者又有乙闖出財物而坐甲者彼其力足以奸法也公廉得其實竝具案反坐之郡人人稱平乃受坐之家不中公不止矣居二年累遷尋甸守

客或疑公不之官公曰

天子念要荒而以鎖鑰寄我我何所厭薄而不爲因策單車入滇則滇人相望而喜曰此非吾故侯來耶尋聞北接牂牁牂牁往往與木邦諸夷相犄角竊發爲患又嵩明馬龍二州叛不受號在

先朝常蹂府城而震驚滇省而畏事者又與之四馬以恣其鴛鴦禍殆未已也公下車卽毅然肩其任立策之曰安內地當還四馬除外患當復馬龍不爾當坐困議上督府大驚曰遠猷哉因以一切便宜任之公乃申約束募勇敢士捕殺其酋之長而黠者而四

甌甌洞藁

卷之三十五

十一

十八寨諸餘孽望風解矣是役也不亡一矢而解南中數十年大患顧當事者晏然不以爲勞公始怏怏歎曰憊矣不去何待遂上書乞致仕歸歸十餘年不復談世事營居魯臺之北朝夕課二子誦習古今以其暇寄情山水自詠自觴忻然樂而忘老亡論出處陳迹矣公生平剛方峭直不能姍姍以取容乃其中樂易政尚廉平不好爲已甚以故所至見迂強禦而大則其民尸祝之居家崇儉約食不兼簋衣不厭澣至於篤昆弟周親黨則不吝推產分案裝以資之公未遇時族有造巫禁以忍公者公未之較後其人坐

殺人罪公爲力白其寃釋之或曰非子之譽乎公曰

吾爲親非爲譽蜀人鄧文學卒于官而其妻遂先妻之子將私與其子棄親歸公聞之曰有是哉因與粟百斛食之徐厚賻以歸其櫬茲視脫驂館人義厚矣義厚矣卒年六十有九所著詩文若干篇藏于家配余氏封孺人加封宜人岳池教諭余錦女也宜人有士行與公居白首相敬如賓生二子長卽明垣太學生娶李氏繼王氏次卽明城邑學生娶蔡御史完女女一適恩貢生黃廷敬孫男一嗣契聘孝感舉人程學庸女吳國倫曰予蓋與公同釋褐云知公負用世

甌甌洞藁

卷之三十五

十二

器而直節侃侃有古社稷臣之風顧獨不能諧時至三仕爲令兩出守要荒而入爲廷尉屬者僅五六年何落落哉夫展禽三黜汲長孺再徙皆直節之效也公何負於世世人負公耳予厚善公而公之不善宦又大與予類竊有感焉銘曰

而容巖巖而秉鬱紆謂子不邁抗跡天衢若其終邁胡室所如如弦如矢取與世俱反其初服塊焉以居何以方之直哉史魚何以藏之蛻蛻龍珠

明奉議大夫南昌府同知景仁劉公墓誌銘

萬曆丁丑二月之十日南昌府同知劉公卒于家越

明年戊寅其子在與其孫宗台將卜其月日舉公之喪藏焉先期以譚少府守身狀來謁予銘按劉氏爲興國右族公名壽嵩字景仁其先徙自豫章居朝陽里之小溪由一六公六傳至洪遠公則公王父也洪遠公生本榮公娶朱氏竝有隱德生六男子而公最少公自兒時穎慧不羣弱冠有大志厭其里人類以田宅相吞噬非美俗也遂自折節師友綴學工屬文尋遇州大夫督學大夫試公無不奇公者嘉靖辛卯以毛詩舉於鄉高等屢上太宗伯不第益下帷自奮多所博觀古載籍而爲文日益瑰瑋不類經生語時

甌甌洞藁

卷之三十五

十三 秦

予方束髮受書先大夫則時時稱公以儒術破里俗爲奇男子事以飲豔予予既自恨不及師事公而猶得與其子倣相友善會己酉予亦叨鄉舉從公如京且與同舍館見公風神朗秀氣溫而色嚴無一語輕發竊心憚而尊禮之庚戌公又不第慨然謂予齒踰壯矣不仕將對公車老耶乃謁選授儀隴令儀故巴西僻邑公令之曾不下堂而刑清政舉四境晏然徐以其餘力遷費官課弦誦蓋自是文風一振已部使廉公才不盡於儀也因檄之署大竹蓋大竹劇於儀數倍又其民曠悍多逋賦故任公往且歷試公云公

單車入大竹召其邑長老而勞之曰長老得無有所患苦乎吾從旁邑來計爲若屬洗曠悍名使各喻於先公後私之義以安其故業不則文法吏繩其後雖召父杜母能汝此乎邑長老退而相告劉公推赤心何忍負之未朞月逋賦之民繼至輻湊無復一梗治者於是治行稱巴西最比還儀則南昌之命下矣公在蜀凡六年以累薦得量移去及去蜀兩邑之民爭留之不可乃各爲祠生祀之佐南昌甫數月雅著廉能聲巨室豪右無敢撓其法有能生者爲嚴相內戚是時相方盜柄以威福天下生乃馮其勢侵民爲

甌甌洞藁

卷之三十五

十四 秦

一鄉悲鄉人多匍匐走懇諸上官諸上官心不直熊生卒莫能爲鄉人地咸移之公公使人召熊生生猶襁褓然儒衣來也公正色叱之安得罪人而儒衣耶生曰相君吾內戚也公大怒使人褫其衣曳之膝行而前數之曰吾所恃爲民平有

天子之約法在安問相君卽相君宰天下豈令若魚肉其鄉人乎因鞭之數十竟伏罪盡割其所侵田以還鄉人時予謫居豫章親見其事而壯之而公則自度不免矣因奏記乞休會以王命采水行不敢復請事既竣乃持羨金千餘金還公帑遂飄然納屨去

去之日聞有代邸右史之擢蓋嚴氏爲能生修怨也然竟不能中之以他禍公笑曰微福相君生還幸矣安能垂首曳裾作王門客耶比還稍稍分橐中金與諸兄爲壽且厚爲諸從郵其私日以經術課子若孫不復談世事後嚴相坐法族而隆慶改元有詔諸與嚴相忤而罷者皆得復官會有陰沮之者僅得以覃恩進階一級公亦不復問矣公居恒清脩好學尤善誘其後進生爲儒蓋自公爲儒顯里中人翕然宗之家詩書而戶縫掖卽公之諸從一時仕爲郡縣長吏者四人文學官三人皆公之錫類也公晚年方寄

甌甌洞藁

卷之三十五

十五

情山水諷詠太平屬二子四兄先後物故意鞅鞅有深悲焉而獨與其仲兄司城公出相寬入相弔也未幾司城公又卒公益悲痛不自勝遂寢疾不起距其生弘治壬戌春正月享年七十有五公初娶余氏先卒繼袁氏竝有士行而能佐公成令名男六人曰倣曰倬曰合俱庠生倣與倬先卒余出也曰在庠生曰存曰集袁出也女一人亦余出適通山朱宗伯子之彥未一年而之彥卒女守節年踰六十部使者奏旌其門孫男十三人長宗台庠生次宗斗宗占宗杰宗資宗貴宗麟宗鳳宗武振武葵武丙武孫女

一人曾孫男六人曾孫女二人在火鑪之西北岸吳國倫曰嗟乎公嘗憤世疾俗計不能抗其身爲底柱乃仕止郡大夫一觸權幸罷矣齋志而歿不亡傷乎然進能奉法退不辱其身庶幾有完名矣今劉氏益大而厚自殖者不可勝數獨公之子孫神書守薄田董董自給不尤可以觀公乎銘曰
易激而奮秉直如弦易澣而潔爲玉爲淵民罔恃兮將籲于天官可解兮法不可捐後其身而身先晦其名而名全宜爾子孫衆多兮楚大夫之新阡

明封承德郎劉公暨配陳安人合葬墓誌銘

甌甌洞藁

卷之三十五

十六

劉公郡之朝陽里人名壽崙字興仁其稱承德郎則以子儲貴也儲兄弟故與予同學相友善因而習知劉公劉之先世居豫章自祖通十傳而至功顯曰一六公始避亂徙興國之小谿家焉又數傳子姓蕃至數十百指漸以世次異居貴產遂甲於數里大父洪遠父本榮則世守小溪而好行陰德本榮娶朱氏卽公母也生子六人而公其四公生而軀幹脩偉勃勃負英氣而性又鯁直不阿里中少年率多貌憚而心異之公微知其異也退而竊歎曰吾何以同俗爲哉有先人之田廬在兼力而耕計日而食脩內行以保

家聲俾子若孫自振是矣彼欲魚肉人以自肥凡以爲智且能也不旋踵敗矣曾知吾有所不屑耶於是諸少年無不赧赧自失者公雖處山谷間然志好儒術而於兄弟友愛尤天性仲兄滕縣君輔仁承于滕坐謗見逮公聞之曰謂吾兄墨耶奈何不能操一金自贖也乃括諸兄弟得百餘金馳之滕贖仲得生還而終不忍言金所自出季弟南昌君景仁少敏於文或沮之曰田舍兒得習法家言爲郡功曹榮矣何至以佔畢自誤公毅然拒之曰亢吾宗者季也因令就經師講業稍稍分私橐以佐其勤未幾季果以明經

甌甌洞藁

卷之三十五

十七

舉於鄉已仕爲儀隴令爲南昌府同知所至以風節著多公力也而公竟未嘗望報焉公自中歲以來益澹於勢利且有丈夫子六人兩督其家餘俱綴學治舉子業公遂得屏處一室自號靜宇居士日從諸昆季與素所信愛鄉長老觴奕爲娛不復問家事會督學劉憲使行郡廉公賢且能成其子儒也檄有司致幣獎之嘉靖丙午儲舉於鄉隆萬間倣與佃相繼應選貢廷試竝列高等俱雖翺翺膠序志未艾也初儲屢試南宮不第公命之曰數奇乃爾不曰爲祿仕者無擇官乎子其仕矣儲遂唯唯謁選得瑞昌令已

用薦者言收柏人柏人之政成又用薦者言召補北京司城尋以事件中貴人出爲晉寧州牧承德公與其配陳安人之封也蓋司城時其遇也公既貴益退然折節下人足不履城府已趣倣什倣得仁壽尹已趣佃仕佃得高唐州文學官劉氏遂爲衣冠右族里俗因之一變家弦戶誦恥復以貲產相豪矣公晚年嘗聚族而告之曰兒曹徒以經術起家通籍中外竊食代耕之祿予又以布衣被

甌甌洞藁

卷之三十五

十八

天子恩賜重書爵之豈予良而二三子能哉此自先世遺澤遠也因令族子弟之賢者收遺牒爲譜以倡仁孝旋捐貲飭祖考墓而別其封樹禮不忘本公其庶幾哉其後有司稽劉氏族大而產饒議析其里戶公居間劑量裒益之無不各當人意卽里戶分而家義猶合特有公耳公初病肺幾誤於庸醫以儲索秘方不數藥而愈履食增健者十餘年故三子皆得從治命以仕蓋所謂內其祿而外其身子道也萬曆丙子十二月公忽忽疾作以廿七日不起距其生弘治戊午九月十四日得壽七十有九云卒之日三子諸孫在侍視歛執哀如禮越數月佃自齊右儲自滇南倣自蜀先後奔至安人先公二十四年

卒葬澤州之北岸山負乾抱巽即公所自相地也
人懿行載在別珉玆不具六子長倣娶鄭氏次倣娶
李氏次倣娶柯氏次儲娶鄒氏繼明氏封安人次倣
娶蕭氏繼楊氏季倣娶柯氏孫男十七人孫女三人
曾孫男十六人曾孫女四人倣等卜某年月日將奉
公柩啓安人之窆合葬焉因令儲爲狀削爵乞銘於
吳子吳子曰公起畎畝爲郎目歷五朝享高年而撫
有四世子孫如林且化其鄉爲冠蓋里得天厚矣昔
羊舌職之勸能十世也以惠訓石奮之顯其四子也
以醇厚夫醇厚惠訓劉公兼有焉非獨厚於得天也
甌甌洞藁 卷之三十五 十九

劉之後其浸昌乎銘曰

本豐條遠德厚流光匪濟之美曷發其祥塊焉真宅
河洲之陽斧如堂如哲人斯藏

明儒官楊先生墓誌銘

楊蓋四明世家云遠者勿論 國朝自文懿公康簡
公相望起甲第仕至大僚其後子孫益以經術行能
顯名當世簪紱之緒至于今蒸蒸不衰乃予所及交
若廷尉承美益雷州守承閔高州別駕子龍皆後賢
也史稱楊太尉累世清德爲東京名族公家豈其苗
裔乎頃別駕持狀屬予再拜泣下曰願以先子之志

徵惠明公一言予既拜受之因爲之誌蓋先生諱
美璿字以齊父處士君其母徐孺人以成化庚子年
三月初六日生先生先生自少樸直好學馴行孝謹
弱冠補邑弟子員邑故多才士每試輒居高等諸才
士無不心下之所與交游多門內之賢與邑中大人
長者故識博器宏內行脩而爲文日益近古比遇督
學大夫王公方劉公燧茲鑒識之嘉靖乙酉秋先生
方入試而聞徐孺人暴疾即徒步夜馳歸則孺人不
待矣先生以此自傷又傷處士君相繼謝世毀瘁幾
不勝禮已召堪輿家卜葬地堪輿爲言相地利矣奈
甌甌洞藁 卷之三十五 二十

不利長公何先生曰葬藏吾親也寧計其後信如若
言孤最長最不孝請自當之母寧及諸弟遂葬如初
卜先生故不善視家人產則兩弟美璿美璠實營之
卽槩中歲有奇贏弗問也已從兩弟意析居凡便利
腴美田宅悉推讓兩弟而自取其瘠且隘者里中人
至今頌先生義甚高先生又身自爲經師督課諸子
講誦不輟且戒之曰吾非欲若曹資口耳以獵富貴
爲取古人之精蘊而實有諸身心用之則天下才不
用之則天下儀羽固吾志也後先生屢舉明經不第
居不滿中人贊而布衣之交已多位至通顯者先生

益得介無求於人即故人具書馳車馬迎先生先生
輒拒之幸謝故人不忘窮交足矣安在分公家粟以
相餽耶竝不赴及別駕長爲弟子員先生退而歎曰
吾竟老於經生哉遂自罷不就試得奉 詔給冠服
爲儒官壬子之秋別駕登鄉舉先生喜動顏色曰是
兒雅負奇今用世有階矣先生自是益厭結束入城
府退居鄆之西谷中角巾野服日與社父老故舊賓
客相飲爲娛旋自榜其廬之楹曰鐘鼎山林各天性
此不見先生大致乎壬戌秋九月四日漏三下先生
寢忽不安起自據牀召諸子諸婦諸孫而前命之曰
既甌洞藁 卷之三十五 二主

人竝爲名家婦先生自著有西谷俚語字學直音及
經書序解藏于家承廬輩將以某年月日葬先生于
西山之原銘曰
於赫伯倚楊侯是基爰歷周漢累葉相繼我我赤董
寔蕃寔滋振振象賢素風不緇抗跡箕穎東南之儀
義方用成奕爾聲施生無瑕行訣無亂辭西山之石
不朽如斯
明奉議大夫兵部武選司郎中方回劉公墓誌
銘
嗟乎武選公吾執友也又三世內親今墓三十餘
既甌洞藁 卷之三十五 二主
年墓木可材有司者業已錄其賢而祠之鄉校其八
歲孤之斗且壯應選貢入大學始狀公遺行滄泣請
銘於予予曰茲不佞缺事也其奚以辭公姓劉名師
穎字方回自號壘峯居士楚興國州人其先南昌紫
谿人元季自子誠公徙步入興國卜居城山初猶力
耕自給已漸開產業長子孫子孫衆多旋有釋耒耜
而爲儒者進士四人貢士十五人博士弟子且百人
其因山澤之利而擊鐘鼎食者不可勝數雖各隨所
宗散處異宅然率與城山聯絡周遭數十里冠蓋相
望雞犬之聲相聞劉遂屹然爲州望族矣子誠公

子仕榮生宗允徙居軍山宗允生鉅鉅生珽珽生承直公守敬承直公善治生而尤好施不倦鄉人稱長者配莊安人有子五人而公行四尋又徙居南塘公生而希慧七歲能屬辭每爲其舅莊克溫氏所奇嘗過外家外家諸長老知其奇無不儼然賓之一有所叩輒應聲成文諸長老莫能難而難以強記授星曆書讀之一再過成誦由是無遠近稱公神童十歲嫻舉子業十三就試督學使其時行尚未健則舅氏躬負而前已爲督學使識拔名冠荆楚荆王聞而異之致幣焉請得爲國壻公固謝弗從郡大夫戲之曰

甌甌洞藁

卷之三

三

下

劉郎徒手取金紫不足豔乎對曰非志也郡大夫益歎公國器其後公病羸者十年不能出至嘉靖庚子始強出應鄉試輒中鄉試凡三上春官不第歸而羸益甚會又遭承直公喪哀毀幾絕久之稍平舉癸丑進士高等會廷試當奏列鼎甲而相臣分宜公意有它屬抑置公二甲第二名已當應宏詞科入備史職適以面瘡發見遺尋授兵部武庫司主事提督武學武學之政由公一新而出其門者多識略勇敢士彞上書言軍政

上嘉納之未幾奉

命督發

輜車餉邊及趨雲中允

塞馬公一切用軍興法所遇不獲所至稱便一時諸大臣聞而賢之丙辰奏績

上特褒以璽書贈其父承直郎母封太安人云丁巳遷職方員外郎監脩重城會三殿災公又從大司馬分重大工日奔走傭伍間不少休息

上賜白金文綺勞之尋陞武選郎中公方勵精脩復祖宗朝武選故法箕一清內蠹而使天下介冑之士各得以其所苦自通乃不任焦勞而怔忡之病作矣因請告還里中杜門慎卹省侍太安人外惟有枕書高臥耳庚申七月十日竟以怔忡不起年纔四十有

甌甌洞藁

卷之三

三

下

二娶泗州判官董朝翰女封安人一子卽之斗庶慎氏出娶婦張氏墓在團山附承直公塋之左數步而所謂坡山則峩峩當其前也嗟乎傷哉公生平慈諒冲虛負異才而能下人與人易親而始終無所自失至遇宗鄭外親每自處其厚友人有貧而鬻田於公者既不吝厚直收之旋折券與其人曰通財友道吾何利而田也爲郎六七年曾不改其素風尤非時輩所及人言公食不盡豆而吐氣若洪鐘貌不勝衣而任重若大輅知公哉乃不盡究於用且嬰多疾蚤世則無間識不識皆傷之公卒之日予方客大梁夢公

執予手作長別狀甚哀予亦放聲大哭聞於寢外寢
外人呼予起之未數日凶問且至此不神相感乎因
憶少與公論文於鄉壯與公稱詩於朝已非偶然即
丙辰之春予以忤分宜故將赴廷鞠公度予必死
杖下陰使人裹飯抱烏羊從之予因託以後事已雖
賴

主上恩見寬而公生死交情則耿耿至於今矣今其
孤又視予猶父非予銘公而誰哉銘曰

子子爾祖荒彼坡山樹德百稔以隆以蕃雲仍星布
鬱爲名閥及子之身翹然鼎甲匪直也文贊籌經武

既甌洞藁

卷之三十五

二十五

既甌洞藁

帝錫嘉名逮父與母天寔祚劉挺茲國器胡寢夙痾
盍馬蚤逝聞丘壟壘宇木也垂泉戶既閱長夜如斯

既甌洞藁卷之三十五終

既甌洞藁卷之三十六

武昌吳國倫著

齊安王同就校
新安方尚賢校

墓誌銘八首

明誥封夫人李氏墓誌銘

往予行部河北蓋識宗侯仲佩氏時仲佩稱詩鄴下
雅負名且有志修性命之學與之談未嘗不移日竟
夕也頃予罷歸者三年仲佩使使二千里外索之山
中爲其母夫人乞銘予既愴焉興懷舊之感而又哀
其有大故而不及匍匐也因受狀誌之夫人姓李
氏爲安陽世家女祖裕在成化中仕爲南康司理父
既甌洞藁 卷之三十六 一 既甌洞藁
希龍娶于喬而生夫人夫人自少端靜內慧稍長精
擅諸女紅通解孝經女誠諸書父母奇之曰此當爲
貴家婦勿輕字人因擇配得湯陰王輔國將軍平松
公妻之 誥封夫人云夫人之歸輔國也年二十餘
猶及事舅姑内外家政肅然惟夫人能以敬順承其
意無論問安視膳曲極誠款即浣故紵新調飴割脯
之類率躬自爲之而不以屬女御又時時脫簪珥市
甘脆以佐養固不令輔國公知也於是鄴下諸王孫
外戚無不賢孝夫人者矣已相輔國公終二喪事如
禮其後益自勤約爲治生計不啻若齊民然歲

浣衣食蔬食以爲常以故輔國公之家中微而復振者多夫人拮据力也其與輔國公居相敬如賓處娣姒和而不瀆逮妾御嚴而有恩至撫諸子則不知有嫡庶而憐愛之督誨之如出一乳又其性素好善不肉食者二十五年非惑於佛事然也嗟乎夫人其稱輔國公良儷哉萬曆六年七月八日以疾終于正寢距其生正德二年九月二十三日享年七十有二訃聞

天子卹之賜祭焉生男四人長載均婦甯氏次載璋卽仲佩婦劉氏繼王氏次載墳婦張氏繼甯氏次載

甯氏洞藁

卷之三六

二

劉

堦婦劉氏男俱封奉國將軍婦俱封淑人女一人封陽夏縣君以邑人張國本爲儀賓男孫七人長翊鐵封鎮國中尉餘俱幼女孫三人長封康店鄉君次封惠河鄉君一尚幼仲佩以下用輔國公之命卜以萬曆七年某月日奉夫人靈輜于郡西平村之原葬焉吳子曰李夫人爲諸王孫母貴且盛矣猶能躬自謹約以篤其親而振其宗卽二南所詠采芣蘋繫之風何遜也說詩者謂文王刑于之化由閨門而被王國厥有旨哉銘曰

哉母儀風此王國孰其昌之

帝有文德婉美二南匪炫而淑鄴城之西大行之側爲夫人幽宅

明居士莊公暨配劉孺人墓誌銘

莊公諱侍字克闇以隱居江濱自號襟江居士楚興國州人其先豫章奉新人國初自七世祖興輔避兵徙州家富口凡三傳至曾大父鐸鐸生大父珂珂父子善治生以美好旧宅甲諸里稱高貴江湖間珂生晨卽公父娶于柯生四子而公行三公性孝友侍父疾七藥必親夜不解衣臥已居喪過哀葬祭用家禮里俗爲之一變久之芝草生墓上人以爲孝徵云

甯氏洞藁

卷之三六

二

劉

事其母色養備至時家已中微而公猶董董自給會奉母命與其季易所居室而季偶遺金數斤室中公得之與其妻劉孺人遽呼季還之季欲分謝終不受先是公嘗謂產與閭左豪而豪尋欲因經界以侵其份產私行金賂公請得居間爲陰助公面折之侵第不仁利人之金而助之侵不義侍雖貧不能以其身爲若家鷹犬也豪怒反誣搆公有司不見白遂傾其家得百金抵之其禍始解公由是貧益甚而歲又大侵顧其性猶好施不倦出遇道傍餓人卽惻然流涕婦諱劉孺人脫簪珥治糜食之所活數十人終

不令之知每見暴骸于野輒因而瘞焉諸所施於不
報類此視其子以善爲諸生每試高等亟戒之勿自
盈以求進至妻舉不第又數以義命慰之居恒磊落
個儻善歌笑諧謔至老不衰與賓客飲必盡歡醉則
鼓腹長吟陶然塵垢之外晚年業已病肺益嗜飲以
自娛卽囊無一錢往往從人貰飲而分其子餘廩償
之以爲常客有勸之節飲毋傷生者公笑而答曰非
若所知吾肺病非酒不蘇酒吾良藥也安有屏良藥
而能長生者乎年七十六竟以肺病不起乃公之陶
然于酒而不問其家也則以有劉孺人孺人故名家

甌甌洞藁

卷之三六

四

列

女旣已相公內篤其親而外急人之難而猶能以女
紅佐賓客資每賓客過公爲具與飲終日不知公貧
也又慮公於人有褊心不易諧俗往往乘間風諭之
以故終公之身視孺人爲益友後雖有兩婦分理其
家而孺人老益不自逸卽晨紡夜緝漂絮澣衣之屬
曾不以爲勞年八十猶時時視雞豚狗彘之食息孕
字爲兩婦先越明年以寒疾卒公生弘治戊午七月
廿三日卒萬曆癸酉六月七日孺人先公一年生後
公五年卒子男二人長卽以善娶管氏次以嘉先卒
嘉氏女二人長適

三人自清以善子安秘出爲叔自治俱以嘉子袁
氏出孫女二人管氏出者適朱希閔袁氏出者適吳
志弘合葬墓在六墩之陽以善旣廬墓三年始自爲
狀屬其友吳國倫誌焉國倫蓋自弱冠與以善交知
二老人多古行大者寧委其家以饜豪終不忍助豪
爲暴若不以遺金爲寶而以無愧屋漏爲寶與活餓
人于途收野殭而藏之蓋所謂貧于財而富於德二
老人一志也語云人富而後仁義附焉由二老人觀
之豈必然哉乃其晚年以酒爲良藥豈俠而遊於酒
人賢而隱於賣藥家者邪處儒俠之間庶幾達節矣

甌甌洞藁

卷之三六

五

列

因憶予微時數過富口訪以善公與其伯兄克溫仲
兄克言雖寒夜必起各以所儲菜果酒脯來留予歡
坐未嘗不徹曙予竊觀其父子兄弟循循德禮長者
哉又嘗與以善論文孺人治麥羹食予盤無一蔬予
與以善共甘之因遂不赴他客召孺人私謂以善吳
子謝盛饌而飽吾麥羹其郭林宗之食于茅容乎真
吾兒友也其後予稍階一第而竊祿四方未嘗不以
二老人爲念然卒無以振其貧今以善年過五十猶
逡巡膠庠間每向予有仲由之感仲由其言傷哉貧
也上無以爲養死無以爲禮今不肖何以謝地下哉

然通國稱孝廉之士未有先以善者即三老人並以壽考令終而又見誦曰此孝廉所自出也未必不爲榮矣因銘銘曰

遠遶高士漆園流風寄醒于醉履達于窮乃有良匹耶之女宗裴褐偕隱多壽考終壽考者收爲爾幽宮右提下雉左挾黃龍汀蘭岸芷千裡斯供

明荆府典膳徐君墓誌銘

徐君之卒也在萬曆八年五月之朔越歲其孫嘉璧嘉瑾卜以其月日啓其母阮孺人之窆附葬焉先期持崇陽汪僉憲所著狀來乞銘蓋兩孫予門人也因

甌甌洞藁

卷之三六

六

受狀撰次之徐君名廷諱字子義慈口里人宋元豐中有祖君猷公知黃州軍卒葬蘄水其子靜文於靖康元年自蘄水徙興國之上塘村家焉靜文有子五人而宗德行四又自土塘分徙洲頭凡數傳及君曾大父紹清大父希芳世以力田自給有古壤父風希芳生福皞爲其叔父希立嗣即君父也以所居近白厓自號白厓野人初娶阮氏生三女而不宜男已納程氏於正德乙亥十一月二十二日生君君生才九歲福皞公下世里人蓋有乘其孤而幸之者乃君自孩孺已昂藏不羣入侍兩慈出就師學毅然有丈夫

志久之內難外侮不戢而定稍長受經術爲舉子業已復竊歎曰母氏以孤故稱未亡人至老不變孤奈何斂衽抱一經而以家政爲母氏病耶因棄去從長老辨上穀之宜興場圃之利又每有天幸與人俱耕而獲常倍之問以餘粟易金逐什一輒致貲累過其所養以故田宅甲里中而子錢行於旁邑旁邑人無不稱徐君賢豪矣君積居既饒性又好客不倦而趨人之急甚於己私搢紳士大夫之過其鄉者不吝爲盛具延接之即承史僕御各饜其意其他若鄉鄰請貸貧士望恩者無虛日君皆差緩急而應之多不責

甌甌洞藁

卷之三六

七

其息凡州牧下令舉大事君輒居先蓋常出粟賑饑慮材脩學爲阮周二公所嘉獎後應詔入賞授荆王府典膳而不之官第得用冠服以肅賓祭鄉人見而華之久之又稍稍自厭而被故所衣褐衣游白厓間自號小白野人蓋自小以尊其父云君先後所識諸名公若大司徒汪氏兄弟與朱宗伯徐司空楊僉憲皆嘗賦詩贈君君終身誦之娶朱孺人里人朱壽良女也孺人賢而有志計能爲君操利權而坐笑伸縮歛散不遺錙銖又善承君意而樂施予君甚嘉賴焉生四子伯仲俱幼叔繼謨聘通山陳憲副宗夔

女未娶卒季繼烈爲州庠生娶崇陽王令尹近敏女甫生璧瑾兩孫而季與王氏又相繼卒傷哉君於骨肉之間蓋不勝其鍾情矣已君從祿祿中撫兩孫成而日憂其癯也因齋戒匍匐詣玄嶽請禱焉尋督之業儒身與共寢食者數歲亡何兩孫並用儒術爲有司所識拔補弟子員君又不惜厚資資之游太學而與俱赴南都凡再試不第君慰之曰吾不患兒晚成而患學未足會予解政歸里中君儼然率其兩孫來就學與吾兒遊予始一再見君而容崖然而目衝然而口津津然徃徃從杯酒掀髯談世務陳說古今有

甌甌洞藁

卷之三十一

八

通儒所不及惜老巖穴間不見爲世用耳叩之又好關衆家數術書通曉堪輿日相家宅禁忌之術諸遠方來以術干君者聞君一二發難鮮不拱手結舌自引去居恒爲兩孫故廣交藉資門下食客日益衆竭庾廩以治供具猶不免有鞅鞅遺德者且詆君守財而不好士卽所好非名之則勢之也又一二怨家陰構之中君幾觸文網尋見白於有司第以家人子挾稅小過抵之於君無損爲完名顧其橐中金盡矣最後猶能以餘力助城工築東南二門並建層樓其上歸然爲一郡壯觀自是君力益憊又數見侮於里

少年抑鬱憤悶至無所控乃遂病不起享年六十有六卒之日披衣坐正寢於宗黨各致其情旋屬家事兩孫誠之謹事祖母孝友于兄弟不者且爲地下憂嗚呼君可謂善貽謀矣嘉璧娶葉長史棣女生二男子一女子嘉瑾娶汪僉憲廷鉞女生男女各一人俱尚幼墓在牛眠嶺負甲抱庚卽公所自卜云里人相傳君未病時白厓石崩如雷竟爲君歎然則賢豪死生固自與川嶽之氣相感應乎吳子曰揚子雲作法言不屑以千萬錢載蜀富人名爲其無仁義之行也乃予之誌徐君也則猶有取焉非徒富其人也因

甌甌洞藁

卷之三十一

九

系之銘銘曰

古有徐君死爲先季子許今有徐君死爲後季子與神歸九陰孰古孰今牛眠高岡鶴歸茂林勒茲貞石寵爾幽宅楚楚後來永延芳澤

明吳仲子牧良墓誌銘

嗚呼予仲子卒大梁邸中蓋萬曆丙子四月七日也予哭之慟而唾血舒恭人大懼越十日卽以其櫬歸久之予復唾血不止恐遂傷生稍稍以東門吳潛亭滅明之意自廣庶幾強飲食視事乃兒櫬入楚達李平而予伯子工良從大江奔迎之至三江口置舟

且良久會天幸乘浪自躍出而遇買船適過起之
明年丁丑伯子卜二月十二日葬兒南莊使使之大
梁告期而予適以使至之日得放遂就道與俱歸以
祖載之前一日馳至家猶及視兒下棺諸會葬賓客
莫不驚異比欲爲兒誌一石痛不能文踰年其婦劉
有疾母家迎之就醫兒忽見夢告予曰婦病且不治
矣是秋婦果卒予將舉其喪合葬爲一誌乃其家自
葬女而予不及知嗟乎兒不得與婦同穴婦不得從
兒耐食我家廟非而翁意也迺獨哽咽爲兒誌兒姓
吳名牧良字鴻倩小字無擇興國州人父曰國倫母

龔龔洞棠

卷之三十六

十

卽封恭人舒氏前母贈恭人陳氏大父宗魯公贈中
憲大夫邵武府知府大母李氏贈太恭人初予仕
世宗朝爲給事中以哭楊忠愍繼盛而經紀其喪爲
分宜父子所銜丙辰謫豫章從事丁巳量移南康司
理且二年分宜意未釋已未將乘京考遂斥之以華
亭公力爭得再左官過家將治裝而北也屬舒恭人
有娠留視之越庚申二月九日晨起見五色芝產寢
室前是夕兒生卽呱呱襁褓中娟秀如純玉心竊喜
以爲家瑞越數日子北上謁選入遂以其夏補歸德
司理理歸德又踰二年不調業已奏記自罷歸里中

時兒已三歲能言但好弄生雀予患之偶繫一雀過
予前予撫其首曰雀性好飛與兒好跳咲同蓋各適
其性乎兒遂解其繫放之自是不復弄雀時壬戌之
夏也會分宜敗諸忤分宜而左官者竝得稍遷其秋
予亦從里中起授建寧府同知未數月擢知邵武府
癸亥始遣人迎舒恭人攜兒就郡齋兒數從其兄舉
酒爲予壽輒鼓掌歌小令以佐予歡間又援箸搥鼓
緩急皆應節予每爲之絕倒痛醉不復知在異鄉甲
子從其母自邵武歸始有其弟士良戊辰予被謗改
知高州諸子皆從時兒已崖然露英骨目光射人且

龔龔洞棠

卷之三十六

十一

受經知大義見者無不奇之嘗寢夢見巨蛇張口如
門戶兒入游其腹中宮館樓閣甚盛行坐登降一無
所磕礙少頃心知其蛇也始自驚悸而覺汗下如雨
以告予予莫知其解庚午從其母自高州歸始有其
呂氏妹予守高州三年日苦盜最後倭夷三犯我郡
城皆得厲兵殲之已

穆皇帝錄保境功而叨 賜金者再壬申遷貴州按
察司提學副使比過家閱兒所爲舉子業未善也退
省其私則一切剪綵刺繡圖寫山水禽魚類皆不師
而工予喜其能於小伎也因獨攜之貴州身自督

學稍稍成章矣癸酉予攝事又以此笑平苗功
叨

今皇帝賜金兒睹之有喜色曰玆非所謂尚方珍耶
尋聞母病趣歸視之甲戌予有河南參政之命便
道歸爲兒娶婦婦卽郡人劉別駕克文女其冬州大
夫唐公里選士而兒在選中當赴郡試予未之許也
乙亥仍從之大梁受學居數月爲文駿駿有奇氣卽
其兄亦驚異之會予當入賀兩兒俱欲從觀京師
之盛遂與俱行比還過邯鄲謁黃梁祠兒從祠官得
呂僊詩誦之數日忽忽有悟語人曰養生家無慮千

龍龍洞藁

卷之三十六

十三

傳

言曾不出孔子三戒學者自不悟耳已入邸遂疎其
婦就外寢因自著養生論藏笥中大要摘呂詩所指
佳入按劍之意究言之而自警殊厲無何疾作而證
卽不佳先是予所善客龍游李遇春知醫診兒謂將
有疾不宜從之京乃往反京路亡恙意其言過也後
李見養生論益吐舌語予仲子情見乎詞疾殆不可
料奈何予始索觀其論知兒悔悟晚也日憂懼無所
出踰年三月婦產一女未數日殤兒不忍聞其婦哭
聲強起慰之曰女殤矣哀之何益且我兩人年竝少
豈憂不再孕乎婦遂止不哭未旬日兒病少間謂其

母鬱鬱處一室殊困欲詣家大人所居分署稍稍開
心目且須吏寬父憂可乎母因傳其意許之比至所
見堂室題額几案器牘以達庖福井竈庭除卉石之
類無不熟視而詳詎之是夕劉氏兩兄至兒又與之
密坐款談夜分不倦其明日遂僵臥呻吟亟請徙臥
予所臥榻凡三晝夜呻吟不絕聲垂死猶執予手歎
問四伯父與其伯兄及呼一二老蒼頭名乃溘焉瞑
日年僅十七又客死而無嗣嗚呼可勝痛哉可勝痛
哉已發其書笥中得兒所賦詩數十首類多憂生之
嗟而尤自恨其以疾憂父母則所謂絕命詞也詞極

龍龍洞藁

卷之三十六

十三

傳

酸辛予讀之不能竟遂煨燼之因憶兒自十五以後
頗用志於悅親無復兒態居恒從其兄若影響而愛
弟妹甚於自愛雖予日以孝友爲訓亦其天性厚也
在大梁時嘗告其母曰竊觀家大人晨出暮入理牘
勤民事不休何瘁也盍諷之自引以佚其餘年乎又
謂大人人性嗜吟咏山水間善宦非其能也安得使兒
先歸營三選待之其母以兒爲乳口戒勿復談而予
竊聞之則大喜此兒非獨愛父且庶幾知父哉至遇
所使僮僕尤極寬恤一當其意輒解衣推食無所吝
人皆目之爲少年長者宜壽而夭何天平天平豈以

蚤慧而神大揚乎將無芝秀而不實蛇爲妖而不祥也因銘銘曰

碧湖之東有山如龍泉深木蒙爲吾兒幽宮嗟嗟骨肉復于土也命矣夫生不忝爲吾子死不負爲吾鬼誰天誰壽誰禮誰餒千秋萬歲俱爾爾

明處士輔可吳君墓誌銘

嗚呼處士予伯兄也蓋就世已四十餘年而予自束髮哭君今且老始得采君遺行誌之傷哉君姓吳諱國佐字輔可家楚之興國州凡六代而先世則商隱公自嘉禾徙也曾大父淵之公大父世宜公竝有隱

甌甌洞藁

卷之三十一

十四

德父中憲大夫宗魯公母太恭人李氏竝以子國倫貤封太恭人生四子長卽君次國仕次典儀國化次卽參政國倫君負性跌宕美丰儀在齠年已有成人度俯睨市井兒戲一切恥爲之初遊經師業儒家言已見先大夫勞於家頗以爲患年十五卽奮然曰家有長子是謂家督吾安得終歲手一卷而以門外事勤吾親於是從闔閭逐什一之利每有奇勝費且殷殷起屬四方商賈鱗集求貨於市市僧率壤壤不能平間藉君一語平之無不稱善曰吳郎信義人可任也卽持千百金委君不疑君亦視千百金故物焉

得贏貲悉以歸先大夫一錢尺帛不入私帑先世嘗有田一區在長慶里後爲不肖子孫蕩廢去故自大父以來不復治田產及君之身始請于先大夫曰衣食之原首農務食末非長計也先大夫以爲然廼買田百畝于白水畝居數年爲闔左豪橫訟幾喪家輒棄之曰置產以養親而重遺之憂非孝也知隣之不仁而復與之處非智也乃又卜產宣化里耕焉蓋二尊人無缺養而諸弟俯仰有藉多君力也君居恒怡親愛弟鮮所不用其情處內外宗鄧曲有禮意與人溫然可親而其中涇渭不少假故年未及壯而人以

甌甌洞藁

卷之三十一

十五

長者遇之學未成儒而所與遊多一時衣冠文雅士予猶憶少時從典儀兄及君之二子年相先後共塾而學君往往優兩弟而劣其子若有所試至分衣襦履舄歲時行經師脩則相若也暨予十一二時稍屬文而爲經師所譽輒大喜而質先大夫曰吾家世德長原當有顯之者其在吾乎無何君寢疾三年猶日與其起也而竟不起時嘉靖乙亥七月二十二日距其生弘治丁巳七月二十三日年僅四十有三嗚呼傷哉以卒之三年壬寅正月三日卜葬于鶴山之麓祀葉氏郡人

道良次遂良初二尊人以垂年失克家子如斷右臂
痛不勝情而猶強病視君入土及撫君之二孤成已
爲受室長娶熊氏次娶董氏甫五年而二尊人且相
繼棄諸孤矣其後熊無子得妾許氏生二男孫曰宣
娶朱氏曰寵聘朱氏一女孫適鄒民望董無子蚤卒
繼陸氏生二男孫曰寅生員娶劉氏繼譚氏曰宿尚
幼三女孫長適劉應元次適虞嘉樂次聘劉之宦曾
孫一人乳名寄兒劉氏出國倫曰伯兄兄也於予有
父道焉顧恨無以報幽冥耳疑君所藏地卑溼當
有他患會形家者亦以爲言嘉靖癸丑予以中書舍
人請告還葬妻陳恭人于鶴山之左阜因併遷君墳
於其右阜去故冢高可百餘步已巳未逮今二十
餘年葉孺人與其子道良遂良及婦熊俱先後物故
諸孫貧幼不能舉會予自大梁罷歸稍稍分租金資
之尋擇谿南王王甫山葬道良夫婦其上已又贊寘
孫舉其祖母及父二喪附君之兆左右藏焉諸喪既
舉存歿稍寧予因得延師授宣孫經爲之納婦以養
其母而寵孫幼有異質則典儀兄撫而教之矣嗚呼
君其瞑目泉下乎銘曰
嗟予伯氏豈賢而隱于市而不汨沒于市者耶孝而

甌甌洞藁

卷之三十六

十六

陶

克其家而不織嗇其家者耶何享世四紀而遺德如
新左內子右介子附鶴山而爲塋是吳伯子之貞明
明中憲大夫福建提刑按察司副使進明易公
墓誌銘

易公既卒且葬其子相時使使大梁以狀屬予銘會
予抱殤子之痛未有以報也已罷歸山中且八年而
相時又使使山中趣之嗟乎予誠不佞豈能一日忘
情公哉按公姓易名道談字進明別號洞阜居士岳
州巴陵人其先長沙人宋禮部尚書被之裔高宗時
有祖文貴仕爲大理評左遷岳州遂家焉其後四傳

甌甌洞藁

卷之三十六

十七

景

至光祖舉元祐進士光祖生本中入國朝始定居
上坪本中生誠誠生巽巽生籛籛生孟格孟格生中
憲公滋蓋公父也母太恭人龔氏公少孤而家復中
落獨依太恭人與一襁褓弟爲命乃其性深沈好讀
書不爲貧損志太恭人才之使就經師受學綴文文
輒工已試爲博士弟子輒得異等凡七舉不第而公
心益虛學益力嘉靖壬子始舉于鄉癸丑登進士則
年四十二矣初授太平令太平其民故囂訟而吏又
善舞文爲邑患公至摘其爲蠹之大者數輩法之餘
聽自新諸所爲辨冤獄崇文儒興利禦惠不可殫述

屬鄰邑盜竊發以爲海夷且至告急公公笑而
曰海夷安得深入山縣此境上惡少年自爲亂耳已
竟如公言諸部使察公行能謂可備緩急交薦公於
是公有錢塘之調蓋錢塘浙首邑無論繁劇十倍
太平卽其時大寇壓境城守戒嚴諸軍與無不倚辦
公而公亦無不立應未幾徵入爲戶部主事歷員外
郎郎中嘗權稅都門及清源關竝著清德已奉命
督發邊需守吏有以私請者公正色叱之諸郡邑無
不凜凜共事竣當遷會興化新破廷議難其守
主爵遂以當公曰是能定亂持危者比公馳單車詣
甌甌洞藁卷之三六 十八傳
郡則室廬煨燼白骨蕭蕭然一空城也公憮然傷
之亟下令招徠安集民稍稍相扶攜以歸如就慈母
其有以翼寇圍奪相告言者公一切置弗問曰姑令
自安尋以平海之捷拜
肅皇帝賜金已乃脩城堞葺解署飾亭傳營壁以爲
民衛而民漸有樂生之心踰年寇再至羣情洶洶公
獨緩帶誓師日增金鼓旗幟夜張烈焰待之寇以爲
有備遂去而攻仙遊公又賈餘勇爲仙遊聲援射書
城中諭吏民自固大兵且踵至矣於是仙遊守益堅
而寇亦徐爲大兵所敗公乃得解嚴坐堂皇策長老

患苦弔死問疾脩舉廢墜如築海隄使潮不害稼
木蘭陂以廣灌漑變磽确爲膏腴而復寬力役給牛
種以資流亡之新復者耕焉則其大者也公故明習
法家言往往手自削牘吏人承之莫不股弁已又察
隸卒徵捕之弊刻木而郵致之郡人交口稱便會三
年考績業已奉 璽書褒勞馳封父爲中憲大夫母
爲太恭人久之不調公倦遊矣又念太恭人春秋高
數稱疾臥閣奏記乞歸養不得踰歲始遷按察副使
提兵福州間從海上視師過故郡郡父老數千人遮
迎之曰此脫吾血刃而衽席吾者也無恙幸甚亡何
甌甌洞藁卷之三六 十九傳
聞太恭人訃痛哭奔歸父老亦痛哭奔送之後公旣
終太恭人喪遂絕意仕晉杜門懸車日與宗老子弟
脩明古道敘譜牒篤恩禮以其暇從一二親故登岳
陽樓攬雲夢七澤之勝舉酒縱歌飄飄然仙流也越
萬曆癸酉六月八日病卒距其生正德壬申七月一
日得年六十有二以乙亥十二日葬唐石原之麓配
何恭人學訓珊女繼趙恭人縣幕萬友女子一人卽
相時庚午鄉舉婦李氏女二人長適宗良次適方承
烈並邑庠生鳴呼公生平樸直簡諒其貌溫溫其政
問問至醇

者是公之所自負異也曩予守邵武時嘗與公共事
閩中知公再造一郡心獨苦勞績獨多乃其初置告
言不問蓋龔少卿所謂治亂民猶治亂繩不可急也
郡士人見以為異而卒無智愚竝戴之而爭尸祝之
則鄭人之歌國僑蜀人之思何武良有以哉非予銘
而誰也銘曰

秩宗遐裔徙處巴丘澤延奕世載振箕裘起家儒素
造跡皇州宣力中外克篤忠猷壺陽既墟公也拮据
掃厥腥穢奠以安居靜以制亂終若其初爰膺嘉命
建節海隅銜痛徂奔臥病杜門息機世外古道斯敦

甌甌洞藁

卷之三六

二十

石原之麓洞庭之濱綿綿幽宅麗以貞珉

明鄉貢進士名卿呂君墓誌銘

呂君名應期字名卿楚廣濟邑人其先南昌人元末
祖萬三避兵徙廣濟之月塘其後壽七徙團山用英
又徙西橫而呂氏族漸著用英生四子長寵無嗣撫
其弟定之伯子鐵為嗣鐵又無嗣撫其弟鎰之仲子
一純為嗣即名卿父字從之自從之公與其所嗣父
相繼治儒家言為邑學諸生而從之公又以大戴禮
為旁郡學者師一時名士出其門者數輩而呂氏文
儒之風漸盛公娶陳孺人嘉靖癸丑夏四月孺人且

免身夜夢太陽墜其所居室其月十九日生名卿名
卿生而英骨隆起德宇沈厚祖若父竝珍畜之謂必
太吾呂也甫踰齡齡日誦千餘言十歲能屬文則從
之公口授之經術即涉疑義靡不了然精解公每有
拂意輒召名卿前立試一文文成公輒大喜撫其首
曰有子若此吾復何憂十四補弟子員居十年所遇
郡邑長吏督學使無不奇其文而置高第者萬曆丙
子領鄉貢其宗鄭人賀公曰茲太陽墜室之徵乎已
三上春官不第而名卿益自奮於學不少休蓋自鄉
貢以後業自任為家督不欲以弟妹婚嫁勞其親而

甌甌洞藁

卷之三六

二十一

又稍稍築室開產業曰此庶幾為三弟資非以自殖
也諸出納施措一視公嚮意而迎順之一有弗當即
惶懼白陳孺人為從容必得其歡心乃已茲其為孝
友至性邑人人能言之居恒處宗鄭內外親和厚有
禮不敢自賢至馭僮僕曰此亦人子也往往過寬恤
之以故人無貴賤疎戚無不稱賢長者初從之公與
今民部郎張子龍友善比民部公見名卿負奇心器
之因無其內弟楊茂才大輔之女女焉未幾生一女
七歲未聘而名卿以暴病卒時萬曆甲申三月廿九
日年纔三十有二

以四月七日附葬馬鞍山從之

公哭之慟而寢疾者數月幾不能興而吾兒工良則公甥也凡三束書遣兒慰之乃能強起為名卿擇嗣得其仲應明第三子曰元聲屬未亡人楊撫焉蓋民部公贊成之也公徐自草一狀涉江乞吳子銘吳子曰傷哉名卿國器也諸見名卿神凝而弗闕才儒而弗揚無不以鼎甲鉅公期之胡遽止此且予春初江行時名卿儼然從其父觴于盤塘舟中神氣殷殷王也曾未踰兩月而凶問至能不令人銷魂哉乃考名卿先二世皆以元子無嗣而有嗣而名卿亦復身遭之痛矣又何卒之暴也因投涕為之銘曰

旣甌洞蒙

卷之二十六

二十三

蘭有馨而易姜玉有英而易摧士有文質而數奇則呂伯子之謂與傷哉乎伯子已矣庶幾有弟而其宗日起有嗣而其鬼弗餒茲石與茲山昭昭也傷哉乎明亞中大夫浙江布政使司左叅政聯之邵公

墓誌銘

叅政公卒于家家且卜葬屬其從子以仁方仕為粵西臨桂令不及旬視襄廼狀公行實使使馳書數千里來乞予銘其辭曰以仁不佞自束髮受書以至成進士勉服一官尺寸皆季父賜也今季父不訣而棄以仁以仁痛不可解惟是他日當幸事先生願慙

惠言即季父稱不朽而以仁所為報季父者其庶幾乎嗟乎臨桂君德公深矣夫睥之預期其姪也玄之不負其叔也邵氏有焉按邵氏之先世居金陵自我

高皇帝定天下奄有牂牁與古地而邵縣之始置今普安州詔徙江南衛士良家子戍焉公六世祖旺實始從戍籍往旺生斌斌生璇璇生文林公昇昇生中憲公華譜邵遂為普安右族矣初中憲公仕為重慶府同知配恭人某氏生四子並治儒家言長元吉貢士次元善四川按察僉事次元高贛州府同知是為

旣甌洞蒙

卷之三十六

二十三

以仁父而公其季也名元哲字晦之別號古愚公少有志性每為其父兄所嗟異曰必亢吾宗其季乎年十二遭中憲公喪業已能執哀如成人禮稍長益銳意於學多所博綜精詣而獨顯門禮經為諸生時嘗自著禮經說黔中諸言禮經者宗之嘉靖乙卯舉于鄉乙丑登進士科推擇為民部主事司計通州通邇京諸近幸數以私請公一切拒不受諸近幸將不利於公而中以飛語廼其時太宰楊公司徒劉公則知公深也力為之昭雪而公廉正名益彰尋有餉邊之役事竣過家省太恭人遂欲留侍太恭人不復出太

恭人弗悅兩兄且以大義責之始勉強就道入京擢
郎中奉 命總宣大軍與宣大自督府帥府以下無
不憚公廉正名預戒其吏士守繩墨以待度支曰非
他郎比也公至既度支如法無闕出入使人人
各厭其意廼又從尺籍之外得死士若干人毅然請
增餉餉之已又察倉吏之不得代而老死窮邊者數
輩閔然憐而歸之兩府諸吏士蓋至是益知公用世
才非小廉也隆慶庚子奔太恭人喪里居三年從草
土間授諸子第經術而督誨之普安文儒由茲益盛
後除服補郎視通惠河以疏漕輓之入太倉者公相
龔範洞藁 卷之三十一 二十四 泰 四百十二

從杭唐上過矣已廼議賑饑議招流徙議寬徭役議
省驛使供億議罷海州卒踐更京操議禁閭里豪
右議釋囚冤獄千餘人語具守淮奏記中不盡述
公其有大造于淮乎暨淮人爭頌公公又退然謝曰
此
主上之恩兩督府之勞也守臣何有焉時鑄錢令未
下而境內惡少年有盜鑄者公心籍之不發逮令下
廼召諸盜鑄者前徵發其陰而責以鼓鑄自贖無不
神明公而願爲盡力者以故淮錢獨先布而工獨省
故不謂有心計哉凡三年累被薦異績受知
龔範洞藁 卷之三十一 二十五 鄭
主上賜璽書褒之贈重慶公爲中憲大夫母封太恭
人萬曆戊寅遷山東按察副使且行淮人無老幼遮
道泣送之已復築生祠祠公公知之陰使人毀其像
淮人捕得毀像者知爲公所使也益歎服公有遠識
公在山東分署濟上濟去淮卽不甚遠然當漕河中
與淮異勢諸泉一不屬則病漕夏潦衝決則病稼公
憂之爲築大行隄內束諸泉而外捍衝決蓋不獨漕
便而旱潦亦藉以無恐諸所爲持法布公繩貪墨弭
寇亂威望凜凜齊魯聞矣卒已擢滇南布政司叅政
仍以河工留濟上久之廼得去赴滇屬奉部檄理經

界公力肩其事冒瘴癘出入阡陌遂稍稍受病會
江兵變 朝議藩臬諸大夫失計皆左官而移諸負
威望者代之公於是有所浙江之 命比過家則病不
支矣卒之日爲甲申六月廿三距其生庚寅二月廿
六年僅五十有五配黃氏封恭人生子一人以謙諸
生娶郁氏女四人長適蔣益謙次適唐虞治並諸生
次聘常氏子次聘游氏子俱幼孫男一人象旭聘貢
士唐虞臣女以明年某月日葬三台山之陽吳子曰
往予視學黔中蓋聞邵氏世孝友云已從賓序一見
公姿表瓌傑識略過人心竊偉之暨行郡試士得臨
甌甌洞藁 卷之三十一 三十一 鄧晉

甌甌洞藁卷之三十一終

甌甌洞藁卷之三十七

武昌吳國倫著

齊安王同執校
新安方尚贊校

墓表六首

明中憲大夫都察院右僉都御史劉公墓表

劉公既下世其子衛將軍日孚業已乞銘元美而因
屬國倫表其陽申之曰先大夫之目固待二先生瞑
也國倫曰表墓非古也其猶行古之道乎夫以首陽
之清也與延陵之仁也猶必緣孔子而不朽況其他
乎漢世號子雲家爲玄而題林宗碑曰有道卽創意
爲之亦皆有所託而重焉故曰先民既歿德音猶存
甌甌洞藁 卷之三十七 一十
若劉公蓋可以表矣按吳文學楚材所爲狀公諱景
韶字子成世稱白川先生者是也其先世居崇陽之
南谷自榮四公避罪徙宜春已而復歸徙楊坪凡三
傳至處士公鐸事見于鱗表鐸生封員外公緒事見
元美誌緒娶于汪封安人生公會員外公爲怨家所
構而被逮治甚急汪安人夜襁公匿荆棘間事白乃
已比公稍長而英骨隆隆起也員外公心喜之謂家
造當屬是兒乃授之書一過成誦矣顧員外公督之
益嚴曰兒忘問左豪桀而父荆棘而母子乎兒卽不
能脩怨無復爲虎口齧也於是公奮激脩舉子業苦

無資購書數從市肆中借讀已還其人謝曰吾貯之腹笥矣及綴文又鮮師授率自以臆揣摩爲之輒中竅始試爲諸生諸生譁以爲亡奇而獨沈令厚遇之曰劉生始有心匠非若曾知也嘉靖庚子舉于鄉甲辰舉進士授潮陽令員外公謂兒往第毋效崇令虐無辜以氏宗稱良吏矣公至察潮之苦豪皆什伯於崇因首發一二輩寘于法諸豪無不竦息待罪願自新者公許之蓋自是潮不苦豪已乃因俗致理隨百姓所利害而爲舉廢其大者十二事具潮人去思錄中在潮凡七被薦書始入爲刑部廣東司主事時吾

甌甌洞藁

卷之三十七

二

傳

友李于鱗王元美並在刑曹公慕而習之間攜高伯宗魏順甫衡從其間相命爲聲詩志在不朽而以其餘力治法家言顧卽以法家言著稱而公益鞅鞅不自喜謂恐于鱗輩申我我也會是秋警虜公從大司寇乘城守安定門安定門常不關日入避虜者萬餘人卒亦無所關入多公案畫畫大司寇用是薦公才可備緩急明年城外城進公職方員外郎董其役公稍稍以勞自見得增歲奉一級而忘者見謂公喜事矣亡何出爲貴州按察僉事其備苗會諸苗方構難播州患苦長老或謂撫

一

甌甌洞藁

卷之三十七

二

傳

決公至立策之曰撫示弱殄慘無辜非計也書稱分背三苗此其時乎姑從中喻以禍福而分背之使蜀者附蜀黔者附黔羣議遂定曾不亡一矢所全活萬五千人開府馮公岳上其功尋罷撫苗叅議蓋自思南移駐銅仁所部視故地益廣東連繫瓠西引牂牁諸苗種凡三十六而據爲寨者八十三其酋之長而黠者往往負險竊發而諸亡命大猾實陰煽之爲亂階公故所陳開府四策業已預籌之而復身肩其任次第舉之計禽其尤黠者王黻任宸而餘孽望風解矣所上首功二百餘詔增歲奉一級賜帑金勞之

甌甌洞藁

卷之三十七

三

傳

會倭寇深入蒲江淮間

上念江淮重地晉公按察副使治兵防海時豐城李襄敏公開府其地襄敏故負文武才至與公談兵事輒自退讓以爲不及因與之傾心共濟於是公乃得請於開府以間行視要害外自秣陵內至如臯皆置水陸師待敵爲犄角勢已城天長城寶應而日拊循其民以示有警可壁也明年

上遣儒臣唐公順之來視師會萬倭遽至犯如臯公急趨如臯救將吏開門迎敵賊度有備不敢窺諸路援兵亦稍稍輻輳公起自歃血與諸將盟曰戰即死

不利我必身先爲殉諸將人人奮死力出賊先據白浦意且西公計給之東徐率兵與丁堰諸將衝擊之公又度賊受擊必還據廟灣扼我亟請開府移太軍軍廟灣而身擊賊後敗之藩莊賊二面受敵乃逸而西分兩翼爲連營公遇於介莊敗之賊窘夜奔馬邏公掩擊于姚蕩敗之賊復逸過燕莊逼泰興公力追之泰興人望見公爭挽入城公按轡喻之曰入城無爲徒示弱我第以戰爲守若等今安枕矣乃麾兵而前搗賊張家莊走之已賊悉衆還攻廟灣公急從間道趨至與李唐二公會水陸兵夾攻之凡四日大破

甌甌洞葉

卷之三十七

四

傳

之時諸將有驕色公曰未也吾慮夫三沙之賊未饜於南將乘我狃而北也猝至何以應之於是分休諸將使潛爲備未幾賊果潰三沙北渡徑趨如臯公率諸將翼進掩之仲家園用火攻敗之賊奔鍋潭公與衆將丘陞追及之陞爲前鋒中伏死公併將其衆殊死戰敗之已又及之小海灘劉家橋白駒海沙凡三戰賊皆失利因從間道趨劉莊將據其積粟以老我帥會裨將劉顯自三沙新敗來公激之曰此將軍奮翼瀝池時也豈無意乎顯躍馬前而公鼓其後遂搗劉莊賊潰追及白駒塲盡殲之是役也公躬擐甲

者九十餘日生禽百斬首三千焚溺稱之鹵獲毒器輜重以萬計捷聞

上大悅增歲奉二級賜白金一鎰文綺帛各二尋陞浙江按察使治兵如故明年

上錄三沙功又增歲奉一級賜白金一鎰綺帛各一蓋李唐兩開府嘗相繼上書薦公自代

上又心嘉其功遂進公都察院右僉都御史提督軍務巡撫鳳陽諸郡公念淮陽被兵後歲婁不登方約東諸守令將吏務與民休息會

景王就國中貴人責供張甚具所過繹騷公患之因

甌甌洞葉

卷之三十七

五

以大義動中貴人得不擾而去尋聞汪安人訃奔喪還方日夜號泣自恨待罪行間不得侍母一藥也會中御史彈章奉旨問住已公雖服除不復涉世事日治具爲員外公壽事兩繼母並得其歡餘日與里中長老陳說耕稼及引一二後進生與之談藝賦詩訢訢然樂也隆慶改元用詔恩復公官致仕而襄敏之子斌適爲御史按楚薦公用世才不宜久處巖穴當事者亦欲擇重鎮畀之顧卒格于忌者之口弗果用公歎曰吾豈以用舍爲輕重獨媿負襄敏公父子耳乃東還敏軍中所與諸手札百餘首名之曰感

鍾鍾御史而不言謝其移員外公臥疾公每廢寢食叩顙額天賴以身代及喪而骨立矣公又好行陰德無論字孤粟乏卽所飭廢寺壞橋與諸無歸之棺槨幾徧其境若不責子錢至折券而焚之亦不下二千餘金千施及門公無一語不爲閭里人地然卒不令之知間謂楚材用世非吾時矣往欲續百將傳註武經敘沿海諸邊圖一無所就然非所甚恨也獨憶西曹時同二三子圖不朽之業已委而去之兵革間十餘年彼且謂我燕領而孰知其美疾乎豈區區汗馬之勞足名世乎以故公晚年益好學不倦而爲文

甌甌洞藁

卷之三十七

六

若詩日益宏麗追作者所著秋蚤燕臺戰餘漫藁太白原藁若干卷楚材爲哀而傳之矣公故在軍中嘗夢建業蔣王從空授以丈八矛盤舞如飛至病復夢蔣王以天樂迎之明日遂逝蓋萬曆戊寅五月廿一日也距其生正德丁丑正月三日享年六十有二公娶張氏初封安人後以子衛將軍受覃恩進封恭人張恭人少以孝謹佐公於微而成儒業及其顯也一切家政賴焉公遂得宣力疆圉無內顧憂生子三長卽日乎積功爲武昌衛指揮娶戴氏封恭人次日蓋日躋俱殤女五長適千戶陳邦木次適太學生汪

朝海次適邑諸生龔衍材孫男三炳衛邑諸生娶恩生汪庭女餘俱幼墓在史家渡之陽國倫曰予故與公厚善然於公不敢有媿辭蓋公治兵淮陽時予適謫歸德理最近公聞公功成而萬姓戴之至爲六生祠祠公而謳頌之聲至今盈耳暨予稍遷督學使過石阡銅仁聞去公已十五六年父老猶有遮道流涕而起居劉使君者此何以感也昔人稱所至見德所去見思公蓋其人哉乃功高見讒才大弗究於用則非所知矣人言公之開府也以遇李其以開府罷也以遇唐謂唐當負高世之望一屈於分宜而見用有

甌甌洞藁

卷之三十七

七

道者疑之故李薦公則見以爲不蔽賢唐薦公則見以爲樹黨乃分宜罷相後未有能爲公解者而後生信耳蓋不知公爲何如人矣嗚呼公之不復用其天乎又奈何僅以中壽卒乎予故次第其行而表之墓道曰此嘉靖中功臣都御史劉公之藏也

明資德大夫正治上卿太子少保禮部尚書贈

太子太保謚榮簡公墓表

代作

榮簡公之薨也計開

上愍之贈官謚 敕有司爲治喪祭蓋以榮名終

矣其門人少宗伯閔歸望氏狀述公履行屬予表其

墓按狀公諱端明字希道湖州海陽人其先汝南人
盛吉仕漢爲廷尉廷尉之裔散處廣陵樊鄧間桓帝
時憲起廣陵爲吳郡太守其子爲魏征東司馬後憲
爲孫權所害子孫徙鍾離避焉歷晉宋皆居鍾離唐
總管彥師封公食邑千葛而宋有彥度者仕至叅知
政事元至正中鵬任內臺以直言貶海陽令蓋公七
世祖也鵬與其長子並卒海陽季子珉遂占海陽籍
海陽自此有盛氏矣珉生洪爲五經院長洪生孚明
初辟署海陽教事孚生夔永樂中以鄉舉授餘杭簿
夔生鳳儀仕爲仁化訓導遷安谿教諭其鄉稱梧莊

甌甌洞藁

卷之三十七

八

傳

先生者是也初先生在仁化嘗感異夢旦掘地得石
有文曰宋端明殿學士墓先生瞿然令人掩之是日
伍宜人生公遂以端明命公名公生而靈異五歲能
言前身事甫訖卽善屬辭弱冠從諸聞人受經術多
所博識外家語弘治戊午舉省試第一壬戌舉進士
授翰林庶吉士亡何奔梧莊先生喪歸比服除會進
孝廟實錄逆閹劉瑾陰嫉諸史臣而公亦橫被譴斥
公得報欣然里居侍太宜人養後瑾伏法公起家爲
翰林檢討乃上書李文正公論相道侃侃數千言文
正心憚之因外補公按察僉事督學浙江尋乞終養

一
召拜春坊庶子兼翰林侍讀克經筵講官是年進
倫大典推恩贈梧莊先生如公官母伍氏贈太宜人
已丑公復坐飛語調南符卿踰年陞右通政尋轉太
常卿累御史大夫居南都蓋五年致其事以歸公里
居善病好與方士談彭聃家言久之人皆稱公得長
生久視術事頗聞

上上使使馳金帛徵公拜禮部侍郎時時咨訪攝生
大藥不令及于政也公乃進攝生集要

上嘉納之屢賜圖書金緋有疾輒遣中使問遺乙巳

甌甌洞藁

卷之三十七

九

傳

移疾歸居一年

上思之卽其家拜大司空至則詔改大宗伯數進
海上方藥褒諭賞賚日益隆矣丁未引疾弗許後又
進萬年金鑒錄永壽真詮諸書惓惓托儒術以明醫
故益當

上意已又加太子少保自是雖病不敢乞骸骨每疏
論他事寓言臣老且憊不能事陛下第恩深未敢
言去耳

上憐之許致仕時年八十矢歸臥數月病不治語其

子曰吾受

上殊特恩死無以報旦夕易簀爾其請闕下獻上所
賜圖書毋忘哉語訖遂薨時庚戌七月望日也公爲
人冲夷可親居家悖孝友其薦拔善類恐弗及又憐
慨爲人解紛難自筮仕逮其薨五十年家居者三十
年常冠玉華巾蕭然臥一室不出自稱玉華子至老
好學行坐披一卷不置尤喜著書有玉華子諸書傳
于世其配贈恭人許文學炯之女也有閩德佐公起
家先公三十年卒一子瀚爲廣西融縣令孫男三人
若樹觀察副使若林舉人若果郡諸生曾孫三人胤
良胤庚胤可竝幼公以某年月日葬某山之原歐陽
觀鵬洞藁

卷之三十七

十

子曰余猶及復公再召時與余同被命入史館迨
今蓋三十餘年見公在朝則翛然有霞外之想數乞
休休矣又數遣人入朝上萬壽聞君卽不俟駕行戀
戀主恩斃而後已其於進退之際豈能自解於衆
人哉乃余則知公耳

遺墓表

楊公名廉字彥清故關西夫子裔不知何代徙家廣
陵之泰州泰州族系亦無考洪武之季君用明經舉
進家爲名御史歷承恩遷陝西按察司僉事尋調廣

西擢貴州布政使司右叅議在貴六年所雅能操清
白撫綏民吏語在名宦志宣德初

皇帝賜璽書褒之比卒其妻王恭人孑然依一垂簾
視諸孤襁褓中度無資越萬里歸遂卜葬公于城東
三柯林因家焉至今鄉士人猶能誦公遺德祠祀之
不泯其後季子祥以國子生授行唐令祥子敞以鄉
舉授洋縣令敞子敬爲百丈驛丞敬子舉爲中軍督
府知印蓋自是楊氏日微矣公故有四子或嗣或絕
嗣者或他徙不知其處獨祥之子孫僅僅守丘墓其
自王恭人行唐令以下物故而祔三柯林葬者凡三

觀鵬洞藁

卷之三十七

十一

十七家知印蚤客死家不置雖妻亦去惟遺孤文彬
文燦少育於假父家爲舍人何祈所給私以子錢行
券因收其冢間隙地已遂竊葬至行唐令所幾暴其
骸骨是時二孤已稍長爲人傭以自飲食偶過故林
而息焉始悟舍人故給之且暴之也號泣而訟于予
予以移貴陽太守太守廉得其實召舍人當之法立
徙諸非楊氏骸而還所竊葬地乃論報請鑿石紀其
事予覽楊氏所藏一璽書與三柯林諸藁之圖愴焉
嗟曰不仁哉舍人乎夫楊公以藩大夫當臨若先世
父老非不尊

天子褒勞其績士人見德而祠之非不賢子孫二世相繼宰百里非不有後逮五世之澤微始有不免爲人傭者舍人遂萌豕心使其四世之親幾不掩於質土不仁哉昔孫叔敖歿數年其子貧困乞封於楚得寢丘以寢丘瘠不爲人所利朱仲卿病且死屬其子曰相與民愛我其葬我桐鄉往予嘗過寢丘見楚相祠如新是瘠之效也及過桐鄉又見大司農高冢數百步外無芻牧則愛之徵也今三柯林瘠於寢丘而楊公有知未必不桐鄉望其民彼千百世亡恙此數世忍之何人情相縣乃爾卽舍人奚利暴人之親而

醜醜洞藁

卷之三十七

十三

自暴其親徒取不仁名亦愚矣予懼夫後之愚而爲舍人者不少也故特如太守議表其墓以戒之且戒楊氏之後毋復爲人所給云

明逸士行義吳先生墓表

舉世貴通顯而先生獨以逸士見名其鄉鄉長老自太宰御史中丞以下莫不高其義侈贊之庶幾占所稱隱居窮約聲馳千里者乎而有所不則見布而疑廢見罰而駭聽者也蓋先生下世二十餘年而其子楚材始以狀來乞予表墓道予因采其著者表之曰先生姓吳名仕字行義楚崇陽邑人世居塘田洪武

有祖子明自塘田徙高坪子明生伯政凡四傳而及允暹世隱於農多樸直長者行允暹娶於龔以弘治癸亥二月十九日生先生先生自少穎拔稍長就經師受儒家言多所通解其祖父竊喜而撫其首曰兒安得以一經釋吾家耒耜業耶年十四執龔母喪如禮已事其繼母汪如龔而自奮於學益勇十七補邑學諸生旋以父命從其鄉殷先生遊殷故博雅士然每奇先生才不敢當北面其後督學大夫如崔許諸名公行縣校士往往擢先生異等而亟稱之乃七舉有司不第先生喟然歎曰豈吾而能經生老哉

醜醜洞藁

卷之三十七

十三

可以止矣因退而自名其居曰止亭人亦稱之曰止亭先生云自先生退處十九年不入城府杜門溫釋故所誦左國秦漢諸書時時與二三庶弟課耕灌園出入相怡悅以其暇召所嘗與遊觴奕林壑不復問餅粟多寡至於通顯故交歲時微逐饋遺及邑長吏博士辟舉蜡賓一切謝不報但促乎有抱甕擊坏之風焉屬楚材長而嗜學修古文辭輒大喜是兒當世吾業吾無憾矣又先生故習星家學自知齒不踰者常恐不及見其子成名而督誨之會嘉靖辛酉人曰先生起彈冠振衣謁謝諸宗老宗老不知其訣也明

日方與客奕至夜忽忽不樂亟召弟與子前而與語
皆傳家正論旋索筆書正命二字遺之遂卒年才五
十有九嗟乎先生其明於死生之際乎明年冬葬先
生章園負坎抱離而虛左以待其配妻右以待其庶
黃用先生遺命也子一人卽楚材黃出孫四人曰微
徽徽微曾孫四人曰其昌其晟其昇其晃予觀崇臺
老所爲先生誌傳雅惜其聲不墜實以爲天壽之報
意軼軼甚也乃予有聞尚子平讀易至損而悟富貴
不如貧賤第未知死何如生今先生得易之良而知
止且明於死生則富貴不入其心可知已豈復有缺

龔龔洞藁

卷之三十七

十四

望於聲實乎卽先生下世而子楚材業已起賢科負
用世具而諸孫循循逢衣徒矣語云一年樹穀十年
樹木百年樹德先生殆樹德百年者而又享有逸士
名天之報先生遠哉

敕贈文林郎鍾祥縣知縣敬甫張先生墓表

先生故布衣儒下世十年以其子叔見奏鍾祥續奉
天子璽書追贈文林郎云今叔見擢守興國且三年
始爲狀謁予表先生之墓蓋欲彰

主上恩以不朽其世德意良遠也按先生姓張名慎
字敬甫蜀之涪陵人其先南昌人南昌祖壽輔仕江

津會明玉珍爲亂棄官歸道出沿江聞吳楚方連兵
不敢下峽因卜五龍鎮家焉壽輔生漢霖善積居懷
慨有遠略嘗捐五千金餉兵平大寇事聞

高皇帝嘉之徵爲郎弗就 詔以忠義旌其門張遂
爲涪著姓矣其後三傳至廷璽好義樂施里人稱長
者尋以其從子闡費官錢不惜破千金產救之家稍
稍中落廷璽生汝中是爲先生父娶于馮生二子而
先生其仲先生生之前一日廷璽公夢天墜一磬其
室而鄉人亦夢有神人自空中抱兒下云送張再大
宅蓋再大廷璽公行也已宗鄭見先生生而岐嶷不

龔龔洞藁

卷之三十七

十五

羣率舉手相賀會父祖相繼棄先生襁褓中而獨馮
母笄笄拮据畢三喪事生計由是日薄人或謂張氏
其微乎乃先生則已崖然負丈夫氣內奉孀母外從
其兄治生轉貨累貲每有天幸未十年具三四中人
產無何舉父祖已鬻田宅不靳增直盡復之蓋無不
爲幹蠱克家子矣族有貧而鬻子與幼孤而不能自
給者先生竝收而予之已爲娶婦厚遺之曰族子吾
子也至遇執友內外親曲敦情好無論過從杯酒終
日相歡語卽緩急旬貸無不立應而卒亦不問其償
每督誨叔見輒垂泣長歎曰而父少嬰家難不及卒

為儒今無階一振先緒以光揚母節念至心忤忤
痛也子其勉圖之予即溝壑無恨後叔見儒業成與
下鄉高等先生又命之曰兒倖一第皆先世遺也慎
母秦越宗鄭人以傷祖德即異時祿仕其益廣吾意
厚恤之嗟乎先生之肫肫於倫理也蓋天性矣年五
十四卒墓在火峯鋪祀夏氏封孺人二子長即叔見
名仕可次立可郡庠生予觀張氏之中微而復振也
則以有先生而先生之以布衣稱郎也其先世種德
之報乎不則兩異夢何徵也乃叔見為郡率用先生
義方忠上卹下以廉平為列郡稱首而猶歲時割常
甌甌洞藁 卷之三十七 十六

祿分遺諸宗鄭人不啻事先生如生矣先生之澤未
已張氏其滋大乎

明誥贈恭人亡妻陳氏墓表

陳恭人為州處士廷章公女母許氏嘉靖乙酉秋九
日生恭人是為河南參政吳國倫妻也國倫家楚興
國州父中憲大夫宗魯公母李太恭人生子四而國
倫其季蓋在孩提時稍露穎慧其伯兄輔可君心異
之每謂吾家千里駒無可與方駕者它日過陳處士
見其女又大異之曰茲吾李德耀也間言於太恭人
太恭人意在比鄰子非許曰處士故賢家肯委其女

為貧家婦耶伯兄因力請於中憲公約婚處士而處
士母楊果有難色曰市井兒多不治生產云已處士
走羣兒中瞰予識之疾馳歸謂其母曰此非常兒其
父兄又皆賢長者急勿失乃許婚時恭人甫五歲辛
丑適予則十有七歲矣恭人為婦端靜寡言笑奇朗
若才男子與諸妯娌不易歡獨能歡太恭人太恭人
亦自謂得婦其從予若影響焉而媒黷不生已盡解
其裝送為予購典籍資身自貧賤視人有急輒不吝
分簪珥恤之即布裳提甕睨它子婦日侈珍麗飾逸
樂終歲澹然與居不自失也久之諸宗鄭內賓無不
甌甌洞藁 卷之三十七 十七

賢恭人而以為婦師居三年太恭人與中憲公相繼
下世歲且大饑數口嗷嗷獨恭人無愠色蚤夜拮据
相予終二喪禮每自厭麤糲而獨調甘腴以食予予
弗知也初予性好動與吾黨士遊即佚遊從之恭人
正色相規曰嘗聞不知其人視其友以君之才當不
久下人獨奈何不自愛而友非其人乎又數見予與
客擲博蒲戲或竟日廢業也每以為患因竊其具
焚之予乃大悟謝絕諸狎遊日與二三同志下帷治
經術恭人益畢力中饋贊之乃得卒業不復問家事
矣初恭人未學而識書記蓋得之處士公口授者予

亦授以內訓烈女傳言一二過卽了了悟大義每讀
古烈女至截髮割鼻以明其心彼豈知有往訓效之
無亦其天性然由此觀之問學丈夫事婦人之行多
師心耳信有如其言也已酉予舉于鄉庚戌舉進士
遷恭人如京師且至會北虜入寇畿輔戒嚴止中山
者五日食不下咽遂病慮不及須臾一覲見也寇退
始至相顧悲喜殆不勝情後恭人居邸舍數月不厭
風土日南望而嗟焉且見衣食稍異貧賤時輒相嚮
泣下念不及與二尊人共又鬱鬱爲無嗣慮蓋益有
心病矣予知其意欲南也疏請得文學官于南不報
甌甌洞藁 卷之三十七 十八

稱猶未貴也後予歷給事中
中外謫稍遷邵武太守以
奏績奉

天子璽書追贈恭人時嘉靖丙寅而繼恭人者舒
恭人業已有三子後長子工良季子士良並業儒爲
郡諸生能奉恭人祀而仲子牧良則中場矣頃予自
河南罷歸始爲恭人易墓道而表之曰嗟乎傷哉恭
人吾益友也而又有士行不忝爲吾家婦師今就世
已三十餘年而予且老無一歲不見夢夢輒攀攀焉
有戚容也予何以忘恭人哉乃其故所與居嬾奴及
所嘗使婢妾至今一語及恭人無不哽咽涕出此何

甌甌洞藁 卷之三十七 十九

甌甌洞葉卷之三十八

武昌吳國倫著

齊安王同輔校
新安方尚贊校

序十三首

送楊公子任赴河南憲長序

公參政江藩數月有河南觀察之命三省諸大夫將出餞公而贈公言乃大方伯傅公使使五老巖間屬國倫以執筆之役國倫謹受幣再拜使者告之曰予賤臣也又諸生時嘗一日望公顏色即不能舉爵從餞者而猶得執筆代諸大夫言榮矣敢不拜命夫我國家分置方岳而建之官其制監于三代損益

甌甌洞葉

卷之三十八

一

東西京獨按察使視唐天寶中觀察使廼其職則掌察所部文武吏功能殿最舉大綱以考于

天子備黜陟逮巨獄論報得持衡剖疑而輕重生殺之諸縣道官所不敢決者決之中丞臺治獄御史所不能廉者廉之彰善而瘴惡明刑以弼教樹槐叢棘之下稟乎任未易舉也豈其以貴倨而威吏愚黔首哉間者河南巨寇起草澤兵連汴宋頓毫之墟委財於薪塗肝腦原野賴

天子威靈吏士戮力元兇俘矣然暴者未掩瘡者未瘳士庶饑困寄命漏刻無何地裂自關以西來三川

之地爲壑而其民從魚鱉遊者不下數十百萬蓋藏籍所希覩不待仁人寒心也至今亡命之徒負隅觀變實有遠心微以法捕之輒激而爲亂諸守臣豈一日忘不測之虞哉猶却慮焉譬之理亂絲者不治則終不可解急治之則愈亂也茲非有德禮長者以厭其心顧復能以柱後惠文彈治之如昔時力易哉今天子之命公徃也誠以公能厭其心也公故爲比部郎明習法理多所平反其以副憲入楚也責大指不喜苛繁蓋楚人無智愚稱公德禮長者是行也聲固先及之黃河南北受賊吏當亟解印綬去而赭衣黑

甌甌洞葉

卷之三十八

二

豫

豫無辜載于道者莫不引頸望公旦夕至更生之矣予猶及聞朝士大夫語昔在
虞皇帝手書小直臣楊昇者非公之先給事乎
虞皇帝方倚毗給事而大用之會奔喪歸吳門遂不起今殆厚發于公也公又孝謹承之蓋可謂令聞長世矣往公以參政乞歸終太夫人養八年復召起守故秩海內士則加額公台輔器蓋孝者所以事君有所不爲而後可以有爲也豈獨辨治河洛已哉夫士乘時取功名朱丹其轂而入望塵焉沾沾自喜矣而能世世稱忠臣孝子如公者幾希諸大夫曰吳子稱

人之美而及其世且不浮譽人是可爲公贈矣

送南康太守劉君志仁入觀序

往劉君爲御史直言敢諫有頃

天子詔廷臣議太廟禮使人基子甲議

宣皇帝廟當祧以逢

上意君抗疏力爭之無慮數千言批逆鱗也是時廷

臣人人危君謂必幸賴

天子仁聖

宣皇帝之靈得不遷而廟禮既定使人放焉一日

而直聲動天下至今言者髮上指冠嗟乎君社稷臣

旣翫洞葉

卷之三十八

三

三

哉然亦坐是不得安其位於朝旋出爲雲間守守雲
間三年不調會奔其先大夫喪里中又四五年召
起知南康命且下朝公卿大夫私相謂以劉君束
於治郡不啻如積薪而調又得南康南康豈所以居
君君聞之曰過矣吾逢衣徒也得乘軒爲親民長吏
者十年竊以爲榮康雖小且瘠豈有裔民哉吾第懼
不勝任而奚以擇國爲比至南康適予爲理從二三
大夫郊迎之入就邸舍因謁君曰曩予在諫垣讀君
所上三疏竦然興骨鯁之思亡何被罪出而未有以
補過計不及爲君執鞭也君亦何自而滯淫江湖哉

蓋得日遊於君卽一折皆坦途而三黜明直道矣君

亦慷慨起握予手曰不佞倦遊甚矣廼爲太夫人養

復出得康又得良友如子竊有天幸焉匡廬在戶彭

蠡鏡天國小則政簡而易庀壤瘠則其民勤耆而易

使如不保其無知而吾聽訟猶人也又何難焉乃吾

與子俱垂翼去國夷猶寂寞之濱則千古一事計如

是藏其身足矣而子又奚戚戚爲居數月政緩禁止

吏無奸私獄無怨讎百姓大悅間招予坐署中望五

老諸峯挹瀑布泉衡繫賦詩各極神賞至持論天下

事一觸感慨輒扼腕流涕愀然意悲不已未幾君忽

旣翫洞葉

卷之三十八

四

三

有寒疾且病郡父老子第皇皇籲天曰天不憖吾考

妣哉而吾屬其遂溝壑乎乃求社中百神禱之使君

庶幾其有瘳乎是夕予手進君七藥未及下咽君忽

忽自謂吾生矣此非君之有大造於人神而有此異

哉君旣愈猶臥閣不出者一月且上記謝病歸屬諸

上官不以爲可始出視事會大中丞按部御史相繼

以其治行聞

上二三大夫從旁相顧曰方劉君爲名御史海內士

想望風裁巍如泰山不可動沛如江河不可禦今觀

其布德施惠弔死問疾惟恐不近民而民親之若家

人父子如此乃知立朝貴方正而治郡首循良也是歲天下計吏劉君且戒期入朝或曰朝覲之禮修上下之交也退則於公卿大夫有私覲焉東錦總乘不備不足以覲而時又貨幣甚盛彼取卿相如左券者非無因而至也劉君獨奈何以垂橐往劉君曰述吾職也以禦人之貨而陳廷實以自媒其何職之述吾竊恥之且吾誠欲希世取卿相則奚爲而至於斯也而猶至於斯者吾固有所不爲也藉令以無享覲故而使吾猶反于康豈所不快乎而吾寧鄙而效之乎嗟乎茲凜凜獨行君子矣予於其行爲歌永黍送之

甌甌洞藁

卷之三十八

五

陳朝

送潯陽太守張君約之考績入覲序

予家去潯陽不盈三百里少頗諳其土風民俗比張君約之爲潯陽守適予謫理南康與之境壤相聞又其郡博士弟子多踰匡廬而從予遊者予是以得習于張君而聞潯陽政夫潯陽據有江湖之險而當吳楚閩粵衝蓋東南一扼塞也故其地數被兵燹而民鮮世業暨我

高皇帝初定天下時彭蠡之役將吏多死戰者帝恤之甚優因詔置江州屯產使其子孫戍且種焉重保障也至今持戟之士籍沃壤而責賦稍輕農人

乘耒耜迺得瘠土而耕之所出緡錢力役不啻過數倍卽天下晏然無事八口之家計不及卒歲一遇江寇竊發則騎尉罷卒鼠伏鳥獸散未聞有能持一挺以格之者而瘡痍之衆反以捕詰增擾無息踵時此失

高皇帝保障意遠甚矣邇者島夷入寇吳越江淮部使冠蓋屬於路調發楚蜀閩廣諸路兵禦之率以潯陽爲孔道亡論供億漿食不易劑量卽蠻兵悍逸無制所過騷騷無遠邇皆扶老攜幼避之不復能安其生業君來適當其難蓋四年于茲而無一日不戚然

甌甌洞藁

卷之三十八

六

陳朝

憂也嗟乎微君有憂也而民奚以樂生哉君故敦龐樸茂文明內蓄而所施措率多渾厚樂易之政因俗拊循有如烹鮮初不爲精悍刻覈邀近名也至處諸路調發兵不動聲色而士無缺望貨無闕出居者安堵亡者復其田廬百姓載道而歌而君口未言勞久之諸監司稱君江州長城大中丞薦其治行純美而君曾未有德色嗟乎君豈非長者耶君又嘗扼腕語予曰古有不下堂而邑治臥閣而郡理者吾竊慕焉乃潯陽非其地尤非其時吾雖欲與民休息不可得又豈復得與子賤長孺較治行哉過此以往益有所

不知矣茲予所以知君有憂心也今君以考績當如京師會亦三年入觀期則是行也豈獨自獻其最得有代遷即潯陽諸所可愛而非長吏所得自爲者亦當乞清閒之宴入告

聖天子而急綏靖之矣君豈有意乎

與國孔氏譜序
今海內孔姓而譜闕里裔者什九廼其所傳率屬也予竊病之夫綏掖之士一日志於道即循循孔子徒奈何冒非其自而承冠俎豆祀所不知爲誰豈其以神明之胄足藉爲世重則所謂野合而生者又奚藉

旣輒洞葉

卷之三十八

七

三言

而重也無謂哉里人孔伸續其先文學所爲譜成而請於予予按文學譜詳闕里紀孔子後大宗法也伸譜詳與國紀文學後小宗法也初文學教授與國路以中原縫綖起不能復東遂家焉其子克仁仕

高皇帝朝數被寵遇嘗與史臣宋濂應召進講左氏春秋後累官至浙東按察使卒于官弟克寬疏以其櫬歸葬與國詔許之與國孔氏自闕里亡疑矣又克仁嘗系譜而濂序之稱五十五代孫克仁夫史臣豈欺我哉

高皇帝賜克仁制詔凡十三函閱今二百餘年散逸

晦蝕幾盡伸不惜破中人產購收之以示子孫世守即得遺書魯壁中而拜孔子車服禮器未必珍於此矣伸乎知重哉予旣幸其譜之有徵而嘉伸之篤念其先也廼作而歎曰明於譜之說禮樂其可興乎孔子嘗曰禾生垂穗向根不忘本也夫古人安土重遷懼支渙而宗法無考其流則服親爲塗人而不遷之祖與秦越等耳若文學則執有不能不遷者遷而譜焉將以明本而不遺所自渙亦萃也然則譜也者其仁人孝子之用心而禮樂所由興乎且文學去孔子才五十四世乃孔子之道傳千萬世而素功不泯自

旣輒洞葉

卷之三十八

八

三言

天子王侯學士大夫言六藝者皆宗之況其子若孫乎昔司馬遷傳列諸子而於孔子獨作世家豈不謂孔子大聖人非諸子列乎以此思祖祖如在矣予才不逮二史氏乃願學孔子其志則同故得以此而廣伸志伸其以告諸宗人無忝爲闕里裔哉

贈張郡丞序

夫丞之佐郡也有三難而善事上官不與焉蓋郡牧稱親民長吏儼然以其尊總一郡而承鴈行之名雖同寅分實相制其功易掩而其究多不相能故碌碌因人則見以爲氣沮而才鮮所效百姓且不徼其福

而長吏者視丞贊也此一難也至欲稍自表見則見以爲氣揚而嫌於出位與長吏相軋而長吏者又視丞敵也此二難也故事諸道上官行部御史察丞之廉污賢不肖惟長吏所署甌入而低昂之豈誠親見其行事而較然涇渭黑白哉卽有微卻鮮不爲所中故功不及居而過已浮實此難之又難者也今海內豈乏良丞哉冒此三難而欲佐郡有成績而上下交與之於茲時蓋不多覩矣迺吾君之無難於此三者則又余所不異何以故張君安成佳公子也自幼學已多大人長者之遊而其尊人嘗守瓊海稱清白

甌甌洞藁

卷之三十八

九

吏則張君之脩於內行而習於吏事也其天性矣今所遇長吏又豈第君子如林侯余蓋聞林侯爲郡廉靜不擾張君佐之較若畫一茲可謂同志而協恭矣林侯曰以吾得張君而使之名譽不彰是長吏之過也薦之諸道上官曰張丞良吏也諸道上官薦之行部御史曰張丞良吏也御史曰丞誠良哉迺檄有司束金帛獎之辭旨甚腴一日而張君名起矣且御史林君弟也林君不私其友期於同升御史不私其兄期於共濟嗟乎張君之無難於佐郡有由然哉吳子曰余初觴張君彭蠡之濱業已知其有吏才能據

慨任郡事已又從桐江與羅太史遇焉太史於其鄉人亡所問輒問張君又爲余談張君賢且及其家世孝友余是以樂道之

贈建州太守楊子薦序

楊君蓋楚人云學于燕南弱冠起家成進士推擇爲留都司馬曹郎其在留都亡論守秩修故事與諸曹郎翹然異也大者萬卒窮叛至甘心少司徒氏三山震撼卿相以下莫不衆息自廢計亡出獨楊君慷慨躍馬提白羽扇招之曰吾活汝汝其左袒卽萬卒人響應無不左袒楊君者當是時撫劍無所用威緩頗無所用辯楊君一躍馬而大難遂解談者至於今髮上指冠豈非神氣足以彈壓之耶已

甌甌洞藁

卷之三十八

十

朝廷錄定難功勳君建州守守建州蓋三年年才三十比予入佐建州儼然視楊君長吏也乃楊君則不自謂長吏而折節予予退而竊歎曰海內薦紳先生聞楊君定留都之難以爲其人必長老多所歷世故盤錯爲能不動聲色而使反側子自安豈知楊君今猶白面玄髮逡巡曳金紫若章縫耶已予從旁觀楊君所爲治郡事又率用長厚之道法不貶而民親令不苛而事核屬八閩苦兵建州居其上游羽檄交

馳使車轡軫而至所徵諸路將士日不下數萬道建
州而東也楊君顧數從杯酒談笑間授有司者以等
其供億曰計如是如是足矣又亡命之徒嘯聚山澤
爲變鄉邑諸父老扶攜趨楊君請兵戢之楊君則又
從杯酒談笑間喻諸父老曰第歸無慮吾已爲若滅
此屬矣已將士德色市人莫知有兵亡命之徒就禽
而父老按堵如故茲信乎古昔所稱折衝樽俎者哉
予旣心知楊君學不假年而足氣不加助而完才無
所資於閱歷而用之不竭乃獨不能究其微也稍復
私叩之曰大夫倉卒定難於彼從容解紛於此有道
旣甌洞藁 卷之三十八 十一

送周仲舍兵憲赴漳泉海道序

公初爲客官郎以營 宮功當敘爲內卿已屬所善
耿御史直言忤權貴人權貴人銜之因移目所善諸
郎吏曰此輩實爲之公遂出爲延平守未幾
上竟用御史言法權貴人免官去客有賀公者曰

貴人去公等自此升矣公曰休矣容直遠軒 主上
之德直言敢諫御史之事不佞何至攘人之美以邀
主恩即使覲顏內卿貴矣安見有加于良二千石乎
於是人益歸公長者不可以富貴賞也其治延則明
師帥之體修保障之令興禮尚讓存問耆老吏民有
善輒避堂以舍之卽古文蜀郡劉弘農孟雲中其風
曾不是過間者島夷寇閩諸縣道烽燧相望又山澤
亡命乘墉而聚沙尤間危延如壘卵矣公毅然擯纓
矢諸衆曰夫延七閩襟喉也延危則七閩之道阻而
徵兵餽餉其進無繇以吾居延而使七閩坐困安在

旣甌洞藁 卷之三十八 十一

其爲良二千石乎吾蓋有以籌此矣故寇至公輕裘
緩帶以臨之使民不懼寇退公又臥薪嘗膽以備之
使民不懈夫不懼則待敵有餘勇不懈則思患有餘
智以故夷止異境乘墉之衆旋就俘馘公誠得勝筭
焉詩云文武吉甫萬邦爲憲漢制太守兼領戎事稱
郡將今之閩守吏皆有郡將之責至稱文武才宜莫
如公會中丞譚公御史李公竝薦公于朝謂宜提兵
漳泉制夷于海不使得內侵報可延父老扶攜遮道
固爭於中丞御史曰奈何奪我師帥使不得效河內
人借寇君一年耶兩公諭之曰使君此行爲父老耳

夫閭大勢臂一巨室而家督者所使擇門戶得人則舉室無警今海上夷所從入門戶也延堂與也使君居延延安移之海上則夷無所從入而七閩舉安且父老獨不聞楚以子玉輕重魏以無忌折衝乎奈何徂堂與之粗安而忘門戶遠計爲也父老唯唯從諸大夫送公于郊而拜之曰公行哉克壯其猷海孽望風且盡豈惟不負兩臺使所舉卽

主上十年南顧之憂一日解焉父老不卽填溝壑猶能延頸太平矣公遂慷慨策馬以行

爲王祭酒壽其母曾太夫人七十序

甌甌洞藁

卷之三十八

十三

陳朝

往在京師友人王元美嘗爲予稱述其師大司成王公博物號武庫爲文踔絕名世通達國體真宰相才獨持論隋直好面折人又好汲引後進生之負俗有奇節者予私心敬慕之然知公之不必相矣非久有容城生坐上書言故相不法下吏治公奮臂詣政府而請曰昔任座有言君仁則臣直狂生言誠無當其何傷於日月乎爲明公計宜亟疏救狂生卽主上體貌大臣既足以豫遠不敬而明公生一士以結天下心且布昭

主上仁聖此王佐事也故相陽許諾而實爲佞人所

逢曰惜堅子爲乃公書此奈養虎自遺患何遂寢不救公亦以此見疏遷司成于南大學蓋遠之也公旣鞅鞅而南不復以其事語人惟元美與予實知之時時仰屋竊歎曰藉令公之言濟則徐福爲漢首功而霍氏保有世祿與漢祚俱長顧天意豈可測哉其後故相竟以不法免而子孫並戍裔土有司者藉其家以實邊天下士皆彈冠相慶曰司成公今入相矣久之不相會佞人不欲遂成公名反其辭以中公公因而得謗去位公笑曰吾志也太夫人春秋高矣非不肖在側食不甘一日之養重於三公安知非佞人賜

甌甌洞藁

卷之三十八

十四

陳朝

耶於是歸里中日率五弟諸男子稱觴爲太夫人壽太夫人媿媿然安也公亦訐訐然樂也其里人鄧汝極曰王氏慈孝可以風矣嗟乎初天下士以公不及入相爲恨由今觀之相誠尊何以加公哉汝極又爲予言太夫人身膺王氏五世之統恭竭於上而澤延於下蓋王氏之姜嫄云大者身先勤約以篤家祚自徵仕公與司成公先後貴盛太夫人歲時一布素非垢澣不易由賓客兒女子以逮臧獲厮養所須魚菽裘襦又鮮不自太夫人手出者鄰媼或謂太夫人何乃自苦乎太夫人曰若豈知王家母不易任吾夫爲

百里長實不持一錢歸兒爲海內儒者師又不欲聞
產業穢其素風微 勤約佐之豈能視食指坐匱而
賓祭不供卽有字 粟乏之義安所資給行之至損
王家世德誰咎也又何以爲諸婦鑒乎昔正考父饁
粥餬口孟釐子知其後必達關西夫子蔬食步行自
謂遺其後爲清白吏子孫此王家父子事也吳晉陵
妻負薪被絮公甫文伯母不貴家珍太夫人實有之
予聞汝極言如是蓋凜然避席起敬矣載籍所傳女
宗婦師懿節淑範豈盡出太夫人上而不必以司
成公爲子猶曰蠅附驥日千里則王氏慈孝世家何
旣醜洞藁 卷之三十八 十五

賀外舅陳公七十序

公蓋予妻陳恭人父云初恭人生而有異質公甚憐
愛之偃蹇富人子弗許先大夫將使國倫委禽焉人
或言於公市井兒不視生產何至以所憐愛委之公
固謂吳氏世儒素此其父好行陰德後當有達者已
從羣兒中瞰予得之曰兒雖遊於帛幃竹馬間儼然
有丈夫之度豈窮巷席門所能久乎於是厚其資送

而以恭人歸恭人之歸也旣不以貧賤故事予不
且能推布操作庀家政佐予卒業得無內顧憂今予
之從大夫之後也則恭人實相之公實俾之也傳稱
樂羊子妻能成其夫張負郅鑒能得婿予竝邁焉奇
矣蓋自予爲公家壻見公壯年持高節里中倣儻任
俠不受睚眦於人然獨雅好賓客卽所居不過中人
產日推牛市酒羞庖膾炙與四方士交驩跳跄紛拏
濡首散髮累日夜不厭客有爲所苦者戒不敢過其
門曰此醉鄉也公又竊使人要之曰安有望醉鄉而
得獨醒往耶乃復足席引滿以屬客曰若不聞古有

旣醜洞藁

卷之三十八

十六

頌酒德者乎兀然而醉恍然而醒靜聽不聞雷霆熱
視不見泰山其能須臾萬期扁鵲日月非無謂也曹
生亦言食若填巨壑飲若灌漏卮大丈夫之樂事吾
與若大之不能操權術以折公卿取貴介次亦不能
結束陳禮法以下鄉里小兒又復安能齷齪爲守錢
計而使一日不遊於醉鄉何豪哉以故士無遠近莫
不憚公使酒而亦知公非酒人也其猶有所託乎公
又重然諾與人以物若棄爲人排患解紛亂不欲執
執移德於人嘗有大盜夜寇其隣富人隣富人之子
來告急公方與客呼博醉也乃抵博於地曰以吾

邑屋至不見憚於羣醜藉令得志去則里閭之人無復帖席時安用此七尺軀爲於是更呼酒飲盡一斗奮戟躍馬率其子弟往救之盜聞公叱咤聲稍稍引去公復追殺數人縛數人以俘于郡郡侯頗壯公節俠議以金帛勞之公掩耳而辭曰吾豈以七尺軀博金帛耶此商賈之事不忍爲也以故里中人數十年外戶不閉藉公義甚高及予爲中書時嘗以恭人疾移書趣公入京視之至則恭人不待矣公在邸中又不欲予以房帷之戚內自損也日強酒相慰藉是時予友人劉職方子成徐比部子與魏比部順甫聞公

甌甌洞葉

卷之三十八

十七

墓

至分夕攜酒來醉公見公曠然不作禮俗態相顧而歎曰玆真醉鄉先生哉乃各賦詩贈之歸其後公以春秋高有三男子能其家遂欲屏跡不入城府卽一再過里中長老年慕公而飲之輒陽醉起逃席不肯竭人之歡予從旁難之曰奈何遽示人耄耶公笑曰吾誠不耄惡耄於酒耳今年公齒杖於國而其女適始受誥命追贈爲恭人公喜而語人曰誰謂生女不如生男微女曠令吾尊爲恭人父也於是又戒其三男子宿酒俟吳郎歸與飲樂此予平生德公計未有以報又不克解郡事歸而壽公故特述公慷慨

高節之大者以代稱觴云

訓初小鑑序

吾兒阿端從塾師陸挺氏受易將卒業陸生謂余曰是兒強記日可千餘言今授之一經矣遂當旁及何家以足其三冬餘力乎余以兒年不滿十齡又其息甚侵不欲苦以博習顧塾師之意雅在惜陰重遠之也不曰愛之能勿勞乎於是誠勿得凌節馳驚希速成以憂乃公乃手編古人之訓其子者數萬言附以管氏所著弟子職暨虞允文訓諸生誥顏之推家訓凡數章彙爲四卷授之讀第令識余爲人父之意而

甌甌洞葉

卷之三十八

十八

墓

思才也嗟乎史稱元愷才世濟其美至謂不才子爲饕餮比之三凶以禦于魑魅夫才則濟不才則凶此其鑒豈遠哉且凶非性也習則使然習之不端由教弗豫教弗豫雖慈父不得有其子及其離于凶而傷世德是亦父有罪焉卽余不穀猶以先大夫之靈得免於負擔夫又何敢禽犢畜吾兒乎善乎石碣曰愛子教之以義方弗納于邪狐突曰子之能仕父教之忠古之制也劉更生又謂七歲以上當爲擇師選友勿使近惡少矧兒且十齡乎兒能三復訓辭而繹其義則知古人家訓孝謹世篤忠貞功澤被當時而餘

慶流來裔者皆有以豫養之非一朝一夕之故也謂訓無補謂子之才不才無藉於訓豈余所聞哉俟兒年漸長固益當頌詩讀書明習禮樂博綜左氏司馬子長百家言以廣汝才以成乃公志則訓未遽及也題曰訓初小鑒姑以存之家塾云

三國機略序

予蓋聞兵陰道云不得已而陽言之其至曼衍無當則裨官目論也豈誠知兵哉兵家者之言曰以智克智機也夫兩智相克各欲圖變實虛動於呼吸而決之從容其機皆以潛用顧豈陽言可盡即盡言徒以齟齬洞藁卷之三十八 九 陳朝 滋不祥爾太史公所爲司馬孫吳列傳曾不盈尺牘而其旨閎深遠使人讀之如親被鎧甲援抱鼓登陣合刃一時籌畫所運批擣犄角無不各當敵在吾目中矣至欲殫其術以授人則雖司馬孫吳復起不能茲子長所以良於史乎迺今方伯大夫陳公蓋嘗讀書史館而歷試外服所至赫赫稱文武才頃以所著三國機略示予蓋不謂予不知兵也予時時手其書而歎曰公其以子長之才而潤色武侯諸豪傑之機事乎無論諸豪傑智謀相當勝負反掌人不必累事事不必累言三分鼎足之勢大較囊括之矣迺其

閎廓深遠之旨高明者躍如言外而屠兒賈豎曾不解其一籌子長列傳何以加焉藉使公當前著雖萬敵且櫛俎折之其意又書之所不必盡嗟乎不得已而陽言之也古有爲戲馬臺者臺廣不百步馬日馳驟千里御者不竭其力而絕塵追電其機自存彼以牝牡物色之則失之矣是書將以告天下之知兵者予故序而傳之

賀中憲大夫汪先生序

新安汪先生伯玉中丞父也初中丞守襄陽時以奏績封先生中憲大夫母胡太恭人云先生少負異能爲儒任俠嘗以鹽筴遊吳越間見吳越大賈率廢舉與時轉貨貨以爲賤丈夫齷齪肥其家以遺不知所謂何人亡豪也遂罷不爲賈會詔開武學先生以督力知兵事得試爲武生久之以吳大母諱言兵輒又罷去其後遇碣石異人授以使物卻老之術赤銅可化爲黃金先生甚珍之一夕土釜作雷鳴亡其藥乃謝絕諸方士曰吾業不能遊罔畏之野而息鴻濛之鄉以上無天而下無地安用從人間就大藥耶已見中丞生而有異骨大喜謂吾家世德鍾此兒遂當高吾里門矣後中丞舉進士選授大司馬郎其鄉之

人聚而嗟服先生今于公哉中丞之爲郎也好爲
秦兩漢古文辭一時學士大夫爭誦之先生則不以
爲可兒幸服官 闕庭上之稽考 先朝故實若名
公章疏可以爲後事師下之習司馬法營將士能否
邊圉堅瑕庶幾可當一面之寄釋此不務而工爲文
藉令一旦在事將無以博士語臨之乎卽先生不以
身用世而其言固已辨天下事目中矣先生居恒英
氣勃勃不受睚眦於人顧獨自中丞顯貴後折節居
里中二十年不入城府太恭人以裘褐相之如一日
蓋先生旣杖于鄉中丞業已自襄陽擢閩越憲使監
餽餉洞業

卷之三十八

三十一

大將軍兵平島寇功成

上嘉之累遷公今官公愀然謂大將軍曩不佞從海
上間關百戰家大人憂之賴將軍之靈庶幾釋戎衣
卽得請急歸侍家大人養私願足矣豈其猶以尺寸
之勞徵福 王命哉尋遣使迎養會聞太恭人有疾
輒匍匐謀於大將軍不佞方寸亂矣今且解軍符去
苟全吾母子旦夕卽及于罪無辭也與其厚自貽悔
乎大將軍慰之曰第亡慮太恭人今瘳矣自公舉兵
以來所全活海上生靈不下數十百萬孫叔敖之母
不云乎有陰德者天報之福公何過慮乎且今日之

事所爲受命則忘其家臨約束則忘其親時也卽亟
解軍符去徒以驚悸太恭人何益已太恭人疾果不
藥而起中丞謝曰微將軍言不佞未知所稅駕雖然
竊願有謁家大人雅好文得將軍一言爲壽無異馳
拱璧歸也大將軍因曰予方橫戈疆場何暇劇儒墨
以辱公徃見公抵掌天下文士雅及楚人吳國倫今
其人適守昭武與予善公豈欲之乎公笑曰得之矣
於是大將軍走書幣屬國倫言且申之曰中丞公固
欲之予因報書大將軍國倫賤有司方結束受成中
丞臺而使執筆以揚其世德直之則疑於調不直則

卷之三十八

三十一

餽餉洞業

亡當謹拜命之辱請俟他日圖之越丙寅公復迎養
先生先生方從社父老飲甚安無行意而獨太恭人
就養邸中無何中丞坐不阿鄉大夫得謗當移開府
他鎮中丞以告太恭人曰奉母還山終身色養兄志
也如謗者之言非情何太恭人顧謂若不憶欲棄軍
符時耶是何計人之情不情也而又何不自忘其情
至見於面而復使人側目若耶於是中丞爽然自失
曰聞譽不喜聞謗不怒今受命母氏矣乃欣然奉太
恭人以歸先生則倚杖待於閭曰吾固知兒之及也
天有大功於閩而以不阿居之其能免乎由老子功

成身退之言則久於閭非兒所也吾老且以爲安兒豈有遺德乎中丞既歸乃奉

上所累賜錙金緋衣前爲先生太恭人壽日今供具設酒食徧召先生所嘗與飲社父老相娛樂蓋自是口不言功國倫曰是可以復大將軍矣予觀中丞年始強仕位列上大夫臨大敵而不驚居大功而不德海內豪傑願爲執鞭者多矣無論先生平居義方之榮卽前所爲誠子數語居然人倫之鑒而後所稱引老子蓋又明於天道也與太恭人一言使其子爽然自失不謂有遠覽深識哉古之賢父令母類多有所

甌甌洞藁

卷之三十八

三

三

託而顯其名迹乃若先生太恭人何必然中丞名道昆大將軍東牟威繼光也

郭學士集序

大中丞子木蔡公蓋儀封故學士郭先生所舉士也公來拊循中土未數月業已爲先生樹墓石乃又購其所遺詩文彙爲若干卷授之梓而屬予序予竊有深慨焉夫先生崛起中土侍從兩朝嘉言善行流照士林郁郁乎稱經筵學府矣古人仕賢者之鄉則式閭封墓以示敦異今先生下世垂三十年間墓蕭然著述亦多散逸先生之門人故吏豈不星布雲錯

於宇內哉顧表章有待以至於今信乎斯文之興衰非偶然也惟是中丞公懷古人之風脩知己之義將報先生地下而使薄俗一敦予是以有深慨焉夫石勒其行則潛德用光梓傳其言則遺風斯遠嗚呼郭先生於是不朽矣今觀集所載先生詠諸郊壇陵廟者其詩莊以和發於旅寓酬贈者其詩悲以感吞吐川嶽鼓吹六經並得風人之微非貞觀以後辭家及也至於紀時敘事之文則又遵三易之遐軌黜百氏之頽習如今涵古揮翰成風蓋蔚然一家言矣以是不傳傳而不自中丞公斯文其奚賴耶昔桓譚語

甌甌洞藁

卷之三十八

三

三

三

嚴尤曰楊子書必傳顧君與譚不及見也況先生學爲儒宗守正事明主首節發於性靈而議論不詭於聖哲其人與書已非楊子所望而又得弟子如中丞公表章之視桓譚輩遠甚有不親見其傳者乎刻成爲嘉靖壬戌年之五月五日

甌甌洞藁卷之三十八終

甌甌洞藁卷之三十九

武昌吳國倫著

齊安王同軌
新安方尚賢校

序一十二首

送少冢宰林公赴南都序

代作

往予讀儒林傳至稱鄭少君入嚮唐虞之閭道出參
冢宰之重職蓋已私心豔慕之及覩范曄論述大儒
其致在談仁義傳聖法使人主識君臣父子之綱知
避邪歸正之路則又未始不三歎史臣之尊儒術意
甚深也以今觀於少宰林公豈不一代大儒哉公三
世起家經術相繼爲史臣大父文安公終大司馬父
甌甌洞藁 卷之三十九
吉水縣志刻

大宗伯移疾在告會今

上卽位公自大司成 召拜少宗伯充經筵講官雖

累葉通顯而清德令聞竝足以長世公尤博綜羣藝
通曉國體海內綴學之士業已號公指南武庫至於
立朝大節則漢諸儒不同日而論矣公見

上銳意學古日御經筵卽慨然曰茲千載一時也吾

家世受 國恩先後備侍從人以爲華然未嘗剖符
班政無所自效其悲歎歎有歎志今幸以薄學克在
講勸得藉一言當

工小有匡正卽於納誨輔德之職庶幾焉不則徒讀

父書希容取富貴非志也故公每入講輒據傳疏開
列古義已復敷引時事抗首而請多規諷辭

上亦歛容嘉納之顧時時語侵近幸人近幸人目公
矣居一歲公遷少宰仍兼學士講官夫公方強仕之
年被遇至文昌貳卿位次八座儼然以其學爲
帝者師予不佞覩顏曹長比見公如是卽所豔慕鄭
少君又何足多也無何

上御便殿召公入講至大學生財有大道因勸

上汰冗節浮語涉隋直

上默然久之徐欲用其言則近幸人不以爲便公遂

甌甌洞藁 卷之三十九

二

有南都之 命矣是時朝士大夫不悟

上意所出公獨曰吾罪也敢以南爲遠乎嗟乎公蓋
明於大臣事君之道矣書曰爾有嘉謀嘉猷入告爾
后于內爾乃順之於外曰斯謀斯猷惟我后之德又
曰爾身在外乃心罔不在王室斯言也請得爲公誦
之且有周卜洛分陝之役以命周公召公夫周召豈
可一日去王左右哉王命重有所屬廼其納誨輔德
之意書諸慘慘不以遠邇而相業且古今爲昭今南
都去帷幄遠矣又安知

上意非以周召遇公公且戒裝發予從朝士大夫郊

送之又執手而屬公曰公毋以逆旅人之言趣行蓋昔張酺以嚴見憚出帝後思之曰酺入講有史魚之風已復引酺講尚書禮賜殊特楊秉以規諫不納乞退太尉黃瓊上書固留秉勸講不宜去朝廷帝從之夫明君獎直以資理大臣留賢以體國皆往籍之所崇也我

皇上明聖遠過漢主今且思史魚之風召公予即抱留秉之義何言哉何言哉

胡祭酒集序

司成胡若思先生豫章人起家文學薦陟青宮歷事

既甌洞藁

卷之三十九

一

二

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

高文二廟學術聞望冠冕南州其所自著願菴集諸學士名公序而傳之矣今先生即世垂二百年海內後進生慕其鴻筆罕從購睹往往懷遺憾焉頃司馬中丞李公鎮靖兩粵警服諸夷業已建業修文幕府清宴乃手先生舊集一帙屬吳子曰茲予先世所爲十襲珍也古人尚友先自其鄉有如杞宋文獻齊魯經師非藉表章能無湮缺先生 熙朝大儒故當不朽子雅好藝文又嘗一日遊豫章也於先生獨無意乎吳子唯唯退而稍爲錄次得詩之精者六卷文八卷殺青以復司馬公因序曰知言難哉宜父至聖賢

命未遑蓋難之也況游聖人之門者乎粵自結繩以還竹書韋編以及二南十五國風其詞醇麗溫厚蓋上世之大音也逮夫三傳八書離騷十九首紀述既爛諷詠合度蓋去古未遠詞旨廓闕其後二京寔盛言成一家六代伉儷末流不競近體變自唐人音節稍振然貞觀大曆以後無采焉良由風運遞遷才品殊致雖瑕瑜不掩而復古爲難其惟能者從之乎語云不逢師涓勿與審音不遇季札勿與觀樂豈涓札之外人皆聾聵彼有所深慨矣夫學以益才文以足言皆明訓也中人承學鮮究斯義大較有三疾焉師心者非往古而捐體裁負奇者縱才情而蔑禮法論道講業者則又譏薄藝文以爲無當於世嗟乎茲不學之過也藉令體裁可捐則方員何取於規矩禮法可踰則華實不必由本根謂藝文無當於世猶之責騶麟之不耕而以司晨病鸞鳳也不已誣乎夫師心負奇其詞訛散曼衍勿談矣乃論道講業名爲聖人之徒也何至叛體要之訓蹈鄙倍之戒侏儻大雅糟粕微言以自掩其孤陋猶曰我具體聖人足矣焉用文之其誰欺乎乃先生以學名世多所窺覽秘閣書博綜外家旁貫職典故其爲文若詩上緣聖則下適

儒玄沈思重淵綴采繁露縱之若隘八紘操之曾不下帶蓋發抒性靈宣暢風教庶幾從衡衆氏鼓吹六經矣若其侍從密勿容與高華而猶棲志洪厓寄懷玉笥恬漠之度至今猶可想而挹之其視因窮愁而著書遭幽廢而述史者又不啻徑庭矣夫抵掌非教非其似也捧心非施非其不似也先生諸體不煩繩削而步趨音節伯仲漢唐蓋未嘗求似而又未嘗不似其猶郢斤庖刃乎才益於學而言足於文若先生者庶幾聖人之徒哉而司馬公則先生之涓札也可以竝不朽矣

龍龕洞臺

卷之三十九

五

綠槐堂藁序

嗚呼此故給事王先生藁也往先生謫楚時蓋識予諸生云先生問士於邦大夫所舉里中少年十數輩先生以次閱之無一當邦大夫乃召予以墨線見先生先生閱予所爲舉子業輒慨然喜曰大夫今得士矣初予爲舉子業未嘗有大人長者之遊稍稍離訓詁而自匠其意又不習爲俳偶語以故諸少年見而異之至私相謂吳生好古而不達無能爲也予亦少有感志以其故告先生先生曰子異才也當遇異人識之田仁任安不云乎將軍尚不知人何乃家監藉

令兩舍人卒不遇趙禹亦非衛將軍所能用然視同席之人騎奴耳子奚慮焉予退而有感曰驪蔑以一言見知然不遇叔向則堂下收器卒耳越石父以一顧見贖然不遇晏嬰則道傍負芻虜耳語云馬爲知己者良士爲知己者用今先生知予予何以爲先生用哉蓋嗣是益用以自信而不爲少年所移先生過予日益以厚而爲游譽諸名公甚力也諸少年又從旁竊窺曰異哉王先生固不易當獨奈何當吳生居數月先生遷官去予以先生之靈尋得售其薄技于有司而從朝士大夫之後始復接先生所與故交履先生所遊禁地而望見中秘讀書處乃知先生以文章高爲儕列所忌又直言忤執政不容于時輒爲搢摩大息非久予亦被譴出奔走梁楚閩越間至于今別先生凡二十五年未有尺寸以報知已且日夜思再見先生不可得嗟乎吳生負先生哉往年先生寓書楊別駕來屬予序其藁辭旨款密予蓋心許之矣頃其子奎使使萬里踰嶺渡海以先生遺命趣之予憮然驚且泣曰天平使予不及再見先生而又何敢負先生幽冥也乃三復諸藁而披淚序之曰先生由史館禁掖謫居湖海懸車之日鬢未及斑海內士莫

龍龕洞臺

卷之三十九

六

傳

不惜先生未究其志乃先生退處海濱坐臥羣籍寄情翰墨流照雲霞意甚適也明州故盛文物先生所與遊非鴻筆之上則懷鉛之儒取材既備益趣滋廣諷詠結撰惟其意之所之鮮不臻妙即情敝墨蝕人猶知其爲大家而珍傳之夫南山之竹不揉自直而又括而羽之鏃而砥礪之何憂不貫犀革乎予蓋知先生之志不用於世而用於不朽也昔桓譚知楊子書必傳而私憾其不及見先生諸藁親見其傳無憾矣顧予今序其事先生已不可作而復觀也豈非予負先生哉先生諱交字徵久綠槐堂在鄞城中蓋先

甌甌洞藁

卷之三十九

七

生所卜新居云

李尚書集序

余聞諸談藝者之言曰玉不雕璠璣不爲器言不文典謨不爲經嗟乎豈直談藝也與哉此其言雖文之工而貴其所以爲器爲經也藉無璠璣之質雖器不列宗廟矣無典謨之意雖文不被金石矣豈直談藝也與哉即左氏所稱三不朽余竊以爲其致一而已焉天下未有立德之士而功不施社稷立不重典彝者乃言華而功實舉一可以辨德耳故能言而不習於事雖儒也能功而不嫻於辭水強人也皆德之

甌甌洞藁

卷之三十九

八

歟也而互相訾詆則德之棄也近世豪傑名家率各擅其才之所近以相雄遂赫然自號不朽此賢於鄉人耳豈誠不朽之道乎今觀於冬官尚書新建李公蓋誠負名世之德器則宗廟而文則金石者也公自釋褐敷歷于今三十年所至多惠政殊績未嘗自以爲能頃以少司馬秉鉞南征屬東西兩越一時寇發如蠭公慷慨折節下文武士條上便宜方略竭股肱之力以經營之一鼓而兩越平吏士解甲蒸庶按堵業已書勞于廟而紀于太常未嘗見公有德色公所著藏稿凡七卷予得謁而誦之詩道性情而用意深厚卽寓目應手不加藻繪鮮不音中而節合泱泱乎風人之遺矣文述名實而敘事簡嚴高不踰情庠不儕俗悖於君親朋故之誼而潛於德藝經術之微殆凜凜一家言也古稱大夫登高能賦師旅能誓山川能祭作器能銘公兼有之而不欲以文名家夫非有名世之德能然乎予聞公故負奇南州少卽從事性命之學已復博綜羣籍冥悟玄理又所過燕趙齊魯吳越三楚之地諸民風國俗氣候形勝皆得目泚而掌運之故學洽而氣完神澄而智密益足以閑

廣覽不足侈矣故言以學而文功以學而烈有若取之探囊而應之迎刃非欲解天下之順而震耀其耳目爲也其究豈易窺哉余以戎事奔走公最久愧不能贊公一籌會大功告成文亦就帙公且以尚書之命趣行余竊有感焉因僭書於簡端非敢爲談藝者易幟也

賀司馬總戎殷公壽序

代作

余既得請臥病使嶺之麓不復敢聞天下計矣然余粵人也粵之肥瘠固未能一日忘情往歲粵西有古田之警心竊危之以爲粵東苦寇極矣西難復作其甌甌洞藁

卷之三十九

九

將及乎已聞大中丞殷公奉命鎮粵西陳兵討罪誅者什一降而撫者什九經營甫朞月古田平所全活粵西人不下數十萬而粵東人業已陰受其賜相率日夜望公東也余因慰之曰兩粵如左右臂朝廷固念之矣未幾公果膺司馬之命仗鉞秉旄制兩粵戎事而拊循其民屬日本裸夷數千飛艘渡海犯我嶺西海北諸郡邑所過幾無完壘訶事者至公疾馳羊城授策諸將吏徃一鼓殄之俘馘裸夷千餘人還我繫繫士女四五千人所全活諸郡邑人又不下數十萬而嶺之東南岫寇蓋莫不畏公天威自爲

鳥獸散矣會歲大侵而民多菜色公慨然曰大兵之後必有凶年粵誠不可一日去兵然使吾民饑且累壘溝塹也將孰從而兵耶於是日聚藩臬諸大夫郡邑長吏究圖所以賑卹之近者設糜遠者平糴又遠者乞糴鄰壤資之使帑帛繼卽移軍需佐之曾不括一錢一粟於民間所全活粵東人又不下數十萬余從里中父老私相歎曰微公來吾屬幾無幸矣

朝廷之念兩粵意深哉藩臬諸大夫將爲公介壽使使徵言于余余以諸大夫從父老意也卽儒者勿談壽乃公之全活人多矣孫叔敖之母嘗云有陰德者

甌甌洞藁

卷之三十九

十一

天必報之以福公之多壽又豈待祝乎余觀古今善言壽者莫如孔子大旨不過曰人之生也直是直也天地生生之大德也卽所謂仁也人生於仁而不能自生以生人非直也非直非壽也故聖人之壽非可以星精窺冀茲紀也至求長生之術如所謂芝圖鴻寶以鼎餌丹還白則杜亦甚矣何以壽爲我殷公天下士也內不畜疑外不飾貌曩在諫垣天下聞其直言及宣力四方天下頌其直行今制兩粵貴重矣開誠布公推赤心以置人腹故事程畫一號令不煩賞當功罰當罪予賢而舍不肖也然其不用命者而

撫其用命者直也威敵用武附衆用恩直也公皆未
有意也夫公自全其生理而又能廣此理以生千萬
人天地之大德其何忝乎即公旦暮入相爲國家
培養元氣而使天下久安長治固非獨粵人願也其
爲壽何算乎然則陰德陽報云又不足爲公祝矣

謝氏家藏稿序

有愚公者惡面山而居率其子孫操箕畚扣石墜壤
將運於北海之尾智叟笑而止之愚公曰我子子孫
孫無窮匱也而山不加高奈何不平智叟無以應此
雖鄭圃寓言而其旨殆難與淺識者道也史紀馴儉

擬魏洞藁

卷之三十九

十一

傳

富比千乘家曰貪賈三之廉賈五之夫賈以積居爲
利乃廉倍於貪則遵何說哉嗟乎知貪之不如廉而
智之不逮愚也思過半矣昔者司馬談敘史爰及重
黎而屬其子遷曰子爲太史當續吾祖韋玄成述祖
德肇自豕韋及復玷缺則又作詩以戒子孫彼所謂
家學有作之者又必有述之者而後傳非一朝一夕
之故矣余所善謝文度氏博雅善屬文尤工詩賦仕
爲信宜令非其好也久之辭令去喜而就余曰吾家
自王父承德君某從父左史君某海州君某父文學
君某伯兄涇縣君某凡三世竝以高行博學顯名

駱間然仕不遇合家不宿儲竟泯泯齋志以往余
痛之而又不欲污其素風間從敝笥得逸稿若干篇
次爲六卷命之曰謝氏家藏稿即非大方宏麗竊願
世世寶之余因得而縱覽焉且覽且歎曰嗟乎文度
家學夫固有所受之也司馬典史韋氏遺經亡論作
述各究其志而已克玄度之志何北山之不可移雖
千乘之賈所就孰與文度多哉玄度名丰建州人

沈純甫詩集序

純甫蓋樵李世家少年以明經取高第然負奇慕古
聲利非其好也未幾病免歸踰三年始拜番禺令番

擬魏洞藁

卷之三十九

十二

傳

禺廣州大邑故令雖戴星衡石不免以叢脞損名乃
純甫臥而治之猶有餘力操翰墨與諸詞客遊即番
禺人未有不神明純甫者頃予過廣州純甫方病臥
不能出意軼軼自恨居數日強出同二客載酒詣余
舟問詩焉酒間聞予一再語輒輟然鼓掌而起曰吾
出署時頭猶岑岑今病去體盡矣乃引滿縱歌達曙
而別不復一言談詩嗟乎純甫固深於詩哉即予說
不足以解人願純甫宜以爲替矣夫衆工紙筆和墨
宋元君不以爲奇視一人解不盤礴而坐則歎曰此
真畫也其意不可想而知乎彼運斤盡壘匠石巧矣

非遇郢人立不失容其術亦無所試且此兩人者曾
不交一語而心相爲質又宋元君所不及知語云善
易者不言爻象純甫之爲詩又奚俟予贅乎諸詞客
奇予遇純甫如是爭相索純甫詩傳焉因請予序姑
述此以應之

七澤吟序

予讀楚辭而知楚之人善怨其天性哉怨而不怒非
獨離騷歌辭爲爾滄浪濯纓江潭鼓枻皆吟詠性情
以風世而引商流徵之遺音猶有存焉至如藝文家
嚴忌哀時命王褒九懷劉向九歎類謂之楚辭卓文
旣旣洞藁

卷之三十九

十三

君白頭吟諸葛武侯梁甫吟又類謂之楚調曲蓋取
其情志憂抑音旨微婉與離騷同勿論非楚產矣太
史稱離騷兼風雅斯其爲辭賦祖乎巴陵胥李明氏
學承世家氣吞雲夢弱冠舉明經視天下事如指諸
掌已僅試爲鄱陽令不效輒自病免去之洞庭之濱
隱焉不復問天下事矣嗟嗟非所謂忠而見疑潔而
蒙污者乎夫離騷自怨生也若李明氏可以怨矣予
故未嘗識李明則中丞羅公時時談李明高隱居且
三十年布衣疏食晏然一無所營日抱膝長吟而已
乃里中故鮮好事而李明益落落寡交即工於吟海

內士無從知也往嘗一遇顧中丞引以爲上客授簡
賦詩李明無不立就雅見稱賞蓋自是七澤吟稍傳
夫和氏之璧夏后之璜揖讓而進則見珍夜以投人
則見猜忌時與不時耳李明以彼其才試一令不效
退而苦吟以自老而又不見知名海內士即不遇兩
中丞墜識而表章之其將濯孺子之纓鼓漁父之枻
安所適而可乎古有悲士不遇而作賦者曰我之心
矣哲已能付我之言矣哲已能選予誦七澤吟蓋不
待竟業而歎李明之善怨猶幸其遇兩中丞固奇也
爲序而傳之

旣旣洞藁

卷之三十九

十四

餘姚史氏世澤錄序

予覽圖經會稽聚東南王氣姚丘禹穴在焉巨靈所
鍾故多鼎甲右族而史氏則周太史衛晉大夫之後
蓋神明胄云其後自行三忠爲明州世家凡再徙莫
盛于姚矣 國朝自資政公逮七世孫中憲君身致
通顯者三世以書勞 賜爵者四世即載籍所後如
銅鞮鉞鏤傳龜襲紫諸名閥奚豔焉中憲君方握兵
符鎮靜五溪三苗間會
今皇帝即位嘉其績 賜璽書勞之中憲君鯁鯁焉
北面稽首曰臣實無勞微福

上帝則先臣遺澤哉乃發先世所藏緊朝璽書十
五襲彙錄爲一帙以志不朽名之曰史氏世澤使使
越千里詣吳子書而屬之序吳子曰茲所爲三命茲
益恭也史氏其有後乎昔周命君牙以世篤忠貞羊
舌職十世勸能以惠訓不倦汲之先有功于衛至長
孺十世世爲卿大夫韋玄成述祖德以戒子孫則車
服威儀稟稟不勝懼然則士之有封爵也豈其以希
恩榮當世而膏潤其族類爲快哉固欲世世忠王家
無忝乃祖父耳中憲君與高祖太保公先後起家進
士太保公在孝廟時以御史大夫掌內臺出總三

甌駝洞藁

卷之三十九

十五

邊戎事夾輔之勞紀于太常生累貶封沒膺卹

典此其先必有祕德者京兆參軍雖薄發猶足顯其
二世而享有象賢乃中憲君身承七世之統業已爲
天子宣力四方赫赫負公輔望太保公之澤又豈可
以世限乎古有自多其陰德而高里門夢匹練升而
字其孫者予竊病其卜世之不遠也若中憲君之錄
世澤意遠矣意遠矣中憲君名嗣元字懋宗七世諸
封爵備在璽書勿序序其大者如此

送侍御劉公還京復命序代作

國家分畫諸方岳廣吏治以久安元元蓋詳乎昉之

周官矣已猶懼吏不事事而民有遺德率用中執法
一人填撫之執法御史一人按治之夫填撫按治各
職其居要之又安元元其道實相成也非以相軋也
諺有之巫咸雖善祝不能自被也秦醫雖善除不能
自彈也言相成之不可以已也王良造父天下之善
御者也然使王良操左韋造父持右韋則其轡不能
成駕田連成竅天下之善鼓琴者也然使田連鼓上
弦成竅撥下弦則其琴不能成曲人臣事事一方使
徒以其意相軋而無以爲相成之實卽吏如束溼而
民有重足立耳其能共勢以成功乎余不佞自有填

甌駝洞藁

卷之三十九

十六

撫中州之役日夜懼無以稱事乃聞按治御史爲我
清苑劉公竊復自幸庶幾其寡過焉余秦人也方公
按秦時天下士想望風裁然公實未嘗以柱後惠文
彈治秦秦人人能誦之已按兩浙如秦豈其視中州
不必秦乎余所謂以道相成而不自用其意者蓋得
公益不敢不勉矣比余以仲春之月趨至梁邱則公
已按部出乃三川二潁之間功令一新百僚敬憚遠
近無不相賀至於割牘計事公先之余後之余先之
公後之雖智能不類而公實不余耄也已觀公治吏
數人而解綬去者多矣才數人而彈冠起者多矣

公唯其病民與否非以意爲予奪也其治獄累獄所不及疑者疑之累獄所不能決者決之公唯其病法與否非以意爲生殺也其治民繩其自相暴者以安其自相養者譬則去莠而不傷良苗攻毒而無損元氣尤非以意爲撻發也公之所負寧風裁而已乎夫明大體者戒刻深輸遠猷者略苛細智有以不察爲明威有以不猛爲烈彼蒼鷹乳虎之號非不赫然震于世而有道之士竊不願聞非無謂也公所爲按治中州而填撫之道備焉茲余之所不逮而取助於公者深也庶幾其寡過乎公故侍殿中掌法令明習天

魏魏洞藁

卷之三十九

十七

下圖書而又執三巡之勞脩六察之典今且報使還朝遂當受知君相爲社稷臣其繫天下輕重大矣豈予以自幸故而能遲遲其行哉漢楊秉爲御史時人卽稱其有宰相才余誠不佞知公固秉其儔也於是乎有贈言

賀大中丞孟公壽序

代作

予之按兩河也蓋遇大中丞孟公云公今年六十有二以孟冬之月十二日初度諸大夫庶士德公甚深且望公童面台背若玉光紫氣英英見狐南狼北聞私爲難老純嘏之祝者洋洋盈兩河矣予聞而竊喜

之因進觴于公曰昭乎哉公之爲壽也與古今言養生者莫如軒轅氏而言善治人者亦莫如軒轅氏其問道於岐伯曰恬澹虛無真氣從之是以志閒而少欲心安而不懼形勞而不倦蓋大旨也至問治於襄野童子則曰子之治天下猶畜牧馬夫牧馬去其害馬者而已治天下亦去其害天下者而已公居恒未嘗與人談養生然每好讀黃帝內經而內經所載則養生養民之道具焉古語有之得道之真以持身其緒餘以爲國家其土苴以治天下公豈進於是乎今夫殫千金而學屠龍者技成而無所用巧以象爲

魏魏洞藁

卷之三十九

十八

楮葉者窮三年之力葉雖工而人不見珍何也爲其作無益也今天下士敝精竭神矜能眩智而沾沾與一世相雄長者豈少哉其試則宋人之楮葉不試則朱泚漫之屠龍手也尚父田不償種漁不償罟以爲武王師則有餘智孫叔敖不知軛在衡後而相楚則能以其君顯彼皆務其大而忘其小也予觀於公明於國體而心常下人嘗提兵雲中決策破強虜而口不言功貴在九列而無家珍筭綺之好由中執注出鎮者垂十年曾不以歷試經營爲勞庶幾乎恬澹之旨矣乃今保釐中原則又人置赤心不責苛細已

乃繩賊吏禁大猾繕城堞謹蓋藏驅螟螣蠹賊使邑無引肘之憂村無乘塞之虞病瘵者恤病饑者粟居不閉夜戶行不拾路遺公之心也非所謂去其害天下者而已乎夫不作無益乃有益去其害即享其利養生養民一道也作君作相亦一道也此無它順之也有牛於此使鳥獲疾持其尾尾絕力勤而牛不進者逆也使三尺豎子引其捲而牛恣其所之者順也彼岐伯襄童皆所謂天下之至人也軒轅氏得其道以順治其身且治天下故世稱極治壽至無算今大梁之西竟具茨洪堤在焉公師其內經而適拊循其

甌甌洞藁

卷之三十九

十九

人字汝器起家進士

宦遊紀略序

大中丞孔麟陳公宦游所至輒有紀若曰此其大略也予從武昌江別駕受而讀之竊歎公天下才所至輒當其難而解之率如迎刃茲豈徒以才用乎禹抑洪水周公兼夷狄夫有所受之也公初爲御史按治吳屬島夷以百艘入犯且至公下今敕諸將勒兵海

上逆拒之旋議開海禁使民得大治舶捕魚以自殖因今習水戰藉以爲備自是夷患遂息而兩浙八閩聞而習行之夷患亦息乃用其餘勁殄劇寇七百人解叛兵數萬人所省歲餉不下七十餘萬金吳之不爲沼公力也尋量移督學使入晉會虜騎六十萬蹂石踰汾而闚晉之南關晉王侯諸大夫且坐困公獨毅然倡之曰事急矣守堂與孰與門戶要乎於是遣將提大兵趨交城文水間遏之虜果避吾銳迂從間道出徐溝徐溝去南關僅百里關民聞虜先聲大半思爲鳥獸散晉王侯諸大夫又坐困且曰倡議者奈

甌甌洞藁

卷之三十九

二十

何以空國當虜公曰公等各爲其易請發城中壯男子可數千人分門守之虜至矢石交下執必不能近城某雖不武請得以其身爲南關翼於是單騎馳至南關援枹鼓以殊死誓衆衆亦賈勇而聚無不一當百虜聞南關枹鼓聲日夜不絕又懼交城文水兵還而夾攻之遂復從間道潛遁去公雖口不言功而晉人至今尸祝之矣已擢按察使入粵按察使刑官也公曰粵之刑孰重於借軀亡命匿荏苒而凌劉吾民者哉於是廣間諜懸賞募死士勇有力者數百人直出沒密授方略以徃徐聯兵邀擊之所向如破

而盜穴一空未幾宅太夫人憂行已除服起家三仕
楚爲執圭竟以有填撫之命公策楚患莫大於水
其自荆河而下歲以築隄疏穴勞費不訾然當其奔
決時一望皆巨浸卽狼牙之石不能爲堅公徐默計
之此豈有可制於上游乎於是身親行縣歷夷歸望
三峽諮郡邑長吏及其長年三老而與之謀無當其
久公夢絳衣黃陵神來謁覺而有感遂挽舟上峽求
所謂黃陵廟而牢祀之已放舟下峽則又夢其神來
謝起伏如壘石狀公大悟從舟中環視兩涯間故多
壘石可梁因敕有司計而梁之梁成凡二十餘所蓋
甌甌洞葉 卷之三十九 三

然仁人引以爲痼瘼皆智巧之士所深避焉至於治
水則又竭諮諏之力窮相度之能至思與神通雖江
漢故老不及借前箸非所謂思慮熟而功必成耶慈
故能勇信矣信矣予知公才有所不盡用而用之不
可勝紀故曰此其大略也語有之非常之原黎民懼
焉及臻厥成天下晏如善觀公者亦可以得其槩矣
予不佞敢以別駕之請爲公序而傳之

西征雜述自序

予以校士取道水西九驛渡赤虺河畢事四衛往返
幾二千里皆羅夷故墟云四衛在漢唐時稍通爲滇
甌甌洞葉 卷之三十九 三

蜀道民夷雜處獨九驛關自我
高帝奄有黔筑之後至今夷部落如初特爲中國役
屬耳轍跡所經奇詭不可名狀蓋居然遊燧人以前
而與茹毛衣皮者伍也又氣候不齊嵐瘴疔疾以孱
然病軀嬰之萬一無幸何論險阻摧折哉昔博望侯
侈大夏司馬中郎張西夷彼其意非不廣夫我則不
暇矣爰有雜述敬俟觀風

蘇軾洞藁卷之四十

武昌吳國倫著

齊安王同軌校
新安方尚質校

序九首

會試錄後序

隆慶戊辰科

獻歲戊辰之二月禮部會試天下士蓋我

皇上額俊尊帝首舉也臣某臣某寔始奉 命克考

官輟直陛辭以往偕諸臣竭力祗事事既竣臣常有
言末簡竊伏自惟臣齊人也樸拙而鮮智能賴

先帝之靈得備

皇上儲案雖從講勸之末曾不能以一字仰裨

蘇軾洞藁

卷之四十

一

聖明暨

皇上臨御以來臣殊不自意無勞被 遇一歲中拔

擢至禮卿 恩結於心頂踵莫知所錯日夜思效其

愚以陳銖兩之報未有當也迺今叨承任使得藉以

人事君之義圖補於萬分一尚亦有天幸哉 明興

垂二百年重熙累洽

先帝在位久鑄陶萬類文治彬彬暨

皇上踐祚與天下更始天下士業已被服文命易聽

政觀喁喁嚮方願為 帝臣者比屋而是矣顧

皇上又退然不自聖尊信儒術率由舊章嚮仁義之

休風弘

帝王之盛節禮樂既陳神人交贊此皆

天牖宸衷為天下開億萬年文明之運一時鴻生鉅

儒焱至雲台延竚觀光塗歌而邑頌之莫不思應期

以自獻詩曰周雖舊邦其命維新易曰雲從龍風從

虎聖人作而萬物覩其今日之謂乎臣既自幸遭逢

非偶而又竊計貢籍中當有名世士躡風雲之會以

出而為 國家上瑞及握上所為文讀之類能宗六

經黜百氏滌濯滓穢發抒性靈其詞博雅中倫其旨

廓闊深遠臣肝衡擊節不可勝收庶哉名世士豈非

蘇軾洞藁

卷之四

二

先帝所儲植以貽

皇上皇上所潤澤以新佑命者耶然臣又竦意大懼

何懼也臣所知而舉者先資之言也而自獻以成信

則在諸士諸士裊然當聖明首舉宜不第為章句儒

以辱此奇選即他日銜 命服官聲實相副出而宣

力入而論思超舍當

上意庶幾依堯舜之末光而與臯夔稷契先後方軌

臣私心至願也若乃剽儒墨以自媒已盡舉而庸違

之其流泆忍浮沈滑稽哆辨甘負公家以厚自殖辟

則珉中而玉表鵲翰而鳳鳴曾具臣弗屑也尚謂名

世士耶臣又聞進賢如不得已將使卑踰尊踰踰其
其道重始進也臣不佞頃嘗佐銓部計天下羣吏無
論委瑣齷齪奇衰淫怠棄置勿疑即負俗跡弛模稜
兩可一有風聽皆法之所不得借曰

聖天子方廣制科登賢選良以克庶位而圖共理無
所事借才也藉令今日所舉不必賢於前日所錯則
諸士負臣即臣負

皇上將安所逃罪是可以無懼乎昔魏子謂賈辛曰
今汝有力於王室吾是以舉汝行乎敬之哉臣故於
諸士始進亦復相勗如此云

甌甌洞藁

卷之四十

三

福建鄉試錄序

隆慶丁卯科

是歲我

皇上文命肇敷屬天下有司大比士閩雖遠在海隅
顧其士業已聞

皇上仁孝久及親登極以來璽書頒布炳炳乎視
聽一新莫不躋足抗手願爲帝臣與天下士相望殷
殷起也雲龍風虎茲其期哉御史其蓋自

上前受明詔來策有司諸執事莫不懍懍奉詔
冀得名實純粹之士登用之庶幾稱

上意事既竣御史又率所得士就有司賓禮之其不

佞從諸執事後得有言曰夫士以一日之遇至見實
禮有司則人人以爲華卽有司者亦以爲人人賢且
能而收之華固宜也將人人賢且能乎結刺入

帝庭當使閩重於九鼎大呂不則徒蒙舉耳其蓋聞
人固不易知知人亦不易故百年一聖猶旦暮也千
里一賢猶比肩也況一日而舉九十人又欲人人賢
且能不已過望乎顧臣子以人事君之義誠欲有所
託以自效且閩故無諸裔壤也至唐宋儒術視鄒魯
間逮我國家政教畫一遠邇同文閩士尤多崛起
纓綬相屬金石流輝非復無諸時風氣矣然文勝則

甌甌洞藁

卷之四十

四

史聖人敝之今之閩士豈患不文患文之過而掩質
其勢宜亟掇也會明詔方以質文取士士遂能以
質文應之譬則縣黎結綠不眩而珍于將鏤邪不拭
而銛其俗犁然一變則聖人之興風動之乎孟氏嘗
謂有王者作其間必有名世者此一時也士豈無以
名世自待具曰有司望之過乎且夫元聖誦讀于莘
丘尚父屠釣于棘澤非不至微賤也一遭湯文則釋
耒投竿舉商周而大造之功加四海澤流無窮茲我
皇上明聖在位鼎運方隆湯文不足王矣然且拊髀
降顏拔沈揆逸思得莘丘棘澤之賢與其理諸士豈

無意乎始其得士之文也其言說便便各軌於道計不須更見其人暨予得士之容也其儀濟濟師師各度于衷計不須更試諸事此無他心竊愛之故望之不敢不過也謂言不足概則叔向之薦驪蔑魏子之舉賈辛不惟其言乎謂容不足符則胥臣之遇卻缺然明之知國僑不惟其容乎至謂言與容可以盡人則雖孔門之徒猶以爲失之宰予子羽其闕然滋惑矣此無他心竊望之故懼之不敢不至也且取士數十人一人爾遇者縣次續食登名天府不遇者返其蓬蒿居焉使遇者之言徒以自媒而卒不爲賴

甌甌洞藁

卷之四十

五

於民社卽蓬蒿之士猶得脩其質而全之比見自媒者之不爲賴也且相與目笑之矣諸士其圖之昔者宋人得寶於梧臺之東周客索而觀之曰此燕石也越人學遠射彎弓仰天而發矢落五步之內諸士行矣射當及遠且使有司者得無若宋人有失寶也豈不爲媿快哉

廣東鄉試錄序

隆慶庚午科

今皇帝御極之四年天下鄉試士凡再舉矣廣東遠在海隅御史某蓋自闕下奉明命萬里馳至而監臨之某等文學官則以禮聘至也闕館旣飭振扞

載嚴百執事莫不惴惴受御史策以襄翼盛典凡三試得士七十五人錄之錄且獻御史謂某當以職事序首簡序曰職方氏紀南粵爲揚粵蓋內之也所從來遠矣夫揚粵負嶺帶海界諸夏以控制百蠻豈非天下一巨區乎無論聲暨唐虞功冒成周卽楚相傳書以往秦郡其地而漢藩其王脩貢入侍駸駸章甫國矣南海衣冠之氣晉人有能望而測之者彼誠謂山海靈秀蟠鬱廣野不當獨鍾異物必得異才應之顧風氣之開也以漸而其盛也以時方唐宋盛時張余諸賢相望眉起功被一世譽流無窮業已彬彬鄒

甌甌洞藁

卷之四十

六

魯至於鴻筆之士鼎甲之臣則莫盛於我祖宗朝某以其時考之尤宜增盛於今日何也應期故也蓋自我

皇祖以及

先帝興教育才垂二百年培養以待

皇上者至深厚矣

皇上又以崇儒重道敦本尚實風之如登極初詔首罷珍異之役表用巖穴之遺蓋粹乎帝王盛節賤珠玉而寶才賢海邦黎獻聞風希聲塗歌而邑頌之矣頃屬窮島巨寇稱警諸澤兵連十郡士至無所息

踵我

皇上南顧憂之爲發內帑金數萬詔遣重臣視師平之有司者始復授戈而講藝焉諸懷鉛刺經之士遂得晏然脫荆棘而就試於有司此

皇上之有大造於粵也夫培養厚則掄用有餘資詔令一則觀聽無異嚮而又出之鋒刃之衝置諸樽俎之序則其戴恩而思報也益奮奮不可遏某是以不假涸靈之測而知得士之必盛於今夫得士非以文也而文則其先資之信也今披睹其文類多明理習事通經術潛乎天人之際而鏡於得失之林述性

甄甄洞藁

卷之四十

七

而弗矯其真譚藝而弗詭於道圖事揆策而皆度於衷某始擊節賞之已而不可勝錄則撫卷三歎曰士盛哉古敷言試功若考德行道藝以獻賢能何以加此雖然某又有聞議賢而下之臣之忠也使士飭其說以自媒而錄士者又止賢其說而不計其實則失所爲議賢之道不忠孰甚焉昔者伊尹就聘數語傅說對揚三篇皆先資也卒之堯舜君民霖雨天下卽畎畝巖穴所自信者以成其信次則杖策鄴下屏語隆中曾不移時而定天下大計及其功烈所就如合左券然由是觀之古人之自獻皆量其能而後言也

辟諸田獵射御貫則能獲禽不則厭覆是懼何暇思獲某不佞敢以忠道自責而以量入之道望諸士諸士其爲伊傅乎爲禹亮乎毋徒沾沾豪舉爲也

貴州鄉試錄後序

萬曆癸酉科

是歲貴州鄉舉士獻書且成某以校役得有言未簡夫貴故微外地無論漢唐在虞夏時僅以聲教暨之

造自高皇帝始入職方爲冠帶之國至今西珥夜郎之域劃焉神臯所從五方豪傑良家子往往屈起乘塞列隧間鬱爲時棟諸蠻夷長鱗集受號役屬外園惟

甄甄洞藁

卷之四十

八

明命是共無所容擬譯此雖干羽不足比德寧鞭箠力哉某嘗誦

高皇帝用夏變夷功在貴爲獨震不自意應聘越萬里親馳其地縱觀其人文則竊歎焉

祖宗建學敷文二百有餘年澤至深厚佩服儒術之士濟濟待用不可勝收大恢拓疆宇開

一代鴻基儲育才賢爲萬世保安長計

祖宗貽謀烈矣今茲

皇上以神聖之資嗣大紀元與天下更始遠人耳目一新士益乘時負其奇應明詔卽一方而天下其

槩之矣夫新沐彈冠新浴振衣從新也雲從龍風從虎聖人作而萬物覩從類也恒物大情非由強合我皇上首舉得士甚盛固宜雖然取士於貴在二百年之前懼其俚而不文在二百年之後則懼其文之過而奪質何也光岳漸分與風氣始開之日其執殊也物勝權則衡殆形過鏡則影窮文奪質則離誠就詐棄樸而取華將不勝其敝昔孔子憂周末文勝思欲抑而還諸質故寧固寧儉寧野蓋激於所偏勝抹之魯人有以薄膳盛之士鋤之器進孔子者孔子悅而受之如受太牢之饋孔子又嘗卜得青大息不悅曰

甌甌洞藁

卷之四十

九

博

貴非正色也吾思夫質有餘而不受飾者也諸士誦法孔子有日矣由所悅釋其所思而察其所必抹寧不足以善其後乎且皇上富於春秋方風夜銳情理道敦本尚實大者詔罷微采詔緩飾鹵簿節約爲天下風曾未暮年教行俗易其於孔子之道蓋默契而躬行之矣頃又特諭羣臣精白恪恭使眞僞不相亂采言官封事詔天下釐正文體羅眞才以充庭實殆千載一時也諸士號脩先聖之術明國家之體豈其無意名實徒以空文稱德意哉某又聞之居不憂則思不遠身不約則

志不廣今觀貴土瘠而物力最侵士伏窮巷率多鬻鬻不克短褐不完甚者不免於負汲無復紛華淫麗之習足以蕩耳目而奪其恒心此其質不易漓也計天下士由文反質以趨於本實之化則貴士其先乎今且入對大庭縣次受秩其母以一日之遇而忘窮巷之所脩毋處脂膏自潤毋扞文罔辱其身毋比周相飾以滋互市毋卑論儕俗以希容毋使文自營而妨公家忠計庶幾敷奏不虛成信爲金石休烈著乎盤盂聲光被之壺鑑豈惟某也敢專承之其在社稷靈長嘉子之賜今有羽玉具劔於此以刺則不中

甌甌洞藁

卷之四十

十

博

以擊則恐自刎與空柯何擇焉夫士有餘於文而無當於實用殆類是矣鑒之

河南鄉試錄序

萬曆

丙子科

今皇帝臨御天下甫四年而天下郡國鄉貢士再舉矣頃中州之役御史寔奉明命臨之業已按故實申約束其自藩臬長貳以及庶官百執事罔不夙夜寅恭翌襄盛典已得士成賢能書某當屬一言曰昔梅福慨選舉之法不足以得當世士鄉疑以爲然今乃知其無當福漢人也狹小漢制有激乎其言之耳我國家三歲一比士昉于周官而以三日竭其

兼才則劉邵有之彼所爲一論道德一論法制一論
策術蓋秩秩今日事而與書德行道藝獻天府者皆
固同然則士患其負所舉耳舉何負於士哉乃中州
之士則有舉之不能盡者才以地傑亦以時盛也夫
翫沙磧而不窺玉淵者不知驪龍之所蟠也習邑屋
而不覩上邦者不知豪傑之所躔也中州中天地而
和氣萃焉其人龍之淵乎按五嶽而崧高鎮其中九
州而豫冀聯其二十五國風而二南以下居其九茲
豈獨以形勝甲天下卽帝王故都聖賢遺蹟披圖不
可勝覽而龍圖龜書神策寶鼎之類則又異靈所鍾

甌甌洞藁

卷之四十

十一

杳妙莫測天之開斯文也千古其一日乎我國家
都燕撫有萬國中州首當其南而承瓴水之執而爲
天下職貢先雖班固頌明堂張衡擬天府未盡也以
故鴻儒碩輔忠臣烈士類多代興其鄉風業光美先
後爲國家重

今皇帝又以神聖之資履熙洽之運稽古敬學明日
達聰日親師保大臣脩舉

祖宗朝實政 明詔屢下黜席天下真才與之分猷
共理諸士裒然起中州雲蒸霧合嚮用

聖明之世其視四方之選爲盛豈偶然哉然予猶謂

舉士於中州誠易而士不負所舉則中州爲獨難蓋
中州造自羲禹湯文而伊傅周召所嘗經營者也其
道不泯故其風足以興人於千百世後無論見知聞
知卽有待而興亦豪傑之徒也猶之粵無鍾夫人而
能爲鍾也燕無田夫人而能爲田也爲中州士者不
已難乎今數聖人遐不可望矣士有賢如仲山甫國
僑遽愛其人者乎得一二輩以應

皇上黜席之求固無異圖書再出而鼎筴朝暮見也
才難不其然乎且士有先資必有成信用士有敷言
必有試功尚父不曰有馬其狀如驥天下之至良也

甌甌洞藁

卷之四十

十二

然驅之不前却之不止左之不左右之不右則臧獲
雖賤不託其足夫馬不能欺人以駑良而士之名實
可知已今士以文遇有司有司亦卽以文之名遇士
一日受事則 朝廷之所委者實政而其所急者真
才也士自度苟非其真雖日口實數聖人爲名高而
其究曾樊侯鄭衛二大夫不逮焉其下者于澤自潤
無所賴於公家扞文罔而已安在其爲中州士乎故
園丘之器不玉明堂之木不琱貴其質而有用也石
曰千里不可耕象人百萬不可使恥其多而無用也
夫士許國在今日而自許乃身亦在今日故敢以名

實之義申告之

廣東恩貢錄序

督學大夫余公選士嶺南得五十五人克思貢屬郡
邑長吏爲勸駕且行大夫以貢籍授予序其事予惟
今天下郡邑歲獻貢士於 天子古之制也恩貢
則

聖天子待士異數比年

聖天子登極下 明詔與天下吏始無論蠲租肆赦
罷不急之役裁不經之費使民得優游卒歲卽士得
優游卒業及夫召用者舊搜舉遺佚束帛載道弓旌

旣翫洞藁

卷之四十

十三

蔽野使才賢無播棄士益知所嚮風是

天子之恩遍天下而士固未嘗獨遺乃復用言官議
令天下於歲獻之外郡得貢二人邑得貢一人不惟
其年惟其才嗟乎

天子遇士厚矣故事貢無錄今錄之昭異數也士思
所以報

天子恩乎夫特達而知者千載之一遇也循名實而
舉者衆士之常路也趙孟以老人爲絳縣師漢獻帝
詔科罷者聽爲舍人非不恩也然止哀其貧且老耳
非誠才其人而用之田先生有言騏驎壯盛之時一

日馳千里及其衰也驚馬先之晏子亦曰爲地戰者
不必成王爲祿仕者不必成政然則士貧且老而後
見收於上介一命以畢其平生豈初志哉今諸士以
壯盛之年被特達之遇抱咫尺之藝翹然踈儕類而
上之其進也登名 天府遺跡朝紳乘時以行其志
有餘地焉其視爲日暮途遠計者畔若天壤矣故蒙
非常之恩者必有非常之報大夫以人事君屬望諸
士豈其微乎昔者騶桑飢人爲趙宣子倒戈禦徒曰
報簞食也而不言其名中山君以一壺餐得二士卒
爲之挈戈從死彼其恩至微細而食報乃爾況受

旣翫洞藁

卷之四十

十四

天子之特恩者乎卽齋田貢身不足稱大士其益脩
先聖之術明國家之體惟

天子使毋擇官毋愛力苟利 社稷死生以之蓋身
任天下之重非止於貢名庶幾不負恩也如以脫迹
膠序爲幸庸違其先資之言卑論儕俗游媚富貴以
厚殖其私而秦越天下人之肥瘠此殆視

天子之特恩曾不簞食壺餐若彼爲日暮途遠計者
又得從旁目之豈諸士安乎卽又豈大夫所爲錄士
意乎大夫曰茲不獨告嶺南生矣

廣東武舉鄧武舉序 廣德張年科

得便宜行之又非止伏波之權也士乘茲時猶不能執干戈以衛社稷使封豕長鯨復得一逞曾外臣不若乎夫猛虎之猶豫不如蠶蠶之致毒騏驎之踟躕不如駑馬之安步孟賁之狐疑不如庸夫之必至殆是之謂矣且試汝騎則馳騁銜檄追風躡電能也校汝射則湧躍攷鞬穿札中技能也進而與之言兵事則師法尚父左右孫吳將衆將寡用正用奇亦自謂能也然騎射一人敵言兵事多襲博士語無奇諸生豈即以此爲長城而當百萬師乎昔者晉文公不畏楚兵百萬而憂于玉爲將班超有言魏絳爲列國大

甌甌洞藁

卷之四十

十七

夫尚能和輯諸戎況臣奉大漢之威而無鉛刀一割之用乎夫得臣之爲楚重與定遠之自重於漢蓋必有所恃也豈汝諸士卒不能爲越有無哉予未之信矣錄成御史屬予併序其事以申告諸士姑不爲高論云

貴州武舉鄉試錄序

萬曆癸酉科

皇帝卜曆億萬年自今伊始而所與共保此則天下文武士也今天下興圖廣矣詔舉文武士雖黔中不以鯁隅見遺豈不謂瘠土之人多嚮義哉侍御薊河楊公適按黔業已舉文士獻書南宮茲復羅武士

而精求之得二十人將薦之大司馬屬有司遇以賓興之禮某寔在事當有言言曰國朝令甲率以孟冬之月試武豈無義哉天地肅殺之氣應自孟冬古者天子是月始裘命將帥講武肄射御角力及至日乃閉關養兵嗟乎茲令甲所爲順天地之紀而脩明堂之政也可不謂重乎黔故在荒服日尋兵戈虞周所不及賓秦楚所不能撻漢遣唐蒙費耗萬衆曾不得與夜郎通諸葛武侯深入禽縱行營七星關使南人稱天威壯矣顧僅假羅甸王王其長而卒無以制其命蓋險阻可憑巖然一偏國其勢足以絕中土而

甌甌洞藁

卷之四十

十八

自葆微我

高皇帝神聖孰混一之駟驎介而實以衣冠翦苜蓿而擗以郡縣剗若落而制以控弦戍守黔固

高皇帝新造古未有也二百年來士習于文而恬于宴安不復知其爲用武之地猝有緩急材官幾不勝介胄良家子有鼠首匿耳會

今皇帝即位銳情易宇內而守在四夷四夷莫不交臂受命無論何奴輸款日出貢琛而開梧多顛始禍之首又皆一鼓而靖乃

皇帝猶不以爲無虞日敕大司馬選將詰戎完塞

借邊惓惓示天下以桑土牖戶之思以故天下無一
隅不講武黔之士於是亦多超距思奮者矣頃中丞
蔡公肅將

天子明威拊循茲土屬羅夷反側一歲中三討三克
之不管若鷙鳥之擊所驅而戰者不爾材官良家子
乎何前怯而遽勇也其有以鼓舞之則士氣以國
運爲強弱也故曰民無常勇亦無常怯勇怯虛實其
由甚微信矣夫

高皇帝以戎衣定天下故不得不綏之以文文之久
而武備弛故

甌甌洞藁

卷之四十

十九

秦

今皇帝不得不講武以翼文而弘中興之烈爾諸士
生用武之地而又遭遘盛時徵侍御公推轂之力遂
得脫迹平伍與天下懷奇負能之士角藝於澤宮而
借籌於畫室上者秉旄鉞衛社稷揚威萬里顯名諸
夷其次建旌提鼓宣力靖封疆又其次亦不失爲驍
騎偏裨咸得分壁陳師畢智勇以自見卽二十人無
不一當百予猶歎取數之不多也雖然奚取其多也
千羊之皮不如一狐之腋楚有子玉得臣晉文公爲
之仄席而坐趙有廉頗馬服強秦不敢窺兵井陘漢
有鄧都魏尚匈奴不敢南鄉沙漠彼豈以多見憚得

一士勝百萬師所足爲恃者重耳藉第令卒業一人
敵讀父書剽襲博士語而無當於干城腹心之寄焉
能爲有亡哉予又聞古語云欲得力士而使之自言
雖庸人與鳥獲不可別授之以鼎俎則能健效矣今
諸士自言無不一當百寧有羽視鼎俎者出乎使天
下之人稱之曰黔不獨有餘於文也予始快矣

貴州武舉鄉試錄後序

萬曆癸酉科

是歲孟冬月幾望侍御楊公遵制闢武科求士旣
得士成錄屬國倫序其後予惟古者命將出師受成
於學文武弛張其道一也後世間置武學于武成王

甌甌洞藁

卷之四十

二十

秦

廟蓋竊比於文學之祀文宣王云乃其經制未弘旋
置復議罷或曰不習孔孟不聞道不習孫吳不知兵
置之便或又曰古名將非嘗專習孫吳罷之便嗟乎
何所謂弛張一道大謬若是哉夫丘井之民可使得
志於蚩尤兎豨武夫干城腹心在焉非必由學然寓
兵之令整旅之威風之者豫矣借可挾孫吳之術而
廢孔孟之學雖用兵如神亦椎埋鬻繪之徒乘時赴
功名者耳安足武哉明興監于前古京師竝建文武
學而以天下諸衛士良家子屬郡邑文學官領之頃
又采言官封事救督學臣歲課其藝而上下之達

於夏官尚書以爲辨才授事地國倫不佞以

聖天子登極之年奉 命領黔中學寔始承德意兼

臨諸武士居恒慨武教陵夷思欲一振而無其術卽

介胄不樂聞俎豆之事而予又不能舍所願學庫其

論以就之會從侍御公關士于場不下數百人攘臂

而前予觀其纓滕綴組挺鉞指鐸簦笠相望勃有戰

色是時五步之內皆同仇百步之外皆敵國也逮夫

射侯旣張馬足旣齊搏銜挾轡挽彊脩綴以金鼓爲

進退有捷而飛鞚絕塵者矣有健而沒鏃飲羽者矣

有巧而穿札嚙鏑者矣有罷而憤馬蹙堦弦潰而矢

旣甄洞藁 卷之四十 三

躍者矣於是去者半其明日步試之去者過半又明

日釋弓矢而使射策陳兵家言侍御公申令諸有司

曰有若借箸籌安危杖策規攻取者智士也有若畫

地爲軍陳聚米爲山谷者策士也有若願試屬國繫

盟于請受長纓縛南越王者壯士也辭卽少文收之

有若綠丹書以誓師用仁義爲節制雍雍乎帷幄俎

豆之風者國士也亟收之然無幾也未盈二十人而

其羣空矣士之入穀難哉予猶謂其微於社稷之靈

而侍御公之器使之也夫射男子事兵家言介胄世

世習之辟則耕以耒耜織以機杼卽襄然處此等何

豪所貴說詩書而敦禮樂事上不二心臨敵不變

成功不言勞庶幾侍御公所謂國士乎古有談劍術

者至云沕穆無窮變化無象相離若蟬翼尚在眉睫

之微而猶曰此善當敵者也未及乎折衝未形之前

者也夫用兵若劍術神矣而猶有所未及予謂學必

先孔孟者豈以孫吳不知兵哉孫吳誠善當敵而折

衝未形則孔孟之道之所以爲大也卽諸士自念挾


一技孰與劍術神遂可足已不學而委文武弛張之

說爲不切事要乎夫世無自直之箭自圓之輪然而

人皆乘車射禽者櫟括之道用也予於諸士以職事

旣甄洞藁 卷之四十 三

得用其櫟括如此將無以爲老乎



旣甄洞藁卷之四十終

甌甌洞藁卷之四十二

武昌吳國倫著

齊安王同軌校
新安方尚贊校

序十四首

福建文舉齒錄序

嘉靖甲子科

是歲閩士之舉也余寔奉 命猥臨之故事賢書既上士得別爲錄以敘齒錄成來謁余言余因進而告之曰鄉尚齒禮也卽士相見禮有不可廢矧同閩產又同一日舉其爲是錄意不良美哉夫士脩於家俛首下帷託足不踰環堵與其鄉之人曾未有總角之好左右之容及試於有司則又攘袂抽毫爭爲曼辭甌甌洞藁 卷之四十二

以相雄視其鄉之人不啻若巨敵在前蛾眉竝御迺今接塵而遊驪若平生先齒尚讓退然不有其賢智已又申久要之盟結縈紉之雅書名書世書里書昆季孳息固將人歸於好而世世脩之勿替然則士之爲交豈必有夙昔以技相雄而卒以禮相下如是蓋信乎遇合之非偶而應感之起於機也何者聲應氣求各從其類人物之大致也故龍興則雲豹變則霧風疾而鵬舉候至而蟲鳴皆非有以彊之攀鱗附翼之士奮述於

獨闕爲然余於是役竊有榮焉所不能爲士釋於慮者則謂大同之道非以迹耦而貌親也揆於理而善用其情情有所必致傾蓋白首如一日理有所不詭獨立共濟如一身孔子所以稱久敬爲善交而繫睽之象則曰君子以同而異夫異者所以能同而可久也故夫五聲異而成樂五色異而成文五味異而成調士不比周趨和而後能釋私圖以遵大道固有各持其議而同乎布公各秉其尚而要之歸潔者迹相反而實相成也藉令無以相成則連輿接席渺若異域游揚借譽終乎造譽豈所以語大同之道哉昔者周公攝政召公疑之作君奭君陳周公乃稱湯有伊尹格于皇天召公乃說夫其疑也何以異其說也何以同余與諸士居則師法孔子出期不負伊周卽所稱說大同之道豈諸士樂聞乎至如翟公署門孝標著論蓋激於異態而指人情爲太行孟門勢有固然余不欲爲諸士殫述矣

廣東文舉齒錄序

隆慶庚午科

余與有司舉揚越之士七十五人業已具賓興之禮獻書南宮矣乃諸士退而惇序尚讓別爲齒錄以紀其經術里居及夫家世見凡較然有第蓋遵伯仲之

訓不欲以藝能相甲乙意至厚也錄成有謁于予
因進諸士申告之嘗讀左氏稱祁奚能舉善曰惟善
能舉其類及孟軻氏則又謂一國之善士斯友一國
之善士天下之善士斯友天下之善士由此言之與
善與友善其則皆取諸身也而可以聲音笑貌爲哉
予不佞何修以逮祁奚顧士且舉而不以天下士望
之又豈予心夫善無廣狹惟吾所詣友無衆寡惟吾
所因故詩云惟其有之是以似之彼其比肩千里日
暮古今蓋所謂有之者也苟非其有則總角之好不
必終而胡越起於樽俎者不少矣今諸士產同國舉
甌甌洞藁 卷之四十一
同科而又脩通家之分以講於世世卽七十五人惟
一心殆松柏不足喻日月不足誓也持以友天下奚
難焉而予又何過計乎所爲惓惓則有不能概於中
者昔人論世之治也君子小人刑善不爭及其亂也
君子小人爭善無禮夫刑善同歸於善爭善同歸於
不善是故理亂之機伏焉非細故也百僚師師多士
濟濟虞周之盛蓋萬世所嘉樂而謂不可復覩者而
諸士以一日當之彼豈誠絕德哉且上既離疏釋躋
登用有階由一日悖讓之忱以要諸終身由七十五
人刑善不爭之義以風乎天下日與天下士集思廣

益以共翊

明主入則同心啓沃出則畢力經營垂光虹蜺流聲
竹帛豈惟不負所舉卽社稷靈長有嘉賴焉此又可
以一鄉一國之士論耶若其貌親而實違初許而終
背陽諛其能而陰持其短傍伺其釁而汚蟻以中之
此則市井之薄道而人倫之慚德諸士必不爾類也
至夫緣飾游揚比周賓正卑疵而前纖趨而語相導
以勢相引以利迹雖近厚亦曾連所慨權貨交非大
同之道也又豈足爲諸士願乎風土記越人性率朴
每封壇定交祭以丹雞白犬盟以上下四方今諸士
甌甌洞藁 卷之四十一
蓋不假此矣使初終情僞之間一有未之能信曾鄉
人不若也何以稱天下士其識之

貴州文舉齒錄序

萬曆癸酉科

今天下執圖經而談方岳者莫不廣內地而隘黔以
爲黔故蠻府不足以當諸行省之一隅是何闇於天
地之大觀也必若所謂將梓柯未變服而夜郎猶遠
人耶夫黔自新造二百餘年所不備者職貢方物耳
而士之貢名于 朝者業已視諸行省有衆寡而無
低昂非復以狄獯象譯通也至論萃五方之英發千
百年山川之藏氣而冠冕俎豆鬱然成都庶幾於兩

畿鴈行焉才豈畫地而生哉不佞產畿邑仕爲

天子耳目臣習見五方貢名之士不少矣異時其託交也有情有不必情而其致用也有濟有不必濟此又有所從來非以地爲廣隘語云百不爲多一不爲少則閱世之繁乎茲有司舉黔士不佞寔猥臨之以文文同以揖遜揖遜同兩畿諸行省何加焉夫談者之監黔談者之不廣也士亦思所爲自廣乎今夫冥鵬搏扶搖而上九萬里蜩與鸞笑之曰我決起而搶榆枋奚以九萬里爲神鼈冠蓬萊而遊滄海羣螳往觀之曰彼之冠山何異我之戴粒此廣與隘之形也

鹿麕洞葉

卷之四十一

五

鹿麕

者題千金然天下有千金之馬而無一金之鹿者豈賤真而貴似哉馬爲人用而鹿不爲人用也故士不務自廣以適於用徒欲改其故以徇人何異乎千金之馬而化爲鹿哉適諸士以齒錄請序不佞竊有意焉因述此以廣之

貴州文舉齒錄後序

黃曆癸酉科

鹿麕洞葉

卷之四十一

六

鹿麕

有司舉明經黔中得三十人多予所收異等士士方以賢能書爲名高已乃折節脩年結同袍之分申久要之盟爲錄謁予敘予所睹於三十人者又稽稽翊翊若是人相驩家相睦也因告之曰子見置社者乎攜擲而築之端冕而祀之夫社非攜擲不成社成而不敬祀之卽神不爲賴予於諸士寔類焉今諸士哀然起經術爲公家用殆予端冕時也嘗聞祀社之言曰穰我稼毋以饗汙蕃我殖毋以罔隧毋曠毋潦毋螟螣蠹賊庶其粢牲以時享不則八蜡不脩焉用社此爲其井里祝耳士出而受天下事天下之責備焉非獨井里人望之也其將視天下一井里而俾之人相驩家相睦乎則何以稼殖之無寧曠潦之螟螣蠹賊之已乎夫井里天下天下士也其道在和而不同孔子有明訓矣又謂三人行有善有不善皆我師也

況三十人乎夫心師其人而從善改過由已是和而不同乃所爲大同之道也持大同之道以往天下有一善與從之有一不善與改之安見三十人隘而天下廣乎藉令以耦跡爲同則三人人耳三十人人耳同疑植黨異疑離羣又豈能強天下之衆而與之貌合哉故夫自多其賢人得以缺撻之自智其計人得以敗窮之自勇其斷人得以難概之進或壅塞退或距違茲異之過也若乃舉小善而養其巨慝就細娛而遺之深憂急近名而損其大志比周以市尊游談而賈重茲又同之過也是以聖人貴和黜同異而執

龔龔洞藁

卷之四十一

七

其理不務獨行以違衆亦不與一世同波流惟吾所從違舉錯天下見以爲是不加信天下見以爲非不加疑要於當理耳予不佞諸士猶以一日之長北面事之故所患不在長幼之不序也其早辨於和同之義毋爾硜硜然從井里人刻木爲信哉

廣東武舉齒錄序

隆慶庚午科

頃予從御史臺錄武士海上得三十人上其書大司馬矣已士又自爲錄先齒尚讓蓋人人自喜云予亦聞而喜之爲御史臺得士也士因謁予序其事序曰竊聞得其人如聚沙而雨之非其人如聚聲而鼓之

謂言之人人有難易也予結不暇遠引請得以士所素習喻焉昔孔子射於矍相之圃觀者如堵凡三延射其初去者半入者半其再去者半處者半其卒勵有存者諸士之入彀也殆所謂勵存者與嚆嚆亦難矣方御史臺試士設侯羊城之東重溟在前五嶺在後白羽若月赤羽若日士之奮臂攢纓而聚者千餘人已乃中令齊馬足金之使進鼓之使退莫敢不用命已乃擗銜抉轡鳴弦發鏃曾不須臾鏑隕如雨矢叢爲林士相視其誰非敵國耶然以騎命中十之五以步命中十之一逮釋弓矢而射策則三十人之外

龔龔洞藁

卷之四十一

八

無聞焉嚆嚆亦難矣夫弓備六材矢脩八法然後能射至於成射則以三揖三讓爲節卽校藝而禮教行焉文事武備一而已矣故孔子又曰吾觀於鄉而知王道之易易也今諸士以角射始事而以禮讓終之使在矍相之位豈聖門之所棄耶雖然其在矍相之位則皆好禮不變稱道不亂者也豈夫喜名折節謬爲恭敬者所易居哉士其繹之居恒以信義相許臨事以謀勇相濟毋規便以殖已毋倖勝以自功戮力公家樹勲疆圉庶幾不負茲舉也而錄與不朽矣否則過里下車過喬木而趨一壺儒能之而士奚以德

色爲昔者楚莊王好獵謂其大夫曰吾獵將以求士也其披榛藋刺虎豹者吾是以知其勇也其攫犀搏兕者吾是以知其勁有力也罷田而分其所得吾是以知其仁也因是道也而得三士焉夫射獵足以得士爲其仁且勇也今使萬敵在前猛如虎豹犀兕士能持挺以制之卽矯矯稱絕力予猶以爲無豪至於罷戰論功無忘先齒尚讓之義則國士也竊爲諸士願焉

蘇門集序

高子業仕爲按察使卒於楚其友陳約之嘗梓其蘇
甌甌洞藁 卷之四十一 九
門集以遺楚人後二十年門人亢子益重柱於梁顧
在楚者楚人人傳之在梁者卽搢紳大夫不多見蓋
亢以梓歸諸其家屬其家窶匱不能守至爲子錢家
所籍匿不傳者幾二十年予再至梁始謀諸陸道由
贖之得復傳嗟乎子業庶幾不朽哉中州談藝之士
率謂子業與七先生後然自獻吉仲默而下難乎鴈
行子業者乃他日子鍾稱詩而求多於文獻吉評文
而求多於詩卽二說並持而瑕瑜固不相掩矣吾友
徐子與鄉爲汝南太守時蓋嘗登平臺謁唐三賢祠
慨然興嗟曰高常侍與李杜齊名一時之遇也獻吉

仲默並策上駟而馳中原高子業雖駟駕第緩轡後
至耳且皆中州名產於三賢豈有古今乎業已上記
蔡中丞請得增祀三子爲六賢從之而卒陰沮於里
中人罷子業而入李何爲五賢祠云予觀李川父所
爲五賢祠記自中州七先生外猶有不勝其耽耽者
而獨置子業勿談嗟乎子業之不過身後且爾士之
相知難矣而又奚責於子錢者流哉道由曰茲集再
傳子業不必以俎豆重微子則玄珠沈矣誰可使象
罔得之枯桐旣變當索諸棄灰之衢耳願序其事以
爲後徵序成則灌甫宗正又爲李子中氏留意焉予
甌甌洞藁 卷之四十一 十
將嗣圖之矣

賀宗正灌甫先生六十壽序

是歲夏五灌甫先生年六十適拜 新命爲周王府
宗正國人榮之其友吳子曰予交灌甫垂二十年其
初聲相慕謂灌甫博學工文辭爲諸宗冠知灌甫未
深也久之乃知東平孝友河間經術鄴下兄弟文藻
灌甫蓋兼之其後交益深而灌甫亦慨然以國士相
許頃予以叅政來守大梁會今

上開明聖緒篤念親親 詔下諸王國各舉宗室之
被服儒術而有高行者一人爲宗正以掌王教合諸

宗之子弟而督誨之使治博士家言明習禮樂備職
官用於是 周王以下諸侯王與藩臬諸大夫莫不
賢灌甫而共薦之兩臺使遂以灌甫應 詔詔可其
議建宗學條上宗學事予適從諸大夫奉末議焉議
上大宗伯疏以爲功令下宗正行之梁士人莫不相
慶謂周官之政復修異時王國多才賢其自周始夫
宗正周官也所謂選宗中之長而董正之者也漢官
儀近古宗正猶得與大政若定冊皇子位封建宗盟
雜治詔獄類以保傅侯王行宗正事用之何重也乃
其用或以長老或以明經或以仁孝忠直非其人弗

瓶甌洞藁

卷之四十一

十二

輕授若灌甫可謂不媿其官而稱 明詔矣卽不及
于政不得與漢保傅侯王之在事者比肩然

上方幼冲勵精復古制異時宗學之教成王國之才
賢稱任使安知同姓之卿不有如彤伯之入周爲宗
正魯侯孝之命于夷宮而導訓諸侯者乎有之必自
灌甫始也夫以灌甫其才又習於遺訓而饜於國家
故實四方學者爭下之鄉也位不及列侯祿不過中
二千石凜凜守繩墨曾不得緣一職以自效乃今行
年六十一應 明詔遂得用其學爲諸侯王弟子師
而董正齊一之諸大夫贊其成宗有司受其約不可

謂不遇也而予猶以彤伯孝侯望之蓋知

主上求賢親親敬事耆老德意方未艾卽灌甫必欲
大用其學其惟此時爲然哉客有曰灌甫嘗業彭聃
家養生善內視以自固其形神爲國難老其於用世
與不用於世澹然耳噫嘻古之所謂能用一世者皆
澹然者也其說在襄野童子答黃帝問治奈何不宏
覽乎客唯唯而退灌甫之子伯榮聞予言而說之因
請以爲乃公壽

許氏家傳序

昔蔡中郎自謂銘人多矣而獨無媿於郭有道碑蓋
瓶甌洞藁 卷之四十一 十二

其人足以當之也今之作者類好浮譽人而不顧其
安卒亦無所用媿乃吾友王元美之傳許長公則庶
幾信史不啻如有道碑云夫長公蹈隱約而躬行仁
義孺人又能寬長公於貧而佐其施此所謂表褐之
行不出閭巷而千里之外誦之者也且卒以其子維
楨顯竝受 勲封於朝而改樹其墓道榮矣乃維楨
年踰五十貴至大司成猶日不勝其南遊之感思有
以表章之由元美以遠諸名家莫不孝維楨而益誠
其二尊人賢也爲狀爲銘爲表爲誄爲詩歌咸若涕
泣而道焉禮曰知生者弔知死者傷備是矣維楨

珍之因彙爲一帙題曰許氏家傳頃寄自京師屬予敘嗟乎嗟乎維楨之感深矣夫哀未盡而能斷之以禮哀已盡而能引之及禮皆孔子所與爲君子也孟氏亦曰五十而慕於舜見之維楨方脩孔孟之學爲天下儒者師而備天子顧問固自其二尊人遺之矣卽歸令名二尊人何媿哉

賀尚寶卿汪先生七十壽序

往予造汪先生則塊焉居雋水之涯面七峯云海內學士大夫稱七峯先生蓋非傑其地也初先生以家

龍龕洞藁

卷之四十一

十三

陳朝

學起進士歷司徒司空卽稍遷內卿爲世宗皇帝尚符璽出入禁掖殷殷負公輔之望矣顧獨博藝好古抗志獨行而不能熾趨卑疵以游媚富貴旋爲忌口所螫出補郡非久又飄然納綬去之雋水之涯居焉今且二十七年而先生壽七十矣語云力田不如逢年仕宦不如遇合先生遇而不合不合則去出處之分已明乃先生所以傳聲實不朽者則猶有所託而遇合勿論矣夫言不用而自文以爲辯身不用而自飾以爲高彼其迹雖近幽而中實不免有介管仲父所謂非名之則利之也如其名且利之

龍龕洞藁

卷之四十一

十四

陳朝

未忘則毀方剝廉焉往而不遇合而又奚用飄然納綬爲卽止足之義安在也先生蓋自縣興以來躬鹿門之操希漢陰之風言不及世人足不履城府掩關抱虛坐臥萬卷翱翔乎述作之林寤寐乎義黃之世以故神靜而獨完年至而不杖卽安車束帛曾足爲先生重哉頃得先生所著端居賦與七敘讀之益知先生有微尚焉世多皮相之士未必盡識也夫天下有至貴而非勢位也有至富而非金玉也有至壽而非歲年也知其所至而超焉於其所非是至人也惟至人爲能知止知足而自行其意故口不言而聲薄

西遷注序

古稱大夫之才登高能賦豈其以車轍馬跡周宇內而後爲瑰奇哉卽述征紀役從其耳目所經山川人物與夫遺事逸典咸得憑軾引毫而囊括之列在藝文竝爲士林珍豔乃其大致則羈臣戀國逆旅思鄉游覽外恣憂憤中迫激於其所不能堪而發於其所不能自禁至今讀之愴然有餘悲焉所謂怨而不怒哀而不傷其庶幾矣予友張羽王氏所爲西遷注則尤有進於是者羽王蓋自舞象之年以博雅起西粵顧一第以往竟挫公車入仕輒軻垂二十年曾不得

既觀洞藁

卷之四十一

十五

三

黔其突頃歲由吳郡召爲京兆別駕海內士莫不爲羽王彈冠無何中飛語禍幾不測賴

天子仁聖以微罪貶蜀之利州利州去京師幾萬里又官卑資薄不能從其家乃寄家京邸單騎而西披蠶蓼陟鳥道而後至蓋有穆駿所不及馳而驚節所不必通者此之爲境何異投魑魅而與猿鳥伍耶顧羽王益得藉是役以肆其情曾不少望如注所稱引賦頌圖經裨官野史及諸金石之文皆不挾一書而抽諸腹笥應之多所解流俗之疑證載藉之誤無論

言事要而足爲經世資也嗟乎羽王何負於人言哉

謂行旅無聊姑爲此以抒其憤悶又何其迹盡派哉予固知羽王由博雅而進也故曰通乎德之情則孟門太行不爲險嗟乎羽王豈易知哉太史公謂呂覽傳於徒蜀韓憤作於囚秦蓋自道之微旨也乃羽王自道又不然予故敘其書而授之梓以俟職方氏采焉

楚遊藁序

御史大夫陳公孔震頃被命部楚入境甫三月業已布功令宣上德意修文講武均賦恤饑爲保障計勤矣顧吾楚爲公舊按地物力民隱與夫政令便

既觀洞藁

卷之四十二

十六

三

宜皆不假諮詢而坐筵之又楚人敬信公不啻若神物諸可不令而行故其政愈勤其機常逸得自公暇爲詩歌若干篇以自詠其情志命之曰楚遊藁州牧楊仁甫氏謂吳子可與言詩因請其副以視之吳子竊讀而心喜焉夫詩以情志爲本以成聲爲節此辭家言也而猶有所不盡言蓋古有采詩之官用能陳民風布王澤班孟堅亦曰古者諸侯卿大夫交接隣國以微言相感當揖讓之時必稱詩以喻其志故季子觀樂知列國之風孔子刪詩存王者之迹嗟乎詩之爲教大矣哉今觀陳公諸詩其於君臣父子兄弟

朋友之間意何肫肫至也而其登高望遠感今懷舊語又何冷冷悲且婉也豈其以古道稱詩而卽以詩道風我江漢之民乎昔潘岳誦夏侯湛詩而謂別見孝悌之性阮籍讀張華鷦鷯賦而歎其有王佐之才二子庶幾知言哉予卽非其人而公之才性固得緣詩槩見矣或曰公重臣何至取當於詩茲豎儒飾說也公卽不以詩重將民風王澤無當於世乎夫漢臣之賦柏梁也竊附於八伯之後也虞八伯之和卿雲也神游於八閩五弦之前也考漢制御史大夫與大司馬丞相並重武帝柏梁詔曰有能爲七言者得上

旣甌洞藁

卷之四十一

七

旣甌洞藁

坐今茲明良喜起千載一時非漢比也而公又於諸體兼擅不啻工爲七言其能鳴重華之盛而追葛天神農氏之遺風蓋可延頸望矣雖謂公與詩交相重不亦可乎而又惡得以辭人之旨爲公涵牛鼎也不學詩無以言信矣信矣仁甫聞予言而領之因以爲楚游藁序

贈蒲圻胡大尹考績序

蒲圻爲武昌右部邑故多賢豪予故人子張弼卿之舉明經也則邑侯胡君寔先物色之頃侯以考績被薦當遷邑人思借留而不可得迺因弼卿走下雒謁

予爲贈言予惟問善御者莫如馬問善治者莫如民侯治蒲何狀乃爾見德弼卿爲鼓掌而款述之蒲故無城城蒲之役侯肩之而邑人皆難之侯下令聚長老而謀曰夫城以盛民也睥睨以伺非常也邑界江漢閭爲車騎四馳孔道徃來符之寇嘗操戈入市而累巨家虞候亭長曾不及問若屬有鼠首竄耳前監未遠今豈外戶不閉時耶凡今之來爲奉職安若計非欲攘若力以自樹怨也其熟計之邑長老遂皆蒲伏稱便侯乃相土方仍溝洫規工慮材奏記兩臺諸監司報可於是邑人之操畚挾杵踴躍而趨事者不

旣甌洞藁

卷之四十一

十八

旣甌洞藁

待令未數月城成蓋屹然楚巖邑矣已乃飾樓櫓繕器具以峻內防驅游民肅行徼以杜外虞無論巨家中人產無不高枕而臥者侯又筴長老所患苦不能自達者十餘事條上兩臺諸監司一切得便宜興革之已又教民疏渠爲陂隄木石爲堰提閘廣溉自是曠潦不災而流徙日益復業已又平賦均役禁吞併剔藏奸保安善良不畏強禦已又新學宮置學田以其餘日引學官弟子講授經術而手校其藝文以鼓舞之其以明經舉如諧者遂數輩倍於往昔昔人稱吏治謂視民如子以國爲家所居民富所去見思侯

其有焉其它善政固未易更僕數也予竦息而歎曰
予初聞侯之城蒲用嚴也而顧能以愛終若是哉夫
政非嚴不斷不斷則無以懲玩而究其恩爲蒲惠不
啻無城矣故子產以嚴聽鄭孔子曰古之遺愛也諸
葛武侯以嚴治蜀蜀吏民畏而愛之侯其遵是術哉
乃邑人之不免於難也則其智不足與慮始也夫剔
首割脛嬰兒之所苦也然而慈母必犯其苦而爲之
誠欲遺之以安不忍以姑息愛也由茲而談嚴慈豈
有二道哉夫侯城蒲而蒲治且多惠政蒲長老固恨
得侯晚也侯何患不坐致公卿哉

甌甌洞葉

卷之四十一

十九

天齋子樂府自序

天齋子吳國倫曰余初爲近體詩久之見以爲亡奇
取古樂府篇詠而目擬焉積十餘年舊業屢易曾未
敢出尺牘以示人蓋度抵掌效顰非其似也頃臥海
濱好古癖滋甚乃蒐諸亂帙稍稍更定銓次成編雖
不足以被金石感鬼神乃私心好之卽時時諷誦之
亦有不自知其手舞足蹈者又未易示人也夫鍾期
師涓千載一遇至於耽新聲而厭古樂進竿而退瑟
則曰暮比肩也豈天下之耳有不同哉此其趣舍大
較難言矣姑以藏之家笥而識其端如此云

陳在璞詩序

初予從陳道襄侍御所得在璞詩讀之竊歎嶺海之
多奇而憾不遽見其人道襄曰吾弟也自結髮好古
抗志爲唐人詩諸嶺海間稱詩家若黎惟敬歐楨伯
之儔蓋嘗招入社中因授之前茅而鼓翼之久之吾
弟詩益進而社中之人隱然一敵國矣然卒用是厭
薄舉子業不治輩輩起孝廉爲文學官將藉以縱覽
高山大川而嚴事諸名家以益其才而畢其志使得
微天幸與公等遊彼豈直沾沾爲唐人語哉未幾予
有北行遇在璞于鍾陵道中與之談竟夕不能別若
甌甌洞葉 卷之四十一 二十

有以厭其意也又十餘年在璞累遷爲永郡丞而其
所著詩益富業已爲門下士竊傳之而膾炙諸詞人
口矣乃在璞鞅鞅不自信走書二千里外問予山中
且屬之序予閱其詩凡五卷諸體稍備大都習風雅
之微旨以自潤色其才情卽才有所不必竭情有所
不必流然率吐真幹奇誦之無不冷然中竅蓋所謂
寧拙而速勿巧而遲也視鍾陵夜談時何啻一日千
里哉昔風胡子有言五色相勝非寶劍也擅名非寶
劍也夫相劍至欲不有其色與名精矣而詩之爲道
其亦猶是乎在璞之爲詩二十餘年而鞅鞅不自信

以至於今如一日其志將以求精也且申之曰得子
一言余將棄余丞以歸嶺海間從吾所好惟敬氏蓋
先登矣此其志不精不已也卽惟敬又安得以此詩
盡在璞哉

甌甌洞藁

卷之四十一

三十一

甌甌洞藁卷之四十一終

甌甌洞藁卷之四十二

武昌吳國倫著

齊安王同執校
新安方尚贊校

序十三首

送蒲圻尹王侯調治江陵序

王侯尹蒲圻且三年政成而民戴之日皇皇焉虞其
以秩滿遷去會御史大夫王公侍御史朱公察舉侯治
行爲楚令尹第一且曰楚之邑大而難治莫如江陵
請得移蒲圻令令之卽他日江陵一蒲圻也 詔曰
可王侯且行其故人吳子竊在鄰壤聞之曰茲豈獨
以侯賜江陵母亦用江陵布侯才耳蓋兩臺使於侯

甌甌洞藁

卷之四十二

三十二

有特達之知姑藉久任歷試之使投艱理勞遊刃有
餘力侯勲業聞望殆由茲日起哉或曰邑不倍地令
不增秩於侯何加焉茲聞於故實而不知所謂歷試
何肯也請以漢事爲喻史載召翁卿初補穀陽長尋
舉高第遷上蔡長薛繡君初以茂材爲宛句令已被
薦改長安令其後召列九卿薛至丞相封高陽侯固
自歷試長令始也我 國家重親民長吏數下恩澤
詔尤非漢比侯經術行能又駿駿與召薛並著以其
視江陵獨不上蔡長安若哉乃予又聞衛子有言君
子將入旭旭然如日之始出者義先聞也旣入曠曠

然如日之正中者民保其福也既去闇闇然如日之
已入者民患失其教也若是乎君子之爲賴於人國
哉乃今蒲圻民徼福於侯江陵盖有所先聞矣若江
陵適在南郡與武昌爲輔車第令後來尹蒲圻者視
侯已成事卽庶幾不以失教爲患顧侯之所以福江
陵也其政奚先乎或曰三峽之漲江陵首受其奔決
隄之則易潰病國穴之則旁逸病鄰患苦父老迄無
寧宇行水難又版圖賦稅數倍他邑百姓方困潦寄
命須臾嗷嗷焉望寬恤而責逋之微旁午者至奈何
以鞭笞稱

甌甌洞藁

卷之四十二

二十一

上德意哉治賦難又宗藩邸第巨室貴遊奢僭相乘
法不盡馭頃雖稍就繩墨竊有隱憂焉持平難此三
者江陵之所爲難非蒲圻有也夫侯也得無急其難
者乎予竊以爲士之仕也患非其才才矣患不見知
遇以侯之循良受知兩臺使且薦之
天子處之右地復何所蘊結不盡其奇而憂三難爲
哉語云歐冶子之相劍也必陸斷水擊而後不疑於
利鈍伯樂之相馬也必長駕遠塗而後不疑於驚良
藉令江陵無難於蒲圻則何以別於凡令而顧借此
以易彼僕僕不彈煩哉乃蒲圻吏民於是有歛望耳

蒲承呂子文夔與其尉秦子周及其幕李重竝德侯
長者戀戀不能別因使使山中索子爲贈言遂書此
應之

賀郡大夫仁甫楊公考績序

楊公刺興國三年當報政受成大宰會部使者難其
代屬諸監司議曰興國民且罷者也而蘇事且隳者
也而振法紀且弛者也而張藉令一日微楊守謂興
國何因檄下視事如故第 上其治行請留焉故事
郡邑長吏考績其最者得被 璽書褒寵而爵其所
生吳子徃賀公公曰何賀吳子曰子之仕也父教之

甌甌洞藁

卷之四十三

二十二

忠今公修其職膏澤其民致其身華衮其親是忠之
效而臣子之所榮也猶不足賀與公於是始有喜色
乃其佐王君張君謂吳子知公無浮譽因以贈言屬
焉吳子曰公治行其部使疏中爲士林所贈炙予復
何言雖然有部使所不盡言者夫今之書上考者類
稱廉於操惠於撫智於計敏於爲神於擿發而威於
彈壓審如是豈惟漢二千石不足良卽孔門諸賢無
一可與從政予竊以爲不必然夫士端嚮意以行其
學而善用其才卽偏長可與圖成兼長可與語化宰
天下如是何論郡邑楊公其才兼人又好古而習當

世務乃其嚮意則以明作行豈弟蓋得用愛之權古
諺有之爲政猶沐也沐者雖棄髮必愛然徂棄髮之
愛而忘長髮之利不知權者也故用愛之權先法孔
子曰吏者平法者也又曰推鍛所以平不爽也榜檠
所以矯不直也聖人爲法亦然今用恩則見以爲樹
德用法則見以爲樹怨不已愚乎國僑氏之喻烈火
重闕于之警深谿期民無犯仁人之用心也德孰大
焉乃衆庶不可使知之耳公惠政未易具述姑述其
大者初銀山之礦郡人無遠近聚而冶焉公慮其徒
寔繁其漸必爲亂因厲禁以絕之小人以爲失利而

甌甌洞藁

卷之四十一

四

實銷一禍本也已乃嚴左右之奸法若向之虎而冠
狐而三窟鬼魅而不可方物者望公咸股栗尋盡得
其陰事按訊之咸伏罪小人以爲難事而實塞千百
年弊竇也已乃嚴匿輸而輸法正繩匿盜而盜風寢
抑一二豪右而凌暴之患不復作已乃正經界均版
圖籍諸匿戶羨田以釐正徭賦而物力民力胥以調
焉已乃慮事量功撤故城而新之其爲保障計益固
凡此皆衆庶所始難而終必賴者公獨毅然任法行
之豈得已哉所謂去太甚而遺百姓以安茲其愛與
國深矣甌子之告武王有曰治陳於刑而仁行焉此

猶其著者也易曰家人有嚴君焉父母之謂也旨微
矣微矣夫家政匪嚴不克愛況爲民父母者乎若故
知公得用愛之權今興國卒德公也則所謂三年有
成也公自今且日陟通顯其謂興國何

賀侯母朱太夫人九十壽序

太夫人姓朱氏今僉憲侯君母也從其子仕楚且三
年年九十矣季春十日乃其設悅辰同寅諸大夫將
介予言爲壽予不佞蓋聞諸吳中士人云僉憲君之
有母也而壽太夫人之有子也而仁皆天所以祚侯
而振其中葉侯其昌乎蓋太夫人幼孤而母童孺人

甌甌洞藁

卷之四十二

五

鞠之雖內嬰百憂外構羣侮然卒偃蹇富家兒弗字
而獨字于侯曰是女也嘗有異徵舍侯氏子非其匹
也已歸侯佐白村先生飭家政而善養其兩尊人操
作必先寢食必後兩尊人自喜得婦乃白村先生鮮
兄弟而宗黨益微太夫人有憂色久之雖已生僉憲
君又苦病羸歲時蒙絮臥蓐幾不勝乳太夫人憂益
深私謂童孺人此侯氏一綫耳奈何自我斬乎童孺
人慰之曰第亡慮汝肩侯氏統其力侯氏其先必陰
祐之未幾僉憲君稍瘳越數年又病股腫而指脣至
不可屈信諸醫多望而走者太夫人益驚悸號泣而

呼天曰是兒萬有一不免襁褓侯氏廟且不食吾食以見先公地下乎是夕夢有天醫降其宅俞憲君旋不藥而起太夫人雖內自幸而撫之甚恩然亦時時督誨之不少姑息已乃遣之受學拮据行經師脩且誠之曰侯三世以兒爲存亡而兒又兩貼危兩有天幸不可謂不異也藉令以宴安廢學奈負天意何且使汝母負侯其何以自解自是俞憲君益警悟日下帷誦習不倦久之業益精而吳中一時刺經綴文之士莫不折節下之矣嘉靖己酉舉於鄉已待公車者二十餘年俞憲君念太夫人且老而不得祿仕每從

甌甌洞藁

卷之四十二

下

望順適俞憲君獻績
天子尋當奉 褒書賜太夫人爵卽太夫人不以翟
裼羽葆加榮然有大造于其家而終受知人主引無
因而致也且人子之上願也詩人頌今妻壽母而繼
之以徂徠之松新甫之柏母亦推人子之心而申願
之乎請得以是爲太夫人頌
賀侯母朱太夫人九十壽序
復吾侯公由名御史擢俞憲入楚視師江防且三年
江上下千餘里盜風屏息商舶夜濟居人不閉外戶
父老相傳以爲百年以來所未睹顧公未嘗奇一令
峽一法而所部文武吏莫不廩廩用其命以事事故
事治而民忻然樂生茲龔少卿所爲安之非勝之也
仁人長者之道如是乎會其母朱太夫人九十而其
屬州牧楊子州判張子介予言爲壽蓋楊吳人與公
同進士科張故爲吳郡別駕知公竝深而稱述太夫
人之懿行甚具特因予代之執筆耳蓋聞太夫人生
三月而父下世也母童孺人撫之備嘗諸艱苦及笄
歸于侯與白村先生共事二尊人曲極孝謹而一切
家政罔不躬先其勞已復迎養童孺人于家暨俞憲
公生而病且骨立太夫人有懼心抱童孺人臂而泣

甌甌洞藁

卷之四十二

七

曰天豈欲奪侯氏嗣耶未幾公小愈越數年又病痼脛大如要指大如股幾至不可屈信太夫人仰天而號曰侯氏其斬乎此兒即有不諱吾奚藉以報侯也未幾公忽忽有起色而病漸去體太夫人始爲脩經師教之力學治舉子業且誠之曰侯氏三世僅吾兒存耳而兒又累絕復甦天豈無意乎爲兒計不及時自樹不足以振侯氏宗非丈夫子也且重負天意奈何公悟益厲志於學爲名儒尋舉于鄉越二十餘年成進士太夫人春秋高矣猶能彊飯視公入爲天子耳目出爲生民保障卽公善用其學術而所至茂有

甌甌洞藁

卷之四十二

八

日之懼將待命

天子而享有封錫天復奚靳焉其在江漢父老私相

謳歌以助公燕喜者蓋又洋洋盈耳矣豈予言足爲太夫人壽哉

賀徵仕郎萬公壽序

徵仕公蓋安成名儒以其子按察君爲中書舍人時受知

主上得奉 璽書封如其官後按察君歷御史風裁凜凜動中外海內學士大夫無不知由徵仕公賢而有子也乃吾鄉鄂間民在按察君所部廣不下千里衆不下什百萬君寔綏輯而紀綱之故德君獨深而私願徵仕公之多壽者比屋而是顧按察君儼然持

甌甌洞藁

卷之四十二

九

三尺以風厲吏民雖有塗歌巷頌無所郵以自通而吾州牧楊仁甫氏則謂吳子曰凡長吏得以便宜小補於郡邑與其布德意而不壅處脂膏而莫敢自潤秋毫皆按察君賜也子之里父老德君深矣竊欲采其不能自通者而潤色之以爲徵仕公壽子豈無意乎吳子曰孔子之言孝也謂得人之歡心以事其親又謂敬其父則子悅夫父老之歡也長吏之敬也固按察君孝徵也予不佞願一言授稱觴者祝之蓋聞養生家言大上養神其次養形爲其以形神貳也故其術不爲儒者所稱至孟子養心養氣之論著卽不

言養生而生理獨至夫心以寡欲而存氣以集義而
生皆求諸內也而形神兼之矣至人之壽不以歲年
其是之謂乎初徵仕公博綜儒術大爲有司所奇久
之舉明經不第退而師事其鄉東郭先生受良知之
學介然有悟冥然若忘遂能屏囂茹寂紛華不悅於
目富貴不入其心雖有子而貴且儋封爵之榮澹
然一無所加有若古之壤父石戶農者而獨時時訓
按察君忠上恤下之道戒勿忝其素風晚年又稍稍
信佛氏居恒齋戒不飲酒不茹葷而尤亟亟樂施不
倦茲豈非公壽徵乎且良知發自孟子而養心養氣
既

甌洞藁

卷之四十二

十一

劉

其旨固與致良知同公近法鄒先生而遠宗孟子其
於養生之道思過半矣夫公用其學以養生而按察
君又廣公之學以養四方羣生然則公之壽其可以
歲年計乎仁甫氏曰異哉子之言壽也以學不以歲
年夫是以知闕宮之圖陵天保之松柏皆學之致也
謹奉以授稱觴者往焉

賀郡大夫曹公壽序

公潤州世家正德中有詔賜白金文綺勞直言御
史曹某蓋公父也以故公由家學紹父風鬱鬱負公
輔望初公以進士試爲閩令尹予適守閩旁郡知公

非百里才已予由河南入賀適公以行能異等擢署
職方郎間過予邸中道故甚洽至及國事邊事則往
往投塵奮臂起不欲竟言之非所謂負遠略而善藏
其用者乎會

今上詔公代大司馬行邊事竣慷慨草二疏言邊事
蓋有量錯所不及籌趙克國所不能踰度者

上竝嘉納行之然公亦以此不能盡藏尋出爲武昌
守武昌三楚都會重地諸王侯衛士羅置一城祿常
取盈法不易制又四方川陸之交冠蓋屬于路請謁
至無虛晷而經營保障論報刑獄差量賦稅其劇又

甌洞藁

卷之四十三

十二

郭

視他郡數倍焉公至一無所難第與吏民約曰不佞
爲吏民長懼不勝任然聞之矣治絲而棼之則亂烹
鮮而擾之則糜夫事亂而民糜由自用也則吾豈敢
惟是二三長吏其共圖之於是考故實陳法守詢僉
謀軫民瘼今不必新惟畫一政不必異惟便宜百姓
所安安之所患苦則立罷之而諸屬長吏亦莫不遵
約束而廣其子惠之仁無復奇袤慘礪以厲民者蓋
公不用察而明不用威而嚴不假精悍而火操師帥
之體風之耳今甫二年治行所就業已冠三楚夫孔
子先黍而後挑重民事也豈要貴踊而賤屨重民

也公修此二者王佐之業也何有於武昌國倫竊伏公宇下蓋從里父老所誦說而益知公非二千石才顧公在兵府則兵府重在外臺則外臺重異日使武昌得與潁川渤海齊名不尤重耶公誕辰在是月之廿六日諸屬吏將稱觴焉屬予爲之祝予惟公齒方壯不言壽乃其稽古好謀則有耆造之德足爲我國家延長天命雖自今祝之可矣

送僉憲侯公遷布政司參議分守湖南道序

晚世之士反非古道謂弗宜于今也予竊以爲大謬不然夫世無行古之道者耳或曰信如所慨以結繩

齟齬洞藁

卷之四十二

十三

之約理亂秦之緒揭干戚之舞解平城之圍可乎嗟乎茲喻法也古今異宜者也而道則萬世不易乃謂弗宜于今是食穀衣絲而非耕織者也載於舟車而非輪梓者也食於金甌而非陶冶者也不亦大謬乎故夫古人執不可易之道爲能與時變易其法而宜於民今之師古者蓋鮮矣卽名爲師古而徒粉飾其法法一有不效輒以爲古道之盤也嗟乎古道誠盤乎哉世無行古之道者耳予觀侯公之治楚也蓋用古道云孔子之言曰君子學道則愛人又曰君子體仁以長人夫學道體仁之實心也愛人長人之實德

也是故其心仁者其德必愛而其民必親此其道由古及今由今及後以至於無窮無可變焉者也夫士習爲卑疵纖趨比周以求尊譽稍見試用輒厚自矜許德色於小惠而侈心於近功皆所謂離誠就僞棄樸而取華也去仁已遠安望其能行愛人之道以長人乎乃吾侯公學積於家食之久而名成於強仕之後動必由禮言必由衷自立朝以至分憲率用長者之道自愛以愛人其爲政又多問遺訓而咨故實不欲自用其才治兵江防蓋三年大者不增一幟而國益威不浮一釐而士益勇不亡一矢而江介益清不

齟齬洞藁

卷之四十二

十三

以繁急操下而吏職益修不以慘礪按訊繩民而頑梗益懾已乃勸士興學發倉賑饑閔曠卹災弔死問疾茲所爲行愛人之學而力復古道者公曾不知與今人居矣又安計夫積薪之有先後哉頃聖天子旣嘉公之績下璽書褒之而猶賜爵爵其所生尋又擢公布政司參議分守湖南兩大郡以彈壓諸蠻夷君長乃邾城鄂渚之民莫不皇皇焉如失怙恃是行古道之驗也誰謂古道弗宜于今哉予竊慕古而不能行見公行古之道津津然樂稱之不能已州牧楊仁甫氏遂謂予知公深也因請以爲公贈言

送俞憲萬公權四川布政司參議序

汝唯萬公初以名御史出爲楚按察俞憲奉 璽書

治獄治兵蓋三年文武才竝著江漢間大者繩墨吏理寬民詰奸除暴庶幾江漢稱寧宇矣頃公聞命擢參蜀行省且戒徒以西居人望于國曰公吾保郭也而胡以一日撤也罪人望于國曰公吾肺石也而胡以一日弗樹也諸郡邑長吏望于所部曰公吾權衡也而胡以一日弗懸也乃國之情園之情微長吏無所繇以自宣故諸長吏于公猶影響焉夫影之隨形非形能令之也響之赴聲非聲能令之也然則諸

甌甌洞藁

卷之四十二

十四

長吏之從公也豈徒以上布憲而下受成已哉法足以相守道足以相成故權衡其吏而吏治興民無乎不衛也無乎不平也茲長吏不能忘情於公爲民望也公今且去楚諸長吏度不能爲楚留行而謀所以贈公言則儼然致幣吳子吳子曰公法官也乃得吏民心若此有道哉夫鑑不能爲人掩疵垢而天下未有仇視鑑者知其照無私也故法行而無私法亦仁也況公以仁人用法而吏民之深憚之也而卒深德之也又何疑哉且公御史時正色立朝直聲動天下未幾去國而楚遠矣今又去楚而蜀益險遠矣卽險

遠非所以居公而公快然安之則正直之氣勝而險遠無擇焉宣力四方乃心罔不在王室公其進於是乎蜀吏民方負弩失望公境上公至當卽竭旬宣之勞修屏翰之政爲蠶聚易俗而與劍閣增奇壯使西夷叩笏冉駹斯榆之君長莫不交臂受事世世稱外蕃此蜀吏民之心亦公之心也藉令公簪筆殿中逡循守繩墨歛正直之氣避搏擊之名坐致公卿無難矣顧孰與建節萬里爲

主上布威德垂聲竹帛流光虹霓之爲赫赫哉予固以一代社稷臣期公知非楚蜀吏民所得私頌也諸甌甌洞藁

卷之四十二

十五

長吏曰吳子知公哉

賀張郡丞考績序

張公佐武昌三年且報政屬其所肩事繁重非可借才任也兩臺使難其行因錄其治績署上考奏之而留佐郡如故檄下所部諸州邑士民私相慶曰大夫此留無異借寇兩臺使之重武昌意深哉而諸州邑長吏聞之亦私相慶曰凡吾屬安意修職業吏不度東涇百姓不苦急弦則以張公長者也豈獨兩臺使重武昌哉因相率進稱賀公而介吳子言吳子曰考績臣職也何賀其言諸長吏士民之情乎夫太

吏民之本而不實臂翼之非其才卽職弗舉有其才
又見以爲自用而功弗居乃武昌附楚之藩國稱首
郡兩臺諸監司所都無論辨治敏拙立見卽請謁質
成之勞什伯倍他郡故論治於武昌者非止才難而
不有其才尤難也夫仕而不有其才真才也其必由
學乎故孔子曰學所以益才不然南山之竹軒而用
之蓬屨革矣安所事括而羽之鏃而矟之乎蓋聞
張公自少抗志學古人登第以往游諸海內先達談
名理悟性真而摛爲文辭率多漢魏間語其令射洪
時業已知名 朝著尋用治行高等擢佐吾武昌而
甌甌洞藁 卷之四十二 十六

太守則今督學使曹公也曹公心知公賢而郡事多
所倚辦公益謹事之剴繁而不自智舉重而不自勞
乃其治去泰甚不責苛細則兩賢畫一楚人人能誦
之而公之行能非獨曹公爲游揚矣公又善心計立
決人嫌疑兩臺諸監司益任之由刑獄徭賦舟車戎
伍諸所從齟齬而復定者鮮不由公坐策也至城嘉
魚咸寧又公創議而親乘之費約而功敏役省而民
忘勞今兩邑巖邑矣其他惠政殆不可勝紀韓公子
有言王良造父竝轡不能御田連成竅竝弦不能琴
瑟八佐曹公乃相待成政而相得益彰則何共駕致

千里共操而協人神耶彼以才相能此以學相濟故
也夫善用才者善學者也公進於是何治不可於武
昌何有哉

東岱詩序

東岱詩爲陳玉叔氏遊東岱作也予與玉叔父憲卿
按察同舉進士蓋識玉叔長安邸中是時方總角業
已好稱詩有父風按察君嘗患之謂恐於舉子業相
掩未幾玉叔用舉子業起家顧好詩益癖且志吾黨
數子耽耽焉已仕爲大廷尉屬出守淮陽稍遷西蜀
督學使所至海內談藝之士操觚而從之遊者屢常
甌甌洞藁 卷之四十二 十七

盈戶而所經行佳山水輒屏軒蓋蠟屐登臨之以寄
寥廓之興而發其慷慨抑塞之衷每一詩出無不宏
且壯如其人也頃
天子念漕輓之艱晉王叔參政山東董其事玉叔旣
畢智疏河渠度東南萬艘由衽席入大農矣乃從行
隄之暇謁關里陸岱宗轍迹齊魯之墟且遍凡得諸
體詩若干卷寄予讀之宏者其詞日以粹壯者其氣
日以鬱玉叔其嫺翼於詩哉則齊魯之爲助乎夫登
東泰者難爲山遊聖門者難爲言蓋董而誦之矣今
玉叔親履其地而挾其奇嚴乎若見孔子車服器物

而聞金石絲竹之音卽天門雲闕與秦松漢柏諸異蹟日盪於曾而寓於目學詩之道於是乎有餘師焉蓋神鬯則才情自歛視高則意境倍忘予恨不及與玉叔俱耳由漢以來能爲一家言者莫如司馬子長人猶謂其才資遊歷而長夫齊魯也奚啻爲玉叔之龍門禹穴哉昔孔子歎魯樂曰洋洋乎盈耳哉吳季子觀齊樂曰美哉泱泱乎大風哉夫詩之爲教微而感人無形予於東岱詩而知玉叔之善用齊魯矣

里巷歌謠序

里巷歌謠爲仁甫楊侯作也侯爲興國四年凡再入

甌甌洞藁

卷之四十二

十八

傳

觀其初民稍見憚三年之後民家頌而戶祝之於其行莫不皇皇焉若有所失而猶攀攀焉望其復來茲可以觀牧政矣予旣贈之言而友人嚴繼篆者則侯所舉孝行士也心德侯而不能以其情自鳴乃索郡士人之能詩者詩鳴之詩旣成帙因屬予題其端予惟古者里巷歌謠風人采而爲詩郡士人詩得無聞羔羊素絲之餘風乎子產之歌曰取衣冠而褚之若見以爲樹怨有子弟而誨之又見以爲樹德乃孔子則歎其寬猛濟也居之無倦久而見懷茲其所以爲古遺愛歟其後若漁陽歌張君魏郡歌岑君冀州歌

皇甫之類樂府采焉亦羔羊素絲之餘風也以風在位孰曰不宜夫楊侯之政大較類子產而郡士人各言其情非必若鄭興人之有兩致卽視樂府所載諸郡父老歌謠惟其情可風風之矣何論古今工拙哉遂題曰里巷歌謠而復綴以元會詩一章云
玄衮袞袞文纓纓纓有駮其乘載見天子天門穆穆庭燎煌煌元正嘉會鐘鼓鏗鏘玉璫旣輯百祿是膺羣牧讓德
帝曰疇咨魚藻旣升管籥斯陳何以樂歌
天子嘉賓

東拙藁序

甌甌洞藁

卷之四十二

十九

潮陽鄭公自爲諸生時業已博學好爲古文辭嶺海間賢豪長者無不以董賈李杜期之已用經術釋褐登朝爲司馬郎出典兩郡奉
聖書視學黔中尋被優詔徙視三晉學未幾擢吾楚參政蓋於是位望日崇遊道日廣取材於先民故實而縱矚於名山大川者日益宏且壯故發爲文辭類多本性術以自暢其才情吐精英以自適其境地不藻繪而詞華不磨澤而色澤不斧斤繩削而方圓平直皆應其手殆藝圃之珍麗而學士家之奇觀乎乃予竊聞其政則渾渾然惇也而亦斤斤然察也竊觀其人則顯顯然

濫也而亦凜凜然毅也是又非文辭所能槩矣顧公不欲示人以多而哀之又不欲視人以工而自命爲拙夫拙也者非所謂善藏其智者乎莊周氏蓋嘗愚智叟而智愚公其致可得而繹焉夫朱泚漫殫千金之家以學屠龍宋人以玉爲楮葉巧矣乃三年技成而無所用是巧而拙者也夫善射如紀昌而其學止於不瞬至臥機下以目承牽挺善視蜩翼如病僕丈人而曰吾處若繁株駒執臂若槁木之枝是拙而巧者也知巧拙之所由辨豈獨可與誦公文辭哉是藁管梓于潮州而我楚人輒不易購也武昌守劉君得

甌龔洞藁

卷之四十二

二十一

潮州故本因請于公稍稍益以新篇爲四卷授工人剞劂之藏諸郡齋嘉惠楚後學意良美矣劉君以序見屬豈謂予庶幾知鄭公乎

疊山書院會課序

疊山書院在州治之東半里許襟一水而障百疊山蓋謝君直流寓時故居也後人因而祠之祠隘而久且蕪廢嘉靖中州守宣城吳公稍稍拓地宏棟宇州士人始有讀書其中者而書院則今守楊公增置云揚公江左聞人而風節凜凜不在君直後每政暇輒詣黌舍與諸生談經術折衷疑義因品其課業而繩

墨之諸生翕然稱得師久之四方有志之士風慕景從擔囊鼓篋而來者日益衆至有僦居旗亭闌闔間者楊公曰奈何暴士而市也不忝師帥乎因增置書院以館之凡二年所得諸生課業之雋者若干目授之梓而屬予序予知公意非爲諸生急近名庶幾輔而翼之且以樹後進耳昔者君直被放非有官守拘攣故得從容授徒手編諸名家文以爲士軌範至今流播海內工舉子業者采焉乃楊公日親民事簿書填委又舉經界繕城二大役皆不勞而定猶能用其迎刃之餘力爲諸生斲輪卽諸生罔不得且應焉政

甌龔洞藁

卷之四十二

三十一

教蓋兼之矣何論軌範哉夫登高欲望臨淵欲窺處地便也御使人恭射使人端處形便也況士志於學履先儒講授之地而師事邦大夫之賢有不思奮而進者乎藉令羣居終日無以擇於旗亭闌闔矣諸生方求益於公而公又不以予爲陽鱗而下問焉敢附其耄說如此

甌甌洞藁卷之四十三

武昌吳國倫著

齊安王同軌校
新安方尚賢校

序十六首

賀大叅淇澳潘公七十壽序

攷國語稱衛武公年垂百歲猶箴誡于國恭恪于朝作抑詩自警故詩人賦淇澳以美之謂之曰獻聖潘公衛人也履綠竹之遺墟慕武公之敬學國人稱淇澳先生蓋美之亦壽之也今公自解晉藩參政歸十有六年縣車不出予雖未嘗與公交乃公初以戶曹郎使楚已又仕楚爲按察副使流芳遺澤尚津津江

甌甌洞藁

卷之四十三

漢間而予又嘗祗役中州聞公晚節爲衛賢人長者冠心竊高之夫孔子直史魚而君子伯玉兩大夫皆衛產而武公之流亞也武公年最高學焉而不知其老公聞武公之風而興起者切磋琢磨日進無疆金錫圭璧其道大光予故曰美之亦壽之也今年公纔七十仲冬某日爲初度展其子壻劉使君適守我武昌嘗語其僚曰潘公於不佞有父道焉有師道焉不獨丈人行也而其子又事不佞甚謹不佞竊賴之以有今日乃今守一官二千里外不能翼而爲公壽負公哉蓋使君負壽未遇時爲公所鑒識因以子妻之

遂授之經成儒取甲科高第入擅起草之名出膺舉城之命皆公賜也以故父師之道兼焉其僚張君輩聞之以告吳子因使吳子致辭將使使馳之衛以壽公吳子曰陳孺子之不長貧呂子衡之不久賤彼皆婦翁先識之然率假相入術以倖富貴非能才其人也卽甘公擇本祖曰彼有奇表鄰太尉擇逸少曰此正佳壻非不稱才顧陶損於任情王狙於自放未足深賢耳乃若潘公知使君賢而壻之子之教之卽使君歟歷所至其民敬若神明戴若父母此殆有天作非可以宅相占也夫使君其道行公之澤益廣名

甌甌洞藁

卷之四十三

位日起公之情志日怡卽公不出淇澳而鐘鼎旂常有所託而自樹豈必功自己出哉以此壽公庶幾武公不知其老矣不則雖結衡岳之雲不足爲公獻彩挹江漢之流不足爲公稱觴豈諸大夫所欲聞乎張君輩聞之曰吳子言壽固當遂使使馳之衛以壽公

鷓鴣集序

予方索居甌甌洞於世澹然一無所好而獨時時好與客言詩頗詩未易言也友人王行甫氏間自黃岡來見訪爲予頌其郡使君鄒公詩卽不數篇業已冷然中竅然則官商竊心賞之謂復覩風人古而清

廟之音庶幾未絕響乎固恨不多得耳會龍大夫君
揚以鷦鷯集見遺且介行甫問序於予曰此鄒使君
宦遊諸藁而黃岡沈令哀而傳之者也予喜而縱觀
焉益溢於所前聞而快其私心爲甚則又恨不須更
見其人嗟乎詩興人哉予於使君蓋神遇之矣集凡
四卷古詩與近體相半古詩浸淫漢魏近體則開元
天寶諸名家乃其達觀玄識與若博雅之才倣儻孤
高之節命意而不盡於意寓言而不盡於言其在騷
黃之外而心手之間乎豈嘗假道於漆園託宿於鄭
圃將抗志一死齊得喪適然自全其天乎非近代
醜醜洞藁

卷之四十三

三

博

於人其大較相懸蓋如此執其較以爲人倫之鑒是
曰察其所安若使君可謂善自奇矣善自寄者其祖
六合內外皆寄也豈復知郡吏與公輔爲疏戚哉語
云明珠不以價貴良馬不以御名使君其人與詩曾
無俟予言輕重而竊附於知己則私願畢矣使君昆
陵人各迪光字彥吉起家進士

熊中丞詩選序

醜醜洞藁

卷之四十三

四

博

大敵在前戎衣被體而時時嘯咏不廢若昔人所艷
上馬橫槊下馬草露布公又不啻先驅之矣顧公盡
瘁王事而功載盟府不復欲以詩名家故其藁散逸
殆盡而存者什之一耳予又以公之遺命哀其過半
而殺青焉蓋竊取之曰百鷺不如一鷗千羊之皮不
如一狐腋也豈海內文章家固欲於公求多乎楊雄
漢文士也至謂雕蟲小技壯夫不爲予竊疑以爲誕
由今而觀以彼其才卒困於執戟固宜憤悶無聊爲
是解嘲語云若公負文武才見用
明主適國家有三大難而公獨毅然肩之所至功成

所去尸祝語在朱司空所爲神道碑何壯也視世之
雕蟲者雖多亦奚以爲

送郡大夫仁甫楊公擢赴襄陽郡丞序

楊公之爲興國蓋六年兩上計所經部使察舉長吏
賢能凡數輩無不首公而署以異等之績任不可謂
不久而知公亦不可謂不多矣顧不得召拜三公入
居九列與漢賢能長吏伍而僅以次擢承襄陽州士
人相顧失色且不知主爵者何意豈襄陽足以居公
而丞有加於牧耶吳子曰不然士患無用世才才矣
患不見知遇公既以才而見知遇且爲之推轂位望
龔龔洞藁 卷之四十三 五
自此升矣卽襄陽據吾楚上游扼荆蜀而裨宛許名
爲郡其實一大都會守丞非其人卽主德不宣而保
障失策全楚且受其病主爵者殆有深意於楚姑丞
公以歷試之安見非三公九列地乎諸士人蹶然喜
已又蹙然懼謂公久于興諸所爲興計而遺之安者
法至備勞至深也奈何遽去興而襄耶鬻子之言曰
政平於人謂之文政禮恭於人謂之文禮治仁於人
謂之文治公故吳文人乃卽用文以治吾興大者修
師帥之體以風諸僚佐僚佐莫不稟稟憚之而百姓
陰受其賜而又勇於興除神於撻發堅於抑豪右以

信善良以故六年之間百廢罔不舉百弊罔不釐狐
鼠無所依馮豺狼無所馳突諸游民之浮食閭里與
諸巨室之詭脫徭賦者肅然一清公之有大造於興
也蓋千百年一日也今日去興無論諸釁孽復萌
卽鄉之廩廩懷憚心者未必盡不懈矣公茲行其繫
一方輕重豈淺渺哉夫衝狼牙之石者非巨流無力
破肝膽之骨者非大越無斷微公孰使吾興與潁川
渤海竝著吾又懼難乎其繼也吳子曰公遺愛甚深
而士人之爲桑梓慮益遠矣乃予私爲公計則守丞
非公所擇三公九列非公所難知公才足以用世而
龔龔洞藁 卷之四十三 六
學又足以廣才也夫策大興者載萬鈞前引馮驩之
足雜以駸駸此天下至健也動可以摧阜靜可以絕
川矣然車徒衡師每探其銚以塗其空始滑滑如泉
湧焉予故不能爲天下任重非力之罪也以探銚塗
空之術疎也公其以予爲殷鑒哉

賀一真楊先生六十壽序

一真先生東吳之太倉人其子仁甫以進士守予興
國六年稍遷襄陽丞去去且數月興民德仁甫而思
其舊政家頌而里祝之會先生與顧孺人先後六十
誕辰則又相率而東鄉再拜曰是兩老人寔生我使

君而撫摩訓誨我者也吾儕小人何以報之庶幾天錫爾老人朋壽而食福我使君無量乎乃代仁甫者涪州張使君聞而竊歎曰仁甫得民以及其親善樹德哉因與其尉若慕謀所以致興民之情而爲先生孺人壽則儼然造吳子而屬以言吳子曰昔晉人之歌束先生有曰黍以育我稷以生何以酬之報長生夫長生之報晉人德哲深矣然報止於哲未聞及其所生則仁甫得此於民且在去後時不亦異乎此其所樹德非啻黍稷之而已也矧先生與孺人又善自樹德其州里不獨用其子顯名與其子所見德之民

魏龔洞藁

卷之四十三

七

秦

奉舅姑則美永鮮飲食非其手出不敢進諸與先生遊賓客士大夫至則供具立辦無不各饜其意遇下嚴而有恩所使男服耕女服縑素無一浮食然亦往往優其力不令盡以故先生晏然無家慮而成仁甫爲儒多孺人力也詩頌令妻壽母其庶幾乎夫先生與孺人樹德其州里宜壽而其子又樹德所仕之邦宜其親壽故民情思仁甫因壽其親且在仁甫去後時皆無所爲而爲也張使君因民之情而致之尤無所爲而爲也今仁甫日以異績著聞薦躋通顯且俟天子有嘉命以華袞其親則民情爲之階矣豈吳子

魏龔洞藁

卷之四十三

八

秦

不腆之辭足爲先生孺人重哉

趙州連璧序

往予過江夏則郭趙州子德觴予而見其二子時二子方弱冠伯氏清邵仲氏溫文竝國器也已見楚諸大夫無不國器此二子者心竊喜焉謂趙州有子楚有材逮今且八九年二子凡三舉明經不第心又竊異之間從兒輩索二子所爲博士家言一二過亡論經術之精弘有非末師所授即取材左馬漁獵百氏而發之藻繪瑰琦庶幾老於談藝者又明習當世務有智略高視諸郡國士數等將無遺知已難乎乃諸

大夫又奈何膾炙一口也比遇侍御朱公試郡國士
得二子文大驚因厚遇之已知其爲趙州子也題之
曰趙州連璧蓋珍之也二子猶謙讓不自信而以其
言謁予予曰侍御善相士哉語云士非玉璧談者爲
價予竊以爲其質誠璧也而價傳焉若有違質雖善
談何加故梧臺之不可以愚宋人而周密觀之則掩
口和氏之璧三獻不售於楚趙王得之則非十五城
不易今侍御之璧視二子爲其質足以當之予益因
是而慨知已難耳夫二子亦三獻矣侍御一朝而償
十五城豈復憂不售乎乃予爲二子私計璧之爲言

甌甌洞藁

卷之四十三

九

積也天地之精也故帝奉之禮天三公奉之贊首祚
其用至重也夫積其精以待重用則符彩不揚非所
急潤澤不流非所患彫鏤不工非所疵惟其有完質
焉重用之益重矣重用之益重雖十五城豈足以當
一觀哉願二子之留意於質也予於趙州爲同年友
故得忘年友二子而贈之以言如此云二子伯氏名
正位字某仲氏名正域字某

賀奉政大夫張公受封序

奉政公有子翼先爲武昌郡丞能其官越三年以治
行異等爲兩臺使所表薦

天子嘉之賜璽書褒勸因加恩所自生於是公得拜
封爲奉政大夫官如其子配胡氏爲宜人丞君業已
函章服再拜使者馳蒼山洱海間揚

天子之寵靈以爲二尊人壽太守河南劉公則謂奉
政公遠在萬里身不去巖壑足不及國門一日以其
子之賢而受知

主上儼然被盛典使蘭津以內士人傳誦而歎艷之
益相習而脩名教以爲榮顧長承有兄弟之誼獨能
嘿焉不相賀情乎哉爰介有司索吳子下雉湖上致
幣焉請所以賀公者予不克違乃申太守公德意而

甌甌洞藁

卷之四十三

十

言曰聞之古聖王卽位封賢者茅土非爲諸侯官府
非爲卿大夫皆爲民也我明令甲斟酌古意用之
而重吏推恩又視漢制爲增厚則親民之政其先乎
今丞君以親民之政當

上意上亦因之顯其身以及其親夫親民卽父教之
忠也及其親則君教之孝也皆古之制也奉政公於
是乎有子矣公初爲安寧州文學官屬其子令射洪
有聲輒奏記自免去語其里中長老曰以吾窮經白
首曾不得效鉛刀一割之用乃兒子輩能以吾緒餘
爲朝廷受事脩職業卽無異身親爲之而又安能

役役老作經生師乎無何其子自射洪遷武昌去公益遠公數詒書戒勿得內顧兩老人差強食不須視行不須使兒其壹意清白勤公家毋失名譽即兩老人安內顧無爲也蓋承君之能武昌也固有所受哉會聞武昌奏最公又輒然喜曰是不忝爲吾子趣童子治里門以待嘉命至由今觀之朝廷加恩臣下皆忠孝之徵非可以私意觀也乃予於承君猶有私快焉夫子之於親三釜千鍾無豐嗇皆養也一命五服無崇庫皆尊也顧以逮親爲天幸非是無所用其情耳古人南游而北嚮豈其爲賤而養不足乎其志

甌甌洞藁

卷之四十三

十一

可諒已乃若奉 璽書以承歡擁章服而稱壽即二尊人義方其子而身享之非其種德異而得天最厚然乎予故爲承君私快又計其名位自今且日起而圖所以報

主上者日益重且大明於報 主卽養志之道寓焉

故狐突曰策名委質貳乃辟也曾子亦曰蒞官不敬非孝也郡丞公奉若家訓久矣願益勉之當不徒以家慶悅二尊人哉

送黃州太守彥吉鄒公入 觀序

鄒公守黃州蓋三年且戒期朝正受計天官大冢宰

其所部一牧八令聚而言曰公天下才茲行當以治行應察舉表次爲公卿檐帷不復黃矣亡論黃人有私望卽吾屬竊在下吏將安所師自樹而孰怙恃以安其職且公方以垂橐入清風穆然載于路莫敢有私覲奈負公何無已其贈之言乎於是屬趙黃岡詒予書徵言爲贈蓋趙爲新安許先生高第以先生故識予而予又公新知也其復何辭夫太守吏民之本爲能導其吏以養民也今觀遷固紀循吏曾不數人而數人者之所爲又不過曰奉職循理曰去其泰甚曰以儒術潤飾吏事庶幾德讓君子之遺風耳而一

甌甌洞藁

卷之四十三

十二

切精悍刻核之士雖有異績不與焉茲其意深遠哉吾楚列郡凡十五而黃爲最劇辨治爲最難公下車脩師帥之體破拘攣之見削繁苛之條嚴於吏而不爲束溼慈於衆庶而不縱其回錫譖不行狐媚不遁以故吏得安其位而脩職衆庶安其田里而樂生比其成也尤不好示務施以自旌其伐此不庶幾德讓君子哉何啻遺風也蓋公生平內脩潔而外伉直自爲郎負高節不能浮沈取容乃出守劇郡則第臥而理焉豈其慕汲長孺之爲人而遂近之予又聞公嘗面折人而義形於色已卒善遇之已復厚爲其人地

惟恐不見表異則非長孺能萬一也公蓋以學術勝乎漢主知長孺近古社稷臣而譏其不學有謂哉至如黃次公善助廉吏毋失賢者心鄭當時推轂其官屬丞史常引以爲賢於已公兼有之蓋可謂天下長者矣茲一牧八令所爲怙恃師保公而眷眷不一日舍去者與以予觀之公處黃黃人比焉諸吏於黃者比焉卽去黃而九列三公其爲比且益廣而黃固其結轍地也予鄂人與黃人相望故得采黃人之頌公者代贈言

送郡大夫叔見張公入觀序

龔龔洞葉

卷之四十三

十三

張公治世家初舉明經推擇爲鍾祥今鍾祥古郢都今

帝鄉也故宮寢廟在焉天下蓋豐鎬視之矣其居人雖首被恩澤號湯沐邑然有大帥司守中常侍司祀事竝得奉璽書儼然臨之又諸祠官衛尉之屬多所增置雜處一城頗爲居人患卽監司郡大夫制有所不得專法有所不必信何論今也顧今又受成監司郡大夫而爲之調其法以宣其制者也一弗任則侮至一弗當事要則累生湯沐之不爲吏民賴也天下蓋又孟門太行視之矣乃吾張公卒有今譽於

鍾祥而上異績受知

主上褒以璽書而爵其所自生則遵何道乎可不謂神君哉是時諸旁郡士人無不風慕公會有詔擢公守興國人或諷公興難治者公笑曰天下豈有難民哉顧司牧自擾之見以爲難耳且予戒孟門太行之轍幸而不路興坦塗也又何難焉已下車未數日問俗而知其民愿而書朴而不文詰竄而無積聚則又訢然大快曰此可臥而理矣因下令與民休息未一年政平訟理事集而民用和聲聞諸上官莫不嗟而異焉太守所部不號難治耶何易易乃爾公攝纓而對曰凡言興難者難興者也彼非簠簋損名則鞭笞造怨耳以此難興豈興之罪哉於是諸上官無不竊歎公長者而大爲興民幸蓋公開敏而習故實非百里才以故削牘如馳發幽隱如照而解勞應變不啻若刃遊而矢決之乃猶不竭其智不殫其能日寬惠以慈於衆蓋龔少卿黃次公之流亞也其大者曾無城府所至推赤心示人人亦傾心信之卒有疑事輒不吝訪耆老咨遺訓而立辨焉又其大者躬厲清白恥以一介自污故請託無所行問遺無所受居不過飯脫粟行不過齋乾糲往往爲同事者所厭薄不

龔龔洞葉

卷之四十三

十四

堪此殆古廉吏所難何但長者嗟乎茲公所爲無難
於興且一日爲興洗難治名甚大惠也興其有天幸
乎屬當戒期應 朝受計大家宰諸士人卜祖于郊
而使吳子行爵吳子曰予所見天下廉吏其猶景星
卿雲乎何寥寥也卽有之其自喜名者也非其質廉
也觀公治郡率任質而不近名故廉無所強亦無所
爲語云鵠不日浴而白烏不日黔而黑蓋重質乎夫
毛嬙西施有目者見而美之美其質也而非以其脂
澤粉黛也韓公子乃以脂澤粉黛喻善治不已大謬
乎甚矣廉之收於自喜名也考周官冢宰以六計弊
廉龔龔洞藁 卷之四十三 十五

胡山人詩序

胡載道氏故吳人以辟寇竊負其父徙楚之靳春居
焉今且長子孫約婚靳春遂又爲楚人然非其好也
屬貧不能治裝歸耳予蓋聞載道稱詩楚王侯士大
夫間甚著顧咫尺不通予一刺者二十餘年心竊異

之暨予削籍還里中則載道一歲三見訪予謂載道
何相遭晚耶載道曰知公處脂膏而不自潤黷誠貧
亦不欲家於詩也今請得爲社中客足矣予益以此
重載道非諸游談之士比也因與之言詩而載道亦
惟予言而不疑遂盡發其所爲小寄菴藁其所不
自信者十七而存其所自信者十三又稍稍繩削潤
色之成一家言以視予乞序嗟乎載道以布衣遊諸
王侯士大夫用其詩益貧且老而猶勇於求精而期
於必不朽何壯也乃二十餘年一無所信而獨因予
言以自信又何相知深耶予閱諸詩穠不至豔豪不
龔龔洞藁 卷之四十三 十六

田子壽集序

往歲華容孫兆孺過訪蓋談其徒田生能詩云乃者
田生使使三千里外以其詩來問予序予驟然曰有
是哉生師事兆孺而猶有所不盡信必有所待以爲
信顧其使來遠矣卽楊子所進予摩之不已甚乎因
取其詩一再過則兆孺業已槩括之曾不浮譽生二

辭而生其人與詩蓋相當云夫楚自鬻子爲周文王師其後遂多博雅文學士至離騷備風人之古儒者經之以爲辭賦祖楚人於聲詩其天性也乃若田氏處巫黔谿洞間自高帝定天下世世內附稱蕃臣何至負奇如生哀然拔流俗外而游諸名人達士間稱詩異矣卽兆孺能授之詩而不能使之盡信詩茲增異哉夫白狼歸義是歌笮都而敕勒之歌率本鮮卑語詩固不擇地而興矣秦穆公得由余於西戎用以定霸何論文學聲詩哉予觀生之爲詩蓋有感於抱藝不得自試又海內晏然無所用其武日佔佔喋喋

龔龔洞藁

卷之四十三

十七

與被毳控弦之士出沒茅簷間無豪也乃慕三閭之牢愁漱鬻熊氏之餘潤而發之詩以自舒其感槩激叩之氣庶幾有所託而爲名高乃兆孺獨擧括其詩而不言其言生不盡信哉生名九齡字子壽因題之曰田子壽集

方舟吟序

予旣序彥吉詩傳之矣乃彥吉信予過而蓋自賈勇於詩海內諸辭家無不膾炙彥吉詩者頃彥吉以計吏自京師還過其里攜所與葉山人俱來黃州計方舟江行一月餘而下榻留郡齋又一月餘所爲倡和

詩業已成使人持示吳子曰此吾與山人方舟吟也子如不繫其無當而抵之敝帚乎願不吝一言首引之庶幾有所託而取徵也時予方避暑谷室中不攜一書因得靜手是帙窮日而卒業焉夫彥吉與山人才境各有所臻而風力韻格兩不相下其究則交相輔也彥吉善取友哉彥吉興致不凡標宇獨秀每好自匠其意意之所極前無古而後無今飄飄然有凌雲之氣而山人則逡循守繩墨稱體勢廣於取材而嫻於結撰間出奇語得山川之助爲多予故謂其兩不相下而相輔焉李廣程不識竝漢名將顧不識

龔龔洞藁

卷之四十三

十八

正部伍擊刁斗自衛而廣獨減省約束令人人自便其士卒愈樂爲之死卽不識嘗私竊歎服之予用兩將軍說詩彥吉與山人其似之矣乃彥吉又欲推轂山人以爲江南布衣重嗟乎彥吉豈獨重布衣哉山人名之芳字茂長蓋嘗遊于鱗元美間稱詩宜其爲彥吉友也豈世所稱必附青雲之士以傳者哉

賀通山王大尹膺部獎序

通山爲武昌最僻邑介在山谷壤土瘠而物力故微頃屬歲饑邑人以菜色耕而吏不加恤又從而魚肉之以故財日益匱賦日益逋閭閻愁歎之聲句句載

於路矣會兩臺使察眉而求之曰此苦吏急也因按治墨吏去疏請擇良吏蘇息之於是選部以剡谿王侯來王侯故山明經宿儒選署惠安簿在任多異績稱廉能閩中遂得察舉高等署右職殆古桑氏所稱六翮之恃非毳毛比數也異矣侯故開敏而習故實又善處議當人心初政卽反前令之繁苛與民休息使得務耕稼滋殖以樂其生而後奉責逋之檄蹙然臨之曰茲國計也非若曹所得終逋毋徒自苦卽大司農徵發期會一督之不應將以文法持長吏豈若曹安乎邑人聞之無不感服凡吾屬得藉餘力甌甌洞藁 卷之四十三 十九

知遇之概且屬兩生申之曰大司農被侯異典豈獨推轂侯將無爲世道復古徵乎嘗讀兩漢循良傳其最知名者類起議曹從事將作謁者以及丞簿均輸長並得從察舉賢良補守令徐用表次成績召拜爲公卿庶幾立賢無方之遺意云逮我國初任人間用漢法久之法意浸微治理亦少槩見茲遇聖天子法古求賢眷簡親民長吏詔察丞簿之良表署爲郡邑長間日徵入列在臺省一時賢而在末位者莫不彈冠思奮焉予聞侯之佐惠安也凡七被薦書名籍籍動 朝者乃得稍遷一令盡量才而歷試甌甌洞藁 卷之四十三 二十

之也夫仕患不遇合耳簿得察舉而令令不得表次而臺省而公卿邪侯其勉修牧政之未備者侯焉予將以侯爲世道質

感雨詩冊小引

張侯閔旱禱雨雨輒應予既采農人之謠作時雨篇誦之矣郡士人學官弟子屬而和者若干人得詩若干首業已成帙持視予且欲予一言引其端蓋人人德侯言言感雨也庶幾可以觀風乎昔洛人以雨歌祝曰精符感應元城人以雨歌東曰先生通神明然則閔旱而禱司牧事也而有應有不應其天乎乃天

之旱吾土也不與隣壤異而侯之雨吾民也又不與鄰牧同天人相與之際難言哉彼所稱精符神明云如山下雉人始其所以爲禱者異也豈觀風者所不必采乎

任白甫玄尊序

予考劉邵人物志謂求士當竭其兼長蓋使之論道德法制策術備矣夫士負其奇亦謂非備不足以自見故其業勤其論易定未有不得才者今制三試蓋兼用之而士彬彬兼應之則先輩有焉晚近承學率沾沾用其一而緩視其二曰取具目論足矣嗟乎豈

甌甌洞葉

卷之四十三

三十一

惟士自恕哉有司不必求備於士而士卽無所用竭耳予友江夏任白甫氏於斯三者殆有精詣自弱冠負名江漢間彬彬乎兼長士也顧復不售有司起家貢籍則不必求備而士無所用竭之明效也乃白甫旣入大廷卒業大學給事大宗伯屬又無不以文冠天下士豈其怯小壘而勇萬人敵哉所遇求士者異也客有抱玉過三家之野曾無一人就視者挈而趨名都之肆則重價爭購之何以異吾白甫哉白甫今售矣白甫故與郭吉士美命同業吉士今雖以文顯而猶推數白甫不置因襲其所著諸義及大廷

以下所試諸兼長屬劄劄氏以傳而命之曰任白甫玄尊蓋華其辭而幽微其旨也吉士知白甫哉而予爲題其端如此

伐檀齋集序

頃予遊吳而吳詞人多從予遊者最後得張左虞蓋王元美先生所呼酒人也而又津津賞其詩夫元美居恒於吳人鮮浮譽豈左虞無常而見阿耶今觀所著伐檀齋詩因恨得左虞晚矣左虞故爲衛將軍一再見用大司馬業已躋而自罷退居吳趨里每好讀先秦兩漢書所爲詩一洗穠郁靡曼之習而抗意曹

甌甌洞葉

卷之四十三

三十一

阮結體唐十二家而於其鄉之先達舍元美昌穀非其侯也人言介胄之士稱詩沾沾剽儒墨以藉資賈重爲自媒地蓋有之而以當左虞則大謬不然夫柏梁臺詩衛尉大將軍儼然在列矣逮若清嘯退虜雅歌從軍橫樂賦詩下馬作露布豈不介胄士而盡推魯無文哉卽左虞遭逢承平吳下垂三十年不用武乃得退從所好磨礱竭才於詩以自喜則何負於世而世顧苛求之蘇令左虞不蚤自罷馮陵一旅樹伐行間矯矯稱虎臣稟將而顧不能以八牘希敦詩悅禮之風亦椎埋販狗乘時赴功名者耳何豪哉予旣

別諸詞人左虞介其友曹子念爲請序予卽不敢用
左虞盡吳下才然用元美之不浮譽足以才左虞矣

甌甌洞葉

卷之四十三

三

甌甌洞葉卷之四十三終

甌甌洞葉卷之四十四

武昌吳國倫著

齊安王同軌校
新安方尚

序三首

蘇公寓黃集序

蘇長公之寓黃也蓋被放云然長公以文見放而文
益以放著如兩赤壁賦津津人口者四百餘年豈其
境必烏村而法必屈宋楊馬哉而才氣風節有足雄
一世而倡後來人人爭豔之矣予考長公少聞其母
誦范滂傳慨然慕之母亦大異其志後雖師其父爲
文然性好莊子賈誼陸贄書故其爲人倏儻踔絕一
無所回疚而文絕似之大都忠獻納似誼而少慧健
論議似贄而少激至縱翰揮霍旁若無人似莊而不
善藏其用予以爲當是時不及黨禍如范滂幸矣何
但放夫長公力詆新法王安石亦心惡其異已而陰
擠之此謂邪正不兩立雖得禍甘焉乃安石每得長
公文與客歎賞不已至謂司馬子長不能過何正言
方媒藥長公詩以爲訕上且下詔獄窮治之而猶宜
言於朝曰軾奇才也嗟乎異哉豈文能作祟而猶翼
其有令名則予所謂才氣風節足以厭之也予又竊
異夫長公既放與人書亟以詩文爲戒而黃諸作乃

獨多不幾於猩猩嗜酒且晉且飲乎古今辭人之癖
有未易以創解者類如是矣他日長公自譽其文謂
如萬斛泉不擇地出而好事者評其詩又曰如武庫
干戈森然令人神慄乃其中不無利鈍長公固善自
道而評亦深知長公哉嘉興陸仁卿氏自爲文部郎
嘗夢與蘇長公遊已左官量移黃之別駕會從其長
鄒彥吉氏過赤壁則遽然夢中事也因力贊彥吉
一新其祠宇而使江山增勝已乃屬王文學行甫括
長公寓黃時所爲詩文彙爲四卷附錄一卷蓋不啻
字句珍焉題之曰蘇公寓黃集使人問序於予予又
甌甌洞葉

卷之四十四

二十

三

稍稍裒益之而序其端如此

方君敬先生七十壽序

初先生與余同舉進士又同試春官祠部政諸見先
生貌古口訥出入手一書默默玩誦不以色親人不
以言自見以爲無大隄人獨余與長興徐子與異之
謂鼎士負千鈞弩不輕發人固不易知也會大宗伯
華亭徐公試所部諸進士以兒寬天子建中和之極
爲目先生立卓數千言不易一字余兩人就視之則
多采遷固禮樂志及仲舒春秋繁露語反復借漢事
諷時政得失其文辯博宏雅當事要因相顧竊歎天

下士豈可以皮相哉迺先生亦已心異余兩人時時
過從以古文辭相命未幾先生領邑出之嶺外矣順
德在嶺外爲最沃宦其地者多以簞簋損名先生獨
持廉平約與民休養屬海濱盜起先生不勒一兵第
密發邑中諸大猾陰罪令得捕盜自贖盜遂平因得
上首功 賜增祿一級後島夷犯吳越有 詔募兵
嶺外而邑中應募諸少年多亡命無賴坐索厚資爲
父老患先生面諭以禍福徐令人持牛酒勞之無不
竦意就道者視旁邑不下省數千緡在邑四年兩臺
使累薦其治行類多稱先生貌古而行恭口訥而中

甌甌洞葉

卷之四十四

二十

三

辨余兩人私相語曰向謂千鈞之弩不輕發今一發
中矣方郎鼎士哉然坐不通京邑貴人書不得入爲
臺諫稍遷南京民部郎無何屬衛士脫巾之變移罪
司筦庫者而波及先生先生拂衣去去之日實不持
一錢歸與劉宜人拮据治薄田自給居數年島夷大
寇閩莆城失守先生有天幸得與其二子縋城脫大
難避之邵武時伯子先舉明經仲尚爲諸生最少先
生雖辛苦顛沛中自失日閉戶詠歌與二子
講業辯析疑義會余遷邵守適至稍爲從者具館穀
先生尋遣其仲從余遊余閱仲負異才大喜謂先生

有子何患無家先生亦大喜與余居邵且二年雖倡和杯酒間往往藉以聞過余益嚴事之至有私干先生者則先生掩面走耳已先生還莆未幾仲用經術魁閩省明年成進士爲世名人卽先生晏然田間至快也日予東遊過白門遇仲問先生年已踰七十矯健無異別邵時念不及走閩海稱觴廼因仲致辭壽先生曰先生之命字曰君敬哉蓋身有之矣夫弗恒其德而恒其年者倖也先生自少至老持一敬不怠卽所稱貌古而行恭口訥而中辨敬也夫敬事則敬敬人則敬故廉徵於吏直徵于友介徵于患難要

魏魏洞藁

卷之四

四

之敬爲其道也先生所以介多壽而長保令名固恒理哉昔机汜七十而不釋恭爲魯君所尊異成回七十常恐虧節仲由稽首稱君子焉茲先生已能事也若夫呂尚父傳丹書首稱敬勝則八十矣衛武公作抑詩箴戒恪恭不少懈則垂百歲矣先生其尚勉之哉壽蓋未可以年筭紀也仲再拜謝曰家大人友天下士多矣未有知其心如先生者請得馳以報家人

送陸仁卿自黃州別駕召還刑部郎序

陸君仁卿自內曹移黃久之不調乃其仁風達節業

已溢旁郡旁郡士大夫莫不延頸望之庶幾旦夕得藉爲丞守而復覩穎渤之治乎無何命下召還刑部郎黃人鞅鞅失怙恃旁郡士大夫有缺望焉會其所部九屬長吏將爲仁卿設祖先介友人王行甫氏謁言於予予曰微行甫言予不能無意仁卿也而又重以諸君子之請乎夫黃楚劇郡也故稱守難而以佐守爲尤難何也專制與兼攝之勢異而久暫殊形也夫專以一制萬卽萬視萬聽皆一兼以貳執一卽一視一聽猶貳此吏民之大情也故今天下稱善守者常什三稱善攝者無聞焉其有聞者也又非其可

魏魏洞藁

卷之四

五

久者也惟仁卿之於黃則大較不然其用守之道攝之乎仁卿故嘉禾名儒弱冠起家成進士試理廬江用察舉高等入爲刑部郎尋改南京選部駸駸負公輔望矣會中浮語左遷量移黃別駕蓋逡巡畏路且十五年仁卿素其位行若不知有險夷利鈍者比至黃則守適以觀行守還又適以遷去而仁卿先後居守者幾二年是二年也固仁卿遊刃之地而長駕遠馭之資也然予不難其居守而難其以佐守且二年如一日也予觀仁卿抱汪洋之度不屑爲姁阿具開敏之才而不務爲精悍懷乳哺之仁而不任爲姑

息蓄博雅之學而不肆爲曼辭明金矢之條而不習爲周內巧詆諸所嘗施大者禮賢興學問疾弔死者先民之逸典而脩師帥故事豈非予所謂守之道乎夫仁卿不自貳黃人亦無所自以貳仁卿故二年一日九屬一心吏之畏之也有餘懷焉民之懷之也有餘畏焉故曰萬視一視也萬聽一聽也今之爲吏者循循視已成事保無失其名譽幸矣何敢望仁卿之難若是哉頃者 朝政廓清

天子思用端人正士諸嘗以浮語中仁卿及從旁下之石者竄逐殆盡仁卿始得以名實自見被 召還

甌甌洞藁

卷之四十四

一

七

然則險夷利鈍豈人所逆觀哉仁卿自此升矣予謂仁卿素其位行蓋知其爲郎也當不易其所爲郡也即知其爲公輔也當亦不易其所爲郎也予嘗一日過黃客仁卿則仁卿知予深矣諸君子乃謂予知仁卿而以意屬之敢不拜命

傳八首

四烈傳并序

四烈其三郡人其一蜀人而郡人姬也俱生嘉靖間先後以盛年從其夫死予竊心異之喬水之詩說者謂文王化行江漢卽女子能以禮自守豈四氏能風

於詩乎夫四氏皆處身貧賤家生無所師死無所教第自信其從一之志巍如泰山不可動信如四時不可移曾不知有身後名也奚啻賢於遊女之自守者乎至如劉中壘范宣城所著稱方斯或有遺憾矣夫微美不殊而世典或漏君子猶愍焉乃予產同其鄉而視聞其事甚著寧能使之湓死無傳也卽問巷何以風作四烈傳

石瓊秀豐樂里人郡諸生石漢女生嘉靖丁酉自少性剛烈與羣女居抗志自好不習爲冶容甲辰聘州人張經世乙卯經世病卒瓊秀聞訃悲咽毅然欲奔喪父母力挽之不可比至經世家一哭幾絕徐強起上堂拜舅姑曰不幸不及事吾夫猶得爲吾夫事二

甌甌洞藁

卷之四十四

七

三

尊人卽張家婦無他志矣遂留喪次不去其後父母妻迎之舅姑亦以貧故妻勸之歸瓊秀並以死誓弗聽稍迫之輒欲引刀自決自是宗黨內外無復敢有奪其志者張氏故微而經世父方困諸生不能自給未幾父又病死瓊秀獨與其姑自相弔卽并日而食不言饑易衣而起不言寒竟癯然骨立至庚申三月嘔血死予考列女傳其以未嫁稱高節者僅羅女靜崔女素也然靜之不嫁爲父報夫而素之死夫爲見

迫於賊皆有以也乃瓊秀則何以哉夫執禮奔喪甘貧誓死此其志蓋可以貫金石而與日月爭光即羅翟二女難之矣經世父名化予少嘗師事之

從二姑爲宣化里人從必達女適趙璉兩家皆田舍兒曾不聞離誠語乃其居室倡隨油然天性鄉鄰賢之越六年璉病且死其妻而不能言二姑泣曰得毋以妾爲念乎惟有與君同穴耳於是璉目始瞑二姑撫屍哭之盡絕其姑力慰不解誓以死殉姑因屬一老婢密護之二姑知姑意勉從之已葬璉舍東隅朝夕持漿飯哭哭焉聞者爲之哽咽流涕未幾私告其婢曰幸善視吾姑吾夫待吾冥冥且旬日今得以身與之試黃泉虜虻蟻死無恨矣語畢遂不復食尋以他事給婢出即閉門解其經經死室中姑與婢破壁救之無及矣死之日年才二十有四其姑哭之慟曰婦死吾兒也因舉其喪與璉合葬予觀古列女類爲人所不亮而恐見污至自刑其耳目鼻髮以示心若曰刑餘之人可釋也乃二姑一無所爲而獨以有同穴盟慨然身赴之惟恐失期即賈生所稱烈士殉名未必若是勇也此之爲節不已難乎

史公嘗悲巖穴之士名埋滅而不稱嗟乎巖穴之

鹿鹿洞集

卷之四十四

八

七

鹿鹿洞集

卷之四十四

八

七

士猶有稱者而獨處身泥垢若所謂男而壻婢女而婦奴卽有奇節不得附青雲之士以傳豈賤其人而羞稱之乎夫管仲父之舉甯戚也以婢知其詩周大夫有其婢賢爲能忍辱甘死以全其主父母不可謂細行矣曾不得少概見至如翟家婢青死其主女卽因主女見列由古及今其不得有所因而稱者又何可勝數乎予所聞里中莊八兒死節事竊不勝其悲矣八兒郡富口人莊寧女寧父祖三世爲莊家奴遂冒莊姓八兒年十六嫁劉學良學良亦入奴子越二年病卒葬舍傍八兒執喪甚哀日舉案進食哭奠于墓婁絕復甦久之爲舅姑所厭欲嫁之八兒以死拒又數月有少年傭耕者見八兒悅之求爲贅壻其舅姑業已納聘而使八兒母從更之八兒自度不能抗佯許焉傭遂爲期以請至期八兒與其奴方晨春私謂奴曰明日不相春矣奴不解其意少選又與奴易簪曰他日見簪毋相忘也奴益疑之至暮忽改新粧出拜舅姑舅姑不知其訣也以爲將受壻而喜之須臾入室自經死夫八兒以人奴子爲人奴婦至微賤矣又年少質弱卽依違其舅姑非有門閥可損保訓可辱也顧獨視再適爲汚而甘死若飴茲不凜凜丈

夫女哉彼以富人子而有文君名人子而有文姬豈得與八兒論貴賤哉語云金生沙礫珠出污泥信矣信矣

艾姬者蜀之什邡縣人艾榮女吾友陶弼令綿竹時納爲小姬初陶娶于黃無子而善如嘗納吳氏姬生一子且數歲黃陽愛之因勸陶再納黃氏姬蓋黃姬卽其兄女性悍而有妖態計納之足以薄吳姬寵而危其孤也陶尋攜兩姬之綿竹果不相能無何黃亦自往助之初入解卽撫吳姬子陽泣曰久不抱兒兒瘠甚豈小婦不善視兒耶陶信以爲愛也遂不復有

甌甌洞藁

卷之四十四

十

陳朝

他慮會兒有微疾而陶適役于外二黃陰賂醫酖殺之且目吳姬曰尚能恃兒近吾夫否已陶知兒死二黃手而莫如之何第遣與吳姬俱歸吳姬遂見逐爲農人婦矣故陶得乘是時納艾姬艾姬年始十七端好寡言笑有寵於陶後陶遷姚安別駕攜艾過家與二黃異居二黃竊恨之已陶又坐事貶開闢參軍獨攜艾姬往黃愈不能平嗾黃姬往制之比至則艾姬退處一室曰寧絕吾進御毋寧使官解有惡聲污吾夫名是時陶已踰五十無嗣自憤爲妒婦悍妾所厄鬱鬱成疹死黃姬恬不爲哀第自括其裝中資爲再

適計而獨艾姬抱屍撫棺哭七日七夜不食而死死之日屬其從者曰吾從夫子地下無恨矣幸焚吾屍裹吾骨以歸庶幾附夫子之餘土藏焉從者如其言以骨從陶櫬還至家黃猶妬未已大罵曰婢子安得附夫尋瘞其骨壞垣下且逕其上曰婢子安得有冢乃所謂黃姬者業已不用命而自嫁夫矣嗟乎悲哉艾事陶未久且非其正御也而能慨然以死殉可不謂貞乎彼婦之妬不有其夫而忍於翦其嗣又何有於殉夫之小姬也後三年黃以惡疾死又二年郡牧楊仁甫始遷艾姬與陶合葬而爲文祭焉

甌甌洞藁

卷之四十四

十一

陳朝

林貞女傳

貞女名萊閩縣林參政允中子也參政初爲東萊文學官生女其解因名後參政登進士與長樂陳中丞竝仕浙江中丞因以其仲子長源聘女許之時男女俱五歲暨參政守南安時則女已涉孝經列女傳內則諸書而其性又柔惠有志操動如成人父母獨憐愛之異他子屬其母病日女卽不遑寢食每晨起輒抱母舌舐之至愈乃已其敦孝敬類是參政每夜分授諸子書女亦時時從旁竊聽至聞孟子死徙無出鄉語乃造膝而請其義參政爲援訓詁解之女大悟

因謂彼同井里人信義乃爾奈何今之號門內親者反相戕若胡越豈今人獨非人耶母亦未聞古之道也參政爲之改容視其母曰異哉此怠恨不男而女耳顧其他日當以士行爲名閥重何必男後長源成經術補邑弟子員兩家且待年而婚會中丞參政並執親喪不得成禮亡何長源病卒矣女聞之驚痛不自勝徐解簪易服詣其家祠斷髮以自誓曰妾不幸不得爲陳氏兒捧匳臨窆願從地下事之所不終其志靈神在此諸林氏宗婦內賓日相慰解之曰子於陳家兒未嘗須臾其牢輕生無謂徒以憂怖兩老親

甌甌洞藁 卷之四十四 十一

耳女正色拒之曰如若所言則木醮之女將得視其夫路人乎竊不願聞矣夫妾五歲受聘稱陳家婦今二十而以死生易盟豈能覩然而人面哉即父母愛我而禽獸我視一死孰安於是諸解者不復能進一辭女因泣請於父幸告舅氏骨肉將復於土其治兩壙虛其一俟兒兒且奔喪拜舅姑得一日託在草土而盡庶吾志明且比於禮也已參政又熟察女已有固志不可移乃具書如女旨以詒中丞中丞得書悲愴嗚咽久之乃報參政曰婦志誠美非余所敢從夫余實不德而天降之禍天余子今又不自悔禍而以

及人之子是重余不德也敢辭其後女請益堅中丞辭益力女乃拊膺大哭與其父訣曰舅氏所不忍於兒者死耳乃兒初以死誓冥冥者知之而輒負之雖生之謂何兒今下報冥冥者矣語訖遂閉閣絕飲食者七日嘔血死中丞哀之如哀長源因迎其喪與長源合葬焉嗟乎古今傳列女而有烈如林氏女者哉夫婦不踐二庭而以身殉其夫徃徃稱高行奇節難矣至如未婦而殉則千百年不多見蓋有之亦必有所迫而自刑也乃林氏仕族女待字中閨曾不知夫庭所在一得凶問遂慨然以死許而從容赴之此何

甌甌洞藁 卷之四十四 十三

所迫耶意其天授貞白蟬蛻塵垢之外而有皜於赤日烈於秋霜者耶此一死而萬古矣宜其國人私謚曰貞女而予爲之傳以俟采風

明處士孟華陳公傳

嗚呼公下世凡四世且百餘年屬麗牲之石尚虛其孫都御史蓋恐久而遂泯泯也始自敘述祖德以詒後昆庶幾聞諸學士大夫家矣已其曾孫大司馬少司馬先後來填吾楚國倫儼然在宇下而兩司馬並厚視之因以其傳屬焉傳曰公名英字孟華閩長樂縣人其先福清南陽村人梁開平間遠祖大郎公自

福清徙長樂之江田傳生七世祖文海公又於宋開慶間自江田徙古槐文海生該該生世珪世珪生遇生遇生洧洧生育是爲公父以永樂戊戌年生公公上世竝隱於耕而家亦晏然自給逮

高帝初定天下時籍郡國良家子實戎伍公家當一人踐更戌中都已又移戌和陽未幾戌者被罪謫戌寧夏寧夏故朔方地苦寒又密邈羌戎趙克國所稱秦民見行如往棄市蓋其處也至以炎方人投之亡論荷戈控弦非其任而性亦不能其水土一遇風霜慘裂鮮不瘡痍而立債者天順間公從大父浩從父

甌龔洞藁

卷之四十四

十四

四

彥相繼戌死寧夏移軍牒至公以次當行公泣而謀諸人曰茲趣吾赴水火也一死死耳奈子孫世世難未已何或曰法得以自廢免子其圖之公曰斷吾指可乎曰未也公曰折吾臂可乎曰未也公於是叩心而歎曰天乎天乎吾不復得爲成人矣因用火鳳草曜其兩目以示軍吏軍吏憐而釋之得不行人言塞上翁以折髀致福然而爲公者亦苦矣久之憤懣成痼至成化己亥年六月卒于家越嘉靖戊子始得與其配林孺人合葬于六都之星谿公生平性方嚴寡與人合因取古人佩韋義自號和庵當公之世去

田族已遠而家又中微乃獨惓惓顧念其先不能忘自脩甘二尊人暨世守宋元間故居遺器以蒸嘗家廟歲無缺儀猶能割餘產以助江田諸祀事曰均吾南陽裔也此可謂知本矣公雖鮮兄弟而友愛諸從不減同胞其遇從兄文粳孟輝尤極厚善後文粳舉進士孟輝以文行顯卒祠于鄉鄉人益以此義公會流賊鄧茂七寇古槐古槐人奔避山谷多至失所寇退公悉招而恤之使得各寧其家宜公樹德古槐至于今也林儒人爲三溪世族女賢而有士行與公共持家難拮据無遺力生三子長培蚤世次疆次奎贈

甌龔洞藁

卷之四十四

十五

四

刑部侍郎一女適諸生高伯熊孫六人其顯者大倫贈御史大用進士官常州府知府大漢進士封都御史曾孫十八人其顯者瑞卽大司馬省卽少司馬竝進士琦舉人表貢士玄孫三十人其顯者長祚進士官兵部郎長濬舉人長勉太學生餘頴脫膠序者二十四人嗟乎初公嬰家難求釋一遠戌不可得至自盲以比其後何寒寒也乃其子孫先後起經術登用治朝纓綬相屬大者位上卿次亦不失爲郎吏二千石樹勲伐而流聲稱駿駁盛矣弔賀倚伏其機固然哉藉令公愛兩目而從遠戌卽子父未必相保又安

知百歲後滋大如是哉語云本深者末茂德厚者流光由斯而談天之大公後也詎獨以自盲也陳氏其未艾乎

處士徐伯宸傳

處士名御章字伯宸德興人世居天門村蓋秋谷先生八世孫也按張太史式所爲行實稱先生曾大父行曰是出我瑤坂翰林顯忠公之曾孫上舍文中公子也初文中有姊適建昌知州徐從龍後從龍無子而產厚子異姓子三人以先生爲介子名之曰嘉善遂爲徐後以理學仕元爲饒州路教授生公益公益

龍龕洞藁

卷之四十四

七

陳朝

至紛爭不決得處士居閒一言帖然自解去不復纖芥遺憾卽不自意蒙外侮曾未嘗少動聲色第以理喻之其人愈自惶恐謝過又不吝恤人之私而恥有移德晚年與里中葉文學欽義士全以意氣深相結因脩鄉校遺事以風厲一鄉鄉人尊信之未幾爲春旱倡鄉人禱雨不自知其過勞遂病卒時嘉靖庚子年纔六十有四先娶舒氏繼李氏生六男子曰迪昭續昭誠昭賢昭繼昭述昭一女子適庠生許珂孫男八人曾孫男五人處士下世且四十年其季子述昭自爲狀越數百里來謁予作傳予因論其世而撰

龍龕洞藁

卷之四十四

十七

陳朝

遺其宗以宗徐不猶田之爲車夏侯之爲孫乎是傳
孝之過也秋杜之詩曰豈無他人不如我同姓予故
於處士傳及之以俟後賢云

贈嘉議大夫刑部左侍郎李厚陳公傳

公名奎字季厚閩長樂人其稱遺安蓋慕龐德公之
爲人而用其前訓也父曰孟華公英其先世具孟華
公傳中勿敘初孟華公娶於林生三子而公其季少
嘗業儒家言久之爲貧棄去獨工楷書法雅爲鄉名
公所重居恒意氣自許而卒折節行仁義里中會伯
氏蚤世孟華公瞽而鬱鬱病也公不安寢處者數年

甌甌洞藁

卷之四十四

十八

內持諸艱而外禦羣侮往往出死力至析產則推其
腴與仲而自取瘠已又割田三十畝以益仲曰仲勤
於家所就多也後孟華公下世且十餘年寧夏軍牒
復至當公以戍行會職方氏有疏請用兌戍法念南
北遼遠水土不相能而戍死者無筭其令北人戍南
者與南人兌南人戍北者與北人兌各就其鄉踐更
焉令下南北稱便公乃得免寧夏戍而代王韓兒爲
閩屯軍蓋韓兒故寧夏人也未數年寧夏軍吏弗與
公除籍而牒累至公奮然曰此禍本也不拔將長且
吾先君之自毀也謂何及吾之身而使子孫世受用

非丈夫子也於是按兌戍故事自草疏徒步入京
再奏不報號泣而歸蓋在弘治甲寅丁巳間也又二
年軍吏在門追呼公益急且使人密調於路公不得
已泣而與高淑人訣曰陳氏禍福在此行其濟先君
之靈也弗濟吾其爲厲鬼矣因乘夜間行入福州吏
解見其中表林德淵與之謀復赴京時公單衣踉蹌
雨雪中憊其德淵憐而飲食之解所衣綈袍與公禦
寒而使人密送之出境公遂得賈勇而北北至京則
懷資罄矣屬其中表謝仲簡氏時爲司空郎公往依
之仲簡素高公義見公惻然相勞不靳具館穀且居

甌甌洞藁

卷之四十四

十九

閒從吏其事疏上得報可除寧夏籍以歸然坐是廢
生產而家日益貧歷正德間董董朝營而夕炊殆無
宿飽已又值歲荐饑饘粥不繼者累日嘗匍匐趨福
州將爲人傭書以自食遇其從父季靜止之曰傭書
非計因令受童子三十人授書市中未數月公又厭
從市井兒取糶爲日曰壯夫不爲也謝去自爲卒歲
計而課諸子誦讀不欲以窮乏故損志公故人蕭某
善提其家政四世同居公心敬之曰稱述以爲宗族
訓惡少林順嘗挾睚眦之隙暴公適戍事幾爲所厄
而死事既白公亦不校後棘谿祖墓被發不得賊宗

人曰其順乎順忍人且吾仇也公曰茲疑也以疑殺
人雖仇何事而吾忍乎其人聞之大自愧服後公以
積勞成羸病且死屬其子孫曰吾陳氏之脫遠成而
近屯也其猶出重淵而平陸乎事雖有天幸然微林
謝兩中表吾幾爲厲鬼不反何敢望首丘乃今吾目
瞑矣若曹其母忘兩中表哉夫人有怨於已曾不越
宿而已忘至不忘人之德則欲世世報之公之德乎
慨見矣其配高淑人邑茂才剛哲女也高故名族茂
才尤以儒行著稱淑人之開家訓其天性矣初茂才
卜壻得嘉議公而以淑人歸時已不逮事孟華公而

既醮洞葉

卷之四十四

二十

墓

獨林母亡恙林母視諸婦嚴而有禮淑人獨能曲順
其志而用其命林母益安之謂少婦良已試之中饋
中饋飭授之家家政飭蓋淑人性能安澹泊其自
奉曾不餐鮮菜得一肉則以進林母而後分甘諸兒
所與嘉議公歲時供賓祭篤宗親則又勉致豐潔以
當公意遇孟華公忌日輒手治葷羹薦之從其生時
所嘗嗜也已公坐寧夏詰逋成頗爲里胥所擾歲無
寧日淑人竭力佐公厚賂遺之公乃得脫然自行其
志凡三如京師皆淑人解橐中裝爲資最後併帶其
舊田畝無難色暨林母寢疾淑人請以身禱不起爲

之痛哭垂絕且傷公貧不能具厚斂因盡發其故
衣襦衾衽以相之成禮里人稱淑人賢孝無間然矣
其後貧日甚淑人處之晏然即食不再不言饑衣不
重不言寒公嘗操舟從連江載粟來中流遇暴客僅
以身免淑人恐公自傷也慰之曰暴客奪公食而公
不貴之軀故亡恙至厚幸矣尚思其他耶公意遂釋
後公卒而諸子漸長淑人每慟哭訓戒之曰而父猶
藁葬也而母即後死其猶以若曹肩陳氏之統若曹
卽不綴學以自振他日何以易而父墓道且令而母
負地下安用後死爲於是諸子退而力脩其業成儒

既醮洞葉

卷之四十四

二十一

墓

淑人目覩成進士者二人喜且泣曰而父不及見矣
公生宣德己卯年而以正德丁丑卒淑人生後公六
年卒後公九年嘉靖戊子合葬星谿越甲午以子大
用貴奉 敕贈公文林郎監察御史高贈孺人越萬
曆戊寅又以孫瑞貴奉 詔加贈御史爲嘉議大夫
刑部左侍郎孺人爲淑人子六人大猷大倫大夏大
用由進士歷御史仕至知府大濩由進士仕至府同
知封僉都御史大全並淑人出孫十人人長器官巡
檢次訓次瑞由進士官兵部尚書兼副都御史次謀
次舉次琦舉人次奉次常次省由進士官兵部侍郎

兼僉都御史次表貢生次居次與次宅次潛次后次
哀次健曾孫三十人長祚舉進士爲兵部郎二十四
人爲邑博士弟子餘尚幼吳子曰予觀嘉議公狀蓋
惜然傷之而竊幸其有天祚焉夫公備嘗艱險以靖
家難而遺之安志何壯也而卒窮約以終其身豈其
智有所必困而義亦有所不爲乎今子孫席其餘慶
輩出爲縣官用中外夾輔勲載旂常光揚公秘德儼
然受知 二帝追爵至上卿陳氏於是乎大矣微公
其誰荒之卽淑人佐公於微而振其子以報公豈非
天祚陳乎昔者懿氏之卜陳曰五世其昌竝于正卿
甌甌洞藁 卷之四十四 三

甌甌洞藁卷之四十四終

甌甌洞藁卷之四十五

武昌吳國倫著

齊安王同軌校

傳一首

章養心先生傳

先生名子沐字養心吳興德清邑人其先會稽人有
徵士魯翁者業形家言爲人相冢宅有聲會

宣皇帝卜陵且得兆而復陰埋金錢其下 詔使天
下諸形家相之無一中而獨徵士奇中有如拜壓紐
射中覆

帝意大悅欲官之辭不受因 命大官賜酺而錫以

甌甌洞藁 卷之四十五

一

徵士名徵士自此重矣已徵士遊德清愛赤岡佳山
水家焉已屬其仲子之季徙東衡又爲東衡章氏季
生三子長曰恭無嗣子其弟敬之子裕爲嗣裕生四
子季曰鑒稱西林公西林公娶陳孺人生三子長卽
先生先生少英偉不作兒態十二負笈就外傳非省
母不歸十七補邑庠諸生歲時下帷誦讀嘗手鈔五
經諸子及秦漢諸名家言行坐手一卷不釋爲文卓
有古意會西林公困徭役先生又時時輟其業佐之
已復不見知遇有司年駸駸踰壯頗自厭薄舉子業
弗治移其力治生其後生計稍腴且已有又夫子四

人曰與其配孫孺人具甘毳娛西林公未幾公病卒先生哀過於禮明年孫孺人又病卒先生遂絕意進取爲延師課子計至萬曆己卯伯子嘉禎舉于鄉庚辰登進士第先生且喜且泣曰是兒吾先子與吾內子嘗厚望之今俱弗逮見矣是年先生六十而叔子臺禎試得雋鄉士人無不舉手賀先生者辛巳春伯子授楚蒲圻令當之官過里迎先生就養先生曰有老母在吾安得獨就兒養弟兒經生也不習爲吏吾姑與俱視之比至蒲邸三月喜顧其家監曰兄初解逢衣試一邑如老吏吾無憂矣遂決策東歸爲陳孺

甌甌洞藁

卷之四十五

二

初

人壽伯子度不可留以八月朔日具舟戒吏卒送之江行凡六日夜抵蕪湖蓋先生江行累夕多怪夢時時憂陳孺人臥不貼席已遇鄉人之爲江賈者得家報則陳孺人固無恙也先生大喜束書遣蒲人操舟還報伯子而自與蒼頭數人買舟從太湖歸時風候不佳舟人與其蒼頭皆有難色先生力拒之曰吾所爲舍江而湖者以湖徑於江猶及吾母壽辰也如必以風候爲行止奈倚闌者何舟人於是強從之解維行不知幾十里舟竟以風敗同舟之人無一存者蓋八月既望事而後數日有村叟顧玘行經沙浦間見

漂屍縱橫惻然傷之指先生曰是美髯而練衣者非大儒則大賈也得無有求之者乎明日村中惡少年數輩爭來褫先生衣叟不能止已探袖中得一箴以遺叟其便面則蕭太史良有所書贈言也少年旣去叟乃呼其家僮從沙中瘞先生屍且識其上而餘屍纍纍左右焉乃先生家與伯子邸中兩不相聞也居月餘伯子忽忽心動馳一使歸起居先生則舉家驚悸莫知所出而蕪湖所遇鄉人適亦歸趨告其家以蕪湖別時狀當是湖上有不諱也於是叔子叩心呼天借諸宗鄰人大索湖上數日遇顧叟指先生屍所

甌甌洞藁

卷之四十五

三

初

在啓之顏面如生併得所遺衣箴以歸比蒲使還報伯子時尚不知先生何適乃伯子方寸已亂卽日棄官徒跣從間道歸至家則內外哭次於堂上矣以故伯子憔悴苦塊者三年猶有遺恨不遽出嗟乎予閱先生狀殆不勝其悼矣狀又言先生內行甚篤居恒見二尊人稍有慍色輒夫婦跽牀下涕泣請罪必豫悅而後敢興視二弟曲極怡愛至白首無一問言癸亥歲大饑里人李文錦夫婦餓病且死扶攜叩先生之門求鬻其舍旁地先生慨然延入之而手爲糜餽之旋有起色又稍稍分餅粟送之歸李夫婦得不死

而先生亦終不受其地時先生業師遊宦南州朋儕多欲拉先生謁南州而爲救荒計者先生獨謝不往曰夫士自食其力日一飢粥甘也何至走數千里拾人餘唾爲嗟乎若先生可謂孝廉也已廼獨以經術老不見爲世用而又死非其所天意之謂何吳子曰先生之適楚爲急其子也而取徑道歸吳爲急其母也鍾情俯仰之間蓋天性矣自古有死卽不免魚腹未必非正命夫謂非正命也者則屈之懷沙也以忠申徒之負石也以直曹饒二娥之沈于江也以孝具曰非正命可乎予楚人與蒲爲隣比聞伯子政方新旣

旣旣洞藁

卷之四十五

四

卒卒以家難棄蒲去蒲人至今戀戀焉則先生何負於天而天故危其身以遺恨其子莫非命也夫莫非命也夫先生享年六十有一孫孺人故名家女相先生有士行生男卽嘉禎臺禎而禔禎吉禎則孺人所置施氏出也餘具王司寇所爲誌中勿敘而予傳其大者如此云

記十首

肥城縣重修關侯廟記

肥城故有關雲長廟當邑之中不知創自何代至以王號號之御史中丞李公未第時嘗下帷廡舍間睹

記邑父老歲時伏臘更相主進持醵錢聚賽爲樂其有兵荒疹癘及昆蟲豕鼠之害雖至微細輒相率礮雞刺彘尸祝而禳之以爲常云弗賽弗禳卽家懼而人不自安史歸氏所謂神依人而行固然哉後中丞公宦遊且若干年廟日就蕪圯幾鞠爲場隆慶改元邑父老聚而慮材鳩傭一新其故寢殿中嚴賓廬在序庖福庖井各適其所繚以丹垣扞以重門又築臺可數仞而亭其上以懸鐘虞由命期以迄完繕曾不暮月邑父老之賽且禳于斯者莫不義其役而歸功於神中丞公廼以其意屬予記予按雲長以漢前將軍遇害江陵後始追謚壯繆侯未有王號而追王之者母亦竦意臚語有如蔣帝茅司徒之稱不必有據也夫廟以安神而稱之以其所不安予已不知其可又王則王祀必陳禮備樂而後舉非父老所得礮雞刺彘賽且禳也今尊神而庠其禮將饗之乎予故先正其名因欲解父老之惑又申告之天下廟祀侯者多矣而肥祀爲猶有名何也以侯嘗麾蓋策馬斬顏良解東郡之圍一時英風至今凜凜在肥故東郡下邑也祀典所載功施於民其庶幾當之夫侯之血食旣有所從來齊魯人好義又其天性固宜世世祀不

旣旣洞藁

卷之四十五

五

廢乃予聞於古之人朕志先定詢謀僉同鬼神其依
大神依於人志帥於已志未定而聽於人是惑也人
未協而聽於神惑斯甚矣夫侯合徒翊漢虎視孫曹
忠勇釋萬人敵蓋人情所共震也諸父老聞侯之風
舉邑而嚮於義乎是侯之有大造於邑已不然人不
我與神將焉依且父老獨不見侯之起也以亡命而
其遇害也以獎之捷由斯而談禍福相倚侯亦不能
自爲命而又能於百世之後禍福乎人哉中丞公遂
以予言告父老因鑿石而碑之

登石蓮峯記

龍龕洞藁

卷之四十五

六

峯在普定城內稍南隅高可百仞獨峙爲一方奇觀
故未有名後以浮屠氏塔其上俗遂相傳呼塔峯林
大夫不以爲雅屬予易今名云蓋予從大夫登是峯
也凡數十折皆捫石而上石片片阿邴如蓮華俯仰
視之則盤紆嶸嶸雪然千葉蓮也又其麓爲古園通
寺命名蓋有取焉林大夫曰茲山生金筑夷壤不知
幾千百年始入阜興又二百年名始著豈其遇我而
人晚耶今夫天下士以遇塞爲顯晦彼負奇終身泯
泯不見物色如茲山者豈少也比其顯者也或不必
茲山若也又奚論蚤暮耶於是振衣絕頂觀盡子雅

歌觴予有頃滃雲垂天薦雷殷地雨且至大夫曰茲
泱泱乎山靈來哉予謬爲呪曰山如有靈雨姑徐徐
遂與大夫各踞一石飲環視數百步外居人走避雨
田者不及被襪襪市者不及歛闌闌山鳴潦湧旬旬
滴滴獨予與大夫箕坐飲自如雨亦竟不至暨漏下
數刻風起不可燭始扶攜下就飲寺中比入寺則雨
驟如注不止矣時萬曆改元孟夏辛未日夫峯之得
名偶然耳乃雨止數百步外使予兩人並屨其心賞
而後至可不謂奇哉可不謂奇哉大夫莆陽人名澄
源字仲清

龍龕洞藁

卷之四十五

七

雪山冰井記

往歲友人以白甕缸一口見遺體園而資極瑩澈高
尺許徑一尺有半中可貯水五十升漢人謂玉晶盤
與冰同潔茲庶幾焉驗之蓋正德間器也未幾客有
載一白石山來求售者大不盈尺高倍之客不自知
其名予曰此玉華石也出將樂洞雖工人稍斷其初
而天造奇形故在巉巖礪砢光片片可鏡其陰則斗
削壁立上下兩空洞有含煙出雲之狀卽小山賦不
盡其奇矣因以布十疋易之客大溢所望而去頃予
抱病溽暑喘息如焚思欲登雪山而浴冰井不可得

因取玉華石置左名之曰雪山白薨缸置右而實以清泉名之曰水井乃布竹榻其間坐臥焉遂覺暑氣漸微涼意漸洽間起而摩挲之則儵然山欲雪井欲冰也已而自笑曰炎方六月何自有冰雪哉夫霄壤之間凡可強而名者借也而吾以其不可名者寄焉亦借也豈惟拳石勺水爲然仰積氣而爲天俯積塊而爲地皆強而名之也託之乎象其形也天地且爾又何一物非借乎乃予之左雪山而右水井也亦象其形而借其意耳漢書云清室則中夏含霜夫室可霜也安見山不可雪而井不可冰乎客有聞予言而

甌甌洞藁

卷之四十五

八

言哉

登馬鞍山記

馬鞍山在州之東五十里許北負大江南臨下雒湖其高不下千仞週迴凡三里而與他山綿亘則百餘里予偶江行望山勢絕類天馬計不能飛跨之乃停舟江口攜兒無忌步過山逕徘徊仰視久之爽氣裊裊然可結乃有農人數輩邀於路蓋治予家薄田者遂從之抵其舍舍在山之南麓左右皆水村而後有崇岡竹樹蒙密坐上居然見湖南諸山蒼翠與水色

相盪田家景若此豈必輞川洛谷哉時農人爲予炊黍尚未熟予起逶迤舍傍西行數十步見田中荒壘凡數十相望成行農人相傳以爲古蠻王陳兵張設旗鼓處因言山顛有洗馬池但峻絕罕人跡至耳予益興發不能止農人初猶難之見予束衣奮臂而前則左推右挽由西麓攀竹木上雖荆棘披面藤蔓繭足不復顧稍倦則踞石少息踵凡數息始至而所經怪石若芙蓉若仙掌若錦屏若象馬類者不可勝數乃其上複嶺稍平可住足而觀所謂洗馬池者又當山之北凹廣二畝深幾五尋外隄之高如堅壁而陰壑積生其中甚幽惜水涸耳意前代居人避亂者姑據此以待傳檄如謂蠻王洗馬其上而陳兵其下則負何險哉已躡東磴遂可挾江與湖爲兩腋而西招麒麟鳳皇諸山東望匡廬咫尺雲表矣旋藉草坐少頃無忌告饑予亦病暍思飲會農人有送酒至者欣然與無忌各盡三巨觥始能舉足覓樵徑下下至平林逢二客以壺榼來相勞因與俱飯田家別去夫天下名山多矣亡論轍跡所經未嘗愛勞即神遊人口脰間猶恨不卽命駕乃茲山之奇在境內曾未聞有一登者而志亦埋滅不載今予雖造次爲此遊年又已

甌甌洞藁

卷之四十五

九

過半百前之日得無爲山靈所嗤乎然茲遊竟奇矣
萬曆庚辰孟冬廿三日記

谿南春遊記

予初買山谿南爲歸耕計蓋有兩別業云其一去城
十五里曰梧塘卽梧桐山之趾也又五里曰西礪面
蠻王若居焉所居竝因田家之舊無所更置稍稍相
地培竹木翼之越十餘年生意蕃殖頗爲泉石增幽
勝予雖宦游四方未嘗一日不寄情于茲矣頃歲旣
罷大梁參政歸往來兩山之間抱書課農野性甚適
居數月故人張羽王自京兆別駕謫判吾州且至予
甌甌洞藁 卷之四十五 十
始巾車一出晤之今年仲春之朔予方從農人舉事
梧塘聞羽王適以勸農過乃趣童子燒筍炊糜俟之
已羽王果至吾兒無忌亦以壺榼從酒數行乘興登
山見紫芝獨榮手自采之歸而飲舍傍竹間不計杯
行予已陶然先醉至夜分就寢時猶聞羽王與無忌
談二氏之學不倦其明日羽王困宿醒晏起從予步
過西礪息九畹堂少頃扶攜登高岡坐茂樹間飲始
猶不勝杯酌已而望見石蘭溪水縈眇如帶有聲磷
磷響應林壑羽王曰醒解矣遂起攬衣而前就溪傍
列藉爲流觴之飲已復競取巨觴鼓飲之羽王又從

溪上望見顏子山三峯在天爽氣在其曾臆欣然欲
翼而登之予醉不能從羽王別予曰子休矣茲山茲
水不減蘭亭君家父子風致亦與逸少輩相當蓋記
之予惟曲水之會賓從衣冠甚盛且選勝而遊曰修
禊事也今予以勸農郊行遇予田間豈有期而赴哉
故卽寓爲景俯仰皆足卽景命酌耳目可娛乘興而
來興盡而止茲尼父所以與點而蒙莊不自知其非
魚也今無論天地之大古今之遠卽茲尺寸溪流不
知疏自何代一遇吾兩人遂得與洗耳濯纓齊潔不
則蠻若中飲牛汗漬耳然則物與我何常之有今世
甌甌洞藁 卷之四十五 十一
士率慕王氏風致願起而從之遊乃其流目騁懷臨
樂興感至以一生死齊彭殤爲妄且誕則非予之所
知予竊有志焉不言而羽王知之矣時萬曆六年仲
春三日

谿南夏遊記

是歲初夏東陽布衣方聖休氏自鄆來訪予其性雅
好山水及讀予谿南紀遊諸篇慨然心豔之予亦心
許之會郡中有成城之役湖濱居人趣運土石自利
不得狎買一舟往乃命家僮自具舟如後輩輩受五
六人越旬日始就因亭其上而額之曰狎鷗以五月

之六日載酒脯登舟予兄子壻余敦甫與無忌無傷
兩兒從之舟渡南湖十里許平水遠山望之與天高
下生忽忽若有所會口微吟不絕聲少選入溪灣行
經古釣臺顧見其上崖石斗削霞彩爛然起自呼酒
賞之蓋卽南墅水口山也山故無名生因強予名之
曰霞石生曰山自茲顯矣又自呼酒賞之由釣臺而
南三里許爲碧湖又一里許古隄高柳水四時不涸
處則梧塘也梧塘故不入舟以鯁穴其隄潰一隙如
石門狀舟乃得入繫深樹間有泉淙淙自山礧落聽
之可以忘暑已從小徑造竹間席地飲二客與兩兒

甌甌洞藁

卷之四十五

十二

呼六博淋漓相加其鋒甚敵予因起而辟之至夜生
雖半酣猶能與予坐草堂詠螢火其明日生與敦甫
馳兩騎登梧桐山熟視其來脈歸見後園紫芝叢生
隔離大呼予異之予因與二客散步草堂左右諸山
而後反少選友人趙汝修來與生談詩飲盡醉而別
又明日生數迴過西礧甫登舟出梧塘遇友人熊惟
登與吳茂才宗阜從孫賓拏舟適至因與俱西主客
益八人矣其七人先予登岸步過石欄橋跡予與羽
王流觴處與荆就坐予徐以肩輿來命童子用十巨
觴浮白從青荷綠藻中流出無主客無少長競自取

飲各竭其懽心甚者重觴在手不爲饜生又與無忌
跣足立中流觴至輒攘而牛飲之予笑曰此雖以軍
法行酒奈諸少年何然過矣予度其興發不沈湎不
止遂起策馬去而七人者隨亦罷酒從之入舟經釣
臺東過鎮山顧其堤岸柳陰甚濃艤舟納涼久之乃
賈勇登鎮山之顛得陳時靈僊觀故址僅一老樹存
而石斧斧劍諸異不可復睹矣俯瞰西灣蓋吾家種
魚處在堤岸之內別渚爲一水形如犢鼻香森莫知
其竟因覓兩小艇分載八人遵渚而浮周遭山隧間
可二里許皆止水也生且醉采荷花著於冠而舉水

甌甌洞藁

卷之四十五

十三

將爲帶飄飄然有方外之風須臾有龐眉老人以短
筏送魚酒至且飲且歌載月而反生歎曰奇哉遊乎
予謂茲去羽王春遊時山不增高水不加深顧長養
之府載闢娛耳悅目之澤滋多禾黍既齊木茂泉溢
百日之內風物較殊惜陽景之易流慨良朋之難偶
況由茲以逝漫然陳跡將孰覩其終乎予旣不能蟬
蛻以離塵亦不欲從流而忘反山水之間惟其所適
足矣何論奇不奇哉累日成詩若干篇屬生鳴舷而
和之餘子謙讓未遑矣萬曆戊寅重五後三日記

像教精舍記

夫佛寺之名精舍蓋漢明晉武爲之漢處摩騰東都
晉引沙門內殿像教自此顯矣乃古之儒者竝立精
舍教授生徒如謝靈運亦嘗自名其齋爲石壁精舍
豈二主借儒名以崇佛乎至如李約之從蕭寺買得
一蕭字自玩遂題其室爲蕭齋不又借佛名以飾儒
乎今孔陽王孫置精舍其邸中蓋兼之矣予友王元
美中歲好佛爲小祇園事之頃歲又好道師曇陽子
而受其偈戒閉關脩持因以所事佛像一尊致孔陽
而與之書曰此自西國來也西國高僧吐三昧火自
焚化去而其徒因膠餘燼成佛像高僧之靈異寄焉

甌甌洞藁

卷之四十五

十四

非土木偶萬一也聞子好佛故以相遺子其嚴事之
孔陽故重元美名得之不啻如見休屠王祭天金人
而奉白馬馱經自西域至也因關所居依隱亭西別
築一室爲龕奉佛居焉旋以其家所藏宋墨本二十
四章經與諸禪宗內典及經史圖籍陳列左右於是
購得白瓷鑪紫石磬青蓮燈各一具用以脩清淨之
供日齋心其中而視精舍以外跣步皆妄境矣因名
像教精舍蓋萬曆庚辰事也明年始介方仲美氏問
記於予予竦意而嗟曰王孫不有其世而好文奇矣
至又不有其文而好佛若是哉夫四大非有三昧無

聲佛旨也西僧自焚可謂善離妄身而空一切矣奈
何其徒不能忘而色相之以示人乎若孔陽則依位
而立可也不爾則佛骨佛齒漢唐名人業已水火之
豈一僧之死灰足寶乎如謂世無所不有雖五經所
不載不可便以意斷茲所謂疑信半矣予何敢爲孔
陽辭

涉江遊三山記

鄂之東界爲樊楚蓋有三名山云西山在鄂縣城西
三里東距西塞山百餘里由西塞逆而稍南十五里
則有所謂回山飛雲洞在焉余少嘗遊兩山頗愛其

甌甌洞藁

卷之四十五

十五

奇然都不盡記憶頃得顧子承先生書談飛雲之勝
而未及與俱遊踰歲乃與友人王行甫約又踰歲四
月望前二日始得裹糧買舟偕方山人仲美江行凡
三宿抵齊安則以野服肩輿取問道趨行甫園行甫
聞余兩人至蹶然投袂起喜不自任園蓋枕柯山而
門臨方池大可十餘畝環以古槐高柳繁陰匝地雖
遶城郭條然清涼界也其內亭榭甚具皆不加藻飾
而花石亦不盡珍第從一徑盤旋入夾時名竹嘉樹
編次爲籬而脩羅雜並纏綿點綴所至如錦屏稍徙
履他適則迴盼而迷也行甫善居園哉及暮以其從

孫子振來視余因與俱飲盡歡乘月登悠然樓臥旦
起步園則露冷沾衣矣少選子振載酒邀過赤壁
飲數行且去會鄒使君彥吉來見訪因許爲一日留
移時又遇劉中丞養吾過齊安因與道故竟夕明日
旁午始與仲美再過赤壁赴彥吉之招酒間微談知
彥吉好我因與痛醉而各許有贈言夜歸則鄂縣門
人朱時行熊履初來相逆屬仲美觴之而余高枕矣
明日大雨長年有難色顧西山爽氣英英動眉睫間
不能止趣之峭帆渡江泊寒谿口谿岸有石礪硯詢
之則唐元結所銘坏樽石也從石旁登岸遶縣郭西
麓觀洞壑

卷之四十五

十六

論寺興廢哉時雷雨沍至從者多辟易獨兩生操瓢
酒以從乃就大樹下各盡三巨觴又以其餘飲從者
而後反行甫望見余濡首塗足一練袍如敝絮也嘔
然大笑曰先生得無濯天河來耶何壯也因復舉酒
相勞須臾雨少止乃出山就熊伯子宿凡再宿伯子
爲禮益恭又明日雨稍霽飯朱生所乃從二客孥舟
登龍蟠磯磯隆隆起江中去岸不盈一里石勢蜿蜒
如龍因名武昌記載嘗有龍蟠於此而庾信賦用其
事皆誤也方與二客持酒坐磯石垂盡處豪飲以敵
怒濤乃有劉生者攜具至與飲寺中數行遂放舟下
麓觀洞壑

卷之四十五

十七

行經陶桓公種柳處迤邐度萬松橋凡九折而上九
曲領踰領得脩阪深入一里許望見寺門乃熊伯子
業已爲其寺中延予入寺在山之中乳故吳王避暑
宮後廢爲寺晉名僧惠遠嘗於此說法層巒障後古
木翳前左右兩山翼而抱之且與壽昌石門諸山連
亘合沓而寒谿谿谷二水並經其下入江辟暑逃禪
無踰此境惜殿宇垂壞諸僧僅識耒鋤耳尋登樓就
熊伯子飲時二客已怯雨無他興而余獨乘半酣買
勇呼蒼頭扶攜登其後絕頂撫試劍石西望楚子紅
封地東瞻吳王都城並在沮洳榛莽中不可復識何

里許兩僧方除道迎客入一柴局遶佛堂後得絕壁可五百仞上下兩洞深廣不及尋竝有雲氣出沒上者類石樓下者類蔬珠宮洞底泉滑滑涌莫知所自元居士所稱異泉是也泉分兩小澗遶佛堂右出漸出漸大已匯爲坎落最下一洞茂樹間不復可覩第颯颯作雨聲耳二客既側足捫石登上洞窺其中無他奇余遂憚險止洞口列藉俟二客下聽泉細酌已又移坐坎石上靜聽之磷磷鏘鏘如奏金石亭午共飽僧飯且行余猶遲疑鄉道上所見泉落處當是奇境顧恨無所取徑僧亦遂巡難之有頃一蒼頭奮臂

甌甌洞藁

卷之四十五

十八

傳

攀長條自縊而下大呼得奇行甫遂飄然以身嘗險下仲美繼之余後至俯睨崖極斗削不受足則一人引縑維大樹上而以其垂授余度寸寸自汲可十餘武又數人擁竹梯下之既下卽不知身所從至得三石巖深廣皆倍兩洞其一卽百丈泉落處石多文理如五色雲垂天而覆命之曰錦雲幄坐幄下觀泉泉反在外連者貫珠濺者屑玉視道上望見時又一幻也其一石多玄色玲瓏璀璨如聚多寶命之曰玄玉府其一石多白色如石髓流而忽注續紛連蜨莫可名狀命之曰滴乳巖巖各可受六七人旋令掃除班

坐呼酒以古兕觥浮二客曰此自世外一區古今人足跡罕至吾屬以窮日造而有之卽巨靈之掌五丁之力無所用藉今失此而去雖日陟回山而歲臥飛雲洞何奇此庶幾有天牖乎客然余言起而觥余交錯痛醉反照在絕壁矣徐躡梯引縑而上如下特別僧去過臥石則又據而回觀百丈泉醉忽漸解因命之曰醒酒石是夜舟泊道士磯下明日行甫稍病醒余兩人曳而強起登西塞山寰宇志稱西塞高一百六十丈周三十七里今所登乃其橫江一面耳山既峭崿而其下磯水衝激震撼蓋吳楚要害地如周瑜

甌甌洞藁

卷之四十五

十九

下

霸圖非有可恃則何恃而不堙滅哉及過回山弄石丈泉而探古初靈閣則飄飄然有遺世冲舉之思矣萬曆壬午夏五月五日記

登峽石山記

峽石枝自荆北之雲山蜿蜒西南行三十餘里脫跡入門坊湖昂首面蓮華山庫其後如曳尾形類蝸牛故俗又呼爲蝸牛山夏秋湖漲山宛浮水心冬涸則湖平爲陸惟有小沙谿屈曲遶其趾而出門坊亦一小奇觀也往歲德興人徐善述嘗登茲山爲人卜陰宅曰得之當大貴里中少年誤信之至有乘夜竊葬

甌甌洞藁

卷之四十五

二十一

其左右腋者率置其親水渦中而不悔予聞而竊笑之頃予爲先大夫卜遷蓮花山之中乳而茲山儼然當其前心又竊喜之負上之暇偶從諸客登焉山僅二畝許土不勝石又孤立空曠其三方皆欹仄無置踵處四顧面而受風獨西南一頂傑出有端冕垂紳之象乃知茲山之來固有爲也徐生何面謾人哉萬曆辛巳晴日記

登道士山記

予登峽石之明日友人司性初氏裹飯來訪予因與步過蓮花山循湖而南一里許漸近道士山麓山本

斗削瑰奇又其時日已西垂落霞倒映諸怪石仰而視之金碧炫目空翠迫天表遂買勇躋足覓樵徑以往直躋其絕頂蓋巖然與峽石相望爲蓮華內戶回視所謂蓮華山者大自有真氣英英可摘南瞻門坊兩巨石如狼牙相扼則外關也北自長樂堰以下水凡數十道竝匯于湖而洩之長河達大江四山羅列若環衛者不可勝數故山雖不滿百仞而百里之勝可一縱目概焉已從厓間見一石突起北面拱立若道士禮斗狀山因得名皆郡志之所闕也予嘗覽方輿青城丈人華山玉女匡廬五老武夷大王類以石

甌甌洞藁

卷之四十五

二十一

之似人者名山遂爲載籍所豔異而好事者至今膾炙之顧其實亦道士之類差有小大卑高耳乃茲山不爲郡志所采而惟樵兒牧豎日躑躅其上豈以託非其地不足奇耶而又何以有道士名也予於茲遊不能無長慨矣

甌甌洞藁卷之四十五終

龍龕洞藻卷之四十六

武昌吳國倫著

齊安王國倫校
新安方尚賢校

記四首

北園記

鄉予治文木園舍旁曾不盈一畝已復爲貧鬻去久之意輒執無所適間出北郭步過高陵橋觀園丁蔬蔬乃得低徊熟視其地凡三區在獅子山之陽面滄浪湖郭郭前抱玄觀後視左瞰富川右揖萬松嶺四顧遠山廻合庶幾攬結百餘里之勝中有古塘三畝許名小滄浪水常不涸卽園丁所資以灌蔬者其東龍龕洞藻

卷之四十六

一

二區畦隴鱗次蔬品頗蕃皆予家鼎俎具不能割而爲廬獨其西一區竹樹茂密不可蔬則園丁管土屋居之予偶越壘壘入憩焉居然清涼境也因大喜與友人時時列藉譚飲其下然猝不能置一椽乃余家兩兄頗憐余憊稍稍齎糧轉木石見助又一二故人從宦邸餉余山資適至遂得匠余意而經營之首事小滄浪高其隄以障水夾植垂柳百餘株以固隄已乃誅蒺藜棘易塹以垣除委巷闢重門門以內古柏夾徑磬折而入建兩小亭一曰石薛一曰青桂石薛亭南樹一石高不盈丈狀如龍首已介兩亭間規池

如園周岸可二百武從池中壘石爲三小山曲折連亘其體三十六峯曰壺嶺空其中爲龍龕洞其說在夏革之咎湯問謂壺嶺在北龍龕狀其小也池東西兩岸各爲石嶼因從嶼架兩木橋跨池如度飛棧東嶼南數武穿渠爲九曲竇垣而出可二十丈引滄浪水入灌園池乃得受一艇環山洞之麓泳焉西嶼隅竹間又結一茅亭其小視兩亭之半其南數武又置一館以待宿客曰匏居東數武則木香架與壺嶺中峯相直木香長經歲自蒙其架如呈不假薨壁曰自然菴坐青桂亭望匏居自然菴隱隱山外又一村矣

龍龕洞藻

卷之四十六

一

青桂亭後數武枯柏數十株修幹繁枝森爽成列柏以內地復平曠又規一池如弦月種朱魚可千頭其中徑以石梁環以木楯而門其上曰浣芳池池左方故多竹而新長又數千竿因名綠雲塢其右故多老梅樹花時如積雪數畝因名香雪林林塢各置石几一可觴可琴可席而臥池上爲佚我堂臨之蓋取蒙莊氏大塊佚我以老語也堂止三楹旁起兩丙舍翼之尋架堂之後築爲飼鶴軒最後則古松十餘株屈起崇岡蒼翠可食而密篠雜木翳翳其下若爲護鱗甲者於是因岡增土築爲撫松臺臺高仞餘廣視堂

深倍之其陽三面皆斧石鑿之中爲洞門曰松關由松關入洞左右各梯石十餘級登臺臺上建小閣曰玄覽閣中騁望又可盡城南諸山臺後稍削級而下於松竹最幽窅處結一小亭曰雲根諸好事親友聞之各以所珍花果草木來分植山亭籬落間自相映帶虧蔽不復知一區之爲小矣凡四年成園而工屢輟則以予家瓶粟易罄而材不繼云初予以不善宦免歸人皆弔之豈知予非用世才而置之丘壑性也茲所爲園地不必選勝景不必求備力不必盡自己出殆亦有所謂天游者在焉端居寡營圖史在案游

龜龜洞彙

卷之四十六

三

息眺詠從其所如遂與木石禽魚相親狎客至旋以菜羹竹脯佐酒爲歡間乘餘興弄舟滄浪負金別圃泉溜洗耳煙光娛目雖偷安盛世微有所託以葆吾真庶幾無殆辱哉夫於陵子漢陰丈人皆吾楚產也丈人恥有機事於陵子不以楚相易其桔槔彼豈倒行而逆施之始有志焉孔子曰人有所貴亦有所不予竊從其後矣

遊陽城洞記

陽城山在盤塘西十五里適江與五郎磯相望去予州不盈六十里山故無名予數往來江行亦不知其

中有洞頃與方山人遊三山還過蘄蓋聞諸舟人云其山故有僊人洞爲草土蕪塞不知幾千百年往歲道士數輩始營而居之有一道年最老嘗蓬跣入穿其中上下屈曲不知幾里見洪濤從地底湧出而聞江上曳櫓聲知其處已與江通疑有水怪窟其下遂驚而出尋自散去莫知所之今其僊蹟故在可一艤舟造也予與山人訢然艷慕之擬卽取道一遊會北風驟急巨浪起拍天舟不可艤遂且棄去山人曰得無有待乎未幾山人赴玄嶽數月不反而王行甫適至自黃留醉北園者十日買舟送之富口富口諸故

龜龜洞彙

卷之四十六

四

人各攜具來視予因就江岸與之席地飲甚豪徐起步月登漁磯瞰黃龍洲指顧江北諸山突兀天表而所謂陽城者隱隱在其西隩是夕行甫興發不能寐而予門人黃子登莊則大從之入舟坐談徹曙卽趣渡江須臾登岸行田間五里許見礪道中奔泉灑灑有聲心喜之而莫知所從出已入一山紆迴兩湖間高可百餘仞而洞在其腹未至洞二百步有水洞一蓋受山心諸泉匯爲盤澗穿石罅而落礪道者是也時予病醒道暘稍自掬水漱之卽灑然神清從三子攀躋而上得洞門門廣方丈扶攜躡石磴而下不盡

一仞地稍平四壁多赭碧色而其泐處多滴乳石竈石榻則道十營洞時所遺非僊蹟也跌坐少選乃令人秉炬深入得一洞稍廣而石益瓌瑋奪目覆者若華蓋褰者若緹帷挺者若玉筍幹者若天柱流者若霞液湧者若雪濤紛而披者若地肺屈而蟠者若雲根與予州鳳棲巖大相彷彿心竊異之已又緣磴而升可仞餘得一洞高廣數倍儼然夏屋而其四隅又各一小石室幽莫可窺其上有石牖厖厖如箭括可通日光疑卽山之絕頂乃其氣積陰甚寒而下多水泉淫溼無可投足遂不能復前而探所謂聞槽

甌甌洞藁

卷之四六

五

聲處還至初洞使數童子弄簫鼓其中飲焉輟飲而出則日已下春仍就田家小茅菴飲數行徐散步登舟與行甫別行甫曰洞自今名矣顧先生初與方山人遊不果而予三人者皆以不期來也卽託茲山之靈徵惠先生何可勝愉快耶予因次而爲記蓋在萬曆壬午十月既望云

登黃龍洲記

富口外有洲造江而上長亘十里沙石皆黃色相傳洲初成時風雷夜吼波濤震天故以黃龍名晉郭璞嘗相其地而爲之記歷宋尚住千餘家以淘金捕魚

爲生郡志所稱卷雪樓在焉卽宋進士焦抑遇黃永道人處元初一夕雷雨沈沒越二百餘年復隱隱起水落時始見予每過富口欲往一登輒復有他阻不果茲同方山人來則友人莊則勸則可則大劉世慶世光世仰瞿伯明暨兒無傷咸從與予前會天氣霽朗微風不波因從之用兩小艇分載而濟焉旣濟日已近午回睇富口石岸參差煙火相望南挹大嶺北指盤塘諸山漢浦潯陽並接襟袖而上下帆檣霞布雲豁無所施丹青諸客乘興散步競拾沙子之雜彩者囊以就予爲探鉤戲於是布席沙上分觴引滿繼

甌甌洞藁

卷之四六

六

數行風颭颭漸騰四面濤湧如山鴈鷺鶴皆辟易羣起夾洲飛鳴日光與沙色相蕩蓋飄飄然躡鰲背而招搖海市矣予因語客茲來曾不須臾初景屢幻卽數百年人世代謝陵谷變遷有如此洲安知非須臾事乎古人謂生爲寄而迹所過爲假道所至爲託宿蓋達觀也夫士何以營營自蹙爲哉客然予言而興尚未盡屬酒力不任寒遂乘風鼓舵而返與諸客別從山人宿伯明家是夕山人詩先成屬予和之併紀其事如此時萬曆癸未孟冬廿三日

此君閣記

竹之名此君也蓋自王子猷始其後士大夫好事者
慕子猷之爲人而此君益重諸所爲亭軒樓櫺而以
此君名者多矣新安門人黃賓王年踰弱冠用經術
爲儒然其性不嗜聲利而獨耽吟詠工書畫以自怡
風度雅似子猷頃昉王禹偁黃州竹樓製建閣點水
上楹棟薨壁皆以竹爲之牖戶蕭疎面勢塏爽左憑
白岳右俯千秋潭名曰此君蓋山中一奇觀也黃生
抱書鳴琴其上高步遠覽飄飄然有霞外之適以故
吟詠書畫日益有天趣新安諸名家無不子猷黃生
者黃生沾沾喜曰此君助我哉因乞記于余余進黃

甌甌洞葉

卷之罕六

七

生而與之語曰子之愛此君有雅致好樓居有仙風
似矣顧竹東南之美而閣高明之象也夫人有美才
而高明居之若詩美有斐禮稱有筠蓋所謂德足以
將其才庶幾以不用爲用而以用爲不用其此君之
究乎毋謂子猷足也黃生撫然曰善謹奉以藏諸閣
中

行狀二首

明故光祿大夫柱國建極殿大學士少傅兼太
子太傅吏部尚書贈太保謚文簡豫所呂公

行狀

頃歲文簡公自政府請告南還攜其伯子祠部君道
興國省族展墓視其所治新第且與國倫約婚爲遷
復故土計徘徊不能去者一月國倫送之富口別焉
公執手曰先少保命諸孫名皆從興者志不忘故
土也顧未及遷而下世予甚痛之明年予其以家來
菟裘于茲矣于時竊視公已有病色然猶強飲食與
諸鄉長老子弟接不倦且各當其意又庶幾無病徵
乎去既越歲國倫走一使省公則公病已去體而神
氣益王心竊喜之其冬仲子諧計北上亦迂至興
國稍稍視生產存親故蓋公命之也問公起居曰亡

甌甌洞葉

卷之罕六

八

恙海內蒼生方望公復起越歲未兩月祠部君使其
從弟興訓以計來矣國倫匍匐詣其第舉上衽而哭
之嗟嗟傷哉公之以疾去而以無疾終也天意豈可
測哉即盟言在耳重來無期何忽焉成古今哉已省
祠部君手書謂國倫里人又偶同公進士科交垂三
十年且有新締固以公行狀屬之不克辭按文簡公
姓呂名調陽字和卿別號豫所其先楚興國之大冶
縣人故居茅潭里洪武軍興籍良家子實伍而公之
遠祖文勝名在成籍中五年戊天長六年徙成桂林
然率易歲一人踐更未有家桂林者家桂林自公會

大父鑑始鑑娶于劉生綱卽公太父綱娶于宋生璿
自號古愚子卽公父綱自少負奇恥爲軍吏役乃折
節讀儒書補郡弟子員尋與宋夫人蚤世而所遺孤
古愚公屬在襁褓筑筑依劉大母撫而成之弱冠補
郡弟子員每試輒僑顧僅由貢籍仕爲徐聞令徐聞
人至今尸祝之人言兩公其才不盡售然呂氏以文
學顯西粵則由兩公倡矣又古愚公與其配張太夫
人竝好行仁義里中人無不願呂氏滋大者太
夫人生二子長應陽爲郡諸生卒次卽公公之初生
也太夫人夢巨蟒入室昂頭角噓紫光蓋異徵也公

龔龔洞藁

卷之四十六

九

生而蚤慧特達年七歲會古愚公遊太學公尚未命
名太夫人遣之就塾塾師持周散騎所次千字授公
公欣然指律呂句而視其師曰茲吾名也因名古愚
公聞之大喜曰兒志不凡哉稍長受易多所博觀史
傳語而爲文益奇比初試卽爲督學上海潘先生所
識拔謂桂林一枝當遂爲國棟嘉靖甲午舉于鄉是
冬始逆宋夫人歸歸一歲卒戊戌從古愚公之徐聞
讀書縣解廩子歸自徐聞且治裝北上屬聞古愚公
得調遂不果北而之徐聞扶侍古愚公還辛丑冬逆
張夫人歸張夫人故名家女能以賢孝佐公爲名儒

壬寅公卒業太學聞永康程文恭公方聚徒談名理
乃執贄往見文恭與語大奇之公因僑寓隆福寺下
帷三年蓋自師事文恭公日益崇性命之學一切聲
利不入其心甲辰丁未兩試皆不第或勸之仕輒謝
曰士不難仕而患學不優人益知公有大志焉庚戌
舉進士廷試一甲第二人授翰林編脩公雖以文
學魁天下爲

龔龔洞藁

卷之四十六

十

從夢寐心動若有人掖之起者起而排闥入視則二
尊人偃臥幾不能喘息公自激清冷水數斗沃之始
甦人以爲孝感云癸丑以編脩秩滿受封父爲文
林郎母爲孺人是秋公以二尊人思鄉土上書扶侍
而歸歸踰一歲意猶戀戀不忍去庭闈二尊人以大
義趣之乃復如京師共史職丙辰春會試
上命爲同考官所取多海內名士時分宜柄國士多
附其黨而躐至公卿者公獨固謝不往而分宜卒亦
無所加公丁巳奔父喪已未又喪太夫人公哀瘁骨
立越在草土者五年雖親驅車見其面壬戌服除起

家取道過大冶省族爲文祭其五世以上諸祖墓而後還京癸亥稍遷國子司業乙丑擢春坊諭德典內制隆慶改元擢南京國子祭酒尋改國子祭酒是冬擢南京禮部侍郎遇

莊皇帝覃恩錄蔭一子戊辰改禮部已巳改吏部左侍郎兼翰林學士掌詹事府事辛未

上命副少師江陵張公主會試得鄧以讚等四百人已卽奉命教庶吉士公凡三任成均率以其身爲型範先德而後執右愿慙而左智能以故出其門者多名實純美足爲公家賴其由少宗伯以上日侍

甌甌洞簫

卷之四十六

十一

莊皇帝經筵每人講輒先齊沐期以精誠悟

主往往緣傳經傳開列古義以爲時政規

上亦時時嘉悅之暨脩

世廟實錄稽載精覈足稱一代典謨不獨以良史才自見壬申拜禮部尚書典禮多所釐定諸藩王外戚中常侍有所踰制而希

上恩數者一切議罷而諸曹郎吏亦莫不廩廩奉其

職會

莊皇帝晏駕公從哀次條奏諸大禮頒布行之中外

恭贊成之無一不當

今上卽位

上幼冲方嚮意問學知公宿學大儒晉文淵閣大學士協贊機密備顧問蓋公素以忠朴受知少師公故少師公首推轂公而

上卽首任之爲天下望及在政府又與少師公同心體國興致化理視漢丙魏不啻過之

上嘗親書大字賜公其一曰樞機克慎其一曰同心夾輔喜起都俞之風于時再見萬曆甲戌

上命主會試得孫鑛等三百人是年修

穆廟實錄成

甌甌洞簫

卷之四十六

十二

上加恩晉武英殿大學士少保兼太子太保仍禮部尚書誥贈曾大父鑑大父綱父璋竝如公官妣皆

一品夫人妻張累封一品夫人丙子公以一品秩滿

上又加恩晉建極殿大學士少傅兼太子太傅吏部尚書錄蔭一子中書舍人是年伯子興周舉于鄉明

年丁丑舉進士公入相凡六年遇上優禮師保每見稱不名上殿不趨及謫訪大政多

稱旨輒降溫諭寢之屢遣祀郊廟先師孔子暨上兩宮徽號大婚嘉禮以及納款獻俘諸盛事公皆協

恭贊成之無一不當

上意而所受

上恩賚殊特非

先朝宰輔所嘗蒙至於金錢文綺與馬什器之賜及夫大官傳食中使慰勞尤不可勝紀公居恒自念遭遇非常不能圖報萬分一會病肺久而足又患痿徒履漸不自勝顧恐一日負

主未忍言去至戊寅秋公見

皇上年日盛學日新朝政次第脩舉又自度病浸劇恐歸不及首丘喟然歎曰帷幄非病臣素食地也因上書乞骸骨書奏上

甌甌洞藁

卷之四十六

十三

晏

上屢固留之少師公亦復以

上意相勉公竟不能從而求去益力書至十上乃得請

上徐遣御醫朱儒爲視藥行人保健護行時興周爲祠部郎亦自上書請得扶侍其父

上許之仍賜內帑金百金文綺二襲且詔乘傳以往曰卿歸幸善休沐尋當召卿矣古大臣請老去國蒙被恩寵而爲當時所極榮後來所追羨不已者無如韋相疏太傅今公茲行何止加漢事數等公歸里居一年疾稍平祠部君又得在告侍養會仲子興

齊舉于鄉公且喜且懼曰吾家世受國恩而不世篤忠貞報之非人臣也卽非人子也吾憊矣兒曹其毋忘忠貞之訓哉是冬十二月廿八日公晨起猶對客食飲如常勞午病忽作口噤不語越三日爲庚辰元日公自起櫛沐坐正寢而逝若冲舉然訃聞

上甚悼之爲輟朝一日

詔禮卿頒諭祭十一壇冬

卿營宅兆太宰議贈贈太保仍錄廕一子中書舍人輔臣議謚謚文簡諸卹典視常數有加嗟乎生榮死哀自古誦之未聞有如公之備且安也公生平深沈簡諒內辨而色溫於人不輕喜怒事不輕可否而人

甌甌洞藁

卷之四十六

十四

晏

亦無所用其間以嘗之論學本倫理立朝重名節爲詩若文古雅廓宏不涉蹊徑性尤喜澹泊雖被蟒玉未嘗去澹衣又門無私謁雖故人邑子不得妄陳一辭穆如清風其斯之謂矣乃其所與少師公斟酌元氣綜理萬幾事又在禁客非外臣所得窺而公且樹一士惟恐見知急一人惟恐見德人故益無所藉以頌公隆施卽祠部君嘗語予鄉者平古田及懷遠府江兩大捷皆公石畫先之而使建議視師者尸其功大臣休休無他技信夫吳國倫曰初呂氏以戍入粵何攀轅也乃一日而四世稱相臣遂爲粵西華胄豈

其先陰德厚乎若文簡公父子相繼欲反於楚則又
明於禮樂也已禮不忘本樂樂其所自生公其自託
於五世反周之義乎予故狀其大者如此公生正德
丙子二月十八日距今六十有四年子男四人長卽
祠部君興周次卽舉人興齊次興文興武興周娶湖
廣少叅宋廷表女興齊娶太僕丞秦致恭女興文聘
封川令陶景女興武卽國倫壻女四人長適舉人毛
如綸次適諸生蕭如蔭次適諸生常任次尚幼孫男
一人嗣簡興周出聘延郡丞屠炳言女祠部君將以
某年月日奉公柩于其山之陽以俟

甌甌洞藁

卷之四十六

十五

天子命使藏焉

明誥封嚴太淑人行狀

嚴太淑人中丞蔡公母也初公以司馬郎奏績

肅皇帝加恩封父承德郎母安人頃奉 命填撫貴

竹節制楚蜀諸路兵凡三討負固夷克之捷聞

今皇帝勞以 璽書因贈承德公爲通議大夫副都

御史進安人爲太淑人云中丞公旣拜 璽書喜且

懼曰不佞臣文微惠

聖天子得奉此歸爲太淑人壽終其身願也方削牘

具疏未及上訃至矣公哀毀屢絕奔喪且行牧淚屬

國倫爲太淑人狀予按嚴氏世家龍溪邑之嚴江有

隱公者好陰行善娶于鄭以成化丙午十月之十日

生太淑人太淑人自弱笄柔靜端容止又不山師氏

而精善諸女紅隱公奇之十八歸通議公通議公故

稍娛弋獵不視生產已又買行經年曾不持尺帛斗

粟歸太淑人無怨色益操作蠶織佐緩急而口不言

勞又謹事二尊人而衣食資供曲當其意後二尊人

相繼下世而家益貧太淑人左提右挈相通議公第

兄經營二喪蓋指無完甲身無完縞矣是時中丞公

生纔髫髻猶及記憶藍縷拮据之狀至今爲予談哽

甌甌洞藁

卷之四十六

十六

咽涕被面語不能終先是太淑人臥中丞公疹傍室

中忽祖宅災隣人撤屋斷火傍室且傾通議公以爲

兒必無幸從墻上躍下救之則太淑人已襁負之奪

門出矣後通議公徙居月港太淑人不能以徒步從

乃攜中丞公舟行會海洋颶風作浪幾覆舟舟人盡

錯愕失色太淑人獨從容籲天曰蔡家婦茶矣雖委

魚腹何愛獨不能保有丈夫兒以充蔡宗豈嘗獲罪

於天哉語訖風旋止舟竟無恙居月港十年太淑人

頗厭其地卑喧鮮美俗也請於通議公曰此非所以

吾兒因還祖宅居之還未一月月港火千家爲煨

燼矣太淑人提中丞公水火急難中每有天幸心知非常兒也屬經師善教之中丞公因而受學不倦成名儒嘉靖丙午舉于鄉明年舉進士推擇入史館尋由司馬歸部數歷四大藩始受今命太淑人蓋年八十八矣太淑人平居性好善晨起梁除焚香禮天神朔望蔬粒不入口尤善爲人匿過庭無此言鞭撻聲至見宗鄧有急無厭傾篋寄卹之上事通議公兩伯兄如父下能使其傲弟見憚焉有從孤病篤不字於繼母太淑人昇于家爲視藥粥起之已太淑人邁危疾兩伯兄私相祝於天願以身代尋愈已又患頭

飢餓洞葉

卷之四十六

十七

孫大經暴卒哭之過哀遂寢疾不起於九月十二日旦從容與生者訣而逝所生男三人長宜娶鄭氏次文卽中丞公娶黃氏封淑人次懷娶方氏女三人長適周某次適劉某次適徐某孫男十人郡諸生大受與大來大光宜子也郡諸生大經大綸與大紳大績大綱文子也大通大選懷子也孫女六人曾孫男四人曰鏗曰鎔曰益曰震曾孫女四人嗟乎令名壽考自昔以爲不可兼得太淑人以裴褐事通議公起畎畹間身振七世之統屬其子中丞公慷慨萬里書勞太常而使蔡氏赫然稱漳海名閥德足以勝之矣向

飢餓洞葉

卷之四十六

十八

詠一首

御史大夫左司馬王先生誄并序

嗚呼王先生余師也諱某字民悅吳郡人故司馬質菴公仲子舉嘉靖辛丑進士授行人擢侍御史巡行晉楚卓有風裁受知

肅皇帝命按畿輔屢上書言邊事甚真

帝嘉納之會庚戌匈奴大入邊京師震恐先生業已先馳通州敕吏士堅壁清野待之虜至一無所掠帝聞之喜曰微御史先卽通州委積數十百萬皆盜糧耳因夜拜御史爲中丞開幕府漁陽備虜後虜退詔鎮山東已兩浙警島夷詔鎮兩浙已雲中警虜又詔移鎮雲中所至宣上威德戮力保障最後以雲中破虜功進御史大夫兼左司馬入鎮薊門總諸路兵外制諸夷內蔽京師陵寢蓋股肱鎮也先是帝嘗下密劄政府稱先生真忠故屢見拔擢任用皆出

甌甌洞葉

卷之四十六

十九

帝手詔政府不及知乃相臣蒿心嫉之矣暨先生鎮薊門三年累著勲伐

帝寵賜益優而先生之子世貞世懋又先後登仕有令名嵩愈不能平會虜縱數十騎出射鵬裨將望見不知其餌也以爲騎少易與自部數百人追之而爲所掩殺嵩遂嗾關使者劾主將輕敵喪師辭連先生下吏議議坐主將法而不及先生嵩又陰許脫主將而嗾之以死爭因從中行密譖遂移坐先生不能白二子俱蓬累伏闕下請以身代不報遂及于禍嗚呼冤哉先生死之日天下人無不識不識哭之盡哀居

二年

帝暴嵩罪惡放流之并僇其胤子籍其家又五年穆廟改元詔復先生官屬有司爲起冢祠以中牢先生之冤庶幾平矣嗚呼方先生詣請室時余適謫外不及納橐饘暨承訃抱痛又恨不能手劍先生之讎於市比其葬也又不能效桓榮侯芭爲先生負土逮今二十餘年宰木已可材而余罷且老獨念先生國士恩耿耿不能負如一日也因買舟浮江越二千餘里拜先生之墓而以炙雞絮酒酹焉昔者魯哀公之誅孔子也曰哀哉尼父魯莊公之誅賁父也曰非其

甌甌洞葉

卷之四十六

二十

罪也況先生死非其罪天下至今有餘哀余小子敢以不敏而缺斯典乎乃投涕作誄其辭曰

鉞鏤洪族命自太原厥有天祚流裔寔蕃羸炎以降世濟多賢江左華胄鳳舉蟬聯考應昌辰起家儒碩宣力四方永懷精白建節封疆遠猷赫奕夾輔之勞施于竹帛誕我夫子龍騰渥洼腹笥羣籍志隘八遐提躬玉潤敷藻春華爲楨于國俾熾而家薦升司徒冠冕時儒服在近寮壘哉榮閭入簪白筆出策驄駿朝有司直野聞崇論按部宣風歷晉與楚所至澄清爰逮畿輔畿輔晏然軫情桑土

帝省按章文能飾武歲在庚戌虜薄郊圻台司震恐
皇路欽崎夫子奮臂單騎先馳嬰危弗顧嘗險弗辭
夜抵潞邑扼虜要衝焉機縣礪厲士鼓弓堅壁清野
以守爲攻虜偵械備莫犯其鋒芻粟陳陳委積在潞
潞守旣完潞儲益固萬卒千官一身爲護臣不自功
帝已東顧手詔自天超陟開府綏帶輕裘坐嘯卻虜
旋握軍符鎮靖齊魯南北多艱

君命旁午紆籌畢智馳騫行間海鯨旣殂胡馬不還
帝壯其猷一歲累遷蘭臺樞筦節制三關載轅其門
而羽其肅馭將陳師拱翌輦輟授鉞寢專宣威孔肅
甌甌洞藁 卷之四十六 王
帝鑒忠勤慰勞優渥有美象賢宛其雙璧相望登朝
令名藉藉符彩簪纓光揚祖德寰宇世家蓋鮮其匹
詎彼權奸嫉非其黨造孽害能陰設文罔竭諸虺讒
謂直爲杜忠至難明功高不賞嗚呼哀哉中山胡信
息壤胡疑毀譽不測賀弔相推看過勸能古道中微
崇邪禍正善人是危國無和奚疇免羊職王尉一言
鄭侯立出蒙難寡援仰天怛怛二孤叩關爭死何及
嗚呼哀哉咄咄權奸惡極罪殊曾不旋踵
天鉞加誅霍氏怙勢咄咄類無餘辜君席寵宗黨滅除
爰及

嗣皇稽庸盟府首錄遺勳光復珪組象象祁連祀崇
邊重朝論載明幽光亦吐嗚呼哀哉嗟余小子夙伏
鯁隅一遭掄拔通籍上都憑藉寵靈授分二孤蘭杜
斯馨金石靡渝師友存歿結志綢繆先民有言無德
不酬惜哉未報貿首之讎潸然老矣匍匐致芻嗚呼
哀哉

甌甌洞藁

卷之四十六

王

甌甌洞

卷之四十六終

龔龔洞葉卷之四十七

武昌吳國倫著

齊安王同軌校
新安方尚質校

哀辭五首

魏母李孺人哀辭有序

維嘉靖甲寅夏六月尚書比部郎魏裳母李孺人卒
郡人吳國倫同業舉進士知孺人有士行而悼其不
逮中壽亡也往哭之然且投涕弔裳勿過哀毀質也
已予在告聞裳且病已又聞其病且死忽蘇嗟乎裳
也哀而傷矣古有之母以子知孺人何以死哉作哀
辭辭曰

龔龔洞葉

卷之四十七

一

龔龔洞葉

嗟展如之人兮此邦之媛毓靈和於樊楚兮胡聖善
之獨全夫豈獨姁以練要兮又雜佩夫衡蘭纓寶璫
之陸離兮辨明月以爲環待明哲以結褵兮洵匹休
於伯鸞申晨婦以作戒兮允賓儀之婉孌奉舅姑以
樂康兮將魚菽以竭饌執俎豆之苾芬兮覃夙夜而
惟艱哀時命之屯薄兮痛親闈之長逝寒紆軫而弗
達兮曾徽歛余鬱邑爰聞訃以襄事兮茹荼苦其何
釋荃胤嗣之昭質兮嚴渠燬而教之遵前脩而弗替
兮庶焜耀乎先德策高足於青雲兮食榮名而不溢
顧三釜以心樂兮芳菲菲其未沫何昊天之不弔兮

乃中道以離愍奄湓疾而客死兮悼宗憲之永折悲
棘人之號天兮撫綆棺而結懣淚盡而繼以血兮神
惛潰而屢絕詎吾黨之忉怛兮將行者其心惻脩靈
洋洋兮何適撫臆思恩兮罔極已焉哉噬指曷忍道
兮搯臂颯倚廬兮何人顧栝捲兮在室棄榮祿兮焉
依入泉路兮寂寞述德兮風旂皐淪兮山雨采江離
兮與辟芷薦芬芳兮衆音舉魂之歸兮不可久去幽
并兮適鄂渚

徐母黃孺人哀辭有序

維嘉靖甲寅夏五月 封孺人

徐母黃氏卒于京其

龔龔洞葉

卷之四十七

二

龔龔洞葉

孤給事中綱銜痛辭闕下匍匐擁孺人櫬以歸其鄉
中書舍人吳國倫故與給事厚善而哀其母客死也
迺束帛羞酒脯往奠焉舍人曰給事蓋幼孤云孺人
撫之獨以形影弔也其先文林君積居頗具一二中
人產暨下世邁族氏豪陰蓄豕心利爲已有謀奪孺
人志以危其孤狀且具孺人抱孤走郡大夫直之以
死誓郡大夫見所抱孤輒心異謂孺人曰嫗第亡慮
兒當高嫗門也小人何自攘之於是豪懼遂寢謀而
給事有今日嗟乎孺人蒙家難以存孤當是時豈愛
一死哉茲其節苦矣迺給事業已成孺人志而被榮

名以終不可謂天道無知也微孺人徐氏其微乎爰
敝辭以哀之辭曰

嗟母氏兮幼志異鑑女圖兮姤節具天不弔兮良人
逝家不造兮孺何恃羌鬱悵兮百憂至藉襁褓兮矢
無貳命不渝兮內難弭孤玉立兮紛可喜授遺經兮
遵懿軌愍弗抒兮福所倚蛟龍驤兮威鳳舉造天衢
兮際雲雨錫嘉名兮翟莠美共色養兮鼎食旨歲暖
暖兮樂且康考令終兮靈洋洋嗟樂樂兮滋永傷擁
丹旄兮遠彷徨神衆舉兮空北堂悲回風兮襲帷裳
五音紛兮佩瑇瑁着蒸兮酹樹棠乘玄雲兮歸故
鄉

旣離洞葉

卷之四十七

三

陳朝

顧恭人哀辭有序

嗚呼恭人顧大夫良配也爲大夫庀家政甚修而事
其姑尤極孝謹迺二子問闕先後舉進士稱兩驥矣
語曰不知其母視其子恭人豈不誠聖善哉問方觀
察黔中闕爲尚書比部郎時恭人卒於家蓋二子不
及舍飯是可哀也闕爲予言恭人見白兔過其庭遂
病不起嗟乎白兔祥也顧獨爲恭人妖識耶豈恭人
之死生有關象緯耶作哀辭辭曰

傳稱女德處卑執勤動不踰閭寔始儀刑吁嗟恭人

歛茲內美江漢蘋藻亦孔閑矣相爾大夫有容有則
中饋竭能賓祭不忒上堂愉愉媚我慈姑下堂煦煦
撫我雙雛伯也鳳舉仲亦偕鳴策足華肆流照儒林
帝降嘉命翟莠委蛇二賢之母大夫之妻具曰休哉
恭人樂康微音孔揚受命爾長胡然彌留驚彼白兔
倏謝總帷遂崩泉戶彼白者兔玉衡之精溫溫恭人
東炫曜靈玉衡告殞令儀云亡形必有敝免奚不祥
哀哀二子各在一隅舍飯罔逮五內若茶瞻望故都
呼號但征黔雲屑滄易水吞聲嗚呼哀哉孰豐爾德
孰膏爾年曷可問兮悠悠蒼天孰畀爾榮孰奪爾養

旣離洞葉

卷之四十七

四

陳朝

劉處士哀辭有序

維隆慶五年春二月晦日安福處士劉君卒于南粵
之高州高州守吳國倫酌而哀之初處士從其子司
理入郡也余視之邸中望見龐眉豐骨儵然有僊風
焉因勞之曰丈人耄而不杖其矣又能爲萬里遊請
得以巨壑三山爲丈人壽處士曰微福子大夫猶善
飯差強吾兒兒且病至欲以吾餘年棄官去不聞古
之君子內其祿而外其身乎故從兒遊不知海濱之

遠蓋奪其去志也已予視司理病則司理有感容曰
家大人春秋高矣獨其意以就養為快故復與疾從
之乃今頭岑岑不任藥石徒以憂悸家大人重自不
孝奈何余退而歎曰劉氏父子相倚為命其有隱憂
乎居旬日處士臥病予已趣吏人為治後事而不令
司理知也又旬日處士遂不起余既哀處士就養未
久客死南荒而又虞司理之不勝喪也稍稍從苦塊
以禮制之曰此乃公身也盡慎諸司理投涕而領余
言曰孤喻矣第得餘息奉家大人觀以歸即旦暮填
溝壑嘉子之賜也今雖相繼殞絕何補於不孝哉嗚

瓶瓶洞葉

卷之四十七

五

呼處士有子可謂不歿爰屬之辭以告處士之靈曰
聞公誕生異厥凡匹南極之精泰龍之裔學知大義
取為常儒惇脩內行孝謹弗渝矯矯自好直項直躬
貴不折節富不希容秉耒在野婦饁如賓引滿但醉
塵壒不親亢宗有子一經命之售產購籍畢志弗疑
子也策名公亦難老慈孝既洽祿養滋好令狐能教
毛生善承以喜以懼曷維其寧公何來斯海鶴為揚
公何疾斯寢熊為祥公何適斯大虛與遊公何歸斯
安成之丘皇天非高后土非深古人在疚赤日為陰
緇謳欲鳴芻靈且駕孰彭孰殤溘焉長夜

封淑人蔡母哀辭有序

代作

維萬曆元年九月十二日 誥封太淑人蔡母嚴奉
千家計至貴陽則十月晦也其子中丞公哭過哀予
既匍匐慰之不止又三日始能為位哭予乃陳牲束
帛奠焉初予按貴陽也蓋中丞公撫綏二年矣一見
遽謀於予曰家淑人春秋高不克就養邸中不佞竊
有庭園之春無違寢食子盍為我圖之會有封疆之
役疏未及

上計至矣嗚呼悲哉中丞公其有風木之感乎其在
太淑人業已享上壽膺重封而貴為大中丞母生榮

瓶瓶洞葉

卷之四十七

六

死哀曾無遺憾矣爰屬辭以告其靈曰

詩詠壽母史列婦師榮名考終天實祚之南邦之媛
曷紛其荃胡繩繩寶璐嬈媚嬈厥昭族寔始貽穀
燂節好修介茲百福文祿斯承繡黼英英瑞光在室
上應三靈將彼鳳雛于我岐周載振其羽聲聞九州
煌煌珪組左旄右斧誰其方之文伯吉甫九夷既賓
蔡侯之勲

帝錫嘉命媿媿淑人象服孔宜鼎脂若飴既壽且康
卜爾維祺母也噬指蔡侯陟吧日薄崦嵫心之憂矣
執轡牽輿憂心鬱紆豈不懷歸畏此簡書不弔彼蒼

發隕其光蘭閨畫局鶴馭宵翔綆棺疇結舍餌疇訣
號天無從淚盡以血嗚呼悲哉慈顏弗溫修靈若存
悼言風木徬徨徂奔嗚呼悲哉師憲告殞微音不泯
風於洋洋締謳斯引

祭文一十七首

祭溫處士文

士無顯晦歸潔廼臧令名壽考曷其有常猗歟先生
毓粹衡湘佩茲蘭杜有苾其芳抱彼卞隋恥暴其光
緬漢陰之機息遵鹿門以徜徉策廣步於霞首亢高
志而雲翔業彰聃以自老遠朱紱之羊腸顏盈盈而

龐龜洞案

卷之四十七

七

還童翼矯矯而飛揚豈心之不爲形役廼歷耄耄而
愈強荃孫謀之既熾宜祖武其孔彰渥來駒兮歎玉
鳳將雛兮鳴岡肆地恩之行逮兮覃家造之彌昌
胡鶴馭之靡援兮修遺榮而告亡將晝終之不可兮
遂道然以返其常衡之山兮蒼蒼湘之水兮泱泱東
生芻兮酌椒漿儼先生兮其來降

祭封一品夫人李母文

何母氏之昭懿兮肇於禹會之鄉萃天姥之靈和兮
標婺曜以爲光霽內美之既具兮而奇服又異乎衆
芳瞻夫子之幼清兮爰儷美於孟光既竭懽以將魚

菽兮復祇敬於蒸嘗廼和德之昭益兮微冲漠而致
祥誕中興之良弼兮同申甫之維降顧昭質之娟慧

兮尤弗替乎義方奄賓儀之中逝兮思蹇產而難量
解繁飾之陸離兮惟好修以爲常覃家祚之中起兮
趣國造而齊昌驥肝衡而遠駕兮龍蛇蛻其騰驤炳
玉燭以照臨兮揭金鏡於無疆荃衮職之罔闕兮咨
聖善而不揚覃地恩之三錫兮分非非其未暮被象
服曰祁祁兮娛鼎食而色康表憲師於皇邑兮默有
贊乎陰教極生人之榮樂兮介景福而未央豈及筮
之爲幸兮視導輿而陋之將招青鸞於海上兮觀白

龐龜洞案

卷之四十七

八

鳥之來翔胡昊天之不弔兮忽朝華之易萎慘沈陰
之彌留兮遂修夜而不陽卽人壽之標絕兮與流波
而迅駛歸大素於無何有兮託幽眇而相羊悲棘人
之樂樂兮號恩斯之罔極追慈顏之不可駐兮增結
骨而摧腸陟岵而望兮豈棄玄雲而遐舉擁楹而思
兮將適蒼梧以從乎娥皇叩

帝閭而抒愍兮謝機衡之宥密指於越而聯祖兮歸
旅觀而彷徨感

帝衷之悼惻兮俞輟直而從禮議殊卹而厚終兮啓
石窞以下藏雖泉路之冥冥兮迴九陰之餘照嚔微

音之煜煜兮被金石而靡亡亂曰神歟舉兮茫茫不可叩兮蒼蒼霜露凄兮丹旆揚嫵妍息兮總惟張羅女樂兮酌椒漿儼修靈兮其來嘗

祭少司空徐公文

赫赫司空顓頊之裔含茲箕曜降乃嶽神朴碩外凝符采中鬱結髮弦誦抗志儒玄家難屢嬰經術靡易被褐藝圃振羽天遠出理劇邦入遴青瑣異言鹿諫正色鵷趨爰奉簡書諮行邊圉圖獻方略允當

上心九列累遷二京孔通經營罔數乃晉冬卿五雉既脩百揆斯宅

甌甌洞葉

卷之四十七

九

先皇祖落臣庶攀號龍輅方膏公爲清道新宮載啓公爲考成抱此國哀敢辭躬瘁

帝嘉勞績誕降褒綸錄胤賜金寵靈非一胡遭彼口遂動歸思遵晦龍山怡情雉水爲儀南國爲憲後來

山川舍諸朝野在望庶幾上壽以俟安車豈謂沈

痾溘焉永逝計聞遠邇悼罔親疎曰予小人寔奉明

德省垣後進兒女懿親昔也同朝今則異世撫膺思

故舉衽含悲芳軌不遐令儀若覩陳詞絮酒公其鑒

之

祭封御史周公文

嗚呼哀哉蘭有王者之香其瘁也倏焉玉有君子之德其毀也忽焉豈真宰之有奪抑物情之難齊等彭殤乎未達曠今昔而生悲何宛陵之茂士矯蘭玉之殊姿氣英英而薄曜文蜿蜒而銜霓操鴻筆乎翫麟

揭龍鼎而委蛇謂驥首於雲陸詎戢翼於冥池已迺播關西之清德表韋孟之一經拭渥洼之符采將丹

穴之脩翎戒于公之高戶繕崔史之文林曾五桂之足後嗤三松之鮮微肆伯子之奮跡卜家祚之方殷

甫弭節于吻海旋簪筆于彤廷方鼎養之未艾微

貶恩之自天胡霜露之易犯奄館舍之遂捐豈朱熊

甌甌洞葉

卷之四十七

十

之是踐抑赤虬之可鞭將齊骨於鄭圃從委蛻於漆

園慨皖篋之既易奉繡斧而虛懸嗟吉人之在疚悼

降割之纏綿叩帝閭而籲哀橫涕泗以南還緬吾屬

之後生藉伯子以游揚歆象賢之有赫宜世胄之未

央負國器而未售操大舟而終藏慨九京之難起虞

二碣之淪亡望丹旆以何之聞隣春之不相咽涇流

之永逝挽虞淵而嘯將彼天道其奚以如之何弔而

不傷

祭封恭人耿母文

於鑠恭人榮榮發曜舍靈夢渚育粹旋閨動中五音

居閨四教芳蘭爲佩明月爲璫鏡以女圖服之師憲
弱笄待字昭族委禽相室既嬈賓儀罔數蒸嘗孔潔
裘褐斯安刑于五宗式是三楚爰篤家祚昭受帝釐
介爾繁禎誕茲哲胤規嚴三徙業紹一經丹穴揚翎
渥注奮足雲翔千仞電越四都伯氏于征仲亦齊軌
門內師友學與仕俱六經載明得朋如響天民知覺
伊誰其先儒術用端譽命赫赫

帝咨敷歷晉爾蘭臺蒼珮入 朝絳騶除道名賢司

軸善類彈冠糾紘友于起草郎署亢宗華國維楚有

材業謝二龍文掩雙壁匪膺慈訓曷懋忠猷慶積匪

甌甌洞葉 卷之四十七 十一 陳朝

夷恩隆所自章章錫象服攸宜八座聯榮五文獻

彩鼎脂既備色養彌敦壽介期願禧綿奕葉天之所

騰母也無疆陟屺于燕倚閭何所西陵黯黯搯臂應

心不弔彼蒼胡然降割堂摧燕喜并謝忘憂白鳥迴

翔青鳥遠逝棘人在疚凶問咄嗟抱杵呼天扶桐搶

地繩纓菅屨柴骨塊容聲徹九原血暈雙衽予情小

子忝藉通家匍匐無從相嚮嗚咽擊悲易水肩涕漢

濱畫宮受芻膳廬藉藁梧尚澤總帳若遺金甌不

絳石窮難旦令儀令德曷亡曷存

天子慰勞禮臣議卹直哉彭管貞爾玄臺嗚呼恭人

有子中丞有母矣爰躋二室薄采三花酌酒陳辭神
今來格

祭陣亡義兵鍾蘭等文

嗟爾諸靈生負壯節督力邁衆志在國仇頃遇倭奴
侵境肆毒爾爲敵愾奮不顧身方獻首功橫罹鋒刃
英風烈烈義聲彌揚爰命道人掩爾僵骸陰氛慘澹
心誠悼之特揭爾名陳旌旅奠爾名不朽爾魂來歸
糾糾洋洋爲厲助順將雪爾憤以衛我疆爾靈有知
庶幾承聽

祭吳川節女林玉愛文

甌甌洞葉 卷之四十七 十一 陳朝

嗚呼汝母子胡弗造於天而離慙凶若茲哉嗚呼汝

母子胡獨全其天而得死所若茲哉方其聞寇也龍

母震驚海若怒號虎士棄壘戈船不操汝母子非有

符召可待也胡不畏而走耶及其被執也比屋一炬

千夫血刃乞息媼生載塗纍紉汝母子非有羽翼可

舉也又胡不順而從耶嗚呼陸可沈天可墜非汝國

不履血可漂肉可飛非汝宗不歸故罵賊之舌勁於

天兵抗節之身屹如長城嗚呼爲汝母子蓋烈丈夫

之所難也豈其挾三山爲底柱而欲挽巨壑以浴扶

桑耶胡誓之激烈而就之從容若是耶嗚呼抵衛女

之甓汝憤難平曹娥之碑汝哀難鳴爰敦我師
醜告倖爰表汝宅揭茲好修斷幣弗續完秉若初逝
鬼弗返來芳孔都汝母子有靈其少慰耶今遣官敷
詞而以少牢之禮祀汝汝其聽而享之

祭李紀善文

西平有子奕世滋蕃裔在高興褒然名聞一經累葉
龜紫蟬聯君秉靈和修幹挺立才增北學志紬南圖
佐邑既閔仁聞休暢毅欲有樹退若不勝吏隱既甘
時好弗恤爰在王所曳裾孔閑佩紉湘蘭建尊楚醴
長揖以徃高蹈海濱爲雲爲霖視爾諸仲如珠如玉
甌甌洞葉 卷之四十七 十三

祭蔡母嚴淑人文

恒言無當母以子顯家利女貞國宗師憲鄒有徙舍
衛聞倚閭仁義忠孝乃承權輿敬姜告殄尼父三歎
殫母奚爲圖形大漢蔚彼威離胎自丹穴匪厥龍媒

曷稱汗血赫赫蔡侯克壯其猷綏是遠國威咆澤流
九譯既共五瑞斯同建業息馬伊誰之功憲乃文武
焜煜盟府慈訓若臨蔡侯有母母氏順順展如嚴姬
七誠是鏡四德是依偕此良人閩海之濱祚在中葉
內難孔殷筑筑拮据靡有定居夙夜茶苦牛衣鹿車
難是用濟誕生國器倚伏何常兆厥三異一經之遺
百福維基亢宗華國天寔隲之勞施社稷

帝心以憚爰錫嘉名旌是淑德翟菲煌煌羽葆載揚
蔡侯燕喜列鼎稱觴是母是子今聞不已胡然愍凶
訣以萬里多壽多男往哲其艱名孰與耀造孰與完
甌甌洞葉 卷之四十七 十四

嗚呼總帷尚溫石節斯存有卹自天夜臺孔尊嗚呼
萬形朝露同歸大素修靈洋洋爲娥爲嫫國倫瞻棘
人之在疚悼懿範之莫追采澧蘭與沅芷聊寄愴而
聲悲

祭莊處士文

嗟乎徵君山澤之癯徜徉歌飲歲月遽邁曾不知冠
冕之貴於短褐而彭聃之壽於殤子也豈非鴻冥蟬
蛻之流歟迺今脩焉中舉歸乎太素鶴馭弗援谷神
若故又安知貴不必冠冕壽不必彭聃乎嗟乎徵君
不死矣予與徵君之子垂髮定交皓首如一忝籍通

家聞訃銜恤一酹芻靈涕泗盈臆徵君豈復有知

祭徐公子文

昔我釋褐司空在朝宜人如京適生公子英骨天挺慧靈獄鍾世德浸延家祚爰篤才與年益聲用實彰司空奏勞

天子錄胤承嘉命就學成均麗澤羣英翺翔六藝探奇石鼓邁跡銅鞮省觀南旋逡巡北顧借爾伯仲壽爾嚴慈梓里分華士林蜚耀天胡降割兩邁殷憂五內既摧二懷安釋怨干穹昊淚徹重泉積痛成病殞生爲殉訃音所至疏戚悼驚嗚呼哀哉孰榮爾躬

甌甌洞藁

卷之四七

十五

陳朝

乃嗇其嗣孰優爾澤復天其年天道難知宛其已矣小子不佞分在通家匪以聯姻始關休戚幽明永隔匍匐奚從藉茲蕙醑酌以蘭醕臨風一酹寫我哀衷神兮如生鑒此芬苾

祭門人鄭子賢文

維萬曆己卯孟夏七日鄭茂才子賢卒于家友人吳國倫傷之因炙雞絮酒而奠焉其辭曰嗟乎子賢已矣乎子賢自束髮綴文每試輒高等從吾兒遊數年已卽介吾兒以及吾門挹其儀禧禧然端也翊翊然敬也姁姁然溫也叩其

鑪然悟也嗟乎子賢豈非載道之器而用世之資乎

卽吾山居樂與二三子遊尤自喜以爲得子賢晚也乃今暮春之月見子賢病起而色不華心竊憂之因語之曰盍姑居息以自珍乎又旬日子賢試僞於州大夫而文氣日振吾爲之憂益深蓋恐其神力竭也未數日果病病六日吾趣往視之越明日遂不起嗟乎子賢何負奇之蚤而厭世之速乎豈才竭於文藝而數厄於陽九乎嗟乎子賢已矣遺孤在襁少婦在室愛弟在疚二老人在堂今入子賢之戶但聞哭聲震于地而徹于天子賢不可復招矣可勝慟乎可勝慟乎

甌甌洞藁

卷之四七

十六

陳朝

祭劉仲將明府文

昔予與子垂髮齊年抱經同塾聞道誰先予資子敏子勵予顯切磋既久符彩相宣入其居息出亦連翩肅皇在位郡國徵賢厥歲己酉並薦公車聯轡而北射策彤廬予收子落執手踟躕子反舊業下帷若初予留京邸日月居諸維辰與參天各一隅以子懷珍三獻不割豈惟行惻寔遘陽九言念老親就茲升斗蜀晉魯齊甘焉奔走破觚斲珉與古人友此曰召父彼曰杜母年踰始衰有家如旅招以素書爰歸其所

孰膳鵠鷄爲弭諍語孰抱麒麟爲延宅和積悅爲鳩
薰心可炬塊焉臥病顧瞻無侶入子之室察子之容
欲言舌結將吁氣忡予知子病匪藥能攻百憂匪石
填子之胃虛謹若雷塞子之聰難骨垂朽七發何庸
屬在彌留瞋目而視啓手啓足但呼汝弟時予在牀
竊窺其異真性復完真魂將逝曾不須臾溘焉大寐
蓋棺之辰始卜爾嗣嗟乎仲將仕非不久乃心徒勞
家非不給所居蓬蒿族姓雖蕃罔沐餘膏交親雖廣
罔德一毛豈子之嗇惟子之遭暨承凶問罔不哀號
嗟乎仲將尚憶若翁爲子深憂飲泣而道屬予爲謀
甌甌洞葉 卷之四十七 十七 三

祭金汝介別駕文

長樂名堰開自李唐山環水紆鬱彼農桑正嘉之間
公挺其鄉始綴家學斐然成章經壇藝苑欽爾翺翔
屢試獲雋名聞三湘制科弗偶負氣昂藏晚登貢籍
觀國之光珥筆奏對懷牒爲郎丹敷黃綬佐郡于梁

小心清德奉職維良相時歸政泉石徜徉年躋耄
所焉樂康既醉且歌婆娑如狂胡然隔宿不疹而亡
嗟乎公乎憶予髫歲公一見之忘年與友擊節稱奇
洎乎婚仕恐負所知已公釋褐遇予京師暨予里居
公其爲儀室既伊邇遊不曠期二三長老皓首靡眉
香山白社何加于茲公獨邁往倏倏何之醜顏如生
總帳已施筑筑孤息嗷嗷病痿登堂誰主泫然生悲
東蜀絮酒來斯歆斯

祭侯夫人文

維萬曆癸未秋九月侯母朱夫人年九十四卒于襄
甌甌洞葉 卷之四十七 十八 陳朝

陽官廨其子楚按察大夫堯封以冬十月之末旬載
其櫬浮江而東其子之友河南參政下雒吳國倫以
炙雞絮酒逆之富口而爲文祭焉其辭曰人之寄世
壽夭何常子之承親喜懼交致侯大夫蓋奉其母三
仕楚矣方夫人年登九十楚人無遠近奔賀之大夫
蓋喜極而增懼焉乃今楚人無遠近奔弔之大夫蓋
懼極而增哀焉顧太夫人之貞也而有子如大夫貴
也而有壽近百歲則晚世所希聞而人子之極幸也
第國倫伏在大夫宇下而大夫不以凡民遇之有友
道焉今也夫人捐今而古矣既鮮升堂之期夫人

靈且去楚而吳矣益重招魂之感臨江雲之漠漠望
丹旄以搖搖酹酒陳辭不勝哀愴惟夫人其陰鑒之

祭汪氏嫂文

嗟予少齒家造中微二尊棄孤與仲相守惟仲與嫂
視予甚恩仲既有家予亦祿仕嫂氏佐仲厥有成勞
慈下睦親不侈不嫉爰篤門祚茂樹懿聲年踰六旬
素鮮真疾胡然溘逝疎戚怖驚仲老疇依孫幼孰恃
總帷閑寂芻几淒清追舊撫今黯焉傷靈陳牲醴酒
惟靈鑒之

祭周元亮先生文

既既洞葉

卷之四十七

十九

既

維公壺陽上族五世居楚少承家學佩服儒玄蚤錄
明經翺翔執苑四方名彥交挹下風膠序羣英造門
請業三仕爲令所至遺思晉牧雒州滋多異績中歲
納組高蹈林丘觴詠自娛敦雅卻俗交不面合足不
漫投與必端人言遵往訓有司尊禮冠冕師模年踰
八旬起居如壯胡然厭世遽涉殊庭憶予兩家世聯
嫺好厥有季父與公周旋接席同居主盟鄉校予雖
後進公實忘年出每同遊入從後載誼關休戚歡聲
生平屬在彌留執手驚怖宛其捐棄五內俱傷風雪
載塗遊魂焉逝老成凋謝後來疇依賴有子孫克

光緒典刑俱在流澤寔宏生順死寧鮮厥倚匹陳辭
清酒公其鑒諸

既既洞葉

卷之四十七

二十

既

既既洞葉卷之四十七終

龍龕洞藏卷之四十八

武昌吳國倫著

齊安王同軌校
新安方尚賢校

雜文四首

繼本說

國倫將之玄嶽過襄

襄王使其客郊勞焉明日王宴國倫於齋宮饗禮甚盛爲之賦鹿鳴國倫避席謝曰放臣而賓薦之不已泰乎飲既卒爵王起授國倫簡曰襄羸國也以我先獻王之靈受茲赤社以仁立國世世訓之罔敢有侮德暨我王考受命滋益恭母侗好逸乃惠乃順用能

龍龕洞藏

卷之四十八

十一

篤於宗親施於有衆庶幾羣臣百姓寔庇蔭膏澤之仁聲洋洋如江如漢升聞於

天子天子錫嘉命焉奉而藏諸寢廟矣及孤之身不敏夙夜謹懼思治屏翰之業以少光王室而逆天休其何德之修修仁乎夫仁立國之本也王考之本仁也孤繼之遂得題諸齋宮以自鏡志不敢惰忽于大夫豈有說乎國倫竊以爲四方修辭之士操觚從王遊如唐勒景差鄒陽枚乘者不少矣王無所問而以問國倫豈國倫知言哉因退而繹繼本之義爲上通之蓋生生之謂仁繼繼之謂繼本仁者好生者也繼

不者善繼其志者也王見夫荆之長松文梓乎輪

雖奇干雲宵蔽日月天下之巨材也其生意之所息

雨露之所滋蓋不可世歲計矣藉令植木不深灌漑

不繼安見其不終槁落乎故孔子曰置本不固無務

繼末其繁升之象亦曰地中生木升君子以順德積

小以高大知積知固而繼本之義思過半矣古稱積

功累仁莫如周周封同姓之國而以仁厚傳者莫如

魯周之既興也卜年八百而魯之享國亦三十四世

其所由來遠矣本深末茂夫復何疑今王富於春秋

寬恭弘雅尊禮賢士志不好異物而好仁行不務廣

龍龕洞藏

卷之四十八

十一

傳

意而務本善繼之道誰其克贊之王如不自滿假而懷永圖則有請焉願母以寒勝暴母以終渝初母以

小惠當大德升之高大王其有焉即周公之國與周

祚竝長宜不是過豈王之諸臣未有以聞於王者乎

王曰善孤知所爲繼矣

爲劉明府立嗣議

士無後而立嗣先王繼絕之遺意也禮爲人後即稱

其所嗣而伯叔其所生不亦重乎乃 本朝約法取

同宗而罪異姓蓋謹始以明統云漢以來各賢如伏

黯諸葛亮戴胄杜正倫皆子兄弟之子爲嗣是於同

宗中又以同氣爲戚非漫然罔擇也況異姓乎仲將
明府生平鬱鬱不得行其意竟無嗣而死郡人莫不
哀之蓋棺之日予與其二三執友及諸內外懿親謀
爲立嗣以主祀事僉以爲然乃屬其內弟盧安盧宗
盧彥盧音內叔盧本正及其從弟席從姪應龍館甥
吳國寶楊子瞻熊名世請於盧孺人曰明府第商有
子四人未知所愛孺人涕泣而答曰夫嘗愛其三郎
未及立而疾已病今從夫意可耳予曰善蓋三郎於
昭穆相當尊卑不失序且同氣最親又明府愛也於
禮與法俱合以問商商曰有諸君在敢不惟命因呼
熊葉洞藁 卷之四十八 三

熊葉之薄道何以嗣爲謹識

題三官廟疏

郡故無三官廟諸父老之好事者將創爲之而請於
郡大夫郡大夫曰神依於人亦必以其鄉之人重而
況無其舉之者乎若其謁吳先生庶幾先生一言則
三官之靈也而父老之著龜也舉易耳於是諸父
老將郡大夫之命來謁予予不能避因叩諸父老曰
三官何居豈黃冠所誦天地水三官大帝乎曰然曰
然則三龍女所生三元子爲能得道度世而受封天
帝者乎曰然曰然則三子生而官天官地官水至神
熊葉洞藁 卷之四十八 四

矣而龍王有女雖靈異亦一水族何以能生三大帝
而天地且爲所官乎諸父老矍然失容逡巡不能答
予因喻父老曰有之爲學道者設非以倖福也夫羽
人三官猶之沙門三寶皆取諸身而寓言之天太陽
也地太陰也水則陰之氣陽之精而又能生天生地
生萬物者也故人身一天地而水流行營衛間不盈
不息而官之者心也心得其官則天地交水火濟萬
物生故能長生久視而無癘癘殒札人也而神矣稱
龍子焉神之也示不可測也稱大帝焉尊之也示不
可染也此三官之所由來也乃黃冠者謂能誦其經

嘗有天官賜福地官赦罪水官解厄得無塗人耳
而使之芻狗其身已乎諸父老曰異哉聞乎吾黨將
奉先生之言以省心而因奉三官之像以喻衆庶幾
一鄉之人樂爲善而憚爲不善即無墮罪厄厚幸矣
安敢望福乎予曰嚙嘻父老得之矣廟址在州東南
燕子水口形家者便焉

圓通大士讚有序

圓通大士慧幻人天手目千分指視無念現身南海
五蘊皆空流教中華一切竝度慈悲之尸既闢仁壽
之塗旋開匪獨沙門比丘宗傳其法肯亦有經生學

龔龔洞藁

卷之四十八

五

士頌述其神功超智筏以先登棄經詮而獨覺茲禪
林所以崇妙極而藝苑因之列上乘今人之禮觀世
音也良有自矣方伯劉公家世好善自曾大父刻木
爲大士象龕而事之至方伯七歲時遂有鳴馬警火
之異居室賴以不燬母太夫人尊信益至從宦中外
必載與俱晨夕潔除禮拜如見久之太夫人下堂傷
足扶而後能履者幾一年忽夢神醫如大士狀以藥
塗太夫人足呼而起之比覺遂能不杖而行日益矯
健方伯公始解其憂色曰生我者母庇母者大士因
述其事志感焉且屬吳子爲之讚佛不云乎出家不

脩善根不如在家在家能脩善根亦勝出家劉氏母
子蓋以慈孝爲善根而大士之陰助之也非偶然矣
讚曰大士何常出世觀世興大悲心作無量福形超
九劫寂照萬緣辟毒持危捷若桴響善哉劉氏四世
積因火失不災足折更履靈祐曰啓苦海宵航問何
功行曰慈與孝南嶽七十二峯十洞十五巖脩行第
子吳國倫謹讚

像讚四首

顧子承先生像贊有序

先生少發制科出入持風紀惇行古道所至見德乃

龔龔洞藁

卷之四十八

六

其志不患仕不顯而患學不明毅然退處漢濱靜悟
名理而尤側身脩行取託空言與其弟子良自相師
友砥礪脩大業故雖弓旌在門堅臥不出匪徒高鑒
坏之節庶幾還抱甕之風於是士無遐邇風動景從
擔囊執經屢常盈戶即國倫未嘗知學每見先生溫
溫翼翼言日益慎行日益恭與海內之涉蹊徑飾枝
葉以藉資賈重而不必其身有者殆霄壤懸矣今且
行年七十好學不衰真不知其老之將至蓋嘗心師
之而媿不能學也昔者恭士机汜行年七十而行必
隨坐必危魯君曰机子長矣不可釋恭乎汜曰若汜

所謂幸者也何釋恭焉成回行年七十常恐行節之虧猶曰回是以恭敬待大命子路稽首曰君子哉由兩賢恭敬不已之心以求所謂不知老之將至可知先生之學進於是而猶不止於是矣適予操舟涉江造先生而問學遇其館甥劉生殷祖使人圖先生像示予因索予贊以爲先生壽予覽之儼然先生臨也遂整衣避席起曰何溫溫翼翼如是非所謂德容耶乃若先生恭敬不已之心卽君家長康無所用其工妙劉生其母以形求先生哉贊曰

龔龔洞藁

卷之四十八

七

見善則趨褰裳濂洛濯纓泗洙提衡萬象冠冕諸儒渺焉頽仰今古須臾榮非軒綬樂豈笙竿中秉微尚塊焉安居踐形維肖曷忝扶輿

貞吉宗侯像贊

哲哉帝裔若麟若龍冥心聖則振羽辭宗東平齊軌中壘司風昔在南浦方舟之中惠而顧我溫溫其恭攜以十稔寤寐將通丹青者誰貌爾德容睨而視之宛其初逢氣陵逸駿目送飛鴻如有所思忽焉往從冠蓋之邸林壑之蹤貴不及政憂罔效忠耿耿微尚繪難爲工

張幼于像贊

噫嘻高山懸水長松拂雲茲何境也乃有獨行君子相羊其間白晢脩髯高視緩步骨不必矜而貴踰侯指不必陶而重踰公沾沾乎欲有所吐而未伸僂僂乎欲有所逃而未往豈非寄情濠濮之上而抗志圖史之林者乎何其似吾友張幼于也

延平奚大夫像贊有序

嘉靖壬戌十一月奚大夫攝莆中事而死其難君子哀之初賊之圍莆中也先以僞兵入大夫心知其僞將執之以伐賊謀乃憲大臣卒爲僞兵所紿城遂陷

龔龔洞藁

卷之四十八

八

憲大臣亦縋城走得不死奚大夫死之死之日無有知者又失其屍所在卽莆人多謂奚大夫或不死賊手延平太守周公曰豈有奚大夫不死莆難哉乃使人大索三月得大夫屍於民舍中雖膚受三刃而顏面肌色如生時延平公又使繪事者貌其像爲位哭甚哀諸父老子弟觀者亦莫不哀奚大夫如生也後莆人又稍稍言奚大夫欲執僞兵之事延平公泣曰我固知奚大夫與城俱亡於是以奚大夫像屬國倫且告之故曰子能斬一言使此大夫泯泯乎嗟乎悲哉莆中不守非大夫罪然大夫亦可以死矣不則縋

城走耳蕭之子遺謂大夫何大夫楚人又與予善故涕泣而讚之曰我我爾冠烝烝爾儀爾命非正爾顏則怡嗚呼嚙嚙豈得死所耶

告文五首

救火得雨告謝城隍文

是歲秋七月丙辰邵武東門火偵者曰人火之也太守吳國倫曰惟予司牧失政獲罪于天天實火之竊又聞公孫僑禳火於四鄰劉昆氏反風於江陵庶幾微福于神謔于天以急若嚙類迺匍謁神祠而叩之曰今者天不弔我及予有衆夫茲衆也明則牧治既既洞藁

卷之四十八

九

之幽則神相之高城深池匪衆焉奠禦災捍患匪神焉依神其憫之庶幾一雨羣衆於燼牧伏其辜玄冥回祿惟神所之鬱攸蒙茸惟神是聽已復將衆趨火所徹小屋塗大屋綆缶既竭番榻告病焦頭爛額者數千人踰時而火不滅國倫復仰天而叩曰天災未已社將爲墟憂心如薰神其謂何語未卒冠雲滃興澍雨驟集殺彼烈焰解萬室憂國倫乃益惴惴焉循牆而退避堂以居敬命祝史而告之曰火天災也牧失政也故災以示警雨天澤也衆無辜也故澤以示二夫以警始而仁厥終天道其可畏也已敢不省圖

與其懷神力以自勞乎牲既肥潔醴亦芬芳率我族倪嗽詞告謝

倭寇將逼高州告城隍文

社稷人民惟牧是主安危禍福匪神焉依頃茲島夷深入我境先賴神力首剋其鋒翼黨重來人情震恐牧誠失職神必憫之謹戒官僚謀及父老省愆滌垢冀鑒於天惟神聰明應人如響閔民悅帝幽贊默成洞啓予愚冀安予土百靈助順殄戾潛銷惟民衽席無虞神亦血食不朽其有奸人構釁墨吏行私先所暴揚以警衆志式用菲儀用申虔告

既既洞藁

卷之四十八

十

倭寇敗遁告謝城隍文

惟神依人惟民依牧幽明匪隔靈爽爲昭不逞倭夷操戈內向擾我疆圉神人情憤之高城深池藩茲衆庶衆庶凜凜收職其憂微福于神克壯我旅長蛇封豕莫敢予櫻飛梯縣樓莫敢予適俘馘既獻士女載綏豈曰能勞厥有冥助金湯孔固血食無疆潔醴陳牲恭申告謝惟神默鑒俾無後艱

自大梁罷歸告家廟文

國倫叨承慶澤遵述朝紳敷歷經營二十八載貽恩既錫祿賜褒優頃職旬宣于彼中土孤忠彌渥

弗避諸艱乃以微福踰涯直躬忤俗致遭積毀解
縣車止足良安怨尤俱泯但貽慙先德自負明時
閣省尤循牆知懼惟是松楸孔邇俎豆時親長謝迷
途永言思孝庶幾夙夜補厥前愆冀我先靈特垂鑒
宥

爲曾祖考墓立石告文

昔我府君卜田茲里中祚式微廢于冢子產既易姓
隴亦就荒樵虜牧豎乘之徜徉號咷仲季服儒食藝
歲一省瞻含哀雪涕百年于茲望之離離藐爾孫子
怛焉心悲謀及宗老籲諸穹昊贖復故墟用圖永保
甌甌洞藁 卷之四十八 十一
爰題片碣表茲幽宅匪封匪樹若堂若闕皇皇脩靈
千祀其寧振我來裔世守一經

題跋十首

題董生圖書冊

龍圖龜書文明天造厥後則寶鼎石鼓金簡玉笥之
文以逮八體六書類皆山川藏氣發於異人鴻筆之
士始得稽采謹錄刻飾符章昭大信以傳無窮及夫
鼎甲鉅卿神明世胄銘功紀氏奏記陳篇山漢以來
名家代作今學士家圖書其近之矣四明董生少年
學書好古尤好作小篆圖握筆操刀心手相應鄙人

王珍購之生益沾沾自喜乃挾冊謁予索題其端予
故不辨書法得生所爲圖玩之好古之意躍然一興
矣東漢荀卿氏且老謂其子曰吾綈帙中有先世所
傳秘記嘗爲漢用子其脩之嚙嚙董生得無意爲世
用其尚慎所傳哉生名鳳元字體仁

文姬出塞圖跋

文姬出塞圖作自宋人然世多贗本非具目不能辨
往從吳中好事者聞真本在予故人張羽王所南海
黎惟敬氏嘗鑒識之予艷慕十餘年不及一覩每以
爲恨今羽王來佐郡始得藉觀焉恣我神賞知其爲
甌甌洞藁 卷之四十八 十一
宋練不疑矣嗟乎此漢慧婦失意事宋人乃以得意
丹青之庶幾與明妃烏孫公主同不泯滅羽王之藏
之也有深感哉

題宣和墨妙卷後

此卷爲白門楊伯海所藏予故不善書尤未睹所謂
瘦金體乃其紀夢事大奇而筆法遒勁不俗又其中
數字如出先大夫手故一見而珍愛之伯海遂以見
遺自謂明珠投大賈也嗟乎予豈真大賈哉姑襲之
以待賞識者

書張家母節孝卷後

余觀周司業所爲張家母小傳蓋傷哉其言之也夫不貳其夫稱節焉而又爲夫不遺其親稱孝焉蓋士人之所難而母兼之庶幾婦實而士行其天性矣至以良知之學贊之宜不必然晚近世口耳良知而躬行妾婦者比比而是又何敢望張家母一節乎

書張幼于惠山泉贊後

世品惠山泉味次中冷頃余遊兩山兼嘗之不必然也幼于獨有此贊而元美遂表惠山爲第一大是余意余恨不能家惠山安得唐僧爲通泉脉入楚與兩君子分甘哉

龔龔洞葉

卷之四十八

十三

書幼于十箴後

幼于十箴蓋身之也庶幾韋弦之義而比于臨淄水以自鏡乎子與氏曰養心莫善於寡慾一言蔽之矣而復加箴其尤得無防慾之入由外心乎誰謂幼于文人也

題羅伯符書封醫無閭山銘後

往予在大梁元美中丞爲先大夫作碑成而難善書碑者會關中馬相國以其客羅生伯符來屬予曰是其書法有顏平原之風予因延禮爲書先大夫碑蓋通意結體無一不平原法也已生又袖一帙示予則

其所書梁司馬封醫無閭山銘予讀而壯之銘勒李將軍討虜功而頌上威德誠壯而生得以儒衣手如椽之筆從之塞外磨崖書此銘嚴重如堅壘遒勁如選鋒森朗如列戟橫戈庶幾內鬯神武而外禡虜魄茲不增壯哉諸墨卿見以爲三絕而厚爲生幸謂當與茲山不磨乃予於先大夫碑則自幸亦厚矣時予別生已數歲生復攜以入山見訪乃得重覩而欣賞之爲識數語其後

方仲美遊梁賦跋

仲美故稱詩遊四方而獨以遊梁名賦蓋慕司馬長

龔龔洞葉

卷之四十八

十四

卿之爲人而自見其志也予覽其辭工雅近古以爲可傳而仲美益用自喜因屬所善程孟孺書之夫賦古詩之流也仲美賦誠近古而孟孺書法又足爲賦重其傳奚疑

跋王三公卷後

王三公好施不倦與其子自實善繼之王氏樹德厚矣諸墨人或以其孫季問舉明經仕今爲天報之福或謂季問仕止百里長歸無一日之儲報又何啻也而獨元美司寇與胤昌太史不謂然昔人有言有所施而人知之是陽德非陰德也夫樹德者不欲人知

寧望報卽季問棄一令如遺而依其母飯僧事佛此其志殆與清畏人知者同也又安計夫報之豐嗇乎元美謂福善爲偶然胤昌以廉吏爲厚報庶幾其明於天之道乎

再書封醫無閭山銘後

予東遊過吳門遇門人羅伯符氏再出此卷則諸名公題識盈軸矣細閱卷字愈有神情因憶爾雅有云東南之美有醫無閭之珣玕琪焉予恨不及望見茲山而羅生書法益以諸題識重何異得珣玕琪爲世共寶乎

甌甌洞藁

卷之四十八

十五

甌甌洞藁卷之四十八終

甌甌洞藁卷之四十九

武昌吳國倫著

齊安王同輯校

書三十九首

奉明府二叔書

違曠省侍條經歲矣日眷眷南鴻弗至何可勝情言念大人生產不充酤直郡大夫歲時一無白衣之遺小阮微祿尚未能分又大人晚節愈堅取爲監河貸粟此其窮豈可及哉昔鬬文子舍令尹卽無一日之儲龐德公隱居不入城府人至於今賢之大人動出古道姪不敏不敢穢素風矣旅中貧病無聊南北論兵未已長安車馬得無爲處堂燕乎憤世憂生間託毫素卽何敢擬於風人差欲同街巷語耳此意稍辭世味漸輕卽有移目無所用避惟大人有以督教之

復劉子成僉憲書

自客歲道路相左又一年餘卻憶疇昔語笑藐然山河矣足下謂聚散有數然哉舊贈言一卷附徐給舍以往今達記室否近見督府疏知足下平定首功朝廷敘典先及之足下名益自此重幸更強飲食鎮靜南服使三軍未耜異域衣冠卽萬里銅柱無能與足下論不朽也僕瑣瑣如故頃屬南北構患羽檄紛

馳時事可憂什伯往昔生平扼腕卒卒未能借一籌
伐檀之刺豈不羞足下乎勿勿復使者不盡不盡

再復劉子成書

答既纔數日而手札繼至即故人加餐之思不遠萬
里廼風霜屢及各在畏途其於夷猶一室猶恨不數
數也今昔相迴能無悵然惠教諸篇大自俊逸倚醉
讀之神游銅柱矣足下方銳情三苗猶及肆意揮灑
遂與山川爭勝豈不稱壯志哉舒丈人老而無子惟
足下厚視瓜葛藉以眠食須臾不則間左豪且雞肋
之至於立嗣一節慮無可託是矣饑附飽屬僕亦逆

甌洞藁

卷之四十九

二十一

知其狀然不猶愈於無所歸乎足下其尚力贊之島
夷入犯留都奚啻臣辱東南事不知所終僕言官又
與聞軍旅足下得無謂我食粟而已哉媿死媿死

報李于鱗書

自初夏往一書又數月寂無音驛即宗王兩生時時
攜肯甫醉我何能一日不忘足下也間會諸部使率
謂邢大夫亡他獨公檄往來多飾左馬語不近人情
耳廼僕竊不欲終聽彼所爲閉目而分黑白掩耳而
別雅鄭足下又何難焉僕自移官以來益虞非據目
攝諸鬼魅憤不欲生然鮮濟也三寸舌尚在足下豈

卽尸素我耶不則反其牛羊耳元美倚醉數言宇宙
內不宜有于鱗此其意豈嫌於竝立者子相近益賈
勇其所退舍二子耳至欲以鴻溝界我何者爲我金
柅哉聞子與八月已發蒼溪度早晚可到計其時足
下當入計來茲會大奇卽恐造物不易任耳

答王元美書

僕方稅駕出神武會長鬣之士持一紙來授我讀之
神實氣結淚不能下天日黯慘僕夫踟躕僕得載此
詩往雖三黜奚難焉昨子相一病甚潰二日稍蘇子
與之子九死一生國倫遂不得與二生執手而別則
信乎山河在只尺須臾爲異代也吾黨此別又安知
非永訣乎不忍道不忍道足下又念吾貧厚有所餉
有鮑子在豈復覲顏於人第不負二三子雖立槁可
耳適尊公遣使臨我授我繻行矣併謝足下

復王元美書

嗟乎元美之念國倫復何所不至哉使者不遠數千
里求國倫於空谷尺素殷勤長歌激烈讀之悲喜湊
至氣盡復增同是知心孰敢於是夫國倫徒以楊墨
故自今見放夫復何言移之匡山頗極陳力何側目
者之心難厭也豈必禦魑魅而後已耶得報西歸遂

甌洞藁

卷之四十九

二十一

欲謝絕人間事擔簦結襪爲五嶽之遊顧以十口嗷
嗷四壁蕭瑟未能棄而不問計乘秋東走介宗就于
鱗元美一卜其居廼書金于鱗欲進之元美欲退之
是何二大夫使國倫觸藩也吳門千畝韭可共便當
攜妻子以從不則鵠皮魚腹之間耳夫鵠皮魚腹豈
元美所忍於國倫哉元美其圖之矣樂府十章出入
漢魏燕歌行方駕曹氏無疑助甫爲誰得足下贈言
八章豈其人丈夫哉久不讀于鱗諸體今復更其然
二子詩欲傳非吳生評之不可幸埃我梁父之陰
復李于鱗書

龍龕洞藁

卷之四十九

四

自于鱗入陝以西遂絕嗣音心想爲病已聞拂衣歸
歷下心甚高之從元美絨中得所爲四懷詩知于鱗
未嘗一日遺國倫也使者投尺素山中友誼良篤跳
梁行壯哉國倫奚爲不三黜也卽湘纍有靈可復作
矣獨怪天門日觀其容幾何廼使二大夫飛揚其問
日詣人所不到之境雄視千古如是哉幸告山靈楚
狂且至矣所寄一卷手不能釋五子篇遂鴈行國倫
國倫何敢不自愛待調北行計尚猶豫非就二大夫
不決也答詩四章舊作一帙先附使者入覽諸侯面
陳不宣

與宗子相書

潞河發棹七日始抵直沽行路之難茲其槩矣京華
風雨不辨金莖抱疾孤蓬遂不敢北望業徐郎已出
不知何貴之門可以遊子相子相之念逐客寧有所
不至哉徐郎使槎竟亦相後吾黨一二聚首造物尚
忌之昔者促膝縱橫不惟重譴倖也僕南矣子相尚
善自愛無復爲人移目哉

復宗子相書

別後致足下四書廼今割不一字及得無爲石頭浮
沈耶前王將軍入回云足下方擁朱輪從御史行部

龍龕洞藁

卷之四十九

五

素

所欲轉致皆肝膈也奈何未遽達耶謫所漸習吏事
苦不能工足下謂國倫意氣安在而今逡巡簿書爲
也推案有間輒又操翰睨視匡廬諸峯頗不多遜乃
不得二三兄弟聚呼而賞之爲念殷矣嗟乎建安七
子開元八仙以爲千古一事吾輩達節肖似而同心
之義過之廼今五嶽殊方渺不相及豈徒足下念予
流落哉元美提兵海岱藉有嘉譽于鱗乞歸耕歷山
不食言矣山婦無恙豚兒已能問客覓果足下晏坐
署邸頗無他侵兩嫂尚未抱子乎

復樹德宗侯書

國倫既從南浦與君侯別歸而伏枕山樊門可羅雀
譬則再棄之婦執斧不過其閭三北之軍持戟羞與
爲伍君侯餽問奚自來哉非有古心此義替矣省會
來論如起膏肓而惓惓不肯出處似謂國倫好自潔
而汚世也夫展禽不去曼倩陸沈古人已然予復何
愛獨以褊心未破新態難工舉足虞羅出門鳥道以
信步之足而履不測之險難乎其能免矣君侯獨不
見東吳之子以才而及其親乎不然妻子啼號忍而
不顧已非人情況食祿十年未效鉛刀一割如素志
何如 君恩何戒裝遲遲良有以也君侯心知國倫
齟齬洞藁 卷之四十九 六

顧獨不及此耶草草答既惟君侯不吝有嗣音

復用晦書

僕羈旅豫章違我良友陳詩擊節千古一時夙昔薊
門雅音盛集須臾召忌渺焉參辰今既陸沈猶逢下
石佳期不偶物理固有然也回憶舊遊同茲哽咽此
南浦離歌哀於易水豐城劍氣委乎延津故人明哲
復何言哉還山以來十日九病遂欲寄情霞外棲志
蓬蒿謂桐江之風不足希而漢陰之跡無所用抗也
迺以家徒四壁十口嗷嗷既無附郭之資復鮮監河
之貸兄弟朋友見其若此時載酒穀相過勸駕又近

得北來異聞日夜病悸不已使指南之具所嚮皆迷
觸藩之身進退維谷杜門思過但恐有負故人耳嗟
乎故人尚念我哉使者出疆授書空谷牘不盈尺情
溢江河長跼讀之悲喜交至誦諸作尤見鼓行此境
既臻他何足羨少自韜晦以永令名固所望也邇者
新構草堂日與雜作爲伍鉛槧久廢答述不工幸惠
亮

復張子培員外書

三月還自匡山連得足下書甚慰饑渴僕不肖計別
足下五年竟無一得徒以骯髒迂世罪至無所逃即
齟齬洞藁 卷之四十九 七

在南州東帶操手板大斲其性而迂從吏道然於物
情猶未厭也迺欲僕復作何狀耶明哲之訓業既乖
違獨恃此心灰木已久頗不爲所厄足下猶哀憐之
乎所示諸篇不獨藻麗絕羣而寄意寥廓委蛻風塵
大見冥識豈亦楚之山川於足下有小補耶種種積
懷吐露無自聞使車入夏當避暑武昌遂可圖良晤
但勞足下一使先入山中爲期耳詩二章聊以答既

報張叔大司業書

國倫以被譴出而又不能補過貽咎士林負辱桑梓
甚矣昨謁選復入辱閣下憐而急之似謂下堂之婦

未必自污棄壘之軍尚堪使戰遂令疑網暫撤迷穀
在躬益堅嚮往之心不以連遭易慮茲所謂道言良
於拱壁而明規耀於燭龍也南來入宋忽忽歲餘瞻
伐木之遺墟弔絕糧之故跡茹荼爲肯寢棘良安蓋
旣小諳於自反之義故怨尤不萌卽折節塗塗無非
典學委身簿領亦可效忠若山鬼寓憤於幽篁而波
臣乞沐於丰水情雖內迫如時命何況平生鮮所建
明一遇摧折方寸爲亂儒者恥之茲國倫所願請事
於閣下惟閣下不吝有以命之也久失起居日夜悚
息延佇天北雲物含情所遺諸篇時時展誦不減金
甌甌洞藁

卷之四十九

八

石之音室邇人遐此足差慰

報元美書

數月失起居然無一日不東面哽咽聞老師小葬足
下兄弟晝夜哀號不去左右嗟乎自君門無幸於天
使足下兄弟有文名今又不幸有死孝名益可悲痛
國倫每一念至腸不能迴至聞人談及則又黯然失
色愴愴無以語也奈何奈何僕去家且二年兩稚竟
未隨任此中勉脩薄職士人不甚以爲懟而被薦次
凡六七其仍株困不移者得無復欲雞肋我耶倘猶
不遽削籍則明春當以報政行卽得馳封先二人老

死丘壑無恨矣太夫人尊候近復如何二兄善慰之
無以毀賢傷其心也亟欲相嚮一哭執且無由悵念
悵念

報趙汝脩書

僕與足下膠漆蓋自束髮然矣以僕有一日之遭而
足下久未脫穎每念輒爲歎惋蓋類燕石見寶而美
玉不售也迺出處異塗而僕之吐赤於足下者無異
分席時卽僕生平所爲無可語人未有不可與足下
語也顧足下中稍疑僕僕不知所謂嘗奮袂而歎曰
以僕不見信於知己又安所望理於世人乎此卽可
甌甌洞藁

卷之四十九

九

報曾朝選書

日者使翰再至卽已握讀所示洛書大義一過計細
玩以復旋病矣數日小間玩不去手足下默契之學
非僕所窺乃此篇論辯旣明而訓復渾有裨聖經
不淺遂可以傳河圖大極先後天四圖有獨見亦

當並傳顧宜小約其詞與洛書成一家言耳乃云斯言旨矣未獲我心夫足下之心非謂不直則道不見乎然直者直明其道如是非謂搖唇鼓舌與人敵談鋒也僕亦云志在明道足矣而渾簡二義正古人修詞大法故徇耳目而習故智非善也激異同而露圭角亦非善之善也僕豈欲足下不明辯之安在其立言哉今足下用僕之言而渾雅其文矣又謂未獲我心何謂命之矣篇中僭易一二字更望裁定併足四圖成書僕二三日後當過睢詣齋中面請教益而後別也力疾先此

甌甌洞藁

卷之四十九

十一

報趙王書

國倫未遊於王而王之客則有以王之高義告國倫者國倫是以益願有請於王而擔簦曳裾計未有當也今王先使使問國倫於汴水之上豈亦王之客有以國倫誤聞於王者乎夫王卑身下士有擁篲設醴之風海內士自操一技以上無不欲藉王以揚聲者國倫知名最後微惠則先洵矣王之義甚高而國倫小人也謝榛膏膏近體鄭若庸墨守六朝兩生今老於王所矣豈復有裨於王然皆有所託而傳焉即不及鄒枚司馬其人亦可以不朽國倫舊嘗識兩生而

王書及之故敢復問雙簷文簞品極精美王者之胆敢不拜命謹對使稽首以謝惟王察之徐當有以報王也

報宗先生書

往國倫造次遇使者於彭蠡湖上一醉而別嗣即夢寐求之耳庚申之春僕方入京待調會子相計適至爲之神實內潰起臥失常食不下咽者數十日嗟乎天乎詞人陽九夫復何言譬則同羣之鳥塌翼分棲側目呼儔其音哀矣乃虞羅密布天復助其機而中之不已異乎又數子中僕於子相意更相屬業已約

甌甌洞藁

卷之四十九

十一

爲婚姻曾幾何時遂成今古能不動心木石哉僕今羈旅宋中不能遽走哭東望淮海涕泗淫淫且子相素自豪且健飲食無疾胡然棄我豈真陸嫂失善視耶然亦命矣櫬歸厝何所身後曾擇嗣否願聞其詳昨見詩文已刊布必傳無疑第其中小有可芟且傳之太速而語多觸時忌非宜也可急索原藁發爲一選庶幾死者之心安耳如何傳聞先生哀毀幾失明理所宜有然過矣河清難俟萬有歸無尚幸節情強飯以需餘年即死者有知願也茲特遣人持四詩哭于子相之靈脫劍束芻早晚圖之矣濡毫氣結語不

復文惟先生亮察

與宗子培書

僕未交子培然從子相知子培深矣子培明經博藝江南北蓋罕其儔久而不發豈天欲愈厚其積耶子相生嘗以兄事僕今猶不得就子培鴈行欲令僕不懷子培豈人情也去夏在京邸方與王元美作南冠對泣而蔡人張助甫以子相計來天日蒼皇五內盡裂嗟乎吾黨數子豈獨衆人側目而天亦甘心焉僕尚偃仰世途真不知命矣遣使持四詩先代一哭諸備尊君絨中見區區也

甌甌洞藁

卷之四九

十一

報座主喬先生書

自都下再候清塵造次南北遂十餘年矣缺焉起居食息耿耿國倫蓋以不率名教被罪南浮託迹江湖覲顏餬口然視在國之日憂懼小分大抵鼠腹易充鳬脰難續且性拙諧世才不逮人時命固然雖士伍城旦甘之矣況猶一官不絕如綫耶所爲深自愧心者不能以國士報先生耳先生高蹈已久海內想望竊憶乙卯之變三秦爲壑顧獨門下生徒僕御晏然無恙此豈非天祐者頃以需河再清耶適次柘城握亮文學之手而問之始悉矯健如故日課兩公子經

術掩關謝客無復人間之營國倫慰心爲甚雖然國倫嘗侍先生矣每及時事輒憂見顏色不已今屢薦未出豈置天下度外耶抑有所俟也出處大義非小子所敢仰窺願竊有請

報麻登之僉憲書

興國去大江六十里而境土稍僻又界江西之寧瑞二邑間寧瑞故盜藪而大姓數家尤橫興民甚患苦之蓋自設江防以來盜風少息者十餘年興民粗安矣近者江防公經數年不一按視以致人心玩愒保障廢弛僕頃年里居見羣賊分道入市而有司者未

甌甌洞藁

卷之四九

十一

嘗問也又一日焚掠近郭三十餘家而有司者匿不以聞於當道今弟去家且二年聞有司益相習以求盜爲諱而市井之民夜不解衣臥又聞盜俠數輩盤據公門爲內外應三農不得乘耒耜矣嗟乎前患寧瑞盜今興民且自相盜遇寧瑞盜至又引而助之矣何也蓋盜無所懲而有近利民無所恃而多肘腋憂故民而不盜者無幾也又去年大潦無秋今春積雪爽候粒食既匱死殯盈野而鄉之巨猾且藉以王事浚民肌髓問戶嗷嗷盜風益熾豈諸公視興荒裔哉由下情不易達耳今者天憫民瘼而以公賜之惟是

父母之邦義非秦越而公來適當其難僕又於公非私交也故敢以數年不達之民情布於下執事惟執事其圖之

報元美書

使還得報書併示近體讀之無一今人語以足下才雄視千古又得索居冥討惟意所命化工爲役亡論宗梁先化子與結舌卽歷下生僅僅相持如國倫者竊欲不自量難矣然雖揭干抱牘每飯未忘北山愚公東海夸父其志如是豈元美所不諒乎敬美瑰奇昔嘗畏之今觀所作日益凌厲張茂先之稱二陸曰

龍躍雲津足下兄弟實似之敬美則自以爲得歷

下生一言相印可解將謂長公何至欲與明卿並驅

十四

復元美書

入夏還樵陽得足下一書四詩讀之海立山移不辨吳越潸然揮涕念當如何尚記足下詩云亦知終鼎俎辛苦爲誰肥又書嘗恨不能礪白刃而刺權姦之腹嗟乎豈惟足下有是心鄙人負國士之報蓋每飯未忘也乃今鼎俎旣明無煩手刃而噍類魚肉膾炙徹明斯不足以報地下萬一哉吳人每言足下茶志哀傷更踰古昔益令人心寒吳生來知起居殊備鄙人近理存歿諸故人手帖稍稍成帙每一過一淚至尊君老師一帙則每過數淚不止人世飄忽誰俟河清耿耿微衷欲有所藉不泯耳足下又言讀佛書快

龍躍雲津足下兄弟實似之敬美則自以爲得歷

下生一言相印可解將謂長公何至欲與明卿並驅

十五

恒河沙耶抑猶招之俱上乘也

報張叔大學士書

自梁園辱教書廣以神理佩之迷穀仰而思之蓋卜務之冥契而孫向之所爲善藏也國倫不敏感此微言殆若天矜然懼智習難化敬怠無恒則竭吾才或足以滋過而克其所操又不能以致遠請事三年迄無所就安得容與於沖和之堂而且聞昭曠之旨乎適且爲闡史所事事除戎計餉惠膏其心問俗察眉卽又鮮克有濟其四境未及于禍則天幸也政府載

清帝力易暢所需以守四方漸多文武士杞人之憂
安足破乎計閣下入相在即當復修伊傅周召之業
建紫揭羽海不揚波而杞人者又無所用其愚矣海
隅望京直在天上故人末照豈其遐遺

答敬美書

吳生持足下書來相念獨至又讀贈山人三絕句冷
然有深湛之思足下遂與長公相難兩驥二龍無奇
矣鄙人奔走未有息踵尚負登堂酌墓之期矢此夙
心即非宿草可陳耳今寄足下二絕幸覽見其區區
古人有九世復讎三年報怨者足下兄弟親於近事
既既洞葉 卷之四九 十六
則薪膽可舒比聞咸陽市中人人爭啖其肉又何假
手刃之乎歲時酌祭其以鄙人之言先報地下可也
遠馳一力起居太夫人併問足下兄弟無恙

報易興化書

執事以一旅寄命新復孤城落寞之懷人所共諒至
於解腥穢而調瘡痍使士女綏靜烽燧不再舉則已
不免勞餘力乃一二祗禍不懈如蠅舍沙向人所謂
難之尤難者也然爲之三年有成天下事無復可以
難執事者矣僕株守山郡惟抱積薪之憂然視執事
經營力易數倍顧竟無尺寸可補於上下古人縱步

羊腸側足周道倚伏固非所測而脩人俟天學者星
以爲不易也執事何以教僕乎部使間以海岸爲言
執事宜先其所急以塞羣望餘可次第舉也如何

再報易興化書

以公處煨燼之地而撫此瘡痍餘民一年以來漸有
生色而又嬰城却寇以其餘力解仙遊之危此雖人
謀亦天意相孤忠也大難既平殷憂稍釋轉禍爲福
因敗爲勞非公孰當之聞尊體久安恐亦焦勞大過
且不遠復矣旅中無可慰藉幸善加餐適者香寮之
賊烽望邵境日夜虞其豕突業已稱兵境上已得二
既既洞葉 卷之四九 十七
間諜訊之果云賊計將由邵入江以敗於永安又聞
邵稍有備遂不果西耳廿日後此曹報已殄絕未及
解嚴賤體已病山中之懷知公非欺我然以楚人爲
閩吏則此口無從啓耳

寄袁松江公孺書

得太舍所寓書知賢勞雲間已卽真握雲間符矣以
我兄弟閱十五六年得刺一郡視諸少年疾足過者
數輩然而甘之無論大兄奇節鉅才非弟所望卽弟
操弩末之力猶足以備任使未敢多讓於諸少年蓋
誠欲安輪於羊腸而正色於虎尾過此以往恒難其

如予何雲間佳麗大非故昔父老借寇君相簡賢知
大兄非負其所舉者竊在下風敬俟嘉譽乃若聞吏
不能以一日釋其戎衣則大兄所必憐也奈何

與林繼暉郎中書

往歲入建州已知仁兄離憂遘難極爲酸辛比既不
能匍匐叩慰而所聞寄寓延福之境消息難真失致
訊言無可解罪矣邇得延使寓書亦未明示所安悵
焉東望腸如縷割方君敬歸自三山始知兄亦淹留
三山間無他適也海氛未靜山孽易萌近者苦兵遠
亦困餉無論守吏瘠食露寢不足言勞乃察庶眉家
醜醜洞棄

卷之四十九

十八

傳

泣戶歎愚民思亂智士憂生象至著矣弟以弩末之
力嬰此累卵孤城日夜戒心容鬢爲老幾時得對仁
兄寫此鬱鬱及請所爲善後計乎即兄之念弟當亦
無不至矣

報丘光祿書

夜別紫雲溪上歸卽成贈詩厥明書一扇追之則鷗
飛遠矣已得鍾州榕城書知徒御尚爲寇阻入春方
得修其墻屋居焉所謂餘生白刃親固不識耶此中
屬山寇再警四月始解嚴久失起居疽若創痍前約
當有吳越之遊取道過此久之不至得無爲十口羈

耶

與包護軍書

千里一士猶曰比肩十年神交賢乎尚友又遠矣鄧
先生天下士也不腆敝邑辱先生儼然見客豈僕無
聞尚可與言殆天憫其愚而以先生賜之耳洽夕深
語承伏知新殊恨相見晚也今者掃除齋閣敢修孟
公徐孺子之禮謹事先生以求幸教併以犬子抱經
託之先生豈無意乎願將軍先爲道忱款僕常躬執
鞭弭以請也

報俞仲蔚書

醜醜洞棄

卷之四十九

十九

傳

僕於仲蔚神交十五年矣曾未有杵臼之遇而殷勤
尺牘聲若平生東方曼倩有言同類之遊不以遠近
爲新故吾兩人者非與往擬仲蔚詩於禎卿卽元美
不以爲謬書來遜避太過豈禎卿遂絕響耶至謂元
美時過禎卿則又何知言也仲蔚託跡蓬蒿棲志玄
漠抗夷喪之節而抽屈宋揚馬之思才本兼人境復
無累又與王郎密邇倡和不孤語出驚人宜矣宜矣
顧僕敝屣未遺塵車自柅操翰於麝食露寢之隙而
欲與仲蔚爭奇並麗不已難乎卽他日與仲蔚有偶
於元美又安知元美不以縫掖加二千石乎山川阻

邇我思悠悠偶附吳生爲訊者如此詩二章並往焉

與熊紹慶書

數年積悰萬里一破窮途奇遇造物有深意焉居常聞羅浮爲南海大觀今且聞閭烽燧中豺虎據塗無從飛躡迺端州七星巖跋地撐天玲瓏怪絕又以我故人爲之主則老吏投荒踰端州而西也豈偶然哉雷雨夜歸幾爲泥鮒主客高興誰其嗣之方擬詠一長歌小發幽趣執筆無狀又似爲山靈所哂抵郡後則山海之孽二面牽制每從蓐食露寢中憶與故人銜杯泛艇時猶隔世也又坐署中十口呻吟旅況益

擬蘇洞藁

卷之四十九

二十

惡屢逢郵使不及致一言山中大舉首首尚遺流毒未靖隱禍彌切此兩郡所共隱也故人何以策之

與馬參將書

大率嶺西濱海地方兵多不習水戰賊船未泊時宜先行清野之法使賊登岸一無所掠而勢又不敢離船大遠我兵大營與賊艘相望可一二十里時出小隊挑戰彼即退還無疑不遁則我兵以靜制動必勝亦無疑若賊以小艇載數人以餌我而我兵貪之未有不墮其計者然此特可爲邀擊計擇地方一時之患耳至欲取全勝謝大功必非巨艦水戰不可水戰

無具雖有萬眾無能爲鄙人上狀軍府請發巨艦業已數月竟無隻櫓西來祇爲畫餅奈何頃見麾下爲山海增兵之議具悉忠謀又聞久負翰鈴此來必爲嶺西福鄙人前所陳得無以爲書生之談乎同心共濟適在此時不敢不罄其愚耳

報李中丞書

國倫束髮操薄技以從長者游蓋已知明公利儀南海冠冕中朝矣釋褐以來轉徙江湖二十年卒未有遇問者懷牒荒裔取道羊城始得一登大雅堂望見明公顏色挹之若幽蘭叢桂叩之若太呂九鼎見踰

擬蘇洞藁

卷之四十九

二十五

所聞知先於面十年夢寐須臾一醒顧以塵鞅驅馳不及繼見比至調所則山海巨警日從烽燧中稍稍修戎事民不遑農功難掩罪意氣都盡鉛槧凌疎坐是久缺起居違其初心甚也遠辱問訊示以見懷高篇匪徒託交忘年抑欲采風下里鄙人何幸冒茲寵靈使還先此寓謝崩頭一詩聊以答貺非敢自附於同聲也

報徐子與書

次潯陽屬一書友人計仙舟入境時可達也高州之行強顏爲甚且不得延好旌節意甚恨之此中喪亂

無象頗費經營即數月小有成勞顛毛種種矣方以
不得足下一耗爲望而吳生遠自浙來手授書翰論
慰敦至見寄三作字句苦心而讀者心更苦也吳生
居郡齋一月目覩蕭條踰於蓬處即負其來意想亦
不忍見罪抱子消息幾時可聞三男以足下遠庇無
恙工良義業稍通行當受知足下非敢私薦其子也
歸計未決田園荒蕪俱不敢以累足下

與樹德書

奉所寄清江書知感厚念已在羊城見使者不復得
致一語知使者亦能歸爲俗吏狀高州遠在裔海之
旣旣洞葉卷之四十九 二十三
西蓋盜窟也坐府視事十兵而一民稍修安攘之政
髮爲盡白他日見故人先故人老矣

與莊則勸書

別週三辰相念如一日手書兩及旣示僕以寬嚴相
濟而又爲吾兒訂頑寓目省心真同古道敬謝僕之
自廣入高也得請司馬以行途無它警暨視郡事則
十寇而一兵耳旋召瘡痍之衆慰以薄恩鼓以大義
以其三負戈矛七歸耒耜數月稍稍轉弱爲強山海
間遂有數捷俘馘之功且踰三百會熊中丞新破曾
酋而其餘黨千餘奔泊高境僕遣一檄諭令爲我賊

非其類盡赦其類而撫之得生活千餘人又歸被
士民四百餘人業已上其事軍府矣守吏保境非敢
言勞然皆自兄教之且春間悔出今得藉手以補過
故不欲爲兄隱也戎務倥偬道路險遠久無歸書兄
所必諒邸中新俸業已移助軍興邇來但飲高涼一
掬水諸親友殊無一絲脩敬不亦可詫乎其不詫者
惟兄也舉目萬里悵然悵然

與莊則勸書

文從未來乃心隨兩書萬里矣又尊人在堂遠遊非
便弟豈不諒耶書中憐弟家難其詞甚惻非弟所敢
旣旣洞葉卷之四十九 二十三
承夫弟本無家而有家今化而爲無尚愧不能復其
初也安能顧無益之墮旣而挽已逝之頽波乎至於
斬關之盜來去自如則可爲一方過計耳

旣旣洞葉卷之四十九終

甌甌洞葉卷之五十

武昌吳國倫著 齊安王同執校
新安方尚贊校

書三十三首

與高若齡給事書

吳門一飲遂成長別同病之感蓋十五年如一晷也
音郵既絕承晤何從足下哲人不復論往事弟猶強
顏就祿重負高誼足下得無竊笑乎嗟乎士有剖心
不能示信就樹不能避影者弟是也平生智能淺薄
惟一介之守自信頗堅迺忌者即從其堅攻之彼謂
不如是不足墜諸淵也豈知國倫書生耳無補於世
而亦無負於世迺復能勝此飛語哉部議既明歸計
且決會有被調而不之官者臺中以怨望劾治之棲
棲嶺外非得已也郡中屬山海二寇橫發無制弟稍
勒瘡痍之衆東西馳應之輒有小捷冀數月境內粗
安差解書生之嘲便可自効去矣病中草率布意幸
足下善飯俟我並爲天台鴈蕩之遊

與瓊州陳郡丞書

一海南北良晤天阻猶幸書郵不甚梗耳海氛未淨
列郡茹荼野哭之聲比比盈耳鄙人以庸力當之即
臥薪嘗膽祇可自竭其情殊於瘡痍無補也漢制謂

太守攝戎事者爲郡將今有郡之名而無兵可將其
勢何以異於覆釜炊糜引肘書字乎迺復責其糜之
不旨字之不工則難之難者也惟執事抱經世大略
久處海邦金魚肌肉坐計之矣論來種種石畫鄙意
亦偶相同古人謂受降如受敵蓋慎之也頃奉軍府
檄下飛艘且主底定有期使列郡無功之名而百姓
陰受其賜上願也戒嚴靜俟一一如來肯惟不吝詞
教

再與晏將軍書

奉手教知爲兩郡赤子勞心且宣示恩信立破潢池
甌甌洞葉 卷之五十

之疑此數千人者麾下實蘇活之也大率吾三人關
誠主撫此心自信可以貫金石感豚魚而況於人乎
盜賊陷溺雖久良心尚存一念求生便脫死路我輩
順其可生而生之陰德莫大焉比之俘馘皆尋常尺
寸之功耳昔秦將王翦誘降狄八千人而殺之卒賜
劍死漢將李廣誘降羌八百人而殺之卒以失道自
殺方二將恃勇殺降豈不赫然以爲功可蓋世及其
臨死之日迺知禍孽由此悔無及焉即我三人智勇
不及二將然學術心術過之豈肯襲其所爲以自貶
不可悔之禍乎茂等終是愚民未喻上意幸一呼而

解之使得惓然效順尚當哀其悔悟晚也誰復計其
往耶別後生病暑且電白吳川報警促生還郡甚急
生又未敢遽行恐惑衆志煩速催諸船早來始得躬
觀其成共慰好生之念更遲不能待矣

答方子及全州書

兩粵相望千餘里辱公戀戀數賜問遺素交之情就
敦於此湘源雖邇象郡然故楚邑也以公居之又爲
八桂增色細玩諸篇駸駸楚詞不爲粵客吟題知意
有所重僕自竄流炎荒日與蛇豕爲羣僅僅保累卵
頃者倭夷出我不意亦復因人之力以幸粗安公之

龍甌洞藁

卷之五十

三十一

威靈庇僕多矣顧筋力向衰歸期浩蕩兼之江鄉寇
亂廬舍一空筑策妻孥僅免虎口視蒲中昔日大難
不甚遠矣強顏食粟撥悶爲詩並足爲知己者笑尊
君就列鼎之養情景泰然構索益當宏遠幾時得飽
吾目耶呂詔州僕之故師亦尊君之故交也略加存
視感當鏤心

復唐雷州書

載奉手書獎借太過古有尊賤卒爲神師而謬爲恭
敬以行其破敵之謀者公得無用此道耶勦撫大議
公已洞燭而威信所及異類回心此無難耳以生之

愚計之所難者有守土之責無便宜之權事成則其
享其安不成則委之奉行不效又一羊而二三其牧
豈有能馴者哉近日二院海道海北道各有密劄見
示在海道則欲陽撫而陰勒之在海北道則主撫在
部使則主勦在督府則謂可撫可勦俱宜相機言各
有旨卽黑桑戎以大船不能入港故按兵無所爲力
今三劄併附一覽卽可知其大端生意不敢執一只
可從柙櫓之說勿拂其意而亦勿墮其奸非敢巧爲
避事蓋自度兵力既不能制賊之命而機權又苦不
得自由身及於罪而無補地方是亦智者之所當預
計也然倚公重望僕如蓬生梟中有不扶自直之幸
今且再下一檄用示兩府合招意令其靜聽處分高
明以爲何如

龍甌洞藁

卷之五十

四

與晏遊擊書

奉來諭知麾下以未滅李黨爲恨具見忠勤然守土
者之罪更重數倍矣前李黨初叛雷人言僕與許公
並爲麾下所賣僕拒之不信及生還駐化州李黨攻
吳川甚急望麾下援兵只尺之間竟無隻櫓相助則
高人又言生爲麾下所給嗟乎麾下豈賣人給人者
哉撫之難成期之不至中間機事衆人不能測遂以

爲賣且給廼生之自諒與麾下之不自安皆是也與口奚足憑哉前聞所部戈船多遭風變僕意不勝悲憤海上多事方賴兵力廼復如是豈天意反助逆耶今許黨之招未穩而新倭沓至不下千餘深入陽電地方猖獗殊甚萬一敎郡有事則麾下亦有震鄰之恐諸凡預乞繕治以待之或可排鄰之難亦足以謝衆口也如何如何

答吳少參書

僕以寒劣專城海邦適遭多艱卽蓐食露寢無所愛勞而亦無裨安攘廼此心則天神人鬼鑑之矣嶺西

既甌洞藁

卷之五十

五

大勦之後渠魁尚存頃見露布輒稱蕩平非所敢喻業已請調新兵毋撤守堠蓋逆知蕩平之虛聲一傳則諸路之守望盡解乘秋豕突勢所必至顧新兵未至而守堠遂弛賊之果來不幸中吾億也電民瘡痍未起復罹此毒僕何以稱長吏哉慚甚懼甚猶仗明公福德庇有累卵之城自今文武吏士皆當以臥薪嘗艾爲日矣僕又何敢不效其愚所爲電白計未必皆聞於明公耳主將晏然非可與圖事者尋常議易之頃錄郡邑諸生其在前列者多明公賢從其得之明公家訓可知也竊以問宗之義爲明公喜惟明公

日敕而成之

報徐立之司空書

投荒八千里外又二年矣薄命罪人自悔復出今且奈何郡事粗脩戎機日變往歲仗閣下威德稍效微勞輒叨錄賞業已踰分敢復何言徂冬入春山海二寇合勢流毒二月直犯高城高城萬衆幾不免虎口勉竭駑力櫻城死守而猶背城死戰苟免失守而國偷病憊骨立矣此中近事半類兒戲委以保障重計不假一餉一兵譬之繫足而使超距覆釜而責烹調雖智巧如神未見其可爲是決意乞休且一守三觀

既甌洞藁

卷之五十

六

與馬參將書

高州故濱海危地然未有狼狽如今日者非賴文武同心必難反亂爲治方公未來僕望之若渴屢上書軍府催請爲地方也非慕公名也及公既來僕又束書戒館請駐府城以便計議戎事及蒙枉顧僕亦勉強加禮徵兵則兵徵食則食應之無不如響爲地方也非憚公威也不意駐節以來未有一念及地方日

與縣官爭禮爲家兵爭食稍稍拂意輒形於言以致家兵視有司百姓如仇僕又勉強調護使各不動聲色兩相保全亦爲地方也非公有宿德於我而假此以酬之也疆場之事兵柄在公而僕亦有綏輯之責公雖用兵如神僕尚能傍觀而贊之又不意公爲左右所惑獨主和議不使守土者與聞及使者爲倭奴戮辱示弱損威明出自取迺謂府不發兵以文其過將誰欺乎此皆幕下奸人誤公耳茲蒙遣書謝過詞旨大謙僕亦誠心信之此後幸以忠義相勉實用其力爲一方禦災捍患毋因小嫌坐失大計僕雖執鞭

甌甌洞藁

卷之五十

七

秦

以從願也至於幕下家兵半係周叅戎時叛卒公濫收而信用之使府縣得罪於公此輩也使公舉動不滿於人心亦此輩也此輩何狀而能有分毫益於公乎幸早察而遣之毋蹈人覆轍仍望視土兵與家兵一體以保始終萬全目前窮寇旋當就殄無足爲慮僕平生慙直不能陽諛人而陰疾之幸諒千萬

再報唐雷州書

頃奉報書極知垂念海孽未銷民艱莫拯僕久負司牧之譴惟有不怠薪膽以俟成功於天耳敝屬苦無舟師仰給軍府海寨顧請之數月迺得發發之數月

又不至必待賊遁而後尾之以邀虛聲此武夫故態卽賢如晏子有不免焉辱公念及唇齒敢相嚮一大息耳許公經濟目中罕儔而公又以大才協圖之不惟人心鼓舞而天意亦當可回此曹釜魚圈豚鼎俎無日矣延佇太平不勝懇切

再報晏將軍書

前已報書茲無寒燠之贊楊閣師之來也失一欽依把總喪五十餘兵僅馘十三人俘三人徑赴軍門報功矣各兵又以增城之急盡撤去郭總戎且不復來黑叅戎所督水兵亦觀望未至茂黨泊電之白額港

甌甌洞藁

卷之五十

八

秦

不時登却兵至則回船兵退復却如故其乞招一節雖出勢窮終難保其無貳春間坐守求招尚未成信今且却且招似愈難也鄙人非敢憚勞避事然須伺其可耳勦之一議本爲正論迺請援不應以麾下一面之兵圖之恐亦非全勝計然在麾下妙算非鄙人能窺也如何如何

與羅參將書

連奉三書而班師之檄繼至遂以爲諸可面請不復作一字報夜來又奉手教廼知急趨電白之難不能迂車入郡此得緩急之宜矣前吳川報賊開洋僕已

度其必犯電白以勞我師業既有行而韓論亦復爾爾第聞郭將軍親馭樓船從大洋徑趨吳川如赤水賦船港汊隘小隱蔽處恐非舟師之所及際麾下須整旅以防于岸多遣疾足用小艇報郭將軍以賊之所嚮庶可成夾勦之功不然非完計也如何且督府責成麾下意甚專縱使代公者至亦必有以報督府而後去也此僕始終爲麾下計惟麾下圖之

報呂學士書

恭惟閣下學爲儒宗德稱帝師地望高華譽命的際卽且豐宣明盛鉤軸萬幾使海內士人復覩伊周事

擬擬洞藁

卷之五十

九

業蓋不獨成甲之奎光楚材之詎選也國倫竊在下風不勝祈願國倫初以昭武報政由閣下一言之譽二世並叨馳典而制誥之詞又復出自鴻筆一字榮於華袞九遷不足思矣戴茲寵靈圖報未知所措且別經六載無紹起居積念滋深引愆彌重至於不肖之跡出守八年授荒萬里赤心可暴汚蟻難湔今且病憊無補於世爲生還計足矣徐司空書來每道閣下淹憊豈罪臣所能當乎敬謝敬謝

報龐中丞書

辰年奉別愴焉于今正謂廟議載新師師讓德正

人登用太平可立見也春初得報乃知公亦以言去國自公之去國也而相繼進退者如置棋然孤遠之臣竊復扼腕而歎夫何言哉然公此身在朝廷朝廷重臣在鄉閭鄉閭重今天下言寇亂無象莫如嶺南而民心思見太平蓋不啻坐九陰之下而望太陽也爲嶺南計者既無坐待之理又鮮急就之策兵食相耗兩賈無補俟公歸而籌之嶺南安而天下之全勢固無損也此豈非天意耶國倫託迹高涼坐臥豺虎之穴欲圖偏安未能況共濟耶顧薪膽之志日夜勃勃不能自已耳公且何以教之

擬擬洞藁

卷之五十

十

復余德甫書

得王化州所致書併見懷詩甚悉相念且知吳志道得入三君坐也僕乞歸之志已決屬春來山海二寇結聚我境幾危郡城以足下威靈卒全死守之義至四月未及息肩卽遣犬子從間道將母出又以盜犯電白坐阻兩旬而後得達南海僕亦親提戈以衛之其在南海與妻孥別者天幸也至得生還復見足下與否則非所逆視焉方犬子之未行也先約家僮持租金於南海以資路費乃家僮竟以病歸不能待又別爲旬貸以資之滯滯滋甚恐有司試士已過期矣

奈何子與元美書問殷勤萬里爲慰獨苦不得子
一耗耳于麟近頗屬意足下與用晦至謂用晦之能
用二子微言哉汝言定之賢哉兩方伯平生負好士
名今果得足下用晦又二子能用明卿之效也如何

復用晦書

書來知于麟之屬足下於僕也僕亦以不辱足下自
喜矣志道以貧歸子與子與麟而遍見於所知其實
無當足下德甫視之大恩自此士益歸足下德甫矣
境內苦盜入春尤劇孤城累卵萬戶不炊四月終旬
始能以一旅銜枚從閭道護犬子輩出之南海猶更
甌甌洞葉 卷之五 十一
生也南海之望南浦途稍坦矣足下見犬子幸勉之
僕自愛母復懈肆以憂其尊人僕坐羣盜中日夜苦
心乃於坐嘯行吟更人一境構之其艱而得之率出
不意今奉足下細覽想當呼酒賞之南鄉盡一斗也
如何佳葉一紙僭爲批評幸裁教

報張子元書

僕去家三年且尋兵戈老矣卽妻孥震驚盧舍煨盡
聞之未以動心豈誠木石哉有形必散物之大情晦
餘驚崩卽造化有不能却顧而惜之徒自苦耳聞兄
閔念故復稍陳其理以慰兄兄豈迂我乎劉君聘徐

應時才雖並茂而僕之識鑑亦微有神何應時惓惓
念舊而君聘獨漠然耶

報唐雷州書

奉手書知感垂念至爲籌畫保障憫恤瘡痍卽隣國
之民拜賜厚矣境內自李賊創後纔兩月安枕而許
黨繼至息肩又未有期以愚意計之許黨之可慮數
倍於李而其可招亦數倍於李蓋李黨多烏合無專
主故率反復不易撫然畏兵甚也兵聚則遁矣許黨
勢衆而約之甚嚴謀深而發之不易頗不畏兵蓋海
上一勁敵也至以信義動之以禍福諭之則亦知感

甌甌洞葉

卷之五

十二

畏而不輕反覆若誘之使撫必不可得也前次經撫
而安插未妥其叛而出也亦勢所必至其失不專在
彼今公欲撫之出數千死命弭一方禍機僕雖無能
尚當抱鞭借箸以待驅策但信義先植諭慰簡嚴間
謀深密其機俱在我通賞功之典散衆之方安插之
地其機皆制於上而不得便宜其云事不遙制者亦
未敢深恃也惟公身任天下之重志誼素孚於人則
非僕比僕之所難皆公之所易也幸力行之諸當惟
命又聞黑秦戎受督府方略遠來招撫已到數日未
覩所施且黑即高郡人入境舉事竟無一字相關白

意恐吾輩分其功耳故僕草檄行游亦止論今靜聽
軍門處分不敢專持其議而許之回稟亦云不敢深
信將官不知黑竟何狀姑俟之

復黑參將書

再奉手劄知麾下運籌非書生所窺但許船乞招誠
僞未可遽探在文武將吏積恩信以感之使千命得
生兵不血刃民亦坐受其福此書生至願也至於防
其中變預有以待之則兵家常筭不可頃刻忽忘要
於保境安民天必祐之少有絲毫逆詐邀功之心必
無濟矣書生腐談未知可聞於畫室否昨奉軍門密
牒觀洞葉

卷之五十

十三

與黑參將書

昨奉公移水兵不陸戰是矣但負傷殘孽勢窮下海
若使得船乘汛而去又難爲力未必不種後禍也陳
君引兵遠追賊已困極得麾下再遣百人分伏海岸
又遣數百人助攻之則無一虜可漏刃矣古之鄰國
緩急請援今麾下天挺於前而適又提兵駐此豈獨

能忽然乎外招撫許黨一節高雷二府百萬生靈
係麾下但力肩之若得獻功散黨誠信服招陰德陽
功俱歸將士至於犒賞經費及轉達公移則我兩府
分任其責彼我疑信之機兵民禍福之介在此一舉
希麾下開誠布公勿復以分功爲慮致誤大計貽後
悔也頃城外破賊陳君臨時適至而本府報捷則盡
歸功參府即此可知有司者志不在於貪功也麾下
諒之

與知州王鉅書

化州郡右臂也何止休戚相關比寇至而參兵裹糧
馳應之竊以爲萬全私幸陳參戎亦謂分當效勞乃

牒觀洞葉

卷之五十

十四

諸兵倚勞索賞則常態也既不滿其所望又復繩之
大急豈此烏合之衆可責以夷齊曾閔之行乎賢守
虞其擾民抑之誠是然方賴其力遽威以刑未有能
帖然者况烹狗原非大過而所聞又未必實致病兵
與其館人俱罹枉刑亦稍過矣各兵回自石城聞一
兵已死而諸兵又多相繼就逮幾至鼓噪爲變幸陳
參戎提刀力止隨見府牌勞以百金遂得銷其禍心
翕然川命萬一有形損威速禍咎將誰執適又聞參
府訓事人經過州境俱爲州役要捕於路不容往來

此虛傳則可有之則縱寇而使兵民坐困如督府之法何若係小人乘風狐假可急一示諭之大率兵無全善惟吾善駕馭之故信賞在有司必罰在主將兼而行之必督府而後可雖二道與本府不敢輕發幸聽鄙言其濟多難以後須度利害之緩急權功過之巨細而調停之至望

報張尚甫中丞書

中州一別邈焉山河三寄尺書竟無隻字得達最後在嶺外附曹大參使者為訊始知足下以入賀聞命趨三郡矣光景無多河清難俟晤言不再音耗浮沈既既洞藁 卷之五十五 郭今昔在懷可勝悵結頃聞足下開府東南遂為同袍弟兄增一天柱斯文載昌正類駸駸嚮用卽世運有關焉非止為足下欣躍矣弟投高涼三年日與豺狼鯨鯢相角抵僅存皮骨而神氣耗衰且盡猶得量移生還則以足下之靈也又比年遭家難室廬煨燼書篋衣囊一空雖墮甕覆水不足介心然妻孥窘厄朝夕幾不自保貴州之行計尚未決顧世人假借眉目又難為立異狀奈何奈何

報張尚甫中丞書

抱病初歸更為雜穢子作苦發書時不知所謂然知

尚甫交義曾不以歲月久疆域遐也至貴以十年之詩又不覺惘然自失矣見寄六章真情實境意象俱妙江東開府今昔異宜昔所難在禦外今所急在安內以尚甫神氣彈壓之內外無復可乘又尚甫居恒善用而亦善藏即吳中多豪傑罔不在郭郭中矣弟意倦遊已甚而家又無安枕時進止趨避之間猶豫未決計在秋中西發雖失尚書之期不能顧矣元美兄弟宅憂里中聞尚甫時時吟咏之亦令海內人知友道之重崑山俞仲蔚上海朱邦憲前書已為先容姑蘇顧季狂博學負奇亦兩生流亞尚甫豈嘗一延既既洞藁 卷之五十六 郭禮乎往從程渝州聞兩公子英俊並以彩筆爭雄西都良為尚甫愉快犬子三人長者能讀其父書餘尚覓棗栗無奇也敬以相聞

報王敬美祠部書

細閱兩書足下何嘗一日老僕顧僕遠在萬里曠缺起居無論進退陳迹即有人故奇難相聞國倫誠薄德於我通家世無自絕之義足下蓋深諒之矣哭司馬公八詩吞聲歌之意悲不已挽太夫人一首差鳴通家之情詞不必工幸足下垂覽校刻時徑為改竄尤感尤感俞沈兩生竟不果來顧季狂則與遠人同

抵舍矣朱邦憲博雅君子元美作傳殊佳此生可不
朽矣王穉登故相門食客頃從朱帙中見其所作大
非吳下阿蒙天下士豈可以皮相哉初歸病足未愈
草草束書遣二使奉弔惟足下鑒之

報王元美書

國倫自投嶺外日從封豕長鯨遊也被毳荷戟僅僅
相持最後則裸夷三至幾危累卵之城以足下之靈
用兵力卻之得以微勞免譴旋量移生還皆天幸也
往足下所寄徐鄭二書俱隔歲始傳知足下念僕甚
顧南中坐井底欲報一字無郵至聞太夫人及于鱗

觥觥洞藁

卷之五十一

十七

凶問則在去年夏中業已爲位痛哭具總麻禮至於
馳馬往弔勢非所能即欲遣使束芻又難從戎壘間
卒構一語寫吾哀也還過豫章正與徐中丞索繻遣
使乃聞尊使已先抵敝廬得復留與俱行及歸閱二
難手書猶不罪僕之薄而吐露肝膈感歎益不自任
先是僕家爲暴客所焚妻孥幸免虎口書囊衣篋燬
燼蕩然視初貧愈甚貴陽之行非敢以鬼國厭之獨
無奈倦遊耳伯玉中丞猶及江門一醉惓惓足下兄
弟不置口于鱗集序伯玉已直任僕亦計於貴陽圖
之第謂忍而不汰非所敢聞君子愛人以德而不以

姑息吾屬兄事于鱗安得從姑息之愛耶偶有足蹙
捫痛作書語多不次照之

復劉仲將書

手書再至知足下感深矣足下櫛筆時當復何似君
門故自上族其自令祖以下世有陰德里人無老幼
能言孫叔敖之母曰有陰德者必有陽報豈欺我哉
足下素號達人平生無倖福意然豈至竟如所慮過
矣過矣

與吳中望憲副合譜書

不奉教音垂二十年回憶舊遊遽遽然一夢比入貴

觥觥洞藁

卷之五十一

十八

竹瞻望金馬碧雞非不稍近每欲遣一長齋修訊卒
卒未便舍情爲益深矣茲附便羽先告典謁爲合譜
計宗兄其念之蓋弟與宗兄族本樵李昔者同遊京
師時未之知已弟親過虹橋亦未之悉其後再三尋
求乃得其槩彼中族姓寢微無復儒紳可藉獨祖冢
纍纍在虹橋之東者氣尚王也考厥世系自龍公傳
生終繡二公繡公無後終公實生興國世祖賢忠公
終公旋與外弟鄒江以戍入滇家永昌即宗兄世祖
不知所生子幾人傳至於今凡幾代賢忠公則自洪
三二一四年攜一子仲容公入楚家興國傳至弟輩

六代矣第輩以下又三代原籍鸞鳳諸君尚有洪武三年戶部可據興國宗譜止載賢忠公自嘉興米米及終公入滇顛末由今考之宗兄與弟並係終公嫡派子孫無疑也宗兄伯仲一時登第者三人寒宗先後登第者亦三人俱先世積德餘慶且萬里之遠二百餘年之久統系晦而復明恩意渙而再合又祖宗之靈默翼之謹以宗圖家譜附覽其在永昌者幸以其詳相聞望望

報劉子真光祿書

別五年止於辰冬寓一書部吏比其反則謂車音尚

甌甌洞藁

卷之五十

十九

遠寸心尺牘竟爾浮沈嗣是東投五嶺西禦九夷偷生瘴癘免死升斗至不能介一字起居故人國倫誠薄德天亦因而限之忽忽自念無以賢於土木語云良璞不剖必有泣血以相明者為知己言也僕往以孤孽之跡致遺明哲之累肉白骨而燃死灰非止相明而已請得以心報之即頂踵膚髮無足贅焉微明公夙夕之接立槁漢濱久矣雖欲覲顏五嶺九夷間得乎此國倫所為不能一日忘高義必欲竭駑力而強致千里雖羊腸視以為坦虎尾不知其危也顧恐卒負故人耳握手未期含情種種人便草率附聞幸

鑒之

報李本寧太史書

八月始得春陽報書訊使之難若此握手有偶將河清乎適見貽四章雅以古意相命時時展尺牘如面也近稍得尊公聞問且知封君年伯難老狀甚悉竊為慰心蓋自劉正言方伯行後書郵稍阻矣羈旅夷方碌碌無補又以大計在近請次非時即大老未嘗忘情在生尤當遠嫌以待命也門下得無以為迂乎偶便致起居幸諒幸諒

報張尚甫中丞書

甌甌洞藁

卷之五十

二十

驛使傳書知念遠人甚顧恨往歲病足里中時不能鼓棹訪足下一醉采石江上耳元美子與助甫與劉光祿則何緣哉白下吳中山水奇勝計以小隊遍歷收之青囊何當東寄西來一舒病目稍聞故宰為尼下地甚力而相君雅自相知端冕入朝為吾道增重其在旦夕乎望之望之犬子失解不學宜然乃郎君與王氏阿騏亦復晚遇豈吾儕福量有限不應驟得如是耶久居鬼方無所厭薄獨望老夫妻子寄身萬里殊自軼軼姑徐圖之人便附起居幸足下強飯自愛

奉余太史書

蕭寺一樽心醉六年以荒服賤有司且冒蠃螻之跡
爲世厭棄且久不知明公過聽何客折節遇之且得
一洗桑濮之耳而聆雲門咸池之音生平私幸莫厚
於此雖東窺五嶺西禦九夷未能一日忘高義也顧
獨不能介尺牘通萬里之心自絕爲甚又楊別駕陳
文學爲致相念至情不勝慚感惟我明公學包商偃
才軼班揚儒宗帝師朝野屬望重矣顧猶息駕陪
京復有移疾之請高世遠覽心竊歛服他時野史必
有能述相業之由者非生敢爲是佞也貴陽附庸國
龔龔洞葉

卷之五十

三

與於夢玄書

潮音之醉無異浪入桃源迺躍馬不及捕魚耳老
丈高情一日千古而楚聲同調神寔授之別不爲疎
而不爲狎尺牘再寄語自肺腑肝見贈雄文愛至而慮
亦遠每一玩誦神氣使往不可留矣叔世之交罕有
金石如茲者極感極感紀遊諸作與名嶽爭勝令弟
風韻自佳恨未親識謝家思連爲老丈駮小駟何愉
快耶第入貴一年草草脩故事無以異於人老丈

聞而過與之益用增愧白髮被面斗粟免死日磬折
以取甘言咄咄無謂安得去之從老大遊也子與三
詩屬意良厚生當勉圖之不敢負信孫中丞之起家
也人情夢卜固然而竊尤爲私喜此其家累世清
德而蒙不情者之誣今公論一伸正氣愈植天固佑
善人獨何爲此必老丈所同然也乘便爲候意殊黯
然

奉汪伯玉司馬書

客冬屬便使一書諒已入台覽國倫居夷以來自公
多暇亦不廢詠歌而所示副墨時時玩不去手無論

龔龔洞葉

卷之五十

三

稽古之學度越儒林所爲表植忠鯁闢發幽潛紀事
直書而無損上德設身揆策而弛張之如指諸掌今
海內士綴文必欲如是難矣難矣及檢忠愍集序入
子與名似非實錄蓋忠愍以乙卯冬服刑子與方決
囚江北不與事哭郊外與經紀後事者國倫與元美
子相三人耳明年僕謫子相去之闕元美遂蒙大難
子與尋又讞獄江南守汀守汝南去前事蓋八九年
始謫則又在嚴氏族後實不以忠愍行也向華亭公
爲忠愍作誌道子相面及子與已爲失考今奈何專
屬子與乎此雖士人細行子與豈肯懷入之美以自

居乎恃公虛懷請當傳信

龔龔洞葉

卷之五十

三

龔龔洞葉卷之五十終

龔龔洞葉卷之五十一

武昌吳國倫著

齊安王同執校
貽安方尚贊校

書四十二首

復蔡景明命憲書

頃過鄂城獨勤厚過署亭小飲竹塢深談此景時時
目中也公既儵然寥廓不爲塵壒所蒙徐使君亦復
高睨雲表和光不流先後此亭遂足千古矣生以骭
麟參之抑何大幸茲抵岳陽三紙如命書附使者以
歸拙劣爲甚幸教之

報孫山甫中丞書

龔龔洞葉

卷之五十一

一

見答一章詞旨溫逸殆非鄙薄所能承至於華頂八
絕意以象生而率多無象無意處使人誦之躍然如
所云春風不到亦開花則妙悟甚也一二君子不解
妙悟謂公近以詩文爲戒偶一揮灑耳夫有意而戒
孰與無意而作甚矣知言難哉歲晏疾作擁雪高臥
適蔣生辭去附謝教諸不一

報余德甫書

星子詩後足疾反不佳抵家杜門日與萬生寒暄足
下耳一出輒爲襍穢予所迫揮汗從之不勝荼苦社
漿漫評不圖虛納大過今示一帙更覺沈婉符欤而

古勝於近則第以下皆難之矣其中用事稍重小復可商無大瑕也南州獨步足下豈無意乎乃用晦日相酬和其究尚未甚精豈足下以沈潛陰制之彼遂無所用其豪耶然用晦終當不負我耳

報用晦書

書來及見答二詩清婉殊勝他作及讀故冬所寄一帙則有未盡諸者近體已多可商古詩更自離合大率足下豪於才情而略於體力望之雖多符采而按之則鮮餘意蓋謂王李可躡至乃反不必出德甫右也僕既謬叨金石之誼不復敢以甘言自欺惟足下觀甌洞藁

卷之五十一

二

答徐明叔方伯書

三日而兩拜手書又兩許僕之進德德誠未進故人屬意深矣敢不奉教至謂如古賢豪類以窮極昌其文辭豈謂文詞即德耶抑因其習之所近而姑就之也僕爲閩吏時以失請田晉江兩同年意遂至喻訛不解再徙嶺外三年日從豺虎鯨鯢間忍死圖存僅僅保境最後千倭三犯郡城危於累卵幸收背城之捷得以首領還則故人之靈也還時頭顱大半白矣

復肩一椽西遊蠻府不惟不自意即人人不意也乃故人猶以此爲我酸鼻何屬意無已耶感此淚從中落魂爲之銷歸德以後情況略具是矣故人凡三入楚茲行尤協公論何藉荆人力亟擬一晤江漢恐當開府大方不能待遠人鞅鞅爲甚

報元美書

七月發里中曾束書附范生爲訊竟達與否不可知矣八月初遇子與武昌飲十日夜未厭而別中秋過順甫之盛秉燭道故達旦解攜暨停鞭貴筑則重陽後二日也貴雖鬼方風氣殊不甚陋且應酬簡而校

甌洞藁

卷之五十一

三

閱易稱藉微祿以養疎懶固宜獨山谿險絕過於大行孟門爲善宦者所必避以僕從虎穴鯨波脫身而遊於此則猶謂綽綽焉知足下相念敢以先聞于鱗集尚未遍閱無論詩文其中書記更多可刪幸足下裁之母使後人謂我二三兄弟復蹈李何諸君故轍即于鱗得薦起家亦是常理沾沾自幸德色誦義不已何示人不廣哉向以足下卮言厚與吳中諸詞家而獨遺一峻伯故得微諷乃于鱗謂之黨峻伯君子亦黨乎足下祭于鱗文僕不能竟讀讀之涕淚面下百韻詩更極悲愴即小有未穩然千古交誼金石不

足堅也此外則德甫四轉近之僕當最後勉爲續緒耳

報姚繼文督學書

一別十八年夢寐華陽曉如隔世而不肖浪跡又多
在四荒之喬曾不得以尺書通心何敢望親就乎去
夏適里辱使者問遺衡等改色尋以祗役道武昌其
一謁謝又左值矣悵悵入鬼國居一年無日不銜高
義顧猶以豚兒在亭試事方殷未敢冒嫌屬郵候此
其迹近迂然實未嘗自絕也豈明公能諒乎三楚鯁
隅明公以命世之學儼然臨之無論刺經綴文一變
旣甌洞葉卷之五十一四

報元美書

去冬子與使過曾附尺牘爲訊入春則以斗筭之役
遍歷夷蔡谿洞間殆無寧輟心目厭苦筋力爲衰何
謂非其地即亦非其年也夷中聞足下起家入楚

不自勝大者采江漢之故風振屈宋之道響次則疏
雍閉繩貪墨察沈寃禁賊下邑盜風使不患苦長老
亦今日之急也乃恐駐節非久且內矣其在足下又
何惜一日之勞而不爲父老千百年地乎僕自惟薄
德負司馬公之恩舍情十餘年不及一醵墓道是用
創痛其心而不敢以語人乃今于鱗即世已三年無
路東弔哽咽爲甚每讀足下百韻詩未嘗不掩淚自
廢嗟乎足下得無謂國倫以薄爲道乎後死三人無
論足下名獨重義獨高而僕與子與且老所不能一
日忘情者足下也俯仰宇宙豈竟無片地寸陰可以
旣甌洞葉卷之五十一五

報李師孟方伯書

七月再奉手書即在蠻府無異接清塵也斗筭之役
業已弛擔鬚毛爲白鯁隅老博士無當世情聊藉磬
折解嘲又非其素也過此惟當抱甕灌園耳敢復言

天下事耶比見抗疏乞休爲尊人奉几杖心竊高之
古人謂不以三公易一日養固同情矣頃得長公寓
言似又不能竟遂用舍在人行藏在我義命大致高
明必有脫然於茲者非媿淺所測鄙便幸一示之長
公在華選折節敦行不獨文名高劉憲長又言仲季
皆清邵絕羣三楚靈淑聚於一門世德之貽固宜爾
爾忝辱通家可勝懽慰高伯宗遺藁想多散逸第欲
括而傳之不能不賴於記室也留意千萬

奉淮陽呂先生書

一別幾三十年徒以尺素寫心曠無再面之偶生誠

既甌洞藁

卷之五十一

六

傳

德天亦限之每一念輒爲哽咽比歲釋海上之
役而入鬼方望我師門日益遙隔不謂又從楊文學
得來書且悉社中高致真足冥鴻一世腐鼠三公無
餘羨也慰甚慰甚士君子出處本無二道有如先生
仕則文武兼資所至有遺愛且有遺績乃高蹈之日
復爾敦行禮教儀羽鄉閭潛德彌光古風再見何負
於世人哉國倫奉職無奇思歸殊劇所最愧者奔走
半生鮮有尺寸之樹可以報師門至於義命大閑則
終其身不敢踰矣楊生行力疾附書諸幸裁啓

復子與書

讀報書無異抱臂乃獨自瑕而瑜不肖過矣過矣推
轂由人我兄弟姑執綏以俟之其遇康莊羊腸則命
也雖推轂之人奚力焉哭于鱗詩且就尚俟潤色東
寄于鱗全集集中可刪者似不止若所云如薦後謝諸
部使司理起家後感人榮施不勝其德色卽未可使
諸少年見以于鱗仕止一憲長曾不殊仲舒江都相
蘇武典屬國耳何榮施之有而故德色示人耶且足
下贈于鱗起家詩云風雲一日臥龍來大白深穩于
鱗稱賞固宜有如中原紫氣度江來奇則奇矣至以
包宗舍吳許之談何容易乎

既甌洞藁

卷之五十一

七十

報元美書

隔歲不得一耗兀兀如坐井中入楚書來非獨楚然
喜矣身在鬼國僅僅修故事意無所拂卽蠻嶺瘴江
不減天府而烏言卉服濟濟然吾徒也又何擇焉居
恒所爲鞅鞅則以二三兄弟一別如雨舊遊難再白
頭相期恐竟爲真宰所厭念之涕橫下矣頃肖甫書
來屬意良厚其稱足下賢郎之奇不啻神駒繡虎此
自世德之遺天寔篤之非尋常淺祚及也肖甫子亦
英雋可附賢郎後乃國倫有子失教雖足下愛如已
出安敢有過望乎見示諸篇雄麗絕世大江之遊似

必不可少也屈宋景唐千秋再振非國倫所能屬三和矣

復許應衡少參書

書來云云不覺失笑不學則不樂不樂則不學僕嘗聞其說矣今公引以責僕之愁病不樂又似非立言者旨也即僕家有骨肉之變身嬰肺膈之疾又聞仲兄哭子不食思欲見弟無由用是哀死憂生情非可已如必強而爲樂然後謂之學是毀孔子之訓而從莊列之談誕也可乎夫憂樂自是至情惟聖賢爲得其正僕雖中人處情亦不敢自薄公得無欲藥其病

甌甌洞蒙

卷之五十一

八

報陳玉叔書

往在燕邸中杜門削迹則足下時時挾雀羅入而相勞卽杯酒詠笑間執通家禮益恭足下德甚盛矣僕不自量儼然辱之小人哉蕭寺解攜曾有柏人之訊明年浮海去始奉報書馬來遠矣屬山海交警日夜從樓櫓濤汎間唱籌厲甲百死一生又苦書郵梗塞望淮陽如天上足下豈不謂僕忘情哉屢睹薦書知足下良於大郡又勞於河然亦慨淮陽非復可卧理

時矣長孺而在其能齊名良二千石乎僕今年五十有過無聞戚戚終老遠在微外於世何裨乘興一操柔翰差敵西南銅標耳足下將謂老狂何

報黎惟敬書

往歲附張舍人奏記今春始得會所謂蔣郎蔣郎者清劭而有遠識酒態尤不減吾黨見足下無泛交矣比其別也以逃席夜往故不及致書計長公非久當詣華選骨肉慰藉何論異鄉又元美同鄉入爲社主足下日以敬美蔣郎從之夷猶酣歌更自愉快而蠻府故人匏繫不解得無閔然念之哉弟去嶺表三年

甌甌洞蒙

卷之五十一

九

報劉子成中丞書

自蒲塘奉報書左一良晤至今悔恨無已入黔以後奔走校閱音驛久疎愧負高義殊甚去秋曾寓一東微致遠情而吏人入鄂渚輒以他故中還竟未得達僕誠薄德天亦限之矣往者行部思所經諸署額大名赫赫風雲護持卽田間耕萌道傍耆舊尚能就我檐帷問訊劉使君無恙低回戀戀此何爲而爲之夫忠信可孚蠻貊而於王路士林反不足恃天下事

可盡以常理論乎此居夷浮海先民誠有慨乎其言之也閣下固自無負於世益足藉以高枕矣國倫別閣下幾二十載顛顛垂白猶且罄折少年前取囊粟以免死自閣下視之曾腐鼠乎乃得量移近藩書郵稍便差足自解耳幸閣下猶有以教之

答用汲宗侯書

違曠十五年復得量移近故人殊有天幸武陵道中遇使者授書兼聞大丹且就冲舉有期恨不蹴至充洗藥守爐之役顧所需藥物卒不能應然丹有不資藥物而就者豈公未之聞乎

甌甌洞藁

卷之五十一

十一

報林仲清憲副書

弟之入黔也客或少之而鄙意則以為大快非謂職事易稱乃所遇與平生異也遇諸公不以弟為不肖而厚視之異矣在明公則又棄短取長察其所不為而翼其所不及若有取於牝牡驪黃之外不增異乎竊觀明公文明柔順具體聖則經濟之猷足運海內於股掌久處偏國無異用牛鼎烹雞然而義命之固自確然不可易弟蓋心師之矣二年高義口不能道楮墨不能宣芝蘭同臭松柏後凋情見乎辭辭工拙弗計焉明公鑒而誠之便可須臾千秋階序萬里

弟又何敢不一日奉名教乎濡滯出疆願以分袂犬蚤為悔來古云云我心戚戚

再復林仲清書

別自郊關酩酊不知所謂未及一舍醒解而苦作矣轉盼異塗戀戀何極其自龍里而東也暑酷於夏蚊毒於虺日飽瘴癘耳瀆蟬蠅險阻艱勞勿論焉凡七日抵潯溪瞻望漸遙忽忽自失即輿中假寐枕上呻吟無須臾不三三大夫左右也嗣茲以往復當奈何遠勞專遣兼損黃赤之珍憐我病軀資乏服食愛又何篤也敬謝敬謝

甌甌洞藁

卷之五十一

十一

答王幼明書

以西南天地而有古人如公以僕之遊西南而得一再從古人遊也豈不謂奇哉惜也晤日無多別途遽遠由茲以逝第可夢中命駕耳郊祖殷勤方切銘感而博士弟子儼然辱以贈言榜而誦之愧汗滋甚如所獎與一一過情奈何被文繡於圻墻鏤龍文於土缶即僕不自知其非有而人又其誰信之將謂公愛人以姑息也然自是不敢不請事矣茲且戒徒出境矯首高真庵無異霄漢之上有懷諸篇敬錄一冊陳覽鴻便幸不吝有嗣音

報汪文化書

遠遊金筑吏事無奇獨以得交執事爲幸執事懸正
杜門棲志恬漠每一瞻對竊愧不能希高風書帙壺
觴江山卉石有象而無意含情而不言穆如清風執
事之謂矣量移以來眷眷不能別長夜深飲而又出
餞於郊種種厚施皆非客禮所宜有生以薄德冒焉
當之感愧何極

與侯參將書

以僕觀麾下智勇蓋古所稱儒將也乃不用於西北
而用於東南固無異持大阿以刈葵舉牛鼎以烹雞
甌甌洞葉 卷之五十一 三
矣然藉國家閒暇時靜撫輿圖博采方略以俟授錢
之命卽異時威加四夷功蓋天下未必非今日助也
如何僕交麾下未深然知麾下之能勝大任者恐莫
如僕也茲當遠別敢布腹心不復爲瑣瑣寒溫語

報歐楨伯書

比在南海見愛弟致書一詢起居未竟輒爲他客奪
坐明日草一詩爲報則愛弟不知所往矣報書業已
漫滅而詩固南海諸君子見也已不佞當倭患嬰城
死守僅未及于難其有生還以至今天寔幸之卽
談經鬼方無異遊神臯踐天路也獨浪跡每與楨伯

南北相左情關休戚奈書郵何楨伯在江都時詞各
更著又於元美子與數有奇會倡和不虛猶及念不
佞之疎也而責之是何勤且厚耶楨伯銜郵歸遠無
一耗聞之愴然頃惟敬書云思伯少丞並作古人尤
爲悽惻死者不可續生者不及親朝露餘生分陰尺
璧念之不覺潸被面矣適以河南之命行遇梁少叅
於境上率爾答脫不罄所思

與魏文可郡丞書

登堂爲別渺焉萬里不謂尊君奄有斯疾秋初耳凶
問疑而拒之已家僮至自江鄉始知傳聞非誤痛哉
甌甌洞葉 卷之五十一 三
尊君之仁也而忠無論博雅視兩漢矣歲月幾何遂
與不佞分今古天乎天乎往時社客大半凋零之庚
戌同郡三人今獨不佞喘息人世苟非木石能不心
傷頃以量移東歸計得絮酒東芻一哭尊君靈几屬
痼病作苦不能就巾車顛頓山陸業已買舟浮江而
下行次魚嶽遣人薄陳一奠乃神氣俱往矣諒之

復王子薦中丞書

材官至自荊門儼然序以書翰兼有文裘之惠龍光
載路私心感之至以脫險就夷爲第私幸則骨肉不
及也梁之役自二月從部使行郡披裘而出移葛未

還計還則近秋矣難肋幾何營營案牘間老耶才不
逮人福且踰分雲霞丘壑將寐在焉惟求所以裂冠
而走耳豈復能有所爲以副故人厚幸故人身翼
帝京威揚萬里非久且入樞府中外倚重當使九邊
息馬環海無波弟雖跼伏蓬蒿而欲未光尤多也郎
君小字便乞相聞

報張肖甫書

三月得足下申陽書知相念深矣比自入汴且二年
所睹繁臺棘苑良岳夷門之路蓋弟與足下及徐觀
察酣遊相枕藉處也風景觸目歲月如流而三人者

蘇軾洞蒙

卷之平一

十四

觀察者矣弟亦垂衰惟足下差壯雖猶鼎分三隅欲
如舊昔遠晤之奇難哉元美以大廷尉之陪京得與
足下再聚想當私喜獨國倫於二三兄弟所至無一
偶天是靳之豈盡召自薄德哉守官兩河間稍能竭
其愚以脩故事竊藉二三兄弟未有他失然恐薑桂
之餘幸猶在人日絕國去媒期於自信敢保其令終
乎今夏初有次兄之痛幾不能生未幾長兒奔迎弟
喪覆舟江上溺而復起倖也至今言之膽落時命乃
爾又何論其它耶耶中與一二蒼頭形影相弔文字
之役苦不能支負病兩旬需藥小愈偶使草草附聞

答敬美書

屬當問禁遇使者於涿鹿乃足下先示我以懼心矣
豈所謂愛至慮亦深耶夜宴肅然近臣與遠臣俱得
藉以寡過至於握手道故日有餘隙何至悄悄如所
云蕭寺解鞍不知可得一柱談否生戒飲且二年毋
煩從者具壺榼也併告

復王佐之侍郎書

一別十六年何止異域處泥淖而望雲霄蓋幾乎隔
世矣自有中州之役卽擬圖間起居少陳私愴屬春
夏從部使行郡周遭無息踵時入秋充行省使者奉

蘇軾洞蒙

卷之五十一

十五

表如京師往返三月病矣已又負病治讞牘以待論
報俗吏營營終日不自知所謂豈謂伊雒鸞鳳之音
反得承聽於數千里外乎見使者汗愧無地惟是金
石高義結在內心終不敢以自絕乃今主聖時清
東山未起抑又何待乎咄咄異事聊因使者報命併
及鄙私惟亮察

復莊則勸書

江上解攜煙雨相望今遠在河嶽間矣卽車馬紛馳
案牘填委豈能一食忘故人哉惟登持書來意殊戀
戀儼然促膝款語乃其中有不諒之旨則似有所蓄

而未化不然僕不足稱益友也僕誠非益友寧忍使
故人不聞過乎

答方兆行司馬書

都下八月一再報書比還梁邱則冬矣瞻望稍遠音
驛較疎俛首簿牒間忽辱論翰詞旨溫密略崇分而
敦故歡明公高義豈叔世多見乎損惠戒衣輕暖華
艷至於屬望大厚則非國倫所敢承也要路故人相
勞不淺乃地望本薄時命尚屯卽一日強顏在列忝
藉爲多敢復望非其分乎承示尊公佳集篇雖不多
蓋豹一斑狐一腋也鄉里後生得奉執筆之役附名
甌甌洞藁

卷之五十一

十六

報沈肩吾太史書

頃次燕邸一再奉教知門下不以無聞見遺顧門下
公輔器何取於斗筭豈其日饜八珍而猶未忘芹藋
味耶國倫益悟所請事矣見贈長言宏麗古雅鄙人
得之如負九鼎以歸至欲擬和雖毫末墨濡不能成
一字然又未敢終自絕也姑俟少閒圖之入梁以來
篋首積案尚失裁謝反勒卹訊期待過厚愧非所能
當有感而已

與陳寧鄉貞父書

華陽一遇曾無根柢之容而酒態文心須臾並吐卽
定交杵臼結分立談與之無古今矣別來不肖之跡
南投五嶺西役九夷屈指七八年僅免死以俟再遇
而又苦索之無從今足下仕楚閱楚人多矣豈渺焉
無情於不肖乎去冬過鄂城覓足下不得聊爲趙中
丞一道舊遊則中丞公先已物色之而不肖之言贅
矣茲由齊安赴大梁聞足下適以纂志入鄂謹因便
使附問惟亮察

報方兆行總戎書

甌甌洞藁

卷之五十一

十七

向遇使者許下揮汗寓言莫知所謂新秋還汴遂領
齋捧之役以行過恒山會孫中丞極談明公大度遠
猷世所稀有得明公一日在西北而關以內皆高枕
而臥不知僕之識方叔蓋在二十年之前矣彼得無
謂吳生書生哉一咲一咲寓京日委頓車馬間使翰
遠隔無任心快至於簞簞之盛卽又非所宜蒙故人
自厚德耳高吟六種種種雅音而行邊以後諸章更
自宏麗橫戈已壯春胡氣按轡新成出塞詞或亦可
附於知音矣月終事竣便當南旋雖相望漸遙而中
王將士踐更不少一書郵也惟公趣駕還朝柄樞府

爲天下輕重不勝大願

報戚都督書

別自輦下八年不能通一書漳海蠻山足跡幾遍比得生還中土從藩大夫之後則天幸與麾下之靈也每念麾下舊誼無異金石芝蘭又不以生爲書生時時就戎事諭我遠略初謂學屠龍之技而無所試及待罪高州一再試之稍能坐制不逞之寇三解千倭之圍見錄微勞良有所自此卽與羅陳二參將先後共患事也豈能一日忘麾下乎入大梁未及弛擔遽有行部之役王遊擊赴鎮便草率布愴不能萬一亮

醜醜洞蒙

卷之五十一

十八

報劉正言方伯書

比再得書無異再奉顏色至手所著家範讀之視王通顏之推更是簡而易從備而罔缺可以風世何啻訓家而公且身先之矣語云禮失而求諸野今之禮失已甚如欲正家以爲天下父子兄弟法舍範奚求旋當重梓以傳人人則其施又不必自公出也往歲以齋捧入京聞公卽有開府之擬而劉中丞書抵政府亦卽薦公自代今旣數月除目杳然何居人情夢卜則終不棄耳第株守如故四月初天罰其不德天

一仲子此子曾攜至黔中公嘗見而器之今且弱冠受室粗知綴文性更孝友一旦委爲異物豈人能堪期月之間哀毀成老卽此可以觀時命爲止足計棲棲何益耶偶遣一吏爲徐按察稱壽敬附起居如此

復高相國書

四日之內兩拜手書雖倥偬車馬間無異遊大淸晞靈曜而秘笈之錦蓬觀之章皆得分而有之澤體潤心微福殊過厥有天幸感何可言比愧俗吏喘息依人不能遽越拘攣躬承面命私衷耿耿畧漏爲年然終不敢自棄門牆外也使旋率爾道謝諸容專致不

醜醜洞蒙

卷之五十一

十九

宣

與方以賢大參書

齋捧之役萬里如期僦舍爲隣尤非偶爾卽蚤暮朝謁出入步趨期月之間形影相附又不啻如同舍黔中時矣發京以後弟病不能兼程公遂先驅越大梁而南使弟竟失地主之禮弟誠薄德公得無慙然乎閩中之擢聞之忻然快心非一官足爲公榮以公樸直而恥於干時乃時論卒不能蔽賢而用之世儻可爲也能無快乎弟守秩如故曾不知有積薪之感邇以積惡厭天天降之割天我仲子是子也公嘗撫其

首於縣署中而又於京邸見其突然升也竟爲異物
豈人能堪哉毀失常僅須臾留喘息耳公開之得無
一酸楚乎

報黎惟敬書

抵梁後猶得足下一書比以齋捧之役入京數從敬
美楨伯爲雅會至一念足下則無不南嚮歎敬者矣
聞足下此歸欲作菟裘計而中秘故人則謂金匱書
成

天子加恩踰常數足下豈遂無意乎嫂氏之變聞之
惻然而長公治行已成復銜此痛尤爲關情梁邸中

瓶齋洞案

卷之五十一

二十一

積薪如故近天一仲子顛替思歸計莫知所出偶逢
便吏率爾寓言

報王子薦總戎書

第自別公京邸蓋八年無一青瑣夢今偶以使事入
有如野人適市結束既苦見人輒自譴張且步武諸
少年顧非其侶徘徊今昔益念別公時景象恍惚隔
世矣此中望轅門不踰二百里不當斬一趨造而未
免於拘攣則吏態也非人情也屬朝謁方劇而陳
留湯簿以齋餉赴邊因託之爲書郵聊道其耿耿如
此諸當嗣致

與鄭汝志侍御書

僕獲罪於天天降之割天我仲子牧良蓋是月之七
日也痛躋慘裂莫知所籲謹以計聞諒垂慈惻顧念
此兒弱冠之年粗辨麥菽遽離凶愍可勝砥礪私情
今病矣惟是時命遭廻匏繫不解關途荆棘孤櫬難
還感額燠心以日爲歲所爲自計欲緩一日填溝非
乞休不可耳豈仁人長者所不閔乎

報元美書

前尊使西發弟卽有仲子之哀痛裂幾不能起憶往
歲曾攜兩兒入京見敬美敬美私語人吳家郎仲殊

瓶齋洞案

卷之五十一

二十二

英俊而受享遠不逮伯氏且面責弟仲早婚非宜須
慎持之弟雖心感其意尚謂不必然也乃今不幸敬
美之言中而弟之悔恨何及耶弟嘗自分數奇而骨
肉不測且爾他復何言第得以餘喘歸從漁樵幸矣
邇時家已隨櫬還楚署中不減僧舍得足下嗣音恨
不一相向哭也敬美數日前過覃懷業已遣騎追送
之而郵書見慰已約還過大梁時見訪適見報敬美
已有江西少叅之擢未知所由往足下謂春明門難
久駐足不其然乎

報張尚甫書

吏還奉報札殊悉近況乃元美之再及也人情可最
哉二三弟兄一官有如縱小艇而涉洪河而左右皆
狼牙石其不覆溺幾希耳豈復有善官長策哉弟平
生不敢詳毀譽而計利鈍蓋謂有命焉而足下之達
觀又有進於是者矣聞老伯母康壽善飲食極為足
下慰心即出部大藩入列卿寺無可無不可安用預
計如所云

龍龕洞業

卷之五十一

王

龍龕洞業卷之五十一終

龍龕洞業卷之五十二

武昌吳國倫著

齊安王同翰校
新安方尚質校

書四十首

報徐子與書

今足下年六十矣六十豈足為足下壽而二三兄弟
未有踰六十者則六十惟足下亦異數也又計八月
誕辰足下有監試事而禮意不能達故先期馳使三
千餘里少效松柏岡陵之祝惟是足下取天地萬物
之精貯之方寸而吐其華以昭示千古蓋所謂貴不
以爵壽不假年也且官晉三品齒臻六十在二三兄

龍龕洞業

卷之五十二

王

弟以為異而自眾士論之即尊貴如五侯長生如彭
聃豈足異乎所軼於足下者抱子稍遲耳然亦有
命幸且需之敬美已出為江西少參元美與象尚守
故秩夫子工良試稍前列亦足下激勵之功內人不
習水土業已遣還里中大梁職務本不其勞頗為文
價所苦日內又有兼役真夏畦也所遣吏邵武丘
醫官行回途幸與之一騎

復胡慈中少參書

頃得贈言一章蒼然古色無異載九鼎而入
帝庭也十年旅宦真如夢千里趨朝未是歸同病之

感深矣行子渡河暫憩衛源以了計吏正簿事相望
憲府只尺不可追攀再數日可與趙使君齊軌而北
計非長別不作岐路之悲如何如何

報吳元石方伯書

海上執鞭叨承厚遇且是時寇患方劇諸城危若累
卵公親提一旅談笑而靖之鯁隅之民活自虎口而
國倫亦遂得從間道生度庾關以至于今公之爲賜
弘矣回憶舊事髮猶指冠別去五年無便一通私愴
薄德爲甚茲有天幸公且馭鶴駕以臨中州二室三
川藉以增重吏人趨迎先此承候尋當躬負轡矢延
旆臨洞藁

卷之五十二

佇清塵

報張肖甫司馬書

解自大梁如釋迦歸後稍得杜門習靜一撤舊痾
中間雖有徙居之勞然卑室短垣無所求備殊不作
苦久之又予然園居矣天上故人久絕聞問惟有停
雲之思偶歎鄉石戶曹來得足下長書而又分俸解
衣舊里相恤此情蓋與海岳俱矣喜慰何可言比時
旌節尚駐雲中非久且得晉佐司馬之報此自足下
具文武才而資聖功伐士當聖心下符羣望異日載
績旂常垂光史策爲一代名賢稱首是大願也所寄

李遇春誌銘情文竝致其人雖死不忝爲布衣交第
當別爲小傳表章之岳麓道院記冥悟禪旨發爲宏
詞非隋梁以後人能道今足下雖不離世業已超然
解脫自見本性固自與出世同所謂宰官現身有以
也戶曹還京率爾報謝二詩書在別卷幸鑒之

報王元美書

三月得見慰書兼有珍貺用情厚矣弟之罷也猶自
謂晚無復憤憤意昔許由不受堯之天下趨過逆旅
人逆旅人亡其皮冠而疑由之竊之也由不爲少辯
今弟何敢望由而天下之爲逆旅人者多矣曾足與
旆臨洞藁

卷之五十二

之辯乎山中薄田僅充饘粥而一室如斗日以萬卷

與李于田大尹書

中州回車病懷甚適如道暍者之過非負擔者之息
肩一無所恨獨恨不及別執事與趙司理耳別後聞
兩君益進於雅道又恨不及遽見而欣賞之至於吏
績稱異等固自執事之常久之不調殆有時焉亦不

足爲執事託山中寡營以種樹灌蔬爲日曾不知餘
賤之外復有何者爲可羨幸明公毋以爲念倘得寄
我新詩卽不次於抵掌耳

復王敬美書

還山後逆知足下必有專使相問久之不至度必從
部使行郡無間作見懷詩也訊之來使果然果然不
佞於諸兄弟中物忌最甚其以今日罷猶望外事卽
年來病懣不任驅馳方自引未決忌者爲我一割而
解之脫然愉快又安問其言之情不情哉古者去國
不必潔其名至人之旨達觀齊物竊嘗請事斯語矣
甌甌洞藁 卷之五十二 四
足下深以爲念而三歎不休用意誠厚非不佞所敢
承也山居數月頗復豪於花石詩酒間不減鐘鼎雖
室如懸罄買山無資猶足自表見無愧也它又何問
焉

報徐明叔中丞書

國倫頃以聞謗之曰去大梁北還猶及視殤子入土
居里中月餘野性稍適而故所患一切疹疾脫然去
體拜流言之賜厚矣抱膝長吟杜門待盡敢復問其
經不經而又安用測其幻不幻乎惟是明公綈袍之
念不遠千里專使相存似謂非其罪也而猶有所

託而寬之也仁人之言哉國倫誠薄德終其身不能
忘矣前惠楚志本甚華美得之甚珍第其中似有一
二訛傳恐遂失實方圖細閱小效所知屬歸裝不能
攜已爲好事者留覽倘笥中尚有可分者乎武當之
約心神已往俟乘秋期躡蹻以從諸不瑣瑣

報子與書

抄冬附吏人數行尋改歲矣跂望匡廬幾欲超距而
野人之迹固自不能近冠裳鬱鬱有懷何時可慰佳
稿凡再閱始能小效其愚然求之大備矣顯人馳上
幸覽裁

甌甌洞藁 卷之五十二

五

復劉子成中丞書

往自明公解軍符歸也世莫不爲宗社惜才迺高識
之士則謂明公得諸天者厚不必盡用於世而用於
不朽以及其子孫國倫蓋私心羨慕之十餘年矣昂
藏一官垂白始解尚自恨晚明公猶以爲屈而憐之
乎還山以來坐臥圖史所與朝夕非執經之門人則
談藝之社客疏食短褐晏然忘貧卽不能仰希高風
而鄉黨自好竊已附其後矣他復何豔焉久擬修一
介之問於謁者屬數月之內併舉骨肉四喪遂爾因
循負其初意徐司空已沾郵典若得明公遠來會葬

其重益增國倫當爲御素車而前矣使旋草復諸嗣致

報元美書

見和古詩讀之淚下不止婁江茗水師友兩慕望之日在目中生不一省死當作負心人豈其忍乎移居稍定便治舟往矣汪惟一遠來乞傳業已許之然不得行狀諸所未詳備足下作碑先成幸速寄示千萬頃辱足下屢問拙稿且欲冠以名言殊感雅意第自顧生平所著大半未安非攜就足下商確遽授剞劂尤非所安也海內所稱六子惟吾兩人尚留喘息於甌壺洞葉卷之五十二六

復陳中丞書

空谷晏眠足音罕至忽更人挾我雀羅而入投之手

書儼然自天降也喜慰何可言省會來旨寓情太厚蓋既略其疵累又從而惋惜之拭泥淖而沃以芳膏解塵垢而被之華袞殆類是矣其如此身之難繫何愧感終身勉當自好達觀齊物古人我師邇但杜門坐萬卷中與諸弟子畢進修之務暇則時時灌蔬從社父老飲耳迺握蘭之餘吳倚玉之末光則時時襲五內而照四隅何日忘之吏旋率爾答既幸裁察一復大司成許公書

還山後再奉曹使君致書知閣下念三逐臣甚殷也廼國倫不習爲吏而又善病無以結世人之歡雖微甌壺洞葉卷之五十二七

福流言以去猶有餘愧何修可比汪司馬王中丞哉閣下憐才不擇而及國倫卽國倫知所重而立槁山中不爲賤矣大司成著進賢冠爲朝廷吏老詔無此面勿問天下學者師顧復不免之陪京豈非閣下意耶山中微有傳聞益用感服遵養時晦以俟河清異時有爲閣下紀相業者此第一義也胡茂承至具悉起居慰心爲甚向辱謬委非敢遲遲以閣下當代宗公觀於海而難爲水山中稍暇輒綴數言謹因茂承之便附償宿逋惟閣下命之幸甚

報沈君典太史書

國倫嘗聞教於尊公矣顧自園莽於學而支離於辭卒無以當事要爲世口實退而省過不盡負世人然負尊公甚也間從搢紳先生聞尊公有子天下才慨恨不及須臾就見之已果孱然爲舉首於廷內振家學之緒外應王國之禎國倫雖在田間不勝私喜良謂尊公有所託而不朽而世教與社稷之運且嘉賴焉乃足下侍從未幾而登臨之跡徧江左有舉世所不解而國倫獨以爲道然者爲其心能出世必其才能用世非但無相妨也忽枉來訊兼示諸大篇不面而授人以心自古亦鮮矣國倫以朽棄得之

甌甌洞藁

卷之五十二

八

足下微福不已奉平感激感激劉山人業已莫逆至稱經綸實學而以國倫當之大類張楚語足下慎勿過聽非其所敢當也劉使且北遽索報書率爾不知所謂二詩書扇頭用答來貺幸不吝編削萬千

答劉長卿山人書

向與足下別於郊期就春再至未幾得手書改期中夏業已齊沐侯之竟又隔歲清塵杳然可勝延佇使至乃知東遊之駕初息旋爲經界滯留非果遺不佞也把書數過不次面談乃足下稱其人江黃間而不佞當之傾不佞未免爲鄉人宜諸名公不見信卽

沈馮二子領之恐非心許昔田單尊一賤卒爲神師謬恭敬之卒用以破敵足下豈用其術乎乃不佞聞教以往不敢不勉矣願足下翼而成之沈君典天下才也而又善承家學不佞所素慕每以不得託交爲缺事今以足下游揚先枉聞問且讀其詩多超然世外語殆所謂神交乎率爾報書附使者轉致却寄二詩錄在別幅幸覽教

答李師孟方伯書

甌甌洞藁

卷之五十二

九

弟能薄數奇棲棲二十八年而後反其初服亦晚矣夫復何言獨謂不蹶於山而蹶於垤時命旣舛物情叵測故人遠以爲念得無謂是乎海內弟兄時時寤寐而融赫之墟一時十五人今強半存耳別日苦多流光如駛晨星殘月相照幾何今昔之懷不可道矣杜門以來眠食差勝但三年喪一子兩婦又僮僕十餘人皆暴卒妻兒輩遂惑形家言以爲相宅不吉幽莽圖遷顧經營無資至嚮恒產以佐之室未及考而力已竭矣不亦愚乎抱甕息機舞斑娛親皆吾楚長老故實吾丈兼之而玉樹如林纓綬照耀百順之福大爲士林所欽何論吾楚迺兩稚子厯厯學步安敢望公家千里駒使還報命諸幸財察

奉方兆行大司馬書

別自戊辰奉書自丙子一臥空谷遂如異代卽音郵
渺不易達況欲望清塵乎海內素交類多操衡綴續
以爲情態重輕而僕亦少明於止足之義於人不取
求多乃明公終不知僕之不肖也進欲加勝退則爲
之扼腕使僕雖蒙汚蟻猶有剖心以相明者則明公
友道之厚風之也且自明公入朝經文綵武中外晏
然稱治平僕得席此休風與田夫野老擊壤鼓腹卽
藜藿甘於列鼎薛荔艷於文繡敢忘所自耶仰望台
儀迴在天上撫今思故雲物含情偶門人程雲赴京
飢餓洞藁 卷之五十二 十一

便附致起居諸不及萬一

復潘時良司徒書

六傳已駕還朝有期客屢盈門父老在御此何時也
猶及以田間之人爲念郭盛公高義不知前有鮑叔
矣中山君入生已爲圖書增色而又承以文毅厚之
酒資使得優游詠歌誰謂田間之人貧且賤也敬謝
敬謝第日內便欲鼓枻東下孟夏之杪必能握手矣
園介園主人聞之當喜而不樂矣使旋草復諸不罄
陳

答萬審理書

才謫如古亦有之而臨海行能復爾異等難乎免
於今之世矣乃國倫何敢自附公後而公齒頰之耶
曹生藉公爲資以游諸大人長者比來誦公之義甚
具又謂公日苦執筆之役而不見厚遇當事諸公嗟
乎彼豈誠好文者哉誠好之則穎脫於趙璞剖於荆
何王之門足以客公哉此又助鄙人一扼腕矣園居
寡營頗懷同調之感千里見問破我寂寥楚然心喜
之至割所珍見貺非其宜耳倘乘秋見訪之興不孤
鄙人當腰鑲刈葵脫巾漉酒以俟之

報曾司空書

飢餓洞藁 卷之五十二

十一

石工旣往一月餘聞漢水沸甚恐爲行是者憂且以
憂園人也此時想當底定如何

寄黎惟敬書

還山後聞足下請老而南已又聞足下出京當之吳
訪元美之楚訪明卿而後南也業已除一室布几榻
盥盪其間以俟枉駕共醉乃踰歲莫知所之又踰歲
始知徑從豫章度黃嗟乎生平知己垂老長別能不
一顧數語豈足下能安哉弟自免歸數年舊業不廢
而舊病則盡去體近治一蔬圃自灌自給雅能忘貧
其在足下高蹈清風又可知矣賢郎入補天曹大慙

于望足下所未究者都可付之便當弄雲霞撫光景以送餘齒它無足營不獨少年伎倆可盡捐也如何如何

與鄭汝志愈憲書

爲別二年得書自數千里外暫如面語喜慰已不自勝而又分我酒資何用情過也扇頭新詩居然大雅持示友人罔不心折一日千里如公無卻步矣楚自騷經稱詞賦祖先達數輩號力追作者然可指而數焉至如吾州此道未振卽楊郭二僉雅志好古乃人僅數首久之無傳僕竊不自量從事于茲三十餘年既既洞藻卷之五十二十二秦

報陳在璞郡丞書

鍾陵夜觀十五年語猶在夢中是時公著述業已成家而僕嘗謬爲點定不謂令兄先生竟失此本使僕徒勤數十日之力不得自效於記室豈神物不易合耶抑爲今日地也此者得放山居野性稍適政念海內一二知舊獨賴伯與公尚在仕途幸賴伯聞問不

疎而公則遼絕幾如隔世迺春陵長輩之士遠過山中展翰誦詩情溢楮墨帶然喜生數千里如一室矣感念復何以云佳集宏麗足爲藝圃奇觀欲贊一辭恐非所任重違教命勉當圖之

答徐行父憲副書

大梁之役碌碌無謂迺得託交門下披露古心則生平一大奇也顧鄙人受性慙拙動觸猜忌天下人共齟齬之而明公獨信以爲無它尤不解所自微福流言始得脫然世網之外野性一縱病骨漸蘇日飲宗老社長間甚適暇則與一二後生談經說藝晏然忘既既洞藻卷之五十二十三秦

貧不復知鐘鼎山林孰貴賤矣明公尚以爲屈而憐之耶明公由分陝入閩山中得信甚晚春來夢明公儼然見過抵掌抗論如在陳許時既覺竊復不勝梁月之感豈意數千里外欸焉書來謂不神相通耶省會來旨益銜高義大梁贈言初以憚遠失寄已又恐山中人言不足爲世重故遂因循至今茲辱再徵旋當圖之內子粗安兒輩學而未達直須俟命迺新婦抱孫或有期耳明公愛我不遺其私甚盛德也敢以相聞

寄周子禮憲書

京邸辱吟咏非獨不以衆人遇之爲感深矣非久公
自內卿外補士大夫竝以爲異而第則竊有所聞藥
言難餌直節易疎此一行也公之所以爲九鼎大呂
也山中廢人何敢復論天下事所望正人君子力肩
吾道底柱中流不於公屬而誰屬乎

報元美書

三月十日業已擔囊入舟鳴榔于揚子脫屣于姑蘇
臺矣會冢婦病且急爲兒子強挽越十二日病者竟
化後事甫具又爲之卜襄遂巡朱明遂瘴暑不能作
龍藏子矣足下得無謂國倫食言多而增肥乎人事
甦甦洞藁 卷之五十二 十四

再復陳在璞書

前月附使者報書足下而使者復自楚反乃取佳藁
細閱而脩序之序苦不能爲浮譽語蓋恐識者以爲
相知未深也大率足下詩得之任天者多而思不必
甚苦構不必甚宏總之以麗藻勝初情以采擬勝自
匠故有合有不合卽合者亦不勝其雷同投之時輩

則膾炙不遑方之古人則瑕瑜不相掩屬使者不
少留遂不及遍閱乃其大槩如此矣聞已 奏記乞
歸果爾則心境俱寂請從暇日一洗而精之要在可
傳不必多也僕辱一言之知至傾虛懷下問遂敢吐
露期於相成幸亮至於 國朝文體僕至今未有定
論故亦不敢爲足下贊一詞幸質之惟敬何如

答子厚宗侯書

頃國倫宦游大梁蓋已聞唐邸公族之賢有如君侯
父子者雖東平弘雅西園藻麗不相遠也顧以斗筭
之役奔走拘攣不及一問南陽之路以觀所欽而畢
甦甦洞藁 卷之五十二 十五

答存甫宗侯書

得君侯書與贈詩讀之如與漢唐人共世而又受質
家學冠冕儒林鄙人私心倖易爲甚嘗憶漢辟疆路

少子政子駿竝以宗室父子精專經術儒林以爲美談今從賢橋梓視之不少遜焉乃鄙人初未嘗有接塵之遊而又不能走一字爲介紹而君侯不遠數千里特致殷勤且自忘其有國而執禮過卑鄙人何脩呂茲靈貺惟是梁楚同風氣求聲應操朱絃而志在山水截羌竹而音叶雌雄神理所通異域一室使君侯日贊勇而進於是鄙人願爲執前茅耳何敢當北面師禮哉別有蕪言用答來雅惟君侯裁察

答周象賢紀善書

頃者再過梁園殊重舊游之感蓋二十年如一瞬而甌甌洞藁卷之五十二十六
握手談枕杳不可期卽其鄉子中大夫又遘家難負沈疴兩造其廬業已頭岑岑不勝揖讓矣可勝嗟慨哉幸執事瑩精詞翰晏然爲王門重客而鄙人亦復以其餘喘歸田間甘藿食而錦布衣猶有微適乃班荆道故之思則未嘗一日置也千里械書使來辛苦古人高義今再見之至割所珍以見貺豈從賣賦來耶用情過矣過矣夷門左席竟虛玄嶽高典未已屬有從宅之兒且不及遽從幸執事強飯俟我

與徐伯繼給舍書

比年京師酒禁方肅雖素所親昵故舊不得與遠臣

交一談公獨攜壺過從慷慨高論至夜分不倦國倫感心知深矣顧又微及時事皆世人所深避而不欲聞彼其時雖無耳在垣而公之奇氣英節業已槩露國倫蓋知公之必不免也別未一年遂聞被嚴譴以出海內士莫不爲公憤惜何但國倫迴天意厚公與公之自厚在茲行矣國倫脫屣以來野性甚適雖非明哲幸不老於迷途公何以教之

復王敬美書

入吳之念積已二十餘年而歸後更決謂不能作負心人也況益以予與之痛乎足下以大義見激恐其甌甌洞藁卷之五十二十七
遲遲則可至謂毋令人言成悔則似未相知心憶僕初解褐時卽問詩子與因卽介子與入元美于鱗社故平生德子與甚深後于鱗評詩時躋子與時躋僕僕皆安之意于鱗無它心也若曰僕有境外交而于鱗心薄之則于鱗大謬矣向見于鱗書語及謝方伯事僕不識謝方伯爲何人已追思僕理歸德時射洪謝中丞適撫山東與歸德守陳君同年書與守云欲傳當代諸公詩所得李王宗徐者多獨明卿不數首幸爲多索見寄其寓書於僕亦復云然僕始錄近體詩一卷可三十餘首附書太守報之尋遣一介往問

于鱗遇順甫於濟上順甫見介有病容止之曰此去
濟南尚數日若難卒往吾爲書報若主而若所持李
公書幣吾爲攜致之便比遂以順甫書還會于鱗見
謝中丞談及僕詩且知有書遂疑僕使使中丞而不
及已以爲有外交且誤中丞爲方伯此于鱗大謬非
僕敢以人而罔鬼也向嘗語足下燕邸中而足下不
能聽主先入而薄我我何愧焉若謂急外交而以詩
求傳於人今今親楊使君爲具楮墨戒工役者三年
且乞敘於元美許之意非不耽耽也僕猶自愛未敢
輕出一牘又何謂耶僕於海內二三兄弟庶幾處情

甌甌洞藁

卷之辛二

十八

多厚於文雖足下有不盡知者乃處勢苦不及人而
迹近薄僕且奈何至於談執各隨其才定論當在身
後幸解疑畜我千萬敝居移舊成新費不易給鬻田
過半克之入秋後稍可遷處爲幼兒畢婚禮耳分俸
之惠敢不拜嘉敬謝

奉大司成許公書

客歲之初附書胡茂承併以小敘報命計微覽矣茂
承故多顯者遊乃獨輕數千里冒風雪重來扶我雀
羅儼然見客王猷之興馮讜之義豈足高乎以此知
門下嗜士非如葉公龍也山中抱書頗無它羨惟是

營置錐之地以安妻孥拮据狼狽稍作苦耳今冬爲
幼子畢婚後欲赴元美氏弇山之期因過雪川一哭
子與比過石頭或在春仲俟公一道故於燕磯牛首
之間可得許乎公之久於南也士人相問以爲異生
無以應第謂之曰大臣如周召分陝何異焉公且須
吏入相矣偶呂舉人赴太學便草率附候諸不罄陳
復貞吉宗侯書

甌甌洞藁

卷之辛二

十九

回視十年之前又安知非眞夢乎損惠家珍屬意良
厚焚香酌酒足忘其貧讀元美好辭已不能復贊重
違尊命強綴數言恐不足爲君侯益也所示近作楷
有批評併乞覽裁不盡不盡

報元美書

頃附馬舍人一書述所以不果去意詳矣度足下亦
能諒其非誕中夏以來半住山間爲冢婦視葬事甫
畢又爲犬子議婚僕老且貧何當此軼掌也敬美爲
潘中丞所知不得遂其初志比來精意吏事不復弄
翰墨昨一遣人過視知其家已至近況益適助甫密

邇江關久不聞問卽僕東下時亦不能以野服相累
至如公家小祗園諸景蓋時時入夢不止神遊矣

與莊則勸書

得兄急難中手書知方寸甚亂而去使還報亦知事
不可爲矣爲兄慘怛者數日以來僕且病不能卽往
一弔心尤歉然老伯母享有高壽雖鼎養未逮而兄
亦未嘗有不竭之力稍用節哀以保其遺體亦子道
也如何謹遣人先申一奠併問歸窆之期遲旬日尚
當親酹之

報李本寧大參書

龍龕洞藁

卷之五十一

二十

謂不佞於執事疎耶而竊在世講同臭且同病也謂
不佞於執事親耶而大故不相弔屢歲不相聞去路
人幾希矣則處親疎之圓乎何以修先公之明德而
風兩家後卽不佞以薄爲道無以自解又安敢望執
事悅然於親疎之迹而置之愈遠愈近愈曠愈不能
忘乎仲美故從公家來而不佞則不知其去且不知
去之公家也當公越在草土時曾不以一字爲慰此
雖路人未有能忍然者而何以自解也曩聞王中丞
薦德興徐生爲先公相地蓋耳其名目其書而不知
其人也或不取誤公家耳一試於不佞再試於耿

中丞敗矣公家或未嘗專任之則先公之靈也不則
竊有疑焉仲美再往揮汗附起居幸裁察

復汪惟一書

鄉歲辱枉過屬新徙傭作未休而郡大夫有遠行客
屢盈戶又苦貧無市租可以爲供具致疎薄于從者
非一端也惶恐蓋至今矣子與傳向候誌銘爲案而
元美亦曰俟其家以狀來邇且如此況遠在千餘里
者乎執事以此責僕負盟過矣姑俟親詣長興哭其
墓而後傳未晚也前此未能遽行則以新居近市頗
爲穢穢所委頓又不量力小治園居避之今始就緒
龍龕洞藁 卷之五十一 二十一

俟我乎

復郭趙州書

曩見吾丈與二三鄉大夫招隱會社了不關世情何
陶然樂也此欲竊效而不可得未幾得之業已託宿
郊園寄興霞表以希不辱吾丈然又恨不得從吾丈
修舊歡爲快奈何兩郎君久擅千里名尚未遽展逸
足咄咄異事比見高文殊有奮轡驤首之色不萬里
不思駕矣廼辱命使輕裝百里索我山中屬之執筆
顧郎君英妙且經諸名公物色品題孤陋如第何能

贊一辭也重違雅意勉寓數言聊志通家無所論工拙惟吾丈裁教之

復郭氏兄弟書

僕朽棄丘壑矣不謂兩賢修通家之好使使山中儼然寵靈之且不知其少文也折節問言益不勝愧汗古兄弟以才見名若洛下雙璧平與二龍類多好事者侈之至如兩賢腹笥羣籍心匠諸家承餘唾者解頤手殘編者鄭筆三楚異產指不多屈久矣僕之孤陋何敢謬為人倫不知量哉惟是高義虛懷浣人心腑且令人自忘其愚勉贊一辭披之復覺形穢豈兩

甌甌洞藁

卷之五十二

三

傳

賢不為僕藏拙乎使還敬布區區

甌甌洞藁卷之五十二終

甌甌洞藁卷之五十三

武昌吳國倫著

齊安王同軌校
新安方尚贊校

書三十九首

與張羽王書

明公以碑視不佞知不佞之劣於碑也今得以為型範矣因憶明公論碑當學蔡沈迺桓侯祠記又小似衛觀而間入崔寔列傳語即不佞嘗謂今碑用列傳而明公不以為然何耶今觀衛觀三碑雅出蔡沈上竝為蕭統所遺古今人論文何常之有迺明公信而好古則不佞心下之矣祭相國文超潘陸而望孟堅為助不小夜來恐未遽得自構一章及覩來稿不覺汗愧自失容面謝

與王行甫書

兒去適有寒疾方汗不能作一字為問方山人想能道之已聞足下遇見過厚私心竊不能安使者同郡更來為鄒使君索序時賤體尚未平兼為功親舉一喪遂又濡滯數日今雖如命脫草愧不成章恐無當於使君為足下玷奈何小園花石如故偶得吳中善為山者二人來撤我壺嶺甌甌洞而稍廣之又鑿一渠環山而出通滄浪水內外竝可泛槎工須數月可

竟卽楚人而吳園非不娛悅奈非貧家任何鄉閭盛
從有能繕茅亭者九日前後或遣一來可乎若主人
攜之俱來更踰所望生亦當與俱赤壁也

奉樊山王書

偶爾涉江載塵簷序遂辱觴之名園視以宏藻幸厚
矣一醉以往渺焉川陵欲附南皮之遊而續西園之
詠可更易乎歸未數日徐可源攜翰札來細玩諸篇
益近風雅王公之好學不倦甘士如飴者求之古人
亦不多見至欲品題新社之作而綴言其端則非僕
能也敬謝敬謝可源行造次布復

戲題洞葉

卷之五十三

二

與羽王書

移楚集兩經細閱而說筆爲加詳過江集雖止一閱
則兆孺爲之地矣兆孺於風人之旨不甚深猶幸不
輕去取迺伯少足下遷蜀詩則大不省所謂大率
遷蜀詩微涉過激而湛鬱悽惋處獨多正諸名公所
不逮也積伯得無以皮相乎移楚諸作境稍夷意亦
稍適官雖不調有故人在焉故多用平調而冲雅勻
密無甚峭厲語然欲奇絕如過江萍浮二集不免小
遜耳僕嘗刪諸子詩每過刻而獨用恕於足下蓋足
下自得於詩者三學然後詩一也每篇自匠一意不

相雷同二也用句用字多古詩之流而不事纖豔三
也顧足下猶自求多於宏壯瑰麗以僕觀之業已在
其中矣若夫持徑尺之璧而索微瑕則亦有三好古
大過或傷才憤世大過或傷氣感遇大過或傷調卽
僕有所不能盡汰而足下燭照之矣辱在心知敢亦
以此自效愧是井中之見不足通方惟裁教幸甚

上陳中丞書

偶聞新法更張運軍郡邑洶洶關係隱憂不敢不以
聞蓋運軍往反京路終歲不休視之戍守勞逸十倍
且有意外漂流兼之運官剝削僅存皮骨輒稱天幸

戲題洞葉

卷之五十三

三

暨其米入太倉後歸途無資不議一二先歸勢必俱
斃其有脫逸數多則又運官小弊罪不在軍今往者
未回尚未卜其爲人爲鬼而復槩以戍守之例勾攝
戶丁夫婦責辦軍裝令之僦居省城以待後運夫一
軍之運費已不訾今方望加優卹而又密其法以重
困之則衛官必增見固軍婦必增月糧僦居必增賃
值似所謂水益深火益熱其勢大家不破小家不逃
不已也卽一州兩邑之洶洶其在通省人心可知有
司奉行無不感額慮變但避阻撓之罪不敢直言生
亦在草莽謬辱心知且憫桑梓之民無所告急故

敢冒昧密啓乞賜詳加咨訪速爲調停以蘇一方之厄陰德無量至懇

復灌甫宗正書

年來索居郊園心境漸寂惟有誦讀歌詠以送餘齡耳惟是海內二三故人不志寤寐而故人中生平所欽服如君侯者經術藝文種種發自神悟無復一語粉飾雷同每一拙玩宛然侍坐東坡受益無量昨歲冬杪爲先君改藏方碧一石重鐫墓表乃工未及卽而從者在門碑從天降君侯之寵靈不肖先君之微福君侯殆非偶爾不然不先不後若是哉無論遠

甌甌洞藁

卷之五十三

四

復黃梅劉司訓書

執事負奇未售乃以其緒餘爲名邑師而一時執經抱藝諸賢皆北向嚴事之卽緣分脩職隨材曲成未必非萬里結轍地也邇所聞賢聲蓋津津人口吻矣竊爲心賀山中癯朽業已偶木石而狎禽魚自分無

補於世乃執事意氣在遠益親時時惠清問鄙薄何足以承之兩銅龜若翼而至前不異子喬雙鳥從天下也日抱書焚香拜明賜厚矣使旋率爾占謝諸幸亮察

奉陳孔震中丞書

獻歲旦七十日聞旌節尚駐武陵牂牁間未暇還鎮帳下士勞矣國倫無所從起居不任私念惟是元老壯猷一舉苗格露布所至歡聲如雷此盟府之特書而楚人之天幸也敬賀敬賀春雨病麥菜色盈野延佇絳驪以日爲年此時帳下士得無釋戎衣而東乎

甌甌洞藁

卷之五十三

五

國倫久病目近日始能爲林貞女作傳愧非名筆亦不敢不竭其情蓋貞女鍾天地間氣而發兩名家世德史冊希觀古今罕儔提筆命辭益令人起敬向嘗作石瓊秀傳已奇其事此尤褒然出瓊秀上矣道遠莫致敢以託之郵簡

報鄒孝言使君書

歸臥田間得時雨數日政與農人鼓腹相歡而王使適至又得明公兩贈言謂高意遠遂足爲鶴鶴集冠不佞本非大敵奈明公一有餘勇何第獎借太過不覺赧然自失鄉謂竊附知已私願至是何敢當明公旗

鼓哉黃州諸勝有待而顯有如東陽永嘉非沈謝不
名若亦壁本奇假借嘉魚無當雪堂竹樓雜解字間
高士幽人曾不得一託足皆所謂前人不足古也至
求黃敬殘壘永安故城即居人不知所在獨稚卿先
生詩稍備一邦逸典而其辭又宏麗大家高視蘇學
士二賦何論季常今先生骨已朽明公豈有意一表
章之以風楚後學乎先生從子行甫氏得在門墻風
氣日上近著兩遊記與西山飛雲諸詩庶幾魏唐人
語想當見賞如何如何

與方子及書

甌甌洞藁

卷之五十三

六

向里人持足下數行來且知近況殊雅乃猗蘭稿反
於他處得之而足下不以見寄何也司徒郎署儼然
得二方爲重亦一千古事韜光避忌是在明哲鄙人
舍此無所效其愚即往時七子云云善宦者遂以爲
殷鑒矣如何如何

報王行甫書

頃過辟疆園覽遊三山順流而歸自謂去神仙不遠
乃一入里門便覺塵俗與龍藏子應酬遂不能吐一
辭以紀名勝無何時而解慍方與田父踏歌爲歡則
足下兩記郵使若兩詩儼然在案何物鄙人蒙幸乃

爾使君詩高雅視鷓鴣集又進一格將謂遇大敵則
勇而鄙人又不敢當然不可謂不知已矣足下記文
雅有沈思而抒意狀景絕類魏晉人而結煞過之諸
詩則翩翩元貞一洗其舊勇於孟賁遠哉恃在虛懷
商兌一二字幸速更定就剗剗也園丁移竹業已成
小林旋烹石首魚酌宜城酒賞之不減在柯山籬下
行甫愛我詩藁有宋研一方宋帖一本聊致區區非
敢以答貺也

與宗良王孫書

三月曾束一書

併摩尼庵詩屬顧氏子以上想當不

甌甌洞藁

卷之五十三

七

至浮沈佳篇一冊久在案頭日取而誦之不減與足
下追隨述作足下蓋勇於詩矣五言古九日以前五
章酷學鮑謝所不似者幾希詠菊以下浸淫魏漢間
中微有純雅而亦多拾于鱗語至如識曲聽其僞則
干鱗摹擬敗句而足下化而用之反佳七言古如威
將軍花卉歌大白宏麗是少陵家法當謂全勝而白
紵舞歌又似于鱗影予然細玩于鱗則足下不免少
遜矣五七言律絕句深穩處多類明卿然縱筆之失
往往有之閒川僻小曠浪語則不善學敬美而誤也
豈足下不以爲定論乎近見敬美關洛紀遊諸詩格

漸高境漸化倍勝舊作此郎罪竟善悟不可量也足下得之否

與趙司理書

園居寡管獨晚年益嗜酒爲可咲風雪在戶木石情親卽一日不飲僵臥耳它復何奇

答張黎平書

初聞明公有黎平之薦僕竊以爲楚裔壤非所以居公已又聞報可則大自悟知爲其地新解兵非公不足與填撫也夫以明公之才兩臺使視以爲一方輕重力能得請於朝卽朝士大夫皆得視以爲一世輕

甌甌洞藁

卷之五十三

八

重茲行榮矣哉卽通都大藩不得與裔壤爭重矣且黎故黔中郡而楚以兩衛翼之諸蠻夷長官嶢臂聽命蓋巖城也承平滋久事權稍分忠敬可行於蠻夷而號令不申於士卒一卒大呼風走雷應僕於十年之前蓋已虞其有不測矣比在田間不關世事適聞辰沅之間有戒心者數月非卒之譁而病民則夷之有所激而負固也然負固易解而譁之病在腹心非扁鵲不治昔人以叔瞻官之奇爲虞鄭之扁鵲僕竊敢以望公公豈有意乎黎自今不足平矣

答曹伯舉書

往見方孫兩山人稱伯舉以詞才困主吏非其好也不佞反之曰安見郡國辟主吏用不必得才抑不必

才如伯舉也古之賢者類多樂其道而穢其迹有如賣漿屠羊阿里街卒武功亭父皆下主吏數等而卒用貧賤以顯名受知來世由斯而談謂伯舉爲主吏重則可主吏何負於伯舉哉適觀諸篇居然藻雅不負兩山人游揚而語次多感慨磊落之氣則所謂詩言志也又不獨爲主吏重矣沈周墨跡笥中亦有舊藏然未有精如盤谷圖者且親題其後購之尤難伯舉以此見貽可謂割家珍矣敢不拜賜風雷卷詩與甌甌洞藁

卷之五十三

九

報楊仁甫書

西郊之攜槍馬河梁景也車塵漸北心旌竝馳數奉手書忽忽如就見已又忽忽有長別之感雖明公以待次爲安而居人常恐不得復借寇鄴念又百倍於茲矣計後消息尚爾杳然頃聞東莞袁君業已視學西粵此明公之前茅也今日有推轂明公者矣舟人往迎想當代竹馬如故事明公豈誠效河東守復至

耶至則爲居人賀而明公不免留不至則爲明公
賀而居人不免缺望要之無一不耿耿於私心也春
來僅與羽王一二醉羽王尋有浦圻之役待矣舟人
峭帆迅發率爾報書

寄張羽王書

江口夜酌別意愴然鵠首纔分大風驟至比爲殘暑
所迫不復能視解纜其明日歸至北園則覆觴不能
舉掩卷不能讀知音既遠山水皆長物耳能無傷心
非人哉又數日則吳下二石工來爲我撤小山而新
之遂疏一渠遠山通滄浪水垂成僅與仁甫一飲卽

甌甌洞藁

卷之五十三

十一

醉中未嘗不念羽王爲之歔歔噉噉嗣得江行消息
最後得岳陽書併北園老翁詩讀之益知公奇節遠
懷可千古而不可一世象鼻山尋常與青城玄圃齊
名矣度此時息駕高坐無復風塵色卽有所苦貧也
非病也世人將奈羽王何許序拙藁千萬留意

復周思友少參書

海上負隄爲嚮從前導彼其時並助勦戎馬間戒心
動色無間一致款密語今靜思之安危得失俱幻夢
耳何至令人失其故常乃爾耶罷歸數年與世睽絕
然得抱書洗藥以自適其真性而舊病盡解則流

之賜大矣每念故人近在三百里內不能操几杖以
從之遊視一江爲異域悵然悵然

再報陳中丞書

比歲不登列郡氓黎且溝壑矣自明公下令發倉所
全活無慮萬衆乃今雨暘時若百穀既升殆十餘年
所履覩仁人德意天亦應之如是哉國倫伏在田間
日與農人相慶弔惟明公獎其重農者而又察其病
農者而進退之是用天道也而天之應明公蓋不啻
以三楚列郡矣

報元美書

甌甌洞藁

卷之五十三

十二

自揚州牧遷去書郵遂不易得間致一二遊客數字
率出強應非足以通其心第通時居室荷完又以其
隙小治園花石具體庶幾吳中所謂盆景聊以逸
其餘日非敢望弁州山也足下修持既堅屏廢一切
穠郁之好聞之竊爲心快乃賢仲又疑弄一官而還
與足下相朝夕老焉想當增快數倍第恨不聞道而
亦恥不與黨人至欲往謁老師之墓造足下之庭則
夢寐不忘老死不倍幸足下待之春來病目苦以筆
研爲人役然誦詩讀書雖衰憊不能一日曠也小集
粗有次第俟面質而後錄行獨念子與諸稿經弟更

定者甚多而青羅館前集大小續集纂自汪生手傳者未必盡佳佳者多在所遺今更定舊本在汪郭二生所匿不復出嗟乎子與生厄於悍妻死又爲兩生所厄可爲大痛有如子鱗詩刪託之匪人徒爲識者姍笑足下其亟爲一正之

復張司務書

十三年前辱兄顧我京邸而申以抱璞之識示以尸居之儀弟雖不能了然于茲然知有道之言與動必有益矣闕焉茲久想益有淵詣乃今來教亦復云然殊不省所謂夫信今傳後非止詞家事卽有道者未

甌甌洞藁

卷之五十一

十一

必人人當之弟何敢冒焉居也至謂不失時卽能匡時有以貽後卽可傳於後則其理一也兄猶岐爲兩致豈理可二乎面承無由聊此相答

與何仁仲公子書

向附王司理數行想常徹覽久冀執事有訪戴之興奈嘉樹園不及弇山何端居寡營感時思友傷白雪之鮮和睹晨星之易稀卽魚鳥娛人卉石佐酒然可以託迹而不足以怡神此伯牙絕弦郢人捐斤所以爲千古長慨執事蓋有志焉而能忘情於斯乎

報袁敬甫書

比人大梁卽聞足下有宛之難久之始得爲華亭人業已稱幸然意悲不自勝矣暨不佞被放得爲下雉人間中思故屈指如晨星念欲東遊取次晤言卒卒爲家累至不能裹糧興屢發而輒止者數歲然從諸遊客間足下起居無恙慰心不淺矣頃得廖生俞生先後致手書且奉假山諸作使容膝之地得藉寵靈爲名圃何厚幸哉俞生還先此道謝併以二詩書惡扇寄意其一在大梁時作也幸賜裁教

答李別駕書

鄙人去高州十二年憶與諸子周旋雍容至蠻兵壓

甌甌洞藁

卷之五十三

十三

境而不亂島寇犂城而不危庶幾陳蔡之從也豈一夢寐忘哉今鄙人削籍仕途且老竟不得與諸子一再遇三年前姚吉士自京師緘一書來喜如復見今又得執事書且聞海州佳譽其爲喜又倍之矣何至分俸相恤腴厚甚耶惟是執事負美才承家學雖爲制科所遺業已儼然佐大郡且當朝廷用士破拘攣時舉察賢能定當畀右職卽制科何加焉幸益強飯自愛需之耳所示生祠碑鄙人深愧不德無以當士風之厚且聞姚已下世悲感何可言

報王僉憲書

行歲使者行郡鄙人一望前茅心目如浣顧從者傳
檄飛渡息不停晷至欲脩一芹之獻而不可得此豈
獨鄙人有私歎即父老子弟具謂不能煩更留君侯
一振州里之玩惕而使瘠者遽起墊者立安也春來
淫雨病麥菜色盈野想不待察眉而知之鄙人竊爲
桑梓過計春潦夏必旱兩災相仍盜起且如蝟曲突
徙薪必有長畫豈有陳於君侯之前者乎容當造膝
以請願君侯之留意也

報李孟誠憲副書

往在海上以軍旅之事受質明公明公未見而才之

既見而信任之已又舉三城之完以功國倫而獨引

既見而信任之已又舉三城之完以功國倫而獨引

既見而信任之已又舉三城之完以功國倫而獨引

電白之不守以自咎此豈惟國倫所不敢承即史冊
所稱探聖賢之微弘將相之業者未必可望明公萬
分一也蓋明公心誠任天下事故心誠愛天下才雖
不肖如國倫亦在所收有如儋之神師賤卒嬰之上
客獨虜人未易測也國倫蓋亦心結之入以語兄弟
妻子出以告公卿大夫莫不慨然以爲古道復見方
圖所以報明公而爲明公用迺明公業已拂衣去而
國倫亦坐飛語免官矣山中一無所營但不敢廢學
然恨不能翼而日侍明公前也

答費文學書

當代相門累世家學文武衣冠之盛未有尚於君家
者僕自薄遊所遇如太平守太僕丞司空郎及平虜
將軍皆未嘗以僕爲不肖而託交焉最後則臨武順
德兩公傾蓋如故退而自幸一別苦不相聞豈知猶
有賢俊如執事即以臨武爲是父順德爲難兄乎且
生平無面談之偶一旦有千里之問遇我殊異感君
何亡顧詩文薄技畫脂鏤冰不足以承高雅惟是同
聲相應藉爲忘年之交重耳佳篇盈牘語語唐音僕
不能復有所贊聊草一詩答貺幸裁教之

既見而信任之已又舉三城之完以功國倫而獨引

既見而信任之已又舉三城之完以功國倫而獨引

既見而信任之已又舉三城之完以功國倫而獨引

答袁黃巖書

都下一握即附心知且以雅道相命固恨相見晚耳
黃巖仙吏天將以名山奉之人地相傑大自奇事別
後尚謂聞教有期迺僕微福流言削迹世路自分空
谷老矣故人高義在遠益教題書分俸儼然自數千
里外來意何殷也短牘佳篇居然大雅而猶折節下
問豈不謂空谷之人可與言乎顧郢曲沅騷寂寞已
久僕欲以中庸之才一振之恐非其任奈何鴈蕩之
遊積念已十餘載向爲軒冕所束今復爲婚嫁見羈
適此卽有登臨之緣不遇仙吏亦當取嶺山靈可勝

悵憶

報李本寧書

早春西遊往反貴邑之境上廼獨不得一抱足下體而有謁豈誠愛百餘里之勞甘爲行路人耶心之積微蓋難言矣歸而自悔卽不爲行路人是亦鄉人已耳足下能盡恕乎初夏聞有鄖水之警良爲行蹤者病知足下卜居邑城想當無恙偶葉山人過敬附數行

奉復許相公書

比聞閣下入政府天下士氣人心歛然欣悅蓋休養

甌甌洞葉

卷之五十三

十七

和平之福可延頸待也幸甚快甚鄉茂承以三稿上掌故自規蕪拙者數年乃閣下拜相初展又遇

天子臨軒策士冠蓋雲集機務方殷而猶遠念蓬蒿儼然序之書而過獎借之茲姬聖吐握之風千古再見非衰朽所宜蒙也奉以藏諸家廟令子孫世誦誦焉與重書茲珍矣茂承再北謹再拜附報音僕竊不自量欲以平生諸稿介茂承乞序於掌故夫桂檣繡繫見者稱艷而不必其中之盡美也過望如是閣下豈有意寵靈之手得擲數言榮於推轂數倍臨書不任祈懇

與王子振書

間者浪遊名山一遇執事不啻與名山竝奇矣執事夙悟博通負不世才比見德器宏厚絕泯英妙迹心竊賞之夫才難而善將其才尤難執事蓋進於是異特樹聲藝林書伐盟府何以難執事哉竊附忘年之交坐進此道執事得無以爲老也

復南海蘇生書

山洞高眠於世一無所羨獨恨故人離索知音寥寥耳偶廣濟人致書莫知所自乃南海公實惟敬之後復有瑰琦如蘇郎者何心賞神交萬里一室如此耶

甌甌洞葉

卷之五十三

十七

細玩百篇冷然多古意計它日所就必出公實惟敬上也聞有剡溪之興不惜顧我巖間倘如所期此爲盟質

與孫兆孺書

田郎詩業已如命序之大意爲公不爲田也田詩中類多僭稱人字如皇甫吏部輩皆先達士而元美中丞又其父兄所嘗受號者徑字而銜之於心亦大不安推之恐亦足以賈禍人且謂田郎狂如伯良伯舉皆自公從吏也卽唐人及李何諸名家亦有稱公與先生者今詩不及唐人與李何諸家而徒以稱謂過

之何益幸明語田郎亟改爲望

答趙黃岡書

頃過黃辱公厚視不勝私感乃兩邑頌聲夾江盈耳
鄂人以失公爲憂黃人以得公爲幸此可以覩公之
大矣歸伏丘樊遂已隄秋序馳仰高義爲勞如何所
不敢有咫尺之訊則丘樊之分以千人爲嫌也兩吏
來叨承華牘字字通心知公不以衆人遇國倫也至
以使君贈言見委大非所任即使君先數日書至行
期便在月初事迫矣語云疾行無善步況不佞又學
步者耶重違尊命勉就一草負愧冒陳以俟繩削使
饒毓洞藁 卷之五十三 十八

君好古文中率以古意望之故不敢作浮譽語諸公
得無以爲面謾乎謾則不佞之罪也

報侯欽之兵憲書

山澤遺黎瞻望旌節歲不再至已弗勝其嗷嗷一察
眉可見也何論國倫屬在提命之末者乎江永可航
室邇奚阻緣自野性一縱結束維艱遂不敢以竹冠
荷衣走辱幸舍然自絕亦甚矣邇時抱病暑中都無
所營但耳民間謠語竊謂明公秉法故平樹德尤厚
造我邦鄂席之金湯轍迹所經膏雨更渥然猶有私
望焉若曰奚爲後我也明公豈無意乎

復曾司空書

故人縣車曾未數日而弟卽以浪遊之跡遭之會如
夢中立談酣語又儼然在天上卽欽洽三晝夜勝平
原十日已多廼行時復辱割所珍見餉綈袍踦屨情
豈有已乎東行未旬日抵家頗爲高陽舊徒所困鉛
槧都廢所委名園詩至今未就慙負何可言

與元美敬美書

憶僕嘉靖癸丑過吳郡時因敬美得交彭孔嘉已卽
託書先大夫誌銘又偕之遊虎丘分韻賦詩而別後
聞孔嘉物故其子孫漸微計不能一脩舊義偶今年

饒毓洞藁 卷之五十三

十九

漢陽劉生攜一兒男過我訊之則吳人也已私訊之
則孔嘉孫彭惟謙也云其父死後其兄惟訥以淫蕩
破產稍分餘資脫身遊外家周訥氏已周訥盡費其
資逐之歸歸依庶母庶母私其所生不能衣食之遂
爲其兄誘賣與劉生劉生每束縛而奴辱之惟謙不
能任僕聞而歎曰汝兄不仁哉因以原直贖其身幸
劉生不敢恣擬明春自攜以付足下會從者東下便
遂託之先攜以往幸足下哀憐而衣食之知足下昆
仲與孔嘉交更深處情當更厚此兒必不至失所也
懇懇

與方子及書

自子及橫離匪人遠作南荒客僕鞅鞅不能平者數年比來官猶故矣齒得無少長乎幸且安積薪未有才美如子及而不大爲世用者新詩盈案久不得一誦竊復有私望焉

復黃孔昭山人書

暑中方困燥熾而執事偶過穆如清風至奉雅談移時則又泠泠白雪調也病息漸蘇從者遽去無可致鄙意適猶有秋期之望竟復杳然謂何溥陽書到不次抵掌第獎借泰侈至以合古爲定論良非所敢當

甌甌洞藁

卷之五十三

二十一

耳聞從者南發無任悵然明春屬有虎丘齊雲之遊計非數月不能返執事以其秋來敬聞命矣

甌甌洞藁卷之五十三終

甌甌洞藁卷之五十四

書一十四首

武昌吳國倫著

齊安王同執校
新安方尚賢校

復王元美書

弟自早春遊玄岳初度蓋在江漢舟中私計足下必有贈言可朝暮至也比歸山園寥寥數月雖一二遊客以足下手簡來又率止爲客容無一語及賤日以爲足下忘之矣歲暮小有先隴之役爲寒氣所侵病臥旬日忽從者來自弁山沂江二千里寵以佳文被之綺錦推枕拜賜不覺病之去體盡也六十無聞何

甌甌洞藁

卷之五十四

一

以當高義若此感激感激爲憶二十餘年擬拜先師之墓垂老未遂死不能作負心人幸且形神粗健從往反玄岳試之尚能陸傲冰雪水狎風濤獻歲元夕後可卽鼓棹而東仲春初旬定作弁山堂宿客伯玉肖甫何緣輻輳然弁山堂自不可少明卿一脫樓耳二絕句字字實境續五子詩其一雅有建安之風誦之不能去手謹錄舊作諸子詩奉塵記室或足下有見有未見也園署諸作不能遽錄第以北園三山二記應命大率平生所著業已編次成帙非久可盡攜以質於足下而後傳也

報王敬美書

鄙人自還山以來舊病盡解偶今歲暮忽違寒疾掩關伏枕業已旬餘不圖兩故人書來有如授我大升立致起色二詩以賤日為念骨肉至情溢於楮墨而重之文綺珍玩復何可當感謝感謝省會來旨悲四子之凋謝幸鄙人之逮年至以斯文碩果屬之詞雖過實義極相關朝露晨星可為流涕向子謂已知富不如貧貴不如賤但不知死生何如夫死生猶是也豈向子未盡達乎且如足下往歲誤聞予不諱安知今歲猶賀予生平餘喘幸存尚當為足下張設旗鼓

甌甌洞葉

卷之五十四

三

復吳子彬左司馬書

幽谷病夫聞足音且喜況天上故人重緘累脫越數千里被之乎叔世交情指不再屈銘之肝膈與此生俱矣往歲聞榮命私極快心蓋清明之朝正人柄用天下並蒙其福即幽谷皆陽春也何論雲泥哉年來

野性日適貧賤都忘於世一無所羨乃者武當之履初停虎丘之柅已繫倘不即填溝壑更當取次周五岳以送餘年故人好我將無錄之方外交乎嚴詠二律鏗然雅音謝教訓教張羽王粲西才子曩為吏道結束今得放之灘山遂其初志而所為古文詞益自精宏乃知音良未偶也一辱明公折節遂為士林增價此不獨羽王感矣握手無期西望於邑

復張羽王書

頃方編次拙集將攜之吳中就剗剗引領佳序不啻大旱之望雲霓屬且戒舟忽從司馬公緘中得之蓋自天而下也披玩數過宏麗沈鬱大為鄙人增價此何以報之書成當先馳致足下耳讀離山吟有如置我清室而巖泉溪霧泱泱目前可知北園景光亦在足下記憶中也司馬公故好文而交義更篤業已為足下寓謝使去倉卒不盡言

甌甌洞葉

卷之五十四

三

報蕭太史書

往來過二別不及一望門牆歸而自恨迺得劉生致報書何獎與殷勤過也國倫自束髮綴學遊藝林至老無一字可當述作回視楚先哲鬻子以下如倚相丘明屈原宋玉輩不啻天淵其為楚辱甚矣明公一

登鼎甲使主盟斯文壯哉志乎無論諸賢詞賦祖也
卽鬻子爲文王師而其指具在杜籍蓋呂尚父之傳
非明公其誰一振其業乎劉生行因得草二詩弱頭
爲贈

復王行甫書

仲美以除夕還下雉相見亟稱公子之英敏而文氣
雪然驚人爲足下喜不能任僕東行業已裹糧載圖
書于舟矣政候足下與鄒使君消息便可解纜使至
廼謂必旬日而後可發恐不能待卽治行匆匆日醉
餞者家不能作一語贈使君姑留冊俟舟中圖之足
旣甌洞藁 卷之五十四 四
下須先期下富口與僕俱東候使君于二孤間至望
至望

復吳國賢書

里有名賢如足下相去且步武而又時時以書通心
顧一晤之緣尚無自面承大雅甚矣國倫之離索
哉劉使遠來辱以中丞公遺藁見命此國倫責也敢
不拜命尊公逸行已於諸公撰述槩見而心折之矣
久負初盟不任惶赧卽日便當終此役而劉使苦不
能待計旬日後可付何生專致之幸諒弁山之會政
如所云元美別予長歌末句云縱令醉死亦不辭人

間此人寧再見情見乎辭矣元次草草申復諸不宜
報勞君任中丞書

不佞向遊武夷見故志蕪穢爲甚屬其時有兵事且
賤有司避選事之名遂置不問今觀新志出明公手
編文簡事核粹然一家言蓋山靈有待而顯遂與五
岳俱重非偶然也舊遊四章偶在行笥錄呈覽教幸
一咲而擲之

報敬美書

廿三日謁子與墓不任悲愴遂病楊安人見弟所使
小僮泣然痛哭備言感足下兄弟深恩不然且不有

旣甌洞藁

卷之五十四

五

其後不有其家卽不有其命也屬其親戚故人以弟
至爲異事羣然以酒食相勞頗爲所困越宿卽放舟
逃矣元兄使者還附此道意

報元美書

艤棹閭門又八日候從者不至頗爲諸酒人所苦夜
來得佳序讀之大白欣然忘其爲羈旅矣序中獎借
殊過至以不佞當屈宋而謂三人可蔽全楚尤非所
能乃又指騷賦爲弟缺事則何望之厚也弟亦嘗有
數作居恒謂左太冲後無賦可傳而今人強備此體
雖李何靡靡楊馬之糟粕故復羞澁不敢以示人而

足下顧厚望之俟再思以復

報李于出書

舟中細閱佳篇種種精詣微有評騭不過強效其愚耳別公未十年猛進若此作者之庭豈其遠乎適抵秋浦遇門人趙司理敬託轉致併謝高情司理亦留意騷雅者幸不吝切磋

與陳道人書

細閱佳錄雅見冥悟惜鄙人未嘗學道不能遽贊一辭非止畏暑也語云書易者不言又象況不善易者乎必欲有言尚期數年再過蓋數年以後執事進而既甦洞藁卷之五十四
化鄙人思而通庶幾言相成也如何如何

報黃鳴皋憲副書

臥龍復起霖雨可需茲士林所共欽而世道賴以鼎重也況執珪仕楚而楚人得之乎第襄鄂阻千里外無緣縮地一接故歡則有引領悵悵耳又計法從初停使臣轅至境上之役數月未寧此皆下執事意外之勞而所為驚心扼腕之狀又可想矣回視鄙人去歲遊玄岳時景象得無稍異乎病起有懷屬方生西行便敢布區區

與周少府書

黔中故人執在三之義如吾子者厚矣况脂膏不及自潤而欲分甘老友此一念不可當矣猶忍有過望乎仕楚三年孤蹤如寄茲幸一擢佐大邑其才稍得自見駸駸嚮用有階竊為心喜但從長吏後而又附在會城觀望趨承益須加慎高明以為何如

四六二十三首

賀冊立

中宮表

伏以

帝德光天萬寓戴神靈之統

既甦洞藁卷之五十四

七

母儀配地六宮啓風化之源典禮議自宸衷懽忻

騰于薄海恭惟

皇帝陛下德兼明聖運撫平成當正位凝命之初采理陰從陽之義謂大人之學教國必先教家自遂古以來治內斯能治外恩隆齊體煥章肇舉於星軒禮重匹麻徽號昭宣於雲漢翊螭玉璽聯九御以肅宮闈鳳翼金根奠二儀以承

郊廟正始之風既播刑于之化斯臻臣某等案服外藩心懸北極觀絲綸而胥慶馳舞蹈以無從伏願

日月同輝清寧法運仁壽麟趾家祚與國祚齊昌

瑞集虹樞

帝心與人心協應

賀冊立

中宮箋

伏以

天生聖德御六合以體元

國有母儀參三才而正位化行宮壺懽洽寰區恭惟

皇后殿下靜一凝休仁恭協

帝屏符雙雀夙諧寤寐之求 輦從六龍竝應 神

人之主光生蘭殿祥雲護玉璽以當天禮正樹房

甌甌洞藻

卷之五十四

八

淑德贊金閨而配地陰儀肇建已瞻渭浹之興周內

訓章明真卜塗山之翼夏伏願居循阿保動中珮環

修分綵獻繭之儀固邦基於有永啓繞電流虹之瑞

綿歷數於無疆

謝

賜彩段白金表

代作

伏念臣頃以庸流叨分藩牧司存會計政愧旬宣偶

緣反側之夷擾我邊鄙爰整膺懲之旅奠此西疆雖

戎器夙除矢石未嘗親冒而糗糧粗備轉輸豈足言

勞將吏協心自

天威之一振兇殘授首出廟筭之萬全欣逢三捷奏

聞遠邁七旬來格詎意蕩平之後旋頒優渥之恩臣
愚無補於分毫

帝賚不遺其尺寸禹金三品光分內帑之珍虞服五

章彩炫尚方之襲榮同賜璧溫踰解衣臣敢不益礪

素衷仰酬鈞造伏願乾坤寧謐中外乂安九牧貢金

永固平成之業萬邦執帛茂延富庶之庥

送胡方伯赴陝西啓

天王眷西土周咨歷試之賢岳牧翊中朝特重旬宣

之命司存藩屏奠華嶽以固金城力寄股肱挽河源

而清玉塞布省方之駿惠勛非衡石可程操經國之

甌甌洞藻

卷之五十四

九

鴻猷慮豈智囊攸測惟茲弼由

帝賚適符名世之期乃爾簡自宸衷益肅在公之義

五熊開道鏡中攬秦地山川雙隼拂雲袵上置漢家

民物甘雨以時爲澤德星所至增輝恭惟大方伯鳴

和胡先生汾陽異產安定名家丰神煥彩於九苞文

藻探奇於五緯斲輪悟道澄心沫泗之源迎刃應時

奮跡唐虞之際南宮賜策東觀蜚聲珥白筆於殿中

蚤奪三狐之魄鞭青驄於海上更存一鸞之風尋以

敏歷懋勲累遷觀察總憲按婁非之墨吏威名震布

於兩河洗桎梏之冤民生氣昭蘇於列郡寬嚴竝濟

殊稱青史社稷臣才量兼弘不負蒼生公輔望頌聲
滋赫譽命載新握分陝之符儀章異等擁入關之傳
徒御騰歡謝棘省以西馳轍臥梁園父老登瀛垣而
北顧天懸魏闕星辰體國足民堯壘一夫無菜色承
流宣化義輪萬里見葵心平生海內儒宗此去關西
夫子伏願經綸益究寵遇薦膺
皇靈增而功載鼎彝人瑞昭而榮生劔履爰采謳歌
之意式敷餞送之詞

上御史大夫王公啓

恭惟明公閣下 兩朝耆德六服具瞻作

甌甌洞藁

卷之五十四

十

博

帝股肱司天喉舌霜清握紀曜炳敷文臺端輔法之
臣矢心效其正笏海內蘊奇之士延頸願爲執鞭比
遠吏入 朝之年正明公開閣之日伏蒙憐其落魄
遇以改容侍坐論文既慰斗山之仰憐才借譽尤存
吐握之風脫越石於羈芻難稱遇合識公沙於杵臼
豈藉游揚恩踰九遷增一顧使嚙核翻然見品而
死灰尚令復然微幸於天負媿何地竊自惟念無可
受知操孤尚以依人早離投壁之忌網羣疑而涉世
莫辯償金之心三黜竊比於展禽一言虛召乎季布
枉尺既非所欲惜分敢以爲勞矯足羊腸未問郵程

遐邇全身虎尾不知機事安危晚廁門墻旋披雲霧
但剖符既遠削牘難煩登望湖之樓以望京日與扶
桑並峙閑思過之閣以思舊身依叢棘爲鄰且通籍
二十年徒飲前魚之泣投荒八千里又題窮鳥之悲
況鱷焰吞城狼烽蔽野死守可效生還無期敢謂鳴
其不平竊欲伸於知己

謝 鄭王啓

恭惟殿下惔忱翊國恭儉儀家德表九宗文輝四曜
雖河間之樂善未足齊賢豈鄴下之擢辭遂能媲美
乃猶虛懷嗜學不惜降體延賢切磋兼勵於武公艱

甌甌洞藁

卷之五十四

十一

阻備嘗於重耳誕膺光復彌劬清脩頌溢兩河安同
四岳國倫偶以巡行之役叨承吐握之風慚授簡之
非才憾曳裾之尚晚何期厚遇不異窮交設醴既顯
緘書至再中岳之靈孔邇南皮之感滋深河水盈盈
私心戀戀茲遣一陽來復懸知百福是道無自稱觴
徒懷獻穢顧勸命使遠錫珍儀航膏味旨於瓊蘇簞
幣文工於火藻唱之枯腸頓澤服之弱體加溫且覽
心法而企慕前脩奉手書而顧瞻名教寵靈踰分循
省何脩對使登嘉不勝銘刻謹附啓謝

上 鄭王啓

昔遊王屋遂望宮牆召宴留歡陳詩應教被茲恩
感在腹心方深犬馬之私已謝牛羊之託拂衣以往
曳屣無期言念高懷兼欽大雅雖與漁樵混迹尚能
金石同盟臨湘水以寄悰涓涓不竭指嶽雲而獻壽
冉冉無疆倘辱嗣音可勝延佇僕臨啓無任馳戀

上張相國啓

恭惟閣下佐命調元膏均萬寓摠忠負展績冠三
朝豈惟衡洞之靈光輝甲甫寔應文明之運伯仲伊
周蓋自秉軸以來及夫代言所至上新主德下燭官
邪嚴穴殆無遺賢要荒已多重譯此旋乾轉坤之學

甌甌洞藁

卷之五十四

十二

靜運而不居由今復古之心潛孚而鮮迹有非尋常
所易測閭巷所及謠者國倫久藉末光粗知嚮往瞻
茲交泰之會益切闕觀之私且竊祿二十年餘已落
而復振投身七千里外分遠而心親雖推轂之恩施
於不報而求簪之感矢在不忘且六載無書非敢忽
然自絕一言于進即恐負其所知今茲旋解戎衣叨
司學政祇當勉竭駑鈍仰報鴻私至於吐握之懷所
欲下問管蠡之見所欲冒陳則未敢遽及也

回羅中丞啓

三秦密劄仰見虛懷縉紳之誼彌敦堂廉之分盡略

恩同加膝感切銘心廼下問屢勤似不知其愚昧而
未籌未效非敢負於高明緣司祝代庖恐離越樽之
誚而工師委斷猶虞傷手之艱況明公先機鏡覽遇
事刃迎諸夷盡在目中羣策俱存肘後蓋大方之龍
燭而偏國之牛刀也本道欲輸獻納之忱知鮮謀謨
之助意者面陳可否庶幾言切事情雖附耳之意難
明而屬垣之嫌可杜故退而脩職不敢有所恃而愛
勞進而受成不敢有所私而藏辯識誠迂矣分亦宜
然顧芻蕘之益甚微而吐握之求未已猥蒙峻責益
用屏營謹啓謝教

甌甌洞藁

卷之五十四

十三

傳

賀總戎方公加陞兵部尚書啓

恭惟門下荆楚奇珍廟堂重器才兼將相望肅華
夷鎖鑰北門屢奏無前之捷金湯右地彌紳不戰之
威旃表交臂以乞降靛譯載塗而輸款息烽煙於沙
漠疇窺元老壯猷錯繖輔于泰山益廣聖朝文德
露布馳而歡生衆賅綸音播而功被旂常匪茲三錫
之榮曷表萬全之畫山蘭臺而陟樞府八座階崇披
賜錦而臨轅門九邊輝映象天喉舌鳩司之統紀攸
專作

帝股肱麟閣之丹青何忝行且入參帷幄夾輔機衡

扶二曜以常明戰五兵而不用勲勞藏之盟府文武
憲千萬邦社稷靈長寔承昭貺蓬麻桑梓敢藉末光
敬介書郵薄言展賀

賀同年沈中丞擢大理卿啓

時在大梁

恭惟年丈命世文儒挺孤標於嵩雒匡時碩彥振偉
績於旂常敷歷滋深聲施載烈澤靈江海威靈華夷
操白簡以部崑嶠屹若三門底柱擁雕戈而清鴈塞
巖然千里金城文武足憲乎萬邦勲猷見推於四嶽
帝心簡在台望彌隆 詔自蘭臺晉端棘寺肅 殿
中之直班竝六卿持天下之平司兼五教昔臯陶寔
甄甄洞藁

卷之五十四

十四

始作士相業光昭於虞廷暨長孺能無冤民頌聲流
布於漢冊卽象刑之倚重占公輔之薦登朝著增輝
生靈嘉賴國倫風緣天幸叨附制科偶廁同門尤爲
異遇甫切步趨之願優承矚眄之私豈謂岐路解攜
懸心數千餘里遂爾星霜易候屈指二十六年夢寐
爲勞殷勤何自頃執大梁之役咫尺仙廬擬從伊闕
之遊瞻依景範乃畏塗踟躕尚無班荆道故之期且
塵鞅蹉跎徒有折柳懷人之感但數月兩聞榮命喜
倍恒情而 三朝再覲宸居亨符泰運豈以雲泥之
隔能忘縉紱之交爰屬菲辭敬修薄賀伏望披揚赤

素炳耀丹青上結 主知聖宣盛美密調 元化坐
致雍熙爲一代之具瞻慰八方之共仰

賀中丞陳公擢兵部侍郎留鎮三楚啓

恭惟三山靈淑特鍾命世之才一代文儒素負立朝
之望清風播在仕國大雅振諸詞林首八彥以巡行
所至見稱真御史懷孤忠而獻納因之被遇大聖人
畿甸衡文風教聿新於章甫寢園削牘直聲震懾乎
貂璫爰階九列以翱翔遂竝兩闥而出入蘭臺石室
內綜金匱祕書白筆絳驕外領赤墀章奏部鴈門而
疆場立靖龍塞而鎖鑰彌堅荆楚移營未踰年而
旂常洞藁

卷之五十四

十五

家弦戶頌西陽飛檄甫一舉而電掣星流臨戎有輕
裘緩帶之風鎮靜得休馬戛弓之體義旃旆旋交
臂以乞降鞬譯載塗胥獻琛而輸款息烽煙於繁瓠
而文德載脩錯襲郢於苞桑而歡聲普暢北道新馳
露布南人盡識天威戎衣甫釋於轅門美錦忽頒於
珍筭由柏臺而陟樞府八座增榮握金印以安
帝鄉三苗永格蓋 朝廷方以諸艱試虞相故父老
得以一日借寇君數非偶然恩從特出行且象天喉
舌入參帷幄之謨作

帝股肱用贊畿衡之政翊文昌而協德除武庫以藏

兵 社稷靈長承休貺山林喘息並戴末光

端午節三道請劉侍御啓 時行部陳州

恭惟朱明啓候二麥既登繡斧觀風三辰並麗矧值天中之令節適臨太昊之遺墟曉結艾而省民安采靈著而占歲順國倫等叨從法駕竊聽弦歌歡倍閭閻色增河嶽敢迎台節暫憩古臺聊脩鶯黍之供非擬鶯花之玩倘蒙俞允無任寵榮

元日三道會請劉侍御啓 時行部陳州

伏蒙台節載駕宛丘三雪占年已順孟陬之紀五雲獻歲適符太皞之靈瑞啓著叢草木含榮於上日陽旣甌洞葉 卷之五十四 十六

歲除答各道寅文見惠節儀啓 時行部許州

恭惟門下海嶽三靈廟堂重器經文緯武貫古綜今建節天中坐見二都弦誦分猷洛下居然萬里金湯國倫猥廁末僚以欽明德屬當除歲感萍跡之難齊卽且探春悵柏檣之未偶豈期高義先恤下私節物頒來珍重五辛之助華絨啓玩輝騰三朔之祥祇含愧以登嘉聊披忱而寓謝伏願道從陽泰福胤時臻

承膺鈞軸之司懋建規訓之績

陳州端陽候開府啓

伏惟天祚公家篤生名碩帝懷中土申命撫綏絳騶至而四塞塵清朱鷺揚而三川沸息恩威交迥吏士騰歡職等猥備末員仰叨洪庇方以負韃爲幸猶慚借箸無能頃緣職事驅馳遂致趨承曠缺自春徂夏斗筭之役未停越宋入陳台鼎之儀漸遠瞻依莫遂愧悚爲勞今茲鵲首之期適屆天中之節五兵用辟多福駢臻結艾懸蒲均愜太平之願紉蘭沐蕙敢忘明德之遺

旣甌洞葉 卷之五十四 十七

許州除夕會請察院啓

伏以陽回泰律洪鈞默應於貞元境接芝圖淑氣遙凝於賴洛恭惟臺下代天巡狩與物同春停軒五鳳之墟德輝均覽閭俗八龍之里風裁獨持節屆迎年民歌樂歲二室吐明霞而獻瑞萬家塗仙木以從新國倫等猥以末僚叨從法駕瞻百靈之效職占三朔之爲祥爰潔辛盤介茲景福乘太史書雲之候慰農人享臘之私伏俟俞從不勝祈仰

元旦賀開府啓

恭惟臺下澤渥三川勳崇四嶽獻績方新於鼎命迎

年適協乎泰階神燕納新絳騶多福爰紀五雲之瑞
旋增八座之輝國倫等竊在下僚叨承休庇偶執巡
行之役遂愆拜舞之期竊祿知恩捧檣觴而祝頌違
顏思懼瞻柏府以趨起伏願譽命薦升皇衷簡在川
廣經綸之緒允符天地之交

答灌肅宗正送節啓

伏以玉衡宵燦家迎三朔之祥金柱曉旋運協六符
之泰淵氣延於嵩洛陽春布自關廷恭惟執事德毓
天中才傾鄴下貯六經於腹笥澄萬境於心源表正
七宗贊堯仁之親睦光揚十廟覃周敬之儀刑振振
麟趾同風翼翼燕謀婉美屆茲元序茂集洪庥綢紵
投交叨晏嬰之久敬韋弦交儆負文舉之忘年幸逐
萍踪再沾蘭臭惜流光之易逝慶佳會以無從節物
頒來珍重五辛之助緘書啓視輝騰二室之奇祇含
愧以登嘉聊抒忱而寓謝伏祈涵照無任屏營

公請鄒大叅啓

時徐司空已葬應得諭祭未行故有此請

恭諗明公學綜今古才豫經綸歟歷四方風猷茂振
旬宣三楚惠澤旁流竊聞父老謳歌用卜朝廷倚
重況忝衣冠之後久承鞭弭之榮頌義方殷望塵彌
切茲有所請匪曰私干輿國僻在東隅人才僅方下

甌甌洞藁

卷之五十四

十八

列

里惟是司空徐氏仕爲
先帝舊臣班副六卿家鮮中人之產晚離衆口退崇
高尚之風屢被薦書人情猶豐其推轂日甘初服機
事寢息於懸輿生等雖共鄉閭不敢過爲褒美頃年
下世聞者茹哀

今上錄其遺勞覃加卹典有司營其宅兆貴自

天恩乃少牢之賜已頒九原何幸而遣諭之文雖布
三載未沾敬代諸孤略陳初悃敢勞法駕特賁荒丘
使朝廷之德意不虛卽草野之幽靈少慰式閭封
墓古道斯存旌旌往勸來士風攸賴

甌甌洞藁

卷之五十四

十九

郭

報呂誠齋啓

名家世德江漢同清淑艾端居琅璫比重豈期寒陋
誤辱寵靈甫申媒妁之言遽允宗祧之託合由天作
感自心藏典禮方稽著龜竝協敢擬新秋三日恭脩
不腆問名是用先期特干典謁

候呂相國啓

恭諗相公閣下以斷斷休休之度佐巍巍蕩蕩之朝
經綸已邁前人進退尤關世教寵方隆而戒滿年未
至而辭榮十疏陳情九重斂色詔賜安車就第甫
印休沐之期風高解組出都旋被徵還之命上方傳

錫匪三驥之足稱中使慰勞儼六龍之親幸光延楚
粵道重葦疏縣輿暫息里門侯駕再趨帷幄況綠野
之堂新闢而赤松之志少酬父老望塵山川增價伊
予小子竊在下風偶同共景之解官適值召公之請
老香山虛社栗里流歡敬迓前旌希垂末鑒

延津請餞劉察院啓

恭惟先生大人攬轡中原河嶽清寧載見旋車北道
旄倪攀望無從巡行報自蘭臺采納藏諸秘室清塵
日遠法從天高國倫等久親台斗之儀側奉經綸之
緒情滋眷戀遇匪尋常敢戒郊郵薄言祖餞伏望旌

甌甌洞藁

卷之五十四

二十

麾少駐不惟樽俎流輝

奏記三首

奏記督府

竊聞古之論治者曰功不倍不改器利不百不易法
重更張也然有腹心之害坐視之則一日不能安起
而更張之則利百而功倍又何可避喜事之名而失
時祗禍莫之揅乎本府所部信宜縣萬山聯絡各水
徭徭名雖受號其實世逆不悛不惟不突爲殃抑且
蠶食無厭占糧一千四百餘石貽害一百三十餘年
編民賠贖不休官司處分如戲以致父老轉徙無所

控告請兵勦賊輒以動搖爲虞創議蠲糧又謂正供
難減因循積蠹以至於今民反以通徭爲生官率以
苟安爲幸制命之權浸削負固之勢益恣愚者旣不
能謀智士又多引避然則一邑之生靈可委爲秦越
一郡之手足可任其痿痺耶況茂名電白諸縣徭人
厲階也本職受事以來諮訪籌度頗得其概幸今大
勦山巢諸路兵集徭人一時畏威未動然而大兵深
入賊首竟通明係各徭受其買路金錢轉相藏匿意
待兵撤卽與合勢橫行此本職所以食不下咽非止

甌甌洞藁

卷之五十四

三十一

爲一郡一縣慮也竊計此輩雖有萬衆分處勢散頗
畏官兵更畏徭兵爲地方畫者不過撫勦二端然必
兵力足勦而後可以言撫若兵力不足徒虞其動搖
而撫之是彼此相欺卒至上下相誤除該縣六豪白
石匿賊巨惡雷福曉雷有方梁文富梁廷鸞已經本
府計禽禁錮檄行諸徭令其捕獻渠魁黃朝泰等贖
罪外其餘猶有不可盡捕及縣官不敢盡言者語云
不一勞不永逸請乞軫念十分困急早賜拯救調發
狼兵五千號一萬撥名將一員領赴本府足以參兵
五百鄉狼等兵五千以夾攻黎汝誠黃朝泰爲名但

有賊匪接濟者全巢誅之能紓獻首禍者赦之其占耕信宜糧田者卽移兵恢復之願退田者撫之所復諸徭田土悉准與狼兵耕種免其租稅三年以示恩信仍乞題請照依廣西田州等地方設立土官總管所屬各州縣狼目則徭以狼制狼以土官制蠻端永絕法紀昭明糧額如初民困立解不朞月之間而百年之安可圖也失此不圖恐兵不易集且誅之無名又未免以動搖爲虞坐待極敝而莫知所措矣本職痼瘼切身不自知其計之過伏候財察審行之

奏記御史臺

甌甌洞臺

卷之五十四

三

傳

竊念嶺西地方久困劇寇請兵借餉缺望數年自明臺軫念瘡痍一體援救允增兵餉督責將官士氣因之奮揚人心益用鼓舞下藍之捷適在陳參抵任之初羅衆戴罪之後功有所自天寔相之此後賊遂失勢分踪東奔西潰又爲颶風摧折羽翼日孤計今不滿千人逸出海南間海南業已有備且行晏遊擊躡追其後似可一舉而殄不復屢殷憂也鴟警山賊近又分巢牛韞龍窖二山險不可入日內已趣陳參與本府兵並進勦賊聞下藍之戰頗畏官兵八月以來大半遁回陽春深山矣此偵諸被擄之日良非虛

傳且本職分當匍匐赴臺爲闔郡父老一謝援卹之恩顧又惟大難新解餘孽未銷長吏出境將士必且懈心恐生它虞取罪益重特陳耿耿差官馳報伏惟慈諒無任懇切

奏記雷廉兵巡道

屢奉鈞諭極爲疆圉留神海上諸酋業已分踪自潰一二餘孽窮無所歸薄掠小村望兵而靡稍行清野之法彼坐困矣此事之在高者皆威靈所暨也至於雷廉之境安然按堵如今日則數年所未觀聞寨船稍有損折不知傷人乎輔車之義安危相倚蓋日夜甌甌洞臺

卷之五十四

三

傳

不能置於懷矣頃承委以佳稿序文極願執筆但書成於彼而序屬於此迹少相形古之俠士尚不欲從他郡邑奪人賢豪權職亦有取焉伏乞俯亮

甌甌洞臺卷之五十四終

甌甌洞續稿序



予讀詩至十三國風則惟楚大國也而無風何也謂春秋擯秦楚邪伯翳封熊匡也而秦胡以存謂仲尼刪不錄邪扶蘇株林淫也而鄭陳胡以存及讀二南至漢廣江永之咏而後知楚之風未始不存也

甌甌洞續稿序

一

文王之化遠矣

明興

獻皇帝建國安陸

肅皇帝龍飛興鄧辟彼日月連光接鏡風聲所暨舞象擊壤意者三湘七澤之間當必有歌咏金石之音如漣然如鶯然以相和鳴若漢廣

之應文王者而下雉吳明卿先生起焉先生嘉靖初成進士於己庚之際當其時海內以詩鳴者歷下則李子鱗太倉則王元美維揚則宗子相吳興則徐子與南海則梁公實布衣則謝茂秦先生並友之名七子自太倉推高歷下而並

甌甌洞續稿序

二

之品七子者若有龍首龍尾之羞此夫以耳食者也予嘗虛心評之歷下之文雄渾沉着而隱其詩謹嚴而稍狹始讀之令人神王再四讀之則歎倦太倉博太高閑足以凌秦漢駕曹劉而苦於用長不能割捨先生未嘗不嚴而不館

乘以入於狹未嘗不博而不誇闢
以傷於多虛而能滿淡而雋永其
被禍懷玉者邪其濤舒之間邪而
歷下太倉乃欲偃然兄先生而弟
之斯亦難矣辟之水然歷下如濟
如沅能是能伏視之黑而白精也
而以語於不涸之澤不竭之淵則

甌甌洞續藁

三

謬太倉諸澤所匯無不滿無不居
也而藏垢內污如海水之鹹焉而
間不造諸口下雉似洞庭江漢見
而伏猶是滿而居猶是而量之不
可使繁淡而造諸其口管子曰水
集於玉而九德出焉凝寒而為人
而九竅五慮出焉豈水者地之血

氣人生而稟氣於地固於其水而
詩與文固其竅慮之所出邪先生
故有甌甌洞藁若干卷行于世先
生坊嗣君僅倩臬倩剖集未刻者
若干卷題曰甌甌洞續稿而屬序
於予、故為之論次如此非阿先
生也令世之品七子者或有所折

甌甌洞續藁


四

衷也臬倩能詩從予遊明習先生
之業雲杜李太史稱之曰吳氏世
不乏季子夫季英非徒長垣澤中
行吟已也乃衷然以四行舉臬倩
知四行乎所以為甌甌續也大矣
萬曆乙未臘月八日

賜進士出身中奉大夫湖廣布政使

司右布政使前山西按察司按察使兩奉

勅督理浙江漕儲叅政提督四川學校副使泰和郭子章謹序



戲齋洞續稿序

五

戲齋洞續稿序

南新市通家子李維楨誤

吳明卿先生手自集其所為詩古文曰戲齋洞稿而王司寇許少傅為之序海內家傳人誦之矣先生沒伯子垂倩續梓其詩多脫誤已伯子率仲子臯倩復取其文并詩十二卷精校而合梓之郭

序

一

中丞為之序而臯倩復以屬楨申其說楨卒業而竊歎夫楚之有先生先生之有是集非偶也蓋文章之業莫盛於明而明初興猶沿宋元之舊自長沙樹幟始從事于兩漢三國六朝三唐然結習未盡除符轍未盡合自先生與五子中興而趨向一歸于正天下翕然從風非

西京以下大曆以上盱眙唇舌所不及
先生仕宦遠至龍編鬼方其人皆師事
之嚶嚶好古有待而興長沙先生俱楚
人也明二百年而一見為天下模楷故
楚之有先生也也長沙之代有羽翼
者有接武者或不相及即相及不必久
即相與不必深切磋琢磨之效殊疎而

序

二

先生與五子交四十餘年討論人物揚
挖今古上九天而下三泉靡所不盡杯
酒過從命題分韻與一切撰著千里之
外必相寄紙片言隻字評正得失不以
彈駁為諱故沈吟極思競勸並進各極
其才之所至無遺憾則人力勝矣南
北風氣異宜北沈雄而或寡致態南綺

靡而或傷骨體即應下弇州不能盡汰
其土風而楚於今幅員南北道里均先
生得其中參和不偏則地靈會矣五子
故相伯仲而或當世未竟其詣應下殆
耆弇州於其歌行猶不滿志人之不可
無年若是先生于五子中最壽所醞蓄
追琢日異而月不同則天授多矣故先


序

三

生之有是集非偶也管者曹丘生語季
布僕楚人之下也楚人僕游揚足下之
名天下顧不重耶損至無似為先生鄉
後進先生言語涉天下豈藉損言為重
如曰損誠楚人也知有明卿先生而已
矣王詒鄭三君子者天下才也其評先
生集天下之公言也且也先生之集存

繼先生與三君子而起者其衆如林植
即阿松所好胡得焉

萬曆癸卯春日通家子宣城梅蕃祚書



序

四

江夏楊煌刻

吳明卿先生續稿序

吳楚山川瑰瑋甲於寰區楚以鉅麗標
勝而吳以清佳取妍兩地操觚之士往
往割其菁華之氣而洩為文章大率楚
取豪雄總雜為工吳取婉約雍容見則
求所以調而劑之未能也嘉靖之季七
子雲興楚有明卿吳則元美此兩先生

序

一

者皆儲光岳之精炳靈孕秀相與脩北
地之業雄才大力既不出其方言而又
能交相劑以歸於正於是東南豪傑靡
然從之兩先生通執旗鼓若桓文者垂
五十季矣予不幸不獲事元美先生最
後游楚則吳先生亦已捐館舍每過下
雒為涇田久之已從州刺史馬君得盡

讀其續集而求其所謂劑者先生之文
本之東京間有規模河東者古風樂府
本之漢魏間有出入杜陵者吾不知其
於元美何如獨五七言近體最為折衷
而合律鏗然其音也雍然其度也商引
而徵應經往而綿隨可謂兼至而獨詣
矣詎肯兄元美而弟之也夫論材於楚

序

二

不患其下充氣不患其不飽顧才之過
也龐雜而鮮裁氣之縱也離披而無所
底吾安能諱之先生之才無所不究然
必反而麗之於情其氣無所不靡然必
要而協之於則易世而後能使博學宏
詞者不至輕用其所有餘感激用壯者
不敢跳於一切而冒凌厲之戒則先生

之功於楚大矣先生故有觀輒洞集行
於世此則其季子太學續編而付之梓
者剞劂之費焉君實任之季子名士良
其詩得父膏腴刺史名攀龍素著循吏
轍而旁及雅道充足述也

萬曆癸卯九月閩中鄧原岳撰

序

三

甌甌洞續稿目錄上

卷之一

樂府

咄咄吟五首

四言古詩

述夢中作四首

有序

題閔子哀親冊

示工兒八首

五言古

次黃州江上行雨載酒見訪

張羽王爲我作北園賦成志感

甌甌洞續稿

目錄上

一

詩

春日偕諸兄弟子姪湖上踏青小飲

撫松臺

青桂亭

甌甌洞

綠雲塢

香雪林

石薜蘿

佚我堂

鄭汝志少參携其弟汝守載酒送予至排市同宿

舟中既別憶之得二十韻志感

贈傅神者黃生兼寄友人朱貞吉

春日寄懷向葵卿二首

石屋

息亭

薌居

自然菴

浣芳池

九曲磻

從家兄散步園亭示兩兒

與行甫談藝三首

初夏園居懷行甫

俞羨長卜居陽羨題贈二詩

食新作

烏沙江阻風

重登太和絕頂

太和峯示兒無傷

西園六詠

有序

飲李中丞幕府道故二首

再贈中丞二首

泊蘄州顧子承子長偕董友仲携具見訪

顧靖甫携其門人程仲孺過訪與飲北園同賦

甌甌洞續稿

目錄上

二

詩

秋日携具訪起汝修山莊同賦

吉祥草生花示兩兒詩

贈傅神者涂文衡

三月三日同惟烈家宴詩

久雨歎

陳玉叔方伯考績寄贈一首

敦甫惟烈二倩偶過北園程仲濟後至酒間作

舟赴嘉魚訪大司馬方公先以二詩報之

兩過鄂渚不遇張叔見賦此寄懷

訓尚定宗侯見贈

門人黃以仁還自京師

有感賦贈

富口舟中與御史大夫

在倫耿公道故有感二首

送王行甫游廬山 蓮華庵新鑄觀音菩薩

像成敬賦一詩讀之 夢游金山作

贈僧如中 胡載道將歸東吳過我

言別愴然賦贈二首 為懋成王孫題握蘭社

有別 長樂源道中

胡伯良以詩言別悵然和之 有別

朱斯和太學見過北園酒間賦贈

寄懷張助甫二首 玉兔秋香圖為朱子上

茂才題 秋暑簡應時

卷之二

鹿巖洞續稿 目錄上

三

楊新

五言古

人日省先大夫墓有感 哭濯甫宗正先生二首

哭貞吉宗侯二首 歲早禾稿齋中蘭花獨

芳感而成詩 山行書所見

秋日莊居 讀蔡伯華所編五經翼

喜而有贈 十七日齋前對雪無酌

偶成 為徐應時文學題愛日齋

慈航救苦頌 有別 送徐生東歸

贈永壽僧了誰 聞趙叟談玄因贈

贈道友鄭元樞 暇日視木工為平治相

荅吳茂文見懷 友人李綿州携南皮酒

二大樽見餉因邀黃汝明及其子思素思貞與

孫以道呂惟烈同過歡飲即時成詩

送髮僧趙用拙東歸 屏處山齋黃思素曹子

昌呂惟烈晚過偕工兒就花石間小飲即事

積雨壞垣詩以自遣 故人周象賢之子歲杪

自襄陽來以家難告急予力不能振之聊賦此

為贈 贈王君實

郭太史美命過訪賦贈 與美命論文再贈

贈何无咎 登崑山同吳叔嘉俞本

鹿巖洞續稿 目錄上

四

方

之王太古暨士兒同賦 登雲烟閣訪郭次甫

因從案頭得閱徐子與所贈五游篇悲不忍讀

愴焉成詩 凌大司馬汝成追送予

至寒山寺言別 題吳康虞跌坐小像

壽侯叟 初至白鹿洞與諸生 改舊作

荅柯敬之言別 贈貢士周元德北上

和程巨源遲予不至之作 病中視內病有感

贈熊茂達茂才 七十誕辰有感謝客客

不諒而異之因自述五首見區區云

七言古

河中酌戴道短歌

贈王季問 有引

故人吳文學國賢劉將軍應占自上雋冒大雨來

見訪席間成短歌

夏日雨後張子元諸子

邀泛太湖晚酌富川樓卽事漫成長句

登石門山醉歌

九宮噴雪崖留題

舟中送呂惟師祠部還京短歌

向蔡卿宅同惟烈醉歌

七夕行送俞美長東歸

荅林嗣庚江州見懷之作

舟送王唯吾出富口

再贈

初春過北園看梅花

送碧僧遠游

阻風皖城登千佛塔

甌甌洞續稿

目錄上

五

聞茂承談郢中故人之難愴焉有感因贈

北園錢送楊伯武醉歌

發舟游太和張使君携

具追送歡飲達旦而別醉中成短歌

題沈啓南喜鵲圖贈占吉

贈談數者朱希明

詠玉蕊花

詠石雲

詠石松根

觀方子謙來奉贈之長歌

宿鳳皇寺夢在蘄州遇顧子敬立談醒而紀之

奉荅大司馬行之方公見懷短歌

正月十二日對雪

詠高麗紙 應寄謝昌儀

邵惟師

送徐文學北上謁選

寄題玉叔天尺樓

卷之三

七言古

江行遇方司徒於雲杜舟中言別

老樹行

舟泊漢口武昌王使君

偕其寮張李二君載酒涉江見訪醉而成歌

飲王行甫蒼蒼閣醉題

詠齋中四石

荅吳次魯短歌 有引

贈陳忠甫將軍

醉茶軒爲詹仲子題

食麥行

苦熱偶作

秋日山行苦熱聞野哭作

甌甌洞續稿

目錄上

六

贈袁子遠短歌

中秋前二日自石門莊

醉歸道逢從孫宅携酒雙港橋同士兒占壻對

月深飲卽事成詩

秋日賞紫牡丹詩 有引

霜降日同徐應時登石門山因視子所卜藏地醉

而放歌

顧子承先生八十壽歌

冬日苦雨作

上元夜醉歌贈梅泰符 有引

月夜茅平仲吳叔嘉戚不磷過飲舟中醉賦鼓字

王太古自虞山過婁東見訪偕至吳閶數日言別

兼訂入楚之盟

荅程太冲寄題北園

荅東柯生見訪長詩

送工兒赴省試

申美中孝廉邀游吳氏園亭醉作

觀日樓爲郭美秋孝廉題

卧游閣詩題贈項叔定 題飲中八仙圖

登鎖江樓 南康五里橋卽事兼簡

田使君 聞馬義徵與邵子俊談

篆隸書法并觀其所製圖印喜而作歌

徐公勸農歌代父老作 釣臺詩 有序

題淇園四景圖贈何興父 有引

書贈穆楷 墮馬行戲贈俞美長

短歌贈冠巨源 韓使君送蘭佐以鳳尾

甌甌洞續稿 目錄上 七 得

蕉夾竹桃各一本走筆謝之

五言律

與紀從事旭仁二首 送郝仲隆暫還新安

漢口曉發同郭仰甫卽事 舟中逢仰甫生日有

贈 過寒谿寺 陶桓公得文 殊銅像于海

上送之寒 蘭谿遇顧子敬邀飲舟

中作 漢口舟中與子敬夜談

初春向侍御葵卿見訪 閱葵卿詩有贈

吳仲足自都下以漢篆圖書見寄因贈

同諸文學接且登常川樓邀宴向侍御方山人

事二首 過世仰留宿

贈孝子談衷廬墓詩二首 答郭生

穀雨後墮霜 偶過汝修山居留飲卽

事 齋前薔薇盛花喜而成

詠 寄贈王文植方伯六十

壽詩 劉長卿黃以仁過飲北

園二首 寄贈吳次魯四首 有引

送程萬里還豫章 送工兒應試二首

新秋偶過南莊卽事八首 再過汝修是日俱病

不飲 晚過北莊卽事四首

甌甌洞續稿 目錄二 八 得

題石門柱示兒 九月三日與莊則勸俞

敦甫及從孫慶同過石門視兒無忌兼登屏山

卽事四首 過阮汝真宅贈以六十

壽詩二首

卷之四

五言律

酒船初成漫賦二律 偶過龍湧寺士兒與俞

敦甫從之周吉甫茂才携酒後至

宿九宮山觀與阮汝真夜談二首

過譚少府大本池亭留題二首

六都道中望九宮山

喜呂察惟烈至自粵西

贈楊伯武二首

張叔見自興國權武昌

郡丞稱賀二首

贈鄧廷魚二首廷魚故

南康諸生晚好玄學無習形家言游予一年所

不能別爰有此贈

段生見訪與欽北園

元日程孟孺過欽

春日陪孟孺拜先大夫

墓有感

贈孟孺北游

初春病起寄懷則勸二首

寒夜偶作

問鄭汝志病二首

與貞吉飲北園值雨有

二客繼至得二首

至大冶旅館向葵卿同

甌甌洞續稿

目錄二

九

若

弟仲純季懋携酒見過

席上贈葵卿及其二

弟仲純季懋

飲周光祿良玉宅

哭胡茂承四首

門人徐應時屢過北園

問詩勉之二首

戎湖洞口訪王侍御二

首時侍御以直諫被譴謫判吾州入境暫泊此

重游戎湖洞同王侍御徐孫二孝廉作

雨中徐應時携具同熊惟遠過談即景賦

霖雨暫收同惟遠應時出郭觀漲

觀漲後再過小園同二子湯賦

又雨二首

閱青社諸子詩因賦

二律相勉

爲君霖題六書樓二首

俞美長往我北園戲簡二首

斗孫病小愈有作

贈雲梯寺醫僧普濟

再贈劉醫

立秋日過北園訪俞美

長見蘭花盛開喜而同賦

有聞寄慰宗良二首

聞楊懋功使君有過訪

之興先此訊之

寄酬方士功負外

陪俞美長拜先大夫墓志感

同美長敦甫泛湖坊湖舟宿山下

寄訊用晦二首

家四兄六十七生幼子

甌甌洞續稿

目錄三

十

得

志喜

家四兄六十八歲得曾

孫志喜

旱後久雨農人病之偶

出郊行有感二首

答方寅初見懷

與寅初飲北園

秋日王唯吾侍御郊行

便過北園不令予知賦此奉簡

唯吾侍御過欽北園

方士虞子化再過有贈

林嗣庚俞本之過訪北園 華宜人輓詩爲其仲

子紹先索題

得王承父書卻寄

趙汝修見過留宿席上作 禪僧真澄借我苑居

誦經賦贈

游大嶺白雀洞即事五首

題張山人春谷圖卷

再送張山人還嘉魚兼

東方大司馬

送程文學棄官還西陽

贈俞醫士

歲暮劉生見訪

除夕答劉生

愛日樓爲劉翊成題

爲仲明定庵題小眺亭

贈仲明孝行

黃思素思貞孫以道同兒婿携壺北園餞別蕭舍

譽卽席共賦

人日病中作

病中聞劉生將游匡廬又數日未發賦此趣之

黃州喜遇丘謙之程孟孺寄唁曾司空二首

均州遇丁養靜憲使邀飲道故

甌甌洞續稿

目錄上

士

隆

贈汪懋叔

有引

贈胡良濟國醫

張進卿侍御過飲北園卽事四首

楊伯武林時茂過飲北園

竹間聽時茂彈琴

夏日與程萬里泛湖卽事

次富口過莊則勸新

居小飲

伏日過福勝寺友人徐

應時黃思素思貞孫以道同兒婿携壺北園餞別蕭舍

熱戒飲卽事二首

太和道中雜詠八首

訪不二和尚

謁棗陽王園居留贈四

首

有引

舟過光化遇門人余明

府道故

漢陽訪蔡憲使國凝留

飲作

將發赤壁門人孫武昌

渡江見問小飲舟中作

答鄒彥吉督學見懷

二首

有引

新秋送則勸文赴京謁選

七夕齊中餞別則勸文同劉世仰陳伯珍暨兒無

傷賦

寄懷張爲春京兆二首

大司馬子薦王公由薊鎮被命還朝奉寄四首

哭九弟二首

熊惟遠至自漢陽將赴

燕京故人之招席上言別

瞿伯明偶過有感賦此慰之

必全世本兩道友見訪賦贈二首

甌甌洞續稿

目錄上

士

隆

徐應時携具見訪

福勝寺方丈訪徐應時

不遇留題

黃思素携酒見過酌中

大雨卽事

朱子得同靖甫伯良小

飲北園卽事

旣別子得阻風百箭港

而子得亦阻五郎磯下兩舟相望纔數里不得

再就一語爲之悵然追至五郎磯下再送子

得

中秋夜黃思素席上同

諸客對月

輓瞿叟

向葵卿侍御同諸子過集草堂論文二首

九日士兒與其友瞿伯明陳伯珍小集大雅堂分

韵有作率爾和之 齋中對菊

張伯常使君見過賞菊 偶爾移菊泛舟張使君

携酒過訪 謝熊惟登送菊

光化余明府考績拜命貤封二親寄此稱賀

寄懷邢子愿參知二首 爲芾斯宗侯題逸園

讀貞吉病中諸詩有贈 胡載道過飲

有懷寄伯良 哭朱子得詩四首 有序

歲暮方仲美還書到中夜過對雪

胡伯良再至有感二首 哭座主尹宗伯先生四

首 題雲徑一首贈鍊之宗侯

龍龕洞續稿 目錄上

十三

意

寄題程希武臨川書屋 上驚磯

回峯寺 寄懷張羽王二首

過中泠館留贈仲和宗侯 中泠館答懋成

送叔嘉赴任城爲潘大司空書碑蓋申相君薦之

也

卷之五

五言律

甘露園爲何仁仲賦 偶出富口遇行甫適至

與諸友痛飲舟中作 顧得蒙見訪遇于富口

舟中留飲卽事 寄題履方宗侯青藜閣

喜吳求叔再至二首 贈黃懋約

贈王成韶 寄題桃花嶺園亭四首 有序

寄君衡宗侯蓋吾友張羽王爲索贈也

伏日曉過北園 謝叔蒙同求叔過訪飲

北園作二首 送劉世仰赴南都應舉

二首 寄詹仲子

俞本之再至兼得元美彥吉諸故人作

送俞本之還吳 得鄒彥吉書及讀其詩

文喜而有寄二首 寄門人王太古二首

寄荅俞公臨二首 有序 故人蕭宗魯自黃陂遣

龍龕洞續稿 目錄上

十四

意

使問遺姦以詩文見示寄荅二首

得向葵卿書頗有憂生之歎賦此報之

初秋徐應時俞本之夜過小飲

贈祥上人二首 秋夜徐應時同伯明惟

遠對月 贊仲和影子贈此詩

聞行甫賢郎首選補諸生志喜二首

喜姪孫震補郡諸生詩以勉之

沈幕君觀詩 秋日郊行

登犀牛山 寄劉介卿戶曹二首

病中得沈道初病後書卻寄二首

哭周象賢二首

哭王敬美太常六首

張伯常使君將以入覲北上酒間言別五首

顧子敬郭命卿同過北園小飲

行甫夜過同賦二首

雪後邵麟武司理枉過

北園留醉二首

冬日廬山僧果秀過我

北園索贈

和尚了誰過我北園索

贈

賞紅白梅作

口號贈林敦厚西賓

春日山行書所見四首

答方寅初江上見懷二首

寄向葵卿

答劉壽孺茂才二首

哭莊則勸四首

龔璣洞續稿

目錄上

十五

六

輓門人孫武昌二首

晚泊富口卽事

酬熊長公二首

尤介夫自益王府再至

便往武陵訪友

五月朔日表比部邀飲

川上樓觀觀渡

初三日表比部過飲北

園觀競渡

故人程汝正過飲北園

因懷其從子三弟二首時兩兒一壻並在坐

哭張肖甫司馬六首

斗牛二孫跳笑予前喜

而有作

送斗孫受學塾師時纔

及五歲

閱旱兼有所感八首

送程驛宰擢赴澧州司倉

寇巨源饒汝順過飲

齋中

聞道友談玄賦贈四首

題文徵仲小畫

苦蠅

苦蚊

聞蟬

聞蟋蟀

贈蘄州徐太守允淳考

續二首

登浮玉亭

聞朱秉器方伯擢大京兆寄贈二詩

贈周山人忠卿

冬日劉壽孺見過言別

人日游山人宗謙至同兩兒暨方寅初携壺夜就

旅舍小飲共賦山字 歲暮答向葵卿病後見

問

除前三日向純卿過飲

龔璣洞續稿

目錄上

十六

太

除前二日過方寅初旅舍有感留贈

朱康侯過訪席間賦贈二首

謝直甫見遺琴爐兩舊物 徐古若至

喜郭大治殺薦

齋前植蘭

暮春同呂惟烈石文旦偶過田家飲竹間作

郝震伯茂才過訪因贈 席間和安小范作

初夏病起

安小范王行父同醉北

園各賦四首

徐行父張羽王同游蓮

葉洞有作見懷寄答二首

哭母歌二首爲劉子明方伯賦

閱邸報見駱評事于仁四箴訝其大難也爲賦二

首

早春諸唐父邀過學宮

望雪

寄贈宗侯以高以端伯仲

荅黃文學

二月雨雪

荅直甫宗侯見寄

卷之六

五言律

閒居偶作

七夕後一日立秋夜坐

門人李綿州景純過訪二首

中秋後二日思素思貞同韶惟烈携糧來賞秋壯

龔龔洞續稿

目錄上

七

丹再詠二首

徐應時文學居喪卧病

賦此二詩慰之

寄懷方仲美二首

暮秋寄懷張進卿侍御二首

與載道累夜痛飲再贈二首

得張質卿京兆書却寄 小至徐應時黃思素思

貞呂淮烈過賞霽雪饒汝順適至同賦杯字

至夜酌汝順

得徐應時雨雪感懷詩

賦此慰之

趙周拙以藤杖見惠謝

之以詩

歲暮寄蔡卿

吳求叔將之金陵迂道過我同徐應時夜酌

除夕慰應時

初春簡應時思素

迎春日王君實至

立春日梅泰符至

寄題汪別駕涵虛亭

孫節婦

憩郝震卿書室留題

郊外餞別郭太史美命

澤陽逢趙博士仁甫

過宛城遇趙山甫使君

贈之二首

和項思堯曲池草堂詩

二首

舟泊真州小運河李季

宜孝廉携具見訪席間同賦二首

立夏前一日次門逢故人王承父曹子念並抱

元美之感有感二首

讀曹子念哭其舅氏元

龔龔洞續稿

目錄上

八

美詩有感二首

婁江舟中與叔嘉談詩

二首

元美喪次逢茅平仲因

得誦其百韻輓詩愴然賦贈

祝楊仁甫駕部病有作二首

叔嘉邀同吳中詞客三十人餞予虎丘得乘字

又分得年字

又代張美人賦花字

馮元敏憲副邀過白雲亭小飲同賦雲字

與諸客飲周公取園亭陳公衛明府適至同賦

顧晉甫邀過真僧方丈小飲分得東字

吳江舟中卽事贈呂伯麟茂才四首

送冒伯麟暫歸對簿二首 周光祿良玉同兒輩

小飲北園因過蓮華庵訪僧光祿有作走筆和之 同諸客過集程康伯館

留贈二首 借樹齋爲李元禮題

江上見騎牛者心羨之 俞羨長再寓北園敖然

自喜以書見驕病中戲報二首

羨長以二詩見和似謂予卧病不能窺園遂據山

池之勝爲已有無賴哉復作此惱之

寄贈史安化 莆田山人柯敬之暑中

過訪病不能見先此問之

甌甌洞續稿 目錄上

九

王德載將軍以雅意閣詩見投因贈

贈孫玄亮茂才 次蕪湖再過王仲修

偶過福勝寺遇雲上人共飯

贈法堂禪師 向封君石田先生觀詩

二首 項叔定同徐應時過飲

徐應時携具北園邀陪叔定二客有作醉而和之

荅應時問詩二首 秋夜飲從弟儀可宅同

應時賦 有感示兩兒

重九前一日同徐應時挽舟訪鄭汝志夜宿排市

作 九日同應時飲鄭汝志

少叅宅 九日晚過徐懋誠比部宅

秋日過訪徐懋誠比部留宴大司空舊宅三日諸

從諸孫咸在卽事四首 初冬喜伯明見過

晚過應時留酌 應時以道携酒夜過共

醉成詩 雪中對菊

送黎郡丞棄官歸潮海 立春前二日胡山人通

侯永年伯仲自毫來見訪談玄酒間賦贈

立春後二日北園酌通侯永年

元日簡通侯永年二道友 胡通侯子祈年善雕

玉印章爲予友汪伯玉方仲美所賞因寄贈一

甌甌洞續稿 目錄上

勝

詩 戴道仲寓謝公祠有作

見簡走筆荅之二首 送仲道游金陵謁伍儀

部 喜門人黃元甫登第寄

贈二首 于龍宅宴集留贈

北園贈馬義徵二首 苦熱戒飲簡應時思素

二首 送義徵東歸二首

送吳國賢明府赴陽山 贈顏非魚

壬辰夏日聞西夏之警志憂十首

送黃汝礪州牧調簡州二首

哭舒恭人八首 題雲塘書屋

韓伯駒醉負妓行失跌破面戲簡二詩

賴茂永經歲重來寓我北園喜贈二首

秋日携斗孫宴黃思素宅思素自喜得倩情見乎

詞屬和二首

為茂永題息圃

夏郡博到末一月聞喪東歸愴焉賦此送之

送吳別駕將還之留都時別駕有歸志詩故及之

春草館為登之題

送孫節判棄官還新安

齋後種斑竹芭蕉二首

聞故人鄧潛谷起授翰

林待詔寄貳二首

送蕭合譽遠游二首

喜汪象初過訪

北園飲象初羨長巨源

戲鍾洞續稿二首

三

方

寒冠巨源會義長建飲一月即事四首

闕題

謝程汝正送茉莉

慎汝學過訪便寫吳興賦贈二首

詠黃榴花

贈明上人二首

潘庚生過訪

潘庚生留寓北園賦贈

二首

何興父考績二首

有感寄訊王行甫五首

哭顧子敬茂才四首

有感再哭子敬二首

夏日偶遣兩兒出江既

發念之

卷之七

五言排律

正月十六日陪張使君過子壻呂惟烈宅對雪即

事

大中丞方公定之填撫

秦楚大梁三省會以七十告老奉旨特留尋

擢南京少司徒且行寄賀二十韻

王方伯考績奉詔封三代詩以賀之

還自太和答鄭汝志見懷

與門人陳伯珍談統

歲杪送方仲美携家還新安二十八韻

舟過鄂渚呈大中丞邵公十六韻

送武昌孫明府入覲

送大冶郭明府入覲

戲鍾洞續稿二首

三

方

王太夫人輓詩

安小范祠部得請改南

遙有此寄

久雨病農竊有憂志遂

成十韻

哭吳壽卿方伯

清明日張子元方仲美携酒北園見訪

送李中丞汝賓赴南都少司寇得十六韻

詠銅雀硯

種蕉館題贈元吉宗侯

以詩代柬答胡別駕

李和元民部再過觴之

北園賦十二韻

劉母董安人七十壽詩

和黃元甫進士壽予七十詩

為功甫方伯壽其母太恭人八十詩

送張叔見使君入覲 送郡博莫崇讓赴瓊山

令

元善過欽北園

詠龜山怪石

詠南城潭怪石

送門人黃元甫教諭建昌 與蕭舍譽談藝作

松堂介壽圖爲周敬甫秀才題祝其母

送祥上人赴黃州報恩寺檢藏經兼柬東王行甫

友人程汝正六十詩

馬大叅行賑下邑賦贈

暑中憂旱聞嘉魚以上雨足年豐有感寄上方尚

書八韵

徐母彭孺人輓詩

秋日黃思素思貞徐應時盧同韶呂惟烈過賞紫

觀甌洞續稿 目錄上

三

若

牡丹醉賦十韵

賀郭明府考績受恩

黃徵君汝明六十壽詩

贈髮僧趙用拙遠游

冬日卽事

一品夫人方母輓詩

徐廷祥封君七十壽詩

俞母姜孺人輓詩

哭劉世仰十二韵

蕭母王孺人七十壽詩

有引

綠雨軒詩贈江夏丁道

甫

飲李季宣青蓮館留題

六韵

吳門途程相如文學殊

自意氣因賦長律贈之

陳從訓山館同諸客

分得青字

舟次淮陽陳清甫進士

夏玄成孝廉陸無從汪仲嘉吳祚虞諸文學劉

巨公方建元王長卿諸山人累日携具泛江且

呼二妓行酒雅極歡洽因賦長律紀之

金陵逢李伯初延評金席珍國博酒間賦贈二子

皆予督學黔中時所取士

袁惟鄰兵憲削平皖寇詩以壯之如汪伯玉司馬

體

繡佛詩爲王長卿內子題

俞羨長自潤州乘予同舟溯江入楚留寓北園卽

事賦得長律四十八韵

秋夜湖上觀諸僧放

燈

武昌韓若青使君五十

觀甌洞續稿 目錄上

三

若

初度適以奏績加恩敬賦一詩稱賀得二十韵

自徐比部所與應特述席放舟比部又率其子弟

載酒追送四十餘里夜過排市共醉舟中及曙

而別因賦二律卽景寓情得十二韵

讀陶懋中寓黃集喜而有寄

嚴母徐太夫人五十壽詩 陳長洲公衡見過論

詩有贈

游仙詩十二韵贈通侯

永年

楚府郭常侍辭官學道

寄贈一詩

金幼龍寓予狎鷗亭醉

中有作見簡走筆答之 韓晉勳司理過訪北

園同應時小飲

為汪伯玉司馬哭其弟

仲淹

為吳別駕悼姬八韵

寄贈吳陽陳明府

有別

何江夏與父賦得南岳

長歌壽予七十因以長律報之

黃宗陽封君輓詩

卷之八

七言律

初春張伯常使君召飲川上樓

將至武昌三君恩愛君遣人以詩相迎率爾奉荅

武昌李司理過訪赤壁舟中卽席同行甫孟孺賦

甌甌洞續稿

目錄上

五

得

阻風漢口適王太常蔡憲使

過郢訪劉中丞道故

客有談玄證以佛經者

喜而有贈

讀諸道書佛書偶作

次襄陽適聞楊仁甫擢駕部負外喜而有贈

張使君邀飲樊城仁皇寺席上作

梁仲登使君招飲均州南城樓漫賦

悼王孝廉

悼王節婦

襄王孫啓疆得之携壺舟中對月談藝分得亭字

邢子愿少參遺書見問兼有過訪之約却寄一首

送子愿使道歸濟南壽其二親

徐懋弘懋誠兄弟並以勲胤同仕為郎寄贈一首

山中有聞寄慰鄒彥吉 黎君實文學以游麻姑

諸詩見寄遙贈一首

飲黃徵君萬松別業留

贈

呂從之文學渡江見訪

席間賦贈

夏日詹東園過訪

龔茂才國銓過訪席間賦贈

同吳國賢劉應占泛滄浪湖因過北園小飲

舟送國賢應占二十里外卽事感別

亮上人自吳江來見訪留寓福勝方丈語次贈二

詩

送莫文學應聘赴滇南

甌甌洞續稿

目錄上

五

得

典試

楊仁甫以襄陽郡丞考

績貶封二親賦贈

荅郭翰林美命見寄二首

張叔見使君奏績重封二親賦贈

荅大司馬行之方公見寄

大司馬子彬吳公書

至自嶺南卻寄

寄懷黎惟仁

早春同向葵卿侍御小飲北園卽事

江上送方定之中丞開席卽陽二首

白河口阻風

鹿門灘遇曾大司空見

過舟中小飲醉而成詠

太和山下遇費國聘

給事有感作

漢上得紀旭仁書且有

見訪之約卻寄

荅蘇以時觀察有引

雨中范使君同李郡丞陸司理邀飲赤壁

讀范玉頰使君蠶桑書喜而有贈

雨中過柯山園大司寇稚表王公少宗伯子瞻丘

公携具見訪席間同行甫賦

張進卿侍御自潯陽來見訪

奉寄勞居任中丞

海南四景爲王紹傳宗

伯題

寄酬郭美命太史

一寄荅任白甫太學

荅向葵卿夜泊捲雪樓

見懷之作

寄訊葵卿侍御

甌甌洞續稿

目錄上

三七

若

贈程萬里

襄陽舟中途程萬里至

自河南志喜

同李按察登襟江樓

聞王唯吉量移德安司理志喜

將至太和寺孟誠中丞自鄭鎮兩遣使來相招賦

此辭謝

宿太和宮再得李中丞

見招書卻寄

夏日再得蘇按察郢中

書并詩卻寄

七月十三日徐應時黃

思素見過北園同賦軒宇

黃太孺人六十初度

張伯常使君見過小飲

蓬萊宮新成二首

覽顧靖父楚思賦有感

因贈之北上

中秋日朱子得使君

向葵卿再訪北園同

酬貞吉見寄兼訂重來之約

霜降日陳育之振之兩茂才見過北園因贈

奉荅王紹傳宗伯見寄二首

和王紹傳宗伯五指峯詩二首

萬方伯招同邢州牧飲大觀亭時方伯年七十予

三人並六十以上因得竊比四皓云

訪張進卿酒間作二首

故人余秀仁自山東來

見訪酒間賦贈

冬日同胡山人夜醉家

甌甌洞續稿

目錄上

三八

若

兄宅卽事

得宗良書併見懷詩雅

有遠游見訪之興賦此報之

偶過蓬萊宮登獅子岡望雪

送杜則勳赴懷遠司訓 送武昌李司理應名

北上二首

初春同諸親友集川上樓

戊子初度日感懷口彌

雪中簡伯良

武昌王使君若思以考績奉 詔加恩賦賀二首

荅寬伯見贈

贈尹申甫文學還安成

得尹參軍教甫書愴然有感卻寄

贈戴安甫

酒間再贈安甫時將返

鄂城

久雨偶過北園二首

得玉叔方伯書却寄

卷之九

七言律

聞敬美再起督學閩中遙寄此詩

曾司理過訪

七夕無月有懷行甫仲美

立秋日苦熱

山中聞魏太僕舜卿復

起志喜一首

聞大司寇潘公以人言

罷歸有感賦寄二首

送士兒應試

則勸還自京移舟出富口訪之席間賦

甌甌洞續稿

目錄上

三九

意

陳明府以清自銅崖遠來見訪席間道故

李戶曹過訪

同李戶曹鄭少參泛舟

夜酌

家四兄過賞叢菊芙蓉

月夜汝真或過酒泛雙谿中醉賦

登九宮山四首

過徐思敬文學隱居留贈

皮子謫語時六十一詩

莊則勸至自剡門得大

司馬張君書并詩喜而有作

言肖甫司馬還部

送呂孝廉北上應試因

懷其兄儋部

歲暮喜程孟孺至

歲暮何仁仲冒雪見訪賦贈二首

送張叔見赴武昌

邢子愿少參期訪予山

中予出富口遇之舟中夜酌同王行甫方仲美

程孟孺賦時子愿督漕赴淮

同諸子餞送子愿

為仲和王孫詠繡毬花

過韓上舍元祥宅留宿席間有贈

九宮山下遇故人熊衛道邀飲席間奉酬兼憶其

兄履道進士

春日同兄乎可郊行過

劉甥以書讀書處因贈

同向葵卿侍御張深父

王母山作

同向葵卿侍御張深父

尹聽伊向仲純季懋呂惟烈諸文學過普濟寺

甌甌洞續稿

目錄上

三十

意

小飲限涼字

貞吉過訪

為貞吉宗侯壽其太夫人七十

張伯常使君枉過北園

拜呂相國祖墓同葵卿

作

葵卿同深父聽伊良玉

仲純季懋載酒送予石壇寺

姚伯寅見訪坐中談養生家言因贈

暮春園中獨酌有懷行父仲美

五月一日諸友人及兒婿泛舟湖上觀競渡遇雨

復晴即事有作

五月七日王行父至同

徐應時北園小集二首

雨後同應時自北園

步過高陵橋觀漲 同熊惟遠徐應時孫以

道暨兒無忌泛戎湖作 大水入城志憂二首

惟遠應時累日問詩而詩日益進因與吾兒結社

通真觀予嘉其志賦此贊之

夏日丘謙之俞羨長見訪北園

酬羨長

荅宗良

小飲即事得迷字

中秋前一日何王二大夫同程文學携酒北園見

訪即事奉酬

饒誕洞續稿

荅袁履善見懷

暮秋偕應時惟烈與兩兒陪王唯吾侍御登川上

樓有感

調二首

海贈別

長老過訪

餉賦此謝之

賦贈

寄沈箕仲提學

黃思素思貞徐應時携壺過訪席間作

為吳國賢明府悼母 為國賢悼二樓

園花漸落有懷張伯常使君時使君在鄂渚

送呂惟烈赴粵西應舉 李憲長伯玉招飲襟江

樓同賦

素訪樊山王昇南園居 漢陽徐使君招飲不赴

詩以謝之

別駕

之二首

停舟陸谿口觀競渡 同敦甫惟烈登嘉魚赤

壁祭風臺

饒誕洞續稿

然有作

故二首

泊舟城陵磯羅中丞國華携具見訪

鄧中丞世忠邀飲黃鶴樓 陳新之梅伯陽張公

觀三孝廉宋戴道郭美秩二文學各携酒散邀

飲金沙洲門人郭仲甫陳伯珍徐伯高在焉醉

而賦此

哭丘謙之二首

弔朱方伯

得祝隨州耳劉書志感

劉州牧文英過飲

謝叔蒙少參携吳求舫黃懋約黃成詔三山人遠來見訪留集草堂分得恩字

酬叔蒙見投之作

李伯玉憲長奔其父中

憲公喪北歸詩以弔之

奉寄元美司馬

奉寄大司空子彬吳公 奉寄大宗伯廷善姜公

朱秉器方伯自黔中遣使見存併示佳稿賦此報

之

寄劉子元中丞

寄許子恒少參

寄汪文化廷評

即事有感再答彥吉

詹事周以方先生輓詩

鄂渚逢李參軍克蒼有贈參軍蓋以比部郎建言

甌甌洞續稿

目錄上

三三

謫也

送何子安別駕赴平涼

徐母彭孺人七十壽詩

登道士山絕頂

王若思使君自武昌擢江西兵憲奉送二詩

奉答郭大參見懷

再答朱秉器二首

校閱秉器詩再贈二首

中秋夜徐應時邀同瞿

伯明熊惟遠對月作

送范玉穎使君再入覲

送黃州李郡丞考績北上

陸司理枉過北園小

飲有作奉和

景德寺訪梓公二首

寄懷朱君玉太常

郭文學命卿過訪有作

賦和

故人鍾子禮過訪留詩

送伯常使君入覲

送隨州牧稅耳劉入覲

寄劉吏部中吾

聞任白甫中選京闈喜

而有寄

送張孝廉孟端應試南官

笥中所藏諸故人詞翰積累四十餘年而蠹蝕散

逸者過半偶從暇日蒐閱尚得數百篇述感通

心陳今詠古卽片楮隻字亦多嫻婉可珍誠不

忍其終漫滅也因詮次成數十卷置之案頭每

一披玩恍若再親其人蓋又不勝今昔之愴矣

爲此詩志之

舒給舍崇孝奉命典

試粵西事竣還朝賦送一律

甌甌洞續稿

目錄上

三四

吳省元敦之將上南宮過我山園言別

吉甫宗辰輓詩

送吳汝震游梁

立春日步過通真觀登獅子山野望作

春日聞新春寇警寄顧子良憲副二首

奉答樊山王聞黃梅寇警見寄之作

劉元善至自太原喜而有贈

卷之十

七言律

以詩代書寄王明輔方伯

寄題王明輔桂子園

西礪觀泉作

哭熊惟登處士

送丘郡丞赴秋浦

金都閩丘郡丞過欽北

園作

寄懷黎君華大叅

宿永壽寺

贈堪輿家李生

聞王岡伯舉進士志喜無寄乃公元美司馬

邵麟武司理請告扶持太夫人還吳賦此送之

饒汝順茂才過訪席間論文作

冠巨源山人過訪因贈二首

再贈汝順

荅劉寬伯見寄時寬伯

歸自秦中

袁比部鳴岐謫佐吾州

未數月量移雲間別駕詩以送之

甌甌洞續稿

目錄上

三五

祖

張伯常以州守入

覲遂擢比部員外郎寄此爲

贈

聞王元美擢南京刑部

尚書有寄

贈門人徐應時教諭天長

中秋夕還自江上舟中獨酌

贈王將軍中夫

秋日得姚太僕載思并

其子太守汝階書卻寄一首

門人姚汝階自滇之路南遣使問遺卻寄

蔡督學伯華以游太和南嶽詩見示賦和二首

蓋予嘗兩登太和而南嶽猶在望也

九日張叔見郡丞携壺過訪北園醉賦

陳懋修憲使枉駕便邀謝公墩宴集

懋修憲使過欽言別

荅陳觀一明府見寄

爲何仁仲賦采芳洲

顧子敬墜馬折足賦二

詩唁之

送大京兆陳玉叔赴金陵

冬日得楊三官伯謙書并有二緘之惠賦謝

汪象先太憲過訪酒間賦贈

華文學惟東枉過小飲醉而成詩

華民部信可奉使過里見訪道故酒間屬贈言益

予少與其父同業而民部又嘗從吾兒游也

夢中得徐應時書寄贈一律醒逸其半因足成之

甌甌洞續稿

目錄上

三六

祖

蕭令譽孝廉過訪同惟烈諸客夜集

兩兒暨三子携具湖上邀同蕭令譽泛舟並以詩

來索和走筆應之

黃思素携酒北園同諸

客醉賦

送徐治中懋誠北上

夜集贈劉孝廉中局

朱文學斯濟過訪因贈

既別令譽憶之因寄

徐州牧尊公九十重封

賦贈

庚寅元日作

閔辟去歲稿因贈宗謙

正月十五夜諸親友見

過同是晚觀燈醉賦

胡載道持銅爵一雙自

蘄水郭外移端松四株自鄂城同日至北園

與予為壽席間乘興有作

燕入李元輝以詩畫見訪席間賦贈

春日寄李本寧大參時駐大梁

荅尹從伊文學燕中見懷 贈形家者徐子源

韓若常使君行部過州枉駕小集

寄荅任孝廉見夢詩 北園錢別華民部信可

還京 山中聞 詔起用大司

冠潘公志喜一首 馬大參枉駕北園

寄懷王汝平 荅李季宣孝廉見寄

張郡丞叔見五十詩 麥候得雨暫喜

龍龕洞續稿 目錄上 三七

伯疑仲良叔衡兄弟並好學工詩文頃以所作下

問而欲執弟子禮非予所敢當也為賦一律謝

之 安小范行人迂道見訪

酒間賦贈 為丁元甫給舍哭母

為萬元獻哭母 寄趙仁甫 有序

荅程巨源見寄二首 寄懷吳茂文

周明府見訪談玄酒間賦贈

喜鄒彥吉督學入楚二首 再慰元獻

寄上寧河王殿下二首 山居秋思八首

邊警六首 陪黃汝礪使君步拜禱

雨即事六首

荅蕭含譽七夕見懷 病中憂旱寄懷郭美命

太史丁元父給舍 送景淳赴綿州太守

宿石門莊二首 過呂相國桂峯莊贈其

子惟烈 止桂峯莊友人羅子相

潘哲甫携酒過訪 贈醫者艾汝秀 有引

閱劉子明方伯詩因贈 九日偕黃汝明徵君暨

其子思素思貞孫以道三孝廉廬同韻上舍登

石門山作 是日同諸客晚過同韻

山莊 思素以道夜過石門莊

龍龕洞續稿 目錄上 三八

留宿 寄張子發工部頃歲士

兒歸自金陵携有工部倡和諸詩因賦一律寄

意 寄懷玉井大廷尉

寄懷張祭酒廷芳 寄大宗伯王紹傳

夢仲美 親友餞兒川上樓子亦

在坐同賦 重陽後二日與思素以

道石門莊對雨遲徐應時不至書懷

雨中還過雙港橋與思素以道沽飲

上藏得石門山風氣頗聚書贈堪輿傳生兼示兩

兒 朝民部奉使臬蘭主餉

適有虜警賦此問之 冬夜酌載道

載道思歸不得酒間作此慰之

方金吾惟光自魚嶽過訪北園

酒間贈惟光金吾 羅汝立茂才過訪

呂惟謨中翰過訪 席間贈呂伯敬茂才

冬日齋中 雪中程汝正吳茂文過

飲 聞瞿伯明泊燕子口收

息鹽舟旬日不得竟冒風雨而歸戲題嘲之

寄李左史先榮 送徐蘄州擢丞吳郡

歲暮送西賓林以蘇還臨川期以明春再至

龍龕同續稿 目錄上

三九

送求林游金陵 聞方寅初歸耕遇旱無

以自給為此詩唁之 李比部克蒼謫楚三年

不調作此慰之 丁元甫給諫杜駕山居

卽席並賦 再贈元甫

玄覽閣爲開美宗侯題 梅泰符東歸賦此勉之

周穀仲使君邀飲留贈 李憲使招飲襟江樓

席間留別李憲使 春日偕程萬里司載文

游顏子山歸飯長慶橋作

送劉子靜北上 送黃國英封君還海寧

雨夜同呂惟烈集吳別駕署中觀牡丹

北園飲美命同賦 清明夜泊龍平寇巨源

見訪同程萬里小飲時雨久江漲

題程氏虎谿書院有序 次湖口何幼隣明府招

同張進卿侍御登石鍾山絕頂作

同張侍御何明府過飲陽港別業

寄趙良弼尚書 同山父登天桂閣

泊中新河東大堤尉陳玉升

金陵遇李元禮樵子馬吳泰機賴元復下詔之志

尹李汝正諸通家邀過靜海寺賞牡丹時士兒

在列同賦宮宇 段水部招飲靈石軒

龍龕洞續稿 目錄上

得

李見虞侍御拉飲靜海寺方丈道故

卷之十一

七言律

登燕子磯絕頂 次真州訪方仲美不值

憩仲美讀書堂留題 次潤州遇伯常比部同

泊喜雨廟飲 舟次白家橋飲白光祿

伯倫燕喜堂題 醉後同伯倫步過定安

橋對月懷古 羅太素孝廉見訪談藝

友人吳叔嘉贈詩 次婁東同弔土元美舟中志感

寄贈嚴道行公子 贈張孟孺

贈程彥之

大京兆沈純甫訪予吳

門酒間道故有感

吳門答何无咎見投

張孟儒招游徐園得渭字

酬王百穀有引

沈純甫京兆以上所賜緋袍改製浣元衣予聞

而奇之因贈

吳門逢俞本之卽事有贈

重過白園同祝介卿孝廉賦

伯倫年丈移舟載酒送予過毘陵四十餘里至奔

牛堰始別志感

郭次父自焦山過京口

見訪賦贈

高德馨使君招飲甘露寺

同茅平仲陳從訓斬國卿登焦山飲水晶庵

龍龕洞續稿

目錄上

望

卷

從訓以詩見投席間賦答一律

閩門發舟馮開之太史適來見訪因送予至寒山

寺餞別賦謝一律

周叔宗曹周翰兩太學

追送予至寒山酒間留別

阻風白沙河吳康虞程康伯携具過訪舟中同美

長叔嘉伯麟暨士兒小飲卽事分得來字

過無錫有懷安小范行人留寄

同士兒憩二泉亭觀汲水者

揚州遇徐明宇侍御招飲留贈

伍民部招飲關署留贈一律

寄上大司空潘公

卞母周孺人五十初度

贈梅子馬

送劉直齋侍御北上

留贈談思重參軍思重故毘陵世家子雅以詩畫

著名頃迫家難避居金陵予偶過訪見元美司

寇百穀山人並有相唁之作友道甚敦因亦留

贈二詩書其卷後

讀車子十廷評詩因贈

御史大夫君玉朱公出郊枉顧招飲僧房留贈

贈張乾甫文學

久別助甫中丞因遇其

弟乾甫寄懷此詩無有元美之感

望江樓避暑

喜俞羨長追予及潤州

龍龕洞續稿

目錄上

望

隆

因同入楚

袁惟鄰憲使招宴富池

驛惟鄰亦楚人

再贈袁惟鄰憲使

在吳中有懷王行甫蓋行甫嘗與予同游今獨往

也

得福寧曾判官書却寄

過無錫有懷鄒彥吉時彥吉督學在楚

初歸喜雨有作

立秋病中作

宗良丈僦得新居頗有幽勝自適寄贈一首

徐懋誠親家自督府參軍新擢南京北部員外志

喜

送刑部員外徐懋誠赴

南都

得李寧國書卻寄

奉答張京兆質卿

墨僧過訪留寓蓮花庵

因贈

七月十五夜汎舟湖上

觀放燈者

讀鄒彥吉犀提齋詩喜

而有贈二首

項叔定自永嘉來訪因

與出郭泛舟爲長夜飲同徐應時賦得天字

士兒應試南都寄此勉之 寄勉寒二孫應試

秋日同徐應時省先大夫墓應時有作愴然和之

偕徐應時泛舟遊蓮花山爲逆風所阻歸飲北園

和應時作

舟夜宿鄭家村同應時

醉賦

秋日卽事口號

甌甌洞續稿

目錄上

四三

意

秋夜携具就徐應時齋中坐談

秋日同李督學民部昆仲宴友直宗侯宅卽事並

賦

中秋同應時飲思素思

貞所對月

賴永生自萬安來見顧

留寓北園贈之二首

錢黃汝文文學北上謁

選

喜賴永生詩進

戴道仲携妾漫游病卧富口旅舍予聞憐之

送郭太守赴涿州

戴生病久以詩相問走

筆記之

送黃博士元父應試南

宮

至前三日對菊

喜陶懋中雙生男子

聞陶懋中使君自黃州

見訪將至作此遲之 輓劉伯奇

錢明府注舟經成寄贈一首

送羅育卿司訓擢諭如臯 介然亭新成卽事

立春後一日戴道仲自富口過訪一宿遽歸賦此

諷之

初春同通侯永年賞玉

蘭花

贈吳洛泉別駕

王胤昌太史輓詩

北園賦贈王紳仙先生

奉答劉憲使自復問道

得趙仁甫潯陽書卻寄

舟中望廬山二首

潯陽再遇李士貞民部

甌甌洞續稿

目錄上

四四

得

招飲賦此酬之

贈李明叔孝廉

初春答友人沈生見問

方叔兼茂才過訪

答劉寬伯見壽

寄馮開之司成

鞋山

重游白鹿洞二首

江行兩過龍平不及訪巨源巨源頗以爲望因賦

一詩慰之

得袁民部文獻書卻寄

蓋文毅入仕十八年始得補民部郎詩有所感

廣陵袁先生故守濱州至今濱人廣陵人並祠祀

之其子文毅民部索贈

華民部信可治饒易

州寄詢二首

答向葵卿予許過訪

卿三年未踐蔡卿詩至意頗鞅鞅且以西域菴

荀及吳中三白酒見餉因有此荅

喜雨東徐懷龍明府二首 卧游室爲朱圖南題

得何興甫江夏書并詩卻寄二首

荅梅伯陽孝廉見寄 川上樓訪巨源同賦

夏夜邀呂惟烈與寇巨源湖上泛舟

得門人曹咸寧書卻寄 門人馬文卿登第後書

至喜而有寄

有聞寄慰陳玉叔大理 寄慰汪司馬伯玉二首

夏日劉山人公與過訪 醉別子龍夜歸江上憶

龍龕洞續稿 目錄上

之

寄懷汪仲嘉兼訂過訪

之約

來雲閣爲馬義徵題

程巨源自新安來見訪適予有東吳之游不值留

題北園燭然盃卷暨予歸而讀之悵悵不能爲

情寄謝二首

萬汝瞻七十

贈徐應制

將發金陵留寄詹東園

吏部

段郡博汝齡輓詩

聞故人葉化父起官來牧吾州先寄二首

夏日送潘中翰回籍還京 伏日苦熱甚口號

聞孟給舍直疏前 建儲繼譴見放詩以唁之

義父還過下雒奉慰一首 病中感懷寄王行父

江上遇徐行父憲長作 聞胡民部新誕子尋擢

按察副使入蜀喜而贈之一律

九月八日携具富川門旅舍再送義徵

黃思素昆仲九日邀客登萬松山予病不赴作此

寄情

呂氏外甥試周喜而有作

送徐幼鯤文學赴京補官 得賴承卿大叅書有

感却寄

送賴茂永歸安成

江上荅張子龍使君見招 得陳儀部立父書併

詩賦謝

題立父白石齋

龍龕洞續稿 目錄上

癸巳元日即事有感

初春三日 晏安過欽

茂文以予七十初度二千里遠來爲我感之

人日周光祿良玉見過小集

元吉君霖昆仲自豫章遣使將詩壽予七十初度

且訂過訪之盟奉荅一首

張進卿侍御自潯陽遣使持贈言壽予七十詩以

報之

芸香館題贈以高以端

昆仲

黃思素贈言主雅心竊

喜之因約過齋中呼酒共賞

升甫先生暨其子作凝仲良叔衛三昆玉並賦七

十壽詩兼餽新釀仙酒見賀作此謝之

壽用吻六十時予已七十矣

答費國聘

丁元甫俞美長去冬枉

弔亡恭人今春重來壽予七十志感一首

答天長黎明府君實

送盧同韶文學赴京謁

選

有感寄田將軍子壽

徐幼鯤補諭河間寄贈一首

贈丁兵憲

方子狎茂才過訪因贈

贈葛更生茂才

贈劉無狀茂才

郭仰甫見過酒間作

饒龍洞續稿

目錄上

望

勝

卷之十二

七言排律

永謨劉公以少司馬總戎兩廣喜而有寄

為項郡丞題鶴洞圖

為寇巨源山人題二餘

齋有引

大方伯徐汝明七十壽詩

過蘄州遇顧子良六十初度賦此壽之

郭使君子得輓詩

丘謙之游武夷廬岳還

過北園為予談兩山之勝且盡出紀游諸詩示

予因憶三十年前嘗有此游證以今所觀聞儼

然兩山復在月也感賦長律用贈謙之

為邵麟武司理哭母詩

五言絕句

夜泊下陽潭同程伯明熊惟遠賦二首

題孟孺畫梅

登均州滄浪亭二首

題張君實家絳華樓

過杜康臺寄王孝廉吉

兩

題漆信斯書樓

題黃子登書室

子登留飲即事

夢中題大士居

問助甫中丞奉詔復

起志喜四首

詠齋中盆石四首

題孔炎王孫辛夷花圖冊

百結香

饒龍洞續稿

目錄二

望八

祖

瑞香花

羅漢松

仙掌竹

萬年松

杜鵑花

鴛鴦菊

繡竹花

石竹花

金鳳花

金錢花

水仙花

甘州杞

辛夷花

葡萄

落葡花

菖蒲花

鳳尾竹

題瀟湘八景八首

送梅僧東還

旅泊潯陽雜詩十首

過蓮華庵訪中上人三首 七夕二首

七言絕句

真賦和尚重營佛祇庵 舟出富口將赴行市柯

山園之約適楊伯海自金陵來見訪遂不果行

遙寄二絕

張叔見使君携具北園

玩牡丹醉賦二首

贈醫士劉秉乾二首

五月五日仲美過飲二首

輓友人柯慶之四首

富口舟還即事四首

為徐茂才伯獻壽其母

孺人五十詩二首

除夕程孟孺移寓北園

二首

二日載酒北園飲孟孺

甌甌洞續稿

目錄上

單九

初春同孟孺郊游即事

留俞美長

暑夜東羨長

題王侍御石沙草堂二首

解佩亭詩四首

竟陵道中二首

簡周象賢二首 有引

贈楊伯武二首

贈林時茂太醫二首

送朱子得出富口二首

初春擬出江送則勸仲

美會風雨不果再寄二絕句

劉寬伯文學自廣濟來為其姊孺人乞表墓辭

甚哀感賦二絕句贈之

雨中賞牡丹二首

雨中賞海棠二首

雨中寄王行市四首

青山

白虎鎮

雙柳夾

團風鎮

三江口

樊口

閱叔蒙諸詩喜而有贈四絕句

吳汝震過訪酒間賦二絕

再送莫崇謨二首

詠齋前小山四首

過六墩視則勸歸櫂再

哭二首

除夜送酒與寅初二絕

聽范生彈琴

送游宗謙再游東吳二

首

贈吳子愚山人二首

再送子愚還新安

冬日再過雙港橋即事

甌甌洞續稿

目錄上

五

雪中招黃思素不至明日以詩見存和之二絕句

南康門人黃行甫過訪席間道故二首

北園錢別黃行甫梅泰符醉成二絕

東行哭王元美二十首

小孤山二首

采石

青山

泊梁山

烈山

瓜步

方山

橫山

張進卿侍御宅夜宴贈

歌姬十二首

至婁東再哭敬美四首

婁江晚泊與叔嘉同賦二首

舟過婁江憶與元美醉別處有感二首

贈庵僧性果

醉後步過應時宅索酒

再飲

詠斑竹詩簡東應時二首

晚菊

同應時思素過銀山廢

寺郭懋德携酒相勞卽事五首

送醫士蔡汝洽還臨川 雪中訊通侯永年

答通侯永年留別

直甫宗侯新得山東驪

酒法酒熟先送一樽飲予賦二詩謝之

送金幼龍還海陽

孫兆孺山人輓歌四首

寄庾珍之徵君二首

送邵子俊還鄂渚二首

甌甌洞續稿

目錄上

五十一

北園逢使寄懷張羽王二首

中秋夜見月自傷二首 贈徐維志山人三首

鄒惟誠重來見問便往白下訪故人 聊賦二絕句

贈之

贈李子和四首

元日送酒與劉生二首 送謝先之赴南雍二首

甌甌洞續稿詩部目錄上終

甌甌洞續稿文部目錄下

卷之一

碑文六首

平建越碑

張侯迎恩亭碑

大中丞世忠邵公生祠碑

韓公攝政碑

明相國呂文簡公祠堂碑

明吏部考功員外郎敬甫穆公神道碑

卷之二

墓誌銘七首

明節孝張母馮孺人墓誌銘

甌甌洞續稿

目錄下

明詹母吳孺人墓誌銘 明畢節婦吳氏墓誌銘

明勅封太孺人謝母鄭氏墓誌銘

吳室兩孺人合葬墓誌銘 徐母姜孺人墓誌銘

誥封一品夫人方母余氏墓誌銘

卷之三

墓誌銘五首

明故惠安大尹子承蕭公墓誌銘

明故儒林郎開州同知子陟卞君墓誌銘

明故熊處士惟登墓誌銘

明懷遠縣儒學訓導則勸莊君墓誌銘

明奉政大夫江西贛州府同知抑之邵公墓誌銘

墓表三首

明文林郎江西浮梁縣知縣玄初龔公墓表

勅贈文林郎襄陽府推官子東劉公墓表

勅贈太孺人劉母甘氏墓表

卷之四

序文十二首

蒼雪公詩禪序

劉武選遺稿序

賀郡大夫張公考績序

劉子成先生集序

賀黃州太守范公入覲序

甌甌洞續稿

目錄下

二

詩經

送黃岡趙明府入覲序

觀序

海天小隱圖序

督學王公類稿序

遠遊編序

題朱圖南豫章社草

榮哀錄序

賀黃州曾司理考績受

封序

卷之五

序文十一首

誥封劉恭人七十壽序

俞山人紀游詩序

王侍御疏草序

北使稿序

賀通山張大尹重膺獎薦序

雙星館集序

節樂會錄序

賀郡使君若思王公獻績序

王母吳太孺人六十壽序

王屋山人墓序

勅封安人祝母七十壽序

卷之六

序文十首

賀郡守伯常張公報最受

錫典序

大隱堂倡和詩小序

朱秉器方伯詩集序

賀興國大夫伯常張君奏績膺

錫恩序

吹劍集序

誥封太恭人劉母八十壽序

甌甌洞續稿

目錄下

三

李母張太恭人七十壽序

奉賀迪功郎孚可仁兄七十壽序

奉送鄧郡伯幼文王公入

覲序

徵君程汝正六十詩冊序

卷之七

序文十一首

邵伯如先生制義序

賀隨州祝使君被薦序

王行甫集序

姬氏從水錄序

王泰常集序

觀一軒集序

方山人詩序

奉祝郡大夫張公五十壽序

程氏考旋錄序 大隱山人稿序

多雲館稿序

卷之八

序文九首

賀大冶郭令君考績 加恩序

大隱樓集序 龍章錄序

雙鳳編序 黃先生易經崇雅稿序

賀武昌太守若韋韓公考績 加恩序

林毋徐孺人八十壽序

甌甌洞續稿 目錄下 四

奉賀武昌太守若韋韓公入 觀序

奉送州大夫汝璠黃公入 觀序

卷之九

序文九首

劉伯子義草序 魏澈江近體詩序

韓氏哀感錄序 送別郡大夫叔見張公序

陶長公寓黃集序 居夷漫草序

愛日編序 興賢錄序

冠山人詩序

傳一首

左司馬熊公傳

卷之十

傳七首

涪陵處士張公傳 王孺人傳

勅封劉孺人傳 新野王妃邢氏傳

中憲大夫劉公傳 韓公傳

張毋龍孺人傳

記三首 丹山別業記

煙光樓記 遊白雀洞記

卷之十一

甌甌洞續稿 目錄下 五

記七首

脩然亭記 藻塘記

嘉定張氏積善堂記 愛日堂記

郡司理邵公恢復官牆紀事

田公堤記 朱方伯公祠堂記

行狀一首

誥贈奉直大夫橋南胡公暨配周宜人行狀

哀辭一首

張宜人哀辭 有序

卷之十二

祭文六首

祭戶部主事石惟美文

祭趙汝修文

祭莊司訓則勸文

祭葉別駕文

祭州守葉公文

誥封李母黃恭人祭文

雜文四首

香雪齋詩引

士兒齋前吉祥草生花解

異夢紀

彩簾贊

疏引九首

重修永福寺疏引

重建蓬萊宮疏引

西資啓信二卷小引

為智師題法華經會引

甌甌洞續稿

目錄下

六

方

題恭師金竹坪疏

富川門初建二橋疏引

重修甘公祠疏

題光碧和尚請師講經會疏

題太和山除道疏引

卷之十三

疏引四首

題南嶽僧募請藏經緣疏

為唐侯建生祠疏引

重建通真觀蓬萊宮成奏功疏意

重修銀山寺緣疏

讀十四首

仲和宗侯像讚

如澄和尚小像讚

題少宗伯子禮朱先生像讚

程處士汝正像讚

梅僧像讚

李季宜小像讚

陸無從先生小像讚

按察何月梧公像讚

程處士希準遺像讚

自讚小像

徐明府公綰像讚

徐幼鯤小像讚

呂惟烈小像讚

冠巨源山人小像讚

銘六首

太極研銘

荷研銘

甌甌洞續稿

目錄下

七

瓦研銘

八角研銘

筆筒銘

斑竹詩筒銘

跋九首

跋何仁仲二園記

跋車牛圖

跋李文正公辭翰卷

宋人伐木圖跋

跋子昂馬卷

跋張幼于座右銘

跋張幼于諸銘箴

江妃賦跋

饒孟縣手蹟跋

書三十一首

報同年書

復許相國書

報郭美命吉士書

復張羽王書

復邢子愿少參書

再奉許相公書

奉大司馬張省甫書

報湯海嶽書

報少宗伯忠銘王公書

與郭美命太史書

與任白甫書

報張郡丞書

答蔡督學書

報趙太守書

報劉允陽司成書

報魏敬吾司冠書

報馮元馭驛傳書

答陳明府書

復唐君平書

報李本寧大參書

復樊山王書

報舒給諫書

龍龕洞續稿

目錄下

八

太

報徐行父憲憲書

報張逢源工部書

與趙仁父書

答蕭舍譽孝廉書

報呂惟烈書

報張叔見郡丞書

報孫玄亮書

報徐南孺廉憲書

報方金湖大司馬書

卷之十四

書五十六首

奉少司冠丘公書

報蕭翰林書

與趙稽勳書

答徐楚誠書

復鄒彥吉書

報大司馬張省父書

報王元美司冠書

報黃鳴皇憲副

報何仁仲書

報錢司理書

報向葵卿侍御書

復朱子得使君

與子得論詩

報鄒彥吉督學

報王開封

答顧子敬

報王敬美督學書

報大宗伯徐明叔書

寄魏舜卿太僕書

答雲仙宗族

報丁元甫書

與朱上舍書

報沈孝甫太僕書

與王行父書

報王元美書

與用晦宗族書

龍龕洞續稿

目錄下

九

太

與王行父書

報蔣嘉魚書

與門人黃廷評書

與門人孫武昌書

寄大司馬兆行方公書

與大司冠時良潘公書

報徐行父大參書

與周伯從公子書

復浦君融秀才書

與楊惟明使君書

報大司空石東泉書

報蔡見麓書

報朱明虹書

報大司冠李漸遠書

答子厚宗憲書

與姬生書

報王行甫書

報李本寧書

報大司馬吳公書

答蘇僉憲書

報大司馬子薦王公書

報元美司寇書

報許相公書

答楊文植方伯書

報安小范

答張公觀孝廉書

報吳國寶書

復吳國賢明府書

卷之十五

書五十八首

報王大參書

與門人沈侍御書

與門人任白甫書

報李本寧書

報王元美司寇

答貞吉宗侯書

答程巨源秀才書

報大司馬兆行方公書

龍輓洞續稿

目錄下

十

解

報王元美書

答俞美長

報周伯從秀才書

答鄒彥吉督學書

與黎惟仁文學書

答徐荊州書

報蔡大參書

報歐趙伯書

與門人沈侍御書

與華樞源書

報陳方伯書

復君霖宗侯書

報李心湖書

報章衡陽書

報萬貫南國史書

報陳觀瀾廣文書

答程巨源書

答錢洞衡書

復周良玉光祿書

答行父書

報王百穀書

答丘長孺書

寄張助甫中丞書

復鄒彥吉督學書

報任太守書

報張羽王書

報侯國儲將軍書

寄傅侍御伯俊書

與王督學書

復劉子明方伯書

報丁元父書

答李獻齋書

報陶蘭亭書

報汪伯玉司馬

報李對泉大司寇書

報黃奇南郡守書

報黃元父書

復馮繼山太守書

復顧德蒙茂才書

答寇巨源書

龍輓洞續稿

目錄下

士

勝

與宋康侯文學

復胡對薇書

答孫震南公祖書

報王損之

復張念華書

報鄧潛谷書

答賴大參書

報李本寧書

答王喬峯書

報穆考功公子書

啓三首

賀巡撫僉都御史邵公召回都察院啟

賀韓使君五十啓

謝吳茂文啓

龍輓洞續稿文部目錄下

阮洞續稿詩部卷之一

武昌 吳國倫 著

橋李 馮夢禎 校

樂府 五首

咄咄吟五首

有金休買合歡瓜有地寧種無情草但得無情兩不疑勝他歡極翻成惱

其二

昨日高堂展歡宴今日玄黃色已變少年心口毒於虺含沙射人人不見

阮洞續稿

其三

何物可使錢刀買世情翻覆殊堪駭自恨年來誤信人金石易磷膠漆解

其四

秦宮假父魏假子至今遺臭汚青史莫道陰謀鬼不知泉下有人心未死

其五

道旁荆棘刺人多陸地胡然生白波不信酈生能賣友眼中無奈酈生何

四言古詩 一十三首

述夢中作四首有序

六月晦夕夢張使君為里人劉生借四物於予曰風雲雷雨予慨然許之因各書四言詩一章其後書既又自更定數字吟咏數過而後覺遂得強記錄出俟後徵云 是歲郡生舉省試者四人而劉生列名最前

風

大虛噫氣衆竊成聲石鸞起舞銅鳥載鳴

雲

曄若凝脂謁其膚含吞吐三光推移四嶽

阮洞續稿

雷

風車轟轟天鼓彭彭辟生甲拆百里震驚

雨

星有好雨月離于畢既膏我畦復潤我室

題閔子哀親冊

大鄣陰陰豐流瀾瀾有懷二人陟岵陟屺奄棄諸孤歲逝如駛冢梓既材泉扃孰啓修靈焉依恭嘗弗旨綿綿永思孝哉閔子

士兒赴南雍賦四詩送之

江漢湯湯蕪葭蒼蒼一葦云遙影何涼涼坐勿垂堂

遊必有方誠言在耳行矣無忘

其二

子行何依眷眷庭闈憂長景短涕不勝揮母爲斷機
婦爲授衣棄繻以出乘傳而歸

其三

煌煌辟雍我故宮濟濟多士如醵如鄩多士攸同
相厥可崇匪師則友敬乃有終

其四

肅爾巾履趨將興市聽講橋門觀光伊始育即其旅
僮僕是倚陶君有言此亦人子

甌甌洞續稿

三

示工兒八首

爾父多愆嗜酒好離爾其戒之毋荒毋虐

其二

爾父多癖苦吟過思爾其寒之寧拙寧遲

其三

爾父多言能無失口爾其慎之毋自貽咎

其四

爾父多憂匪貧匪賤爾其思之毋喪厥善

其五

爾父所恃五屬一本爾其體之百行無損

其六

爾父所急餓人寒儒爾其廣之勿謂予迂

其十

爾父所珍信義名於爾其式之毋爲俗染

其八

爾父所耻因人成事爾其信之益勵初志

五言古

次黃州江上行甫載酒見訪

和風振春服品物回青陽
偃仰懷我友泛泛凌汪洋
黃緣日垂暝維舟蘋芳津
門一以邁躑躅同寒裳

甌甌洞續稿

卷之一

四

聽子陽春曲飲子瓊露
將夜永不知倦攜手窺天閭
耿子平生心皓首毋相忘

張羽王爲我作北園賦成志感

棄置恬無營迺巡學爲圃種樹時嘉蔬足不踰環堵
曠與一世遠抱書游太古偶逢故所親移官適我土
枉駕展殷勤幽衷細宣吐
興至揮柔翰連篇何覲纓
英英漱芳潤纒纒錯文組
餘樂恣游鱗高風振翔羽
飛藻被林樾流光亘庭廡
殊才挺宏構一班揚渠
遂令木石居燦比珠玉
府盛君執高義不惜心匠苦
春日借諸兄等子姪湖上踏青小飲

出郭春事殷郊墟蕩晴旭散步偕所親連翩振初服
雜花成錦茵豐草如雲綠藉草坐花間行杯遞相屬
頗無禮法攻彌覺恩義篤浮雲過我前視之不盈掬
漁唱隔溪唱炊煙起林麓悠哉風舞雪匪也泛河曲

撫松臺

長松挺層阜鬱鬱將千尋登臺撫其幹悠然宅青林
微風自南來謾謾弦鳴琴石室吐纖霧白日彌陰森
飛睇徹穹昊冥然測高深盤桓以終老安用餐黃金

青桂亭

夙志在丘壑遺榮以逍遙恥從澤畔吟遂就淮南招

甌甌洞續稿

卷之一

五

結亭面叢桂青青小山腰一水鑑明月千花隱飛橋
涼風八九月遠院芳香飄歲寒不改柯衆卉忽以凋

甌甌洞

北海有壺嶼其狀如甌甌神漢踰醪醴土氣和且夷
居人無衰老過者忘歸期我欲適此國引望迷所之
誰從萬里外候爾爲我移死置水中央屹若海市奇
盤礴不盈畝群峰凜參差由來地可縮鞭石奚以爲
策杖躋飛梁行行懼復疑綠燈旣詰屈穿帷忽低垂
下有三石室空冥儼天闕因之展雲卧遂興茲穴宜
渴飲清露漿飢餌丹霞芝習靜觀元化於世日以遺

綠雲塢

綠竹長如雲娘娟我池畔雖無千畝封競擢九疑幹
霜穉委瀾漪煙梢入霄漢紅泉漱其根白石互璀璨
濃蔭交廣除餘清景畫案安得裕阮流與之恣泮渙

香雪林

玄枵謝冬今初日雪麗老樹忽作花林梢澹如沐
晶晶三白委寒輝傷人目豈冀荒苑裏釀此增城馥
石沼涵清虛茅堂映水玉况乃先群芳陽春啓幽谷
落盡浮瓊危遽還實心足

石鮮亭

甌甌洞續稿

卷之二

六

一石支我亭千松覆其頂灑簾蒼雪深拂牖翠雲冥
苔蘚上幽砌侵予煮茶鼎白日杳未窺坐久衣裳冷
呼醪起自觴待月成醅酌無妨世外人老此清涼境

佚我堂

城居意不適出郭開山堂門俯滄浪湖軒臨獅子岡
紫桂爲我棟文楠爲我梁蘭荷元四壁辟爲周垣墻
奚取佚我名逍遙自家庄因之息塵想掩關恣相羊
既謝纓冕束遠迹真羅張端居偕木石委順偕陰陽
鄭汝志少參携其弟汝守載酒送予至排市同
宿舟中既別憶之得二十韻志感

汗漫遊名山誰其西道主谷口鄭子真招邀入松塢
高館陳樽罍中厨潔脩脯歡來鮮停觴狂至突起舞
累日酣未休微衷互宣吐沈湎不自勝倉皇走河許
呼舟暮言旋幸遊滄浪父何當愛客深夢壺出前浦
石瀨響磷磷應彼空山雨秉燭發餘興中流徹簫鼓
白眼向世人揚眉權今古虛聲誤麒麟群口妬鸚鵡
所以鹿門耕終焉遠城府同病君相憐非徒薄絰組
繫纜依水村願與漁樵伍勸酬益以殷寧知夜垂午
枕藉達曉中夢寐在玄圃凌晨鷄首分咫尺爲異土
亭亭溪上雲翻翻雲間羽相望忽以迷恍焉激心腑

甌甌洞續稿

卷之一

七

贈傳神者黃生燕寄友人朱貞吉

客從南州來遺我故人劄紙筆坐我旁欲售長康法
顧茲丘壑癯力不振三乏汝手雖工妙安能起衰頹
殷高夢已遠誰其肖嶮鍾子孟魁麟圖虛名浪相壓
四大非我有百年在眉睫何當冒丹青留爲兒女狎
神龍蟄九陰韶光交鐫甲寄謝我故人有酒但歡洽

春日寄懷向葵卿二首

青陽啓今節二曜潛推移韶景回東郊百草趨葳蕤
惜哉龍鍾骨壯盛無重期端居忽不憚野望令心悲
遊鱗躍通波黃鳥鳴高枝感此春事和悅焉懷所私

人邇室不遐延許何綏綏願言追風歡佳賞勿踰時

其二

向平悟損益處賤貴不如婚嫁有餘畧五嶽皆其廬
子非達者齋與世何遽遽昔爲住下史英聲振天衢
一掛神武冠悠哉抱清虛偕和一以諧金石矢不渝
何哉續紛子工言玷璠璣與於志但有適得喪非所虞
勉當奮寥廓翱翔與子俱

石屋

舍車造雲關關險不容足望望天路遙巖間石如屋
努力窮攀躋隆隆華蓋簇攬衣息其中撫景縱遐矚

甌甌洞續稿

卷之一

八

磻壑排烟霏衆壑窺焉伏懸泉滴爲乳瓢飲志所欲
何哉鹿豕群乃託神仙躅

息亭

結茅蔭幽篁垂蘿繫雲日隔水排雲峰時有烟嵐出
覽茲倦行遊微吟抱吾鄰庶幾避世人可以葆天質

匏居

選地不盈掌對我蔬竹餘經營鮮長力敢厭蓬蒿居
虛囂納飛蟻幽盤憑清泉會心無遠邇八表皆吾廬

自然菴

木香故凡卉素華綴瓏璫柯葉相纏綿清陰結不散

拍梢架飛薨垂條張翠幔息影巢其中無勞美輪窻

浣芳池

盤沼瀦山泉連漪漾庭蕪曲若半規月光若五紋組
童子種朱魚鰭鱗奮相鼓石梁偃其上芳樹匝其蔚
臨流景益妍宜霽亦宜雨豈獨暢行遊泠泠鑒心腑

九曲磻

小磻紫樹間水行何滲漉疏鑿難爲工雲膚石爲骨
豈伊一綫流可比黃河曲屣履躡平橋澄心聽鳴瀑
客至欣浮觴跳踴窮隳旭因知習氏池不逮子真谷
從家兄散步園亭示兩兒

甌甌洞續稿

卷之一

九

幽居擅一壑衆卉紛含姿時情日以澹真性日以怡
暮齒從我兄步武相追隨行行水石間况乃偕吾兒
大兒供几杖小兒供盤匱花前通爲壽愉悅安可支
感此惜流景常恐隙駟馳貧賤豈足恤所願惇天彝
展親企前修餘慶良若斯恩義結不解須臾當萬期

與行甫談藝三首

寶甕呈帝瑞金簡開王符荆昭霸萍實倚相師墳丘
邈哉鬻熊子屈宋儻其徒歌辨有餘哀鬱鬱千古圖
修文故楚產三薰良不孤亘池瀉江漢中天峙衡巫
子其策上駟奮與先民驅高舉浮世外矯步升桃都

俯觀海日出乃在雞鳴初勿以述者苦而謂作者徂

其二

韶景不我駐江河滋渺瀰抗志還大雅夙昔與子期
流觀古遺編巧拙常相師拙爲巧者質巧爲拙者姿
澄心會冥理應手稱神奇照蟬但明火承蜩若附枝
千金享一牘斐然文在茲

其三

天行自有會文物盛以時虞帝膺玉環鳳凰乃來儀
姬公負袞袞白雉貢西陲今茲邁熙運四靈集如期
王子通六藝吐氣凌雲馳瑤瑤世所珍待賈何遲遲

甌甌洞續稿

卷之二

十

初夏園居懷行甫

清潯林葉齊豐豐禽鳴氣候清以和嘉卉揚芬英
逍遙水石間無復世網嬰俄然感離索眷眷懷友生
佳會難可常悠悠隔江汀閉戶絃清曲三歎誰爲聽
欲往無輕舟延佇浮雲停何當惠前綏與之濯清泠

俞羨長卜居陽羨題贈二詩

吳都盛賢豪頽俗趨綺靡翩翩游冶郎波蕩日未已
之子獨沈冥蚤悟太玄理幡然厭紛囂偃仰思遐徙
負金挈妻孥去之陽羨里問子何所欲辟地有深旨

風氣朴且夷况乃佳山水買山結吾廬臨流洗吾耳
離索故所安清曲但自理何異楚庚桑塊焉居畏壘

其二

言游適江左遂爲江左師龐德從鹿門遂爲鹿門者
地每待人踴人固不易知豈必戀故土區區暱其私
念于乘孤尚行止從所怡不假詹尹卜飄然荆水湄
塵溘日以遠去故新亦宜種茶亦種秫聊爲八口資
銅官與玉女日夕相追隨著書泉石間俟命其奚疑

食新作

老作田家翁辛歲難可料零雨膏夏疇訢然起荷篠

甌甌洞續稿

卷之一

士

新穀漸可升舉室皆色笑持以報先農熟之薦家廟
羹炙炙伏雛偕我老與少匪黍馨欲浮如珠燦相照
雖無鼎食腴饑色已堪瘡加飡及良辰鼓腹罔清嘯
盱希比屋登敢覲不租詔

烏沙江阻風

西風鼓奔湍東駛一何急艤哉挽舟人帆櫓忽如繫
豈不思奮飛騎坐徒悒悒况乃東南天五月苦蒸濕
逝之深淵間聊以縱呼吸無眠奈爾何夜蟲紛熠熠

重登太和絕頂

向平悟損益五嶽願乃酬虛放志遐舉逍遙陟崑丘

我生髮漸短胡爲老苑裴矯茲太和峯邇在江漢
紫氣排天閭名晃俯神州宮闕萬餘仞靈光闕六幽
豈愛千里勞負此方外遊重携九節杖直造仙人樓
四顧何蕩蕩烟霏倏焉收焚蘭降元君雲輦爲我留
授我無上祕將與元化侔良當絕世緣從之遍十洲

太和峰示兒無傷

玄嶽參高天盤薄千餘里真氣結萬靈群峰羅其趾
携兒遠攀躋天路何迢遞縣梯造無極層崖迫相抵
文石詭難名琪樹森旖旎空煙盪吾胸泉籟洗吾耳
振鳥凌其顛規中不盈咫燁燁黃金宮赫赫虛皇止

甌甌洞續稿

卷之一

士

因之覽八荒八荒一何邇閼茲世間人營營日未已
惟有霞外士高視傲元始登泰小天下其致亦爾爾

西園六詠

南引

不佞國倫再遊玄嶽過襄襄王招宴于西園
中和堂已又移席過所謂懋德齋合光亭木
石居收春臺萬花塢凡六處地不甚廣而景
多幽奇王因授簡使國倫各詠一詩遂援筆
應教得六首云

中和堂

天地猶橐籥大道漸中和王維初性俛仰無偏頗

考古修三雍平情登雅歌乃築延賢宮飛軒轡
蘭堂室以葑綺疏盼巖柯輦路平如底翠憶時來過
錦席賓群彥有酒旨且多卑禮乞昌言歡心受切磋
明德日以昭譽命齊山河 皇仁覃惇睦手詔重褒
嘉通親願已諧爲善樂如何

懋德齋

皇胤自天啓睿質渾璠璵分茅建赤社維屏翊黃輿
內美不自賢養盛心逾虛異玩非所珍弋獵豈其娛
弗試吳都劍弗寶梁乘珠禔躬本仁孝折節親文儒
惜此分寸銘心藉盤盂厥德以時敘儼此神聖居
甌甌洞續稿 卷之一 十三
流風被江漢庶幾二南餘

含光亭

山以韞玉輝澤以藏珠媚無華美在中止人文貴
若虛復若愚猶龍豈無意所貴含精光符此名亭義
登亭肇衆芳環堵結蒼翠朱英榮以繁水石贊幽邃
朝嗽麗陽遙夕陽朗曜大會心寧在遠幻形此堪寄
優游保天真諸福當可致

木石居

昔者有虞氏玄德方在躬託迹野人居偶與木石同
主君悟斯旨秉節彌謙恭茅土豈不尊所思在聖躬

靜觀萬古始退管半畝宮礪柯成層丘天喬鬱蒼葱
五嶽良可移巨靈若爲工境寂神易安澹然霞外蹤
掩彼大小山陋此雌雄風獨往日成趣八極咸吾容
聞善沛江河豈必諮崆峒

牧春臺

條風應青陽韶景日駘蕩衆卉紛向榮時禽競流響
小苑叢幽芳松關絕塵軌中有帝子臺迴出煙霄上
朱華擁丹蹕飛觀一何敞登臨協泰和夷猶寓心賞
三峴適可招漢水迴沅澧春歸方寸間天宇同高廣
詞臣賦雲夢待子進犧象匪以恣般遊因之觸遐想

甌甌洞續稿

卷之一

十四

浮雲西北馳縹緲見仙掌

萬花塢

蘭坂誇魏賓竹園走梁客玩物鬯情素匪也矜色澤
宛洛美場師移花藝王宅王心澹無營意與花俱適
繁榮覆瓊欄飛英點文石林浮五色雲亭下九苞翮
曉慢沾露華宵筵散月魄儼入芙蓉城天香在兩腋
倚醉酹花神百慮悠然釋

寄荅程巨源茂才

有引

巨源故辰州公汝揚子也汝揚舉進士時與
予處京師厚善後各懷謀仕外曠不相聞者

三十餘年而汝揚下世久矣每一追憶輒南
向而悲頃得巨源問書及見贈二詩與所爲
白雉賦讀之雅有兼才駿駿作者因倚牘而
嗟曰茲吾先友貽穀哉汝揚庶幾不死矣因
荅一詩用寄私愴

昔予客京華投分汝揚甫接席良所欣櫻龜悵殊土
岐路一以乖音塵渺焉阻相望豈不殷其人已爲古
耿耿山陽悲無因瀝胸臆幸哉有佳兒蚤歲稱繡虎
翺翔述作林偃仰圖書府短札脩世交申章爛璣組
函來白雉篇誰其修鸚鵡知挾千古心累累向余吐

甌甌洞續稿

卷之一

十五

宛執牀下儀寧與伯孫伍聊以忘吾年登壇藉君輔

飲李中丞幕府道故二首

驅車黎子關夷履元戎府元戎欣我來別館置樽俎
童子趨執象伶人迭撾鼓三爵未及終避席陳醜縷
會短別苦長談深夜垂午刀斗寂無聞旌門月華吐
促膝追舊歡眷眷剖心臍况乃欽名言須臾邈千古
被我平生疑不知踵且舞

其二

地子竄炎海群醜紛翬毛豈不殫餘力四境殊繹騷
天子從天來萬室瞻前茅言從百夫長道左行負囊

下車執手手數語成親交矢茲共濟心厲士士益豪
無假赤白囊非按龍虎節一舉澄妖氛所至喧歌鋟
功成不自德駕言守臣勞年深事已往感子猶鬱陶
再贈中丞二首

南山有豫章挺節何嶽嶽清蔭交廣衢膚澤儼丹渥
巨幹專明堂傍枝亦棟楠帝居壯且完寧辭斧斤剝
赫赫李中丞淵淵起家學二甫非其儔天民此先覺
著書闡微言頗欲返淳朴經營周四方相將造帷幄

其二

我思古先民一出爲世輔大業垂至今鑠哉文且武

甌甌洞續稿

卷之一

十六

所以弔伐師望之若時雨詩書豈陳言敬義凜遺燄
自子遭中朝巍然稱底柱衆言不足淆萬敵恥爲伍
所志操聖脩一德遇 冲主爰宣股肱力天威鬯蠻
部南溟靖不波六詔迄寧宇當宁嘉遠猷廼授元戎
斧據險扼三秦坐制梁與楚諸夷欵交臂折衝但樽
俎豈其鐘鼎勲猶復遜前古伯氏商元聖叔氏周尚
父

泊蘄州顧子承子良偕董友仲携具見訪

三秋跂子望一水渺各天茲晨起行遊言采江之荃
是我故所親皓首彌相憐執手欣良晤中意款復宣

焚蘭酌美酒世味業已捐興至樂且歌匪也志流連
願以太古心與子相周旋

顧靖甫携其門人程仲孺過訪與飲北園同賦
江雨浩冥冥一葦長風送繫我滄浪濱叩我甌甌洞
况乃故所知居然來二仲村醪適可呼盤蔬亦可共
臨汎從攸適嘉卉一何衆林亭款鬱紆雲石擬飛動
飲興豪相持歡悰逸難控平湖月千頃散步恣吟弄

秋日携具訪趙汝脩山莊同賦

白露下楓林金飈何獵獵殘暑未盡除山行汗猶浹
緬行故所私那能憚遙涉烹魚配濁醪携之但相饒

甌甌洞續稿

卷之一

七

停筇叩烟扉躡履欣容接莞爾呼蒼頭旋掃中庭葉
鹿豕穿頰垣苔蘚上書篋列籍深樹間頗與幽悰愜
緩酌聆清言爽氣生眉睫飄然涼雨來煩襟淨如浥
半酣輟呼盧興發不可攝抵掌陳古今雅調晚逾協
良當各自珍勉竟千秋業

吉祥草生花示兩兒詩

九月霜露寒群卉已黃落簪前吉祥草吐花何灼灼
嘉名故殊常華姿令人愕言從西國來品入神農藥
豈其攘天工霞彩幻相錯斗室絢奇觀淑景儼回薄
客言瑞有徵兒意聊有託一物具靈根叢英挺如拓

子其竭汝才高步勿中卻遇合良有時寧能老丘壑
贈傳神者涂文衡 以下戊子歲

異哉洪都生手持百像譜兩目炯懸珠揮毫如運斧
抗異圖公侯餘力貌商賈拂練有生氣妙致在阿堵
頗來墨人稱不惜心匠苦寫我煙霞姿居然遊太古
角巾高切雲索帶華於組雅有寥廓思微衷不盡吐
機息身漸輕相將適玄圃長當鹿豕群豈必麒麟伍
五嶽潛真形四大爲其輔何如心相空閭閻宅靈府
三月三日同惟烈家宴詩

姑洗應時和勾芒吐華豔玄鳥鳴相求歆茲友于念

甌甌洞續稿

卷之一

十八

仁風蕩前軒春衣何襜褕豆鮮柔嘉羹蔬自堪饜
糗飲豈不娛吾意恥豪曠言諸少長歎永矢無陵偕
嗤伊秉蘭人被除安所處虛流洛下觴孰捧水心劍
辯哉束先生罔救斯言

久雨歎

春陽九十日見日未一句陰霧結不散淫雨如連輪
朝朝復暮暮萬室憂沉淪仰天疑天漏戶外成通津
二麥委泥淖原野荒荆黍斗米市百錢况乃無東薪
炊烟漸稀少哭聲喧四鄰夜起視河漢黯黯滋酸辛
何當挽羲馭晴光照無垠

陳王叔方伯考績一首

奏龜領重責矯矯百吏
明堂會玉帛侯服歸屏藩
旬宣鮮遺猷德載齊厚坤
陳詩表王風雅道彌以敦
英聲動四國舉翼凌天門
元后獎嘉績下詔宣勉
恩三世被華袞執玉猶溫
溫相將造帷幄從容調化
元

敦甫惟烈二情偶過北園程仲濟後至酒間作

萬事了不關一丘自堪占
心然狎禽魚偶復弄鉛槧

有客衝泥來臨池觀澗漱
不物會其心攀躋殊未厭

洞口雙鶴鳴樽前百花艷
以之諧笑歌況乃蓬蓬

旣就洞續稿 卷之一 十九

須臾山雨零歸途恐市塹
已醉且高眠乾坤一噫欠

舟赴嘉魚訪大司馬公先以二詩報之

中呂肇朱明端居忽不樂
以爲思所親矯首視寥廓

爰涉千里江豈憚風波惡
若鞭青龍爽若跨黃鶴

望望魚嶽山亭亭浪中躍
追皓首歡庶踐平生約

其二

挽舟上高江江險逝不疑
只念素交人垂老傷別離

別離二十載顏色各已移
我駭不我停豈有千歲期

況與世途遠往復從所私
恒言在今夕爲樂安可支

兩過鄆渚不遇張又九賦此寄懷

理檝邇大川乘風疾如羽朝凌二回波暮汎六溪浦

往來江漢間未達江漢主眷眷有所思脉脉不能吐

山烟迷鳳皇洲草怨鸚鵡豈無傾蓋人結束良自苦

累日繫漁汀見鷗與爲伍何哉金玉姿曠歲難復覩

訓尚定宗侯見贈

楚邸半朱門君家猶白屋荒齋繁古藤僻逕引疎竹

豈乏金紫榮所志在幽獨漢法明三宗堯仁先九族

矧伊國耆老循循守常祿社客綜微言兒孫奉貽穀

何當下里人寵以詩盈牘披讀懷斯賢清風殊穆穆

門人黃以仁還自京師有感賦贈

旣就洞續稿 卷之一 二十

黃生本負奇遭時何迫扼抱書不知貧自薦苦無策

抗言冒群疑束手予戟總爲宵人嗤頗聞達者惜

豈其風力微滯此凌霄翮躡屩遊京華遂作公卿客

誤償同舍金終反連城壁悟茲倚伏機信若潮與汐

馬爲知己良勿復傷踴躍努力戒前征天路平如席

富口舟中與御史大夫在倫耿公道故有感二首

憶與君子別乃在燕市南飲饌出南寺驛馬何慘驕

徘徊共禪榻夜起恣冥探晨中道遇周微言破空談

迷途忽以相見於此世亦足三載相與盡歡

匪無尺素通相望疇能堪今茲有天幸垂老猶盍簪
光景足自愛時命良所諸君當策皇華予當學彭聃

其二

言念素父人高義薄今古枉駕有前期胡不須更睹
揚帆赤壁磯輟棹黃龍浦晤言良所忻微衷難罄吐
皇天振斯文斯人挺荆土諸賢集如雲鏘鏘叩鐘鼓
所居鄭公鄉所至爲鄒魯矯茲名世勲居然周夾輔
獨愧丘中癯無聞終朽腐因之感長別當樽涕如雨

送王行甫遊廬山

鼓枻下潯陽匡廬在天表鬱鬱千芙蓉相將縱飛眺

甌甌洞續稿

卷之二

三

尋僧躡虛無訪古窮幽絕渴飲天池漿頗復勝仙醪
振衣九疊屏行歌萬樹杪十郡環其麓江湖亦何眇
寤寐我舊遊抗身凌縹緲因子動遐思奮欲駕天矯
何當與子俱謝此塵氛翺寄言五老人長夜幾時曉

蓮華菴新鑄觀音菩薩像成敬賦一詩讚之

我聞觀世音幻化彌大千秉靈妙莊後受法如來前
地以三摩入音從四諦宣佛身隨境現慈力超世延
五蘊資解脫六道成因緣念彼無量佛往生極樂天
安居娑婆土細定普薩泉願言窺大乘何當惠冥詮
鮑茲黃金像浴自香水淵海潮聲忽應補陀巖已遷

所乘六牙象化爲千葉蓮十方齊頂禮群動歸寂然
雲團紫芝蓋香飄綠桂烟覺迷本同性生滅非二圓
日月朗內照乾坤迴迴旋但空菩提心無空亦無禪

夢遊金山作

昔予陟金山金山何縈縈照耀江之心倒挿龍宮裏
參天底柱孤赴海波濤駛攀緣出空翠趺坐觀元始
妙境難可忘重遊興未已亟卒命駕來所見復爾爾
一軟中冷泉可當上池水伊誰縮地脉千里不盈趾

贈僧如中

暫來非有因暫去豈言別幻即空中花光懸峰頂雪

甌甌洞續稿

卷之一

三

誰觀誰妄真無念無生滅相爾爾須菩提不在廣長舌

胡載道將歸東吳過江言別愴然賦贈二首

自予返故山山間徑初闢有客涉江來欸語成莫逆
稍聞麝麝香歡然坐終夕明月方在天高歌振金石
頗無人世營獨有詞家癖片言當其衷引滿逾自懌
懸琴竟知音豈必有時昔過從十載餘一水通咫尺
爲結高陽徒鮮復形骸隔何哉思東歸棄我若遺迹

其二

昔者東南夷飛艘蔽三吳血漂海水赤白骨遮道塗
念子家不造仰天長哀呼負老復携幼踉蹌匿菰蘆

間行何所適寄跡荆南隅匪不懷故土奄忽歲月逾
駸駸三十年引領腸欲枯楚粟豈不甘非我江東稱
楚魚豈不美非我江東鱸楚歌豈不雅非我江東飲
物固有本性老至思粉榆所志在首丘依人匪其愉
况乃貧且病安得無嗟吁含意別所親安得無嗟吁
含意別所親執手臨前衢念當成永訣涕下沾衣襦
川陵日已阻形影日以孤斗酒不成歡浮雲爲踟躕
爲懋成王孫題握蘭社有引

懋成方英妙年聞詩於尊人遂有志大雅開
社延賢授簡倡和庶幾有平臺鄴下之風子

甌甌洞續稿

卷之二

三

偶過其尊人中冷館酒間請名其社名之曰
握蘭因系以詩云

峩峩楚蘭臺叢蘭有遺芳公子墓前修結社臺之陽
含英藉九畹流彩輝五潢求友廣麗澤藝苑姿翱翔
參差發高唱矢飲諧官商南皮豈足豔蓬池亦何狂
欣茲同心言宛握王者香曷哉賈餘勇毋忝屈朱鄉
長樂源道中

我聞長樂堰關自唐貞觀風昔阻犀嶺欲往憚噴吮
晨起騁遊目振翼儼振翰峽幽界一線路險踰七盤
曠焉開沃野阡陌夷且寬行行蹤飛橋風竹何珊珊

泉源漱西谷百里懸清湍灌溉千餘頃引稗如弄丸
美利方芍陂飲啄從所歡鷄犬村相聞樂國欣久安
胡爲有中變生齒日以寒十室九易主察眉見憂端
膏壤棄不耕併日無再餐土風非其故物力寢見殘
豈其困蠶食轉徙滋辛酸頽波難可挽徒爾興長歎
胡伯良以詩言別悵然和之有引

伯良吳人從其父載道徙居楚者三十年與
故河內太守朱子得結社稱詩相友善會子
得捐世伯良痛失所依遂有歸吳之興愴焉
叙別詞旨遂哀予因憐而屬和云

甌甌洞續稿

卷之一

三

瞻彼雙冥鴻雲際連翩舉諸聲徹高空唼喋下寒渚
狂飈起何疾中路失其侶顧影中自傷哀哀不能語
念子抱微軀艱哉國羈旅結歡未終竟睨世寡容與
所思在東吳那能老荆楚歲宴涉江來別我詩盈楮
津途雨雪淫臨發復延佇無衣蘭可紉無糧石堪煮
其如萬里心出門悵脩阻

朱斯和太學見過北園酒間賦贈

朝發白羊河暮投下雉浦豈子能識奇念子足奇古
除榻高松林移尊修竹塢溪頭雲亂流洞口鶴雙舞
舉酒發高唱登臺縱遐視交情收金石文心薄齊魯

一日歡無涯千秋氣欲吐居然宗伯風寧與世儒伍

寄懷張助甫二首

居諸意不愜慨焉思所親顧望渺川陸曠歲乖音塵
豈惜千里駕欲往嗟無因自非金與石疇能駐羲輪
況我同袍友強半趨沉淪逝者日以遠來者難爲鄰
匪也和彌寡識曲誰其真感此情內鑠涕下沾衣巾
又

別子齊安城問子平輿里挾轡馳中原飛影疾如駛
高步良所欽清言亦何旨岐路俄相乖悠悠隔淮浹
倉皇解軍符慷慨託蓬累豈其四嶽推不勝一言毀
龍龕洞續稿 卷之一 十五

可知亡馬翁禍福旋相倚大業期千秋河清安足俟

玉兔秋香圖爲朱子上茂才題

玉衡孕明視搗藥清虛宮言依百藥長天香發華叢
弦輪浩推移靈曜開穹窿疇能振飛鳥桂父白兔公

秋暑簡應時

湖上秋漸深城中暑彌毒據牀愁鬱蒸膏臂傷肩使
幸無車馬來免就衣冠束何當萬竹間與子坐冰玉

龍龕洞續稿詩部卷之一終

龍龕洞續稿詩部卷之二

武昌 吳國倫 著

構李 馮夢禎 校

五言古詩 四十四首

人日省先大夫墓有感 以下庚寅歲

澤國春未深空山雨新沐浮烟作餘寒松風何諤諤
幾日青陽輝相將回萬木傷哉泉下靈一往無時復
歲序日以逾荒冢託林麓飲恨垂終天夙夜警樵牧
言携雉子來藉草薦魚菽悼往增鬱紆悲來轉局趣
况乃不肖軀行年六十六人壽能幾何猶然保陵谷

龍龕洞續稿 卷之二 一

哭滙甫宗正先生二首

飄風起沙溷白日忽以陰古臺摧爲陸修苑何泔泔
五夜瞻東維奄隨變飄沉傷哉周宗老疾疾胡見侵
生爲侯王師歿宅中松林豈以同姓憂遂折千載心
厭世總長夜重泉未爲深悟彼藏舟理一丘齊古今
其如後死何哀來難獨任

其二

便便五經簡綠若冠王府博洽中壘流牢騷左徒伍
王國儒者宗宣文 明主自投編紵交清言發心
腑豈獨遠世氛同聲追太古岐路一以携容輝夢相

慨何乃冥數迫遽掩中州土落篋搜遺編猶然曜雪
吐感舊思彌深浪浪涕如雨

哭貞吉宗侯二首

自得病中書已多身後語三尸將奈何八石不成煮
神力敵丹青交情存縞紵招招南浦魂脉脉去何許
其二

南州命駕來千里不盈咫洗耳聆太音持盃悟玄理
如何金石心倏忽委泥滓灑淚聞江鴻哀哀暮未已
歲旱禾稿齋中蘭花獨芳感而成詩

大火鑠金石仰天何荒荒百卉殺已盡千人起徬徨

旣甦洞續稿

卷之二

二

而我齋中蘭胡然獨幽芳含暉散書帙餘馥沾衣裳
微颺灑然來一室清且涼豈其挺異姿子爾凌驕陽
母乃抱甕人勺水資濃濃滋培良已勤九畹澤未央
同臭者爲誰雜佩聊相將

山行書所見

城居苦踈維凌晨涉南谿瞻彼谿上原荒草何棲迷
道逢村中叟鳥面扶青藜自言老且死但識鋤與犁
相傳二百載豐歉差不齊何知遘今厄妖祲化爲鴉
南谿干天行累月無雲霓四望皆赤土孰辨陌與畦
炊烟日以少兒女村村啼餘喘在漏刻無力奔東西

但願寬恤詔須臾下金閨

秋日莊居

仕宦苦不達言念歸來好學耕南山田妻孥儻相保
豈知十年來荐值旱與潦今茲賸彌驕所至條枯槁
鑿山山不泉掘地地無草百口方嗷嗷何以有宿飽
宵聞野哭聲憂心忽如擣伊誰恤災祥俛仰叩穹昊
讀蔡伯華所編五經翼喜而有贈

太始渾無名苞籀振中古儀象開犧皇刪叙挺尼父
壞壁有藏書周禮故在魯傳心託微言徵信亘千古
末師哆顙門其徒膠訓詁折角與解頤虛聲無足數

旣甦洞續稿

卷之二

三

美哉中郎裔抗志繩其武玄覽窺鴻濛旁稽徹寰宇
爰采諸遺編詮爲五經輔識緯質不華儼秦伊耆鼓
紀年屬裨官逸書寧小補騷兼風雅陳二戴亦珪組
作述裨聖功詎惜匠心苦鏗爾弦枯桐曠若聞大鹵
一世儒者宗非直起鸞鷟自幸丘中癯晚觀圖書府
十七日雪前對雪無酌偶成 以下庚寅歲

齋前五日雪春意何冥冥梁苑賦未成袁安卧初醒
抱書坐寂寥鉤簾入光炯已封庭樹枝更沒小山頂
簷端玉筍垂石外冰花挺撫景彌清寒看天自高迥
囊空換酒金索試煮茶鼎取意良足娛何須真醅酹

爲徐應時文學題愛日齋

儒子吾黨秀英齒振家漢風翻翔南溟霜蹄躡靈島
所志浩無垠祿仕一何早眷眷我庭闈依依幸相保
白駒不少停分陰重如寶就養思及時安能擇腴好
青檀藉微溫三金聊宿飽上堂學弄雛庶幾以忘老
愉婉日以敷稱觴介壽考微哉曾閔心難與時人道

慈航救苦頌有引

慈航救苦州人德張大夫而編也大夫舊守
吾州有惠政後遷武昌郡丞且六七年會州
人不造爲虐政所毒請于兩臺使得大夫來

甌甌洞續稿

卷之二

四

撫而字之始復有更生之望而有是編夫人
情有所苦則呼天疾痛則呼父母嗟乎是編
蓋閭閻大呼也大夫賢乎哉編名用佛家語
予亦得借佛家語頌之

我聞觀世音能救眾生苦苦海方揚波妖氛濁寰宇
水怪恣吞噬颶風助飛蠱沉淪在須臾誰復恃檣櫓
念彼觀音力慈悲捷桴鼓徐嘯八寶光遂息陽侯怒
陽侯載以度世航安用射潮弩駸駸涉安流彼岸西
方土作茲無量福功德亦何普

送徐生東歸

客從海門來面帶海潮色叩我空谷中一顧如舊識
氣欲凌風雲詩能吐胸臆豈不思奮飛惜故少羽翼
擔簦遠行遊舉足犯荆棘予老無家生計日以嗇
亦知憐汝才無能振幽塞况乃歲不登所至人相食
土餽薦藜藿聊以延餘息誰其好事者解囊捐赤仄
倉皇買歸舟乘時理生殖但學灌園人何慙食其力

贈永壽僧了誰

禮佛登名山逢僧在天表燈分慧火懸香結慈雲遠
悟法空萬緣安禪淨諸勝悠悠度世心誰了誰不了

聞趙叟談玄因贈

甌甌洞續稿

卷之二

五

三

飄飄霞外蹤綠髮含兒齒手持玉如意叩我重巖裏
謂我有僊緣授之長生理懷中雲笈書一一先天旨
大藥玄牝生大道虛無始功成九九還玄珠升赤水
相將羽翼齊天路亦伊邇豈其函關今能傳柱下史
匪也俟河清坐見陵谷徙我欲從之遊乾坤期不毀

贈道友鄭元樞

白面烟霞姿萬事無何有棄家訪至人寧辭四方走
讀易悟聖真靈明若天牖道德與陰符津津不容口
還丹良有徵冲舉豈無偶九鼎功且成元化在其手
三顧何慙慙爲結方外友且贈遠遊篇一醉長生酒

暇日視木工爲予治棺

蜀嶺多文杉長標挺如矢誰其操斧斤爲予忽致此
風霜不知年出峽數千里蟠根七尺餘堅凝湊膚理
爰傾賣賦錢購之藏嶮嶮裁爲周身棺豈必梗與梓
我生垂七十流光疾如駛晨露本易晞河清諒難俟
將辭逆旅人營彼南山趾達觀等彭殤知生勿諱死
安見長夜宮不及華屋美況乃天地間有形必有毀
詎伊三寸郭終能免螻蟻羸葬雖不經聊以警餘侈
骨肉反於真哲哉延陵子

答吳茂文見懷

甌甌洞續稿

卷之二

六

挽舟上湓浦佳會良有期胡爲阻中路只咫尺天之涯
秋風動江介浮雲逝如馳空山感搖落寤寐我所思
豈無尺素通亦有離佩遺寂寞松桂間斗酒誰爲怡
嘹嘹孤征鴈顧影中自疑引領見江月奮翼來何遲
友人李綿州携南皮酒二大樽見餉因邀黃汝
明及其子思思思貞與孫以道呂惟烈同過歡
飲即時成詩

客從瀛海來遺我朋樽酒啓甕未及嘗馨香已盈口
旋呼高陽徒解衣坐培塿老少各忘年大嚼不論斗
况乃新凉生爽氣薄吾庸盤中鮮奇珍但烹葵與韭

倩以兩紅妝調絃出絃手天閨茂死花綽約章臺柳
曲罷含餘情捧觴遞爲壽城頭日漸低不覺流連久
但醉且復眠萬事吾何有

送髮僧超用拙東歸

趙生鸞鶴姿東海儒家子少耽方外遊倏然脫塵滓
椰榆一世間伎倆非所持因參不二門蚤悟無生旨
自性了自明西天亦伊邇粒不藏須彌五嶽在其趾
持齋坐蒲團但飲功德水江上秋風生揚帆忽東指
爲念高堂人歸心疾如駛可知慈悲法何嘗棄倫理
屏處山齋黃思素曹子且呂惟烈晚過偕工兒

甌甌洞續稿

卷之二

七

就花石間小飲卽事

猥予半畝宮差與人境隔愛此秋氣清開軒理圖籍
短牆纔及肩中堅幾卷石峰勢競參天無煩巨靈擘
宛遊縣圃間忘其在咫尺日暮蒼氣凝巖巒互相射
美人春來過幽賞與俱適移坐莓苔松菊皆莫逆
呼兒進濁醪留權駐駒隙飲不興益新肯厭觴行迫
掌上恣奇觀乾坤但遺迹醉而枕肱眠誰能傷跼蹐
積雨壞垣詩以自遣

霖霖苦不休棟宇皆滲漉灌漑此十尺墻碎然夜傾覆
響若蜀山崩疑已翻地軸老大起徬徨稚子驚且哭

曠缺通比隣窺我懸磬屋簷蕭瓦礫場人豕互馳逐
無能補漏天虛自勤版築露寢寒不支猶幸免溝瀆
故人周象賢之子思永歲杪自襄陽來以家難
告急予力不能振之聊賦此爲贈

山中歲欲除之子遠相叩江天遠且深况乃風雪驟
間關千里餘握手亦奇遊竚然抱餘哀令人益思舊
豈不讀父書懷才苦未售家難日以嬰倉皇慮傾覆
令辛當告誰寄命但刻漏與言不及終泣下盈襟袖
世無楚優孟時爲叔教後努力遵修途萬里當輻輳
贈王君實 以下辛卯歲

甌甌洞續稿

卷之二

八

搖搖木蘭舟來往名山川所不欣有託梁翰生雲煙
但希識者賞恥受時人憐途窮齒齒復適嗜遊益以堅
行吟入空谷中意欲自宣微飲不及醉誰咲自便便
一顧宛素交安知匪夙緣贈以鳩首杖期之共延年
郭太史美命適訪賦贈

空山口陰雨閉閣有所思淫淞淞決中路軒車來何奇
欲吐平生心已結三年期土釧薦鮭菜佐酒申吾私
三爵不及歡感舊生餘悲敢以霜下草託彼瓊樹枝
聲氣偶相應金石良不疑攜手忽言邁躑躅江之湄
與美命論文再贈

阿閣巢鳳鳥文明粲休嘉流聲應韶律象德希重華
英英石渠彥符彩揚朝霞高響振雲表衆耳紛淫哇
幸哉託梓里竊比蓬與麻言脩二左業擬造三閭家
停觴討今昔一唱三嘆嗟其如馬齒老無能週八遐

贈何无咎

永嘉故名區山水擅炎服鴈蕩龍湫間佳氣益焉伏
千載鍾斯人神情凜清淑抗志游古初屈首潛汗竹
孤響發天竅餘音振林谷所性良不移疇能斷其樸
回睨王謝流遺言何錄錄豈伊太乙光徒爾照天祿
登崑山同吳叔嘉俞本之王太古暨士兒同賦

甌甌洞續稿

卷之二

九

弭棹婁水曲振衣陟崑岡玉峰起天表雲石將翱翔
坐俯萬家邑睇盡三吳疆江海接衣袂灝氣鬱以蒼
言詢二陸居蕪沒山之傍慧師逝已久尚有浮屠光
遠見姑蘇臺委爲芻牧場懷賢不我卽弔古天茫茫
何如挈美酒峰頭送斜陽

登雲烟閣訪郭次甫因從案頭得闕徐子與所
贈五游篇悲不忍讀愴焉成詩

聞君五嶽遊寄迹迴寥廓晚騎黃鶴歸小築半山閣
坐卧雲烟中清心啓荀鑰我來繫浮槎爲踐平生約
携手臨大觀因之感疏鑿長江萬餘里赴海曾一勺

古今何須更文章亦糟粕安見方外人能遺不死藥
且引樽中醪遇高與斟酌閒繙几上書忽覩徐郎作
徐郎骨已陳楮墨新如昨豈其神氣存五游良有託
掩卷增歔歔親交零落生死俱冥冥胡爲苦燠灼

凌大司馬汝成追送予至寒山寺言別

蜿蜒闔閭城我尚書宅言從請老歸縣與謝賓客
跼然聞我來披衣起相索呼兒引輕舸倉皇載酒炙
望望越楓橋行行次蘭澤爰及古寒山握手世如隔
睽離三十年一顧各衰白中意那可陳時情滋局蹐
飲餞曾須更江路忽以夕老別當奈何歸思苦中迫

甌洞續稿

卷之三

十一

後會渺難期去住只遺迹

題吳康虞跌坐小像

烏巾易章甫紫綬披玄風儼爾丘壑臞貌者難爲工
跌坐復憑几遽然落靈通四大本非有自性猶鴻蒙
豈其如如旨乃在名相中出世不出世無空卽真空
二曜懸阿堵朗朗千界同將乞西方土營茲極樂宮
壽侯叟

客從夷門來結隱邗江口悠然抱古心日與魚鹽耦
機事了不關雲霞若其有引睇秣陵山息影隋隄柳
閱世滌浮沉于時厭奔走勿蓄萬樹桑勿時千畝韭

但坐長松陰白鶴呼爲友日夕酒半酣自擊牀頭鐺
賜杖非所希素封可常守兒孫造其前雅歌通爲壽
安知絳縣翁不遠漆園叟

初至白鹿洞與諸生 改舊作

廬山五老峰縹緲在霞脊下有仙人噉含虛吐神液
洞門苔已深白鹿但遺迹仙人眇何之陵谷倘遷易
二三儒者徒靈源匠心闢誅茅構講堂選石布經席
溪紛洙泗流嶺亦抗鳬嶧蹇予憔悴容睠此道然適
南州士如雲從之叩今昔諧聲登雅歌洋洋振金石
荅柯敬之言別

甌洞續稿

卷之三

十一

皇

商飈激流火淫雨滋淫蒸客子懷往路中夜秋愁增
凌晨別我去戀戀如不勝衆耳薄流水末俗趨鏤冰
踉蹌欲何適遇合難可憑叩令倘相重何如歸茂陵
莒公不見知且食海上菱誰持趙雙璧慷慨酬擔簦
嘹嘹江上鴈高舉雲中騰豈無稻粱謀避彼繳與矰
變名鴟夷子託跡雲水僧庶幾葆真性千載流聲稱
贈貢士周元德北上

短棹來何從叩門驚一面懷才不自媒末路始登薦
相將釋儒衣奏賦明光殿且復停征驂花間展歡燕
遇合勿言遲窮交欸相眷壯心殊未衰那能久貧賤

和程巨源遲予不至之作

之子秉高義遠念山澤癯絨書申初盟金石亮不渝
命駕從所思乘春發天都津途豈不險坦若由康衢
仰視雲中鴻俯睨波上鳬顧影各自憐儔侶更相呼
飄飄適荆南眷眷滄浪隅涉我嘉樹園陽景恣踟躕
園人走相應地主遊句吳千里失一覲誰其與爲徒
徘徊水石間但與吾兒娛吾兒貧且賤何以共薪芻
烹葵代珍錯酌水爲醕醕飲至歡亦洽抵掌相揶揄
兒爲若楚歌客爲若吳趨雜以五方音巨源贈兒以歌故云
跳踯鳴唾壺壺無爾汝形禮法安足拘文心忽以豪
戲擬洞續稿——卷之二——十二 方

病中視內病有感

宦拙囊屨空賴子賓相敬焦勞四十年爲我操家柄
百口食相依舉室無慢令况乃提兒孫庶幾餘餘慶
其如歲暮凶憂心時怊怊我老子漸衰忽忽有同病
白駒日夜馳安得體常勁呻吟咫尺間氣短神欲進
二豎宜未遷三蟲一何橫幾日絕水漿倉皇考醫政
藥力苦不工呼天亦真顛危強自持壽夭但安命

贈熊茂達茂才

昔汝鸞熊氏三爲王者師文治興西周流風及今茲
辭命開二左離騷振湘纍維楚世有才典刑良在斯
之子奮故都矯矯水玉姿漱流遡其源覽古操環奇
佳名日以昭祖德無磷緇勉旃戒修塗結轍從所之
七十誕辰有感謝客客不諒而異之因自述五
首見區區云

夙昔欽所生臨年暮未已餘生能幾何物極反其始
仰天負劬勞虛延大馬齒所以屆茲辰含心一作食不旨

戲擬洞續稿——卷之二——

十三

其二

荆樹無常榮鴈行忽中斷叔季兩相依千金寶昏旦
實一常如影隨形猶恐有急難餘齒日以頽一顧一
長歎

其三

伉儷雖異姓敵體長所親何故兩內子通爲泉下人
塊焉鰥且老欲觀嗟無因掩戶若羈旅誰能不傷神

其四

先朝盛詞才作者六七子聚散曾幾時豪華成逝水
參差赴墓丘而我猶後死傷往復憂生涕下不能止

其五

少年忝登朝垂老宦未達豈不策治安苦為絳灌遇
歸來抱影居杳不夢排闥負此平生心聊同轍鮒活
七言古

雨中酌載道短歌

昨夜登樓月滿城朝來風雨萬室驚庭樹垂枯驟沾
淫池流一決恣縱橫病夫晏起抱書坐殘暑如失秋
氣清旋持斗酒酌狂客狂客向人非世情白首無家
詩滿素漂泊願就詞林名東望三吳西三楚雙蹠不
抵浮雲輕尊艤是處足張翰婚嫁何年休尚平懷中

甌甌洞續稿

卷之二

十四

若

一刺久漫滅人間五嶽誰同盟當歌但醉勿言別手
挽瀟湘為汝傾八月江濤蔽天日可堪搖落悲思生

贈王季問

有引

季問故為上津令為母棄官旋亦去家遊四方訪道適再見過出元美短歌示余因索贈

贈之

我從仙籙聞仙令有美王喬與葛洪葉縣飛鳧上霄
漢勾漏丹砂爛並官竭來上津宰官現好道還追二
令風中歲排衣從老母飯僧禮佛行陰功功行漸滿
慕遊仙辭家五岳豪翩翩竹笠藤衫鳩首杖坐卧但

手黃庭編道逢異人授真訣五千文字都言金玉氣
焚焚升九鼎靈根茁茁榮三田千里重來與未已十
日談玄傍雲水自言曾謁紫霞君謂我應從赤松子
為問崑丘路幾何金關貝闕不盈咫甌甌洞裡且高
眠千秋夢幻須臾爾

故人吳文學國賢劉將軍應占自上雋冒大雨

來見訪席間成短歌

狂飈日夜驅怒雷雨師失制江神哀坐見高陵欲變
海蛟龍入市爭喧豕老夫屋破天更漏藥囊書几侵
莓苔天畔孤蓬截巨浪飄飄二客從何來濕衣儼自

甌甌洞續稿

卷之二

十五

鮫宮出遠涉將無午濟回犯險衝泥興不淺行吟叩
我鍾山隈入門但訝顛毛換失勢寧論羽翼摧一別
須臾三十載存亡今昔懷中懷呼兒戴笠釣生鯉對
客脫巾簪舊醢事且櫛十日飲餘年肯避千人猜
通家高義等金石愧我虛名藉州萊醉起俄看德星
聚明朝露色因君開

夏日雨後張子元諸子邀泛太湖晚酌富川樓

即事漫成長句

炎天積雨彌三旬白日乍吐湖光新浴鵲飛鳧何太
劇雲峰霧磧開精神高陽之徒載醪醑出郭邀予騁

遊目一葉舟凌萬頃波長天倒浸玻璃綠中流鼓吹
驚魚龍彷彿湘妃涉渚宮楊柳千家殘照裏菰蒲數
艇野煙中涼颺入坐渾成秋忽見水雲城上浮捲幔
揮觴酌奇勝總忘賓主恣淹留石堤遊女踏歌出長
袖輕裾飄豔質曼聲疑喚木蘭橈流盼已調文梓瑟
莫怪登樓飲興狂百年寸晷聊相當老夫但醉看明
月此夜山川倍鬱蒼

登石門山醉歌

秋風蕭蕭吹石門松菊宛是柴桑村興發不知老將
至登高挾客偕兒孫蠟屐迂隨鸛鳩杖新醪滿拍鴟

甌甌洞續稿

卷之三

十六

夷躡莽徑逶迤入脩龍烟嵐合沓排天閣峰頂一舒
千里目遙谿近峽雲霧奔孤城萬室纔如斗鶴頂雞
山僅覆墩江湖二水天際落吳楚烟光相吐吞微雨
忽過子胥壘飛濤欲捲謝公墩可知真宰留片石千
秋特藉老夫尊放歌莫厭杯行迫坐嘯偏驚林籟喧
我欲憑虛御寥廓誰能吐氣凌崑崙樓閣須臾北海
蜃扶搖咫尺南溟鷗人間萬事總泡影三辰列缺懸
堪捫百年懷抱一時遣世外豈必無乾坤

九宮噴雪崖留題

蒼崖斗削靈源曲石竇飛泉射晴旭隔樹猶驚風雨

聲穿雲已蕺菱荷服寒花作雪舞千秋散沫如珠傾
萬斛玉井由來瀉華顛銀河倒自垂煙麓一軟懸同
鳥鼠漿諸宮儼近匡廬瀑須臾對此神爲清便可尋
仙超四隴

舟中送呂惟師祠部還京短歌

三月三日風颺颺野天送客來江臯樓船欲發津鼓
奏鷁首白浪如山高握手邀君且今夕沙頭繫纜呼
濁醪感君千里叩衡茅知君不薄忘年交白髮垂垂
此長別乾坤何許重相遭深杯入手莫停飲明朝往
路懸旌旄看君意氣何賢豪慷慨時時攬佩刀弭節

甌甌洞續稿

卷之三

十七

從容上霄漢含香更與神仙曹飛騰不忝真龍種文
采誰誇古鳳毛努力乘時策鐘鼎君家尚父齊勳勞

向葵卿宅同惟烈醉歌

百里之約經歲年中車一日來何專入門四壁半圖
史庭柯爛熳開芳筵兩弟逡巡起爲壽諸賓密坐心
相憐由來古道在鄉邑何用新聲雜管絃月出東方
大湖白雲隱匹塞長江懸爲歡豈待登臨遍入醉都
將禮數捐渾鼓微傳水郭外明河漸落山樽前知君
投轄意不淺潦倒拚同石榻眠

七夕行送俞嘉長東歸

商飈初動清露微鴻鴈聯翩天際飛有客中夜思東
歸起視纖月懸庭闌五湖鰕菜鮮且肥哀絃促柱不
可揮朝來細雨零山扉輕舸已繫滄浪磯中堂置酒
延夕暉諸賓密坐情依依桐陰漸澀涼侵衣河漢隱
隱生煙霏今夕何夕牛女期雙星欲合君欲離翠盤
朱實森疊纈碧碗蘭漿霞彩披人間乞巧乞何爲老
夫守拙拙不移千里多君能問奇兩月留歡瞬息睽
長江明發天之涯那能回首憐東離含情無語深增
悲出門長歎知音稀河梁苦調和者誰西園落實思
南皮還如機杼怨相遠鵲橋終古令人疑

麗龔洞續稿

卷之二

六

荅林嗣庚江州見懷之作

有客吳門操野航江行千里帆飛揚乘潮已破二孤
上犯雨俄停五老傍五老峰陰浮決瀦翻從逆境收
奇賞徘徊幾日晴雲開盡日看雲杯在掌覆杯西望
楚天碧南嶽去天不盈尺却憶深樓南嶽人便欲凌
虛振雙鳥雙鳥飄飄七澤過朱陵赤館蒙煙蘿到來
若問求仙事煮石吞霞奈爾何

舟送王唯吾出富口再贈

老夫抱病棲山園謝客無營日閉門爲報仙郎萬里
別倉皇鼓棹來江村江浪如山蔽天起孤帆飄飄欲

東指旋沽清酒市白魚盡日歡留興未已酣呼六采
縱狂歌直道那能避輶軻劍在上方舌在口剛腸不
折奈君何屹如五嶽撐霄漢吞吐風雲變昏旦總使
川陵一日移扶輿真氣何曾判

初春過北園看梅花

東風乍解林塘凍不斷幽香隔橋送白梅吐盡紅梅
開一時瓊玉迷山洞老眼着花感歲時短笛吹來不
成弄強引春醪樹底斟依稀復作羅浮夢

送碧僧遠遊

頂佛肩經氣殊猛行遊何處覓真境倘逢騎虎入松
龔龔洞續稿

卷之二

十九

門應悟弄獅空藥嶠講座香飄不見花法潭雲過無
留影伽陀天竺方寸間歸向蒲團坐中省

阻風皖城登千佛塔

舟子揚帆指東海海風倒吹雲變變須臾還泊皖公
城遂恐乾坤失真宰絕岸陂陀造次登摩天古塔何
峻嶒虛輪七級藏千佛側足盤旋到上乘俯瞰江淮
分一線掌中吳楚環畿甸遙山點點盡青螺星斗垂
垂玉光現玉光明滅總無時覺路迷方只自知便欲
凌空超十界西方大聖真須疑

聞茂承談郢中故人之難惜焉有感因贈

洶洶漢水漂山來竟陵白日奔奔電而浪忽吞尚書
里陰氛不辨陽春意昔尚書侍黃屋車騎如雲藉
推轂須臾棄作不然來急難誰為濡手足一客踟躕
奮布袍叩關無力長呼號緩頰難施長短說剖心聊
見死生交燈前扼腕涕如瀉高義寧居古人下請看
趙郎赭衣奴至今直舒稱長者

北園餞送楊伯武醉歌

楊郎遠叩甌甌洞然破我義皇夢樂擬淩梁問惠
施景勝竹間過二仲群花競浮波酒杯百日屢罄牀
頭甕白眼逢人解應牛彩毫何處曾題鳳囊書匣
甌甌洞續稿 卷之二 二十

恥言貧七人能為知用舌存慷慨旁無人耳熱談
諧轉驚眾六月征帆曳火雲旋沽村酒持相送葛巾
芒屨紫藤衫意氣相看欲飛動漫道遨遊一羽輕蚤
知然諾千金重乘興重來但有期松雲蘿石猶堪共
發舟遊太和張使君携具追送歡飲達旦而別
醉中成短歌

皓首狂夫苦好遊嶽雲千里牽行舟湖頭欲發驟風
雨有客携樽喚且留太守東吳張伯子詞才酒德兼
稱美秉燭呼盧夜未央題詩贈別歡無已怒濤驚起
魚龍驚亂瀑遙推山谷鳴起視東方不肯白千峰萬

樹皆含情樵鐘且盡井烟吐鼓柁乘流復還顧安得
扶携躡大和磨崖處處同君賦

題沈啟南喜鵲圖贈貞吉

沈郎戲墨圖靈鵲獨立枯枝視寥廓豈自填橋河漢
回猶防執彈彫陵躍可憐黑白大分明三匝能無月
夜驚員嶠山中且棲息莫為人間憂喜鳴

贈談數者朱希明

占風之術懸河口四象分明落其手祇須望氣測機
祥何用投錢卜休咎不通名姓徑登堂自言遠謁甌
甌叟把臂驚余是歲星官拙囊空年筭久賈誼虛憐

甌甌洞續稿 卷之二 三

季主卑揚雄竟識君平古龐豪頗似高陽徒一醉出
門不回首

詠玉球花

小苑百花爭艷質春色不知誰第一叢球忽作淺淡
妝紅紫當之都自失氾露團團簇水晶臨池片片飄
萍實光浮石面雪不消氣鬱山心雲共密豈是三尼
不夜珠化作千頭合歡嬌巧如神手弄丸來皎若素
娥飛鏡出攀折愁傷水玉姿回看轉明烟霞疾惟應
縞帶結同心含情故倚幽人室

詠石雲

萬里天風吹斷雲化為一片滄溟碣今柯玉葉垂紛
綸物質蒼稜卓蓋結飛入山堂辨未與石耶雲耶忽
明滅鮮色疑封漢刻鱗沙痕似帶秦輶血九疑何處
望偏遙八伯當年歌再闕卓地猶然欲卷舒滿堂觀
者都驚絕豈隨神女出陽臺遂與神仙排絳節我欲
騎之御八風逍遙直上虛皇闕

詠石松根

長松託根廬山麓飽盡風霜蟠地軸屈詰硃研不可
名龍蛇競奮旋相伏凝脂已結千歲苓飛節曾供列
仙服老幹蟠枝散作薪惟有枯根自攢簇良工掘土
甌甕洞續稿 卷之二 三
三尺深石骨露其目鑿取疑開混沌竅移來尚
聞山鬼哭齋前老石騁奇觀何如古色還真樸一雨
朝來瀑亂飛依然又近康王谷

觀方子謙哭墓贈之長歌

以下已丑歲

永嘉山水稱多奇何物方生山水姿手挽赤霞結作
佩龍漱散沫澆心神臨池小變三倉法揮灑白練光
陸離忽復掀髯展長技金盤玉局森相持雙瞳虎視
無全敵方圓動靜天機隨有時選鋒出挑戰有時堅
壁潛推移批亢濤虛勢莫測彈遠擊近途陷危陳平
六出難爲計武侯七縱了不疑采若鷹隼奮霄漢怪

若蛟龍闢海涯橫行似欲卷六合散略將相收四陸
古塞長城莫言險分鴻逵鹿還如斯滿堂觀者舌半
吐老夫驚絕呼瓊巖安得方生拜飛將提兵萬里揚
旌麾片甲不歸集盡洗永令南北無蠻夷

宿鳳凰寺夢在蘄州遇顧子敬立談醒而紀之

谿頭棟宇垂荒涼卻是前朝舊法堂十尺豐碑剝未
盡璇題尚映尼珠光偶來如赴龍華會山僧爲我除
禪牀貪眠無意乞齋供入靜須臾聞妙香夢裡浮杯
渡江去斬春萬樹雲蒼蒼道逢友人顧子敬抗首欲
言心自傷鬱鬱生平少知己窮途無力排天閹駭雞

甌甕洞續稿

卷之二

三

之珠蟠螭玉萬益誰言漱竒藏直將肝膽向君吐能
無爲我鍼膏肓語罷又願轉憔悴我亦淚下沾衣裳
勸君加餐善自葆屈伸倚伏旋相當遇合有期無蚤
暮飯牛牧豕俱懋郡如君才美自神駿歷盡九坂還
康莊分手依稀從覺路鐘聲忽動經聲揚起視林梢
月漸墮一時形影都迷茫豈應神清可縮地隔水交
飛兩鳳凰蘄州城內亦有鳳凰山故云

奉荅大司馬行之方公見懷短歌

五龍關頭雪正高西風一鴈來江皋尺素緘情越千
里懷人歌發聲勞勞維川魚歡眇相望烟樹蒼人波

漾漾此時欲泛子猷船便應同策盧敖杖憶昔曾登
郭隗臺與君弔古恣徘徊去歲重過司馬里三湘雲
物供衙杯今昔須臾四十載河清百歲誰能待旂常
鐘鼎亦虛名惟有同心言不改

正月十二日對雪

東皇不作艷陽主獻歲以來日陰雨曉起看雲千里
同侵人朔氣嚴寒冬庭階積雪忽盈尺銀鬢與之光
相射梅花失色柳封條睥睨高天何沈寥城中薪米
埒珠玉道上飢人死相屬寂寞山堂生菜盤誰能對
此復成歡

龍龕洞續稿

卷之二

二

詠高麗紙簾字詠呂儀部惟師

何來一匹格云自高麗國明若火齊鏡輦若文犀革
樹膏藤角渾無痕鵝白鴉青都失色扶餘山氣迴空
濛鴨綠波光感經緯豈自殷箕風敘疇至今文物開
殊域職貢遙馳象浪王稱臣世頌天朝德匹楮應
從鞮譯歸長安高戶人稀識惟有五侯七貴家購之
不惜高價得巧匠裁爲障戶簾雲日相輝塵埃息華
堂歌舞夜不寒廣庭燈燭風難即鈎控時驚翡翠鳴
帶飄何假芙蓉飾深宮集羽非天然神屋編珠易傾
仄美人遺此遠方珍萬里烟霜淨如拭素質疑逢姑

射姿低垂微墮南冥翼卷舒百折見交情賓服四夷
占帝力卻愧貧居白板扉緯蕭忽改令人惑

送徐文學北上謁選

君從高士里來過故人宅握手不爲歡潸然感今昔
舊筇惟存館閣書窮途更抱天人策歲華荏苒驚二
毛風力蕭條摧六翮對酒難紓少壯心擔簦復作燕
趙客誰縣郭隗千金黃金莫羨虞卿雙白璧且操流水
待知音未必明珠終棄擲貂敝仍稱季子裘鳬飛擬
振王喬舄中朝宰輔重憐才太學諸儒曾避席可道
風雲遇合近鄧承恩後街恩澤

龍龕洞續稿

卷之二

二五

寄題玉叔天尺樓

二隱林間大天尺樓隱有大隱二林爲樓去天不盈尺高棟
懸支萬象中層軒未穩六翮脊開簾雪霽陽春臺俯
檻沙寒雲夢澤興氣無時促舉杯落霞似欲迎飛鳥
清吟鸞鶴相追隨長嘯魚龍紛辟易那可登龍少老
夫側身西望是天碧

龍龕洞續稿

卷之二

詩部卷之三

武昌 吳國倫 著

楊李 馮夢禎 校

七言古詩

江行遇方司徒於雲杜舟中言別

漢中之水排山來，方城南紀春雲開。
有客西浮訪名岳，風雨孤帆白浪堆。
故人方元老，彩鷁朱幡天上回。
累歲招遊竟虛席，一官在手真奇哉。
听柳窺人兩衰白，感時千古恁徘徊。
張樂漸臨雲夢野，聞歌尚遶陽春臺。
九江東下日千里，道故未已新愁催。
好去

饒凝洞續稿

卷之三

乙

加餐坡頭盛何時，一字傳蒿萊

老樹行

太和山中多老樹，柯樛樛何相撐拄。
豈其手植自元君，剝盡風霜飽煙霧。
秀奪崑崙綠玉柯，高凌漢閣黃金柱。
鵲頂虬枝不記春，蒼皮赤甲偏含露。
十尋鳥蔓垂且沾，九色藤花豔相茹。
葉掃天關象緯驚，根盤石面龍蛇怒。
餘陰尚可息千人，壯節何慙封萬戶。
大峽玄泉恣沾灑，仙宮靈氣常呵護。
老人過此獨含情，已似前峰復回顧。
顧不是工師惜斧斤，巨材那得天年固。
舟泊漢口武昌王使君偕其僚張李二君載酒

涉江見訪醉而成歌

漢口踈楊留繫船，美人隔水遙相憐。
春風擁蓋臨江渚，中流簫鼓何闐闐。
病叟披衣起相送，飛帆已落大別前。
大別山前一携手，心知豈必論交久。
雕盤新膾武昌魚，玉鐺細倒耶筒酒。
盡目追歡興未央，蓬窓秉燭延星斗。
星斗垂垂月在杯，論文訪古雲夢隈。
幽蘭不作靈均佩，芳草徒增處士哀。
醉後狂歌君莫厭，白雲黃鶴相徘徊。

飲王行甫蒼蒼閣醉題

臨臯萬戶左南郭，中有詞人讀書閣。
野客能乘野興來，一覽山川佳氣鬱。
蒼蒼白雲黃鶴遙相將，庾亮南樓隔烟水。
春申故壘平林塘，烟水自今古吳魏紛爭誰足武。
有酒且醉醉且歌，圖麟畫鳳俱塵土。
塵土從來易誤人，偏君閉閣甘沉淪。
爲問江鄉幾知己，能令此地生精神。

饒凝洞續稿

卷之三

二

詠齋中四石

南海之荷圓徑尺，乘潮化作靈洲石。
紫稜玄萼解翻風，冶態柔姿羞向客。
萬里移來島勢分，孤亭坐觀寒光迫。
雖無玉井十丈花，魚鳥縱橫都辟易。
對酒疑聞幽香香，似恨芙蓉隔不隨。
群卉競芳華，幽意都

宜居士宅

右石荷葉

何處飛來數小峰參差跋地將排空豈應嶰谷林中
筍穿我庭階破綠叢籜解龍鱗玉膚嫩梢分鵲飛霜
幹雄人間五嶽圖不就海上三山削已工雨過常愁
石乳滴移之几案增龍從峰頭隱隱欲烟霧蕭灑圖
書一畝宮

右石筍

齋前片石披烟霧奇形宛是山中兔赤目雄毫委伏
藏卑前倨後休馳驚豈其搗藥月中來猶畏豈羅復

甌甌洞續稿

卷之三

三

四顧出海慚同水怪羣深居穩避韓盧怒不管三窟
已無憂何須八竅還能吐卻笑齊時東郭魏疾足騰
山終自悞

右石兔

甲蟲三百有六十誰爲其長稱神龜一石遙從海人
獻蒼文赤坼何離奇真形尚似著根伏穩步猶虞連
葉歆我聞神龜善服氣化石千歲夫何疑不然總逃
豫且網那得更謝臧文祠携來置汝壺山簾儼戴蓬
萊海上移

右石龜

答吳次魯短歌 有引

次魯山人自新安遣使持尺達磨一尊高士
圖一軸傳以長調致予爲壽子感其意賦答
之

空山畫卧屏未啓何自足音動吾喜病叟煙霞七十
年故人書問三千里長歌慨慨凌長風白岳黃山供
指使化作彩雲江上飛飛入齋頭勢未止中函二妙
代稱觴松栢岡陵鳥足後達磨香像補陀居高士風
神圖畫擬事佛方漸墮業緣巢林暫可離塵滓按圖
瞻像心爲清與子相望不盈咫

甌甌洞續稿

卷之三

四

意

贈陳忠甫將軍

何物將軍文且武壯年節俠傾三輔結客雖多海內
豪一寸雄心未盡吐竭來訪我萬山中入坐掀髯面
如虎自言嶺表世家兒學劍學書心獨苦投筆曾期
定遠侯後車竊慕師尚父草檄風如連郢斤縱歌響
若撾天鼓上馬能盤丈八矛射狼獨挾千鈞弩北走
龍沙過雁門長揖元戎策騎虜塞垣諸將半及門
天子知名錫龜組旋提一旅鎮湖陽三敗烏夷無隻
觴時平海國議藏弓願解軍符爲士伍歸去無家不
解愁夜半聞雞還起舞要樞推轂豈無人裨將偏師

終小補不如老作尚平遊五湖五岳皆吾土短褐猶堪掩戰袍鉛刀未必輸參斧古將帥出必齋戒於萬廟受斧名曰齋斧里浮湘興不違須君一語張千古開樽與結布衣交郊園十日恣臨觀酒酣欲別江雲高何以贈之蘭與杜

醉茶軒爲詹仲子題

詹郎好奇軒亦奇不嗜麴蘖嗜茗山茗拂案閑翻陸羽經焚香淨拭彌明鼎詩魔小怯睡魔驕起抱鴟夷汲清河鳳嶺鳩坑品較殊黃芽紫笋香相等龍頭自煮松風生舒吻細啜露冥得意難與杜康言頌德寧

醜醜洞續稿

卷之三

五

容伯倫並有時操約同李隱乘舟提壺坐烟艇牛飲何曾讓酒池鯨吞恨不移中頂牛頂山名產雷鳴茶掀髯忽已縱歡呼鼓腹頽然成酩酊縱使醜顏老醉鄉猶勝世入千日醒

食麥行

歸耕不保凶年厄十口嗷嗷無一策貸粟趨趨乞糴艱食稠典盡餘空宅分耕裹飯屬伊誰戶外親朋都削迹枵腹誰傳辟穀丹飛身卻少垂天翮中厨并日一炊烟老稚相看常感額學古兼管百艸根須臾忍死待新麥平明曝麥丙夜舂千顆黃珠成粹白旅滌

萊蕪甑口塵蒸時穀氣投入噬寢廟馨香此乍同淖沱急難那能擇一飽翻愁七箸傷餘腥免致烏鳶嚇病婦凝孫菜色回鼠腸雞骨銜恩澤縱然粗糲且自寬猶勝餓屍橫道積

苦熱偶作

赤日亘天天爲焚人烟水氣愁氤氲據牀如枕沃焦土脫帽偏蒸火宅雲卷舌垂頭汗交臆銅烏石燕無消息狂呼欲造清虛域一夜何當生羽翼

秋日山行苦熱聞野哭作

八月無秋暑尚伏火雲燒空熒焰轟七旬雷電只虛

醜醜洞續稿

卷之三

六

張土毛枯盡山山秃野色荒荒金石流黃塵四起昏林麓耨耨方盡電生蛙耕夫饑婦齊聲哭去年饑孽盈路衢今歲餘生亦薄漬無計回天但問天天手何意降茲毒夜橫星漢曉飛霞明日炎威仍熯熯漏刻難忘鼎鑊災垂頭喘喘逾窮蹙呼租之吏日在門萬命懸愁死不速

贈袁子遠短歌

虎頭虬髯何爲者朝叩蓬丘暮次野伏策擬拜飛將軍提兵曾試假司馬疆圉塵清海不波白猿黃石柰君何飄然解印反初服浪跡翩翩五岳多道遇真人

授玄秘長生不用餐芝木過我無言但舉杯一醉仙
家抵千日

中秋前二日自石門莊醉歸道逢從孫宅携酒
雙港橋同士兒呂壻對月深飲即事成詩

平田水落雙溪灣十里湖光吞萬山明月中天露滿
地老夫醉跨青牛還俄聞踏歌頓頭出知誰載酒相
追攀停鞭且就石梁飲鷗鷺已息魚龍閒子壻婆娑
起爲壽兒孫侍立俱酡顏草青沙白秋氣爽百年此
會非人間天河半沒星漸暗來日陰晴了不開

秋日賞紫牡丹詩

魏魏洞續稿

卷之三

七

山園所蓄諸牡丹獨新移魏紫一種經春不
開心竊訝之至八月末旬忽開一花娟麗可
喜此不知何祥也亟呼兩兒子進酒酌之

魏氏紫牡丹洛陽故無賈欄輕百寶妝圖擲千金寫
偶移此種來山家當軒種之春不花怪是花妖厭貧
賤豈知造物留精華白露零零霜欲降胡然一朵迎
寒放秋風已殺枝半枯暮景何常神復王纖霞小挺
赤城標望氣函關路不遙三桂九芝都失色西子楊
妃敢並嬌老夫生平不言瑞對此如狂只思醉汝輩
寧忘愛日心時平好奮凌雲志

霜降日同徐應時登石門山因視予所卜藏地
醉而放歌

夙約登高九月九旬日還登亦非偶四望晴空削萬
山犀山突起標南斗連雲疊作錦繡屏出峽三龍競
驤首霜點丹楓映陸離霞蒸彩石蟠紛糾雌雄分合
宛靈區中藏石窠如神曰豈我能操相地經造次聊
揮捧天手龍淵有氣即衝星龜壁無心偏壓紐若待
空中下玉棺猶防力士負山走幾度徘徊去復來茲
行况挾芝蘭友攀緣絕磴披蒙茸指顧前峰成培塿
儵忽未開渾沌竅揚揚欲生支離肘一線江湖辭履

魏魏洞續稿

卷之三

八

茶雙輪日月爲局歸眉睫之間軫翼縣披襟萬象無
何有可知生死但朝昏彭殤入土誰先後誅茅擬築
大青宮把菊且傾千日酒捻拚黃壤託枯骸肯對清
樽減笑口

頤子承先生八十壽歌

南極宵分燭江漢朝來麟鳳二山烟光紫藹然佳氣
接崆峒合有至人居礪礪采得三花薦壽觴圖成五
老充文綺玄真消息河上公道德淵源柱下史九節
杖頭雲葉披萬年枝上露花繁非綠抱一還太和誰
識觀空悟元始文籙裁爲鵲尾冠長松偃作烏皮几

芝罘造席領丹經桂父登堂歌燕喜新長椿苗八十
霜坐看桃實幾千紀楚騷何用遡庚寅絳朔虛勞數
甲子世外遨遊冲漠鄉塵中眇小衣冠里川陵變化
曾須更莫道河清不可俟

冬日苦雨作

冬來一雨四十日城郭郊原紛蕩滴濟旱雲霓恨太
遲非時雷電亦何疾高天四曜黯不舒朔氣憑陵風
瑟瑟二麥未苗三雪侵忍死逃生計無出千家痛哭
總心寒一卒追呼辟股栗肉倉皇了積逋天網何
如繭絲密泥塗顛躓敢咨嗟造物矇瞶誰究詰縱使

龍龕洞續稿

卷之三

九

媯皇今復生赤手難施補天術

上元夜醉歌贈梅泰符

有引

以下皆即歲

是夜泰符自通真觀來與諸客觀燈歡飲獨
醉據案成詩歸過北門橋露卧其上賴門者
覆以衣襦達旦而醒一無所苦余聞而奇之
因作歌云

下雉城中夜如旦火樹熒熒燭宵漢美人行歌戴月
來登堂呼酒爵無筭稚子張燈只數輪諸客揚眉縱
清玩不羨豪家七貴裝居然四壁群星爛隔市隆隆
鼓吹喧嚴樵隱隱更籌換何物宣州世家兒少年才

美江南冠喝雉探鉤與未涯醉態婆娑憤歎听起看
北斗挂庭柯猶能倚席弄柔翰屈首須臾八詠成奇
哉滿坐俱驚歎辭歸偃卧高陵橋天明訝失玄都觀
卻喜監門識異人解衣覆作茱萸幔曉露春寒總不
侵湖上千山皆玉案

月夜茅平仲吳叔嘉戚不磷過飲舟中醉賦鼓
字

海雲西飛月東吐一曲風瀾漾璣組有客城頭散步
過登舟宛坐清虛府開樽對月且論文豪來意氣凌
今古河漢森沉露漸寒中流夜半仍簫鼓酒盡還拚

龍龕洞續稿

卷之三

七

典鵬鵬詩成漫復騎鸚鵡吳飲楚調兩相驚千載詞
盟定誰主

王太古自虞山過婁東見訪偕至吳閶數日言

別兼訂入楚之盟

婁江東下海潮迎短楫飄飄天際橫不道君從海隅
至八年一面魂相驚別來佳句膾人口貧病羈栖倦
奔走哭母心傷難骨存呼天氣激龍泉吼扶携且上
姑蘇臺千里吳雲黯不開羅綺紛紛競游冶淫哇滿
耳何爲哉乾坤自可一知己重按朱絃一流水更約
浮槎江漢遊爲君先拭林間几

荅程太冲寄題北園

北園短榻甌中藏身敢比東園公世上浮名避不
盡老來旋學觀虛空詠每狎東方朔賦詠何如左
太冲石塢雲林半幽窈池上諸峰插天表怪哉千里
水相過詩成便覺烟霞繞豈是神遊濠濮間寄情不
必親魚鳥長干道上驚識面竹笠藤衫六角扇結客
嬾從王謝徒揮毫欲與曹劉戰片言得意賞千秋六
代豪華君不見

荅東柯生見訪長詩

莆中勝槩文明城間巷詩書鳴上國忽有方外東柯

甌洞續稿

卷之三

十一

生迢遙訪我滄浪側圖卷聊充海客裝風標似帶壺
公色結交一頃名賢奔走何曾爲衣食投我新篇
氣亦奇豈應詞苑無人知豫章老友宗良氏尺素憐
才遠護持重來不憚浮湘陰一見猶稱御李遲獨愧
老夫貧且病無力能爲幸金資况復炎蒸毒方銳喘
息如焚語如瘰中爲塵生楮墨疎從他禮數難相制
淹留且待秋風清稻熟鷄肥酒堪貰散髮郊居水石
間陶然一醉看浮世

送工兒赴省試

三元弱冠曾虛名繡虎雕龍人所驚七戰詞場不得

意年過三十仍儒生雄心未銷長歎息逢機更奮渾
池翼大器由來屬晚成懷才豈竟無人識兒不見公
孫下第董下帷名對已非年少時抱策能如漢文學
致身莫道青雲遲又不見古來名將無常勝背水背
城氣先定一鼓須臾萬敵奔旋師處處鏖歌應

申美中孝廉邀遊吳氏園亭醉作

解纜百花洲來遊萬石園舍舟造烟扉劃焉開洞府
衆山何處突飛來斷續低昂駭人觀踴躍群趨秦使
鞭玲瓏巧奪蜀丁斧列嶺排空爽氣分中峰射日靈
光吐修篁茂樹穿巖阿風來雜沓虬龍舞碧澗滌洞

甌洞續稿

卷之三

十二

翠磧浮戲藻游鱗紛可數寒雲欲涉愁無梁忽有雲
根堪步武陰崖遠谷深生寒携壺出就辛夷塢斜陽
已醉北山公明月偏驕東道主老態婆娑癖好奇景
物依人作今古此地非逢我輩看尋常一片吳州土
親日樓爲郭美秩孝廉題

我聞泰山日觀峰坐見日出東海東匹練遙牽閭闔
白陽輪倒射扶桑紅天鷄初鳴夜未旦妖蜃欲息烟
先空沙珠照耀蓬萊島水怪憑陵碣石宮誰移此景
三千里忽置仙郎小閣中岑氏負山休角力秦王鞭
石難爲工鄂臺楚殿排闥入大觀大別虛軒通日上

何兒辨遠近風來有客知雌雄七澤三湘氣蒸鬱千
門萬戶光瞳矐此時仙郎振衣起奮迅欲向層霄翮
一江霽色招黃鶴徑寸文心吐白虹徒倚望京如望
魯卿雲片片飛穹窿

卧遊閣詩題贈項叔定

東甌海氣何旁礴鴈蕩龍湫渾沌鑿雪燈曾躋王右
軍烟林尚想謝康樂何哉叔子更好奇傷海新營卧
遊閣適意無妨婚嫁遲懷才反畏功名縛高枕群書
足古今憑軒萬里如飛躍衡眉縹緲入神山胸腑汪
洋藏巨壑八極寧須駿足馳九州自可鵬翼約平臨

甌甌洞續稿

卷之三

十三

日觀夢中縣俯瞻靈標天外落竹杖聊停不住蹤松
醪且當長生藥偶然命楫浮江湖遂尔乘秋禮衡霍
訪我迂迴處士洲留君共飲騷人酪洞庭雲夢亦大
觀持以贈君良不薄

題飲中八仙圖

飲中何代八仙人仙骨已朽名尚新杜甫作歌歌亦
醉仇英寫像像如真婆娑跳踯各殊態軒冕落落樽
罍親銀瓮拍浮香不散玉山頽倒涎津津式歌此歌
像此像猶然美味沾吾唇驚代賢豪一時聚詞才酒
德傳相珍睥睨乾坤摩日月無如此物堪藏身鯨吞

頗欲枯江海牛飲何曾問主賓百榼千觚興未盡周
天幾度移星辰酒池濡首糟丘卧黃石赤松皆比隣
不須采藥上蓬島不須畫影登麒麟但與麴生共朝
暮須臾混沌成千春老夫合是圖中客把酒呼君若
有神雷霆不聞山岳小與君曠世逃風塵

登鎖江樓

片帆咫尺浮江州匡廬好是吾家物九疊雲屏倚郭
開九江烟水平如熨幾日沙頭看未休維舟更上鎖
江樓迴固曲引龍爲阜軒楯平臨日月流石塔峻嶒
起霄漢還似當年一柱觀東西吳楚掌中蟠橫絕何

甌甌洞續稿

卷之三

十四

須憑羽翰老去登高氣尚雄坐攬千峰與萬峰誰叩
二鐘和廣樂且提雙劍掉崆峒

南康五里橋卽事兼簡田使君

五里山前啓靈輿蛇形起舞龜形伏匡家兄弟不敢
居巖下老人甘露宿一朝闢作上帝宮片地能延十
方福遠近風聞帝力玄千門萬戶齊齋沐頂香束帛
道家裝八路交馳履相屬逡巡合掌頌仙經不斷慈
聲振山谷私願無端各自宣七星旗下禱且哭罷隆
瘡痂乞神膏一勺美如珠萬斛登借當年漢時靈燔
香已熄光仍復廬岳尊堪配武當天池氣欲無王屋

使君相地合有神此中疑已聞三祝

聞馬義徵與邵子俊談篆隸書法并觀其所製圖印喜而作歌

滄浪主人拙欲死臂指雖存不相使捉筆如操十斛弓學書但污赫蹠紙點書拘攣類結繩安問六書與八體臨池自笑忽自失江上翩翩來二子艸堂置酒酒半酣涼颼入戶談鋒起似發當年魯壁藏古今判若淄澠水昆吾刀法豈失真銅章玉印懸相擬薤葉垂垂栢幹枯觀者盈眸乍驚喜我聞太皞開鴻荒八卦先天文字始萬年龍馬千年龜十字碑文九字璽

甌甌洞續稿

卷之三

十五

鳥跡蟲書事有神鼎彝竹帛傳無已五岳真形禹蹟荒六藝千秋寧闕史秦時丞相漢中郎變格分塗漸殊軌叔季以來多匠心鍾王諸姓家爲壘人間故物已非初世遠誰從辨魚豕楊膚劈作魯陽戈蒿尾刻爲肅慎矢金石旣敝棗木災巧拙都非倉籀旨本朝作者號中興表章寔籍王元美昔者吾友文與黎壽敬惟好古識奇通妙理翰墨珍藏學士家一代風流朝露委孟孺苦心今擅名通侯優蹕躡其趾馬生起舞邵生歌滄浪主人嗟老矣

徐公勸農歌代父老作

畫壇苦雨雨初集出郭勸農農務急辛苦單車歷四郊披烟觸暑觀原隰周官月令此何時漢吏循行誰更習一日宣傳古道興沿村父老歡相揖水田澆澆紛流膏到處耕夫挺簑笠瞬息仁風解鬱蒸盡道君侯遺我粒君勞與我同憂勞天與君侯共呼吸賜帛寬租恩尚遙爲霖濟旱猶堪及邇來不聞一卒呼萬室鷄豚盡安輯只恐它時借寇難又隨天上徵書入釣臺詩有片

休寧邑南三十里有釣臺石高不數仞下俯臨谿與予故人程汝揚先生家最近先生自

甌甌洞續稿

卷之三

十六

解辰州歸途絕跡城府誅茅結亭其上寄情遊目宴然安也一時邦人士郡大夫爭高之好事者因標其楣曰百代清風先生其庶幾矣今先生下世且久而其仲子涓恐遽湮滅遠索予詩紀之將鐫諸石嗟乎予亦漁釣之徒也安得一足此石而招先生哉

白岳飛來一拳石當谿影浸玻璃碧遙知水脉穿萬山誰測雲根插千尺陰磴常樓太古雲斷崖非假巨靈擘下有蒼蒼舊釣臺綸竿不繫莓苔積何人選勝辟荒蕪五馬歸來楚大夫亭開七里桐江岬障盡二

秦渭水圖百代高風回旦暮十年清夢落江湖問心
濠上觀魚者非我非魚樂有無

題淇園四景圖贈何興父有引

圖蓋梅花道人舊稿此臨本也雖稍失真而
風雨陰晴四景猶具亦一人間異物宜興父
襲以爲清玩乃命之曰瀟湘萬頃豈別有據
耶頃予臥病伏暑而興父適以此卷來索題
忽覺涼風灑然至也因先易其名而系以短

歌云

六月蓬居苦炎熱何來一簇青琅玕函開已覺圖書

甌甌洞續稿

卷之三

七

爽卷盡忽驚毛骨寒誰爲仙郎布此景淡飛淡埽俱
奇觀聲將鼓吹山前送影借簣當谷裏看由來一片
淇園地風雨陰晴變筆端一作端烟稍露葉解起舞軟
沙斷石支檀欒漢使虛傳大夏節虞妃誤點瀟湘癡
七賢雜還不得入二仲亦惜過從難陸海萬竿莫言
異渭川千畝莫言寬枝分擬叶龍吟律籥解猶成鵲
尾冠倚案依稀灑冰雪千雲綽約翹鳳鸞此時但傷
此君醉何異仙郎來結歡

書贈穆楷

廷尉之門可羅雀縣車謝事營丘壑賓客散盡穆生

來脫身避難從棲泊主人好士更好文記室圖書
有託執鞭秉燭佐行遊奔走何曾待童約有時側席
奏新篇四坐賢豪盡驚愕家監盧兒屬異才呼酒倡
酬無筭爵君不見晏嬰途收越石父知心何擇負芻
虜又不見漸離淪落宋子傭知音一日登樽俎古來
英傑困途窮牧羊刺豕終非伍吁嗟噫嘻穆生遭遇
亦已奇豈有餘懷不盡吐

墮馬行戲贈俞羨長

九曲溪流貫石梁乘春挾客來浮觴觴來鼓飲無餘
瀝興盡群峰挂夕陽蠟屐不知老夫老據鞍卻羨狂

甌甌洞續稿

卷之三

八

生狂崎嶇歸路出村畦奔泉灑灑風淒淒九畹未窮
三墮馬角巾野服蟠污泥呼兒推挽臥不起猶誇欸
段爲霜蹄醉態頽唐忽自罵裸身盤礴高林下道旁
觀者稱絕奇一蹶可當千里駕劉伶荷鍤但虛名畢
卓枕甕亦長夜自愧老夫翻獨醒肩輿安穩上江舲
四肢無恙且高枕蓬底參差散列星旦起題詩浪相
謔請君爲我書齊子

短歌贈冠巨源

冠生懷才何卓犖不好力田好遊學一日詩名動上
京遊踪便欲窮川嶽酒徒旁狎博徒親傲睨軒裳偏

齷齪生相居然戴虎頭千時那肯扣牛角歸來金盃
舌尚存妻子蕭條處蝸殼短劍聊憑牛斗彈長纓每
就滄浪濯石時乘興造吾廬白石爲牀青蘿幃抵掌
論文開古心長嗟季子能知樂信義堪追北郭騷恢
諧更肖東方朔江漢之珠幸未投沅湘之蘭常在握
老夫壯氣猶難平醉任黃河自清濁請看誰是眼中
人斥鷃紛紛嘲鴛鴦

韓使君送蘭佐以鳳尾蕉夾竹桃各一本走筆
謝之

新暑毒尚微薰風爽中懷微聞王者香來自使君宅
甌甌洞續稿 卷之三 十九

九畹靈根帶土移新培石斗含脂澤英英弱幹吐芳
華清臭能醒愁病客使君相念亦何勞一握同心義
已高更遣二奴趨左右鳳尾芭蕉夾竹桃桃枝綽約
苞紅紫蕉葉旖旎旌旌倏忽齋頭美成祭何當對
賞傾濁醪

五言律

與紀從事旭仁二首

六子辭京國翩翩後進生詞場分赤幟俠窟按青萍
御李誰相重咻齊衆所驚十年湖海意杯酒爲君傾

其二

南州無二士漢榻至今懸之子青雲薄時名白面傳
好文知汝癖問字欲誰先爲祭清狂興歌予望海篇

送郝仲隆暫還新安

作客三湘久思家五月殷扁舟涼夜發斗酒路岐分
目極滄江樹詩裁白岳雲秋鴻倘相憶何靳一書聞

漢口曉發同郭仰甫卽事

烟江侵曉發况與郭同舟只似騎黃鶴何曾犯白鷗
風來神女峽帆指庾公樓詩就誰工拙樽開且勸酬

舟中逢仰甫生日有贈

何忝汾陽裔且當強壯年浮槎常作客採藥定逢仙
甌甌洞續稿 卷之三 二十

沙鳥同生事江魚入壽筵南風解新暑聊與坐談玄

過寒谿寺

陶桓公得文殊銅像于海上送之寒谿卽此

艤棹寒谿口溪幽石影寒穿林尋古寺啜茗坐蒲團
獨有文殊像還如海上看高僧傳法處芳艸自空壇

蘭谿遇顧子敬邀飲舟中作

偶過蘭水上偏遇握蘭人共汎滄波去分懸雜佩新
江雲浮鄂渚野樹入蘄春坐喜飛帆疾都忘計酒巡

漢口舟中與子敬夜談

殘月磯頭吐飛濤樹外鳴客乘烟艇過坐愛晚涼生
弔古蘭谿色論文江漢結悠然心境寂鷗鷺不曾驚

初春向侍御蔡卿見訪

紫禁纔簪筆青門遽拂衣無煩嗟直道已自息塵機
雪後欣相過花間醉不歸論詩到風雅始識衆音非

閱蔡卿詩有贈

岐路縣相問參差反故林國中元寡和澤畔偶行吟
意豈雕龍盡機從相馬深把詩歡不定衰晚一知音

吳仲足自都下以漢篆圖書見寄因贈

汝亦吾宗彦游揚自上京六書緣象數一字走公卿
已謝雕龍技兼知倦鳥情按圖窺古色能使辟蘿驚

同諸文學攜具登富川樓宴向侍御方山人

饒顛洞續稿

卷之三

三

卽事二首

登臨湖上好況復遠塵蹤檻拂雲間樹軒憑雪後峰
沙棠漁子戲生菜野人供莫怪採春興偏當晚照濃

其二

爲惜青陽緩携壺傍水濱樓臺通四野景物向三春
浦口移商泊沙邊集釣緡交歡殊未已纖月起城闌

過世仰留宿

不淺通家誼過從肯厭勞交能忘尔汝居僅窮蓬蒿
月色中庭滿江聲入枕高淹留已三宿猶自漉新醪

贈孝子談衷廬墓詩二首

汝解終身慕人驚孺子哀青鳥古兆出白兔遶山來
斷髮纏枯骸椎心撫夜臺可憐憔悴色垂老向誰開

其二

豈有椎牛饗還思弄鵲年寒雲蔽中野老淚及重泉
恨自終天結名當百行先黃香無被袴楚史至今傳

荅郭生

郭隗千金士嗟無自薦期挂帆隨處泊賣藥少人知
偶過滄浪浦先成被襖詩林亭春正豔不羨永和時

穀雨後隕霜

已足分禾雨俄驚殺草霜農書占歲令國史定災祥

饒顛洞續稿

卷之三

三

燕雀寒相弔茅茨濕不妨春深重挾纈何處覓韶光

偶過汝脩山居留飲卽事

爲憐招隱癖扶杖入山阿稚子烹魚出田人叱犢過
移尊坐芳樹鼓掌發清歌不必傷遲暮餘生醉裡多

齋前薔薇盛花喜而成詠

小花無人迹花時亦豔陽細繁脩架滿忽作錦屏張
過雨驕新態微風鬱異香坐來忘白首隨意一揮觴

寄贈王文植方伯六十壽詩

每憶長安別緘書又歲年因君謝方岳舉世重林泉
日藉銜杯遣名從抱甕全欲操瀕口揖千里叩談玄

其二

聞君新築園乃在壽山腰小隱成詞社餘年享聖
朝放歌雲夢渚懷古驢驢橋不必求丹訣群仙可坐
招

劉長卿黃以仁過飲北園二首

索處差無恙相求忽有朋徑穿幽篠入臺蹴細雲登
縱目千峰霽臨流一鑑澄荷風吹石檻漸覺晚涼增
其二

百卉何蒙密開樽俯曲池亭涵山意足石勒水痕滋
紫籜披湘竹高花爛蜀葵酣來無一語貧病友人知
醜醜洞續稿 卷之三 三

寄贈吳次魯四首 有序

次魯名宗儒新安人於予初未有交遣使詒
書陳叙慷慨因以所著止耕堂詩數十首屬
予彈射之子讀其詩澹然隱於農也自適其
適者也遂亦贈之四首用荅來雅云

其二

未識新都士緘書越萬山迹堪農圃混心欲古初還
黃鳥仍求友青雲已閉關新詩殊意氣那敢爲君刪
自厭干時策歸來但問耕猶緣耽誦讀亦復見才情
負年璜溪出揮鋤白岳驚秋風動場圃萬事一樽傾

其三

數畝寧辭隘藏名且歲時每看嘉種集欣詠大田詩
賽鼓村翁過穰年社酒移何如三徑叟日日醉東籬

其四

不赴淮南社歸耕隴上田蜩毛看濁世牛口卧名賢
義藉投桃重情知御李專幾時能出谷更上剡溪船

送程萬里還江西

念汝孤舟去况當三伏時江雲流大火浦鴈迫秋期
慷慨曾投筆蹉跎負建旗看君真鐵面毋謂策勳遲

送工兒應試二首

醜醜洞續稿 卷之三 三

上書嗟屢困猶喜是強年賢路今如廓儒家業已專
風生江漢水雲翼孝廉船坐觀蟠龍奮金鱗燭九天

其二

太史掄文日吾兒獻賦期十年如有待一顧敢言遲
擬附賢臣頌無忘國士知風雲成遇合努力報明時

新秋偶過南莊即事八首

一夜涼颼動凌晨理釣船急排滄浦出已汎碧湖前
萬樹都含雨三峰儼在天山家幽事足只少是豐年

其二

短檣橫塘繫肩輿仄徑過田家新得雨野水忽生波

見修場圃猶聞閔稻禾古來秋省歛租吏近如何

其三

殘暑晝相迫逃之萬竹中山舍經宿雨林響驟來風
稚子移書帙鄰家過酒筒自憐幽獨好死坐太清宮

其四

灑汗行阡陌良苗半有無螟螣紛作戾曠旱已垂枯
一雨嗟何晚三農困欲呼相看多菜色辛苦問官租

其五

躑躅村橋外縣泉挂石西可憐山氣爽忽漫野烟迷
接隴荒秋作逢人病夏畦何當下優詔恩澤海天齊

饒醵洞續稿

卷之三

二五

其六

別業西隴口長渠引石泉阜來成涸澤行處卽荒田
餐粥供難繼糧鉏力盡捐那知逃世者垂老尚憂天

其七

谷口村居僻蕭然九畹堂古槐陰石砌脩竹蔽雲岡
暑氣叢林鬱秋懷獨夜長偶驚微雨過旋起試新涼

其八

開山種萬樹山氣日嶙峋差擬樊侯漆寧同傲吏椿
扶疎千丈質潦倒百年身卻借場師術終焉託隱淪
再過汝脩是日俱病不飲

相憐俱老病相顧獨徘徊自可炊糜共無煩載酒
道窮諳世態心苦辨詞才擬踐山園約秋花待舉杯

曉過北莊卽事四首

清秋湖上約的的向殘更听轉群星散波漂一葉輕
前峰纔曙色高樹已蟬聲衣袂沾涼露悠然遠世情

其二

故業餘耕鑿先廬傳薄田歲時聊自給賓客但相憐
未遂沾時雨那能慶有年隔林喧老稚抱瓮汲山泉

其三

赤日蕩河洲村童出飲牛嘉禾都閔旱落葉漸悲秋

饒醵洞續稿

卷之三

三

實恐如縣磬虛勞祝滿篝總忘天下計寧免野人憂

其四

萬卉怯秋陽山田處處荒難從河朔飲且就竹林藏
飯自鄰翁裹羹分野菜香此時留一飽猶勝瀉瓊漿

憩石門莊示兒

吾兒讀書處山靜石爲門宅舍無三畝桑麻自一村
涼風翻素帙午日歇盤飧不見莘田叟驚然此道尊

九月三日與莊則勸俞敦甫及從孫襄同過石

門視兒無忌兼登犀山卽事四首

水落雙橋外經行忽自疑泛舟曾幾日驅馬卽如斯

先是八月霜氣延村落秋懷藉酒卮山間便野服
鹿與爲期

其二

野老休場圃吾兒困典墳課耕聊卒歲閱世總浮雲
楊外雨初霽花前客已醺下帷傳素業那得廢論文

其三

幾日秋容變千林木葉摧偶尋山逕入又過石門來
飛嶽凌層漢濃雲覆古臺登高近重九野菊傍人開

其四

載酒看犀嶼登臺俯雉城淡雲千樹小斜日兩湖明

甌甌洞續稿

卷之三

三七

爽氣生平野巒光接太清可知樵徑裏不着世人情

過阮汝真宅贈以六十壽詩二首

九月溪流淺牽舟百里賒爲乘子猷興來訪嗣宗家
故態存杯酒新詩遺歲華延年無異訣醉卧枕青霞

其二

命駕元非慢稱觴豈待招向來齊齒髮垂老共漁樵
機息占長壽形忘見久要可知浮世外無地不逍遙

甌甌洞續稿詩部卷之三終

甌甌洞續稿詩部卷之四

武昌 吳國倫

樵李 馮夢禎 校

五言律詩

酒船初成漫賦二律

歛木浮偏穩編蓬坐亦舒湖湘元澤國舟楫好吾廬
豈必馳名馬聊當學捕魚醉乘明月泛直欲上清虛

其二

短棹纔如筏狂呼是酒船携壺看水藻邀客醉江煙
落日烏檣動行雲雀室縣高風慚李郭亦自擬登仙

甌甌洞續稿

卷之四

偶過龍湧寺士兒與俞敦甫從之周吉甫茂才

携酒後至

登高無夙約興至卽名山沉入樵蘇徑如穿虎豹關
寺門千嶂合雲物九江還萬象何寥廓都歸騁望間

其二

周郎何好事索我半山中几席香臺布壺觴小徑通
泉聲清萬竹雨色淡雙桐不厭行杯促須臾白社同

宿九宮山觀與阮汝真夜談二首

共有登高興招携九月來草荒迷藥井雲淨出丹臺
遙望群峰暝衝星古觀開授真人不見中夜坐銜杯

其二

入山同阮紹采藥遇胡麻豈即天台路聊尋羽士家
老餘仙骨健在益酒懷賒一枕黃梁夢浮生總未涯

過譚少府大本池亭留題二首

因君擅立壑乘輿遠追攀徑遠重隄曲池開萬樹間
垂綸過水檻枕石卧雲關不是薜彭澤那知倦鳥還

其二

蕭疎營亭榭悠然在水心引流穿石細縣棧入雲深
艇泛旋花塢梅開傍竹林但知濠濮意身世儘浮沉

六都道中望九宮山

龍龕洞續稿

卷之四

二

石徑緣千澗沙田辨六都土風猶近朴客興未全孤
杖屨偏名勝神仙竟有無九宮天際出何得馭飛鳧
喜呂潛惟烈至自粵西

世義潘楊重津途楚粵輕由來真相種不忝是吾甥
贊鴈佳期近乘龍喜氣生豈知裘褐女亦得侍簪纓
其二

冰泮一陽回清湘畫舫來遠修親迎禮爭識象賢才

五綵編爛熳

時奉其大夫人同行

三公開閣開異時占宅相佳

氣嚴瑞室

贈楊伯武二首

伯武名家子探奇作遠遊壯心橫朔漠長揖謝王侯
偶繫山陰棹同登湖上樓爐頭新釀足信宿爲淹留

其二

說劍名猶俠攻詩氣欲降飛揚歌出塞蕭瑟賦哀江
巢燭雲生榻停杯雪滿窓試論天下士誰得號無雙
張叔見自興國擢武昌郡丞稱賀二首

五馬駕輕車康莊萬里除人傳清白吏帝覽治安
書布德專城久承恩刺郡初兒童休卧輟咫尺武昌
居

其二

龍龕洞續稿

卷之四

三

至日除書下江鄉喜氣多官遷仍借寇地近亦思何
累績更三綬清風襲五紵茅齋漉新釀行縣倘相遇
贈鄧廷魚二首廷魚故南康諸生晚好玄學兼
習形家言遊子一年所不能別爰有此贈

白首仍儒素玄談自異人相忘爲客久頗不厭予貧
竹籀傳中壘青囊破景純南州時望氣牛斗失精神
其二

自厭干時策新傳相地經軍中規法象圖外測真形
隱鷗占如鸞鞭龍杖未停藏書何處可遮莫問山靈
段生見訪與飲北園

卧雪門深閉君偏問字來偶穿幽洞出驚見春梅開
石乳沾衣袂林花促酒杯遠峰銜落照扶醉一登臺

元日程孟濡過飲

病起占三朔東風已落梅湖南春事蚤花外酒人來
榻傍城陰布樽迎雪意開總無浮世語那得不徘徊

春日陪孟濡拜先大天墓有感

與子交何晚相憐意獨親重題三世碣時孟濡爲我書先君先兄及亡兄諸墓碑因弔九原人歲閱松楸長山寒雨露頻蘭漿
一以辭凝望轉傷神

贈孟濡北遊

甌甌洞續稿

卷之四

四

已結燕臺轡仍停雉水舟懸金非所羨抱壁向予投
書法沿倉史詞名慕沈侯墨林稱獨步珍重帝鄉遊

其二

看君揮彩筆直似引風斤變格從三昧忘機就八分
有時頭濡墨偏覺氣凌雲好上圖書府重摩鐘鼎文

初春病起寄懷則勸一首時則勸病亦新愈

逝景忽如流生涯竟一丘衰年常病肺勝日轉含愁
地接飛雲洞江清捲雪樓幾時同載酒更作采芳遊

其二

自翳蓬蒿徑過從賴有君那知同病後遂作隔年分

萬樹流春色千山宿暮雲盤中具生菜遲汝一論文

寒夜偶作

永夜寒無寐殘燈起自籌如何婚嫁畢不減歲時憂
同輩看盡盡名山負遠遊棄家猶未得何處訪丹丘

問鄭汝志病二首

聞君意不愜卧病且經旬豈厭嚴棲僻仍傷世局新
風雲誰疾足藥石且存身何日同修禊招邀雉水濱

其二

溪角雲連屋閒居鄭大夫挽舟曾問訊得酒競喧呼
雪後懷偏劇春來興豈孤加餐定強健遲汝踏蘼蕪

甌甌洞續稿

卷之五

五

與貞吉飲北園值雨有二客繼至得二首

三日園中約朝來喜乍晴一樽携入竹諸客坐班荆
洞口雲初起林梢雨乍鳴醉看沾洒處花石轉留情

其二

媚景偏初夏陰陰竹萬竿籬花騎向客山雨驟生寒
祇是妨登眺何曾阻笑歡莫教餘興盡明日更憑欄

至大冶旅館向葵卿同弟仲純季懋携酒見過
山縣迴車後十年今再過花明春欲盡雨霽月偏多

賴汝能携酒贈予一放歌人間千萬態無奈老狂何

席上贈葵卿及其二弟仲純季懋

對酒山堂好論文愛弟俱高花呈異色海樹錯三珠
嵩山三花南
海三珠樹 繡服西臺青袍上國儒通家吾亦香
留醉且須臾

飲周光祿良玉宅

選勝開新第流風自世家樽浮光祿酒欄護廣陵花
遶席香痕豔臨牕石影斜清言歡未已歸路躡殘霞

哭胡茂承四首

得爾江行信倉皇恨未過故人排難急國士感恩多
幾承故客曾司空受恩最厚時聞司空破達極力赴之 入郢含雙淚浮沅賦九
亦可憐雞骨盡誰爲起沉痾

龍鍾洞續稿

卷之四

六

其二

自我懸車後惟君儀棹頻性同文酒癖交自布衣真
暫去成長別重來是古人贈言留篋笥披覽一沾巾

其三

菟園談薤罷鄂渚問奇來漸喜詞名著其如病骨摧
月寒曾下榻雲黯舊登臺客死南陽道卧龍應並哀

其四

汝亦平津客偏憐故所親那知長逝日纔及始衰辰
遠道疑仙夢還家只鬼鄰林間思酒態風雨倍傷神
門人徐應時屢過北園問詩勉之二首

園居頗清晏 子日追隨竹裏同逃暑樽前數問奇
爲傳千古業 必衆人知努力還騷雅登壇勿過時

其二

一有耽詩癖操觚勇自前今看題柱後猶似執經年
別園宜頻過詞場孰後傳但知心匠苦非久定忘筌

戎湖洞口訪王侍御二首時侍御以直諫被譴

謫判吾州入境暫泊此

有客來天上移舟傍寺門前山過風雨古洞闢乾坤
白筆心仍苦滄江道愈尊相看惟一笑把酒坐雲根

其二

龍鍾洞續稿

卷之四

七

抗疏名何有承恩意未終可憐鳴鳳出猶與泣麟同
直道浮湘水深憂在漢官定逢前席召勿復漫書空

重遊戎湖洞同王侍御徐孫二孝廉作

我昔探奇至猶疑境未全豈知巖際屋翻窺同中天
束火穿雲竇飛觴挹乳泉靈官自天造深入轉堪憐

其二

何年䟽地肺一徑取天台流水穿厨過飛雲擁坐來
石犀渾欲吼山鬼誤相猜變幻看浮世何如此泛杯

雨中徐應時携具同熊維遠過談即景賦

好事携佳醞聽詩坐晚涼小山殘二華勺水借三湘

染石風萍綠黏屏雨樹蒼此中宜一醉莫謂老夫狂

霖雨暫收同維遠應時出郭觀漲

樹杪觀濤去城中問渡來積陰霾日月飛潦蹴風雷
附郭移家盡深村掩戶哀何當沈秘景急爲挽天災
觀漲後舟過小園同二子漫賦

進艇排花徑支牀坐石林斷垣魚出沒摧檻竹浮沉
谿角松聲冷山頭雨氣深當樽不成飲擲管賦愁霖
又兩二首

踰月無晴日初晴忽雨天盈城多汎宅四望少炊烟
不道陰氛結全侵赤夏權晚涼且高枕愁絕是占年

既甌洞續稿

卷之四

八

其二

蜀山纔見日巫峽又行雲石鷺無寧翼江鷗失故群
驚逢西海婦急訴洞庭君坐觀城爲沼繁憂可自分
閱青桂社諸子詩因賦二律相勉

斐然二二三子獨管厭煩囂一結淮南社真同濠上招
逡巡趨正鵠巧捷見穿鵬萬里橫行好何妨大敵驕
其二

汝輩登場秀兒曹學步隨定操僊氏斧先擇鄧林枝
象外天機動毫端古意馳直須追作者騷雅是吾師
爲君霖題六書樓二首

見道王孫第新營百尺樓江聲迴左蠡斗氣鬱南州
壁擬藏書鑿心同太古遊還疑天祿閣藜火至今留
其二

古法誰重睹六書君更操名樓意不淺擲管視逾高
一洗師秦陋寧辭祖頡勞憑軒宵縱目象緯拂青袍
俞羨長住我北園戲簡二首

怪雨耽幽僻山園穩寄居脩然無旅况豈復是吾廬
入竹行呼酒憑軒坐釣魚過從誰主客身世兩遽遽
其二

留賓一水外無異隔天河屈曲移船就艱難送酒過

既甌洞續稿

卷之四

九

詩題雲石編涼入露林多奪我南窓榻酣眠柰汝何
斗孫病小愈有作

抱汝纔三稔嬰憂已百端常憐雞骨細敢作鳳毛看
餌藥頻憎苦分飴總不歡夜來占起色一日老腸寬
贈雲梯寺醫僧普濟

杖錫丹梯下樞緇過野堂曾浮香水海親禮藥師王
忍草籠中駐慈雲足底翔孤孫幸無恙不減遇長桑
再贈劉醫

短棹重來日相關意頗專業從三世定實似八公傳
病叟逢人述羸孫賴汝全恰乘涼雨後歸去理芝田

立秋日過北園訪俞義長見蘭花盛開喜而同

賦

密樹蒙修壑叢蘭茁小堂秋風下一葉幽色飲群芳
自結騷人佩誰憐王者香銜杯共心賞時序亦堪忘

有聞寄慰宗良二首

不信皇王喬時危道亦窮名當垂老定詩到拂情工
無力排家難含愁詠國風快場紛可畏且復避牆東

其二

虺口羣相射雛孤敢自鳴生離成永訣免死亦鍾情
總是疑難辨何言法未平知君憂憤切雷雨望天京

戲醵洞續稿

卷之四

十一

聞楊懋功使君有過訪之興先此訊之

懋功守雲南時予適有貴
竹之役益嘗通書問矣

未識子雲面曾聞著及騷題書通傲外移疾卧江皋
佇望星河迥相求夢寐勞秋風千里駕萬一到蓬蒿

寄酬方士功員外

造次章門別參差掛漢冠題來冰雪句士功嘗賦雪
山水詩見
贈常助水雲寒白社尊詞筆滄江老釣竿聊因彭蠡

鴈寄語勸加餐

陪俞義長拜先大夫墓志感

同謂論交遠通家義已敦入山求故隴拂石薦芳蓀

雨過林光澹雲來水氣昏衰年感今昔延佇倍銷魂

同義長敦甫泛門坊湖舟宿山下

萬水落長堰群峰抱古村舟乘涼雨泛浪曉暝雲奔
鴈驚驚漁笛芙蓉引客樽只疑查貫月高枕繫河源

寄訊用晦二首

憶客南州久稱詩汝最先名依高士立法信郢人傳
雅道無今古窮交已歲年如何垂老日斯意轉茫然

其二

不信同袍友經年一字無候蟲驚自語江鴈起相呼
秘館延丹客扁扉謝酒徒總令嘲盡解吾道豈應孤

戲醵洞續稿

卷之四

十二

家四兄六十七生幼子志喜

霞彩燭桑榆中庭喜氣殊憑誰嘲老蚌已自抱明珠
異日車中善無時掌上娛偶從湯餅暇親爲理文襦

家四兄六十八歲得曾孫志喜

幼子勝衣日曾孫屈強初百年優樹德三世穩充閭
似祖名相望用名升卿字不虛用虛宗祧良有託家

慶復何如

早後久雨農人病之偶出郊行有感二首

夏旱無涓滴秋霖奈爾何濕雲封大峽橫潦偃枯禾
入望炊烟少經行野哭多雞豚僵欲盡租吏忍相過

其二

可惜經旬雨愆期轉病耕坐田欲變那得稻重生
萬戶征米急三時早潦并逢人多菜色相顧不勝情

答方寅初見懷

幾載江南北浮家信未通方緣排難盡詩以避歸工
貧病羈人事游揚俠者風歸來猶問字老我愧揚雄

與寅初飲北園

江上初還薄林間一叩扉卻憐風浪色猶滿芰荷衣
倚石題修竹移尊面翠微倘知山水癖不醉肯言歸

秋日王唯吾侍御郊行便過北園不令予知賦

龍龕洞續稿

卷之四

七

此奉簡

郊行何自適迤邐荒風野老方爭席園人失避馳
俄尋幽徑入獨坐林花石都含意流連悵未同

唯吾侍御過飲北園

秋氣鬱松關荒亭一水環客行穿窅窕衣冷怯潺湲
石仄花間路雲生竹裏山月明移小艇疑在剡溪灣

方士虞子化再過有贈

已道騎雲去猶然賣藥來大丹何日月真氣僅胚胎
六著元非幾三花可更開一丘且高卧看汝躡蓬萊

林嗣庚俞平之過訪北園

江上秋雲色遙隨二客來叩門雙鶴應過雨一樽開

茂樹藏雲屋幽花點石臺交歡殊未罄扶醉躡莓苔

華宜人輓詩爲其仲子紹先索題

學士名元重嚴姬頌益尊家聲流萬石國澤被諸昆
燕喜曾稱壽烏栖已斷魂離離原上草終古拭啼痕

得王承父書卻寄

憶解梁谿棹吳雲首重回夢中三載別秋盡一書來
老病存詩卷窮愁傍酒杯東遊應見汝還上闔閭臺

趙汝脩見過留宿席上作

蚤歲同袍友垂年隔水居偏乘烟艇過使我病容舒

龍龕洞續稿

卷之四

七

瘦削新篋酒盤供自釣魚酣來發高唱良夜莫教虛

其二

行年過六十百歲幾追歡促席孤懷遣當杯老態寬
澤蘭紛可佩薜蘿靜堪餐聯榻不成寐相呼坐夜闌

禪僧真澄借我苑居誦經賦贈

一區投老地分與誦經堂錫挂叢林樹衣生異域香
風清花雨細境寂梵音長苦海茫無際何時折葦航

遊大嶺白雀洞即事五首

月傍孤帆落溪懸百箭鳴居人垂釣處前代折衝營
將軍爲吳折衝弔古興長嘔登高結近盟諸賢爭載

酒衰病若爲情

其二

市隅黃龍渚江纏白雀蝦睛臯過露窺細浪蹴風帆
屐儘名山折書應古石函扶携上飛磴爽氣薄松杉

其三

不道樵蘇徑居然託勝遊虛器疑鳳穴勺水自龍湫
荆莽千秋闢雲霞四壁流無煩采芝朮已可卜丹丘

其四

複嶺橫江介天空四望寬江光杯面出峰影鏡中攢
吳楚雙分野乾坤一大觀醉來狂興發渾欲振飛翰

醜醜洞續稿

卷之四

十四

其五

不忝高陽興追隨並酒人看山忘老大揮手謝風塵
勝蹟聊張楚幽探豈避秦踏歌隨返照烟景倍相親

題張山人春谷圖卷

采藥隨雲住無家路不窮律從吹黍動詩入放梅工
故里陽春近仙源子午通儻知天下谷寧復羨愚公

再送張山人還嘉魚兼東方大司馬

自汝依方叔時名一日冬擔囊行雨雪返梓州風波
賣藥無人識成詩祇自歌爲言巖下老醉舞尚婆娑

送程文學棄官還西陽

古調叶登歌流風壁水多生徒儼南郡經術自西河
正擬趨徵召胡然歎輶軻紅塵一揮手高枕倚烟蘿

贈俞醫士

上古稱俞跗醫爲扁氏師至今神技術猶爲遠孫貽
五氣工調變群生待護持無須慕鴻寶與爾共餐芝

歲暮劉生見訪

一夜寒江棹夷猶雉水濱登堂如舊識嗜酒亦天真
高蹈名難就遠遊詩漸新留君泛椒栢先借北園春

除夕荅劉生

山城歲已盡客子興猶長但可供遊目無妨在異鄉

醜醜洞續稿

卷之四

十五

物情歸黯淡杯酒託佯狂一夜占春事園梅樹樹芳

愛日樓爲劉翊成題

寸草心難問分陰惜未休欲回陽谷景重築武昌樓
舞彩衝雲現稱觴漢水浮羲輪如有意應復爲君留

爲仲明宗侯題小眺亭

築圃纔三畝登亭亦大觀會心寧在遠谷膝易爲安
瀑瀉鵞池細雲披臨嶺寒性應詞客過竿竹恣留歡

贈仲明孝行

江夏稱黃孟千秋孝子鄉那知朱邱客無忝白華章
勛鼎嚴三命今星屬五潢看來荆楚俗猶復待君匡

黃思素思貞孫以道同兄壻携壺北園餞別蕭

合譽即席共賦

籃輦村橋外茅齋水石間看雲聊共適對酒莫言還
寒月吐高樹斷鴻鳴故關興從諸子發不復記衰顏

人日病中作

山城苦風雪七日不知春比屋炊烟少誰家剪綵新
杯樽妨老病梅柳失精神坐待江天霽從容拭釣綸
病中聞劉生新遊匡廬又數日未發賦此趣之
已道孤舟發猶然古觀樓山城春寂寞江路兩淒迷
病卧妨呼酒拈尋怯杖藜何時矯雙鳥飛跨石梁西

饒顛洞續稿

卷之四

六

七

黃州喜遇丘謙之程孟孺

正是經年別偏驚此會奇開函看近作擊楫慰離思
贊得黃州酒甘如赤石脂酣歌忘老大日月莽推移

寄言曾司空二首

郢上司空第胡然遽陸沉易污終白壁不死自丹心
矢馬天難測亡猿慮獨深風波一以定安穩閉雲林

其二

自罷西園宴相看赤日昏如何蒙難地猶號莫愁村
宅徙無懸壺天高有覆盆它時走相弔何處可開樽
均州遇丁養靜憲使邀飲道故

策杖探名嶽停車遇故人十年河上別茲夕夢中驚
世事安基局生涯老釣緼相憐殊不薄杯酒暢陽春

其二

地據方城險提兵漢使來隆中諮遠略幕下錄兼才
白髮驚相問清尊欸自開倚樓時望岳真氣接天回

贈汪懋叔

有引

懋叔一字永叔蓋伯玉司馬從子也以篆隸
客子寓通真觀適蓬萊宮新成爲書三大字
榜其上見者奇之已復爲余作小篆印章並
有古意因贈

饒顛洞續稿

卷之四

七

訝汝年方少臨池法已工匠心揮聖帝神臂挽強弓
古體三蒼變今文二史同凌雲如有詔莫羨韋生雄

其二

海岳供貧旅詞章屬故家到門寧問字呼酒且看花
衣集芙蓉美書成薤葉斜銀題壯仙觀三具好誰誇

贈胡良濟國醫

有客操鴻術來遊雉水潯紅顏芝作餌白屋杏成林
不忝嵇含賦能觀龍叔心貧家無可報卮酒代千金
張進卿侍御過飲北園卽事四首

不道幽人徑能停柱史驄晚交塵世外深飲石林巾

岬嶺臨丹壑移牀坐綠叢徘徊小山景應與習池同

其二

市遠茅堂靜相看並息機行雲張野慢過雨濕山衣
竹裏泉新沸波間石盡飛淹留不知暑莫是借霜威

其三

園梅落已盡密葉布爲雲列籬然長夏銜杯到夕曛
水烟濃不散竹色秀堪分小作清涼界何妨日對君

其四

涼雲生洞口新水勒山腰並有清狂興難持景物驕
迎船花不斷改席樹相招魚鳥都堪狎居然萬慮消

甌甌洞續稿

卷之四

六

楊伯武林時茂過飲北園

湖上雨初霽松間二客來聽泉迂涉澗穿竹徑登臺
石筍排林出巖花拂幔開夕陽臨汎好沾醉踏歌回

竹間聽時茂彈琴

叢篁幽不極况復聽鳴琴指按清商曲絃流太古音
禽魚諧雅奏山水蕩塵心宛似滄浪父重聞澤畔吟

夏日與陸萬里泛湖卽事

新漲平無際風來巨浪橫遠山漂欲沒羣鷺起相驚
只縱銜杯興都忘涉險情帆前雷雨過歸路晚涼生

次富口過莊則勸新居小飲

不改蓬蒿徑微增薜荔牆雲烟招大嶺鷗鷺點橫塘

剖橘聊行酒移花漸遠牀隔林漁唱發風景亦滄浪

伏日過福勝寺友人徐應時黃思素思貞婿呂

惟烈各携具來予適畏熱戒飲卽事二首

爲覓城西寺晨移短棹來欣逢避暑客同過雨花臺

德水滋深竹慈雲覆古槐病夫新怯醉不敢近樽罍

其二

石徑穿田過花宮隔樹藏披衣玄度社借榻遠公房

午鉢傳僧飯晴林散佛香諸君河朔興酩酊卧斜陽

太和道中雜詠八首

詩中同遊客
謂行甫仲美

甌甌洞續稿

卷之四

九

怪是神仙窟重來境忽迷松杉隱馳道雲漢接飛梯

卻憶同遊客曾當最勝題祇今成獨往猶復健攀躋

其二

已躡群峰過行行路轉賒岩幽多積雪樹古半栖霞

屢迫山腰險翺疑嶽頂斜前林香氣鬱應駐五雲車

其三

天外流金碧氤氲十二樓雲霞開紫府鸞鶴舞玄洲

儼迓虛皇降聊從羽士遊靈山看不厭欹枕夢仍幽

其四

璽旂標複閣絕磻跨行宮座擁黃金像泉懸白玉虹

豈緣仙骨異常覺道心空玄武留真訣慚予老未通

其五

徑轉峰如削林開石競飛瑞烟通帝座空翠溼仙衣
五嶽晴堪俯群星晝可揮玄空一以悟遂覺萬緣非

其六

累日疲登頓朝來雲幾重林巢千翡翠闕擁萬芙蓉
絕頂靈光矗中天絳節從當軒憑九野便好駕飛龍

其七

九土朝真客齊心學道妝駢肩入雲棧努力望天閭
口誦三元呪身懷異域香叩壇據所願清切遇虛皇

旣翫洞續稿

卷之四

三

其八

宮殿彌山谷分門引萬寮祠官供祝聖弟子叶鳴韶
杳藹群靈集迢遞萬姓朝聽經渾不寐彷彿卧叢霄

訪不二和尚

白衲西來後端居虎耳巖不知深歲月惟見老松杉
頂佛開雲鬢詮經閉石函客來無一語叉手誦那含

謁萊陽王國居留贈四首

王好道棄家園居者二十年國倫聞而慕之
因造問焉一言莫逆累日留歡爰有此贈

欲作淮南客其如愧八公逶迤遵曲渚寂寞叩離宮

業與丹丘異家於白屋同未須傳秘典已自挹玄風

其二

自謝人間事巖棲二十年誰知龍準裔更似鹿門仙
曉杖耘芝圃春罌灌秫田留賓旋呼酒醉舞信蹢躅

其三

遠徑惟編竹營官僅剪茅酒邊留問道方外許論交
大藥心相授丹經手自鈔何當捐識業共此白雲巢

其四

累日忘辭去情歡景亦留地鄰玄武谷惚擁太和樓
道自三空悟神將八極遊玉容真帝子何謂不仙流

旣翫洞續稿

卷之四

三

舟過光化遇門人余明府道故

漢上逢何偶黔南別有年祇今三善具寧藉一經傳
隴水銜城麓玄峰插署前飛鳧鄰葉縣何忝令爲仙

漢陽訪蔡憲使園疑留飲作

一別老風塵相過促膝親只疑江上月猶照夢中人
往事歸成幻言懷醉轉真烟波殊泱泱誰得問垂綸

將發赤壁門人孫武昌渡江見問小飲舟中作
不憚烟江闊輕帆鄂縣來吏人沙上集樽酒浪中開

故是名家裔何言百里才當時推轂意相顧轉徘徊
荅鄒彥吉督學見懷二首

有斥

江上聞彥吉與予先後遊太和累日使人探
之不得比還過齊安從行甫所得彥吉見語
書及泊富口見懷二律乃知其先我東下已
數日不及追矣悵然興懷依體賦答

相望趨名嶽仙蹤不可求依然千里隔猶幸一書留
總自忘羈旅憑誰識故侯遲迴應念我清詠下滄洲
其二

遠別空相憶同遊豈待盟進帆疑咫尺呼酒遲縱橫
仰視浮雲過翻增落照明江行不我遇誰共采蘭蘅
新秋送則勸文赴京謁選

甌龕洞續稿

卷之四

三

萬里新秋色偏憐老別心片鴻飛絕塞幾葉下前林
篋笥儒書敝衣冠帝澤深未應悲末路處處好橫
簪

七夕齋中餞別則勸文同劉世仰陳伯珍暨兒
無傷賦

初月陰河漢雙星度影遲可憐今夕別又是隔年期
解綳充行篋分瓜佐酒卮涼颺清四座深飲莫須辭
寄懷張爲春京兆二首

信使中都隔高風下雉留林亭思共醉歧路耿長愁
佐郡仍黃綬匡時漸白頭當年賈生淚應待席前嗽

其二

爲喜張京兆承恩蚤賜環不緣收駿骨那得覲龍
顏劍佩都人識軒車故吏扳相逢稀舊侶不改只燕
山

大司馬子薦王公由薊鎮被命還朝奉寄四首
負韉閩海上分手薊門西多少綈袍意纏綿尺素題
塞塵清玉帳宮日麗桓圭有詔登樞府應知息鼓鼙

其二

自定金陵難英聲振兩都少年優將略歷試老兵符
萬里吞胡氣千秋翊漢圖于今帷幄裏清切贊訐謨

甌龕洞續稿

卷之四

三

其三

聖主宵衣切元戎露布頻龍顏開祕殿手詔出楓宸
國享清寧福天培社稷臣總懸司馬法九土不揚塵
其四

司馬臨戎久還京尚黑頭千官迎振旅七萃擁鳴騶
已肅華夷望仍紆將相等不妨霞外友安穩臥滄洲
哭九弟二首

束髮偕吾弟遂循刺一經相看俱老大何乃獨伶仃
舊業蕭然盡流光黯不停傷哉貧病骨也應少微星

其二

行年雖六十生計總勞勞人世無優孟幽冥負叔
病來誰藥餌身後只蓬蒿一哭腸應裂蒼蒼聽豈高
子叔嗣原嘗仕爲縣令不持一錢以歸而此弟老
於國且無子豈所謂廉吏可爲而不可爲乎詩故
特哀之

熊惟遠至自漢陽將赴燕京故人之招席上言

別

有客浮孤舫烟波江上來病猶殘暑怯樽藉晚涼開
豈羨虞卿壁遙趨郭隗臺幽并風雪苦驅馬幾時回
瞿伯明偶過有感賦此慰之

別子無多日秋生萬木知驚看憔悴色痛掩蓼莪詩

甌詠洞續稿

卷之四

三十四

簞食聊分飽廬居勉自支莫言生計拙曾閱是吾師

必全世本兩道友見訪賦贈二首

至人何自至携手叩山家野服烟霞性童顏日月華
相將傳大藥且與飯胡麻破我遊仙夢蓬萊路不賒

其二

莫訝逢師晚常愁學道難未之三足鼎那得九還丹
訣擬西華授珠從北海餐何時並冲舉携我入雲端

徐應時携具見訪

嗜酒家無力尋常掩草門那知多病後猶有問奇樽
促膝聊深飲篝燈更細論起看涼夜露已自滴桐根

福勝寺方丈訪徐應時不遇留題

憶爾齋居久能無了佛心偶來窺靜室趺坐面空林
石鼎香猶蕪茅垣竹漸侵牀頭橫玉軫虛復待知音
黃思素携酒見過酌中大雨卽事

八月苦殘暑俄然風雨來多君能載酒入手莫停杯
坐上涼雲濕簷端急溜催酣餘卽高枕隱隱過鳴雷
朱子得同靖甫伯良小飲北園卽事

詞客自幽興招携看竹來據牀詩態好臨水病懷開
殘暑妨巾舄踈花佐酒盃松臺明月上野望轉徘徊
其二

甌詠洞續稿

卷之四

三十五

林亭花欲盡客子興猶偏取石雲中坐移舟樹裏旋
風塵忘曳紫蘿薜叩談玄不是諸流水空山擬絕絃

既別子得阻風百箭港而子得亦阻五郎磯下
兩舟相望纔數里不得再就一語爲之悵然

鷓首津門別西風忽已狂兩帆分岍泊一水隔天長
波浪驚推枕乾坤礙舉觴坐看歸鳥外烟樹晚蒼蒼
追至五郎磯下再送子得

拏舟百箭港輟棹五郎磯江路豈不險故人從此違
行行莫辭醉送送猶牽衣四顧長歎息今古知音稀
中秋夜黃思素席上同諸客對月

近市山如畫中秋月故奇清尊許宴客坐總親知
院靜松風落宵深竹露垂醉看蟾兔影曾是隔年期
壯年足夕亦醉此堂

輓瞿叟

憶結漁樵侶猶存朴野風扁舟江上老遺宅夢中同
一解生人累從他世態工豈應泉路去猶復問窮通

向葵卿侍御同諸子過集州堂論文二首

秋雨山堂僻牢騷雄水濱祇應逃世客能訪濯園人
高會良非偶斯文合有鄰狂夫千古意把酒爲君陳
其二

甌甌洞續稿

卷之四

三

駟馬諳幽徑無妨此再過論文遵大雅對酒發清歌
往事驚心盡新聲掩耳多諸君欣秉燭老態已婆娑
九日士兒與其友瞿伯明陳伯珍小集大雅堂
分韵有作率爾和之

齊中對菊

最是黃花色能憐白髮人倚籬霜葉短當席露叢新
偶藉供吟咏因之託隱淪不嫌開放晚穩與歲寒親

張伯常使君見過宣翁

幾株霜後菊幽色雨中妍况有嘉賓過能無賞興偏
待蟹看不厭促膝語相憐夜靜香盈室深杯喜更添

偶爾移菊泛舟張使君携酒過訪

偶爾移舟出却然數酒過使君高興發叢菊落英多
小景排青幔餘香襲白波晚前新月上何處響漁歌
謝熊惟登送菊

累日酣叢菊君仍送菊來不妨增異種且得助餘盃
味並延年好懷同寄傲開祇應荒徑裏扶杖與徘徊
光化余明府考績拜命馳封二親寄此稱賀

續自荆襄奏名蔣漢吏良五雲懸咫尺列宿總輝光

甌甌洞續稿

卷之四

三

御氣通南服天書出尚方庭闈增喜色應戴主恩
長

寄懷邢子愿叅知二首

握手遽長別三年萬里心書愁江鴈阻目極海雲深
按劍無常態操絃自古音何時訪東岱杯酒話浮沉
其三

見道抽簪去相羊海岱間振衣觀日出把酒待雲還

爲帝斯宗侯題逸園

一羽遺鐘時辟星拭佩環詩成但高卧無夢入燕關
誰道幽人徑翻從帝子家穿池開屋允築閣俯龍沙

客過珍禽語雲來錦樹斜開開無一事趺坐誦南華

其二

典國稱宗老題園借逸民林亭差遠市花石解留賓
興至詩能壯機忘境漸真何須謝主組而後託沉淪

讀貞吉病中諸詩有贈

爲問君何病翻然詩思工毫毫侵萬象落楮駭三蟲
恍惚鈞天夢虛無大藥功不須枚乘發神氣晚猶雄

胡載道過歎

漸老思鄉客頻來慰索居酒懷殊不減生計已全踈
何處可彈鋏餘年但書時情雙眼過且復醉吾廬

醜醜洞續稿

卷之四

三八

有感寄伯良

言從河內守八月過山園病骨驚花石悲歌怯酒樽
可憐江上別只幸尔猶存思舊聞鄰笛那能不斷魂

哭朱子得詩四首 有序

子得自覃懷奔其大夫人喪還越在草土者

三年哀毀骨立頃始除衰經扶病涉江來訪

予至則八月十五日也予觀其貌侵而神氣

漸耗日僅數粒而食竊有慮焉因勸之勿苦

吟勿豪飲與予清談者數日送之江上又盤

桓數日而別別旬日又賦詩數章附舟人見

報其時尚無恙也未踰兩旬凶問卒至令予

惛然痛之嗟乎嗟乎子得豈自知其將反於

真也來與子訣即曾幾何時遂成千古業已

買舟往弔會病日不可風乃託子得所善胡

山人先爲致辭而哭以四詩于左嗟乎嗟乎

子得尚能誦子詩而心賞之乎子痛益不可

解矣

哭母方離塊懷子偶入山病無哀未釋神與力俱孱

圃菊殘詩思江雲黯別顏一杯成永訣隔水淚潸潸

其二

醜醜洞續稿

卷之四

三九

豈謂傷離賦俄成絕命辭驥心仍自壯鷄骨竟難支

總令修文去寧忘感舊私祇應山水意地下覓新知

其二

朝論循良重鄉評孝友偏老親哀絕筆愛弟愴遺編

委命同晞露無兒敢問天怪來涕水上入夜結愁煙

其四

強年金紫客奄忽委黃臚達節蒙莊子游魂屈左徒

嶺山疑馭鶴漢闕儻飛鳬身後誰知已傷心更老夫

歲暮方仲美還自郢中夜過對雪

一別年將改重來雪正深和歌從郢上乘興亦山陰

月朗清虛府雲封玉樹林聊憑中夜酒款語歲寒心

胡伯良再至有感二首

時伯良校刻朱子得遺草成因携之渡江乞序

贈此

抱病經時起行吟轉自哀不辭風雨惡又趁早春來
對景偏思舊逢誰更愛才相看憔悴甚強與一銜盃

其二

可憐朱伯子賴汝託生平淚應呼天落魂從絕命驚
斷雲三楚色遺草百年盟一語成今古誰言友道輕
哭座主尹宗伯先生四首 以下戊子歲

憶待金門詔偏逢太史知一言欣遇合九鼎親恩私

龔龔洞續稿

卷之四

三

漸訝官牆遠常懸海岳思祇今泉路隔相望獨含悲

其二

命世吾夫子歸然挺豫章腹書成武庫簪筆老文昌
上相仍虛席中台已失光如雲門下士何處不霑棠

其三

卹詔傳三殿儀刑在兩都風高梁木萎山寂夜臺孤
隔世稱師術遺言屬帝謨獨慚非孺子千里負生芻

其四

一命緣推轂諸儒幸在門立朝俱引重去國總銜恩
手詔函無恙心喪禮故敦何能起長夜悽惻賦招魂

題雲徑一首贈鍊之宗侯

傍竹斜開徑巢雲穩辟人少年朱邸客幽意白雲親
水石延孤閣烟蘿敞四鄰無時過二仲文酒亦天真

寄題程希武臨川書屋

混跡千家市流風萬石君小堂開水月高枕就峰雲
杯竿松聲到圖書竹色分異時冠蓋里諸子况能文

上驚磯

岸峯驚磯石艱危上瀨船崖侵洄洑墮湍激呂梁懸
象馬排三峽雷霆震九淵病夫眠正起鼓臂助長年

回峰寺

龔龔洞續稿

卷之四

三

野寺白雲阿扶携仄徑過林開唐棟宇地控楚山河
法界潮音寂香臺鮮色多藥師疑可問我亦病維摩

寄懷張羽王二首

落落張平子解官垂十年賦多驚世語囊乏買山錢
濁酒諸姬勸青箱二子傳還嗟同調客相望阻遙天

其二

自隱離山卧誰當識賦才夢尋西粵去詩寄北園來
萬里窮相弔雙星遠見猜江天飛一鴈應自九疑回

過中冷館留贈仲和宗侯

偶入蓬蒿徑慙非二仲流藤花垂屋角石蘚上牀頭

詩法能傳子高風薄嗣侯圖書看自好杯酒若爲酬

中冷館荅懋成自仲和子

執禮從賓序稱詩自父風抱書遊世外託跡在牆東
苞彩丹山異衡茅白屋同花間懷古意指點鄂王宮
送叔嘉赴任城爲潘大司空書碑益申相君薦
之也

方舟數百里文酒日相歡袂忽淮南解山將濟上看
司空延重客元輔薦禪官彩筆凌東岱吳門練影寒
其二

宣防功已就三言錄河渠汝握凌雲管來磨日觀書
甌甌洞續稿 卷之四 三

名同鑄禹蹟風並表齊墟一手成三絕神情古不如

甌甌洞續稿詩部卷之五

武昌 吳國倫 著

楊李 馮夢禎 校

五言律詩一百八首

甘露園爲何仁仲賦以下戊子歲

爲報閒居癖知君野興長圃開邛子國歌發鄧人鄉
古木承清露幽花競晚香試看環堵外何地不風霜
偶出富口遇行甫適至與諸友痛飲舟中作

隔水何曾約停舟若有神一樽波上酒千里夢中人
握手狂難制論交癖轉新酣來天欲曙欹側任綸巾
甌甌洞續稿 卷之三 乙

顧得蒙見訪遇子富口舟中留飲卽事

歸棹雨中泊美人天際來不成三徑往且共一樽開
岍草荒吳壘江雲隱鄂臺老懷酣未吐翻畏汝多才

寄題顧方宗侯青藜閣

王子好樓居軒臨牛斗墟國恩曾几杖宗器亦圖書
瑞自文昌應光耀太乙墟遙聞登覽賦隻字擬璠璣
喜吳求叔再至二首

一別人將老重來賦已工時情今漸異古意何能同
世本緣吳季貧猶倚謝公十年離索苦那惜酒樽空

其二

爲念山居癖相求不憚遙坐令三伏暑都向百杯消
生事安貧病清吟破寂寥預愁明日別風雨暗河橋

贈黃懋約懋約長山人
元相子也

白葛隱茅茨蕭然叔度兒每逢開社處常憶過庭時
遠叩愚公谷先成幼婦詞山亭留一醉遂結水雲知

贈王成韶

謝公多酒伴得汝更清狂醉態花間好歌聲水際長
無勞問奇字且共納新涼湖上移舟緩千山送夕陽

寄題桃花嶺園亭四首有序

嶺在齊之海豐今少保二山楊公尚書里也

甌詠洞續稿

卷之五

二

公里居時嘗築園嶺下與鄰翁社老遊甚洽
已雖蒼登宰輔未嘗一日忘粉榆之思可知
古大匠功成辟穀老至縣車其志蓋有託焉
而出處特幻境耳頃門人譚學閔從公所寓
書來雅稱園亭之勝屬予題予意別公三十
餘年未有一字相聞問今得神遊其園而想
像詠嘆之庶幾一通其野心足矣何論詩之
工拙哉

爲問桃花嶺何如桂樹叢開園當絕勝表海況餘風
操衡重心仍抱甕同皇朝須夾輔那得遽墻東

其二

紫府尋仙去玄都種樹來五雲三象近千歲一花開
自縮飛霞珮常懸望海臺看君家視國蒙宇借栽培

其三

臺榭臨東海微茫見十洲風從齊魯變神竝水雲幽
過里脩耆舊還朝翊冕旒旅行藏都是幻豈必戀營丘

其四

憶自趨青瑣分曹侍紫宸一時垂羽翼萬里望參辰
見道林亭勝何當覽眺頻功成如有託願結赤松鄰

寄君衛宗侯蓋吾友張羽王爲索贈也

甌詠洞續稿

卷之五

三

寂寞張平子君侯晚見親筭興過問字木榻坐忘貧
把酒看時態栽花適性真登樓有佳句桂嶺失嶙峋
伏日曉過北園

水郭凌晨爽楓林辟暑宜輕烟浮睥睨初日動漣漪
松桂深相結禽魚總不疑冷然幽意愜木末起涼颼

謝叔蒙同求叔過訪飲北園作二首

謝氏東山屐踉蹌到北園遂成避暑社同泛酌花樽
帶雨躋風磴披泉過石門須臾殘照出野興欲飛翻

其二

范千花滿泉奔萬石飛輕烟迤進艇爽氣入披衣

稚子釣魚出田人射雉歸松風激涼賴坐覺暑全微

送劉世仰赴南都應舉二首

老病不勝暑因君一舉杯重操鸚鵡筆直上鳳皇臺
佳麗江南景縱橫天下才秋風震旗鼓應奪錦標回

其二

鼓棹金陵去天門此問津逢時應未晚奏賦轉能新
偃蹇王庭璞光輝帝室珍良當振家學端笏待楓宸

寄詹仲子

為憐詹仲子垂老一儒官翰墨都人重風流晉代看
俸錢聊貰酒勝地且彈冠莫道雲霄遠還應六翮搏

甌甌洞續稿

卷之五

四

俞本之再至兼得元美彥吉諸故人書

谷室方逃暑君偏觸暑來看泉聊據石望雨一登臺
故舊頻書札乾坤但酒杯不知江海上何客更憐才

送俞本之還吳

旅客淹殘暑津亭忽早秋言歸司馬里遠託李膺舟
江葉迎人下吳雲接水流總題豪士賦容易向誰投

得鄒彥吉書及讀其詩文喜而有寄二首

鄒陽上書後僻卧九龍峰賦謝人間語遊縣域外蹤
襏袂楚芙蓉尺素憐予老招邀訪赤松

其二

何事逃簪紱歸來抱典墳罷題招隱賦新著解嘲文
總託浮沉老還愁遠近聞惟應鑿坏去聊且避玄纁

寄門人王太古二首

斗酒閨門月論文憶往年別來書不斷思極夢相牽
久自藏虛白真能守太玄新詩殊應手巧力更誰傳

其二

及門誰後至望道汝先登恥復馳中駟因之託上乘
含毫舒感慨沽酒慰飄零貧病依嚴武還如杜少陵

寄荅俞公臨二首

有序

公臨自北園別我期越歲再至乃今兩越歲

甌甌洞續稿

卷之五

五

矣書來乃知吳中大潦之後患盜憂生且乘
此時治草堂拮据為甚公臨豈忘我哉爰有
此寄

憶與俞郎別湖頭風雨驚總勞千里夢已負隔年盟
寇亂妨高卧年饑困耦耕秋風聞過鴈搖落不勝情

其二

虛我北園榻于今已二霜稍聞吳漸沼不復河無梁
借力耘茶隴依人結草堂僅餘皮骨在何暇更浮湘
故人蕭宗魯自黃陂遣使問遺無以詩文見示

寄荅二首

江風吹鴈使來自木蘭山舊劍猶龍氣新文更豹斑
無金分市酒尺牘借開顏入夜新秋月相望隔楚關

其二

舊識南州士元非百里才除書分楚邑重價在燕臺
興借山川適詩無案牘裁弦歌聲漸遠笑口爲君開
得向葵卿書頗有憂生之歎賦此報之

何事憂生甚江鄉歲累侵夏畦虛閔早春社復愁霖
米價移時長炊烟比屋沉猶聞桴鼓動那得不驚心

初秋徐應時俞本之夜過小飲

忽忽涼颼動飄飄二客來庭幽遲上月天寂遠聞雷

甌甌洞續稿

卷之五

六

但恐樽壘罄都忘更漏催細聽金縷曲酣極更徘徊

贈祥上人二首

一片雲中錫飛從廬岳來傳燈金界朗讚佛寶蓮開
坐淨三生石心空萬劫灰豈應無盡意翻使衆人猜

其二

性佛緣師利詩禪類遠空山雪隨去住海月共圓通
說偈無人解書懷祇自工逢予驚一笑宛過虎谿東

秋夜徐應時同伯明惟遠對月

明月來三友清言慰老夫天空飛玉鏡露下濯冰壺
但恐詩難稱無妨酒更呼高陽非尔輩誰復是吾徒

贊仲和影子贈此詩

不信居移氣君看帝子容揚眉渾欲語端冕自爲恭
共識人如玉由來種是龍纔憐一水隔恍惚又過從

聞行甫賢郎首選補諸生志喜二首

冠蓋尚書里文章太史風妙年操彩筆通國贊黃童
抗志金閨籍明經璧水官由來渥注種逸足快騰空

其二

漢代河南守飛書薦少年不緣魁里選那得辨才賢
論世烏衣舊娛親彩服編通家吾已老持贈繞朝鞭

喜姪孫寰補郡諸生詩以勉之

甌甌洞續稿

卷之五

七

儒術緣先世家聲屬後賢冠裳開素業俎豆託青編
進講諸生列承歡大父前分陰須自實萬里待揚鞭

沈慕君輓詩

才以微官束名偏晚節孤路窮雙路盡家在一錢無
素桃悲辭楚澹江夢入吳可憐歸去日不復覩尊鱸

秋日郊行

出郭美遊情山山秋氣清烟斜村近午日澹野初晴
入谷探泉脉穿岵聽竹聲停驂幽絕處衣袂白雲生

登羅牛山

山斷如函谷九泥塞未周何當來紫氣亦說度青牛

箭枯雲中見蹄涔石上留至今行路客誰復遇仙流

寄劉介卿戶曹二首

時劉官南

汝昔過三徑交歡未問年論文知白璧入選竟青錢
宦跡今南北才名孰後先懷予應不淺只少鴈書傳

其二

近得見曹信知君述作工放歌牛渚下懷古鳳臺空
海月上仙署江雲飛故宮銜杯清興發那得老夫同
病中得沈道初病後書卻寄二首

千里驚同病開緘轉自憐流光何冉冉餘息幸綿綿
問藥全妨酒攤書只助眠望中牛斗氣猶復吐龍泉

麗龔洞續稿

卷之五

其二

邂逅虎丘寺酣歌鶯脰湖幾年虛入夢一札儼相呼
病起看佳句狂來戀舊徒片雲懸楚越何得御飛鳬

哭周象賢二首

象賢子門人爲襄王府少史老不能歸遂卒于襄

與子別未久念予書累傳正須愁一水忽已隔重泉
焚道歸成夢襄流逝不旋王門今罷醴猶憶穆生賢

其二

已分王官老其如生事微食貧仍好客垂死但思歸
豈應書駒識將能誇鶴飛秋風兩行淚遙向峴山揮

哭王敬美太常六首

抱病移書札猶然問養生胡爲妖祲作遂掩德星明
六翮摧冥海三身委化城總令泉路隔生死自交情

其二

憶自經家難辭官幾上書身輕便去國心老在居廬
壯氣銷長夜遊魂反大虛容輝不復覩灑淚濕襟裾

其三

識汝纔英妙縱橫六藝場時情經白眼家樂豈青箱
大衍今成讖敬美甫長庚驟失光交游傾四海何處

不心傷

其四

麗龔洞續稿

卷之五

九

當代論風雅還誰似汝兄門庭足師友地望且公卿
不淺通家分兼舍結社情須更成隔世累冬夢魂驚

其五

入國聞新命承恩領太常擬陳宗廟禮兼佩秩臣章
何自嬰多病飄然老故鄉百年齊旦暮身世總堪忘

其六

憶解燕山袂還傾澹圃樽詩篇長恨別關塞黯銷魂
尔託空衣去予悲腐骨存陰氣迷白練虛復望吳門

張伯常使君將以入觀北上酒間言別五首

豈是山中郡能淹海內才疲癯千室起氣象一時開

彩仗瞻仙闕黃金散 古臺定知元會日先獻萬年杯

其二

司馬編循吏名先楚 大夫民艱徹宵旰官績起江湖
佩劍雙龍奮趨朝五 馬驅新恩留侍從不復遠分符

其三

一竅甌甌洞頻能過 使君開樽谿上月高枕石心雲
野景神方狎江關手 遽分自今懸北望何以致殷勤

其四

麗藻元江左高歌忽 郢中何妨官不調轉使賦能工
倡和無虛日循良自 古風衰年感長別樽酒暫須同

甌甌洞續稿

卷五

十一

其五

自遇張平子相憐意 獨真已全實禮數猶恐著風塵
分與時情薄交緣雅 道親河梁一以別書札可能頻

顧子敬郭命卿 同過北園小飲

曳履雙林外移尊萬 石間客衣沾綠蘚野屋抱青山
溪冷魚仍躍亭昏鶴 已還醉看霜後菊猶足慰衰顏

行甫夜過同賦 二首

老至稀同調那能久 別君衝寒遙見訪對月欸論文
古調旋相和嚴更總 不聞經時一携手十日未應分

其二

已掩荆扉卧驚開社客來起迎寒月上坐語白雲回
縱飲憑高興看詩歎異才遂令愁病色忽忽爲君開

雪後邵麟武司理枉過北園留醉二首

朔色滿林臯能令客興豪竹斜水欲斷松勁雪偏高
野衲供清茗行厨進濁醪不妨登覽徧西日散蓬蒿

其二

不是憐貧病誰能履雪來一區聊短榻萬事且深盃
返照寒相射橫塘凍未開峰頭纖月吐車騎轉遲迴

冬日廬山僧果秀過我北園索贈

汝爲聽經至還能看竹來徑荒聊拄錫花落但登臺

甌甌洞續稿

卷五

十一

山疊點頭石溪浮度世杯經行多妙相魚鳥莫相猜
和尚了誰過我北園索贈

偶布松間榻如登花氏城小山藏十地奇石悟三生
持汝安禪去參予辟世情都從迷處覺河海亦無名

賞紅白梅作 以下已丑歲

梅開紅間白輝映錦成林石點霞英細總含雪意深
丹珠紛可摘碧玉燦相侵片片香風動樽前助苦吟

口號贈林敦厚西賓

自汝居西塾吾孫漸有儀先 童子性緩約聖功期
錫拭雲霄翼花含雨露姿老大微醉後竊喜聽吾伊

春日山行書所見四首

小徑穿田滑扶筇力漸支山雲迎斷續隴樹歷參差
病鵲栖林杪飢鳥啄水湄逢人多菜色生恨麥花遲

其二

緩步憐芳草微吟過落花平橋新水入遠岫宿雲遮
里巷疎烟火江門急鼓笳不關遊興少景物動堪嗟

其三

辛苦諸田婦携兒掘草根聊能充赤米猶勝采芳蓀
果腹千家急攢眉幾日存須更緩溝壑應待發棠恩

其四

甌甌洞續稿

卷之五

十二

草屋村村閉苗田處處枯野蔬新長甲山木漸無膚
坐見荒農務猶聞督市徂經行雙淚墮斜日澹平蕪

荅方寅初江上見懷二首

好遊非尔癖多莖且時名旋學臨池法逾增玩世情
無家供飲啄有客薦縱橫多少窮途恨歸來尚未平

其二

干時苦不遇處處感交遊公子爭虛席詞人半借籌
黑貂看漸敝青雀繫難留且傷東山臥新詩破爾愁

寄向葵卿

山園春欲盡狂駕亦何遲取艾情應重時葵卿以弟病爲慮看

花興已移夢中虛把臂書後獨支頤只尺如相負誰
堅五嶽期

荅劉壽瑞茂才二首

久自深巖穴君來何所聞通名曾漫滅修贊况慙慙
且罄樽中酒同論世外文居然成郢質卻愧少風斤

其二

道術窮誰叩文心老自憐因君能好古使我遽忘年
黠色蒼龍劍希聲綠綺絃江鄉有知己那復問時賢

哭莊則勸四首

一束青檀去雙懸素旄歸官隨泉路迫心與命途違

甌甌洞續稿

卷之五

十三

稚子將孤櫬農人闔舊扉江門風雨暗何客不沾衣

其二

末路驚相失窮交自少年蒸羹思共飽布被憶同眠
病豈杯蛇誤生同數斛捐已知人世隔猶有夢魂牽

其三

頗怪音郵絕那知館舍虛之官曾幾月長往似三閭
室掩新頽壁囊殘舊積書山陽笛未奏揮淚濕襟裾

其四

地下誰當葬莊周故達觀交情生死見人世古今看
老別魂先斷冥歸骨已寒總無妻子託何忍負張堪

輓門人孫武昌二首

密邇憐分邑雍容憶及門
美名當國器堪續自君恩
何意朝天路難招逆旅魂
傷心諸父老風雨泣江村

其二

奉母依微祿廉平衆所推
風霜忽不保天地揔堪疑
白骨黔南道青楓江上祠
夜烏啼等嶺偏助北堂悲

晚泊富口卽事

鼓棹乘新漲聊爲出谷行
石堤春柳暗江市晚烟平
歸鳥隨帆影空山應鴈聲
停杯待鐵月一暢野人情

酬熊長公二首

龍龕洞續稿

卷之五

古

不忝名公後脩然卧舊廬
按圖搜逸典託疾謝徵書
賦體三都近家風萬石餘
論心忘爾汝似與古人居

其二

歲歲詩稱壽情深調每工
岡陵非絕響江漢有遺風
世外存芝友雲間禮木公
如傳不老訣只合與君同

尤介夫自益王府再至便往武陵訪友

喜汝重相叩移尊坐薛蘿
酒狂殊不減詩癖近逾多
野服王門倦烟槎漢水過
招邀武陵去奈尔好奇何

五月朔日袁比部邀飲川上樓觀競渡

潦平山市層樓障遠峰
烟總衙百雉風浦躍雙龍

飲藉爭標劇歡隨疊鼓濃靈均不可作千古弔遺蹤

初三日袁比部過飲北園觀競渡

湖上群龍鬪花間五馬來
怡情自山水隨處可樽壺
淡日縣高柳微風動古槐
孟行不暫住金鼓齊相催
故人程汝正過飲北園因懷其從子巨源二首

時兩兒一婿並在坐

何客叩松關雲流萬石間
攬衣穿黻黻移席面潺湲
敢擬丹山勝

汝正家有別業

聊同鄭谷閒竹林人木滿白

岳望逾殷

其二

龍龕洞續稿

卷之五

十五

山水自吾性景光殊可憐
卻從遲暮日重數結交年
燕雀窺人語葵榴照席妍
兒曹矜賭墅不及謝家玄

汝正醉中與兒對奕故云

哭張肖甫司馬六首

自返三巴卧誰將一字來
峨峨忽改色朝野並街哀
家象祁連起碑傳上相裁
束芻千萬里何日赴泉臺

其二

白面登朝日承恩忝並名
時艱同意氣交久見生平
仕路三朝蹟詞場萬古情
祇令成隔世那得不吞聲

其三

天挺奇男子風猷鬱縉紳燕臺收騁漢閣表麒麟
簞食靈難散旄頭氣忽湮九邊文武士何處不沾巾

其四

翊漢才難並遊梁跡偶同我甘栖五柳君竟取三公
塞外長驅略天邊夾輔功豈緣筋力盡萬事委虛空

其五

天朝大司馬親扈六龍飛白鉞清遙海彤弓出禁闈
名齊三傑著骸乞兩疏歸閱世都長夜焉知地下非

其六

淚眼瞻巫峽魂來倘未真平生兄事我倏忽鬼為鄰

饒顛洞續稿

卷之五

六

市肆三都賦詞林萬益珍衰年腸易斷萬縷不堪陳

斗牛二孫跳笑予前喜而有作

何物占家造參差兩稚孫分甘恣跳笑擁膝慰寒暄

客訝驪龍種予慙駟馬門漸看難保母玉立侍開樽

送斗孫受學塾師時纔及五歲

屈首遊西塾童齡也丈夫青雲需剪拂白日歿伊吾

志已耽留研書能傲拭觚貧家無長物經術是良圖

閔旱兼有所感八首

無復雨如膏生頃地不毛千家襁烝孺四境入牢騷

計欲冰山近身難火宅逃雪霓不可信何以慰嗷嗷

其二

丹石同焦灼驕陽奈尔何閭閻生氣少杆軸怨聲多
澗涸無龍門門荒任雀羅老夫愁欲死無力挽天河

其三

鬱蒸殊不解壇社總無靈坐見枯千畝虛勞召五星
殷憂懸自結野哭未能聽卽有灾祥問誰傳董氏經

其四

里巫喧逐疫村父劇禳田白骨累累載青苗寸寸捐
此時誰罪已中夜獨憂天欲擬春陵詠揮毫涕泫然

其五

饒顛洞續稿

卷之五

七

灾沴連三楚咨嗟更一隅蒼天一以問赤地幾時蘇
城郭號新鬼公庭急舊逋紛紛亡命者日夜嘯荏蒲

其六

群盜紛如蝟當關了不驚比閭遑自保抱鼓爲誰鳴
喋血成常事椎心作苦聲林間憂世者垂死未能平

其七

一時苗害集幽憤鬱難陳得食如仙樾逢人半鬼薪
獄俘宵作祟陰火盡成燐豈是民風薄遠應召杜親

其八

歲歉偏多難天心亦可疑吏威重足見民事察冒和

灌鼠先妨社烹鮮已作糜藜常不飽何敢開安危

送程驛宰擢赴澧州司倉

幾載津門吏勞如古抱關郵書乘夜發傳使迫星還
館穀荒山下逢迎巨浪間稍聞移散秩聊乞此身閒

其二

短棹出巴丘西行達澧州寧辭倉令小且逐廩人遊
祿薄才無忌官閒職易籌采蘭供結佩知復向誰投
寇巨源饒汝順過飲齋中

獨掩空齋臥誰偏編者過晚年增酒伴長日困詩魔
攘臂兒能勸掀髯客自歌微風吹蘭氣香林醉顏酡

聞道友談玄賦贈四首

北望真人氣來從傲吏鄉玄宗歸性命法象剖陰陽
有合成丹母無爲是藥王分明神授訣一語破緇黃

其二

逢師良不偶仙籍倘收名龍虎先天氣乾坤太乙精
嬰兒縣王釜天將護金城便擬從飛鳥逍遙上玉京

其三

碎人傳立鼎混俗且懸壺但識三元會何妨二氣龜
驅虎驅龍慧劍制勝在陰符一系歸神室靈胎定有無

其四

產藥源非遠登天路不賒偶聞軒后秘疑造廣成家
九鼎非金鼎三花即慧花細傾長命酒携我躡飛霞

題文徵仲小畫

舊父文博士繪事老逾工尺練群峯疊層臺萬石雄
似聞喧澗瀨忽覺灑松風客漫嘲穠艷神情代不同

苦蠅

據榻方逃暑營營飛夏蟲移水聲暫遠點玉計還工
驥附終何適鷄鳴亦誤同只須寒露降坐見爾曹空

苦蚊

怪尔微能螫令子卧屢驚知無負山力強作聚雷聲

斗帳恣橫絕焦冥託死生秋風清戶牖敢復向人鳴

聞蟬

野郭秋陰澹蟬聲茂樹多似懷齊女怨來激楚臣歌
響疾金風應枝高玉露和蟬蛩虛奮臂奈尔潔身何

聞蟋蟀

欹枕不成寐壁蟲吟未休解憐長夜病翻觸暮年愁
颺起金初厲寒迎火漸流分明感搖落入室助悲秋

贈靳州徐太守允淳考績二首

刺郡臨江漢風流眾所欽感時回末俗懷古發清吟
歷試烹鮮手常操馭馬心臺章奏嘉績應沐帝恩

浮

其二

才美元東蓄循名仕楚多况經多難後無奈苦心何
新境兵荒饑饉 使甘善也 漢吏千金諾興人五袴歌 中朝鴉鷺

侶濟濟待鳴珂

登浮玉亭

亭在蘄州江心

石扼雙流險亭當一柱支江山懸震蕩日月莽推移
岬樹微茫出風帆上下馳望中吳楚盡秋色正堪持

聞朱秉器方伯擢大京兆寄贈二詩

有詔徵高第畿封屬保釐風雲開輦道日月近軒墀

戲魏洞續稿

卷之五

二十

方

二陝兼周命三王提漢儀光輝冠群牧不是 主恩

私

其二

宣力外臺久承恩內史新威名三輔動約束五侯遵
便好清王路寧誇策要津四方風美惡先藉相梁陳

贈周山人忠卿

忠卿以商遊得 稱謝贊而免

江上逢公瑾孤槎興杳然事從懷壁過名以散金傳
慷慨青萍劍蕭條白雪絃飲醉殊易醉誰謂友情偏

冬日劉壽孺見過言別

汝客江南久歸囊一素琴風雪留抱膝山水待知音

長揖暮何適散裘寒已深高堂髮漸短難繫遠游心

人日游山人宗謙至同兩兒暨方寅初携壺夜

就旅舍小飲共賦山字

春回纔七日客已過千山佩劍衝寒解囊詩對酒刪
來盤依楚俗華勝憶關關坐久聞殘漏淹留未擬還

歲暮答向君卿病後見問

風雨千山暮何從一札傳秋文衰漸廢貧病遠相憐
祇自親醫藥逢誰覓酒錢支惟悴色幾日又明年

除前三日向純卿過飲

隔歲探春色林深未回漸看殘臘盡何意美人來

戲魏洞續稿

卷之五

三

勝

笛裡梅花曲燈前柏葉杯倉皇問歸路風雨漫相催

除前二日過方寅初旅舍有感留贈

雨雪年垂盡江鄉客未歸館人堵木榻僅僕浣泥衣
側目時情淺含心友道微不知雙賦華醉裏向誰揮

朱康侯過訪席間賦贈二首

歲窮寒轉劇江路况風波不有王猷興誰能雪夜過
通家情故重千世策如何且漉盈尊酒扶携醉薜蘿

其二

雅道元江漢深交自父兄關心數行淚携手百年盟
老病誰相慰文章敢漫評看君纔白面不媿有詞名

謝直甫見遺琴爐兩舊物

屢輒乘舟興還期命駕來家珍殊不惜野服若爲裁
器防河濱製桐疑爨下材知音即同臭心賞爲誰開

徐古若至

老去但高卧君來何所聞聊供脫粟飯飽閱送窮文
羈旅諳時命浮家借水雲窮愁殊不解花鳥自紛紛

喜郭大治被薦

下邑歌循吏中臺州薦書行能堪竹帛聲價定璠璣
縱雉風寧遠飛鳬事不虛旋當簪白筆入侍紫宸居

齋前植蘭

醜醜洞續稿 卷之五 三

異種生幽谷移栽及早春風苞香自結雨葉翠堪珍
九畹憐騷客孤芳近野人不須紉作佩齋閣長精神

暮春同呂惟烈石文旦偶過田家飲竹間作

竹裡茅茨屋簷傍林稻田疎林延夕照暗谷響春泉
農務村相望韶華客競憐松醪殊不薄醉抱野雲眠

郝震伯茂才過訪因贈

問齒憐先進論才畏後生風稜看國器儒術領家聲
江上乘舟興花間對酒情莫言投分晚肝膽爲予傾

席間和安小范作

遙通梁谿棹言浮湘水過非緣采葑菲那得叩藤蘿

詩挾名山壯風藏秘室多酒酣清興發鼓掌助了歌

初夏病起

去年此日亦病

隔歲同今日扁扉兩卧病科頭恣懶慢屈指負清和
砌草幽相傍欄花落已多亦知衰謝甚其柰賞心何

安小范王行甫同醉北園各賦四首

歷亂千花色徘徊二客情携壺穿石棧脫帽倚山楹
竹裏雲猶濕松間鶴並鳴風泉何處落儼續和歌聲

其二

尺寸山園景能容客興濃半酣仍改席深入屢停筇
蜂擾花鬚亂魚吹石髮影攪衣纔出洞旋被白雲封

醜醜洞續稿 卷之五 三

其三

黃鸝聲不斷客興轉難持百卉供行酒群峰倚賦詩
日長疏再摘談罷黍重炊淡薄山家味惟應達者知

其四

樹密亭時隱溪迴徑忽分杯盤橋外列簫鼓洞中聞
細箏抽玄玉飛花簇錦雲陶然枕流計那敢復論文

徐行父張羽王同遊蓮葉洞有作見懷寄荅二

首

美遊蓮葉洞清嘯女郎祠洞在涉境都成趣停盃有
所思片雲銜楚越雙鶴吹雄雌命駕非無夢迷茫

九疑

其二

石室經神斧紛披千葉蓮憑雲開佛座隔水繫仙船
倚醉歌相和懷情遠見憐無緣赴幽賞得句轉淒然
暮春黃使君見過北園小集二首

五馬出行春因之叩隱淪穀鳩鳴不歇桑雉乳初馴
掃竹移賓席攀花記酒巡登臨殊未已纖月起城闌
其二

三徑雨新足千花過使車開林驚伏兔俯澗狎遊魚
坐怪雲峰變眠耽石室虛山公自清興只愧野筵疎
甌甌洞續稿 卷之五 三

哭母歌二首爲劉子明方伯賦

遊子牽行役驚心到北堂石梯雲片片淮海淚行行
時方伯叱馭歸無及居廬恨獨長總知存口澤列鼎
爲誰將

其二

無計能將母千山洒淚歸骨寒曾氏臂腸裂孟家機
烏兎群相弔松楸慘不輝茫茫大宵宅何處覓慈帏
閱邸報見駱評事于仁四箴訝其大慙也爲賦

二首

聖主容臣直中朝覩四箴危言多逆耳薄譴但抽簪

其二

斥雨憂天淚山河朔國心西歸且高卧勿復問浮沉
公子縱英妙居然漢魏臣不緣懷鯁骨那敢犯龍鱗
國重千秋鑑天高萬死身孤忠懸太華勿謂秦無人
早春諸廣文邀過學宮望雪

西嶺雪初霽東膠春漸深新水融壁水高樹簇珠林
坐就青瑣臥行搔白首吟湖雲開四望直爲洗塵襟
寄贈宗侯以高以端伯仲

有美王侯族偏敦孝友風甘貧嘗共被執禮尚同官
感慨白華尊道遠青桂叢題詩遠相問不羨鄴臺工
甌甌洞續稿 卷之五 三

答黃文學

身世都如寄行藏各自憐衰顏須藥餌幽興且詩篇
計粒供餘日循牆避少年隔春梅柳色已欲妬華顛
二月雨雪

二月天仍雪何時解散凍雲三楚合陰侵萬家愁
坐見花無信難期麥有秋廟廊司燮理藿食向誰謀
答直甫宗侯見寄

念我何珍重裁書兩見通未分平樂宴先挹建安風
白髮憐交晚朱絃取調同涉江采蘭杜豈必桂成叢
甌甌洞續稿詩部卷之五終

甌甌洞續集詩部卷之六

武昌 吳國倫 著

構李 馮夢禎 校

五言律

閒居偶作

永日稱閒居經年懶著書捲簾調白鶴憑檻數朱魚
咲語諸孫狎衰殘衆客踈無須卜身世天地一蘧廬
七夕後一日立秋夜坐

露下桐陰靜風微竹韻幽浮烟仍助暑細雨忽迎秋
偶起窺河漢依稀隔女牛惟應衰病客偏覺歲華流

甌甌洞續稿

卷之六

門人李綿州景淳過訪一首

秋暑毒於夏相逢且慰勞髮容驚歲月身世穩風濤
揮淚杯仍把看雲自搔誰知空谷裏有客問緇袍

其二

夢寐中原別于今十五年因君能念舊使我復淒然
義自傳經重才應製錦偏夜涼群籟息清切聽朱絃

中秋後二日思素思貞同能性烈携榼來賞秋

牡丹再詠二首

節已中秋過花仍上巳開初情驚變幻氣候豈輪迴
衰露腴潤迎風瑪瑙摧送今秋有色何怪客重來

其二

昨訝秋容豔今看雨態新香留曾醉客色助苦吟人
勝賞猶堪繼高歌亦有神爲耽花勝錦翻惜髮如銀

徐應時文學居喪卧病爲賦二詩慰之

不道之官去翻成哭母歸祿懸曾氏金絲裂孟家機
淚下秋聲劇魂銷露葉飛尚留鷄骨在支枕弔斜暉

其二

抱病孤雲卧秋隨百感生疎籬寒菊吐短榻夜蟲鳴
筮仕貧猶故思親夢屢驚存亡皆汝託何事不言情

寄懷方仲美二首

甌甌洞續稿

卷之六

二

得汝真州信浮家且漸安辟人提甕好遣俗賃春難
風雨三秋隔兼葭一水寒月明詩興發誰與步長干

其二

清狂誰似汝所至卽遽遽就舍先移竹窺園亦抱書
客來沽市酒盤盡覓江魚醉裏新詩就那能不寄予

暮秋寄懷張進卿侍御二首

九日紫桑里黃花只媚君能無思酒伴祇是隔江雲
夜壁蟲相語寒空鴈忽分此時神欲往獨酌不成醺

其二

廬峰幾千尺飛影落吾廬不與君同醉那能老索居

離荒三逕菊盤憶九江魚風雨遙相望秋愁總未除

與載道累夜痛飲再贈二首

老影寒相吊開樽累夕同怪來詩興發多在雨聲中
自許悲歌壯都無禮數攻時情君莫問一醉九愁空

其二

江開風濤險途窮物態新惟餘荒徑在常得故人親
秉燭通忘倦揮觴不計巡醉時殘菊盡飲側舊綸巾

得張質卿京兆書却寄

未識張京兆詒書遠見親中流存古道南服起斯人
一鴈懸相問雙龍會有神瀟湘千里下誰者是知津

既離洞續稿

卷之六

三

小至徐應時黃思素思貞呂惟烈過賞霽雪饒

汝順適至同賦杯字

星帶微陽聚梅衝霽雪開夜堂留秉燭寒漏促行杯
世路稀同調詞林借異才詩成紛自喜改席更徘徊

至夜酌汝順

日至寒初薄情殷客再留深更除木榻殘雪擁皮裘
一線添何許千杯醉未休興來時起舞却笑剡溪舟

得徐應時雨雪感懷詩賦此慰之

咫尺過從少相憐歲欲殘經冬頻雨雪比屋半飢寒
老病將詩遣窮愁藉酒寬寥寥洛陽令誰復問袁安

趙周拙以藤杖見惠謝之以詩

六尺枯藤杖何當遠見遺堅如九節竹靈北萬年枝
末路悲歎側衰形倚護持無須飾鳩首玉岳遂堪馳

歲暮寄蔡卿

擬踐登臨約其如雨雪何東方懸紫翠北谷掩藤蘿
興自凶年減愁偏晏歲多經時不共醉咫尺悵關河

吳求叔將之金陵迂道過我同徐應時夜酌

江上歲云暮南遊興未窮野堂三雪霽寒夜一樽同
老態愁中出新詩別後工遲留千里掉不爲石尤風

除夕慰應時

可憐徐孺子思母夜哀吟歲盡愁難換春回望轉孤
廬居空夢斷雪寒小簾何處鳴簫鼓偏驚城上烏

既離洞續稿

卷之六

四

初春簡應時思素

獻歲苦陰陰春不見春無多殘雪徑偏阻問奇人
老竝枯楊倚愁隨細菜新蕭條掩蓬戶椒柏好誰親

迎春日王君實至

萬戶迎春帝孤航叩野夫晴雲開睥睨春色上蘼蕪
且與歌相樂何妨酒再酤隔籬簫鼓發頗欲助狂呼

立春日梅泰符至

客應條風至探春坐野堂力能追大雅興不減高陽

雪後梅花賦燈前柏葉觴宵分談轉劇老態亦堪忘

寄題汪別駕涵虛亭

萬井羅仙署孤亭出女牆山圍江樹小波亘楚天長
石橋憑窻廓風帆涉淼茫公餘足奇賞何客共飛觴

孫郎婦

見道孫家婦嬌居四十年毀形存白首枯淚徹黃泉
節自旌門重名無斷杼賢異時收國史應並柏舟傳

憩郭震卿書室留題

斗大圖書室蕭疎竹樹間憑雲張淨几豎石擬名山
偶許携琴入都忘曳履還風塵滿江市珍重此偷閑

甌甌洞續稿

卷之六

五

郊外饒別郭太史美命

我行赴東海君返鄂王城彩鷁遲遲發青驪故故鳴
文章千古事風雨一樽情更擬蘄江上相携采杜蘅

潯陽逢趙博士仁甫

湓浦逢遷客風濤淋目驚詞才當五老經術引諸生
推轂已無力解袍空復情三雍行名對猶得振儒名

過皖城遇趙山甫使君贈之二首

蚤識奇男子俄稱郡大夫旋辭金馬署來結玉麟符
地扼江淮壯天縣保障孤漢家二千石年少似君無

其二

皖水聊停棹居人頌異才擬登天柱閣同射壁蛟臺
狂興不知老遠遊寧見猜城頭數峰色應促故人杯

和項忠堯曲池草堂詩二首

一池穿九曲曲曲抱精廬就石爲雲卧開軒手道書
襖修蘭水社山借武夷居總不關人世悠然悟太虛

其二

宅枕山如斗臨流百慮捐種魚分九島浴鶴引雙泉
松菊晚成趣水雲幽可憐客來時唱和猶勝永和年

舟泊真州小運河李季宣孝廉携具見訪席間

同賦二首

甌甌洞續稿

卷之六

六

新柳暗河橋維舟待晚潮美人携酒過高曲倚絃調
遂與恣酬勸因之破寂寥推蓬見江月隱隱薄層霄

其二

客借詞名久交深未面時同聲殊不偶握手謾言遲
句裏風雲氣樽前海岳姿豈應今夕語能使世人知

立夏前一日大閭門逢故人王承父曹子念並

抱元美之感有感二首

江行春已盡日暮泊金閨偶與故人遇翻增鄰笛傷
素心寒道路華髮短風霜聚散都塵夢淒然罷舉觴

其二

八載吳門別那知此再逢相悲人世短只覺友情濃
花落長洲荒雲寒岸夢峰後期難可定天地各浮蹤

讀曹子念哭其舅氏元美詩有感二首

渭陽情不淺辛苦視沉痾託死言言踐招魂字字哦
哀深門客誅工踰挽家歌掩卷成悲感浮生一電過

其二

哭舅何凄惻詩傳東海濱豈無冠素客誰似守玄人
句裏神如在生前迹已陳向來揮彩筆點染血痕新

婁江舟行與叔嘉談詩二首

爲探風雅秘日日過吾船千仞吳山石難同汝意堅

饒饒洞續稿

卷之六

七

江鳴爭赴海潮起欲吞天吾道亦如此誰從象外傳

其二

烟雨過江市維舟晚更晴酒間潮暗落歌後月微生
問道隨肩人登壇捧血盟百年看此夕清切古人情

元美喪次逢茅平仲因得誦其百韻輓詩愴然

賦贈

會弔何曾約參差白馬來暫留知有待偶見亦堪猜
灑淚同思舊攜詞競寫哀可憐今夜月凄惻傷蘇臺

視楊仁甫駕部病有作二首

海上歸司馬湖南憶使君操舟來訪舊叩榻擬論文

侍養心初遂憂天慮尚殷幾時捐藥餌宣力樹忠勳

其二

問疾輕千里論心又一時豈應枚氏發不及越人醫
靜室身如寄強年髮已絲花前一杯酒那忍對君持

叔嘉邀同吳中詞客三十人餞于虎丘得乘字

詞客空城出靈山躡屨登南花千佛現雲氣五湖升
酒自憑中聖詩誰悟上乘相逢都幻夢何事別愁憎

又分得年字

一片生公石重來又幾年詞才吳楚集勝跡古今縣
列嶂排詩案三江決酒泉暫留僧榻卧且莫問歸船

饒饒洞續稿

卷之六

八

又代張美人賦花字

美人不善歌而醉
爲詩多不辭送酒

入夢非神女無音愧館娃遠近供授簡除石待看花
千樹留殘照詳公醉落霞只疑河鼓畔親切附仙槎

馮元敏憲劉憲過白雲亭小飲同賦雲字

進艇凌蒼浦移樽就白雲蘿花疎點綴離樹鬱氣氤

境到雙亭辟天纔一線分和歌情正愜忽慢惜離群

與諸客飲周公瑕園亭陳公衡明府適至同賦

一畝清涼界翛然精舍傍石磯分縹緲池曲瀉瀟湘

高樹雲常合疎花雨自芳俄照仙令至風景即河陽

顧晉甫邀過真僧方丈小飲分得東字

結侶虹橋畔逢僧虎澗東水雲蟠繡佛苔蘚蝕花宮
坐久塵心淨詩成幻象工樽前雷雨過萬象總虛空

吳江舟中卽事贈冒伯麟秀才四首

淮海宗郎後雄才更是君少年能博物高步獨離群
交自論文定名緣避難聞會須千氣象那得困風雲

其二

館人王伯子高義魯朱家不必更名姓相留且歲華
飲泉妨下石抱影怯含沙解后東吳市何如過狹斜

其三

吳中聞俠骨寂寞古人風總欲修恩怨還應託異同

甌甌洞續稿

卷之六

九

爲君雙淚落結客少年空引手將排難猶慚貫日虹

其四

累日江船醉愁心漸欲無美名留異地大業起窮途
氣激青濤壯歌憐郢雪孤天風將六翮應不負南圖

送冒伯麟暫歸對簿二首

黯淡孤舟別倉皇間道歸美才人欲殺亡命客誰依
不辨償金誤翻嗟抱壁非還如東海怨白日慘無輝

其二

語罷星芒失行驚海色寒衆人皆右袒吾子亦南冠
家破歸無計機危路轉難總令冤竟曰此別已辛

周光祿良玉同兒輩小飲北園因過蓮華菴訪僧光祿有作走筆和之

一逕浮烟外群山霽雪中見僧能醉客詩句獨稱雄
掃石歡相藉臨流悵未同猶聞訪蓮社載酒過牆東

同諸客過集禧庵留贈二首

自有同塵意無妨近市居入門親丹石窺牖靜圖書
把酒能歡客論詩亦起予少年殊好古詞苑未應虛

其二

步障開雲錦盤珍素封歌譜金縷奏杯借玉蓮供
且縱疎狂與聊寬老病客明朝江路別回首一萍蹤

甌甌洞續稿

卷之六

十

借樹齋爲李元禮題

庭階不種樹嘉樹在比鄰屋角雲梢出牆頭露葉新
圖書分潤色戶牖乞精神安事素馳巧扶疎自可親

江上見騎牛者心羨之

薄暮村童返循江穩跨牛緩驅妨坼畝斜引避橫流
雨浥蒲衣濕風調荻管柔翻憐衰馬客辛苦爲人憂

俞美長再寓北園教然自喜以書見驕病中戲

報二首

汝別山園久重來徑未荒引泉新滌釜截竹旋搗牀
魚鳥緣非淺林亭興復長不禁飛動色偏同病夫狂

其二

一壑吾所擅何期汝再侵披雲臨曲水辟暑坐繁陰
只許山僧坐翻嫌地主尋詩成誰屬和水石倘知音
羨長以二詩見和似謂予臥病不能窺園遂據
山池之勝爲己有無賴哉復作此惱之

客狂何太甚占我白雲隈幸不移山去還思縮地回
淫霖欺伏枕涼月妬登臺傳語花神好先秋莫漫開
寄贈史安化

古邑三湘曲孤軍五寨懸自君修牧政無地入蠻烟
勸稼過仙嶺烹茶酌竟泉行能漸高第何忝漢青編
甌甌洞續稿 卷之六 土

莆田山人柯敬之暑中過訪病不能見先此問
之

畏暑逃深谷聞君海上來足音殊自喜懷抱未能開
結束經旬廢交游隔逕情閒寄無一有虛遣客徘徊
王德載將軍以雅娛閣詩見投因贈

亦有封侯骨時平甲馬稀背城開石閣長日閉烟扉
酒至群愁息時成萬事非酣來逢俠客鼓劒說戎機
贈孫玄亮茂才

濟濟都人士孫郎更好奇美如標玉樹腴類飽神芝
不作人世語應逢世外知相過且杯酒未擬和新詩

次蕪湖再過王仲修

兩度逢王粲徘徊蕪藻間心仍懷古赤髯益苦吟斑
水國憑栖泊天都信往還歸舟滯風雨盃酒破愁顏
偶過福勝寺遇曇上人共飯

問偈出西筑逢僧在上蓋席容高座近禪許大乘參
受飯俱三鉢繙經定幾函聖賢如送食諸衆莫須貪
贈法堂禪師

四大本無注法堂何處開十方皆福土三昧卽香臺
花擁金輪現雲移寶筏來潮音不在耳清切妙心回
向封君石田先生詩二首

甌甌洞續稿

卷之六

土

煮石功難就移山力未強偶然窺損益遂悟等彭殤
迹謝風塵世神棲廣漠鄉雲中少微見卻令里人傷
其二

比里稱耆舊餘年席寵光地靈三鳳穴天錫五雲章
忽有龍蛇識寧辭劒易藏向平曾五嶽千古共相羊
項叔定同徐應時過飲

病起厭逢迎其如千里情客乘涼雨過秋入草堂清
閱世逾懷古論文莫近名心知無早暮斗酒憫平生
徐應時携具北園邀陪叔定二客有作醉而和
之

江露冷青楓山雲覆碧桐揔拚遊世外虛擬卧隆中
酒共禽魚樂詩含水石工酬來誰主客斜日澹秋空

荅應時問詩二首

汝自聞詩後愴然問業勤乾坤吾道在氣色古人分
薄力資攻玉餘風借運斤詞場千萬敵努力誓前軍

其二

賴汝憐吟寂詩筒數往來此時誰獨步吾黨自多才
味欲淄澠辨名從玉石猶秋風送佳句且得助銜杯

秋夜飲從弟儀可宅同應時賦

落落吾家弟偏能媚若兄移居晚相傍將酒劇爲情

甌甌洞續稿

卷之六

三

共飽青泥飯仍調紫筍羹親知殊款密不覺候蟲鳴

有感示兩兒

兩兒俱落落天意豈堪論種德慚先世忘憂視弱孫
亦知終遇合何計遣朝昏強咲持杯酒其如隙駟奔

重九前一日同徐應時挽舟訪鄭汝志夜宿排

市作

訪戴聊乘興夷猶一水間菊芳迎九日舟逆上千山
忽雨漁村暗中宵旅夢還諸峰雲際隱明日共君攀

九日同應時飲鄭汝志少參宅

不待濠梁約言尋鄭谷來且停蓮葉舫同泛菊花杯

九日期非偶七年懷乍開參軍落帽處風景尚徘徊
龍山即在其處

九日晚過徐懋誠比部宅

不是東籬徑秋花晚更芳扁舟第一水斗酒送重陽
手劈湘州橘爐分漢署香占星臺氏遠百里自輝光

秋日過訪徐懋誠比部留宴大司空舊宅三日

諸從諸孫咸在即事四首

百里牽瓜葛相過不厭煩遲廻青雀舫潦倒白綸巾
但擬松蘿狎何當俎豆陳酣來不知老高倡亦天真

其二

甌甌洞續稿

卷之六

古

巨室森喬木天書表義門千山環作障百井聚成村
况是衣冠里常延雨露恩一經傳未艾玉立又諸孫

其三

姓以司空著山從大墓分九龍蟠地脉萬石表人群
墓勒輶輶寵鐘銘水土勲通家殊忝藉四世挹清芬

其四

不道衰年客能追永夜歡雲霞張綺席水陸聚雕盤
曲斷聲仍繼杯深興轉寬移樽出花木河漢已闌干

初冬喜伯明見過

秋盡無多日離東菊已殘漸驚霜氣重須放酒懷寬

老病還詩卷行藏自到竿庭柯延壽

秋醉與君看

晚過應時留酌

僻巷寒先到蕭然孺子居短牆支薛荔靜壁擁圖書
起覓鄰家酒遲留長者車清歡忘夜永無夢亦遽遽

應時以道携酒夜過共醉成詩

受學稱高第忘貧似老夫為憐常嗜酒每過即携壺
玉樹輝相映朱絃調不孤籃輿堪醉卧豈必倩人扶

雪中對菊

雪裏看殘菊蕭疎不自持寒侵垂簾風折未枯枝
晚節標廷序餘香到酒卮六花疑有意相向結幽期

甌甌洞續稿

卷之六

五

送黎郡丞棄官歸湖海

託足三湘表攢眉萬態問何如浮海去無復畏途艱
嶺雪侵行旅江風壯別顏須臾且杯酒誰忍唱陽關

立春前二日胡山人通侯永年伯仲自毫來見

訪談玄酒間賦贈

臘盡寒初薄郊園擬放梅遲翻方外侶迢遞雪中來
擬共調金鼎何辭泛玉杯山雲生五色好結聚仙臺

立春後二日北園酌適侯永年

偶結食霞侶同探隔歲春梅花紛入眼柏葉驟醺人

凍解溪鱗豁風微谷鳥親木然心境寂不聞武陵津

元日簡通侯永年二道友

時寓通真觀以下

律改三元應天廻萬象新仙家無歲月旅次亦陽春

鼎覓玄都火盤分野市辛卯依瞻上帝即恐是前身

胡通侯子祈年善雕玉印章為子友汪伯玉方

仲美所賞因寄贈一詩

不擅雕龍技誰操切玉刀鼎鐘懸法象科斗變秋毫

迎刃龜書出藏鋒鳥跡勞遂令神寶氣常竝五雲高

戴道仲寓謝公祠有作見簡走筆答之二首

暫去經殘臘重來及早春年華雙短髻江海一羈人

借榻荒祠下行歌山水濱不妨車馬絕箕坐看垂綸

甌甌洞續稿

卷之六

六

其二

病後詩能進春茶興不孤晴先川樹合衰色酒樽扶

古屋平榛莽虛總過舳艫館人那得識寂寞是真吾

送仲道遊金陵謁伍儀部

所遇誰知己寒裳數問津可憐憔悴色又作遠遊人

賁賦聊供病千時豈厭貧金陵訪同調山水故情親

喜門人黃元甫登第寄贈二首

上苑看花處天香結五雲飛騰千里足拂拭九苞文

仙醴大官設宮衣內使分喜心那可制中夜捷書聞

其二

憶汝及門日心知用世才俄聞登上第自起泛深盃
大業須鐘鼎餘光亦艸萊龍洲躋富口氣象一時開
子龍宅宴集留贈

輟棹維江渚披衣過石門千山環作障一室聚成村
秉燭留支榻徵歌侑舉樽清歡殊未已殘月墮前軒

其二

太守懸車處門迂徑寂寥高江浮日月喬木挺雲霄
古色看龍劍雄聲喝雉梟狂來不知老微夜飲逾驕
北園贈馬義徵二首

遠汎秣陵舟言循鄂渚游圖書生古色交結盡名流

甌甌洞續稿

卷之六

七

不憚風濤險偏憐水石幽烹葵聊佐酒累日爲予留

其二

羽觀旋播榻山園日叩扉起扶挑竹杖歡逐薜蘿衣
掃石書奇字看雲隱少微坐酣臨水檻詩思欲翻飛

苦熱戒飲簡應時思素二首

苦爲炎蒸迫兼懷雲漢憂樽壘那敢近巾舄若爲難
屏食應食雪貪眠合枕流泠然思鄭圃便欲御風遊

其二

不是窮炎海胡然近沃焦地然神漢涸天怯火雲燒
氣短妨呼吸心驚震蕩搖總無河朔興翻畏酒人招

送義徵東歸二首

辟暑山園好鄉心忽自驚搖搖書面舫望望石頭城
秋近青楓落江空白露生登堂將老母先握楚蘭蓀

其二

馬卿元重客偏不厭子貪湖上淹留久樽前意氣真
重來雖有約此別竟誰親到日聞江鴈能無憶遠人

送吳國賢明府赴陽山

一令成三仕艱艱自楚臣美才堪枳棘長路飽風塵
縣僻山谿壯官閒著述新見飛從嶺外清切向楓宸

贈顏非魚

甌甌洞續稿

卷之六

八

不淺江湖興飄飄一布衣辟人移小艇訪我到漁磯
但取浮湘意何須見戴歸巖居方苦熱隔水重歔歔

壬辰夏日聞西夏之警志憂十首

忽有邊城警逾增歎憂如何新附虜遂據古靈州
羽衛聲先奪轅門血亂流諸君懷國恥爭欲借前籌

其二

群兇起一呼禍亂古來無將帥俄駢首王侯盡係俘
貳心那可測百足倘能扶易將今逾急時時出虎符

其三

聖主勤西顧紆綽綽坐幄中將軍馳討虜直指奮從戎

但擬遼陞靖寧辭內帑空師行仍六月何日奏元功

其四

三關魏開府威略世人傳氣欲吞群醜謀應出萬全
稍聞兵漸損翻令壁逾堅伏虜遮秦將傷心半未還

其五

辛苦攻城計其如虜備多餽糧投黑路倒刃血黃河
大將圖初解殘兵奮若何尚方重賜劔殺氣又差我

其六

結虜謀非淺求招禍已藏奪符稱義士傳檄僭天王
節制威無恙腥膻氣轉揚此曹如不珍何以振三綱

麗瓏洞續稿

卷之六

十九

其七

秦越五千里徵兵倘後期中丞操緩急西土困瘡痍
物力民間盡天心主上知妖氛今日淨時事已堪悲

其八

父子都名將宣威出賀蘭目中無叛虜部下有材官
何事傳烽火將無破竹難安危憑一戰慎勿負登壇

其九

塞上時時警朝端事事新請兵知虜重加賦忍民貧
草澤心俱遠冠裳氣未伸可憐垂死日難作太平人

其十

世外關何事煩憂總不開纔經邊禍慘復誅海艘來
託跡無安土偷生只釣臺何當天又早野哭不勝哀

送黃汝礪州牧調簡州二首

年少專城吏東南一異才左遷何黯淡西去獨徘徊
玉壘雪中出錦江天上來看雲時臥閣戀關好登臺

其二

小郡勞驅策災年仗拮据千家恩不淺五馬望來虛
去後存公論無情是誦書前途蜀父老負弩待軒車

哭舒恭人八首

胡然有斯疾七日苦呻吟虛殫巫醫力空驚兒女心
麗瓏洞續稿

卷之六

二十

正容殊未改冥運已潛侵執手那能訣含哀攬散余

其二

慘淡移牀第倉皇閉寢門委形成土木瞑目弃兒孫
未滿從前意難招此夜魂愁烟結不散何處有乾坤

其三

篤愛非子癖溫恭自可憐那知偕老願遂畢始衰年
事去紛言命心傷敢問天無情際際月偏向獨夫懸

其四

吾衰嗟已甚爾去渺何之人壽知無幾天心竟可疑
此風淒寂室斜日淡靈帷舉自無昏曉餘年事事悲

其五

質性元端好從予自少齡、國恩叨象服家政屬儀
刑太衍期初度長宵夢不醒半生心曲事啞咽問修
靈

其六

向來敦一體此別更鍾情室有梧栳澤庭無機杼聲
弱孫啼總帳詞客贈銘旌廬杖遵劉寔從他惡少評

其七

老繆人所惜而我更悲涼腸學風輪轉愁隨日駁長
空閨塵几席舊笥冷衣裳縱使華元善初盟未忍忘

龔龔洞續稿

卷之六

三

其八

兼哭陳恭公

偷生垂七十天奪兩恭人骨朽無先後魂銷有故新
德宮題可並宵幄望難真清盡平生淚蕭然一病身

題雲隱書屋

邸第偏幽林塘生白雲輕陰魚藻集濕露燕梁分
茶疊諸峰影毫揮五色文常含興雨意玉葉自繽紛

韓伯駒醉負妓行失跌破面戲簡二詩

怪汝如泥醉猶能負美人踉蹌遭一蹶顛倒失三辰
淚血交相泣垂頭各自嗔佳期成兩敗那得不傷神

其二

掌上應能舞肩頭忽已飛石稜侵月貌塵澤妬霓衣

墮馬妝逾美求凰調豈非捧心堪自媚何惜路人譏

賴茂永經歲重來寓我北園喜贈二首

君來秋已盡舊徑不曾荒樹欲平山閣雲猶護石牀
圃蔬全待雨籬菊半經霜往歲題詩處藤蘿已漸長

其二

下榻曾山館重來即故居微吟當水石緩步狎禽魚
稚子行供茗鄰僧伴讀書會心忘主客豈復是吾廬
秋日携斗孫宴黃思素宅思素自喜得情情見
乎詞屬和二首

龔龔洞續稿

卷之六

三

抱孫新出郭來謁萬松居正愧東林選何當左席虛
彩雲羅俎豆綠竹是圖書宅相名家勝猶然卜魏舒

其二

右族乘龍客貧家弄鳥兒出門新燥髮登坐即揚眉
雅似陳荀會兼酌伉儷詩何人擬冰玉恐只爲君私

爲茂永題恩園

怪來高卧穩舍後即東山節以披裘重機緣抱麓開
野雲樓竹閣浮世隔松關晏坐澄心境新詩取次刪
夏郡博到未一月聞喪東歸信焉賦此送之

癸巳

謁 帝領儒官文星楚士看講堂檀未煖親舍夢先
寒匍匐江程險呼號粵樹殘終天惟飲恨何計復承
歡

送吳別駕將漕之留都時別駕有歸志詩故反
之

向有投醪意寧辭轉餉艱風濤飛百舸帶甲擁三山
祇役承平後論功戰守間如何正強健遽擬拂衣還
春草館爲登之題

步武俱龍種工文亦鴈行居臨鄂王渚景卽謝家塘
藉艸爭揮翰攀荆並舉觴異時徵孝友誰辨白眉良

甌甌洞續稿

卷之六

三

送孫節判棄官還新安

懷牒佐山郡衙齋席未溫歸心偶自動去棹忽如奔
世外無機事林間亦主恩請看彭澤令風節至今存

齋後種斑竹芭蕉二首

幾個湘妃竹新從北墅分龍鱗猶挾雨風尾欲捎雲
近植交圖史幽藏避斧斤微風激清籟未必世人聞
其二

移蕉種閣裏伴我隱牆東取意憑舒卷清心悟色空
紫莖先吸露綠羽自生風復鹿元非夢蕭疎爾正同

聞故人鄧潛谷起授翰林待詔寄訊二首

自罷金門謁深山只著書神遊千古上心苦廿年餘
述作承先聖行藏委太虛清朝開虎觀詔下遣安車

其二

叔世無巖穴惟君隱獨真形求知 帝賚聘至卽天
民石匣藏書舊形開載筆新旋看起居注清切動楓
宸

送蕭含譽遠遊二首

病起愁仍劇江天已暮春且持新漉酒一醉遠遊人
杖底三山路樽前萬里身歸來詩滿篋壯氣迴能伸

其二

甌甌洞續稿

卷之六

三

遠曳盧敖杖蕪浮博望槎題詩山鬼哭擲筆海神嗟
手撥三珠樹眉分九色霞尋真徧岩壑萬一過仙家
喜汪象初過訪

石外停遊屐松間載濁醪談玄心境寂浮白水雲高
姓字曾仙籍行藏且釣舫幾時丹藥就重過莫言勞

北園飲象初羨長巨源

雨徑來三友雲林共一樽才情時輩少意氣古人存
洗盞臨溪角披衣坐石根歌闌興不盡澤畔采芳蓀
與冠巨源俞羨長連飲一月卽事四首

數過情逾美三旬飲未休每聞爭博塞無暇點龍籌

興借詩歌助歡憑風雨留酣來相枕籍何減卧糟丘

其二

縱飲無昏旦誰如二客狂即經三十日已勝六千場
野性窮偏適時情醉總忘起看巖際雨亦作酒泉香

其三

東火芻春釀腰鑲劍野蔬總令童子病不放酒人疎
隔宿耳猶熱經旬髮未梳陶然天地外乃得遂吾初

其四

山園春正好客子莫言歸興盡仍投轄樽空更典衣
風花沾席亂月樹引觴飛竟月無醒日誰言阮籍非

甌鰓洞續稿

卷之六

三

題

宰木幾成拱枯楊豈再稀祗應收爨妾何乃問并妻
水鳥驚新匹林鷗憶舊栖將無老萊子七十尚兒啼

謝程汝正送茉莉

誰移西國種新發廣州花倚石水姿澹驚人玉葉香
暖烟回瘴海香氣鬱山家但得同清賞無妨酒更賒

慎汝學過訪便歸吳興賦贈二首

爲問雲遊客何從戴笠來將窮吳楚勝不盡古今哀
到處堪詞社還家且釣臺媿無奇可問聊與罄樽罍

其二

不忝吳興彥能文有父風國恩存萬死家難起孤忠
博物張華後耽遊向子同扁舟一訪戴歸卧五湖東

詠黃榴花

丹榴忽改質朵朵色絲繡氣欲凌萱草香仍遜木蘭
雲霞金佛面法象羽人冠我亦黃中子憑軒飽自看

贈明上人二首

祇林無一樹妙相只空花度世寧逃世忘家當出家
總能通六藝無礙演三車迷覺原同性飯心是釋迦

其二

海上浮杯至城中施藥來衆生消障業諸品破輪迴

甌鰓洞續稿

卷之六

三

幻迹雲無定禪心劫並灰不須嚴酒禁蓮社好重開

潘庚生過訪

江上暑新毒君能千里來旋除松塢榻小泛竹林杯
御李吾何敢浮湘汝自才把詩憐意氣未末凱風回

潘庚生留寓北園賦贈二首

怪汝耽幽獨移裝就水亭林行諳鳥語磯坐檢魚經
樹隱三梁紫苔封萬石青高眠陰洞裏誰測少微星

其二

遠楚寧無意聞歌赴采蘭欲舒高視日常着遠遊冠
狂談天易眉揚混俗難園居發孤詠花石解留歡

何興父考績二首

地阨三湘勝班居衆令先道旁謳父老帳下立才賢
嘉績虞廷奏循良漢史傳 賜衣雲五色庭舞更踴躍

其二

仕楚年纔壯浮湘氣不群詞才當哲匠官蹟起神君
佩劍雙龍躍 褒書五鳳分清風延楚服處處挹蘭芬

有感寄訊王行甫五首

汝抱連城壁徽音故不瑕稍聞龍失水坐見虺含沙

甌甌洞續稿

卷之六

二十七

左袒緣天幸南冠悵物華移時公論定何損大名家

其二

百吠訛相應孤騫亦自驚詩書成怨府草木盡疑兵
直似風霾過無傷日月明窺籠戒鸚鵡勿復向人鳴

其三

垂老偏多難才名是網羅梁書期勿上楚曲悵難歌
不是排雲手誰操返日戈諸君憐國士一語散羣魔

其四

緩急心相弔呼號力未伸不知排難者曾是感恩人
萬事何常態千秋只此身古來明哲士投足良荆榛

其五

不惜黃金散何妨白壁汚日中行題廳堂上集簪蒲
自倚孤懷壯寧煩百足扶餘生同浩劫恩怨本來無
哭顧子敬茂才四首

其二

隔日傳書到奚奴尚未還相將期竹下忽已謝人間
今古須臾事灾祥氣運關大江雲日暗老淚獨潸潸

其三

甌甌洞續稿

卷之六

二十八

隆

家難倉皇起泉臺旦夕封爐頭思酒態坐上憶談鋒
氣盡人如在才高世莫容稍聞窺大藥化去亦仙蹤

其四

久抱憂生疾那堪哭汝悲齋縣曾下榻篋掩舊刪詩
毒霧埋瓊樹悲風奠玉卮亦知泉路阻猶有夢魂馳
有感再哭子敬二首

其二

白壁心難剖黃泉恨未平片言能辱士幾日遂捐生
緩急窮交分辛酸巷哭聲悠悠江漢水東下亦含情
三綱那可數三尺竟誰操枉直難爲理低昂信所遭

論才虛駁骨絕命等鴻毛濁世殊堪憤宜君遠自逃
夏日偶遣兩兒出江既發念之

新漲浮天闊江行涉苦辛風濤舟倚岸暑雨食依人
永日懸薪旅空鄉繁老親歸帆應咫尺莫遣望迷津

鹿麕洞續稿

卷之六

五

意

鹿麕洞續稿

詩部卷之六

鹿麕洞續稿詩部 卷之七

三

武昌 吳國倫 著

橋李 馮夢禎 校

五言排律

正月十六日宿張使君過子壻呂惟烈宅對雪

即事

小隊引熊轡清遊似兔園素華飄萬樹春色晃千門
已罷裝燈技欣開對雪樽玉堂天不夜銀海月微昏
錦帳賓筵合璇題御墨尊賦慚梁客奏歌避郢人喧
密坐寒威失深談上意有醉看瑞草集彷彿面崑崙
鹿麕洞續稿 卷之七

太中丞方公定之填撫秦楚大梁三省會以七

十告老奉 旨特留尋擢南京少司徒且行寄

賀二十韻

不挺天都彥誰當命世賢曜乘箕尾出孤待岳靈縣
事業占青簡聲詩託素弦風雲披駿足牛斗拔龍淵
五土經營遍三關節制專舞干休甲馬插羽斷烽烟
盟府書勞日轅門振旅年一言方請老四嶽更推先
命累師中錫官今白下遷總緣耆德茂應待 主恩
偏白髮神逾王玄心道已全據鞍仍矍鑠揮塵任蹢
躑民力東南紬軍需海 數滇禁城千騎列畿甸八駟

正苦芻蕘急何當 詔賜蠲大農操上策率土仗
微權但慰群生望無延壽延丹書周父獻綠竹武
公傳清切扶 皇運調和贊御筵定知霄漢裡重叶
卿雲篇

王方伯考績奉 詔封三代詩以賀之

聖代修名實王言右恪恭請看虞岳牧誰及魯儒宗
政自衡湘報才應海岱鍾 君恩優歷試祖德見重
封增秩來章服銘鑒屬景鐘四方行鎮靜八座佇從
容崇極瞻三象丹心翊六龍定知慶喜起不獨慶遭
逢

甌甌洞續稿

卷之七

二

還自太和答鄭汝志見懷

汝志方卧病頗以不得同遊太和為憾因賦
長律見懷幸甚耽耽甚也依體賦答成十二韻

與子二年別况經千里遊春雲淹伏枕漢水滯歸舟
謁帝玄宮杳懷人白社幽雲霞披嶽嶺風雨暗湖頭
樹隱浮丘室香生聚窟洲佩鳴群籟叶幢閃衆星流
鶴駕元君降 女留五城殊不遠七聖儼相求
高步無三 九州從來身是幻所過迹俱浮
何處神仙 大憂新詩遠持贈珍重夜珠投
與門人陳伯珍談枕

汝抱經生業猶聞作者風力須扛鼎健心應斲輪工
縱步防岐逕聆音審異同和歌從古郢比跡造新豐
調與宮商叶神將雅頌通賦增司馬病詩助少陵窮
取意筌蹄外成文變幻中老夫無寸補吾黨自稱雄

歲杪送方仲美携家還新安二十八韻

仲美天都士飄然五嶽身名從詞苑著交屬布衣真
古色凌吹劒文心應斲輪六書憑巧力諸體競精神
攬勝先之楚移家非避秦妻孥聊有託藜藿共忘貧
歲月羈愁失郊園樂事新徑穿隨舞鶴溪泛狎遊鱗
總欲諧諸譚曾何辨主賓染毫增氣象携手過風塵

甌甌洞續稿

卷之七

三

老怪詩魔癖窮憐酒伴親醉眠分枕石箕坐並垂綸
竹樹欣同社烟霞幸比隣那知操去楫忽爾問前津
考鼓迎河伯調琴別館人黃山天咫尺歛浦夢逡巡
奈是江關險兼之雨雪頻征衣殊黯淡解袂獨酸辛
世重千金賦家無十斗困薄田經旱潦陋室長荆榛
弛擔重擔櫬行歌旋采薪杯供陶令酒盤藝李膺尊
且學栖愚谷難逢獵渭濱遊青雀舫潦倒白紵巾
鴈失三湘地梅爭兩地春懷人音是玉望遠髮如銀
縱使成漂泊還當念隱淪百年期未定友道莫緇磷
舟過鄂渚呈大中丞邵公十六韻

廿載長安別相求寤寐中久併空谷老未有尺書通
見道銜新命居然振舊風漢廷中執法楚服大元戎
幕府群靈擁天門八翼神授囊分赤白說劍凜雄
揮羽風雲變塞旗瘴瘴空陸師陳組練水戰習膠牘
不鼓三苗格無波九水同非緣先保障誰爲起疲瘵
野奏徠蘇頌朝銘夾輔功居人瞻玉節天子下彤
弓偶爾乘烟艇相將涉渚宮前茅知不遠列栢望逾
崇自分溝中朴寧當爨下桐徘徊感今昔江雨驟冥
濛

送武昌孫明府入覲

龔龔洞續稿

卷之七

四

早識青雲器登名願不孤一官緣老母萬里自長途
小結山陽綬旋分鄂縣符委身親案牘飛譽起江湖
白簡爭相薦彤庭望欲趨風同桑下雉雲擁尚方鳧
召問關民瘼開陳切帝圖中天縣玉鏡待汝赤心
扶

送大冶郭明府入覲

憶薦中州士無如郭隗賢蹠金馬詔慷慨帝京篇
領邑遙之楚趨朝復向燕鳴琴師必令飛舄擬喬仙
玉帛同元會冠裳切御筵春回雙露掌恩湛五雲天
蚤自徵三異旋當被九遷河橋一樽酒猶爲故人憐

王太夫人輓詩元美所也補刻

自進王司馬偏叨剪拂私升堂曾拜母談稅亦從兒
不忝通家義在深末坐知殊方消息斷八座起居遲
直道傷黃鵠猶然念伏雌病成多難後心死未亡時
鼎養身偏瘠輿迎色未怡儒門曹世叔列傳魯嚴姬
象服賢堪稱耆耆老未遺軀今同穴處真遂百年期
潤藻餘芳澤庭護萎故安夜臺雙鶴吊名閨二龍持
淚盡湘妃竹哀銜幼婦碑倚閭空燕雀築闕表龜螭
嶺外傳凶問江東失令儀可憐廬墓者相嚮不勝悲
安小范祠部得請改南遙有此寄

龔龔洞續稿

卷之七

五

祖

王事無南北移家近故山陪京仍画省新侶亦仙班
地縱登臨癖官餘簿領閒鳳臺留勝蹟龍水護嚴關
興藉三茅遣詩兼六代湘江雪吳楚變王氣斗牛間
載酒長干去看花石去還壯遊明主賜腰纏邇
天顏

久雨病農稿有憂志遂成十韻

怪自春徂夏淫霖總未開浹旬纔見日中夜又聞雷
潦積成河決颶狂卷土來連阡滋白莽比屋漫蒼苔
石燕勞舒翅神魚阻暴鰓雲乘隣國帛春秋宋人水
魯使帛焉曰
天作淫雨飛麥老農哀晉永嘉中梁州雨十
害千家盛峽女行

應倦江神怒不回二儀將混合四曜忽摧頽已失青
陽令能無赤旱災病夫憂轉劇誰負補天才

哭吳壽卿方伯

憶自趨蠻府同心樹漢標花間頻接席郭外每連鑣
汝幸辭榮祿予慚負 聖朝十年空問訊一壑竟蕭
條病豈憂生劇魂疑厭世銷雙龍虛射斗八翼委冲
霄佩劍誰應許牀琴不復調總隨金母去終恨玉人
遙國史傳清德門徒賦大招齋前章貢水東逝迢迢
迢

清明日張子元方仲美携酒北園見訪

甌甌洞續稿

卷之七

六

宿雨侵元已晨暉吐豔陽園居林鳥變閣望野雲長
有客過山徑携樽醉衆芳旋鋪花外席時據竹間牀
會擬蘭亭禊歡同曲水觴回波吹亂磧茂樹隱飛梁
盛世安遺佚餘生任老狂醉中看物理何事不堪忘
送李中丞汝貢赴南都少司寇得十六韵

上國論經術誰當第一流策名關氣象命世屬君侯
殿閣曾題柱宸區待運籌望京依北斗開府奠南陬
電影朱旗閃霜華白鉞流風清羊祜碣月滿庾公樓
江漢波濤靜閭閻士女休九谿無片埃列郡起歌謳
賦掩神姬峽恩宣處士洲詔銜雙鳳下書奏五兵收

弭節辭黃鶴行營勒絳騶踟躕江路發慷慨秣陵遊
地以登臨壯才兼將相優入持邦國禁分贊 帝王
猷努力銘鐘鼎還 朝侍冕旒皇皇諸父老那得冠
君留

詠銅雀碑

銅雀已飛去高臺空復情只餘臺上瓦猶記鄴中盟
匪石偏堅潤如圭卻正平紀年存故號含土見真精
黯澹憐歌妓淋漓待墨卿璞文依案隱星色繞毫生
氣逼金銀吐寒凌風雨驚馬肝無重價龍尾但虛名
澤惜三湘秀華增二曜明思玄吾漸懶守黑汝同貞

甌甌洞續稿

卷之七

七

種蕉館題贈元吉宗侯

小築芭蕉館王孫習靜時披雲翻綠羽拂石卷青絲
自悟栽培理寧貪雨露私風生班女扇月引漢宮旗
累累成輝映同心足護持焚魚棲漸僻覆鹿夢何疑
清響流虛闥濃陰蔭曲池停樽偶攀折隨意寫新詩
以詩代柬答胡別駕

相望百餘里相違十九年不關秦越阻徒使夢魂牽
江路黃龍峽接山行白雉連一書垂老至百感向
誰宣末路彈冠拙當時握手偏行藏俱幻影耕鑿且
塵緣擬賦流觴社先投頌酒篇興來須命駕累日醉

花前

李和元民部再過觴之北園賦十二韻

爲報軒車客重來叩竹扉一樽忘老病三徑款容輝
露砌苔仍滑霜林葉漸稀疎花點籬落古樹宿烟霏
蟪蛄憑雲磴浮槎亂水衣波搖千石動山盡一梁飛
得景狂難制追歡興不違扶藜過絕磴臨眺及斜暉
度曲松聲緩充盤菜甲肥達觀齊物理深飲見天機
夜永鳥初定沙寒鴈未歸更乘湖上月將酒坐漁磯

劉母董安人七十壽詩

舊署郎官第新開壽母堂群靈趨燕喜三朔兆嘉祥

龔龔洞續稿

卷之七

八

相

象服金闕賜書玉笥藏廣筵修水陸喬木飽風霜
書倩青鸞報葉和赤雉營斑衣兒起舞珠履客稱觴
宴擬群仙集人知百歲康瑤池應咫尺冉冉綠雲翔

和黃元甫進士壽子七十詩

未竟縣孤志俄臨賜杖年古稀人所羨時過少相憐
軒冕無常貴烟蘿有靜緣不辭趨蔗境聊且種芝田
分與風塵絕情惟故舊真贈言真比玉將酒復如泉
意氣論文後光輝解褐前餘生仍守黑賴爾獨傳玄
爲惜春陽景重操雪夜船和歌殊慷慨起舞更蹁跹
何用九還鼎虛勞百鍊鉛但從花底醉同是飲中仙

爲功甫方伯壽其母太恭人八十詩

帝命層霄下官階四嶽崇慈堂開燕喜佳氣鬱鴻蒙
鼎寶中厨異衣函內笥工光輝騰鳳穴禮數洽蠶宮
愛日巴江遠瞻雲楚峽通青城仙縹緲玉壘樹青葱
造膝諸孫擁稱觴百福同里門冠蓋集華屋佩環克
上壽應無算窺顏迴是童一經家祚起累世國恩隆
已近三台象猶傳萬石風即看名世業無異補天功

送張叔見使君入覲

極北一陽迴荆南萬象開遠馳神駿足重上古燕臺
江漢流清譽朝廷簡異才班聯群牧序詔拂五雲裁

龔龔洞續稿

卷之七

九

玉帛尊元會圭璋燭上台皇州春浩蕩仙掌露崔嵬
陸宴張天樂高呼獻壽杯治平誰第一先拜賜金來

送郡博莫崇謙赴瓊山令

詔徹三經幣行分百里符郎星輝絕域驥足展修途
潮撼乾坤震城連島嶼孤山盤黎部落壤割漢輿圖
屢霧時吞吐珠光忽有無君恩忘遠近民社倚匡
扶鐵樹花偏麗瓊崖石未枯定知霄漢上臺史候雙
鳬

元善過飲北園

春回四十日別圃豔陽多不縱行遊興其如丹石何

客來花正發家近酒頻
溪光然爛熳磴道結陂陀瀑漲巖間挂烟縈洞口蘿
拚人機放浪與子醉婆娑日落山橋暝詩成緩步哦

詠龜山怪石

山在夾節湖石宛螺一里許詩不能盡狀

湖上龜山石奇蹤未可名樓臺霏霧結底柱白雲撐
奮迅飛難去玲瓏鑿不成望疑金作埒來訝玉爲城
角立蛟螭怒拳連鬼魅驚波痕時隱見野色變陰晴
雪磴峰峰擁風泉處處鳴群羊爭欲起只少遇初平

詠南城潭怪石

下雉春流淺南城野磧高灘腰橫古渡沙口集漁舫

甌甌洞續稿

卷之七

十

怪石紛蟠鬱驚湍迴怒號寒分庾嶺雪色借廣陵濤
突兀支千層參差駕六鼇乘槎及河鼓遺佩在江臯
忽似沉犀起虛防射虎勞何當移近舍日日對持醪
送門人黃元甫教諭建昌

射策金門後天曹更愛才儒林經術重疊舍講筵開
祿薄君恩廣道寒士氣培毫揮廬阜色手植豫章材
童冠趨蹌至閭閻揖讓回海昏千樹擁彭蠡片鴻來
擬薦相如賦還登郭隗臺風雲期遇合且勿歎無媒

與蕭含譽談藝作

信是才情美翩翩六藝場名非經術重澤以世家長

達節懷嵇阮新篇擬漢唐坐曾穿木榻行只載縹緲
興借名山助歌隨酒伴狂星軒搖彩筆風匣吼干將
忽爾移蘭棹飄然過草堂言修羔鴈誓儼揖鳳鸞翔
北面吾何敢南圖汝故彊將無憐老病亦復叩文章
此意看千古端居覽八荒射侯資巧力觀樂審官商
勇欲擐金甲沉須釣玉璫先民誰虎視後死定鷹揚
執手言相印降心起自觴頻年虛馬白一顧失驪黃
好振三閭業雄爭九曜光勉旃戒遐軌安穩適周行

松萱介壽圖爲周敬甫秀才題祝其母

映石忘憂草參天不老松爲稱慈母壽壽擬大夫松

甌甌洞續稿

卷之七

十一

明月爲環珮和風應鼓鐘堂開金女宴天駐玉姜容
原上輕輿挽花間彩服重雕盤麟脯苾錦幄獸烟濃
儼有群仙聚應知百福從無須數甲子佳氣正龍從
送祥上人赴黃州報恩寺檢藏經兼簡王行甫

江上浮杯去不知江水深瀾天都妄境易地亦叢林
試檢光明藏因參妙覺心空花非有相潮海故無音
人鬼驚繡貝檀那喜布金如開白蓮社陶陸費招尋
友人程汝正六十詩

有美人如玉論交自少年名移青桂隱家歷素封傳
混迹聊端木規時亦計然虛舟託江海短褐散風煙

慷慨行高義溫恭慕昔賢丹山開別館白岳訪真詮
願豈芝苓駐神應水石全尋常占紫氣六十米華顛
子姓多鴻士追隨半鹿仙不須金母宴靈液是天泉

馬大參行賑下邑賦贈

行部及春陽登車擊衆芳爲傳寬恤詔遙過水雲鄉
保障憂仍劇旬宣策故長察眉占疾苦揮淚問流亡
檄下紛移粟恩均陋發棠萬民爭蟻附群盜敢鳴張
豈憚巡阡陌猶勤卜雨陽清風開二鄂流韻滿三湘
暑中憂旱聞嘉魚以上兩足年豐有感寄上方

尚書八韵

龍龕洞續稿

卷之七

十一

相去不千里胡爲又一天炎蒸愁處毒雷雨望中懸
合是災祥異翻疑造化偏結城仍亢旱魚嶽自豐年
大老居無恙貧家厄未蠲敢貪移粟飽只想據梧眠
豈盡無膏壤俱成瘠石田會須從辟穀命藉赤松延

徐母彭孺人輓詩

不忝徐卿婦名緣二子彰甫看通桂籍忽自掩蘭房
愛日虛欄彩號天龍壽腸劬勞難可報祿賜好誰將
擁觀循江路招魂返故鄉里人悲井臼夫主憶糟糠
素旄風偏疾黃壚夜揔長會看沾錫命墓草亦輝光
秋日黃思素思貞徐應時盛同館居惟烈過賞

紫牡丹醉賦十韵

試按名花譜無如魏紫奇紅英標國色綠萼捧霞脂
土脉驚移植山靈巧護持翻從搖落候忽吐艷陽姿
似欲凌風露將無起夢思春光那可再暮景若爲私
子壻諧欣賞親朋競賦詩風來香滿座上酒盈卮
勝事無前代孤芳合後時宛同妃子醉誰咲老人癡
賀郭明府考績受恩

楚令才稱最虞廷績豈虛遙傳雙鳳詔儼近六龍車
珍重 天王寵輝煌太史書九霄懸象緯二代紹瓊
琚下邑名新重中嵩氣漸舒風謠載金石喜色徧樵

龍龕洞續稿

卷之七

十三

漁論自 朝堂定功應賴勸如赤心今更屬何以荅
宸居

黃徵君汝明六十壽詩

吾黨儒家彥陳荀不啻過懷才虛甲第抗志漂山河
爲厭風塵跡歸培雨露柯隱投青桂社開誦紫芝歌
海嶽神能遍雲霞手自摩古松留酌酹修竹助吟哦
維佩鳴瓊玖仙衣集芰荷渥洼龍種躍丹穴鳳雛多
壽域開南域賓筵挹太和九天回絳鶴一笑指銅駝
花擁漏欄舞香飄靄霧羅稱觴來皓叟挾瑟奏青娥
紫熟黃金鼎風高白玉珂 帝心懸夢卜門閭擬壁

峨拜老恩將及還童術豈訛交情聯縞紵姻好在絲
羅促席歡聲劇扶筇醉色酡百年江漢浦相傍理烟
簑

贈髮僧趙用拙遠遊

靜境都無念名山卻有緣棄家從白衲投社結青蓮
雲引孤蓬到星分五岳縣會心臨水月觀世出風烟
興以行遊適情寧去住牽杖飛龍隱約衣振鶴蹁躚
聽法應留僧逢師莫問禪隨方均寶地稱佛是金仙
鉢在誰相授燈明不盡傳六身皆可幻諸障總能捐
咫尺三天過頃更八極旋老夫眠一壑何自叩冥詮

甌甌洞續稿

卷之七

十四

冬日即事

一年俱亢旱雨雪占全冬日陰霾合家家濁水衝
泥深埋馬足冰坼斷人蹤電奪玄冥候雲迷遠近峰
橫流侵二麥噫氣損千松地力枯垂盡天災慘更重
比隣難乞火跬步即扶筇甌冷稀晨爨庾傾罷夕春
誰能堪凍餒况乃追程庸沛澤時漂骨乾坤亦改容
處堂安燕雀近市走魚龍望霧無消息傷心聽曉鐘

一品夫人方母輓詩

淑氣分南嶽刑于自上公簪纓偕白首日月吐丹衷
七誠遵無缺三遷訓備工宦遊資苦節邊略翊膚功

此歷多艱盡暗聯八座崇褒書銜鳳軸朝禮冠特
身竝依雲表幾先戒日中風塵歸倦鳥霄漢舉冥鴻
壽母詩人頌嚴經國史同偶然親藥餌忽自掩房櫳
夜入逍遙夢晨辭矍鑠翁遊仙騎絳鶴應識走黃熊
懿軌嗟難繼慈幃望已空祇應還太素那可測穹窿
鑿隧敦經始穿碑紀令終輶輶天幸足題湊 主恩
隆冢合祁連象廬支宿莽叢樹封泉脉脉飛旒兩淩
冢賓客哀相嚮兒孫恨未窮東芻千里奠江漢起悲
風

徐廷祥詩七十壽詩

甌甌洞續稿

卷之七

十五

族本南州裔人猶高士風一丘淹伏驥千仞縱冥鴻
不石存孤跡鄉隣遜直躬息心從澹泊觀世託玄空
旋挈三經筭新移半畝官歌呼朝市外坐卧野雲中
欲結青霞侶應逢白兔公無愁知邵老有術信還童
玉樹庭雙秀金閨藉漸通榮名貽穀顯褒錫義方同
壽域春韶蕩賓筵氣鬱葱幾時從帝駕問道入崆峒

俞母姜孺人輓詩

母性真如佛慈悲衆所憐無聲聞域外有善積生前
案自同光舉居仍學孟遷纔看躋壽域忽漫掩重泉
已謝忘憂草難追燕喜篇家風餘井臼口澤尚栢椿

朴素鄉人範音微野史傳招魂蕭蘭蘭雙淚獨潸然

哭劉世仰十二韻

自汝操經術人稱武庫兒忘年交不淺通籍數偏奇
志拙名成後病深食少時寸心灰內顧萬事失前期
舉案風斯遠髮頭毒漸滋未羞梁武膳甘撤馬融帷
骨立銜孤憤魂銷託九疑賈生同早世伯道有餘悲
忍負先臣望難酬二母慈此身元幻化冥筭忽推移
不瞑憂生目誰傳絕命辭空山一杯土風雨暮淒其

蕭母王孺人七十壽詩

有孺人爲子承明府配舍譽孝廉母也不佞嘗

甌甌洞續稿

卷之七

十六

與子承同仕閩頃又託交舍譽蓋有通家之
誼焉聞孺人七十強健心竊爲舍譽喜因賦
一詩壽之得十二韻

望望多雲里雲成五色光隨風飄獻彩連席映稱觴
淑氣來金母慈顏顧玉郎導輿崔氏樂徒室孟家祥
閱閱儒風表箕裘世業昌已看饒鼎俎猶自問蠶桑
海上青鸞至峰頭綠鶴翔地分三楚秀天與百年康
戶集蟬聯客歌升燕喜堂盤供仙樾美鑪焚曉蘭香
想像神情健現知祿筭長還應霄漢裡清切下褒章

綠雨軒詩贈江夏丁道甫

予門人徐伯高爲乞題

徒徐孺子善道館人賢築圃江光近環亭卉色鮮
四時飛綠雨一榻卧青天螺黛勻溪塢琅玕拂几筵
課兒書滿架邀客酒如泉日涉成佳趣陰晴總晏然

飲李季宣青蓮館留題六韻

背郭營精舍蕭疎邇水邊和雲移綠竹分溜植青蓮
自抱清修業因窺小乘禪晚蘭風際吐庭藥雨中妍
念汝才情美增予野興偏無煩更投轄醉卽枕經眠
吳門逢程相如文學殊自意氣因賦長律贈之

芳樹鳥關關東行棹未還偶逢塵外侶旋解客中顏
似欲探龍頰寧論識豹斑蹤浮雲水盡名處俠儒間

甌甌洞續稿

卷之七

十七

代馬黃金勒吳刀白玉環南遊低越嶠北走隘燕關
何處三千履誰家十二鬟染毫增象緯揮塵狎潺湲
酒伴新相結文心故自嫻直須飛一杖從爾遍名山
陳從訓山館同諸客分得青字

僻境開精舍初筵聚德星霞標山閣紫雨過石林青
入徑金欒側穿巖忽窺冥花明飛白案竹覆艸玄亭
躡樹衣時絰經苔杖屢停軒牕皆置研篋司半藏經
薛荔高懸屋葵榴燦結屏杯傳三昧酒盤薦五侯鯖
景幻詩難敵歌狂客易醒老夫偏病渴洗盞乞中冷

舟次淮陽陳清甫進士夏玄成孝廉陸無從汪

舟次淮陽陳清甫進士夏玄成孝廉陸無從汪

仲嘉吳祚虞諸文學劉巨公方建元王長卿諸
山人累日携具泛江且呼二妓行酒雅極歡洽
因賦長律紀之

偶乘揚子渡來狎廣陵濤累日過詞客分期載濁醪
泛隨邦渚曲坐見海門高夕柳迴漁笛風蘋引釣舸
重城烟縹緲萬室水週遭雪色黃魚膾蘭香紫筍膏
隋宮巢鶴鶴魏壘蔓蓬蒿羽觀銷瓊藥禪林散玉毫
瓜陵何處問桂社迴堪迷吊古歌誰和論文醉亦豪
荒臺空戲馬佳會且持螯二女能捐佩還疑在漢臯
金陵逢李伯初廷許金席珍國博酒間賦贈二

甌甌洞續稿

卷之七

七

子皆子學黔中時所取士

夢寐黔南別徘徊白下逢行年吾已老問字汝猶恭
遠載長干酒來聽野寺鐘詩篇俱感慨冠佩且從容
大道馳雙驥仙班儼六龍引經能斷獄修禮待臨雍
譽自騰三殿恩將下九重母煩念空谷取次勒勳庸
表惟鄰兵憲削平皖寇詩以壯之如汪伯玉司

馬體

使節臨江介軍符護舊京關河縣保障吳楚藉提衡
自倚蒼龍劍寧邀白馬盟八門開細柳千舸習昆明
汝獨安長慮人方玩太平俄聞豺虎嘯忽遣鸛鷺驚

縣道新營戍郊原猝廢耕毒流邾子國烽照皖公城
慷慨宵橫梨驅馳曉抗旌疾如飛隼擊威儼射蛟行
捲甲圍初合登陴矢並鳴火攻愁伏螳血戰殄長鯨
部曲鏐歌發雲霄捷羽輕萬山銷瘴癘五夜落欃槍
金帛君王寵簞壺士女情誰知青瑣客解破綠林
兵

繡佛詩爲王長卿內子題

豈是牟尼像偏歸善女紅妙香縈藻案纖手映花宮
綺練光猶淺丹青枝易窮非緣三世識那得五紋工
雪錦天孫避水純帝子同金身元燦爛玉面揔圓通

甌甌洞續稿

卷之七

十九

不盡慈悲意都含纂組中始知青閣彥亦有素娥風

俞羨長自潤州與予同舟溯江入楚留寓北園

卽事賦得長律四十八韻

解纜發姑蘇歸津下白榆所期人不至欲往興仍孤
累日停京口重雲粉蠹湖布帆中夜落穉子隔橋呼
旋乞鄰船火聊傾水市酣驚心看齒髮握手醉菰蒲
遂作長征計無陳不朽圖瀟湘從此逝李郭未爲殊
友道磷金石詩篇失瑾瑜江行馳象馬野泊混鷗鳬
頗挾風濤壯那知節序逾經旬渡淮海五月次留都
龍虎千秋勝烟花六代徂故宮仍壯麗殘壘半荒蕪

絡繹來詞客參差過酒徒
審音誰雅鄭從好各笙竿
結社群吾黨盟壇一腐儒
炎蒸逃伏枕山水借操觚
口耳難推赤塵驚易奪朱
感時君獨奮懷古世應無
得象岷連壁揮毫天雨珠
百家窺浩瀚諸體辨錙銖
抗志遊三昧揚眉視八區
己能由覺路猶復叩迷途
高曲遙追郢新聲久厭吳
苦吟偏自喜屬和每相愉
興發將飛動思沉更鬱紆
七年邀對榻遜長執趨隅
似有精靈合何嘗禮法拘
鳳臺交縹緲犀浦越須臾
顧者茶盈盞蘭陵酒滿盃
總非河朔宴不減步兵廚
醉拭雙龍劍狂呼三五盧
水盤行腊脯雪盃進雕胡
醜醜洞續稿 卷之七 三

列郡千峰繞長川萬壑通
既公森列嶂廬子忽前驅
攬勝舒清嘯登高愧大夫
物情均落落幽賞自于于
客久資糧罄形衰藥餌枯
居人占石鵲漁父怯銅烏
岬岬愁新漲家家避濁塗
故關俄在望空谷隱堪逋
埽徑斜穿竹蒼天並據梧
且須閒飼鶴何用遠思鱸
起卧層峰下招携二仲俱
虛縣天姥夢差擬列仙癯
習靜時燃桂無營類守株
納涼陰洞口彷彿在蓬壺
秋夜湖上觀諸僧放燈

一水泛慈航千燈出道場
微風清梵鐸靜夜鬱空香
焰吐花官麗膏分火宅長
蚌胎珠錯落嶠口玉輝煌

細浪成金海河流作寶坊乍疑星亂實何怪月無光
朗照連三界長明到十方誰能觀自性生滅兩相忘
武昌韓若韋使君五十初度適以奏績加恩敬

賦一詩稱賀得二十韻

當代循良守明公自出群風神閩海秀筆札漢京文
博涉兼金石冥搜貫典墳登朝高省署領郡扼江
濱閣俯漢陽樹盤羞雪鬢片焦勞弭疹癘寬恤起耕
耘澤下心如水平氣若雲製工僑氏錦神運郢人
斤約法空囹圄迎機破糾紛清聲輿誦協嘉績薦書
聞祿二千石褒章錯五紋國恩深雨露家慶積
醜醜洞續稿 卷之七 三

氤氲感激匡時切驅馳問俗勤偶逢行下邑私幸
清芬洞口花相送松間酒共醺山林殊氣色魚鳥亦
歡欣黑髮年初艾朱方德遍薰岡陵同獻祝鐘鼎待
銘勲桂籍三台近棠陰二鄂分稱觴祈不老常翊
聖明君

自徐比部所與應時逃席放舟比部又率其子
弟載酒追送四十餘里夜過排市共醉舟中及
曙而別因賦二律即景寓情得十二韻

累日不勝飲將從間道逋諸君何繾綣載酒復追呼
石激灘流迅沙崩岬樹枯暝雲籠列嶺寒雨裊平蕪

鼓棹魚梁險推蓬水市孤參差樓鴈驚死轉出孤蒲
側帽簪黃菊深杯泛紫萸魚歌聞斷續野興託歡娛
絕似浮銀漢無勞乞鑑湖流連忘夜永潦倒藉人扶
卧欲支長枕酣仍擊唾壺霜天猶未旦猿猱噪檣烏

讀陶懋中寓黃集喜而有寄

信是柴桑裔常含松菊情一官趨末路三黜見平生
擬續靈均賦聊爲鄂渚行振衣雲夢野託跡永安城
禮獄群靈擁浮湘萬壑鳴言尋茂樂處薄采擢歌聲
黃鵠從高舉青虬護上征揮毫恣壯麗吐氣益縱橫
弔古情偏激哀時詞未平倚絨光岳動披牘鬼神驚

醜醜洞續稿

卷之七

三

只似馳玄石何曾問白珩形容經歲改肝膽向誰傾
色澤回星象芬芳掩杜衡詞場爭樹幟武庫已陳兵
隻字堪張楚高吟當識荆登樓瞻赤壁江色故盈盈
嚴母徐太夫人三十壽詩

海畔神仙府花間壽母筵令儀賓上相微節引長年
室啓重芝瑞蠶蟠五木烟連觴霞冉冉獻彩日翩翩
玉女將環佩麻姑閱海田護榮纔五十苑實擬三千
况是清和景燕逢浴佛天虞山多紫氣青鳥下翩翻

陳長洲公衡見過論詩有贈

獨泊長洲苑勞歌傍水雲豈應通客調能動美人聞

出郭驚相問登舟語不群詞名誰哲匠吏事亦神君
厭俗知懷古移時坐論文須臾心莫逆光岳氣中分
壯欲凌吹劒奇將匹運斤異時看獨立餘子自紛紛

遊仙詩十二韻贈通侯永年

人境一何感冷然思遠遊雙鳬凌絕漢八駿隘神州
問道空同室尋真聚甯州大丹金母授靈寶木公授
桃實三千歲芝榮十二樓斗縣分景劍霞攬吉光裘
玉笈登名姓瓊宮拜冕旒流水心騰赤鯉開口度青牛
麟脯天厨薦龍珠象罔收行空摩日月超世領春秋
信宿川陵變斯須海岳周飄飄從所適豈必戀蓬丘

醜醜洞續稿

卷之七

三

楚府郭常侍辭官學道寄贈一詩

賢哉中侍御遣自大長秋官省勤勞最王侯禮數優
晚年聞至道折節景前修卻厭鳴璫貴常思攬珮遊
鞭龍出蓬海騎雀指崑丘擬度三千界將栖十二樓
一辭冲主去遂爲列仙留何處軒轅鼎君山最上頭

金幼龍寓子狎鷗亭醉中有作見簡走筆荅之

艇子繞容膝編蓬作水亭白鷗隨下上彩鷁破沉冥
獨坐披神霧浮家傍客星祇應漁父問何意酒人停
酒榻依晴岵行杯漱曉汀歌諧湘女瑟食厭楚王膾

樹樹含雲碧峰入慢此中宜酩酊莫遣一時醒

韓晉敷司理過訪北園同應時小飲

命駕出溪橋何當野興饒直尋村逕入寧待主人招
二麥如雲長群花過雨嬌披衣凌磴脊掃竹坐山腰
石影雙池動風香萬樹飄談深忘爾汝心遠即漁樵
高唱林亭發餘歡水榭邀無妨歸路晚片月朗層霄

爲汪伯玉司馬哭其弟仲淹

有弟如司馬無官是伏龍詞林誰伯仲樂府間笙鏞
美競昆雙璧恩均蓋萬鍾任勲明主意辭辟故人蹤
意氣懸相慕川陵悵未逢漿家傳酒德俠客避

甌甌洞續稿

卷之七

二十五

談鋒久夢思丹藥遊仙夢亦松可憐華夢委無復鴈
行重已自騎星去那能擲火攻天都還體魄虛室儼
音容忍問龜茲兆愁臨馬鬣封招魂渺何許黃白兩
高峰

爲吳別駕悼姬八韻

江左風流客胡然失麗人抱衾緣不薄竊藥事疑真
只訝三星實惟餘一鏡塵雲迷巫峽女雪暗洛川神
碧玉名仍美阿香迹已陳不堪收骨痛重憶捧心顰
帳冷鴛鴦漢臺空鳳去秦及魂無一計風雨淚盈巾

寄贈崇陽陳明府

明府以進士令崇陽三年惠政不可勝紀業
已奏績受恩命矣邑縉紳大夫嘗走使徵
予文爲賀屬卧病不能應乃私心常歉然也
頃其門人程萬里手一卷過予爲明府索贈
則郭太史先之矣因如太史體草草十二韻
寄意云

天府推高第中州挺大賢才鍾河嶽秀名起治安篇
順邑遙之楚看雲每向燕秋毫民瘼見寒谷帝恩
宣孤鼠驚相避冰霜凜自堅棘林聊下鳳蔀屋賴京
鮮四境河陽頌高齋單父絃牛刀開禮樂鳬舄擬神

甌甌洞續稿

卷之七

二十五

意

仙時兩千家足仁風二儔編褒書三殿下薦牘五
方傳政績虞廷品循良漢吏肩無煩收野史上國有
青編

何江夏與父賦得南岳長歌壽子七十因以長

律報之

詎意神明宰無交問逸民一書巖穴重千古藝林親
匣劍鳴相應囊詩和更頻興同騎鶴過機欲擾龍馴
壯氣三巴吐清風二鄂振行歌無眾楚博雅自先秦
爲識支離癖常憐老病身虛懷敦友道高詠祝生辰
招衡岳傳觴吸漢津玄冥開氣象赤帝獻精神

瀑布沾衣濕芙蓉插案新采雲升縹緲丹嶂角嶙峋
恍惚虞巡遠摩挲禹蹟陳五丁皆失力雙壁未爲珍
縮地功疑幻移山事倘真攬圖堪愈疾披卷更忘貧
似指群仙路俄清百斛塵餌分靈鳥藥蔭藉漆園椿
自愧非高士何緣遇異人良當操晚節且復報陽春
未減投襟袂兼之佐酒縉誰能揮郢斧汝獨悟齊輪
霄漢應飛舄烟波只釣綸知音殊不忝壽域擬同臻

黃宗陽封君輓詩

老大稱齊齒交游憶少年歡頻雞黍洽義更薦蘿偏
里社關休戚江村託靜便謳吟希栗里須讀慕莘田

甌甌洞續稿

卷之七

三

意

性藉烟霞適名譽月旦賢千金然諾重一日義方傳
駁足馳天路聲動御筵青山門閣重白屋帝
星懸共覩雲霓何妨雪滿顛玄黃趨濟濟冠蓋擁
翩翩賜爵三封還丹術未專喜心逢畫錦病骨
委寒穠雙鶴相倚同榮哀訝獨全歛形真反素騎氣
倘遊仙蹤蹤靈過逍遙萬事捐故人將絮酒揮淚
灑重泉

甌甌洞續稿詩部卷之七終

甌甌洞續稿詩部卷之八

武昌 吳國倫 著

楊李 馮夢禎 校

七言律詩

初春張伯常使君招飲川上樓

病起荒城雨雪驕追隨五馬度河橋倚樓雲氣寒三
楚隔水峰陰澹九霄春色漸從汀草合晚風紛蹴野
蓬飄興來拚與山公醉不枉銅蹄孺子謠

將至武昌王若思使君遣人以詩相迎率爾奉

答

甌甌洞續稿

卷之八

乙

短棹飄飄入武昌山川今古鬱蒼蒼使君擬下南州
榻野客貪趨北海觴治郡清風開二鄂登樓高詠寫
三湘翻慚病筆題鸚鵡不及當年處士狂

武昌李司理過訪赤壁舟中即席同行甫孟孺

賦

午風飛蓋出江濱卻喜孤舟共李君平楚蘼蕪春浩
蕩遶城烟水日氤氳旋移畫卷供鋪席細倒樽罍款
論文西日漸從樊口落逢鵲橋接萬山雲

阻風漢口簡王太常蔡憲使

漢水西環二別來長風巨浪蹴天回維舟暫避蛟龍

鬪伏枕偏驚鴈驚哀曉霧隔江迷夏首春雲何處辨
蘭臺懷人咫尺難相問合是山靈妬酒杯

過郢訪劉中丞道故

壯歲中原並轡馳吐心曾結百年期可堪岐路成長
別猶及江鄉覓故知郢里雪歌誰更和蘭臺風賦客
仍疑相看白髮樽前短莫道東山詔起遲

客有談玄證以佛經者喜而有贈

方外逢師若有神同舟累日叩脩真由來九鼎先天
藥轉自三關大法輪龍女珠光騰日月牟尼花雨散
金銀可知仙佛都心性誰道西方有聖人

甌甌洞續稿

卷之八

二

讀諸道書佛書偶作

夢入空同問道回醒從天竺證如來開林穩植三花
樹卜宅先營七寶臺咫尺元君歸靜樂逍遙佛祖下
蓬萊毫光即自玄珠吐白衲黃冠總浪猜

次襄陽過關楊仁甫擢駕部員外喜而有贈

千里驅馳問故疾大隄兒女正歡謳幾年卧閣看浮
世一日徵書下帝州列戟新題司馬署輕帆穩趁
秣陵遊從來雅道時名薄莫怪周南怨滯留

張使君邀飲樊城仁皇寺席上作

遠謁名山大度漢津何當傾蓋卽情親招携並入三天

界笑語能空萬劫塵地自樊侯稱勝槩主應山簡是
前身襄兒夜唱銅鞮曲縱飲無勞問酒巡

梁仲登使君招飲均州南城樓漫賦

麋城如斗衆山羅南擁飛樓接太和樹杪滄江三楚
落雲間紫氣八宮多大夫新擬登高賦漁父曾遺鼓
枻歌古滄浪在櫓之東山只似庾公清嘯處一樽明

月散藤蘿

悼王孝廉

大方伯公子也

濟南經術起家何異神駒貢渥洼道有文章驚象
緯其如歲運值龍蛇綈囊但貯東封草泉路終迷上

甌甌洞續稿

卷之八

三

苑花永訣無言遺恨在班衣化作嶺頭霞

悼王節婦

節婦姓某氏爲王孝廉妻孝廉死未旬日婦亦不食而死故併悼之

王家少婦迴天真痛哭秋烟暗海濱有約甘爲同穴
鬼何心復作未亡人追隨儼跨雙鸞去粹白常同二
曜新若使返魂棲總帳也應相敬復如賓

襄王孫啓彊得之携壺舟中對月談藝分得亭

字

大隄春樹隱官亭何處行歌晚厭聽月湧一江天際
白雲移三峴浪中青詞人抗意求同調午夜揮觴破
酒醒王杜只今留故宅高風千載足儀刑

邢子愿少叅遺書見問燕有過訪之約却寄一

首

濟南邊李故多聞屈指詞才更屬君軒冕未應妨結
社山川猶自阻論文歌調郢里千秋雪佩綰衡陽五
色雲書到定知能見戴清光遙夜薜蘿分

送子愿便道歸濟南壽其二親

彩鷁春江破曉飛東方紫氣燭庭闈言憑海岱供調
鼎更采蘭蘅結舞衣門閤總緣經術重賓朋盡借德
星輝秦松漢栢君家近古色峻嶒上翠微

徐懋弘懋誠兄弟並以勲胤同仕爲郎寄贈一

甌甌洞續稿

卷之八

四

首

玉樹雙標繡座前卿雲甘露劇相鮮卻看許邵齊名
日猶似姜肱共被年入署香分雞舌美退朝花挹鳳
毛偏漢家恩禮隆勲舊鐘鼎千秋擬並傳

山中有聞寄慰鄒彥吉

乾坤何處不荆榛畏路還堪遠問津見道城狐方屏
跡無端市虎復驚人賈生虛自逢明主湘水重看
弔逐臣梁獄一書曾未上社中諸客慙傷神

黎君實文學以遊麻姑諸詩見寄遙贈一首

矯焉凌空躡翠微萬壑羅回古壇飛言携木客尋真

入卻見麻姑馭鶴歸巖谷定知藏玉笥桃花虛復妬
仙衣經過變幻雲霞色不分都從綵筆揮

飲黃徵君萬松別業留贈

復隴軒軒鬱萬松新營別館翠烟重即看勝槩憑千
雉何止名家有二龍醉倚花間青玉案飛來江上白
雲峰汪洋叔度君無忝日許狂夫載酒從

呂從之文學渡江見訪席間賦贈

一日江帆帶雨移北園花石總幽期同心不待分金
見把臂偏從倚玉私歌罷捲簾重對奕興來呼酒莫
停卮君家尚父丹書在遇合休言後載遲

甌甌洞續稿

卷之八

五

夏日詹東園過訪

詹郎才美士林誇萬里飛鸞薌渥注懷牒試爲文學
掾采風先過野人家新知海內同聲少高論尊前俠
氣奢明發西陽懸馬首相看岐路火雲遮

龔茂才國銓過訪席間賦贈

楚國先賢漢兩龔君家四世與同風青天問月才殊
壯綠髮凌雲賦已工鼓枻大湖波決潯開樽長夜雨
溟濛酣來更識新知樂莫道忘年只孔融

同吳國賢劉應占泛滄浪湖因過北園小飲

城頭新水綠如雲興發呼舟泛夕曛浪觸鳬鷗偏狎

客風牽荇藻欲成文烟橫野堞千家靜雨裏山園百
卉芬昏黑一樽歡轉劇狂歌不遣世人聞

舟送國賢應占二十里外即事感別

平湖新漲遠浮空送客孤帆趁曉風伐鼓蒼茫樓堞
外鳴橈宛轉荻蘆中洪濤已漸吞魚市古木渾疑卧
海宮莫怪流連更杯竿須臾鷁首便西東

亮上人自吳江來見訪留寓福勝方丈語次贈

二詩

千里颺颺震澤來大江風浪一浮杯占星已辨高僧
入受法應從異域回洗鉢龍吞功德水繡經花雨妙

龔龔洞續稿

卷之八

六

香臺住時曾許招蓮社何用攢眉兩見猜

其二

方外論交一日多吳山楚水奈君何不辭路險經風
雨遙向雲深叩薜蘿飯借孟蘭持共飽香分石鼎待
相過降心欲問無爲旨震旦西來自達磨

送莫文學應聘赴滇南典試

橫經雅作諸生範捧檄俄趨萬里遊天盡西南標漢
柱山懸金碧護梁州文名却借青瑣重國士應同白
璧收不是千金增一顧誰令荒服貢驂騑

楊仁甫以襄陽郡丞考績貤封二親賦贈

五色褒書下帝都襄陽兒女亦歡呼青編紀績循
良吏華髮承恩子大夫湛露九天分狄掌德星千里
燭句吳君家累世遺清白不必誇人畫錦圖

荅郭翰林美命見寄二首

長夏清齋獨據梧每憐高曲郢人孤那知紫府神仙
吏亦問滄浪老病夫書至山川移握手賦成賓客罷
操觚秋風黃鵠摩空起四顧非儔莫浪呼

其二

遠道緘書叩薜蘿南熏死轉入琴歌黃童蚤慧江鄉
重班史親交父執多短榻清秋開石室片帆何日下

龔龔洞續稿

卷之八

七

祖

江沱花間抵掌談風雅猶勝空文弔汨羅

張叔見使君奏績重封二親賦贈

百雉城頭淑景開青雲迤下五雲來非緣詩禮趨庭
訓那得循良治郡才厚祿已能供列鼎褒書重見出
中台琅函錦字傳巴蜀不數題橋馬同

荅大司馬行之方公見寄

故交垂白悵離居木落霜高鴈影疎千里夢中頻命
駕隔年江上一傳書回看往事驚彈雀憶乞閒身學
捕魚赤壁烏林迤在望入春遊興肯教虛公詩云春
遊興赤壁山
前問釣磯

大司馬子彬吳公書至自嶺南卻寄

一卧空山已十年故人猶自遠相憐開河不阻中原
夢書札頻從絕海傳輸欵百蠻趨幕府舉旗諸將罷
樓船即看鐘鼎銘勞日多少英雄願執鞭

寄懷黎惟仁

鎮海樓頭一握初風襟落落世情疎承家不忝重黎
裔覽古重刪越絕書別去交期應未改年來酒態復
何如羅浮萬里懸相望敢道乾坤一敝廬

早春同向葵卿侍御小飲北園即事

雪磴雲林爽氣開萬山春逐美人來非緣去國同幽
齋

甌鰓洞續稿

卷之八

八

太

與那得登高見賦才穿徑碧蘿侵岫情遠池蒼樹引
行杯憐渠幾日青陽景一夜東風便落梅

江上送方定之中丞開府鄖陽二首

壯歲分携白首逢向來何處挹僊踪每從霄漢瞻翔
鳳卻喜風雲起卧龍梁楚重嚴三鎮節嶠函偏壯六
軍容懸知帶劍趨朝日不遺勳名負景鐘

其二

方叔謀猷海內傳東山歸卧已多年一時奉詔華夷
重萬里臨戎節制專諸將隆中開幕府故人江上望
樓船移尊且醉龍洲月別去風濤濤自憐

白河口阻風

河口在樊城東十里

漢廣平吞白水河狂飈獵獵起江沱飛沙急撼山
動蹴浪橫驅萬里過盡日乾坤增黯澹遠隄舟楫奈
蹉跎歸心已逐東流去且覓樽醪一醉歌

鹿門灘遇曾大司空見過舟中小飲醉而成詠

鳴橈東下鹿門灘薄暮江天雨色寒邂逅中流仙客
過婆娑一醉旅愁寬水烟平遠龐公洞山月徐升漢
武壇弔古懷賢生感慨何曾傷往泣南冠

太和山下遇費國聘給事有感作

春風玄岳采真回有客行吟漢上來入夢山川千里
甌鰓洞續稿

卷之八

九

台避人懷抱一樽酒雅道能違俗豈是清朝
未愛才憶自靈均騷賦出江流今古不勝哀

漢上得紀旭仁書且有見訪之約卻寄

嶺海兵戈悵別深春雲入望阻湖陰夢中呼酒還如
昔歸後緘書只至今菰花浮名餘白首山家生事委
玄心抱琴何日能相過爲爾重操太古音

荅蘇以時觀察

有引

頃予過鄖觀察遣人見約愧不能從比至家
則問遺又在門矣因閱來詩且感高義聊荅
一律兼問沔陽費國聘云

駭棹行吟過郢東深山何意到飛
蘇卿故擅河梁
體季子叨聞大國風一水尚憐舊
未盡數行應與夢
俱通憑君試問陽春客今古誰言調不同

雨中范使君同李郡丞陸司理邀飲赤壁

江郡城臨古釣磯參差臺榭矗烟扉狂飈忽捲蒼波
亂急雨渾驚赤石飛滑徑扶携爭濟勝暝迤歌咲欲
忘歸且從山簡如泥醉前代英雄儻是非

讀范玉穎使君蠶桑書喜而有贈

漢家守吏重循良金紫如雲出上方諸郡從容操虎
竹使君勞苦課蠶桑千村機杼鳴相應五色絲綸吐

麗龔洞續稿

卷之八

十

漸長異日永安風土記不殊青史照龔黃

雨中過柯山園大司寇稚表王公少宗伯子瞻
丘公携具見訪席間同行甫賦

江風江雨暗柯山忽枉軒車遠叩關白首情深朝市
外清樽興滿薜蘿間天王正切三雍問勝地偏容二
老閒向夕無妨松徑滑攬衣移燭更追攀

張進卿侍御自陽來見訪

淦浦移舟上急流欲拾楚皇蘭各言湖海藏身
穩只惜風烟握三石案橫琴起自彈

三石案橫琴起自彈

奉寄勞居任中丞

歧路浮蹤各歲年燕山廬阜遠相牽交情豈爲風雲
變世態都憑海嶽遷事去微名湘水賦歸來生理漢
陰田壩頭尚憶當時醉那得過逢續舊緣

海南四景爲王紹傳宗伯題

其一文筆峰

天削孤峰粵道遙峰紋幻作五花飄怪來真氣藏雲
笈時吐靈光燭斗約鼇脊烟生黎婺降屢頭波噴海
神朝分明萬仞南天柱何用稱兵阻漢標

其二金雞峰

麗龔洞續稿

卷之八

十一

海日初升萬象齊南山高處唱金雞能令百越無長
夜似出三天指大迷曉霧常扁仙子宅春星猶燦古
人題清朝蚤獻長鳴賦阿閣還同彩鳳栖

其三馬鞍山

五指山盤學士居瓊崖天造一扶輿飛巒跨海圖金
馬積石含雲綴玉魚似逐秦鞭來作案旋探禹穴待
藏書望中佳氣開三象誰道皇家夢卜虛

其四碧水橋

建江春漲碧氤氳夾岬千峰一線分虹飲山橋橫學
月龍蟠甲第起如雲蘭洲結佩聊清玩棘澤投竿自

大勲卻惜山陰王逸少流觴虛勒永和文

寄酬郭美命太史

玉堂清切紫宸居退食焚香手秘書史法定知工二
左騷經元自祖三閭丹霄雨露身先近黃閣絲綸席
已虛最是世交情不淺數行千里問樵漁

寄荅任白甫太學

慷慨凌雲志未酬少年經術自名流論文蚤悟風人
旨挾策人多長者遊駿骨幾時收冀北魚書五月到
滄洲時情滿眼君休怪白璧從來忌暗投
荅向葵卿夜泊捲雪樓見懷之作

旣甌洞續稿

卷之八

七

揮手遙辭剡北門鄉關入望轉銷魂豈緣畏路腰難
折猶幸還家舌尚存白雉春回山意足青龍夜泊水
煙昏行吟只尺聲相吊萬事無如大雅尊

白雉山名
葵卿家其

下黃龍富口洲名
卷五樓在具二

寄訊葵卿侍御

再入天京路轉難風塵何處好彈冠經行認馬無人
避乞得青山且自寬諸弟執經趨問業老親扶策待
加餐江潭屈宋今千古未必名高籍一官

贈程萬里

萬里及善形家業近又習觀
天文並有精術而贈之

白鶴青鳥浪擬仙何人操術似君玄星符定向君平
叩竹牒應逢太乙傳杖叱九龍行相地掌披群象坐
談天古來二正分南北猶是重黎業未全

襄陽舟中逢程萬里至自河南志喜

躍馬經春宛洛遊懷人千里夢相求那知漢上逢王
粲猶似山陰過子猷棹擁晴雲深樹泊江牽明月大
隄流開樽爲破風塵色知汝能輕萬戶侯

同李按察登襟江樓

樓在蕪
州江上

新營官閣俯春流樊楚烟光四望收城遶鳳麟二山
開萬戶水吞雲落三洲蕪故有二洲
今新長一洲帆檣莽挾風

旣甌洞續稿

卷之八

七

雷過棟宇平臨日月浮頗似追隨庾開府據牀清嘯
古南樓

聞王唯吾量移德安司理志喜

奉使神山采藥回除書遙復借仙才敢云宣室承
恩晚曾是甘泉諫獵來三尺且提郎子國九歌應傷
楚王臺江關搔首經年別咫尺愁雲萬里開

將至太和亭李孟誠中丞自鄖鎮兩遣使來相招

賦此辭謝

驛使連翩幕府來絃書持傍嶽雲開三關坐控神仙
界群牧爭推將相才尚憶往時操几杖何辭高館聲

樽罍只憐觥觥滿衣子恐使轅門客見猜

宿太和宮再得李中丞見招書卻寄

登高已破萬重雲廣樂依稀靜夜聞參上八宮猶未
遍隆中三使亦何勤披衣起遶琪林樹盟手重然石
鼎薰咫尺故人開府處天關紫氣隔氤氳

夏日再得蘇按察郢中書并詩卻寄

按部揮毫紀勝遊漫憑書札問滄洲看雲憶在青林
署辟暑誰從白雪樓南北災祥頻歲見乾坤涕淚幾
時收須君早借匡扶力莫使常懷杞國憂

七月十三日徐應時黃思素見過北園同賦軒

甌甌洞續稿

卷之八

古

字

何自移舟過小園蒼松綠竹隱層軒知君並就凌雲
賦索我重開辟暑樽湖上輕烟平北郭林間爽氣逼
中元怪來山月盈盈吐先照吾家石洞門

黃太孺人六十初度

燕喜堂開淑景燭簾櫳楚楚瓊珊一經授子成龍
鳳四坐留賓薦蕙蘭象服擬膺 天帝錫葵光常並
老人看明年花甲循環數舞彩重承百歲歡

張伯常使君見過小飲

小庭花石憐無恙使者停軒叩紫居湖海異時高官

蹟雨暘終歲警農書秋風病骨堪搖落杯酒愁心一
破除醉聽吳兒歌白苧萬山涼月擁清虛

蓬萊宮新成二首

湖上千山抱古臺玄都新闢帝靈來金宮縹緲丹霞
矗貝闕嶙峋碧漢開直爲人間標法象何須海上覓
蓬萊一時壯觀神工就寶樹親移福地栽

其二

十畝經營古道場五雲金碧射天閭名山穩藉神鰲
戴複閣危憑彩鳳翔黼座威靈玄武像微垣清切禁
珠光齋心乞與藏丹室不必傳經自瀨鄉

甌甌洞續稿

卷之八

十五

覽顧靖肅楚思賦有感因贈之北上

詞才江左故如林得汝翻令感慨深客楚新題司馬
賦歸吳常繫伯鸞心辟人名姓江湖變玩世行藏日
月侵北去好馳千里足燕臺自古勒黃金

中秋日朱子得使君携胡伯良過訪

江上飛雲送客舟萬山明月赴中秋扶携並帶相如
病搖落俱含宋玉愁身外百年過夢幻花間十日許
淹留布衣金紫名相重只愧狂吟老未休

向葵卿再訪北園同賦

北園老子將開關東方故人時出山徑鶴飛鳴引杖

屢殷花點綴供躋攀迴舟日仄醉波上據石雲生眠
竹間倏忽林亭變初境月華晶泉潄潄

酬貞吉見寄兼訂重來之約

憶泛輕舳入雒汀追歡長日醉林垌別來婚嫁妨遊
展老至風波穩釣亭木落洞庭秋又盡鴈過彭蠡病
初醒扶筇尚有重來興萬石蒼蒼萬竹青

霜降日陳育之振之兩茂才見過北園因贈

初晴

何意元方與季方遠携秋色過山堂林烟不散猶含
雨籬菊初花未受霜嗜酒漫同楊子癖傳經虛擬鄭

甌甌洞續稿

卷之八

十六

公卿環池古木參天起且與銜杯待夕陽

奉荅王紹傳宗伯見寄二首

秋盡霜寒北鴈勞傳書萬里下江臯開緘直訝三光
近倚牘慚當一字褒見道逢人憐襍被何須識面解
綈袍因君偶縱長安目閭闔雲霞五色高

其二

御氣氤氲補座高侍臣簪筆領祠曹秦階星擁圖書
府禁苑花明學士袍夢寐無從觀典禮詩篇何意獎
蓬蒿當年七子名空大老病那能續楚騷

和王紹傳宗伯五指峰詩二首

黎婺山蟠碧海空分明赤手判鴻濛巨靈劈後烟霏
異仙狄分來沆瀣同南甸諸州憑鎮靜中原五嶽僅
爭雄年來瑞氣鍾人傑一握絲綸在漢宮

其二

五峰森削指南天學士詩成萬里傳只自彩毫分氣
象俄令虛几落雲烟高擎佛手珠花錯俯揖神山海
色連安得從君躋絕頂摩挲日月枕星眠

萬方伯招同邢州牧飲大觀亭時方伯年七十
予三人並六十以上因得竊比四皓云

甌甌洞續稿

卷之八

十七

層臺高館開烟霄吳楚川原入望遙席挂行雲過浦
口城銜落日駐山腰浮名久破三朝夢勝會疑同四
皓招把酒談玄誰獨健醉中猶和白雲謠

訪張進御酒間作二首

一水相過兩日程匡廬佳色遙相迎登堂野服饒真
態促席清觴遠世情總惜風塵交結晚卻便舟楫往
來輕自今莫問誰賓主雞黍無時定後盟

其二

江上新營柱史堂一區風景傲柴桑東籬菊放幽人
至南嶂雲開野席張歲晏不飈疎白髮宵深明月麗

紅妝看君多少娛賓意十日平原飲未央

故人余秀仁自山東來見訪酒間賦贈

余生新安人善楷書初以儒士將赴中書之選爲濮上蘇司馬所留後司馬物故生亦流落無家今七十矣遠來見客愧無以振之聊爲此贈

兔苑相逢三十年星分齊楚夢中懸嗟君老作無家客向我重題感舊篇虛擬禁林珍翰墨只從岐路飽風烟且持杯酒看殘菊明日孤蹤又各天

冬日同胡山人夜醉家兄宅即事

甌甌洞續稿

卷之八

十八

只怪冬深夜不寒張幃秉燭劇相歡柑分玉乳傳纖手魚膾銀絲疊翠盤繁吹忽侵群籟發麗歌直遣百愁寬樽前菊老猶霜色且共詞人倚醉看

得宗良書併見懷詩雅有遠遊見訪之興賦此報之

歲寒猶枉故人書垂老耽詩癖未除思極有時忘寢食句成無字不璠璣漁舟尚擬三湘遍楊杖寧容五嶽虛慷慨出門何所向先從谷口問吾廬

偶過蓬萊宮登獅子岡望雪

雪滿郊圻歲欲殘仙臺高擁碧霄寒扶筇不畏山行

險挂笏偏驚野望寬雲凍二儀愁混合花飛千嶺失噴吭依稀群玉峰頭過萬鶴迎人振羽翰

送莊則勸赴懷遠司訓

歲晏江天雪正高送君寒色擁綈袍一經偃蹇逢時晚多士趨躄問紫勞暇日塗山瞻王氣清風壁水鑒秋毫壇前手植明堂柱絕勝玄都千樹桃

其二

窮交白首歎無媒六翮凌風尚未摧素業且分都講席青雲先錄帝鄉才誰同濠上觀魚樂客有荆山獻玉來天子臨雍問三禮君應親捧萬年杯

甌甌洞續稿

卷之八

十九

送武昌李司理應召北上二首

以下戊子歲

幾載輜車遍楚皋皇風未播敢言勞訟庭日月懸丹筆水國烟霏入彩毫飛詔忽憑雙鳳下行旌漸逼五雲高可能臺省從容日猶有音書問釣舫

其二

烟波江上兩逢君曲席論詩到夜分含意欲調湘女瑟成風疑奪郢人斤今看治行朝端重不獨詞才海內聞白簡青蒲宗社計何人先汝效忠勤

初春同諸親友集川上樓

勝日招携試早春登樓烟雨散湖濱堤繁苑柳青仍

淺野曠蕪蕪綠漸勻雲水近城漁釣狎親朋促磬酒
孟頻歌前興發千山暮醉態婆娑倘見嗔

戊子初度日感懷口號

六十五年飛一電百年來日也無多虛將往事分
局老送窮心付薛蘿兒女室家都泛宅交遊湖海半
頽波清樽解惜龍鍾態且閉巖扉自放歌

雪中簡伯良

臘過春回氣轉寒江天雨雪書漫漫綈袍客路逢誰
解短鋏侯門恥自彈詩句十年愁病得交情一日死
生看園梅岼柳都無色只怪當樽興易闌

麗龕洞續稿

卷之八

二十

武昌王使君若思以考績奉 詔加恩賦賀
三楚提封十五城列侯誰並武昌名郊園雨露桑麻
色道路軒車父老情天削岷峨元獨秀風行江漢有
餘清漢家長更多卿相不忝泥書獎治平

其二

前代循良楚叔敦流風千古又賢豪三年郡績紛相
薦五色天書遠見褒鄂渚烟光浮署閣漢京雲物遲
千旄名家世德延青史佩服 君恩慶所遭

荅寬伯見贈

抱病歸來擅一丘隔江何意晚相求烟霞自許巢由

癖夢寐時從屈宋遊知汝少年通六藝好誰同志業
千秋論文不必陳樽俎發著猶堪十日留

贈尹申甫文學還安成

當代文儒盛吉州若家宗伯更名流玄經授汝應能
守白璧疑人且未投會擬雲霄題漢柱漫嗟風雪故
秦裘春來取醉山園好無那鶯花動別愁
得尹參軍教甫書愴然有感卻寄

闕下看君已鳳毛半生消息寄風濤歸來甘老愚公
谷問訊猶憐范叔袍館閣青編誰更續江湖白雪汝
能操臨風忽下西州淚虛說疾生負土勞
參軍父宗伯爲子座

麗龕洞續稿

卷之八

二十一

主今下世
十年矣

贈戴安甫

江上論文漫十年看君俠氣晚逾偏浮家吳楚孤雲
傍旅食風濤變夢懸夢到鱸魚歸未穩醉題鸚鵡客
誰先僦居第巷車塵少惟有胡姬索酒錢

酒間再贈安甫時將還鄂城

春雨江帆幾日程重來花石也深情布衣方外交能
久斗酒林間坐更清况有詩篇酬地主不嫌踈懶謝
時名西歸便欲騎黃鶴一水猶聞玉笛聲

久雨偶過北園二首

春深花事雨中饒竹色蒼紋艷石橋新漲忽侵畝
山濕雲低拂亂叢飄風迴小徑摧榆莢瀑瀉虛巖長
藥苗白鶴迎人變起舞旋呼村酒坐山腰

其二

雨積郊園怯杖藜一區紅紫半淒迷巖懸薜荔成愚
谷水泛桃花學武谿百歲由來身是夢三春只合醉
如泥可憐魚鳥親人處誰共磨崖細品題

得玉叔方伯書却寄

黃石山中老未成看雲江上若爲情白頭尚憶丁年
別赤日寧寒午夜盟千里書郵通異地一時詞苑見

既既洞續稿

卷之八

三

同聲風君更接南州士孺子那能獨擅名

既既洞續稿詩部卷之八終

既既洞續稿詩部卷之九

武昌 吳國倫

橋李 馮夢禎 校

七言律詩

聞敬美再起督學閩中遙寄此詩

投傳歸來日著書牆東時復避安車
聖主偏求舊不遺儒臣久索居使節三山開氣象人文一代
老璠璣白頭絳帳談經處不少生徒賦子虛

曾司理過訪

避暑巖扁書不開滄浪魚鳥漫相猜
俄聞鼓吹城中

既既洞續稿

卷之九

過却向蓬蒿徑裏來脫帽微風驚語咲據牀明月待
徘徊只今臺省應虛席誰道郎君治郡才

七夕無月有懷行甫仲美

七夕山城暑未收湖頭風色乍迎秋
亭前寂寂看花盡河漢陰陰倚樹流
待月千家懸乞巧懷人一水劇含愁
薰葭歷亂滄浪浦那得招尋一繫舟

立秋日苦熱

長日無營散髮眠那知物候已推遷
攬衣欲試新秋節揮汗仍題大暑篇
不見商飈梧葉動只驚流火草堂懸
千家疾首窺雲漢何得分沾玉井泉

山中聞魏太僕舜卿復起志喜一首

抗疏先朝衆所稱由來出處繫中興懸輿未穩東山
卧奉詔還趨上苑徵千里關途神駿躍九淵雷雨伏
龍騰乾坤總藉儒臣力肯負清朝任股肱

聞大司寇潘公以人言罷歸有感賦寄二首

獨抗危言動紫宸漢家功罪屬甘陳群工奮臂同匡
主何物含沙獨向人亦識子房終辟穀未應張翰蚤
思葦毘山竹杖茗溪楫卻有漁樵可更親

其二

入夜深山夢屢驚故人消息總難平憂來敢避天

甌甌洞續稿

卷之九

二

王譴事去翻成孺子名華髮自憎歸第晚赤心今復
向誰鳴稍聞有客持清議未必君恩負老成

送士兒應試

年來抗志策華津恰遇輪才是近臣千里未遲燕市
足連城應比趙人珍蘭臺賦就雲偏彩桂殿香飄月
正新老病山中無一事但看雛鳳起秋旻

則勸還京移舟出富口訪之席間賦

羸馬還廻出薊門蓬居寂寞負江村相過未解風塵
色款語重開濁酒尊坐卧青氍仍故物師儒白首自
悲起看戶外千峰月多少秋光一水吞

陳明府以清自銅崖遠來見訪席間道故

何事紅顏棄傳歸扁舟萬里叩岩扉探囊只載三湘
勝矯鳥將從五岳飛日月尚堪憑彩筆風霜不復妬
荷衣空齋下榻歡論舊莫向人間問是非

李戶曹過訪

津門何自入方舟只似山陰過子猷緩帶驚投明月
壁倒樽拚典赤霜衰山雪欲雨仍殘照離菊無花已
暮秋愧是盤中飯茅蕝論文竟日且淹留

同李戶曹鄭少參泛舟夜酌

一水如雲繞曲隄千山雨過野烟齊新成画舫君先

甌甌洞續稿

卷之九

三

至旋覓香醪手自携靜夜魚龍驚鼓吹中流星斗燦
玻璃莫言風景殊襄野酣極還如七聖迷

家四兄過賞叢菊芙蓉

芙蓉爛熳菊初英及第含輝巧自擎對酒不殊陶令
宅憑軒如在錦官城零霜未老清秋景落日相看白
首情華萼並持獻壽何須江上采蘭衡

月夜汝真載酒邀泛雙谿中醉賦

別館長筵樂事饒更乘明月汎輕舸雙谿曲抱青山
落萬木紛迎白露凋浦口漁人喧鼓泄雲中仙子過
吹簫醉看波湧星河動直擬憑虛上九霄

登九官山四首

拄杖尋真去漸遙
彤雲片片起山腰
金函隱約朱陵闕
貝闕氤氳絳節朝
古蘚平封雙劍石
懸泉直瀉萬山橋
關門喜遇黃冠子
指點仙宮在碧霄

其二

天關清都紫氣賒
萬山靈勝盡仙家
登壇旋拾金光草
軟水曾吞日月華
見說至人能羽翼
總留遺像只烟霞
由來九轉非真訣
葛令虛傳勾漏砂

其三

獨躡飛鸞御八風
逍遙萬里一冥鴻
神仙樓閣虛無處
甌甌洞續稿

卷之九

四

裏吳楚山川指顧中
問道欲窮三景秘
棲玄聊借九靈宮
真師白日騎雲去
天路人間咫尺通

其四

積翠凌霄俯四荒
故宮管自晉安王
名山終古留真氣
羽客何年返帝鄉
黃鶴似迎芝蓋轉
綠雲偏映蕊珠光
總知人世如棋局
那得逢仙七日忘

過徐思敬文學隱居留贈

爲問南州高士里
谿頭古屋峙群山
非緣素業妨干世
自抱丹經學閉關
禮俗尚因前代朴
烟霞穩傍此山閒
臨風却笑雲邊鳥
兩翼低垂始倦還

皮子謨明府六十詩

駒隙駸駸六十過
半生清樂酒邊多
投閒久自忘軒冕
念我頻能叩薛蘿
元亮晚謀千日醉
士衡先唱百年歌
謾從華髮驚遲暮
銅狄還堪共汝摩

莊則勸至自薊門
得大司馬張肖甫書併詩喜而有作

有客傳書自朔方
關緘咫尺塞雲翔
朱絃絕響誰堪繼
白首窮交總未忘
見道還城休甲馬
可知元老是金湯
新詩累牘遙相慰
病起微吟一舉觴

喜肖甫司馬還部

甌甌洞續稿

卷之九

五

伏鉞功成四嶽推
登朝不忝聖人知
捷書蚤自龍城獻
羽葆新從鴈塞移
八座共尊樞密府
諸郎分握繒雲司
異時朋輩俱淪落
勲業看君獨鼎彝

送呂孝廉北上應試因懷其兄儀部

臘盡春生雪未銷
西風一騎美人遙
曾聞繡虎驚詞苑
坐見攀龍翊聖朝
鄉國親朋爭倚玉
天衢伯仲好聯鑣
玄成相業君家事
毋忝當年汗竹標

歲暮喜程孟孺至

雪後江天歲欲除
美人何自叩幽居
相逢笑語重巖下
不忝神交十載餘
掃竹旋開高士榻
染毫驚覩客

卿書郊原漸動陽春色莫遣樽中栢葉虛

歲暮何仁仲冒雪見訪賦贈二首

一騎衝寒雪滿裘到門猶似兔園遊林花寂寞年垂盡樽酒徘徊與未休鄉國詞人尊屈宋聖朝通客擬巢由醉乘明月歌招隱不羨山陰夜放舟

其二

平臺分手十年過千里招尋又薜蘿海內通家誰古道尊前玩世且狂歌關山不礙遊踪遠風雪其如野興何永夜論文偏感慨古來騷賦楚人多

送張叔見赴武昌

饒顛洞續稿

卷之九

六

張君爲政樂如何請聽漁陽桑麻歌仕楚十年輿論定望京千里帝恩多雪邊鳳詔銜金鑰江上熊車振玉珂爲語自公多暇日好憑黃鶴醉烟波

邢子愿少參期訪予山中予出富口遇之舟中夜酌同王行甫方仲美程孟孺賦時子愿督漕赴淮

急雨驚風暗楚天長江穩下使君船嚴程已識浮淮遠高義何當訪戴逵詞賦千秋名下士追陪諸客飲中仙樽前老態婆娑甚那敢重操白雪絃

同諸子饒送子愿

柱史風流天下奇旋從吳楚覓新知前子愿按吳嘗有屬也自嗟衰晚無能事却恐交歡是夢思千里舳

江門問後期

爲仲和王孫詠繡球花

小花春深景漸添淡妝猶自勝纖纖同心巧結流蘇帶簇錦紛垂翠羽簾幸不爲風吹散雪豈應奔月化爲蟾含情似解憐公子之

過韓上舍元祥宅

古木扶疎蔭石門

饒顛洞續稿

卷之九

七

重冠蓋前朝錦里存訪舊曰雪留下榻追歡叢菊佐開樽明朝蠟屐凌仙躋萬仞烟蘿好共捫

九宮山下遇故人熊衛道邀飲席間奉酬兼憶其兄履道進士

卜居好在萬山中旋學餐霞傷九官石瀨遶門絲竹沸雲屏遮席畫圖工百年此會期難再盡日爲歡興未終携手偶然論往事不堪池草怨秋風

春日同兄孚可郊行過劉甥以雲讀書處因贈雨霽郊原百卉穠招尋緩轡出前峰山藏白屋雲初起花擁青氈日已重千里金臺虛騷裏十年珠海困

驪龍渭陽甥舅風猶昔斗酒相過豈浪蹤

同向蔡卿呂惟烈登王母山作

並馬衝泥入萬山爲耽名勝遠追攀誰聞西母乘鸞
降不見周王馭駿還想像瑤池三島外虛無玉佩有
無間神仙窟宅遊非偶且倩霞鷗一駐顏

同向蔡卿侍御張深甫尹聽伊向仲純季懋呂
惟烈諸文學過普濟寺小飲限涼字

結駟重來古道場花宮蘭若半荒涼群山隔水浮空
界雙樹蟠雲表上方白衲分泉供煮茗青衣拂鼎倩
焚香諸君欲往東林社莫道淵明是酒狂

甌甌洞續稿

卷之九

八

貞吉過訪

遠乘高興發南州念我能携五老遊風雨不辭津路
險群蘿深叩石門幽名山是處容逋客野服何人辨
列侯却憶論文章浦夜低回白髮轉生愁

爲貞吉宗侯壽其太夫人七十

五色龍光帝子居煥爛輝映玉容舒進觴松栢齊稱
壽觀樂公卿盡避車客擬瑤池西母頌家藏金簡上
元書承歡不藉忘憂草蘭桂如雲集廣除

張伯常使君枉過北園

衣襟飛蓋指平林爲叩幽栖入逕深石擁繁花開野

席池涵綠竹洗塵襟十年穩就墻東卧千古誰憐
畔吟向夕湖雲將雨過更堪移燭坐論心

拜呂相國祖墓同蔡卿作

王母山前淑氣回松楸鬱鬱掩泉臺名村不忝尚書
里卜兆應鍾王佐才華表雲中金鳳出金鳳山名辨即塚案
香天上玉魚來百年已幸無樵牧何事孤猿向夕哀

蔡卿同深甫聽伊良玉仲純季懋載酒送予石

壇寺

幾日淹留醉不辭清樽又向法門移登壇藪積繡經
石入竹泉鳴洗鉢池豈是優曇花未現常令舍利種

甌甌洞續稿

卷之九

九

成疑人間去住都如幻白社誰從惠遠期

姚伯寅見訪坐中談養生家言因贈

入夜江關度客星朝來高士訪林扃心傳抱朴求仙
訣手錄扶桑大帝經解道三田收大藥曾看五嶽露
真形慚余尚有樽中癖安得從君謁紫庭

暮春園中獨酌有懷行甫仲美

一從京國罷鳴珂十載丘園野性多不信人間無洞
府居然裏據山河巖芝足雨堪充饌徑竹含風解
和歌二仲不來春事盡強持杯酒醉烟蘿

五月一日諸友人及兒壻泛舟湖上觀競渡遇

雨復晴即事有作

平湖一葦破浮烟忽有風雷震遠天雨過雙虹帆外
落雲開千嶂日邊懸前津競渡歌聲亂曲岬迴繞飲
興偏欲弔靈均何處可清流萬古自湘川

五月七日王行甫至同徐應時北園小集二首

大江新漲極天迴天際孤帆挾雨開下峽似驚神女
過懷沙應弔屈平來故人荆楚誰詞社垂老乾坤只
釣臺入眼葵榴狼籍甚與君何惜盡餘哀

其二

三月江寒風雨多郊居何意遠相過驚風鶴鶴巢深

鹿麕洞續稿

卷之九

十

樹得雨蛟龍捲大波九曲澗懸新瀑瀉百花亭擁濕
雲羅繫舟來往津途險携手那能不醉歌

雨後同應時自北園步過高陵橋觀漲

積雨初收野漲平湖光千頃蕩孤城危橋倒曳殘虹
卧列嶂分銜返照明浪起魚龍翻窟宅天空驚鶴近
蓬瀛乘流好問河源去不借張騫貫月名

同熊維遠徐應時孫以道暨兒無忌泛戎湖作

水闊天清暑氣消長風瞬息過輕舸泉懸萬壑爭飛
灑浪撼群山欲動搖石壁雨痕留谷口洞門霞彩簇
峰腰推蓬三面皆奇賞莫怪諸賢得句驕

大水入城志憂二首

五月淫霖蔽大虛城中橫潦決脩渠襄陵復似堯時
阨弔水應傳魯使書闌闌朝看成海市蛟龍夜闌入
民居衡門寂寂無人叩只據匡牀學釣魚

其二

西來江漢日湯湯積雨兼旬潦轉狂南隴須臾開大
壑北園飄忽坐橫塘驚心萬戶趨沉陸束手三農盡
望洋聞道長安猶閉旱董生虛自擬災祥

維遠應時累日問詩而詩日益進因與吾兒結

社通真觀于嘉其志賦此贊之

鹿麕洞續稿

卷之九

十一

十日山園興未終怪來詩律醉逾工登壇牛耳盟初
定出匣龍淵氣正雄逸暑忽辭河朔宴思玄深入太
清宮誰言雅道非吾黨江漢由來大國風

夏日丘謙之俞羨長見訪北園

六月郊居已閉關白雲偏妬野人閒朝來有客能排
闥卧起披衣與看山花覆石林垂爛熳樹藏烟壑瀉
潺湲浮槎晚傍峰陰繫可似吳中消夏灣

酬羨長

吳楚江山片席移相逢那得是新知十年意氣慙歌
辯千里風烟擾夢思竹裏披襟煩暑破峰頭把酒暮

雲馳留君且醉君休訝何處操絃覓子期

荅君霖王孫

君霖蓋同謙之羨長遠來見訪行次九江以
他事趣歸意怏怏甚也因賦四詩遣人相訊
予感其意爲七言一律荅之

老病滄浪一釣磯江天風雨客星微美人南浦遙相
憶命駕西來奮欲飛不見旣橋過漢水已傳消息到
林扉潯陽豈是山陰道儘怪王猷與盡歸

荅宗良

宗良將同羨長見訪適有內顧不果行詩來

甌甌洞續稿

卷之九

三

相念深也是用來體賦荅

揚帆欲截九江來三徑烟光爲汝開埽竹旋除高士
榻移花併接故人杯豈緣家難妨清興獨握新詩歎
異才見道遠遊情未已秋風應下豫章臺

舟送俞羨長至謝公墩小飲即事得迷字

樓船搥鼓風淒淒客子長征江路迷急雨橫驅萬里
過洪濤猛壓群山低置檣雜沓避深樹漁網逡巡收
古隄把酒邀君且酣飲別言未竟林鳥啼

湖上餞別張使君

疊鼓鳴笳川霧開川頭父老重徘徊即看遮送樓船

發還似喧迎竹馬來浪激寒飈侵短葛山縣細雨助
深杯亦知西去非長別輟棹中流未擬回

中秋前一日何王二大夫同程文學携酒北園
見訪即事奉酬

山郡聯鑣出大隄移尊宛轉叩幽棲石林松桂森相
映煙徑藤蘿曲自迷飛蓋擬臨韋氏曲泛舟如入武
陵溪無端戀客清秋景壺嶺峰頭月漸低

荅王太古見寄

秋盡鴻書到未遲江楓搖落遠相悲無家屢負浮湘
約念我先傳望嶽詩太古寄我南嶽歌旅食半生成浪迹布

甌甌洞續稿

卷之九

三

衣千里定交期武陵溪口桃花水好逐漁郎去莫疑

荅袁履善見懷

自恨東遊不見君開城虛復悵離群興來千里山陰
雪愁絕孤舟楚塞雲海內風流看漸盡林間消息阻
相聞不知九鼎功成日一粟金丹可更分

酬歐楨伯見寄

積雨南天瘴未開鴻飛萬里一書來懷人卻問浮湘
路來書約遊南嶽故云縱目應登望漢臺江介秋風高伏枕海
門潮色壯街杯兩都攜手論文後光景其如短髮催
暮秋偕應時惟烈與兩兒陪三雅言侍御登川

上樓有感

水郭秋殘木葉飛登樓遷客劇思歸看雲興藉新筇
酒怯雨寒生舊賜衣俯瞰東流悲濁世間憑北斗望
彤闈漁舟泛泛烟光暮不解人間萬事非

送向侍御葵卿赴京待調二首

抗疏虛投白玉簪賜環那得老雲林殿中曾被巡行
詔闕下猶懸侍從心頗怪青蠅污壁巧翻令驄馬避
人深一官何處重懷牒曼倩由來許陸沉

其二

一解都門繡斧歸行歌時自狂烟扉故人天上書頻
龔龔洞續稿卷之九 十四 勝

至逐客山中願復遠策風雲還紫極重瞻日月拜
朱衣臨岐卻念滄浪父舊社蕭條酒伴稀

王唯吾以使事暫還南海贈別

百日山園醉未休何當歲晚別滄洲薄言領海勞王
事無奈風霜劇客愁明主賜環恩不薄孤臣請劍
淚難收相將萬里趨徵召無復周南感滯留

冬日園居歸道人借覺長老過訪

歲晚郊居寂不譁客來方外訪烟霞叩關已識真人
氣入坐疑臨大士家杳眇中宮藏九鼎炎蒸火宅辨
三車野夫何物堪清供旋拾枯松自煮茶

歲暮王使君以酒資見餉賦此謝之

萬山風雪擁茅茨臘盡寒深有所思正惜酒錢貧不
繼那知官俸遠能移微吟若待江州使僵卧偏逢洛
令私旋買屠蘇供歲節分甘門客與諸兒

何仁仲北上過我北園賦贈

何郎氣欲吞雲夢海內名家況父風詞客縱橫誰伯
仲劍光明滅定雌雄梁園雨雪驚相問楚澤蘭荷悵
未同北去好馳千里足黃金臺在五雲中

甘露園爲仁仲賦

古木陰森僻徑開旋移花石遠層臺林稍露下呈仙
龔龔洞續稿卷之九 十五 勝

堂池上涼生照客杯擬從王猷看竹去便尋商皓采
芝回題詩且寄登臨興縹緲烟光七澤來

寄沈箕仲提學

薊門曾結布衣遊手握明珠尚未投總道一鳴驚絕
世還如百戰取封侯豫章千葉扶霄漢龍劍雙文直
斗牛大國掄才須哲匠異時通籍盡名流

久雨乍晴盧同美同詒黃思質思貞徐應時携

壺過訪席間作

百日淫霖黯未開山堂四壁總莓苔凌晨乍覩雲峰
出薄暮欣聞酒伴來卻爲傷春憐老病非關問字

樽疊呼盧且傍花前醉隔宿陰晴莫浪猜

爲吳國賢明府悼母

萬里繁華灑血歸故山何處覓慈幃可憐烏鳥思中
絕只恠青鸞使已稀秦隴愁雲虛結綬湘臯病骨強
勝衣春深慘淡護花色猶映西堂舊斷機

爲國賢悼二棲

嗟君重抱德宮悲似欲招魂向九疑蒼莽孤原風習
習白楊雙冢露離離卽看鳳詔旌賢日更憶牛衣對
泣時長寢百年都一室何人獨笑鼓盆癡

園花漸落市懷張伯常使君時使君在鄂渚

饒顛洞續稿

卷九

六

江天積雨晝陰陰病起看花思不禁四顧郊原生黯
淡一時紅紫漸銷沉春衣欲典供沽酒石榻新除擬
抱琴鷓鴣洲前烟浪闊飛帆何日向雲林

送呂惟烈赴粵西應舉

垂老偏於半子親名家累業綰朝紳論才不忝稱經
筭比德居然是玉人揚玠爲崔季謙署自稱經筭人
叔實爲樂參補督時號玉人
去病雙毫簪桂嶺便携三策對楓宸由來宅相非凡
品蚤識乘龍氣色新

李憲長伯玉招飲襟江樓同賦

麟山突兀抗飛樓隔歲重登興未休天爲封疆開鎮

靜人從江漢擬風流望雲何處孤雲隔卽景移時八
詠收南北災祥殊不定橫前落日總生愁

過斬留贈李伯玉憲長

問君何事下燕臺楚部東南重鎮開戰艦縱橫飛組
練軍符日夜走風雷江湖漸起澄清頃帷幄今思將
相才最幸滄浪垂釣客也從樽俎一追陪

奏訪樊山王昇甫園居

委巷幽居類遠村綠雲新覆薜蘿門藏身穩藉一丘
足玩世都忘千乘尊自灌芝田供藥餌旋支丹鼎鑪
乾坤相過不必陳樽俎共飽雕胡且細論

饒顛洞續稿

卷之九

七

漢陽徐使君招飲不赴詩以謝之

郡城如斗別山前江漢爲池兩練懸風雨晝迷歸客
棹鶯花春滿使君筵和歌虛擬同高調抱病方將飽
晏眠靜聽波間漁父曲獨醒寧借古人憐

送漢陽汪文學赴黃州別駕

移官一水片帆東卻信談經術未窮南紀西陽俱勝
槩青袍黃綬總儒風才名轉自遠時見賦筆偏於平
古雄老驥猶然千里足鳴鞭何慮不騰空

江上逢瞿充國孝廉贈之二首

弱冠登名世已稀天門八翼逢鸞飛十年家難垂漂

泊四海交盟定是非才起一毛終載筆病留鷄骨強
勝衣相逢欲結忘年契豈料生涯老釣磯

其二

黃鵠山頭並繫船論文深夜轉相憐赤心許國尋常
事青眼通家四十年祖德尚悲遺研在童名應藉續
書傳 清朝秘室須良史不數江鄉二左賢

五月三日同敦甫惟烈停舟陸谿口觀競渡

陸谿溪口八龍飛破浪縱橫赤羽揮見道湘纍猶可
弔由來楚俗未全非中流伐鼓喧層漢隔岸爭標搶
落暉客子繫舟憑玩弄興來呼酒醉漁磯

醜醜洞續稿

卷之九

九

同敦甫惟烈登嘉魚赤壁祭風臺

峭壁橫江氣尚雄居人能說破曹功山延赭色疑殘
火臺倚青冥想舊風形勝三湘天下險興亡千古夢
中同移尊一縱登臨興昔何片飛濤震遠空

洞庭湖上別壻與公愴然有作

洞庭波色晝陰陰南盡湘湖接桂林炎雨忽傾兒女
淚亂雲偏結路途心不醉故土移家遠爲念貽謀相
國深一水中流分短楫幾時江上有鴻音

大司馬方公宅留飲道故二首

一解貂蟬下 帝京旋使江渚結鷗盟今看羣鼎銘

動伐猶使蠻夷頌姓名垂老謾同清世隱追歡不減
素交情深益長夏都忘倦卻訝須臾病骨輕

其二

江上新營司馬里舍旁小築紫薇亭可知地主逃人
世不遺臺官問客星花石數行雲錦麗萼苔四壁雨
痕青相看白髮垂垂短欲解扁舟且復停

岳陽樓望洞庭

巴丘南望水雲空幾點青螺浴鏡中日月浮沉三楚
盡乾坤消息萬流通風飄玉簫來仙閣浪湧金沙出
渚宮白首重遊心更壯坐收元氣反鴻濛

醜醜洞續稿

卷之九

九

泊舟城陵磯羅中丞國華携具見訪

釋褐同朝四十年浮沉湖海並華顛歸來總抱煙霞
癖悵望能無涕泗懸客棹逡巡雲夢曲君山蕩漾酒
樽前相看乍喜先愁別倚醉聊成感舊篇

邵中丞世忠邀飲黃鶴樓

五月風湍氣欲秋千山涼雨一登樓飄飄黃鶴仙人
駕漠漠蒼烟處士洲地割雙城分險扼江吞九水接
天浮誰知開府延賓日舉目猶懸萬室憂時楚饑公
有憂色故

陳新之梅伯陽張公觀三孝廉宋載道郭美秩

二文學各携酒散邀飲金沙洲門人郭仰甫陳

伯珍徐伯高在焉醉而賦此

夏口歸舟尚滯淫江干猶自有知音千門楊柳金沙
市四坐賓朋玉樹林歌舞樽前悲老態烟波月下起
長吟明朝掛席東流駛回首青山感別深

登晴川閣同公觀孝廉賦

大別東頭漢水橫層臺高閣暮雲平數峰天外洪山
塔萬頃波中鄂渚城飛梯欲窮吳楚勝放歌聊寄古
今情惟應磯畔垂綸者人世風濤總不驚

哭丘謙之二首

甌甌洞續稿

卷之九

三

解綬歸來日放歌孤蹤其奈遠遊何鵲鴒原上哀呼
急鸚鵡洲邊涕泗多門客定誰收散帙老親無計起
沈疴風流刺史名猶在萬事乾坤一逝波

其二

闕下傳詩意頗珍林間索酒更情親那知跳笑三湘
日遂損遨遊五岳身白社雲霞驚改色青樓花月總
傷神親闈不少垂堂戒未老何當託鬼鄰

王使君招飲夏口驛

子城南而八分山萬室參差一水閒艤楫正妨津吏

樽偏遇使君開天回雲夢登樓盡宴罷千旄擁

月還說劄論文悲老大虛令紫氣燭天關

弔朱方伯

虞廷岳牧漢通侯乞得青山卧正幽垂老不禁妻子
淚無官偏隱廟廊憂相憐隔水書頻到獨恨長生願
未酬玉鏡山雲鉅鈔月一天寒色鎖松楸

江行還過富川門作

東風飛席度江關百里津途瞬息還隔樹殘霞蒸積
水近城疎雨過前山菰蒲遠近漁歌歇鷗鷺浮沉客
思閒乞得病軀眠正穩不嫌無夢入朝班

得祝隨州耳劉書志感

甌甌洞續稿

卷之九

三

隨州先君子子淵故為汝南太守與余善詩故有感云

鴈使慇懃自漢東多君高義古人同由來翰藻緣家
學况復循良有父風思舊那知吳越遠得書猶擬夢
魂通少年儒術堪矍鑠卻是趨庭不朽功

劉州牧文英過飲

接席論文憶少時彈冠畏路轉支離歸尋舊社仍松
菊老傷窮交但酒厄倦鳥深棲應竝穩神駒初奮莫
言遲劉年六十已後始得二子故云為憐朋輩凋零甚百里頻過醉

不辭

謝叔蒙少參携吳求叔黃懋約黃成詒三山人

遠來見訪留集草堂分得恩字

乘興遙過五柳村呼兒烹鯉旋開樽看來綠髮猶仙
氣乞得青山自帝恩高軒直增詞筆健同遊翻藉
布衣尊慚予老健無長技只好前驅爲負隼

酬叔蒙見投之作

蒲首東來五百里炎天辛苦問幽棲
峽桂棹迂同入武溪事去總知身是幻老來何意手
重携清尊未罄詩先就卻信才名倚馬齊

李伯玉憲長奔其父中憲公喪北歸詩以弔之

鎮靜荆南幕府開壯猷多自義方來回看北斗縣親

甌甌洞續稿

卷之九

三

舍忽漫西風慘夜臺京輦交游爭作誅江關部曲總
含哀可憐愛日心先折無復斑衣效老萊

奉寄元美司馬

枕石空同臥正高安車何自入蓬蒿還丹未即成仙
去鑷白寧辭報主勞九鼎東南偏王氣一區龍虎
自神臯總令萬國休戎馬未許留侯辟穀逃

奉寄大司空子彬吳公

瘴海樓船百戰回天顏每向捷書開今看萬里澄
清頌何忝三朝將相才奉詔光分玄武水望京雲遶
鳳凰臺絨書咫尺秋鴻便穆穆清風江上來

奉寄大宗伯廷善姜公

憶君曾解進賢冠虎觀龍塢赤日寒卉服遂堪遊太
古蒲輪何意走長干身依日月承恩重志在烟霞請
老難自是儒臣諳述作能令千載見周官

朱秉器方伯自黔中遣使見存併示佳稿賦此

報之

飛鴻何自一書來萬里西南天地開玉面幾時成邈
迤瑤篇入手恣徘徊聲諧似奏中和樂色秀先驚黼
袞才爲問虞廷咨嶽後非君誰與詠康哉

寄劉子元中丞

甌甌洞續稿

卷之九

三

憶自函經徵外傳相看意氣一時偏穿城溪抱中丞
里繞砌花明上客筵萬戶朱樓懸夢寐百年華髮悵
風烟知君久謝蒲輪詔穩向東山枕石眠

寄許子恒少參

湯沐恩深漢故宮拂衣何遽隱牆東都亭未損埋輪
譽郢甸常思攬轡風岐路倉皇逢按劍乾坤消息安
亡弓猶聞有詔求巖穴莫向清時怨道窮

寄汪文化廷評

君家臺榭倚高丘每從群公結駟遊玩世雲霞歛枕
落宜人花石側樽留有時想像迷三徑何處招携問

十洲江上采蘭逢驛使寄情翻動遠天愁

卽事有感再答彥吉

有客緘書涕滿眶憂生無計被灾祥傷心萬戶游魚
鼈何處三吳問稻梁巨浸久迷河伯望颶風特助海
神狂稷鉏漸化爲矛戟猶說東南是麗鄉

詹事周以方先生輓詩

虛憑吐握夢周公 卹詔俄傳自禁中五夜星輝沉
赤管三吳霜色冷青楓行飛羽葆 東朝賜出載輶
輶上相同十字碑旁堪樹家重泉猶挹古人風

鄂渚逢李參軍克蒼有贈參軍蓋以比部郎建

甌甌洞續稿

卷之九

三

言謫也

江上行歌遇謫仙昂藏不受世人憐芙蓉闕下班初
散杜若洲頭賦已傳豈是 朝廷疎直諫也應湘楚
借才賢 君恩况自無遐邇萬里猶瞻尺五天

送何子安別駕赴平涼

佐郡重沾 帝命新秋風飛蓋入三秦可藍山外徵
兵急羌水河邊轉餉頻萬里風刀懸漢日幾時關塞
絕胡塵征人夜唱涼州曲且泛蒲萄一放顰

其二

向說君公惠政多遷官其柰去思何不辭棧道連雲

險更傷長城積雪過近塞羌兒秋飲馬臨關漢士夜
橫戈輜中坐授犁庭策肯許西戎再乞和

徐母彭孺人七十壽詩

兩世城東接比鄰異時瓜葛且情親鄉閭久自推賢
淑井曰何曾厭苦辛廡下賓儀閨閫範膝前經術廟
廊珍阿家况是錢鏐裔卜筮寧知幾百春

登道士山絕頂

斗削孤峰半入雲平湖列嶂遶氤氲天空絕頂攀躋
險日落中流紫翠分片石飛來成羽士千秋拱立迓
元君凌風欲跨茅龍去不羨人間鹿豕群

甌甌洞續稿

卷之九

三

王若思使君自武昌擢江西兵憲奉送二詩

郡閣高風宛素絲推遷已過陟明期東門楊柳深含
態南浦帆檣遠繫思旌引多衣雲鳥避匣韜龍劍斗
牛窺醉臨彭蠡聞秋鴈感舊能無一賦詩

其二

憶枉詩篇累牘勞幾從樽俎醉江臯俄聞漢殿傳三
詔遂向鄱湖擁節旄憲府風霜開重鎮樓船金鼓疊
飛濤公餘且下南州榻何客還如孺子高

奉答郭大參見懷 時駐辰州

萬里懸心十載餘從天忽下西陽書懷人詩句疑含

淚畏路風濤悵卜居歲去幾時還語笑月明遙夜獨
躊躇湘沅自古多蘭芷采采何言臭不如

再答朱秉器二首

萬里論交意獨深頻繁信使走雲林青萍解借豐城
色綠綺懸流太古音一鶚雲霄高振翮雙魚江漢遠
通心知君不淺山陰興何日能聽澤畔吟

其二

青年抗志老無奇古道新聲客浪疑世路三朝虛
轍迹詞場百戰莽旌麾明珠敢謂囊中探流水應從
絃外知把酒論文殊未偶先憑尺素寫襟期

龔龔洞續稿

卷之九

三

校閱秉器詩再贈二首

拂案陳詩累百篇探奇不復記衰年光芒迥逼天門
度鋒刃頻驚武庫懸材挺豫章寒日月書藏玉筍吐
雲烟誰言刪後無風雅古道南州待汝傳

其二

兩都詞客動紛紛病卧山中總未聞掩耳自甘長辟
世操絃何意遠逢君毫端八月飛晴雪几上群峰疊
錦雲西指黔陽千萬里夢中携手不能分

中秋夜徐應時邀同瞿伯明熊惟遠對月作

病起婆娑強着冠美人佳節更邀歡月臨初霽風偏

靜天入中秋露已溥萬里星河垂戶牖千家砧杵動
江干秦姬解奏清商曲宛轉留賓坐夜闌

送范玉穎使君再入覲

漢廷新下黃金詔一日齊安賴勅同治行已憑輿誦
采姓名常在晨屏中重趨玉帛朝元會更奏農桑第
一功總被君恩留侍從百年江漢飽清風

送黃州李郡丞考績北上

九年三奏虞廷績豈是君恩緩陟明不厭黃州供
淡薄已看青簡重應平雲瑞舞蹈冠裳會江上追羣
父老情顏駟白頭猶遇主如君何忝拜公卿

龔龔洞續稿

卷之九

三

陸司理枉過北園小飲有作奉和

八月山園暑未除仙郎何自枉軒車風巖桂樹香初
合露井梧桐影漸疎石外停樽看舞鶴池頭弄笛起
潛魚醉來多少題詩興欲截重林萬竹書

景德寺訪祥公二首

穿田屈曲繞重山爲訪高僧石室間絕澗懸從空界
落前峰宛抱法輪還可知觀世元無相誰道安禪別
有關於桂蕭條人語米塵心也共白雲閒

其二

金山寶樹鬱崔嵬棟宇前朝幾劫灰地號千秋延福

土^{千秋}花分五色雨香臺雲招野老尋幽過石訝生
公說法來永夜梵音清夢覺中林猿鳥亦徘徊

寄懷朱君玉太常

海畔棲遲二十年更披蠻霧視青天可知耆艾三朝
重不忝恩光九列偏佳氣氤氳開絳闕古音清越被
朱絃江雲漠漠人千里一水橫將別思牽

郭文學命卿過訪有作賦和

東風夜送涉江船遠叩巖扉意氣偏季子豈能真識
樂景純曾自賦遊仙群花別圃霜初落一榻高齋月
並懸十日平原君莫羨枯魚濁酒信留連

醜醜洞續稿

卷之九

二

故人鍾子禮過訪留醉

皓首逢君憶少年交情不與世情遷
璧完自許相如重金盡仍知鮑叔賢
過眼風塵都入夢驚心歲月且開筵
當時故舊今誰健莫惜留歡徹曙天

送伯常使君入覲

江干飛雪映朱輪父老依依長吏親
治郡清風那可再論文佳會苦難頻
驅馳北道趨青瑣縹緲中天謁
紫宸見道循名收秘史豈應虛積漢家新

送隨州牧祝耳劉入覲

燕臺高竝五雲霄計吏寧辭北道遙
斗極夜懸鵲鵲

觀風旌曉發驢驢橋循良太史書名郡玉帛殊方集
聖朝知汝新傳郢中曲可能天上吐簫韶

寄劉吏部中吾

幾年江漢挹清風千里車裘謁帝居
阿閣自應巢鳳鳥倦班猶復序鵷鴻
秋深宋玉悲難賦分遠山濤札未通
天部從容天北極含香只在五雲中

聞任白甫中選京闈喜而有寄

卧起驚聞北馬來蹉跎郭隗竟登臺
名成不忝雙金重氣定還如百戰回
伏闕上書千象緯平津開閣引詞才
論文故國慙知己笑指燕雲一舉杯

醜醜洞續稿

卷之九

二

送張孝廉孟端應試南宮

西粵張郎自父風青年六藝已身通
今看雨雪途仍困豈是天人策未工
驅馬重過三輔道奏書先入五雲中
逢時白璧應無價燕石紛紛草漫同

箭中所藏諸故人詞翰積累四十餘年而蠹蝕

散逸者過半偶從暇日蒐閱尚得數百篇述感
通心陳今詠古卽片楮隻字亦多嫻婉可珍誠
不忍其終漫滅也因詮次成數千卷置之案頭
每一披玩恍若再覩其人蓋又不勝今昔之愴
矣爲此詩志之

誰道離居遠故人手披詞翰墨痕新林泉久破三朝
夢懿筭猶藏萬鎰珍爲憶交情增感慨漫憑書法見
精神須更四顧心千里何處山川非所親

舒給舍崇孝奉 命典試粵西事竣還朝賦送

一律

八月南天擁傳回桂林新購栢梁材舟將太史浮湘
過節似張騫貫月來萬里琅玕輸越絕千金腰褭上
燕臺只今 宵時咨民瘼疏艸應知灑淚裁

吳省元敦之將上南宮過我山園言別

太史掄才獻楚書一時經術重璵璠朱絃久擬登清

甌甌洞續稿

卷之九

三

廟彩筆新簪向石渠海內爭傳豪士賦雪中能叩野
人居林亭水石堪留醉未必離愁更破除

吉甫宗侯輓詩

予偶泊舟金沙市吉甫携壺見訪自謂相慕
數十年今始一觀歡罄平生盡醉而別歸賦
二詩見贈至夜無疾而卒異哉

泛泛孤舟避客停偏君載酒出江汀那知邂逅成今
古遂訝乾坤屬杳冥感事欲傳中壘說懷忠未著左
徒經交期白首渾難盡可惜良臺一夜局

送吳汝震遊梁

七十昂藏未倦遊梁園故舊遠相求囊擔雨雪行
壯筆染雲霞思獨幽但使夷門留重客不殊漢闕
封侯河橋執手言長別杯酒那能破遠愁

立春日步過通真觀登獅子山野望作

以下已

臘盡陽回雪漸消江村梅柳未全驕雲深古觀尋春
到天畔靈山騁望遙千澗瀑懸蒼玉峽萬峰晴擁赤
霞標俄聞仙館笙歌發獨鶴臨蹊下九霄

春日聞新春寇警寄顧子良憲副二首

正好含舖詠太平隔江何自有兵聲春郊慘淡犁鉏
緩野堞倉皇鼓角鳴見道幾人爭赴死偏令萬室劇

甌甌洞續稿

卷之九

三

憂生豈應將吏無能事漢主虛懸白馬盟

其二

山隱忽聞豺虎嘯大江南北總深憂荷戈衛士仍饑
色羅馬材官定壯猷盤據一隅須直搗漸成三窟費
深蒐肅天病卧重簾下政同棘門借箸籌

奉荅樊山王閣下見寄之作

帝子何當有戒心江國雲日晝陰陰苑邊春色遲朱
邱城外烽烟近綠林無力上書求自試有時把膝起
長吟稍聞都護先輕敵徒使居人慮轉深

劉元善至自太原喜而有贈

不見劉郎十二年重逢猶喜未華顛風塵北走移家
遠雨雪南還訪戴專乘興尚能周五岳接歡疑復在
三川衰遲生事無勞問穩向雲林枕石眠

旣甌洞續稿

卷之十

三十一

勝

旣甌洞續稿詩部卷之十

武昌 吳國倫 著

樵李 馮夢禎 校

七言律詩

以詩代書寄王明輔方伯

明輔與予別自嘉靖庚戌迄今四十年不再
晤而予老矣偶友人劉元善自明輔所來道
其近况佳甚因悵然爲此詩寄之

綠髻燕京散玉珂各天垂老問關河三千路阻孤雲
外四十年從一電過夢寐虛勞牽晉楚歸棲猶幸遠
旣甌洞續稿 卷之十 乙
風波那知有客傳佳况入夜翻增別恨多

寄題王明輔桂子園

桂子山中別墅開青林卻是手栽培登高野色迴三
晉習靜天香落五臺逕僻揔無驅馬客雲深誰訪卧
龍才思君擬結淮南社不及蓬蒿二仲來

西甌觀泉作

九畹堂臨九曲泉分流脉脉灌平田溪莎細繞雲根
出徑樹斜侵石骨穿天關靈源供洗耳雨餘幽籟入
鳴絃濠梁潁谷應無異一畝能令萬慮捐

哭熊惟登處士

幾度扁舟叩隱淪暮年杯酒更情親溪山尚自供遊
客松菊何堪失主人潦倒行藏身是幻須臾今古迹
俱陳亦知泉下無遺恨顧影蕭條獨愴神

送丘郡丞赴秋浦

捧檄迢遙益部還稍聞宣力靖諸蠻看來骨相風塵
外合有勲名霄漢間車騎新馳三輔道郡城紆傷九
華山漢家徵拜誰高第未必龔黃不可攀

金都閫丘郡丞過飲北園作

有客方舟赤壁來山園無約萬花開松間舞鶴驚飛
蓋石上鳴泉促舉杯敢擬蘭亭修禊集似從桃水問

甌甌洞續稿

卷之十

二

津回婆娑未盡登臨興秉燭那聞夜漏催

寄懷黎君華大參時駐饒州

海上兵戈悵別時廿年携手夢中期山樊病骨憑誰
問天部才名遇主知坐擁湖雲招五老行披嶺露
拾三芝飛鴻咫尺音書斷一水那能不爾思

宿永壽寺

寺在鳳皇山下古刹也

三谿曲遶鳳皇山百里停舟暮叩關古殿峻嶒丹嶂
外禪房宵窅白雲間銜花野鹿馴堪狎聽法潭龍杳
不還午夜人天空萬象枕邊清切響潺湲

贈堪輿家李生

有客來從司馬里遊談穩藉青鳥經葛陂杖撼山神
走梧野珠看王氣停掌列群星分大塊圖懸五岳辨
真形相將荷鍾從君步醉殺猶然是獨醒

聞王伯岡舉進士志喜兼寄乃公元美司馬

王家龍鳳自門中儒術流光累葉同白練遙升司馬
里彩雲重現大明宮彤輝珥筆年初壯紫陌看花賦
獨工竹帛異時傳盛事同朝應設御屏風

邵麟武司理請告扶持太夫人還吳賦此送之

六月樓船下楚關美人何事急東還君恩不淺分
名郡毋病常思在故山縱使千鍾懸咫尺誰能一日

甌甌洞續稿

卷之十

三

解編編挽輿親率慈顏喜何用浮名宇宙間

饒汝順茂才過訪席間論文作

江帆晝曳火雲來石室高眠夢始回奇字虛稱楊子
宅治安重見賈生才看來玉樹迎風秀肯惜金樽冒
暑開解道詞林尊屈宋登壇不遣世人猜

寇巨源山人過訪因贈二首

少薄江鄉走帝京詞場俠氣徧知名詩篇每挾關河
壯劍氣時干象緯驚躍馬悲歌橫吹曲解貂留醉狹
斜行歸來卻叩甌甌子一日烟蘿萬古情

其二

燕京口傷酒人遊猶有詩名動五侯北道烟花供
枕邊城鼓角助悲秋還家未穩江村卧念我能尋石
戶幽古調國中誰屬和多君意氣晚相求

再贈汝順

誰道逢君白面郎操觚擬角萬人場頻年隔水懸相
望累日論文喜欲狂辭力似能宗二左風襟不忝在
三湘炎江暫去休言別更約清秋繫野航

荅劉寬伯見寄時寬伯歸自秦中

汝自秦關下楚關寄情何處不名山毫端二華參天
盡句裏三湘伴客還立馬雲烟開壯麗停舟花鳥宿

甌瓠洞續稿

卷之十

四

嫋嫋秋深一鴈橫江度爲報懷人空谷間

袁比部鳴岐謫佐吾州朱數月量移雲間別駕

詩以送之

漢室袁安起法曹何當懷牒滯江臯除書蚤下分黃
綬宦業終看振珮刀白苧城臨東海壯蒼龍闕並五
雲高壯游不比長沙謫清夢遙應戀主勞

張伯常以州守入觀遂擢比部員外郎寄此

爲贈

五馬驂驛上赤墀都人驚問及瓜期由來郡國親民
重不是君王召拜迎委珮晨趨丹鳳闕焚香宴坐

白雲司萬方災疹勤宵旰想見情深起艸時

聞王元美擢南京刑部尚書有寄

白首彈冠侍故宮盛朝文物二京同刑兼五教周司
冠秩近三台漢上公郎吏分曹宣主德寰區拭目
觀仁風由來鍾鼎名家業不獨文章一代雄

其二

一官垂老帝恩優閱盡乾坤萬事浮槐棘森臨玄
武水江山曲抱景陽樓天邊鐘履聲仍遠海上懸車
意未酬見說年來偏好道幾時能訪赤松遊

贈門人徐應時教諭天長

甌瓠洞續稿

卷之十

五

丹陛晨辭出玉河儒紳偏藉主恩多經從太學新
分席秩向中都更設科王國諸生清廟器帝鄉千
古大風歌南宮射策終能事莫以寒羶歎轅軻

中秋夕還自江上舟中獨酌

靜夜微風送釣船群星點水月中天江寒蟋蟀鳴相
傷露下芙蓉老自憐獨酌豈堪酬令節狂歌聊復遣
餘年歸帆漸近滄浪浦千尺明河枕畔懸

贈王將軍中夫

弱冠爲儒齒類官胡然應詔出臨戎今看躍馬揚戈
日猶有敦詩說禮風塞上飛書芻輓急軍中行酒

歌雄班生蚤負封侯骨投筆先籌不戰功

秋日得姚太僕載思并其子太守汝階書卻寄一首

病卧秋陰鬱未開懷人清夢轉徘徊關山已分千秋
隔鴻雁何期萬里來白髮餘年驚過隙黃雲絕域悵
登臺君家父子偏高義又素慙勤灑淚哉

門人姚汝階自滇之路南遣使問遺卻寄

分符領郡涉梁州天盡西南是壯游風雜漢夷稱貢
遠山連金碧到城幽稍聞異績人爭羨莫道生平志
未酬念我一書千萬里鴻來偏喚別時愁

甌甌洞續稿

卷之十

六

蔡督學伯華以遊太和南嶽諸詩見示賦和二

首蓋予嘗兩登太和而南岳猶在望也

天柱峯堯上帝居金墉貝闕朗扶輿尋真客有騎雲
到攬勝詩成掃壁書羽次巧調青鳳曲空香細襲紫
霞裾八宮想像曾游景只愧衰年賦不如

其二

聞君振舄衡山顛七十二峰爭造天御氣氤氲通帝
座靈苗璀璨長仙田雲開玉宇書重檢石泐朱陵洞
未遷不是紀遊詩力健誰移嶽色峙予前

九日張叔見都丞携壺過訪北園醉賦

野徑蕭疎五馬馳一樽秋色爲誰私言乘九日登高
興來和東籬把菊詩僻地狂歌清世遠晚年愁病故
人知湖雲擁月林端出莫怪山公醉不辭

陳懋修憲使枉駕便邀謝公墩宴集

寂寞巖居枉故人嵩河嶺海夢猶親追陪野外行歌
好慷慨樽前感事新百疊雲峰開郡郭幾家烟樹點
湖濱謝公祠宇蕭條盡大節千秋總未湮

懋修憲使過飲言別

草堂移菊小爲林霜氣遙隨驄馬臨歲月重逢非少
壯乾坤往事亦浮沉山中墨守忘時態物外玄談見

甌甌洞續稿

卷之十

七

古心造次一樽成漫別明朝岐路黯秋陰

答陳觀一明府見寄

少壯情親老各天書授空谷轉淒然尊鱸自幸歸來
好蕉鹿何曾夢寐牽靜檢丹經忘歲月酣持彩筆傲
風烟何時策杖過三逕便與同疏洗耳泉

爲何仁仲賦采芳洲

盈盈一水間三洲斷續林亭處處幽浪捲浮雲連岫
壘山街明月夾城流行歌擬和湘妃瑟坐釣應披漢
客裘滿自芳菲君自采芙蓉搖落即悲秋

顧子敬墜馬折足賦二詩唁之

縱轡何如馬不馴危橋仄石倖存身旋增大道亡
歎遂損中原逐鹿神欲挾飛仙朝紫府聊同臥佛仰
青旻呼號似痛荆庭別豈是陵陽璞未真

其二

羨君高足少年場何事顛危起道傍一蹶已疑天地
隘孤踪猶藉鬼神匡懸知樂正憂難釋漫說邯鄲步
未強怪殺平原樓上女無端笑燹減紅妝

送大京兆陳玉叔赴金陵

歷盡諸艱髯未蒼新恩重綰玉麟章南都勝槩雄吳
楚左翊威名掩趙張芳甸風花迎攬轡故宮雲日想

甌甌洞續稿

卷之十

八

垂裳鳳凰臺畔瞻佳氣三象分明帝座傍

冬日得楊天官伯謙書併有二繼之惠賦謝

懶病無書入帝京故人猶自遠含情金莖御氣連

三象玉筍朝儀冠六卿東帛工如天上錦來鴻低度

雪中聲追隨青瑣都陳迹巖穴何當記姓名

汪象先太學過訪酒間賦贈

象先汪伯玉司馬子以
失愛於繼母僑居廣陵

閩海看君讀父書風塵回首廿年餘常憐愛日心難
盡更訝凌雲氣未舒鼓篋三京瞻勝槩移舟千里叩

閒居茅齋寂寞聊呼酒入夜群愁爲破除

華文學惟東枉過小飲醉而成詩

童年接席老離居客路參差倦曳裾三徑寂寥身竝
健孤舟來往興寧虛山妻倒甕供新釀稚子擎盤進
野蔬醉語綢繆歡轉劇白頭何異納交初

華民部信可奉使過里見訪道故酒間屬贈言

蓋余少與其父同業而民部又嘗從吾兒遊也

歷宦清貧華子魚名成人侍紫宸居通家兩世交非

偶報主孤忠計漸紆絕塞風霜回使節餘寒松菊

醉吾廬郎曹亦解稱仙吏多少民艱待上書

夢中得徐應時書寄贈一律醒逸其半因足之

甌甌洞續稿

卷之十

九

誰道儒臣負壯圖雲霄萬里待飛鳬橫經擬造周多

士著賦先宗漢兩都以上夢中句野鹿自便豐草臥江鴻

遙蹴暮雲呼逢時更對臨軒問抱策何慚子大夫

蕭含譽孝廉過訪同惟烈諸客夜集

何物蕭郎擅楚材長松文梓故栽培賦成便欲凌雲

去興發還能載雪來百里明星占客聚幾株寒菊傍

筵開雅歌行酒酣相和千古陽春此夜回

兩兒暨呂婿携具湖上邀同蕭含譽泛舟並以

詩來索和走筆應之

画舫新停雉水灣兒曹載酒共追攀天懸雪意催酬

唱樹繞烟波縱往還漁罟旋收雙燕口郡城斜帶五
龍關衰年漸少臨流興病裡詩成祇自刪

黃思素携酒北園同諸客醉賦

歲晏霜凋木葉稀連翩佳客到林扉長吟日落山烟
起密坐風清朔氣微信步松篁穿鶴徑競分壺榼釣
魚磯滄浪波湧千峰月莫怪淹留醉不歸

送徐治中懋誠北上

使節新從海岱回驅車風雪又燕臺縣看朔氣征途
滿好與清樽故國開入序追陪京兆尹承恩親切士
元才衰年感別情偏劇尺素殷勤北鴈來

甌詠洞續稿

卷之十

十一

夜集贈劉孝廉中局

漢代諸儒重表章傳經誰得似劉郎韋編學古仍三
絕腹笥驚人已七襄把酒不辭寒夜醉放歌寧避老
年狂異時天上圖書府載筆應分日月光

朱文學斯濟過訪因贈

美人如玉映瑤林况復名家世澤深白舫殷勤趨問
字朱絃清越待知音酣來不淺論文興老去偏多憶
舊心天路莫須愁萬里龍駒高步已駸駸

既別含譽憶之因寄

輕舸日繫酒壚前醉裏分携亦黯然臥病千山飛雨

雪懷人一水間風烟行遊自攬吳鉤壯嘯咏將同楚
辭傳末路知音看漸少調琴只可向君偏

徐州牧尊公九十重封賦贈

五色褒書下漢宮儒家累葉帝恩隆循良不忝專
城吏矍鑠誰如百歲翁綠竹風人過歡聖高門世德
起于公如雲冠蓋稱觴處佳氣氤氳滿越東

庚寅元日作

已下庚寅歲

病夫高卧不知春曉起驚看物候新律應三陽回泰
谷雲生五色憶楓宸荒城北屋炊烟少絕塞經時雨
雪頻栢酒辛盤殊寂寞虛從白髮紀生辰

甌詠洞續稿

卷之十

十一

閱辟支巖稿因贈宗謙

有客好文尤好佛飄飄來自辟支巖似聞詩法兼空
色解引禪機別聖凡風雨大江飛白舫烟霞五岳載
青衫予將采藥躋靈島倩尔扶携荷短鐙

正月十五夜諸親友見過同兒婿觀燈醉賦

雪後親朋過草堂燒燈元夕佐傳觴炎熒珠吐摩尼
色片片熬分太乙光火樹忽如開上苑德星無忝聚
高陽兒童解指豐年兆醉殺馮誰笑老狂

胡載道持銅爵一雙自新水郭仰甫移蟠松四

株自鄂城同日至北園與予爲壽席間乘興有

作

鄂渚浠川並放舟春風無約偶相求到門猶帶烟波色入坐同依水石幽雙爵飛來爭獻壽四松移植遍添籌年垂七十無能事虛向樽前感舊遊

燕人李元輝以詩画見訪席間賦贈

爲厭煩囂出帝都縱橫彩筆傲江湖揮來山水成詩句賦入烟雲即畫圖三徑不妨春躡屐一樽聊與夜呼盧悲歌自古豪燕趙卻喜逢君調不孤

春日寄李本寧大參時駐大梁

春來雨雪暗江門何處登高望兔園千古湘沅哀未

甌甌洞續稿

卷之十

十一

醒一時嵩洛道誰尊愁心欲寄迷關路病骨垂枯卧水村南北災祥君自見定紆長策挽乾坤

荅尹從伊文學燕中見懷

躍馬看花走上林猶然飛夢楚雲深流光荏苒三年別尺素慙慙萬里心末路尚懷和氏璧高臺誰贈郭生金五陵年少矜遊冶只可新詩避客吟

贈形家者徐子源

君家兩世業堪與曾受萊仙竹牒書望氣每成樓閣狀掄星先燭斗牛墟少年雙舄周名岳巨浪孤舟叩隱居爲問容棺何處可乾坤今古一蘧廬

韓若韋使君行部過州枉駕小集

江上傳呼畫舫來山城氣象一時開方張豺虎聞風遠欲稿桑麻待雨回問俗尚懸憂國淚持危真見出群才叨從父老留軒蓋掃石移花暫舉杯

寄荅任孝廉見惠詩

孝廉於不佞未有一面而聲相慕者十餘年書來謂舟泊九江時夢與不佞迎接甚懼因賦一詩寄意遂如來體荅之

孤舟旅夜泊潯陽何意神遊過艸堂夢裡關河驚識面望中雲樹阻寒裳氣憑廬阜諸峰吐情共江流九

甌甌洞續稿

卷之十

十一

派長興發幾時能見戴不懷猶可向君狂

北園餞別華民部出可還京

江柳如雲繫客舟郊園日共一樽留烟花爛熳紫山徑竹樹交加隱石樓感重漫談經國計策勲應比富民侯當歌盡醉休言別去住乾坤總汎鷗

山中聞詔起用大司寇潘公志喜一首

五夜深宮夢帝臣安車遙下雪川濱由來四嶽公推讓不遣東山遂隱淪藉口豈能傷日月赤心終自表星辰還朝更曳尚書履海內諸賢盡望塵

馬大參枉駕北園

問俗春郊春漸深便携簪輿入雲林鳴鳩舞鶴驚飛
蓋白石清泉待抱琴把酒漫論天下事看花聊稱野
人心明朝遠道懸相憶何處飛鴻寄好音

寄懷王汝平

造次平臺別故人歸來一江漢老垂綸浮生萬事捐都
盡感舊孤懷鬱未伸授閒異時工雪月懸車高世眇
風塵素交零落君猶健一字相看萬里親

答李季宣孝廉見寄

江上歸鴻自海門美人書札遠相存何言一水神交
淺已信千秋雅道尊但便持盤分沆漚便應飛杖躡

甌洞續稿

卷之十

十四

崑崙知君尚有浮湘興擬傍烟蘿與細論

張郡丞叔見五十詩

郡閣朝來淑氣濃丹雘又下紫泥封頭顱未負陶弘

景祿秩應過邵曼容

二句並用
二十事

漢闕星辰懸佩紉楚

天雲日度歌鐘樽前有客稱仙吏何用深山訪赤松

麥候得雨暫喜

二麥茫茫長漸齊田家暴腹望雲霓炊糜無計都懸

金抱甕何人獨灌畦望縱橫交白骨郊行躑躅杖

青藜東風忽送如膏雨且解千村一夜啼

伯凝仲良叔衛兄弟並好學工詩文頃以所作

下問而欲執弟子禮非予所敢當也為賦一律
謝之

文彩翩翩三鳳雛同聲霄漢遠相呼傳詩欲問浮丘
伯作賦應追屈左徒卻嫌無能當北面懸看有力竟
南圖洞庭千古聞張樂一水洋洋調未孤

安小范行人迂道見訪酒間賦贈

積雨幽棲過暮春朝來霽色起湖濱誰知天上輶軒
使亦問山中木石人把酒高齋迴氣象論文永日破
風塵看來玉樹非凡種挹露揚輝近紫宸

為丁元甫給舍哭母

甌洞續稿

卷之十

十五

何事倉皇出鎖關雙含血淚灑萊衣倚門無復慈顏
在捧檄虛沾薄祿歸野色凄迷侵總帳江聲嗚咽到
泉扉低頭搶地腸俱裂忍覩當年舊斷機

為萬元獻哭母

萬母卒年九十餘
元獻亦垂七十

只怪江雲黯不開慈顏一擲寸心灰鶴歸疑有仙人
弔烏集偏深孺子哀白髮漸看凋望室斑衣那得舞
泉臺亦知大壘人間少風木蕭蕭恨未回

寄趙仁甫

有序

仁甫初仕為池郡理官才名甚著諸臺使奏
薦累二十餘章偶中飛語議調因自請為

學官得九江郡庠去池不滿三百里寄此慰

之

一日長安萬事新薦書無力訪書神地連秋浦移仙
吏天爲匡廬借主人訪古柴桑聊寄傲加餐首肯肯
言貧壇前手植明堂柱未必江湖是遠臣

荅程巨源見寄二首

一歲三書問病夫眼中高雅似君無由來父子交非
淺念到存亡淚欲枯命駕幾時過郢上看雲何處是
天都題詩未寄心先折入夜江鴻作意呼

其二

龔翻洞續稿

卷之十

七

藝苑驚聞仲子才新篇遙束錦雲來相如豈藉臨邛
重和氏猶銜楚璞哀萬里星河搖倚劍一江風雨過
登臺休言仗策逢時晚白岳靈光待汝開

寄懷吳茂文

憶過山齋叩隱淪兒曹接席更情親論文累日修林
畔載酒無時曲水濱雙屐莓苔登覽健片帆風雨去
來頻江行忽作經年別花石含愁鬱未伸

周明府見訪談玄酒間賦贈

領邑曾聞製錦才驅馳蜀道苦迢迢言從張翰乘舟
去復作韓康賣藥來散盡宦資餘俠骨養成仙餌化

凡胎相逢且就高雲飲醉看人間海嶽摧

喜鄒彥吉督學入楚二首

風帆六月海門來憲府清秋鄂渚開張樂擬臨雲夢
野賦詩曾奏栢梁臺定縣高價收荆璞肯使神斤負
楚材見道儒臣優袞職尚方龍錦待君裁

其二

入夢翻憐去楚時一官湖海任推移紅塵客夢驚相
弔白首君恩報未遑雪夜徘徊溪上棹予嘗過梁
陽春倡和郢中期看君雅道風江漢勲業何慚帝
者師

龔翻洞續稿

卷之十

七

再慰元獻

長裾敝盡老無津湘水從來愁楚臣何處千金能買
賦還家四壁肯言貧廬居旋受青烏術墓道時看白
兔馴血淚雙枯腸寸裂可憐難起大甯人

寄上寧河王殿下二首

友人劉居仁嘗客王所王厚遇之適爲予道
王仁賢好士因索贈云

桐葉分封制帝圖晉陽官殿古王都承恩擬效三
雍對攝國燕成六尺孤丹詔自天優禮數醴筵長日
盛文儒登臺奏賦群星聚何容才如宋大夫

其二

翠輦玄圭金索駝千秋帶礪此山河帝憐西土敦親
重客頌東平樂善多築閣藏書標象緯開園墨石引
藤蘿山夫不少從遊興欲曳長裾奈遠何

山居秋思八首

水落霜清暮燕空萬山秋氣草堂中衣裳曉裊芙蓉
露戶牖寒侵薜荔風泣路伴狂悲阮籍避墻安穩學
君公澧蘭沅芷紛堪佩千古靈均道未窮

其二

搔首乾坤事事新不知何處是吾真嗟無羽翼能超
飀飀洞續稿 卷之十 六

世賴有漁樵可寄身市駿圖中招國士枯魚肆裏索
波臣逢人莫漫談經濟穩向炎源去問津

其三

露下楓林動早寒金飈獵獵蕩江干空山白首悲搖
落薄海蒼生願治安三面似開湯網罟半租曾比漢
恩寬一時多難群公在且東愁心付釣竿

其四

慘淡秋煙四野橫千家料曰寂無聲休餐只好求芝
友取醉何緣遇麴生愁坐遠天群鴈起苦吟長夜亂
蟲鳴亦知老去無多日一日偏懸萬古情

其五

髮霜前被領垂江天雲日助深悲山戎驟起驚相
騷旱絡頻年困不支遠征蠻兵排急難旋留漕粟賑
流移懸心未敢稱高臥白骨縱橫委路岐

其六

野闊風高萬樹鳴紛紛落葉蔽荒城暮牀夜起空懷
古草閣朝來一望京見道間閭方痛哭俄聞江漢已
澄清天閭萬里憑誰叩故壘蕭條百感生

其七

朝野驚心造物偏一時綸符萬方傳中原赤日甚嘉
飀飀洞續稿 卷之十 十九

種內死丹霞擢瑞蓮豈是陽調不盡未應休臆判
相懸欣聞 聖主窺天意非已憂民願有年

其八

病起山園草樹荒霜寒鴈鷺集林塘秋聲在戶誰安
枕世事驚人每斷腸豈乏黃金收騷裏何曾白簡興
豺狼溝中赤子都秦越莫怪機槍夜夜光

邊警六首

只道閒居枕易安俄聞西北點雲寒一時畿輔聲先
震萬卒沙場血未乾有 詔徵兵分出塞何人決策
登壇大羊自是無常性力盡羈縻術轉難

出十萬王師出塞陳不惜輜車空 內帑但教枹鼓
息餘民功成擬拜彤弓賜一片燕然石尚新

陪黃汝礪使君步拜禱雨即事六首

大旱頻年萬室空使君憂色野人同怪來精稜纏相
厄豈是巫咸祝未工露禱不辭登百鬼暑行驚復覩
雙虹環城雨意山山好只少枝間少女風

其二

皂帽青衫溽暑侵側身無異在桑林懸憑百拜回天
力擬慰三農望歲心垵鶴爭鳴風習習潭龍欲起晝
陰陰晚來疎雨郊原過父老相看喜漸深

甌甌洞續稿

卷之十

三

其三

一雨初過百卉蘇壇前鳩鵲劇歡呼鞭雷豈必憑巫
史濟旱居然仗大夫道路漸寬兒乞食村墟猶怯吏
催租油雲又作甘霖兆何用農書上有無

其四

火雲飛盡雲升爽氣連朝破鬱蒸不有黃堂心似
水誰令赤地雨如繩及時真借群靈助計歲先知九
穀登高枕北牕涼意足宛然身臥玉壺冰

其五

閔旱傍徨長吏賢老臣那敢縱高眠甘同僕僕經旬

日幸勿嗷嗷似去年行雨無時沾遠近宿雲猶自醺
連絲欣聞老稚私相祝會有神龍奮九淵

其六

匍匐郊關望未舒叩壇如覩百神居可知七日齋逾
謹實恐三時害不除神女自携雲出峽里巫紛逐雨
隨車連阡舉壤均膏澤野史抽毫可盡書

荅蕭含譽七夕見懷

荒城不雨正憂天有客題詩遠見憐入夢關山雲漠
漠隔河機杼夜綿綿乘舟每憶過蘭水抱瓮虛勞灌
秣田病後稍諧方外理期君何處共逃禪

甌甌洞續稿

卷之十

三

荅行甫暑中見懷

赤日荒荒射草廬病夫憂旱獨躊躇三旬不雨苗空
秀萬室無煙社欲墟張口擬分清露吸側身仍傍火
城居柯山竹樹陰千畝羨爾齋心把道書

病中憂旱寄懷郭美命太史丁元父給舍

三伏已盡暑尚偏驕陽失制秋無權稻梁芘芘委赤
地雷電鬱鬱縣青天揮汗饑自湯泉出解衣疑投火
宅眠側身西望雙黃鵠凌風振翼何僊僊

送景淳赴綿州太守

聞君應詔謁彤闈何事分符下帝畿卻是三刀曾

入夢能令五馬去如飛之官鳥道詩盈篋懷主錄
門淚濕衣父老歡迎司馬檄也應吾道有光輝

宿石門莊二首

疊嶂橫臨白石居縣泉暗寫綠雲渠單衣竹露防沾
濕短榻松風爲掃除學稼僅供垂老計辟人何用絕
交書年來世事關心少夢裏乾坤亦自如

其二

息駕山村事事幽高眠每爲石雲留巖深不忝棲盤
谷地瘠還如乞糲丘蟋蟀聲中寒漸厲梧桐葉底露
新稠朝來起看群峰色箇箇仙人白玉樓

甌甌洞續稿

卷之十

三

過呂相國桂峰莊贈其子惟烈

密隴平疇澗道藏尋源深入相君莊山窮不似開金
穴室隘猶然比玉堂遶石千松流古色分林五桂鬱
天香惟烈爲相國第五子飛泉下灌三豐樂爲卜名家世澤長

止桂峰莊友人羅子相潘哲甫携酒過訪

長樂泉源萬石隴山家風氣未全開沙邊石堰唐時
築障外雲峰鄂縣來擬就三農商稼穡那知二客載
樽鼎坐看明月秋將半永夜追歡未忍回

贈醫者艾汝秀有引

頃歲里中大疫慘不忍言而獨經艾生醫治

者多全活乃予家于女童僕又以其藥力並
起無一損傷盖有天幸焉愧予貧不能謝姑
與之飲酒而贈之詩云

郡國年來沴癘多群巫虛效古人難良醫折臂心先
苦疫鬼藏形氣漸和續命豈須調玉鼎回生直似挽
金戈吾家老稚欣無恙且與傾尊一醉歌

閱劉子明方伯詩因贈

病臥孤懷鬱未伸俄傳秀句起精神登壇久擬尊詞
伯結社何當問野人染翰瀟湘千古色品高燕趙十
城珍明堂四關遭逢偶采得民風好具陳

甌甌洞續稿

卷之十

三

九日偕黃汝明徵君暨其子思素思貞孫以道

三孝廉盧同韶上舍登石門山作

犀山漫擬龍山勝挾客遠宜九日登萬嶺參差星象
列重湖包絡水雲升興移席攀層石權極披衣坐
古藤老至尚耽奇絕景登頭何惜酒如澗

是日同諸客晚過回龍山莊

登高永日興逾新又帶斜陽過比鄰戶外築塲登晚
稻檻邊除架積餘薪携樽入竹雲隨客據榻看山石
媚人取醉自今來往熟此中堪與避風塵

思素以道夜過石門莊留宿

石門秋色縱徘徊客醉猶能竝馬來日落松杉留下
榻夜深風雨促銜杯隣家旋乞黃堪佩宅畔新移菊
未開秉燭樽前狂自喜那知節序莽相催

寄張子發工部頃歲士兒歸自金陵携有工部
倡和諸詩因賦一律寄意

稚子新傳水部詩江關千里若爲私斗懸劍氣招雷
煥風動琴心屬子期泰嶽雲烟杯面吐金陵龍虎筆
端馳相知何用曾携手展卷徘徊有所思

寄懷玉叔大廷尉

四國經營力尚彊二京風業更輝光江懸故國愁鸚

鵝鵝洞續稿

卷之十

三

鵝山擁層臺弔鳳凰詞客競趨槐棘府病夫甘卧薜

蘿莊還朝若過黃龍浦好爲停橈一舉觴

寄懷張祭酒廷芳

悵別嵩河夢已遙傳書猶自憶雲霄講堂客獻三鱸

頌經帷誰容五鹿驕南國星辰占戀主中原車馬

待還朝深宮旰食憂仍劇玉鼎須君手自調

寄大宗伯王紹傳

闕下承恩領秩宗陪京軒蓋亦從容題書每問牆

東隱走筆曾移海上峰只尺卿雲分五鳳氤氳紫氣

兩雙龍相看一水如衣帶那得扁舟遂往從

夢仲美

千里風烟黯未開片帆飄忽夢中來倉皇入坐更相
問慷慨論文總不猜涉險尚留雲滿面追歡先借酒
盈杯起看河漢西流盡漠漠江天一鴈哀

親友餞兒川上樓子亦在坐同賦

別家何事又東遊爲道桑蓬志未酬密友情深高閣
餞老親心遠大江流帆前落葉昏殘照霜下鳴鴻急
暮秋奮翼風雲須少壯肯隨流俗負箕裘

重陽後二日與思素以道石門莊對雨遲徐應

時不至書懷

鵝鵝洞續稿

卷之十

三

朝來霖雨漫荒村老樹浮烟蔽石門擬復登高妨着
屐且便留客再開樽坐侵簷溜衣袞冷起訝山雲戶
牖屯有美一人期不至紫萸黃菊也銷魂

雨中還過雙港橋與思素以道沽飲

谷口村村雨氣迷老人扶杖怯衝泥平田潦下雙流
急廣野雲封萬樹齊班坐石梁舒覽眺呼醪山店儘
提携酣從二客歸迷暝渚鴛鴦林鴉已盡栖

上藏得石門山風氣頗聚書贈堪輿傅生燕示

兩兒

潦倒乾坤景漸殘將營尺土待容棺奔來石勢雙龍

護結向天門四象蟠且爲兒孫寬遠慮敢因陵谷侈
奇觀錦囊消息憑生氣恰好逢君擲杖看

胡民部奉使臯蘭主餉適有虜警賦此問之

才子名高漢柱題幾年端笏待金閨俄銜手詔分仙
署獨將輜車出隴西萬虜深秋驕飲馬三軍中夜起
聞雞轅門借策今逾急莫道龍庭不可犁

冬夜酌載道

千里冬歸計未成又衝風雨過山城窮途有子家難
就晏歲思鄉夢屢驚長夜且須傾秫酒異時那得共
尊羹樽前晚菊凌寒放白首相看豈世情

甌甌洞續稿

卷之十

三

載道思歸不得酒間作此慰之

荒齋木榻故人留永夜寒燈話未休十月風霜催短
景千門砧杵亂窮愁江楓落盡家仍遠寒鴈歸來淚
漫收濁酒似能憐老病醉眠應夢五湖遊

方金吾惟光自魚嶽過訪北園

錦帆千里截江來一日山園氣色迴高義總能存故
舊貧家何以侑樽罍林楓歷亂經霜盡砌菊蕭條傷
雨開片片寒雲湖上起醉乘餘興且登臺

酒間贈惟光金吾

壯才名起漢都帝恩親詔執金吾瑯戈扈蹕千

言從王勣清望七枝呼況有世勲銘大鼎更紆長策
贊黃圖爲憐潦倒通家吏遠叩山堂醉玉壺

羅汝立茂才過訪

江行辛苦自西梁千里風波問艸堂一片野雲隨客
到幾株寒菊爲誰芳白魚紫蟹供行饌疊石飛泉助
舉觴歡極不知遲暮景放歌猶復向君狂

呂惟謨中翰過訪

別君江上十年餘却喜承恩侍帝居擁傳俄聞將
使節迂車猶復叩吾廬異時搔首真成夢累日論心
勝寄書松菊未荒人漸老相看不醉欲何如

卷之十

三

席上贈呂伯敬茂才

儀部佳兒相國孫少年經術自專門孤帆入楚津途
遠三世通家禮教敦桂嶺星河懸倚劍草堂烟雨坐
聞樽毫端漸吐風雲氣冥海應看六翮奮

冬日齋中

閉居無愧北山文環堵蕭蕭水石分寒菊未凋應待
雪新松漸長欲干雲琴樽竟日宜佳客藥餌衰年伏
細君最是一區堪自老隔牆車馬任紛紛

雪中程汝正吳茂文過飲

雨雪連綿朔氣深草堂寒色晝陰陰風花歷亂飄銀

海凍樹低垂燦玉林歲晏轉驚人老病徑幽偏喜客
招尋園爐旋熱牀頭酒一醉聊傾故舊心

聞瞿伯明泊燕子口收息鹽舟旬日不得竟冒
風雨而歸戲題嘲之

幾日郊村客屨稀燕天風雨暗荆扉虛疑范蠡還陶
過忽似馮驩賦薛歸側足衝泥寒刺骨析薪篝火夜
燠衣不成見戴乘何興漠漠江門雪亂飛

寄李左史先榮

少年天植豫章材入國翻增匠石猜世路風塵趨黷
淡王門日月且低迴浮湘縱覽山川勝賦楚仍含屈

甌甌洞續稿

卷之十

二九

宋哀見道能憐空谷叟幾時乘興涉江來

送徐蘄州擢丞吳郡

江干父老泣續紛遮道無能借使君財閣已看鸞鳳
集紆籌曾散犬羊群湘川画舫移晴雪茂苑春花簇
錦雲吳楚封疆分一水治平消息好相聞

歲暮送西賓林以蘇還臨川期以明春再至

白首新知老布衣那堪歲晚忽言歸二年賓館同星
聚千里江帆帶雪飛路入鍾陵鄉語近天寒彭蠡鴈
行稀當博且訂重來約計日春風拂絳幃

送求叔遊金陵

草堂卮酒歲寒情雨雪何當又遠征千里風江衣帶
水三山天塹石頭城東南佳麗非前代王謝風流自
舊京結客遨遊春正好白頭慈母憶歸程

聞方寅初歸耕遇旱無以自給爲此詩唁之
遊俠歸來意未伸家無儋石恥言貧離居分與時人
遠學稼情偏野老親石戶耰耨差近古莘田頌讀且
藏身那知赤旱無遺穗只抱農書歎苦辛

李比部克蒼謫楚三年不調作此慰之

一疏批鱗萬口傳荆南留滯已三年舟航轉借風濤
穩肝膽常依日月瞻霄漢幾時飛鳳詔斗光終夜觸

甌甌洞續稿

卷之十

三十

龍泉逢人每下憂天淚擬抱忠猷奏席前

丁元甫給諫枉駕山居即席並賦

十載重過舊州堂里中冠蓋鬱輝光雨收山郭春無
恙月傍樽疊夜未央痛飲且寬長別恨悲歌偏縱老
年狂風烟萬里迷青瑣猶自因君想玉牀

再贈元甫

元甫爲其故孺人卜地于吾州之九龍山掘
得石穴藏之其事甚奇因有此贈

鄂渚尋山下雉來不辭驅馬歷崔嵬地縣文子瑕丘
樂天與滕公石櫛開隨杖九龍蟠大壑近人雙鶴弔

玄臺文峰壁水完佳氣爲破潘郎萬古哀

玄覽閣爲開美宗侯題

舍旁高樹擁山樓萬里烟光入坐幽縱覽欲窮雲夢
景長吟偏動古今愁清樽竟日宜賓客短榻中天伴
斗牛世外已多仙隱趣不知身是漢通侯

梅泰符東歸賦此勉之

文脊山迴氣象偏名家累葉盛才賢衣冠闕下輝相
映詞賦林中業已傳梅氏昆仲九人之子少年懷白

壁逢人何處理朱紵下惟肯厭儒生苦三策終應奏
御前

龍龕洞續稿

卷之十

三

周穀仲使君邀飲留贈

百粵遙迴五馬車青蠅那得玷璠璣塵機早息甘違
世歲序都忘老著書漉酒欣同狂客醉論心疑與古
人居浮雲萬態須臾盡俯仰乾坤一太虛

李憲使招飲襟江樓

絕磴危樓俯大川登臨攜手故人憐鴻洲浪湧三湘
雪鳳嶺晴飄萬井烟懷主夢魂依瑣闥提兵心膽
壯江天停杯試問中原事南北風塵異昔年

席間留別李憲使

戎船甲馬聚如雲鎮靜江關藉使君持法漸消狐鼠

氣先聲已破犬羊群相看俎豆情如故卻惜風烟手
易分一水東還林卧穩衰年何以報殷勤

春日偕程萬里司載文遊顏子山歸飯長慶橋

作

挾客行遊春正長敢言筋骨老猶強三峰突自雲霄
出萬石紛如鸛鶴翔古樹含風吹絕壁縣泉分溜瀉
平梁肩頭裹飯聊堪飽莫惜班荆坐道傍

送劉子靜北上

憶識劉郎弱冠前南冥風翮已翩翩登名擬奏三千
牘待詔俄驚十九年夕陽星縣京國路春江花擁孝

龍龕洞續稿

卷之十

三

應船排闥謁帝心仍壯會有勲勞竹帛傳

送黃國英封君還海寧

五馬駟驄五鼎豐猶然野服寄高風暫來舟楫湖南
景歸去絲綸海上翁對酒珠騰蛟女室行歌花遠越
王宮年來好道無機事矯首仙源咫尺通

雨夜同呂惟烈集吳別駕署中觀牡丹

高齋風雨夜留賓秉燭看花信有神國色依稀蓬島
近霓裳綽約臨官新當歌未暇分更漏劇飲何曾問
酒巡佳會無多心賞足不妨交晚自情親

北園飲美命同賦

薛荔門停太史車春深燕徑喜新除撫松陶令驚相
迂看竹王猷興不如雨衆群花驕水石雲披萬樹爽
禽魚酒酣携手狂歌發似有遺音徹太虛

清明夜泊龍平冠巨源見訪同程萬里小飲時

雨久江漲

江上清明雨未收青青二麥總無殊孤帆夜泊魚鰕
市九水寒侵鴈鷺洲遙岸踏歌狂客至短蓬呼酒故
人酬明朝欲攬廬山勝卻怪濃雲不斷流

題程氏虎谿書院

程之先蓋以封國爲氏至南陳祖昌守隆興

甌甌洞續稿

卷之十

三

路因徙家新建之塘塘去許僊飛昇處僅里
許尋於家西建飛麟書院以延四方學者入
李唐後其孫必東必簡兩進士又拓而新之
改題虎谿閣今垂八百年子孫尚能世守未
艾予所交程雲則隆興公三十六代孫也因
述祖德索題於予予謂世家名蹟海內罕所
觀聞爲賦是詩遺之

一卜塘塘幾百年豫章猶自紀先賢前朝賜姓公侯
族勝地流風竹帛傳古屋松杉常蔽日鄰家雞犬解
弄天到門千仞西山色組豆光輝可並延

次湖口何幼隣明府招同張進卿侍御登石鐘

山絕頂作

水亘長天接二孤山橫峭壁鎖江湖濤聲震撼洪鐘
應石勢飛揚曲磴扶吳楚中流分勝槩兵戈前代此
雄圖丹梯歷盡青冥合萬里雲烟倒玉壺

同張侍御伍明府過飲陽港別業

江畔新分一水斜數峰迴合自山家沿堤柳吐黃金
英隔徑藤懸紫玉花看竹低回停蠟屐聽泉清切過
浮槎權來不復論賓主競取餘觴醉落霞

寄趙良弼尚書

甌甌洞續稿

卷之十

三

江漢樓頭視水師陽春園裡和新詩百年何處重携
手三楚于今有去思北斗尚書天象近東山太傅客
星知四方多難厯宵旰未是留侯辟穀時

同山甫登天柱閣

一柱峰高刺遠空西來雲氣此樓中山緣漢主登封
重鎮自高皇駐蹕雄萬室參差銜落照千帆飄忽趁
長風大江天險分南北樽俎今縣保障功

泊中新河東大廷尉陳玉叔

老大江行豈浪遊交情今古獨含愁高齋自傍蒼龍
綽短棹虛停白鷺洲偶對群山舒感慨誰從六代擬

風流推蓬月起滄波外多少羈情付野鷗

金陵遇李元禮梅子馬吳泰機賴元復卜詔之
志尹李汝正諸通家邀過靜海寺賞牡丹時士
兒在列同賦官字

龍江屈曲抱龍宮詞客招携白社同淨域菩提標法
界雕闌木藥吐芳叢移樽不厭狂相狎和曲翻慚老
未工醉後只疑真佛現天花片片雨晴空

段木部招飲靈石軒

師子山頭古刹縣空香不散蔚藍天斷峰飛作繡經
石法雨分爲卓錫泉末路風塵增萬態靈軒卮酒借

龍龕洞續稿

卷之十

三

三緣招遊莫漫嗟遲暮悟得無生卽少年

李見虞侍御招飲靜海寺方丈道故

回首嵩河夢屢牽重逢好在白門邊津亭執手人如
昨野寺開樽興更偏月上青鸞留密坐夜深驄馬未
言旋憐予短髮凋垂盡猶道維摩病易蠲

龍龕洞續稿卷之十終

龍龕洞續稿詩部卷之十一

武昌 吳國倫 著

橋李 馮夢禎 校

七言律詩

登燕子磯絕頂

孤亭縹緲石欽岑一縷長江壓古今樵徑倚空縣作
棧賈櫓依渚集如林飛揚欲奪三山勝覽眺偏驚萬
里心海氣乘潮蕩雲日青楓綠草自陰陰

次真州訪方仲美不值

云客齊梁未歸

亦識真州非爾鄉浮家是處好伴狂重依水市停蘭

龍龕洞續稿

卷之十一

乙

棹遠涉煙橋問草堂操筆尚能驕海岳叩關那復困
齊梁風濤千里虛相望握手惟應夢裏長

憩仲美疎豁堂留題

城隅卜築俯邢溝垂老將無息遠遊遠院蓬蒿都不
翦隔籬雞犬自相求門將五柳徑邊僻堂擬百花潭
上幽雙鶴載鳴如有意能令客子坐淹留

太閤州遇伯常比部同泊喜而痛飲

京口渡頭逢故人一時驚喜倍情親地縣千里原無
約天遣雙帆卻有神旋覓村醪供語笑坐邀江月解
風塵三年別恨須臾破醉極翻疑會未真

舟次白家橋飲白光祿伯倫燕喜堂賦隋時行宮荷花

蕩采菱遊並在其處

八年重過白家橋地主披衣起見招燕喜堂中雲錦合荷花蕩口月華飄相看酒態狂如昨不斷歌聲醉轉驕朝野故人零落盡無多生計老漁樵

醉後同伯倫步過定安橋對月懷古

月上海門天沈淒憑君感慨說前朝行宮何處三千舍野水當年十六橋高步直凌虹脊飲單衣不怯露華澆采菱人去歌誰答猶有餘哀送夜潮

鄧大素孝廉見訪談藝

饒甌洞續稿

卷之十一

二

莫道詞林握手遲相逢吳苑自新知匣中星斗龍淵貫筆底風雲駿足馳豈有玄經能口授聊傾濁酒見心期江雲半吐舟前月永夜留歡醉不辭

友人吳叔嘉陪予赴婁東同弔王元美舟中志感

生友何如死友親追隨一哭見情真束芻自可輕千里作誄無須問幾人並訝中天沈象緯俄令東海失精神含心欲擬招魂賦隻字翻愁泣鬼鄰

寄贈嚴道行公子

獨上蘇臺望海鄉虞山一片海雲藏由來季子青霞

自自傷先公綠野堂授簡何人詩慷慨移書百里意飛揚端居不學邯鄲步却會縱橫六藝場

贈張孟孺

孟孺故將軍左虞子也左虞善詩而孟孺繼之益好詩因有此贈

襲衣公子出無車匣裏虹蜺氣未舒盛世何曾踈甲冑將門元自說詩書慙從劍客修恩怨却向輪工問疾徐萬敵在前君莫畏直須辛苦惜三餘

贈程彥之

浮家千里泊姑蘇生計蕭條骨相殊誰解綈袍溫范

饒甌洞續稿

卷之十一

三

叔虛聞囊粟飽侏儒懷中敝刺投予晚酒畔詩新和客孤入坐能言方仲美不妨貧病有江湖

大京兆沈純甫訪予吳門酒間道故有感

月落湓潭一葦來千門曙色朗蘇臺愁心今古渾難寄直道乾坤總未回憶別祗應憐短髻論文且莫負深杯看君漸有烟霞癖急難何人將相才

吳門答何无咎見投

聞君栖隱石門山王謝遺踪未足攀欹枕不煩天姥夢看雲時共野僧還亦知高步終塵外無奈詞名已世間茂苑相逢須一醉著書何必借函關

張孟孺招遊徐園得湄字

萬縷青楊覆水湄沙間一徑入
歲寒溪橋宛轉離關
護風磴飄飄錦石披閣迢迢縣
緱氏嶺泉源紛瀉習
家池若教地主能留客十日沈
酣也未辭

酬王百谷有引

舟過吳門訪百谷尚客金陵未還比還予且
西發造次一晤輒復枉
寄以送燕有元美之
感走筆酬之

半偈齋頭問主人藥爐經榻半
生塵俄聞一葦金陵
返遂覺千花茂苑新楚棹遲留
應有待吳天遇合豈

饒融洞續稿

卷之十一

四

無神題詩送遠還思舊灑淚相
看字字珍

沈純甫京兆以上所賜緋袍改製混元衣予

聞而奇之因贈

京兆承恩舊賜緋還山亦自有
光輝閒將紫府天孫
錦製作青蓮道士衣坐臥園中
群象遶行遊海上九
霞飛僊風不慕龍文袞穩稱荷
裳去息機

吳門逢俞本之即事有贈

闌門輟棹酒重持卻憶山園醉
別時愁病幾年皮骨
在烟波千里夢魂疑憐君未吐
凌雲氣向老逾深失
路悲怪殺風流情不減夜乘明
月喚吳姬

重過白園同祝介卿孝廉賦

千樹芳菲萬石雄攀躋出沒錦雲中天留病骨偏狂
興水抱名園自化工雪嶠古藤穿曲榭風軒修竹舞
晴空延陵亦是吾家土訪舊何妨此再同

僧倫年丈移舟載酒送予過毘陵四十餘里至

奔牛堰始別志感

迢遞載酒出江關送送情深別轉艱已過金牛奔海
處纔分彩鷁趨潮還倉皇落日迷群樹咫尺浮雲已
萬山老淚猶枯佳會少高風千里夢中攀

郭次甫自焦山過京口見訪賦贈

饒融洞續稿

卷之十一

五

方外聞君二十年相過京口似逢仙黃冠尚帶雲霞
色彩筆曾題海嶽篇片石江心開舍利千秋風骨起
焦先炊糜煮茗供談笑去指浮杯作渡船

高德馨使君招遊甘露寺

爽氣朝來北固多上方雲日擁嵯峨逢君忽起登高
興愛客偏能載酒過甘露林開梁殿閣妙香臺俯漢
山河中宵秉燭穿巖徑歷亂群星照薜蘿

同茅平仲陳從訓靳國卿登焦山飲水晶菴

一撮名山鏡裏看空堂波色水晶寒塔前片片輕帆
過殿角垂垂老樹蟠崖巖密封支鼎石海雲高護講

經壇禪栖仙隱俱方外誰趁天風駕羽翰

從訓以詩見投席間賦答一律

從訓兼善詩
盡故詩及之

北固山前靜卜居美髯豐頰意遶遶向傳友義金堪
斷忽把新詩錦不如掃壁能揮鳴馬狀臨池解作換
驚書風塵晚結忘年契千里羈愁一醉除

閨門發舟馮開之太史適來見訪因送予至寒

山寺餞別賦謝一律

凌晨代鼓振歸橈有客東來遠見招握手千山迴茂
苑方舟十里度楓橋禪僧定出龍華現太史名高雁

甌甌洞續稿

卷之十一

六

塔標竹裏深杯忘出處醉看明月萬緣消

周叔宗曹周翰兩太學追送予至寒山酒間留

別周子文
曹新知也

江村橋畔午聞鐘載酒殷勤二妙從僧舍茶烟紫密
篠佛龕蘭氣鬱深松新知解縱酣歌樂舊侶還疑夢
寐逢明日孤帆各天外題詩聊爲紀雲蹤

阻風白沙河吳康虞程康伯携具過訪舟中同
羨長叔嘉伯麟賢士兒小飲即事分得來字

風雨孤舟去復迴美人何處踏歌來白沙浪起津橋
暗蒼樹雲寒野堞惟不信王獻過剡水能携神女赴

原缺第七葉

則聞公累疏請老奉旨固留不能踐舊約

而予又不能遠赴任城就之悵然寄此

扁舟江漢遠如期千里吳山到不疑壁馬盟成歌正

好尊鱸心老去仍遲書來未減窮交意力盡偏深

聖主知望望東峰天際出孤懷夜傍海雲馳

卞母周孺人五十初度

孺人子應徵應聘並遊
南雍適奉母在寓爲壽

吾兒士良與之
友善故索詩云

五雲晴繞鳳皇臺却爲君家壽域開花際彩衣供燕

喜日邊青鳥下蓬萊岱松常葆千秋色崑壁全鍾二

陸才莫道稱觴無異物中冷可釀玉蘭醅

甌甌洞續稿

卷之十二

八

贈梅子馬

慷慨千金買醉來相逢末路轉憐才周南留滯誰爲
主江左風流客漫猜弄月每臨桃葉渡聽經倦過雨
花臺詞場俠窟應無恙只怪江流去不回

送劉直齋侍御北上

繡斧巡行八使同抗章先入未央宮妖氛極北三關
震儉歲江南萬室空排闥擬承明主問立朝重見
古人風揚鞭曉發長干道湖海魚龍也避驄

留贈談思重參軍思重故毘陵世家子雅以詩
畫著名頃追家難避居金陵予偶過訪見元美

司寇百谷山人並有相唁之作友道甚敦因亦

留贈二詩書其卷後

僻巷僑居類遠村客來何日不清樽無妨萬石家全
破且幸五湖身尚存辟穀未能逃濁世種瓜聊自傷
青門生平管鮑王司寇一訣伊誰爲反魂時元美已逝

其二

彩筆縱橫石墨飛名燕詩畫轉成非無家遂欲捐圖
史貸食寧甘飽蘇薇與壘風烟虛在望白門花月老
忘歸江陰有客能排類千古交情屬布衣百谷江陰人

讀車子仁廷評詩因贈

鹿麕洞續稿

卷之十一

九

誰道斯文不在茲賦才今昔楚人私靈均慷慨追三
石太史憑陵陟九疑家在瀟湘風未遠官移建業境
偏奇棘廷休暇常懷古句就翻增六代悲

御史大夫君王朱公出郊枉顧招飲僧房留贈

遠從巖穴應玄纁出處高風天下聞三尺禪衡天紀
靖群僚彈壓主愛分江干枉駕披殘雨野寺移鵲
坐夕曛四十二年纔一夢白頭携手倍殷勤

贈張乾甫文學

何意東遊此遇君停舟幾日坐論文通家禮數看逾
厚中土賢豪故不群雨過秣陵峰吐月潮回瓜步海

生雲詩成但飲休言醉明日河梁手又分

久別助甫中丞因遇其弟乾甫寄懷此詩兼有

元美之感

廿年不見張開府筋力何如少弟強詩牘難傳飛去
夢酒杯誰伴老來狂功成劍合芙蓉繡臥穩衣縣辟
荔香佳會無期人世短與君何計起王郎

望江樓避暑

避暑江樓江正清迎潮雨過石頭城涼生枕簟眠堪
穩電樓樓軒坐不驚雲霧山山懸暮景霞蘆岬岬作
秋聲長千萬戶炎蒸解好與深杯待月明

鹿麕洞續稿

卷之十一

十

喜俞羨長追予及潤州因同入楚

累歲期君不見君到來猶隔幾峰雲梁溪發棹風如
約京口呼醪夜已分短髮那禁常恨別方舟從此細
論文潮隨萬里長江落明日抽毫破紫氛

袁惟鄰憲使招宴池口驛惟鄰亦楚人

垂楊古驛繫歸舟落莫欣逢地主留九朵芙蓉天際
出三江日月鏡中浮聞歌似按銅鞮曲起步疑臨杜
若洲萍水不須憐去住百杯同遣故鄉愁

再贈袁惟鄰憲使

建牙秋浦扼江關水陸王師習戰還六郡風烟清虎

帳五雲宮闕想 龍顏軍書坐見侵星發諫草曾開
洒淚刪鎮靜年來無一事袖毫日對九華山

在吳中有懷王行甫蓋行甫嘗與予同游今獨
往也

金陵東下闔閭城何異舟同李郭行幾處名山留倡
和一時詞客走逢迎酒杯如舊狂難制歲序無端老
自驚卻憶風流王叔子江關遙夜不勝情

得福寧曾判官書却寄

不見曾郎夢幾回那知閩海一書來干時未信連城
壁佐郡難伸巨室材壯節豈應愁瘴癘孤蹤聊復寄
甌甌洞續稿 卷之十一 上

樽疊衙齋最近鮫人室淚灑南雲祇自猜

過無錫有懷鄒彥吉時彥吉督學在楚

片帆千里泊梁溪矯首懷人日漸西聖水經縣天下
品黃山峯與暮雲齊賢科不忝言文學官蹟重看楚
執珪羽翼差池書斷絕乾坤何處手堪携

初歸喜雨有作

五年憂旱日垂枯萬室連阡一粟無老稚化離俱道
殲脂膏竭盡且官租甘霖入夏欣霑足爽氣經時解
毒痛安得嘉禾歲無恙不教兒女拜神巫

立秋病中作

六月中旬火欲流荒齋毒暑未全收芙蓉冉冉霞初
吐桐葉陰陰露尚柔江漲擁城驚伏枕野烟迷樹怯
登樓不須搖落悲先動起視明河夜轉幽

宗良大猷得新居頗以幽勝自適寄贈一首

就舍城隅枕白沙近隣梧竹翠交加晚年詞翰工幽
僻末路交游散狹斜堞外江風吹月上浦西峰色帶
雲遮圖書擁坐車塵絕誰識從前帝子家

徐懋誠親家自督府參軍新擢南都比部員外

志喜

七萃星環萬馬鳴頻年扈從有英聲俄聞寵命傳三
甌甌洞續稿 卷之十一 上

殿特許賢勞試二京法署高臨玄武水故宮全繞鳳

凰城仙班似舊鵷鴻改五夜趨朝夢屢驚

送刑部員外徐懋誠赴南都

九月仙舟下白門江干秋色故人樽才名不忝司空
胤侍從偏承 聖主恩畫直西曹清海甸宵憑北斗
望天關 先皇定鼎金陵重不改千年王氣存

得李寧國書卻寄

言從夔道遠迴車一入宣州倦曳裾閣世幾人諄止
足還家萬事委空虛秣田雨過看驅犢蘭水波平問
釣魚咫尺相過期不定半生離思八行書

奉荅張質卿京兆

千里論文託素書象山雲氣接吾廬看君握筆心殊壯愧我操斤術已踈
註律爭傳唐四傑詞源更遡楚三閭何時鼓枻瀟湘下斗酒窮愁一破除

曇僧過訪留寓蓮花庵因贈

三湘水月過仙踪來自廬山五老峰飛錫遠投青桂社捫蘿親啓白雲封
參禪座裡揮狂象說法潭間度老龍況是能文如惠遠此生那可不相逢

七月十五夜汎舟湖上觀放燈者

佛子傳燈自上方平湖秋色夜蒼涼千蓮驟湧金波

甌甌洞續稿

卷之十一

十一

出萬象齊分寶地光明滅舟前驚幻相飄飄天畔燭空王繞城星月看如書銀漢沉沉漏轉長

讀鄒彥吉羣提齋詩喜而有贈二首

羣提齋語謂忍辱也

自喜歸來結靜緣人間方外不同天驚看秀句成三昧始識降心入五禪
留客旋炊香積飯倩僧時汲慧山泉簪子亦有維摩病安得持齋傍汝眠

其二

一投蓮社萬緣空豈以逢僧更遠公身是宰官憑幻化佛藏精舍儘尊崇
心靜與禪機運彩筆雄爭妙

相工般若臺前盟正如何來徵詔入琳宮

項叔定自永嘉來訪因與出郭泛舟爲長夜飲同徐應時賦得天字

王謝風流二鴈懸君才清切永嘉傳行經吳越牽情遠坐擁湖山發興偏
野樹迎寒凋白露星河倒影浸長天携來斗酒傾須盡莫似空迴剡水船

士兒應試南都寄此勉之

親年衰謝汝方強隔歲辭家赴帝鄉懷土謾馳千里夢選鋒須敵萬人場
垂看劍化蒼龍躍那得珠留赤水藏桂醕松醪秋正熟青袍歸第好稱觴

甌甌洞續稿

卷之十一

十四

寄勉寔寰二孫應試

可是吾家千里駒謾勞鞭策自馳驅書賢並擬同周士奏賦誰能讓漢儒
桂苑晴雲飛五彩蘭臺淑景麗三珠平生意氣登場見匹練升天夢豈迂

秋日同徐應時省先大夫墓應時有作愴然和之

八月湖頭秋漸深含愁孤舫入陰森空山孤兔群相弔落日松楸慘不禁
止渚芳蘭供俎豆西風老淚溼衣襟何言負土門人事相向惟應動苦音

偕徐應時泛舟蓮花山爲逆風所阻歸飲北

謝和應時初

湖上蓮花化作山望來宛在水雲間那知逆浪高
犯遂道孤舟去復還日落簾霞迷咫尺天迴洲渚過
間關携壺且就郊園醉明日諸峰擬更攀

舟夜宿鄭家村同應時醉賦

風起千山日乍昏野烟迴合暗江門長年辟易呼停
棹薄暮蕭條促泛樽波上群星偏照席畔頭三戶亦
成村醉來且伴鳬鷗宿何處漁歌隔浦喧

秋日即事口號

不離城郭近郊村耕鑿尋常送曉昏抱藉未忘莘野
甌甌洞續稿 卷之十一 十五

樂攬袍猶憶漢官恩樽前日日諸狂客膝畔時時兩
稚孫生計只須無凍餒何妨雀綆在衡門

秋夜携具就徐應時齋中坐談

微雨初過月正新滿城秋色倍憐人偶乘清興携壺
至不減窮交裹飯親社結粉榆堪自老盤供肯宿未
言貧因君苦志千秋業醉後談鋒各有神

秋日同李督學民部昆仲宴友直宗侯宅即事

並賦

城隅綠竹蔭清渠半畝芳菲帝子居穿徑俾能偕二
仲登堂偏好坐群書傳來斗酒天漿美醉入林亭野

興舒秉燭更深談轉劇西園高會未應如

中秋同應時飲思素思貞所對月

德星宵聚萬松堂明月中天綺席張露下白榆蟾影
澹風生青桂兔園香樽前河漢秋偏近箇裡關山夜
正長桑梓衣冠情不淺聖名何忝與高陽

賴永生自萬安來見顧璠為北園贈之二首

孤舟遠發遂興城千里風濤總不驚壘畔執經存雅
道河濱講業避時名龍泉自是堪臨敵牛耳何當更
主盟寂寞山齋聊下榻淹留不減素交情

其二

甌甌洞續稿

卷之十一

六

山園松菊半荒蕪避俗論文興未孤客自遠方懷二
刺里名通德媿吾徒林泉取意群芳好魚鳥親人萬
態無風雅久湮誰復振敢言浮海更乘桴

饒黃汝文文學北上謁選

少小時名冠楚才強年落落走燕臺逢人每中投珠
思謁帝猶含抱璞 結綬清朝終遇合分携故國且
徘徊一官末路憑遐邇旅雁傳書定幾回

喜賴永生詩進

在門不少言詩客問業無如汝更與風雨操舟千里
外烟霞假館萬松前沈思漸覺揮毫壯習靜都忘坐

榻穿白首狂夫慚北面祗應持贈繞朝鞭

戴道仲携妾漫遊病卧富口旅舍予聞憐之

十年道客過江湖何處還逢楚大夫向道季生能使
酒偏容卓女坐當壚琴書寂寞時情見風雨淒其旅
病孤興盡迴舟虛訪戴相憐咫尺限孤蒲

送郭太守赴涿州

楚令才名衆所推詔遷畿輔帝恩私雙旌露拂婁
桑樹五馬雲開督亢陂但使閭閻安作息不妨賓客
載驅馳高齋想像楊夫子清白流風是汝師

戴生病久以詩相問走筆訊之

龔龔洞續稿

卷之十一

十七

何事窮途病轉多幾年歸計又蹉跎江鄉有客傳書
至風雨何人餽藥過伏枕未醒神女夢詩成先付雪
兒歌惟應學道齊生死二豎相將奈汝何

送黃博士元甫應試南宮

念汝凌雲氣尚雄携書萬里上南宮官閒自愛青樓
薄賦就人驚彩筆工故里開樽聊對雪長安躍馬看
騰空逢時不少看花伴屈指論才未必同

至前三日對菊

歲晏郊園百卉凋幾株殘菊向誰驕寒分霽雪供茶
靜待微陽破寂寥月令總隨雲物改花神只藉酒

杯招時過不復登尚飲冷藥枯枝與亦饒

喜陶懋中雙生男子

一蚌雙含明月珠靈胎初剖夜光殊聞人次第縣弧
矢保母逡巡結繡襦天上麒麟行接踵庭中桂樹起
連株應從祖甲分先後龍種修途擬並驅

聞陶懋中使君自黃州見訪將至作此遲之

画舫遙從赤壁移津途消息更人馳足音似已臨空
谷帆影猶然隔水湄擬脫敝巾供漉酒旋刊枯竹待
烹葵園梅欲放仍含凍客到先成白雪辭

輓劉伯奇

龔龔洞續稿

卷之十一

十八

素交零落汝猶親白首離居感慨頻萬境看來都是
幻千金散盡未爲貧長生無術登仙錄大夢何辭託
鬼鄰把臂呼君君不起西風殘日倍傷神

錢明府注丹經成寄贈一首

江繞樊山一線長真人紫氣斗牛傍傳書似已同關
令問道何須走瀨鄉眼底風雲都幻夢身中龍虎解
飛揚知君洞悟三元理秘室常瞻五色光

送羅育卿司訓擢諭如臯

千里瀟湘汎客杯一帆風雪廣陵來橫經坐瞰游龍
浦訪古行歌戲馬臺湖海各天懸夢寐門牆是處足

英才詩成不必逢何遜東閣梅花待汝開

介然亭新成卽事

一片梁飛萬石支溪縈九曲漱瀾漪亭延落照行杯
好樹匝清陰坐釣宜夾徑新培雲母竹垂簷忽長夜
明芝過從但許烟霞侶身外浮沈總未知

立春後一日戴道仲自富口過訪一宿遽歸賦
此諷之

途窮歲盡欲何求病後猶乘雪夜舟江上柳條窺起
色樽中栢葉動羈愁常縣故里千山隔虛擬平原十
日留亦解浮蹤無去住依誰更復留龍洲富口有黃龍洲

甌甌洞續稿

卷之十一

元

初春同通侯永年賞玉蘭花

幾日東風放玉蘭携樽挈客雨中看赤城縹緲霞初
歛玄圃紛披雪已殘豈有珠花明洞口翻驚蝶翅隱
林端幽香不斷山雲暮遠樹婆娑興未闌

贈吳洛泉別駕

延陵中古神明胄宗伯先朝柱石名禮樂至今成世
業冠裳累葉自家聲不辭佐郡遙之楚且復登樓擬
望京公暇長筵叨上客同宗異地有餘情

王胤昌太史輓詩

東觀書成啓御筵師臣恩禮有諸賢論思擬就三公

坐臥病何堪二豎遷異代神靈嵩嶽降高名月旦汝
南傳將芻欲往心先折老淚那能及九泉

北園賦贈王柳仙先生

累日林亭興未闌名花種種竹竿竿遊蹤五嶽憑龍
杖古道千秋寄鵲冠洗耳重聞方外語冥心應就鼎
中丹從君不惜行年晚分得玄珠秀可餐

奉荅劉憲使目復問遺

咫尺書從鄂渚移含情偏向薜蘿私三湘弔古誰同
調一字論心即故知結佩尚圖行有贈分金應念酒
無資思君便欲騎黃鶴玉笛猶堪信口吹

甌甌洞續稿

卷之十一

王

得趙仁甫潯陽書卻寄

十年江上幾逢君歎息風烟手易分賴有音書存故
舊何當杯酒接慇懃匡廬染翰峰峰妬湓浦行歌處
處聞適意那知官不調升沉今古一浮雲

舟中望廬山二首

須年三過潯陽不登廬山故有此作

廬山合香俯南州二水奔同九派流浦口烟沙晴浪
捲峰頭蒼翠古雲浮巖棲何處匡君宅野泊頻年楚
客舟自怪陶潛多酒癖東林開社不曾投

其二

少日扶筇上翠微望來翻憶舊遊非橫空石架三梁

險近瀑雲將五老飛影落江湖寒不散氣躔牛斗
相輝鐵船倘許雙龍翼遍摘芙蓉滿載歸

潯陽再遇李士貞民部招飲賦此酬之

湓城隔歲兩逢君氣色真從十畔分漢水懸飛三楚
雪廬峰散作九江雲關梁國計邊庭重弦誦家聲海
內聞興發樽前忘老大淹留中夜歎論文

贈李明叔孝廉

一出驚人國士收長松文梓自荊州論才更與黃童
異抱策先懸賈傅憂高墨詞鋒摧海岳名家經術擅
其襄行逢聖主臨軒問好爲從容借箸籌

龍龕洞續稿

卷之十一

三

初春答友人沈生見問

憶汝聞詩舊在門年來風雅復誰論星霜漸逼狂夫
老湖海虛傳此道尊百里春雲連草閣千山暮雨隔
江村新梅嫩柳期相過好與重開栢葉樽

方叔兼茂才過訪

叔兼莆中人予故人懋藩少參子也頃者還
自粵西迂道過我乞言爲其母壽因贈

海客遊從衆郡還何當枉駕入空山言尋世舊三朝
重不惜川途萬里艱對酒欣聞談雅道徵文急欲慰
慈顏征衣遠帶瀟湘色歸到庭闌便舞斑

答劉寬伯見壽

得放歸來老一丘美人相望數相求百年貧病憐虛
度四塞兵戈繫隱憂紫氣龍淵常自躍黃金駿足幾
時收將詩爲我稱眉壽只似新增海屋籌

寄馮開之司成

留滯周南卧正便俄聞詔起歲三遷詞名反藉謏書
重直道終回造物權秘室絲綸應有託高空雨露不
曾偏橋門北面諸儒集並擬登堂一頌鱣

鞋山

飛來一片崑崙石死在官亭水鏡中莫怪強秦鞭不

龍龕洞續稿

卷之十一

三

去自從神禹鑿難工飄飄碧漢支機穩噴薄黃河底
柱同何代仙人飛鳥過尚遺孤蹟點晴空

重遊白鹿洞二首

曾從勝地結良因三十餘年更問津石室依然雲矗
矗溪橋不改石粼粼諸生侍坐皆新進五老登堂自
故人蒼樹碧苔含古色清遊何但遠風塵

其二

何處招尋白鹿仙千岩萬壑瀉飛泉烟霞自昔封丹
洞竹栢春深護講筵山意欲留曾住客地靈應了再
來緣登臨盡日渾忘老拂石仍操白雪絃

江行兩過龍平不及訪巨源巨源頗以爲望因賦一詩慰之

江上扁舟信往還乘風不及問青山那知稚子曾爲忝只道幽人尚閉關夢寐虛勞千里駕徘徊未解一時顏停杯誦尔聞居賦咫尺烟蘿句裏攀

得袁民部文穀書卻寄蓋文穀入仕十八年始得補民部郎詩有所感

病夫高枕萬山中何自雲霄落塞鴻天遠故人書不斷古來詞客宦難工風塵駿足疲燕市日月蛾眉老漢宮朝野一時憂正劇肯排閭閻效孤忠

甌甌洞續稿

卷之十一

三

廣陵袁先生故守濱州至今濱人廣陵人並祠祀之其子文穀民部索贈

見道先朝子大夫公車對罷遠分符東方父老尊遺像故里賢豪述壯圖宦蹟古今龔渤海儒名伯仲董江都三公故是君家物又見雲霄起鳳雛

漢袁安世家四世三公

華民部信可治饒易州寄詞二首

奉使驅馳敢厭勞天王清切任賢豪紫荊關北胡烽近丹鳳城西漢壘高萬卒行營需戰守四方蜚輓集脂膏知君定下憂時淚夜夜瞻生攬佩刀

其二

黃金臺畔度支郎饗士橫戈成朔方五路輜車分內帑三關戎馬壯封疆元功擬並燕然勒俠氣還同易水長萬里能憐衰病叟無時書札到江鄉

荅向葵卿予許過訪葵卿三年未踐葵卿詩至意頗軼軼且以西域葡萄及吳中三白酒見餉因有此荅

三年累失故人期百里檄書破夢思酒自東吳分玉液果從西域見珍奇招尋尚許狂夫醉述作先傳幼婦詞世外知音殊不忝肯令山水自相疑

喜雨簡徐懷龍明府二首

甌甌洞續稿

卷之十一

三

五月青禾正仰膏三旬不雨競嗷嗷懸愁赤日枯壇社忽有甘霖解桔槔雲葉紛隨童子舞天心響各使君勞北窓卧起涼風至便欲披衣問濁醪

其二

側身憂旱古來聞下邑何期更遇石露禱似携行雨臨李晴天回不假檄星文

管輅

平湖人夜翻新漲列宿無時障黑雲甘澤隨車應未已黃門家茶苦一時分

臥遊室爲朱圖南題

壁間圖画案頭書咫尺遊踪信所如環堵偏藏名岳勝據牀真與古人居河源瞬息孤棹到海宇逍遙八

駿虛卻怪烟霞常滿室由來醒夢幾蓬蓬

得何興甫江夏書并詩卻寄二首

興甫蜀郡人

空谷虛名老自慙美人何意獨耽耽相逢似已叨神
賞莫逆那須借立談握管憑陵三楚勝書懷想像百
花潭看君遠駕無千里屈指誰能左右驂

其二

長卿題柱起成都太史浮湘激壯圖莫訝古人偏氣
象至今吾道有江湖知君欲竟千秋業謁帝先分
百里符入郢移書蠟不老豈應白雪調仍孤

荅梅伯陽孝廉見寄

戲翫洞續稿

卷之十一

三

十載論交漢水濱曾看落筆氣凌雲因知江夏無雙
士不策中原第二勲北道逢人猶黯黯空山問我獨
殷勤江鴻又寄新詩到冉冉明霞五色分

川上樓訪巨源同賦

百里平湖水接天飛樓晴俯萬家烟祇應病客來舒
嘯那得狂生解借眠五月涼風向枕至八窓雲氣遠
山連蒲帆暮趁浮鷗過半是魚船半酒船

夏夜邀呂惟烈與寇巨源湖上泛舟

積雨湖頭新漲平扁舟何異涉蓬瀛中流歌管更相
和近郭鳬鷗總不驚涼月漸從南樹吐野雲遙曳

山行吳姬進酒能歡客老大其如此夜情

得門人曹咸寧書卻寄

憶別黔陽二十年常從夢寐引諸賢俄聞宓子重為
令共道土喬舊是仙比壤風聲傳誦易故人書問往
來便臺臣擬薦循良吏三楚惟應爾最先

門人馬文卿登第後書至喜而有寄

有客雲霄薦長卿一時詞賦重西京可知繡虎名非
忝坐見攀龍事竟成思舊尚馳千里夢題書先寄百
年情何當戮力排時難常使漁樵卧不驚

有感寄謝李本寧大參

戲翫洞續稿

卷之十一

三

中原上駟儘長驅北望風雲接九衢一語飛來天地
變諸艱歷盡鬼神吁詞臣當代誰完壁拙宦窮途自
握珠歸向陽春臺畔卧千秋郢調不曾孤

有聞寄慰陳玉叔大理

深山病叟日龍鍾千里思君雲樹重白日偶聞談市
虎滄洲暫許臥人龍無情漢水吟邊落作意江花醉
裡濃敢向畏途窺出處百年身世一浮蹤

寄慰汪司馬伯玉二首

知君愛弟苦鍾情侍疾臨喪共此生顧影不堪鴻雁
斷悲歌常傍鵲鴝鳴空山洒淚埋珠玉蕙帳銜哀薦

杜衡遙夜凄凄池畔草九原猶使惠連驚

其二

哭弟誰如伯子古故人相嚮遠徘徊連枝樹好天風
折合壁星明海霧粉摧青鳥幾時傳秘景白駒無計緩
泉臺年垂七十流光迅懷抱應須強自開

夏日劉山人公與過訪

避暑空林擬息機何來野服叩烟扉丹丘問道期仍
遠野服于人計已非阮籍佯狂悲失路馬卿消渴倦
思歸貧無雜佩堪相贈長日分甘但蕨薇

醉別子龍方以歸江上憶之

醜醜洞續稿

卷之十一

三

登臺呼酒對名花惜別樽前興未涯濤落瀟湘天萬
里舟迴楊柳月千家翻疑雪夜山陰過卻是烟光楚
塞斜夜半微風吹客醒可堪回首悵蕪葭

寄懷汪仲章加蕪訂過訪之約

憶君飛棹廣陵來不送客三山首重回海色似增詩律
壯江花卻喚旅愁心開還家卧病人誰健隔歲無書雁
自猜乘興幾時能見訪爲留江漢作餘盃

來雲閣爲四義徵題

文園石閣面鍾山紫氣平臨霄漢間洗墨地分功德
水攤書牀倚秣陵關探奇興與高雲迎博物神疑太

古還卻問烏衣豪俊客仙蹤咫尺竟誰攀

程巨源自新安來見訪適予有東吳之遊不值
留題北園爛然盈卷暨予歸而讀之悵悵不能
爲情寄謝二首

千里西來叩竹扉主人東下不曾歸關山握手心相
許雞黍論文願已違賴有林亭舒覽眺徒令花鳥借
光輝不嫌稚子無供給盡日題詩坐釣磯

其二

江懸吳楚客西東挂席參差一水中相望雲山驚是
夢留歡尊酒悵難同春深野老談耕鑿日暮鄰僧問

醜醜洞續稿

卷之十一

三

色空自向松間除一榻那能更待主人翁

萬汝瞻七十

兒童分席傳經術老大居鄉接比鄰漫問此生誰顯
晦回看浮世總風塵躬耕石戶窮相傍采藥名山術
已神七十年來君更壯一瓢仙醴祝長春

贈徐應制

時省祭里居將北上調選

待漏當年謁紫宸漢家刀筆也儒臣未分升斗共王
事先賜衣冠拜老親用世才隨文法見居鄉名與孝
廉均掄賢聖代無方類宣力何慚一命新

將發金陵留寄詹東園吏部

兩過長干不見君乾坤何處好論文
進留尚借三山泊只尺其如一
水分野服昂藏驚世遠商歌淒切畏
人聞移書敢與山濤絕明日歸帆掛楚雲

段郡博汝齡輓詩

造次生徒撤講幃分經環立帳誰依
一官抱病青羶老千里思家素旆歸
雉水孤雲寒自結陵陽落日黯無暉
可憐文酒交歡處惟有齋頭舊燕飛

聞故人葉化甫起官來牧吾州先寄二首

論交惜別自燕臺二十年過夢屢回
解組似聞衰鳳去彈冠真起卧龍來
海濱白髮甘長往天上玄纁寵

旣甌洞續稿

卷之士

无

異才一出定知酬夢卜郵人勸駕莫須猜

其二

詔下安車嶺外馳山城借寇亦何奇
羅浮遁跡終難穩鄂渚論心遂有期
萬室都懸慈母望二天寧爲故人私
知君早負匡時略不忝中朝四嶽推

夏日送譚中翰似閔還京

帝里歸來叩薜蘿傳經猶憶舊西河
十年染翰雲霄近一日彈冠氣象多
促席且傾河朔酒臨岐莫唱渭城歌
明朝匹馬長安道直北星辰照玉珂

伏日苦熱甚口號

老病年來不勝暑今年暑病偏非常
三旬箕伯匿已遠四境陽烏飛太狂
夜起明河掛薜屋朝眠大火焚匡牀
仰天絕叫氣欲盡何處可分寒露漿

聞孟給舍義甫疏請建儲被譴見放詩以唁之

之

見道清朝闕事稀侍臣何自反初衣
一言但可迴天聽萬死無辭犯帝威
殷后元良終不改漢家羽翼未全非
祇今南北紛離亂獨抱深憂向釣磯

義甫還過下維奉慰一首

君恩造次許投簪直道由來罪未深
仁孝千秋天下

旣甌洞續稿

卷之士

三

本乾坤一寸小臣心江鄉入望魂初定
故國相看病屢侵萬里生還天幸足無妨
澤畔有行吟

病中感懷寄王行甫

歸來擬作太平民不道人間萬境新
地稿十年農半徙天災萬戶鬼爲鄰
戈船戍海連營急甲馬征西出塞頻
蜚輓無時思亂切未知巖穴可藏身

其二

病骨龍鍾氣黯然故人那得走相憐
三旬望雨成枯旱每日聞雷過遠天
國難何當南北靖牢愁虛向古今懸
不堪殘暑秋仍毒也我須君白雪篇

江上遇徐行父憲長作

江上維舟事偶奇波間攜手漫生疑
三千里外重歡譔十六年來一夢思
雨過關山樽酒盡天縣吳楚片帆馳
須臾感慨生平見猶似中原並馬時

聞胡民部新誕子尋擢按察副使入蜀喜而贈之一律

奉使還朝解度支十年勞苦帝心知
庭階忽有芝蘭瑞省署新承雨露私
西蜀榮驄馳父老東方弧矢壯男兒
傳家許國心兼重驄馬麒麟自一時

九月八日携具富川門旅舍再送義徵

龍龕洞續稿

卷之十一

三十一

日近重陽菊未開川頭秋色擁輿來
含愁竟暫登高約抱病聊行送客杯
清夜舟維鴻雁渚白雲家在鳳凰臺
抽毫莫漫悲搖落綠橘丹楓取次裁

黃思素昆仲九日邀客登萬松山予病不赴作此寄情

載酒登高興不孤追歡曾少一人無
名山解戀風流客佳節偏憎老病夫
露菊含情秋自色霜鴻失侶暮相呼
蓬居抱影蕭條甚竟日惟應據槁梧

呂氏外甥試周喜而有作

華屋朝來喜氣克佳兒英骨稱桑蓬行占大業追王

父可但詞名似外公文祿繡璫今日試提戈取印書
人同筵前抱弄諸孫集共訝神駒出海宮

送徐幼鯉文學赴京補官

祿養蕭條四十年遠遊仍繫孝廉船
傳經向倚儒臣重對詔應逢聖主憐
戀闕五雲開北極思家明月亘南天
燕昭臺畔千金駿試問何人更着鞭

得賴承卿大參書有感却寄

與君相代守樵川遺愛如君萬口傳
老去嗟無携手地書來重憶剖符年
身存尚可酬千古翼墮何須問八天
歸鴈差池風雪後獨憑山閣望江烟

龍龕洞續稿

卷之十一

三十一

送賴茂永歸安成

累月山齋枕石眠遠庭松菊助新篇
歸心夜喚霜鴻起別思寒催鴈鵝牽
半窗圖書分斗氣一樽風雪悵江天
從遊南郡誰高業吾道東行自鄭玄

江上答張子龍便着見招

白雲芳樹美人居咫尺相憐望未舒
憶自粵西還五馬每從江上託雙魚
正愁難黍期難定忽報羊求徑已除
來往片帆文酒會晚年生計欲何如

得陳儀部立甫書併詩賦謝

一水雙魚帶雪流美人書札下滄洲
累朝通籍遭

明主三世名家自太丘古詞壇高借色足音空谷
遠覽愁無聞老大成虛度手握明珠愧未酬

題立甫白石齋

小築高齊漢水濱移來片石古嶙峋峰含郢里歌中
雪地遠長安世上塵故傷玉沙開氣色將從天柱角
精神怪他五尺靈光吐不數隋侯徑寸珍

癸巳元日即事有感

誰稱七十古來稀七十無聞事事非改朔愁探新賜
曆迎年羞拭舊宮衣憂天湖海心徒折愛日兒孫意
總微悼往悲來生氣短蕭蕭老淚不勝揮

甌甌洞續稿

卷之十一

三

初春三日吳茂文過飲茂文以予七十初度二
千里遠來心竊感之

千里寒江發興偏到來還似剡溪船詩成遠效岡陵
祝病起虛增犬馬年鬱壘新塗開令節屠蘇滿泛即
初筵鄰家夜半仍簫鼓那得相逢不醉眠

人日周光祿良玉見過小集

春回七日始知春百里風光到故人手網溪魚聊作
饌盤分畦菜卽爲辛樽前但惜華年改世外誰驕彩
勝新倚醉談玄君更悟婆娑起舞見天真

元吉君霖昆仲自豫章遣使將詩壽予七十初

度且訂過訪之盟奉荅一首

雪淨春江一鴈寒書來千里勸加餐餘生豈敢稱三
壽有酒惟應對二難佳句遠移青玉案病軀誰授紫
金丹山園卉石含情久望望那能獨倚闌

張進卿侍御自潯陽遣使持贈言壽予七十詩
以報之

病掩松關畫一開陽春何自接天回野人珍重千金
贈信使推移五老來聞樂異時曾絳帳進觴何處不
瑤臺相過未少山陰興春色郊園故故催

芸香館題贈以高以端昆仲

甌甌洞續稿

卷之十一

三

莫向平輿數二龍君家伯仲也詞鋒即看圖史充高
館何取勲名載景鍾辟蠹香浮花氣合種魚經就水
烟重藏身恥作通親表斯學當年石戶農

黃思素贈言工雅心竊喜之因約過齋中呼酒
共賞

老病傷春倍可憐美人新奏郢中篇將無閨室輕投
騁賴有知音未絕絃榻畔一樽風雨夜齋頭幾日艷
陽天歸途躍馬衝泥險且與扶携枕瓦眠

升甫先生暨其子伯凝仲良叔衛三昆玉並賦
七十壽詩兼餽新釀仙酒見賀作此謝之

帝子森森龍虎姿野夫衰晚託襟期白衣走送長生酒彩筆分題介壽詩家學九宗開繼述國風千古屬伊誰當年忝藉梁園客授簡如今賦獨遲

壽用晦六十時予已七十矣

結客南州汝最先異時詞賦客爭傳驂騑向許輕千里犬馬虛慚長十年世外乾坤增浩蕩人間甲子任推遷何當一水爲春酒共指廬山作壽筵

荅費國聘

太岳峰頭紫氣分襄陽道上恰逢君荆人無處堪投璞漢主何嘗不好文歸去郢中仍白雪別來天外摠

甌甌洞續稿

卷之十一

三

浮雲傳書江漢人千里恍惚行歌澤畔聞

丁元甫俞羨長去冬枉弔亡恭人今春重來壽

予七十志感一首

歲暮生芻走夜臺經春猶復念衰頽深知友道同休戚不憚江程數往來伏枕都無人世樂稱觴翻助德官哀河清欲俟渾難定懷抱因君只斲開

荅八長黎明府君實

千里春風送友聲鳴琴好在石梁城江迴建業飛濤壯地接塗山王氣生四顧闐闐俱望歲一時關塞正

憂君國事嬰憂君國事

盧同韶文學赴京謁選

夏衣初換客登途抱策飛揚上帝都惜別懸愁鄉信速逢時莫遣壯心孤匣中雙劍噓龍氣臺上千金起駿圖當宁掄才今更急承恩應錫上方鳧

有感寄田將軍子壽

老去懷人歲易流把詩聊擬接塵遊揮毫大澤爭奇氣建鼓三苗讐遠猷每飯不忘天下計偏安寧解至尊憂只今拊髀思良將那得田單老故丘

徐幼鯤補諭河間寄贈一首

達節詞才少並驅寒穰不讓錦氍毹天迴鳳闕雲

甌甌洞續稿

卷之十一

三六

意

霄近地擁鱣堂海岱紆訪古流風宣雅樂興文聖代起醇儒獻王雅樂董生逢時入奏甘泉賦一驂看花遍九衢

贈丁兵憲

絕塞稱兵後未還使君建節楚江關師陳水陸群兇遠鎮靜江南萬竈閒訪古輕舟雲夢野望京高閣鳳凰山何言未展匡時略一日天威震百蠻

方子翀茂才過訪因贈

年少飛揚萬里遊却從玄岳過滄洲登堂尚執通家禮抱策寧忘盛世憂後學詞才誰伯仲累朝經術自

箕裘酒酣雙倚延津劍紫氣英英燭斗牛

贈葛更生茂才

怪來詞筆少年工高曲先聞郢客風前代洛陽曾賈
誼至今江夏有黃童滄浪池館群山護黃鵠烟波一
棹通幾日招携同避暑涼雲偏起竹林中

贈劉無狀茂才

炎天一雨動微涼有客披衣過草堂年少雅能窺學
府心雄更欲騁詞場逢人何處堪投壁閱世無端日
進觴策足風雲應咫尺可云今日是門牆

郭仰甫見過酒間作

時予七十初度

甌甌洞續稿

卷之十一

三七

方

淫淫雨雪動餘寒短棹江行路轉難為念老夫淹病
榻遠携春色問漁竿名山采藥誰為侶小閣開樽且
盡歡醉後不知來日少還操綠綺同君彈

甌甌洞續稿詩部卷之十一終

甌甌洞續稿詩部卷之十二

武昌 吳國倫 著

稿李 馮夢禎 校

七言排律

永謨劉公以少司馬總戎兩廣喜而有寄

將相才名鬱 帝鄉詔提三校總炎方樓船鐵騎如
雲集組甲瑯戈耀日光象郡旌麾秦并邑羊城臂指
漢封疆陰符夜發諸夷震羽檄晨馳兩越強部下揮
金收死士帳頭銜壁獻降王即看瘴海鯨鯢盡無復
蠻山虎豹藏斥埃豈須傳八桂韜弓只好挂扶桑天

甌甌洞續稿

卷之十二

一

并稿

威一舉南山靖勳伐何慙紀太常

為項郡丞題鶴洞圖

華盖山前白鶴鳴披圖疑聽九臯聲金衣玉羽來綏
嶺霽雪明霞映赤城石室可容千佛坐巖樞直借五
丁擎當溪結屋飛泉冷據榻看天古木平二女雲中
逢采藥群仙洞口待吹笙迂迴一徑樵人識縹緲諸
峰地主盟握手向來知骨異還丹何日許身輕龍湫
鴈蕩無多路便好同君跨鶴行

為冠巨源山人題二餘齋有引

山人以二餘名齋蓋取黔婁妻之語謂無官

有餘貴無祿有餘富也遠來索題贈以長律
彈鋏歸來旋卜居儵然四壁擁圖書詩歌漸欲成三
昧貧賤偏能享二餘村樹幾行依逕曲谿雲半畝入
簾疎披衣挹露閒看竹抱甕分泉自灌蔬原憲心空
無爵祿向平機息悟盈虛襍田不赴隣翁社閉戶時
來長者車但對知音調綠綺肯從浮世曳長裾漢濱
老父耕無恙彭澤先生醉自如吹沫尚看存鮒轍側
身何必隘蝸廬它時倘躡萐萐過莫遣兒童更掃除

大宗伯徐汝明七十壽詩

南極流光大海濱却從初度紀生申逃禪擬出三千

龔龔洞續稿

卷之十二

二

勝

界住世纔經七十春童面豈憑丹藥駐閒心久與白
雲親秩宗禮樂清朝著大雅文章藝苑珍天路駒騰
新腰裏壽筵衣拭舊麒麟由來紫府神仙客卽入青
宮社稷臣卜筭千秋忘蔗境街恩五夜憶楓宸窮交
白首縣相望只向莊園祝大椿

過蘄州遇顧子良六十初度賦此壽之

金馬當年射策同幾回聯轡出新豐還山久集芙蓉
佩招隱重題桂樹叢愧我談天虛碣石多君問道入
崆峒因參易教通禪教遂指玄功作聖功百慮總忘
歸習靜萬緣都盡只觀空此生寥廓烟霄外何物浮

沉色相中鼎息自然三昧火珠光常照五明宮寧論
壽筵齊南極且挾仙流過闍風聖果從來無日暮凡
胎誤自守中蒙何當負龍從吾子采藥名山訪木公

子良晚年好佛道精
內典故詩多及之

郭使君子得輓詩

鄂渚烟波繫釣舟開樽累日爲君留別來尚擬依瓊
樹病後那知賦玉樓仙侶定從霞外結帶居應是夢
中遊千金臺館虛燕士輟曉百騎兒童想細侯郭侯
客有巨卿馳白馬書傳關令失青牛臙脂名似染同
袍淚鸚鵡洲曾含異代愁目睹二龍驤碧漢魂招雙

龔龔洞續稿

卷之十二

三

鶴弔玄丘汀蘭澤芷芬堪薦誰挽長江水不流

丘謙之遊武夷書懷過北園爲予談兩山之
勝且盡出紀遊諸詩示予因憶三十年前嘗有

此遊證以今所親聞儼然兩山復在目也感賦

長律用贈謙之

爲問探奇江海客匡君何似武夷君身披野服青霞
結天關靈關紫氣分卻憶當年曾汗漫至今隨處想
氛氲大王玉女排空立石鏡香爐射日薰千里雄盤
均象軸數峰森削總神斤泉懸不斷三梁雪壁絕常
今九山雲嶽頂封遺炎漢祀壇前碑勒大唐文擬投

蓮社名俱隱更就芝田手自耘赤雉炊羹烟縹緲青鸞飛駕羽繽紛采真莫問瓊瑤島避世應甘鹿豕群若箇高僧談幻化定逢仙侶結慇懃詩成興發磨崖處恨不持醪共爾醺

爲邵麟武司理哭母詩

壯歲投簪奉母歸千金一畧願無違尊羹不減分常祿官錦那能勝彩衣正擬松篁延暮景豈知風雨暗春暉骨寒一寸虞山土腸斷絲絲孟氏機海上已無青鳥至廬傍應見白鳥飛蓼莪慘淡旻天遠護艸摧殘曙露稀執禮未妨吳隱過毀形誰道伯鸞非古來

甌甌洞續稿

卷之十二

四

竹帛懸風教孝行何慚微帝闈

五言絕句

夜泊下陽潭同瞿伯明熊惟遠賦二首

石出溪流緩春深野色偏偶從江上客醉傍渚鷗眠

其二

就野分漁火論詩夜已分曉來風雨惡酣卧不曾聞

題孟孺畫梅

幾點羅浮色蕭疎筆底開爲乘二雪後分送早春來

登均州滄浪亭二首

潭水自清濁山雲無古今荒亭萬里目一寄遠遊心

其二

散步行吟去春陰澹綠郊忽無憔悴色漁父莫相嘲

題張君實家綠萼梅

忽尔厭何資娉婷出異粧卻疑玄圃樹新燦綠珠光

過杜康臺寄王孝廉吉甫

時吉甫

馬上芙蓉轡壚頭竹葉杯風塵誰地主虛過杜康臺

題漆信斯書樓

小閣背長江青山在書案案頭留彩雲爲汝供揮翰

憩黃子登書室

無言室如斗容膝故所安披書走萬象安見寰宇寬

甌甌洞續稿

卷之十二

五

子登留飲即事

永日坐論文松醪出新漉何來兩吳兒遞奏清商曲

夢中題大士居

方引

夜夢在蓮華庵遇友人孫汝章入堂禮拜因

問堂何名予曰此大士居也汝章立請予題

題曰

大士本無居所居隨所現所現亦無有名爲大方便

聞叻甫中丞奉詔復起志喜四首

避謫辭西夏歸耕傍瘦丘俄聞三殿召又抱九邊憂

其二

不掩中山篋那成上將功天王勞拊髀遠略在西戎

其三

崇奏王師捷仍題鬼蜮詩赤心今自見黃口復何爲

其四

分陝才名重還山氣象增清時欲霖雨猶待外龍興

詠齋中盆石四首

盆水插孤嶂居然高以深坐中生爽氣取意弄吾琴

其二

斗大昆吾石飛從西海來精光能照夜常恐數風雷

其三

甌甌洞續稿

卷之十二

六

案頭支雪嶺瑩比玉盤永一片清寒色山齋恐未勝

其四

碧石如星殞光騰勺水波支機何處問疑已近天河

題孔炎王孫辛夷花画册

木華抽粉紅風來異香吐誰知尺練間可築辛夷塲

百結香

以下山園雜詠六十八詠所不及詠者則皆錄之矣

紛披雪滿枝小摘香盈袖宛轉結春情美人難可違

瑞香花

枝蟠綠雲叢花放紫玉色小苑微風生簾帷香不息

羅漢松

淨根托淨土金色批鱗甲一謝大夫封遂依羅漢法

仙掌竹

竹小葉何大宛然人似秋掌雖無漢銅盤清露溥其上

萬年松

古松不盈尺移自太和山寸土連雲植蒼龍近可攀

杜鵑花

柔枝不奈雪紅紫無春妍恰好花初放山山啼杜鵑

鴛鴦菊

不必陶家種偏能奪化工彩文成匹鳥誰得辨雌雄

福竹花

一名紫珊瑚蝶

甌甌洞續稿

卷之十二

七

雲葉披籬根露花何葉葉翻疑紫蝶羣戀戀飛不起

石竹花

纖纖石竹林小作瀟湘景幽花結林梢忽似棲霞嶺

金鳳花

靈種出丹穴爲花亦不群總無仿翼猶見九苞文

金錢花

布地金誰施如錢巧媚人便應持問酒一笑酹花神

水仙花

何曾吞八石每似握三珠解佩遺交甫蟠花錦不殊

甘州杞

鉄幹柔絲條花實冠四國新從馬客移猶帶苦寒色

辛夷花

木筆本初質須臾改豔妝閒來倚樹飲如在輞川莊

葡萄

枯種待春榮飛藤跨山谷垂垂水晶丸釀酒可千斛

薝蔔花

霜條發素華風林香不斷豈伊清淨姿肯爲雜花亂

菖蒲花

仙人九節蒲出水何綽約時吐金粟花可是長生藥

鳳尾竹

醜醜洞續稿

卷之十二

八

文鳥刷其尾化爲千葉竹無風自動搖清響流嶰谷

題瀟湘八景八首

返照明江村漁人半收網將魚換酒歸醉卧烟波上

右漁村夕照

古寺在空山暮雲飛縹緲霜鐘隔水鳴萬壑傳未了

右山寺晚鐘

塞鴈怯霜高連翩下江渚豈無稻梁謀常恐失儔侶

右平沙落雁

江寒暮不流飛雪暗千里四顧無人烟漁歌何處起

右江天暮雪

湖上金沙湧空中玉鏡流可憐今夜月愁殺渚宮秋

右洞庭秋月

夜聽竹間雨朝看淚未收沙頭雲氣濕猶結九疑愁

右瀟湘夜雨

何處峭帆歸乘風迅於駛繞過楓樹林忽渡桃花水

右遠浦歸帆

山市烟火微嵐氣結不散隔谿望居人家張雲幔

右山市晴嵐

送梅僧東還

雲來本無常雲去不知處隻錫如鳥飛隨雲自來去

醜醜洞續稿

卷之十二

九

旅泊潯陽雜詩十首

一葦下江州山川總舊游好乘今夜月重上海天樓

其二

古龍開一水新市集千家岸柳如雲密清涼繫客槎

其三

江平九水合上下風

浪裏看芙蓉却是廬山影

其四

艇子大如刀衝風汎巨濤隻身操兩槳來往不曾勞

其五

蠻婦爭拏舟采采渡湓浦道逢統袴兒豈識蠻婦苦

其六

見道輜軒使驅馳八路通
荒城僅如斗那得諱言窮

其七

三衛良家子承恩食上田
村農苦終歲十室九無烟

其八

估客停關市司農借水衡
豈無憂國意南北又論兵

其九

把酒邀廬岳柴桑亦我家
如逢醉司馬不必聽琵琶

其十

三水夾孤城伊誰稱地主
坐對香爐峰烟飄忽成雨

甌甌洞續稿

卷之十

十

得

過蓮華菴訪中上人三首

叩法來精舍無言手佛書
乃知空念念即可證如如

其二

爲恐迷途遠尋僧大士家
偶同香積飯如觀優曇花

其三

師從東海至猶帶海潮音
潮音不在海而在菩提心

七夕二首

秋生暑不除夜靜仍揮汗
坐見河鼓星盈盈度天漢

其二

中庭望雙星兒女紛自禱
乞巧欲何爲拙哉吾已老

七言絕句

真賦和尚重營佛祔菴

飛揚五老絕東南峰脊誰營佛佑菴
見道遠公曾說法至今龍鬼盡朝參

優曇花老不常開前世高僧去復回
三十六峰天際出峰峰雲起現如來

舟出富口將赴行甫柯山園之約適楊伯海自金陵來見訪遂不果行遙寄二絕

湖上輕帆拂雨開江風卻送美人來
柯山雞黍成虛約不是王猷興盡回

甌甌洞續稿

卷之十

十一

方

江門延佇見柯山咫尺層樓雪浪間
欲往非無呂安駕且隨狂客返柴關

張叔見使君携具北園玩牡丹醉賦二首

小徑從容五馬過山亭一日豔陽多
開來木藥都雲錦醉倚山公奈樂何

移樽共對百花王彷彿吳宮出豔妝
珍重莫教歌舞近綠雲叢裏發天香

贈醫士劉秉乾二首

天台一逕返劉郎采得靈根滿皂囊
不是巫咸傳異寶應逢夏后拾餘糧

寶應逢夏后拾餘糧

集 123—544

懸壺策杖走人間數卷方書早自刪問病不須投五
毒金鵝一葉駐童顏

五月五日仲美過飲二首

輕風微暑應朱明隔浦喧喧競渡聲千古靈均猶可
弔樽前蘭艾若爲情

九節菖蒲五彩絲江鄉兒女漫相遺葵榴艷艷含雲
吐妒殺山堂客醉時

輓友人河夢之四首

風急湖頭日乍昏斗光中夜落天門由來誤入遊仙
夢無復靈香爲返魂

饒醵洞續稿

卷之十一

十二

少年經術起諸生老去漁樵澹物情尚擬飛龍當後
載那知騎鶴上瑤京

處士呈河傍鄂臺諸孤相嚮不勝哀當年問業人如
雨誰爲先生負土來

握手纔憐齒髮稀集荷新製野人衣相看幾日如前
代惟有烟霞護釣磯

富口舟還即事四首

楊樹津頭解纜歸軍山相望五郎磯江湖咫尺分襟
帶幾片風帆夾野飛

雒城遙帶古龍沙錦樹參差日未斜風急榜人歌未

發忽看群鴈起蕪葭

湖水空明月滿舟金甌玉露冷中秋輕帆驟掠群峰
過不及停杯問斗牛

城頭官閣水雲間一夜秋風客又還百里川光收不
盡推蓬猶自見雞山

爲徐茂才伯獻壽其母孺人五十詩二首

龍山西望錦雲翔賓客追趨燕喜堂堂上今儀誰得
似梁家裘褐鮑家裳

謾憐經術未遭逢菽水歡如五鼎供且待雲霄雛鳳
起倚門應拜紫泥封

饒醵洞續稿

卷之十二

十三

除夕程孟孺移寓北園二首

山城風日霽江天客子留歡野趣偏醉入荒亭如舊
館不知明日是新年

嶺梅如雪澹村墟相酒憐人又歲除三逕從來誰主
客可知天地一蘧廬

二日載酒北園飲孟孺

城中簫鼓自喧喧不道春光在北園何物可留詞翰
客紅梅綠竹灑亭軒

拄杖携壺曲水濱夜來風雪如陽春饒醵洞裏婆娑
出看爾臨臆寫洛神

初春同孟孺郊遊即事

草回新綠柳初黃十里春風野逕長村霧水烟相映
帶倩君圖作輞川莊

林光宛轉拂春衣載酒山行興不違竹下停驂梅下
飲酣來緩步夕陽歸

留俞羨長

六月留賓洞室幽未窮三伏漫新秋詩成自掃雲根
卧蕭散何妨百日留

暑夜東羨長

坐驚湘簟即涼時
親祥星盡火珠洞口風泉飄石

甌甌洞續稿

卷之三

古

楊何當夜夜與君俱

題王侍御石沙草堂二首

侍御錫山人嘉靖間按部閩中多得士士至

今思之諸宦遊過錫山者共即御史石沙讀

書處構祠俎豆之御史蓋不朽矣其子彥胎

爲宗題云

八水三山覽壘同如雲門客摠銜哀祇今尺寸延陵

土多少冠裳挂劍來

柱史南巡幾十年祠堂新築海雲邊閩中諸士家茲

頃不獨侯芭解守玄

解佩亭詩四首羨長爲范馥馥索題

問郎何處綰霞裾解佩亭中共校書若箇江妃識交
甫翻疑卓女侍相如

江南才子擅風流買得明珠贈莫愁夢去不知巫峽
遠酣來疑似洛川遊

吳宮眉黛楚宮腰桃葉楊枝莫浪驕書罷黃庭猶未
倦當牕挾瑟爲君調

只訝才郎久不歸瑤華玉樹兩因依騰脂山下雲如
錦尚好留郎結舞衣

竟陵道中二首

甌甌洞續稿

卷之三

古

苑柳絲絲二麥齊春光貽蕩石城西村橋立馬懷鄉

客隔龍驚聞唱竹鷄

輦道氤氳淑氣長翠華曾拂舊垂楊祇今萬戶非湯

沐猶說歌風是帝鄉

簡周象賢二首有引

予過襄將拉象賢同登太和會有傷足之病

不能從感而賦此

五年再上襄陽道地主猶然是故人無奈故人僵卧

久烟花愁殺大隄春

再別陵陽淚未收如何又抱下堂憂誰嗔世路多巇

險咫尺名山只卧遊

贈楊伯武二首

越客浮家遍五湖，慙將一淚灑窮途。
長風鼓棹三千

里，只訪高陽舊酒徒。
累月呼盧醉野堂，深松碧石助君狂。
興來揮翰如風雨，曲水新浮洗墨光。

贈林時茂太醫二首

采藥名山負籠歸，山雲冉冉溼初衣。
尋仙不學壺中隱，馭鶴將從海上飛。

梁王虛勒勸賢文，鴻術由來世未分。
總使方書羅肘，

龍龜洞續稿

卷之十二

七

後尋常工巧不如君

送朱子得出富口二首

秋山秋水澹斜暉，一片風帆拂鏡飛。
烟樹幾重江路杳，別君那得不依依。

黃龍洲畔雨千家，西去樓船疊鼓笳。
無數雲山杯面出，可憐分手即天涯。

初春擬出二送則勸仲美會風雨不果再寄二絕句

幾日春回悵遠遊，極天風雨下方舟。
可憐一水江南北，何處行藏不是愁。

江雨淒淒江樹青，送君猶自隔江亭。
帆欲發春雲亂，去住相看一葉萍。

劉寬伯文學自廣濟來為其母孺人乞表墓辭

旨甚哀感賦二絕句贈之
一帆春雨渡江來，相嚮猶含大母哀。
見道廬居憔悴日，白烏甘露下泉臺。

手扶桐杖叩林扉，雞骨蛟螭色養違。
飲水食蔬哀不盡，夢中猶自拭鳩衣。

雨中賞牡丹二首

木藥初花春已殘，雨叢猶惜殢春寒。
殷紅淺碧嬌相

龍龜洞續稿

卷之十二

七

妒曾似雕房北戶看

幾枝穠豔發丹州，不斷天香繞坐流。
春雨洗粧仍異態，能令滿院百花愁。

雨中賞海棠二首

春色偏妍海國棠，宛然如子醉紅粧。
無妨雨著臙支涇，助我山亭一舉觴。

花萼扶疏護曉寒，一時桃李妒相看。
無香亦自神仙品，醉拾殘紅倒着冠。

雨中寄王行甫四首

萬縷春愁結不開，朝朝淫雨暗陽臺。
門前有吏呼相

至道上無人裹飯來

山園氣候亦清和無柰蕪天風雨多幾日繁花落

盡獨留芳草待君過

無錢沽酒日披書雨後林亭画不如往歲同君垂釣

處一池新種武昌魚

聞道柯山樂事偏四方賓客滿長筵飢餓老子龍鍾

甚那得王猷夜放船

青山

一抹青山萬頃波樵人不斷初人歌停舟欲躡登高

屐東去其如歸思何

鹿麕洞續稿

卷之十二

十六

白虎鎮

鄂縣城西白虎關幾家籬落漢江環時平久不聞枹

鼓猶閃朱旗萬樹間

雙柳夾

岼柳如雲接戍樓天縣二水夾滄洲異時豺虎縱橫

地日暮猶令賈客愁

團風鎮

江水平隄江市開舟車日夜五方來烟花萬井成雲

霧幾處勞歌入夜來

三江口

孤舟落日下江關夜聽江聲逝復還逆浪卷空搖未
壁黑雲將雨過樊山

樊口

樊山遙帶鄂王城山下風濤日夜鳴卻憶謝公開廣

宴千秋誰與訂詩盟

閱叔蒙諸詩喜而有贈四絕句

怪尔強年勇拂衣抱書終日閉林扉可知世外無機

事手握雲霞五色飛

迢遙命駕入山隈白石青蘿氣色開誰道野夫棲隱

處美人偏握夜珠來

鹿麕洞續稿

卷之十二

十九

昔時三謝總名流秀句多從象外搜何意遂孫傳舊

業能令一日起千秋

風流今古一詞場逐鹿爭巢任自強矯足但須追屈

宋生身不忝在瀟湘

吳汝震過訪酒間賦二絕

別君嵩洛十年餘皓首迢遙問索居漉酒烹魚供一

笑路岐何事不成虛

河上爭傳老画師卷頭曾寫兔園詩年來何處逢心

賞猶說狂夫是故知

再送莫崇謙二首

海色氤氲島勢孤潮平仙吏涉蓬壺
接北望形雲是帝都

皓首深山憶舊遊因君忽動遠人憂
經行若過高涼境耆老能無問故侯

詠齋前小山四首

朝移五嶽峙齋前薄暮峰峰吐瑞烟
向子不須勞杖屨真形突兀坐中縣

遠砌雲根屈曲蟠猥墻石穴杳冥看
山腰短樹垂紅紫疑帶神鞭血未乾

參差峰勢欲參天捲幔虛堂紫翠連
忽有微雲將雨靄靄洞續稿

卷之十二

二十

過千巖萬壑擁飛泉

移山便欲擬崆峒赤手須更奪化工
歡殺老夫愚未醒向來虛笑北山公

過六墩視則勸歸觀再哭二首

二麥將黃五柳青高江落日黯荒亭
磯頭共醉人安在獨向烟波弔客星

一時朋好漸離群垂老何當又失君
揔使河清真可俟可禁五內毒如焚

除夜送酒與寅初二絕

入夜山城雨未休誰堪旅舍獨淹留
呼兒爲報年將

換春色盈盈在甕頭

誰家簫鼓夜闌闌不解今宵是去年
分與一樽椒柏味醉時先奪早春眠

聽范生彈琴

怪爾能携玉軫來調絃凄切使人哀
空庭忽訝飛鸞鶴卻是歸風過楚臺

送游宗謙再遊東吳二首

雙棹西來忽又東好遊那得計途窮
逢人但洗鍾期耳楚曲吳歎自不同

說詩何處不知名垂老猶然狎世情
幾日行歌吳楚靄靄洞續稿

卷之十二

三

通一帆春色儘縱橫

贈吳子愚山人二首

禿頂長髯擅技能浮踪千里一行僧
年過六十禪心倦何處尋師問上乘

竹杖芒屨老未停相過十日醉林扃
年來書畫無人識旋讀青鳥相地經

再送子愚還新安

葵水鄣山天子都看君醉寫合丹圖
東還倘謁三天子爲問飛昇事有無

染翰輕如亞帝揮書成片片彩雲飛
逢人解說無家

好只辦青蚨買醉歸

冬日再過雙港橋即事

野屋荒涼二水濱
霜楓片片石粼粼
經過幾日山橋路
不見橋頭賣酒人

雪中招黃思素不至明日以詩見存和二絕

句

雪滿前山酒滿罇
坐披寒色向黃昏
虛聞王子能移棹
無奈袁安只閉門

曉起山堂雪興新
俄聞有客奏陽春
句中猶帶饑寒色
東郭先生豈異人

甌甌洞續稿

卷之十二

三

南康門人黃行甫過訪席間道故四首

玉京山畔早逢君
碧石蒼松坐論文
屈指風烟三十載
夢中携手恨離群

片帆飛度九江來
白首相憐但舉杯
卻問往時三徑菊
可能重向醉翁開

年過五十尚儒冠
末路風雲未忍拚
總使相逢能戀舊
緜袍霜色不勝寒

早春寒氣鬱庭柯
舟似山陰雪夜過
把酒勸君君不醉
將操郢曲向誰歌

北園餞別黃行甫梅泰符醉成三絕

春堤曳杖走山園
旋拭莓苔倒綠樽
水石宜君君不住
相看那得不銷魂

落梅沾石錦成文
修竹當軒翠拂雲
痛飲不知誰是客
醉中携手夢中分

東行哭王元美二十首

隔歲無書到故人
誰傳消息恐難真
春來只怪多妖夢
起視關河獨愴神

江上愁雲黯不開
一靈三入夢中來
呼兒絮酒倉皇甚
悵指吳門轉自哀

七十年臨久閉關
東行匍匐淚潸潸
義輪不駐王司寇
何用連臣老世間

甌甌洞續稿

卷之十二

三

長江風浪接天高
野泊檣烏夜夜號
生死交情泉下識
間關千里未爲勞

兩世通家分已敦
一門師友道逾尊
揭來三冢吳江畔
白莽青蕪總斷魂

蓋元美兄弟子友尊公予師也

邂逅燕京自一時
瓊瑤不及美人姿
玉棺何意從天降
遂遣王喬白日馳

六子中原矢壯圖
脩文地下幾人徂
君今又棄吳郎去
那得乾坤調不孤

把臂婁江送我時
醉縣雙淚不成辭
分明一訣成今

古卻恨重來已後期

元美別予崑山有再過之約且云遲則不待矣思之令人心痛

弁山十日縱歌呼醉裏曾題三老圖中路那知分影

盡獨留餘喘莫生芻

三老圖即元美敬美與予圖之者賴人黃鵠也

哭弟三年淚未乾將書猶自勸加餐可憐千里心猶

熱不道重泉骨已寒

三疏承明罷尚書高風不遜古縣與長安多少輶輶

觀不似生前反故墟

少年登仕飽經綸老作留都八座臣雨露風波都幻

夢悠悠泉路始還真

腹笥便便萬卷餘先賢博物未應如而今縱委泉臺

飢餓洞續稿

卷之十二

三

下猶似新藏禹穴書

左馬文章李杜詞風流一代萬人師遺囊只少登封

草身後母勞漢使疑

餘年北面禮墨陽日手仙經坐道場可是丹成生羽

翼飄然飛入太清鄉

庭堦玉樹起千霄萬石家聲冠累朝縱是九京難可

作詞林千古挹風標

一線冥途判古今逢人何處可論心到來山水渾無

意不必登牀鼓舊琴

東風日送海門潮何事魂兮不可招海上若逢西母

駕可能重和白雲謠

三江歷盡海雲回一片潮生萬古哀若道巨卿非烈

士何人遠託素書來

聞君病臥亦蓬蓬垂死仍遺薄葬書卻信至人無亂

命游魂只合在清虛

小孤山二首

小孤如柱立烟霄障盡狂瀾撼巨潮莫訝凌風飛不

去靈根天植海門標

誰認孤山是小姑彭郎隔水浪相呼不知神女行巫

峽夢裡襄王定有無

飢餓洞續稿

卷之十二

三

采石

采石江頭問謫仙醉披官錦卧黃泉舟人解指題詩

處一片青山萬古憐

青山

山自青青水自深望中佳氣結雲林誰知數畝宣城

宅能使三峰重古今

泊梁山

斷山分峙束江腰一片濤飛兩岸搖日暮海門雲氣

黑酒家呼客且停桡

烈山

烈山疑自二孤分千里空江隔片雲萬立不隨波震
蕩金陵王氣此氤氳

瓜步

蜿蜒山脊起橫空赤石蒼巒海氣通禾黍半荒漁釣
集那知前代有行宮

方山

名山斗削抗青霄海上方壺近可招我欲登之觀四
極梯雲先躡鳳皇橋

橫山

不斷山橫萬石隈昭明何處讀書臺荒秦古路無人
甌甌洞續稿 卷之十二 三

識惟有空門舊劫灰

張進卿侍御宅夜宴贈歌姬十二首

絳燭高烧錦席開青娥翠袖捧觴來歌闌更誦靈光

賦那得狂夫不醉回

桃花爲面柳爲肢抱瑟調絃度曲遲如殺門前九江

水月中分作影娥池

金縷歌殘夜未分寶花新障玉爐薰堂中亦有知音

客誰好當筵覓紫雲

紅兒舞罷雪兒歌柱史留賓奈樂何却咲當年馬南

郡麗人虛說帳中多

素腕纖腰不奈春却教明月損精神天台路上逢難
偶姑射山頭識未真

金屏繡幄擁霓裳彷彿吳宮響屧廊掌上飛來塵不
動何須更屑水沉香

春深庭樹綠雲齊障外無情月漸低髻墮不勝垂手
舞釵橫忽作捧心啼

疎星漸墜百花間猶有香風送珮環千里誰移神女
峽飛雲片片遶匡山

越女吳姬態總新閒將歌舞駐青春潯陽不是桃花
渡一轉橫波惱殺人

甌甌洞續稿 卷之十二 三

新聲屢變續陽阿送態流情美盼多只恐雲衣牽不
住隨風奔月化嫦娥

援抱促節應筵篴永夜飛觥醉未休自古佳人難再
得主君何事不風流

夜深移燭改新妝四座驚聞百蘊香自信曲終無一
誤時時偷眼顧周郎

至婁東再哭敬美四首

王家伯仲總仙才海畔參差掩夜臺獨有文光埋不
盡詞場千古使人猜

登場諸客避詞鋒不說雲間陸士龍偃卧高原還似

醉何須更覓酒泉封

異時曾草哭君詩掩卷淒涼可自持白馬西來君不見愁心一片海雲知

誰言澹圃似西州水石分明載古愁只幸諸孤傳舊業不教身後減風流

婁江晚泊與叔嘉同賦二首

岬樹蒼蒼隱落霞千門夾水半漁家候潮館吏邀停棹且共銜杯待月華

婁水縱橫夕照殘崑山偏好月中看怪來白壁無光焰海上群星箇箇寒

甌甌洞續稿

卷之十二

三

舟過婁江憶與元美醉別處有感二首

江干分手八年過山自雲烟水自波只惜重來虛指顧呼君不起奈君何

把袂酣歌解纜遲夢中何處覓當時無情獨有婁城塔影落寒江動客悲

贈庵僧性果

余久不見性果偶見而問之荅曰山中乞食其機直類禪家語因贈以詩

湖上清秋道社開孤蹤何處使人猜披緇捧鉢如飛鳥爲道山中乞食來

醉後步過應時宅索酒再飲

醉態婆娑興未央扶携又過此君堂更添卮酒消長夜合是乾坤縱老狂

詠斑竹詩筒東應時二首

湘妃竹子截爲筒元白詩工器亦工不是先傳三昧法誰能字字入圓通

此君文彩故斑斑腹裏藏詩解閉關只自納交徐孺子唱酬來往不曾閒

晚菊

晚菊蕭條傍短牆虛疑十月又重陽北風吹雨寒相

甌甌洞續稿

卷之十二

三

弔送酒無人且自觴

同應時思素過銀山廢寺郭慈德携酒相勞卽事五首

連鑣出郭訪名山棟宇前朝想像閒賴有故人能載酒露林雲石儘追攀

山藏古寺寺藏雲白衲巢栖鹿豕群廣殿長廊何處覓并烟猶似石鑪薰

鐘磬無聲客自過巖泉細細灑藤蘿誰知宵地荒蕪盡石影猶然像達摩

空山寂寂禮空王乞火親焚西國香白象青蓮荆棘

裏諸峰夜夜吐靈光

寒潭空澈寫禪心萬劫山靈自古今何物風流蘇學士留書鐵壁在叢林

送醫士蔡汝洽暫還臨川

一羽歸帆雉水開乘風飛過豫章臺爲言學得長生術靈谷山中采藥來

雪中訊通侯永年

六花飛舞趁迴風一片寒雲萬里同惟有仙人能度世酒酣高卧藥珠宮

荅通侯永年留別

甌甌洞續稿 卷之十二

三十

纔從伊洛遇浮丘訪我來登黃鶴樓酒罷又騎雙鶴去逍遙何處不神州

直甫宗族新得山東釀酒法酒熟先送一樽飲

予賦二詩謝之

江上移樽雪夜開麴生風味使人猜那知釀法傳齊客直訝青州從事來

栢葉椒花媚蚤春君家新釀倍精神分來一瓮溜渾

色不醉齊人醉楚人

送金幼龍還海陽

九疊雲屏障九華風江飄忽過仙槎登臺漫指天都

境萬壑千巖紫氣遮

只訝遊踪隘五湖歸心無奈楚雲孤還家更作求仙計白岳從來天子都

孫兆孺山人輓歌四首

三代詞名七澤傳行吟憔悴老猶偏乘雲化作湘靈去何處青峰不可憐

憶過屏陵舊草堂渚官明月照飛觴今看攜手酣歌處惟有君山送酒香

酒香即君山名

木蘭舟楫菱荷衣千里浮江問釣磯一醉十年成隔世別時應是夢中歸

甌甌洞續稿 卷之十二

三十一

兒郎匍匐漢京回多少名言諫夜臺只恨天傾雲夢野鳴環張樂總堪哀

寄廖珍之徵君二首

江村高卧不知貧翠竹青蘿蔭四鄰但與兒郎分五斗誰能老作問津人

不到山居又十年雲林水石尚儵然鴻書忽帶清秋色一片愁心江上傳

送邵子俊還鄂渚二首

送邵子俊還鄂渚二首

辟暑郊園百日過山雲湖月飽行歌宵來一雨迎秋至遂放孤舟返薜蘿

片帆西去武昌城江上秋鴻作楚聲白首無家踪不定一樽聊結布衣情

北園逢使寄懷張羽王二首

偶過北園看種樹恰逢西使遠擔簦懷人句就書桐葉欲寄蒼梧思不勝

憶在山堂取醉同題詩爛熳石林中不知別後詩多少好寄明年七十翁

中秋夜見月自傷二首

歲歲中秋賞興偏醉歸猶及問嬋娟那堪今夜愁千結只隔明河又一天

醜醜洞續稿

卷之十二

三

一失同心夜夜哀看天此夜更徘徊虛疑月下魂能反卻是雲邊鴈獨來

贈徐維志山人三首

白鶴山人只在山人傳仙跡遍人間鞭龍叱虎神州過又向雲中跨鶴還

錦囊消息定何如歸校仙人玉笈書月下相過疑雪夜何妨十日醉吾廬

命駕空山訪薜蘿東歸仍唱白雲歌樽前恍惚鄱陽景秋水長天一雁過

鄒惟誠重來見問便往白下訪故人聊賦二絕

句贈之

一別重來十六年山城依舊館人遷當杯莫問餘生事雲滿高齋雪滿顛

西來東去一江寒兩岬霜清萬木丹何處解衣逢故舊行歌好與醉長干

贈李子和四首

叱虎鞭龍日未停問來自注錦囊經年過七十渾忘倦或恐前身是歲星

索帶綸巾薜荔衣看山來往忽如飛於今帶月廬色似欲騎雲返舊扉

醜醜洞續稿

卷之十三

三

儒書讀盡耻千人策杖名山去采真一遇異人傳秘訣始知方外有玄津

小小常從五老遊天邊紫氣不曾收談玄坐我醜醜洞何似神仙聚瀛洲

元口送酒與劉生二首

病起逢春不耐春無端春態隔城新呼兒旋漉麴蘇酒少爲劉郎佐五辛

一夜條風暢物華怪來羈旅不思家白衣送酒梅間飲猶勝東籬醉菊花

送謝先之赴南雍二首

高皇息馬幸南雍壁水千秋照六龍
汝向橋門詢故事 聖朝更老自儒宗
雞鳴山繞頻宮開受學英賢天下來
三舍只今絃誦滿論文先屬世家才

鹿巖洞續稿

卷之十二

三

三

鹿巖洞續稿文部卷之一

武昌 吳國倫

渝州 馬攀龍

碑文六首

平建越碑

萬曆十四年丙戌司馬中丞宛陵徐公奉 制討平
蜀吐蕃業已奏三城之捷會建越二夷起構亂藩臬
諸大夫請賈餘勇圖之公從容曰余豈一飯忘建越
哉顧念蜀多役民甫息肩又谿箐深阻機難踰度不
敢不重發然圖之此爲時矣於是謀諸按部使議且
鹿巖洞續稿 卷之一

畫一乃 上言請討其大畧曰臣所部西土土人不
靖非獨三城有吐蕃也瀘河之南印池之東亘千餘
里諸獠夷雜居由秦漢以來不受彌自我 高帝傳
檄下之始奉要東顧世世稱蕃臣因置六衛越萬諸
處而設行闡建昌控制之已又勅憲臣一人居中治
兵蓋有深計焉頃二夷不逞大爲諸邊患在建則二
咱負固奸 王命在越則黑骨夷以讐殺始禍流毒
軍民且相望爲左右角以抗官兵罪在不赦臣有荷
戈之責不敢避選事名而不以請願藉 皇上威靈
爲蜀久遠計使臣得便宜從軍興一舉靖之臣不勝

大幸疏下大司馬議可公旋請於天部願得文武才
一人治兵虜不足破也天部推擇嘉陵守周君光錡
應之公遂徵天全刺馬諸土兵益以牂牁犍爲諸材
官關士得一萬八千人而以都督將軍李君應祥帥
之參將朱文達將左軍佐以裨將滕光國遊擊邊之
垣將右軍佐以裨將王之翰周君適解郡符趣至公
大喜以一切機事屬之而總餉則大叅周君嘉謨稽
功則少叅李君士達分道食土則閩帥宰調元別駕
丘一奇並受司馬公密畫以行周君乃先諸將馳叩
邾阪問漢孔明出師故道刑牲渡瀘時諸路兵未集

甌甌洞續稿

卷之一

二

而黑夷方據相嶺建夷日擾禮德二所出沒鈔劫閼
絕我聲援又夷黨安四兒煽亂城中戲刈戌者頭而
爭洩之時時遮殺過使道上旁若無人筇竿川原人
盡怖急鮮生氣會周君單騎馳入行間密設疑以嘗
相嶺賊賊恐退保桐槽明日奉司馬公令宣布
朝廷威德天戈所指意在誅首亂以紓邊畔而脅從
回嚮俱待以不死因密伺難端得一二大獍爲夷內
訶者捕論誅諸夷聞風稍稍震懼已乃移檄龍湖沈
黎按兵扼間道勿動尋與李將軍禡牙越嵩分布文
達攻河西當五哨之垣攻桐槽當大哨卽以其冬十

二月甲子夜傳發馳三百里鼓譟渡河殊出賊不意
丙寅之垣兵先破桐槽凡三戰大哨敗遁而五哨尚
據險迎敵文達兵夾擊走之而圍之旄牛山是夜撈
槍星實軍中譁曰天亡虜也夜半五哨果潰圍遁與
其死黨安守合明日謀夜襲將軍營偵至則將軍密
徙他所而以裨將楊師旦提新調刺馬兵當之此賊
千騎載燧至見大營已拔所遇衝突皆悍悍裸軀知
其爲刺馬兵銳不可敵遂自驚擾相蹂踐死傷大半
時丁亥三日也我兵乘勝深入蒐薙諸巖崗俘斬不
下千人建境稍定獨二哨連未獲司馬公移鎮臨邛

甌甌洞續稿

卷之一

三

楊煌

責問諸將吏師出五旬大愆無一授首何以故諸將
吏惴惴失色益矢心力而前聲言益饒萬石爲久
攻計賊乃大恐五哨走摩娑番與守復合諸將議必
先破守而後哨可得顧守黠詐深壘不出三月庚寅
將軍計以裨將田中科部散兵六百人餌之而大軍
悉西嚮圖五哨守果易中科兵寡弱謀出銳兵夜襲
其營將軍謀知之陰遣材官高逢勝部歿士三百人
從間道疾趨伏中科營守至伏起大敗之斬守馬上
而獻其刀甲甲飾銀繡雙龍刀刻五星文蓋酋之最
豪者甲辰之翰兵破大孤山生得阿弓等七大酋戊

申禽五咱於昌州四月甲子文傑兵擒安四兒等四
大猾於西番因繫其家并得陰賊張煒趙應宣殪之
而大咱窮蹙走普雄丙子之翰兵攻普雄急得大咱
射殺之是日文達攻南箐之垣攻桐槽盡犁其巢柵
破之俘斬無算黑骨幾無遺種於是印部酋來獻其
所匿印而四堡七枝諸酋長各率所部來乞降並釋
去惟廣洪番罪在必問屬之翰擊破之時六月既望
振旅渡河蓋是役誅叛夷種落四生縛大酋長十載
而獻者七獲諸小酋五十有七上首功二千有奇収
降者三千七百有奇奪印部印一奪鏢鉞弓刀甲盾

甌甌洞續稿

卷之一

四

煌

旄牛策馬焚燹壘木樵礪房不可勝數且約大小三
十餘戰皆完師而出入山隧下潦上霧無一卒犯瘴
癘離蒸濕而稱病者豈盡人力哉天實贊之矣露布
所過道路歡呼稱千百年再造不則建越非蜀有也
於是司馬公郊勞諸文武將吏曰公天威也士
用命也將吏何力之有焉司馬公曰帝神武也將
吏勤事也軍府何力之有焉夫軍府讓大功不居而
將吏以下皆讓其由行古人之道乎乃諸將退而請
於周君曰古者明王伐不敬取其鯨鯢而封之以爲
大戮於是乎有京觀單襄子亦曰蠻夷戎狄不式王

命遙涵毀常王命伐之則有獻捷王親受而勞之所
以懲不敬勸有功也今二夷罪浮於不敬而軍府寔
奉王命討平之卽紀勞彰大戮用示蠻夷久遠曷
嫌於自旌彼鏤燕然石而標銅柱交趾者豈盡侈乎
周君領之諸將因礪石介丘別駕馳數千里致幣山
中屬余碑予嘗頌采薇之詩六月出師及冬而還故
始曰靡室靡家不遑啓居卒曰昔我往矣楊柳依依
今我來思雨雪霏霏夫建越之師冬往夏還適與南
仲期不爽而將士之室家啓居與若所經雨雪楊柳
諸艱勞司馬公蓋深念之不欲攘其力以爲功甚盛

甌甌洞續稿

卷之一

五

昌

德事乃猷猷於襄而南仲赫赫之名與天壤不朽豈
無徵而傳乎建越於是乎可碑矣銘曰於赫上帝祚
我皇室八遐來庭輶譯貢職咸戴嘉祉罔敢不式
蠢茲印醜負隅猖狂矯誣自擅彪闕鴟張侵敗王畧
擾我疆場司馬征西請奮其旅鼎士虎臣響從所舉
聖德宣威深入蠻閩天鎮所加遠邇震怖顯優元慈
潛刊內蠹四部一空諸酋悔悟苴蘭作焚累疊角崩
乞降受黜交臂矢膺問弔之師若時雨興凱還蜀都
歡呼盈耳鸞叢可宮鳥道如底椎牛饗士捷奏
天子龍顏嘉悅盟府書勞介圭列壤五兵其貽勛震

西土聲流不毛文武爲憲其孰贊之曰周與李勇魯兼資儒林將種並峙西岷峨造天巴江旦地按堵莫居亭不再燧樹茲豐碣以永千禩

張侯迎恩亭碑

迎恩亭何州父老思張侯而亭也思侯而亭稱迎恩何侯不欲有去思名稱迎恩以避之也然則迎恩何義初侯令鍾祥屬察舉行能高等擢守吾州未一年而恩詔下褒邑績也又三年而恩詔再下褒州績也並得貤封其親進郎官爲大夫諸父老兩從侯迎恩西郊蓋人人喜色焉謂自建州以來未覩此

甌甌洞續稿

卷之一

六

卽謝完

異典而亭且翼然當其處名義豈無取爾乎非父老意也侯旣擢武昌郡丞去踰年諸父老猶依依亭下將謀尸祝侯會侯奉檄行縣過進父老而謝之曰予實不德守土五年無尺寸以裨父老父老不以爲厲幸矣今雖以父老之靈託跡大郡而州猶吾部也奈何使予獵過情之聲冒守官之禁晏然享俎豆以疑上下觀聽徒重予不德乎諸父老乃勉從侯意奉迎恩之稱大書扁其亭因礪石乞碑吳子吳子嗟侯有遠覽不樂邀近名又踰年始爲撰次而碑之侯故涪陵名家予嘗爲其祖若父作傳誌知其世德百年而

厚發於侯出必大爲世用比侯入觀奏績州士人

亦嘗兩使予執筆爲贈言諸清節惠政業已纒纒別牘不復敢爲諛辭乃今佐郡未二年頌聲在路薦言盈廷中外想望侯者日益衆安問州父老而以一石爲重輕顧父老之情久而不懈其非有爲可知也稗官野史猶足以寓風謠備觀采侯雖善避名能盡掩其實乎故曰無根而固者情也無翼而飛者聲也予觀侯刺州時政寬而不貸惡法飭而能矜愚尤樂與人自新而不計其舊蓋用德禮長者之道臨之大要與黃次公龔少卿同風及其遷去無論諸父老遮

甌甌洞續稿

卷之一

七

持繼重

道泣送之卽侯所嘗撻發榜掠而號大猾者亦莫不流涕哽咽如失怙恃此何以感耶異矣異矣夫父老以遺愛治亭若所謂吏畏其威民懷其惠志不忘侯也侯以迎恩易亭名若所謂聖主之德非小臣之力志不忘君也庶幾上下交相成哉在昔蜀人祠文翁交人思何武燕人社樂布其爲去思與州父老同而迎恩之命名獨異予故曰非父老意侯意也竊計父老之祠侯當在累遷之後侯豈能終避乎侯諱仕可字叔見起家鄉進士亭三楹繚垣四週皆陶埴爲之門暨綽楔堅麗爽塏庶民過而低回其前則張侯儼

然臨也而始終經營其事則予兄國典國化者民會一鸞三老也餘不盡列勒在碑陰銘曰

英英張侯綜今獵古奮迹岷峨策名天府作宰

帝鄉以煦以撫陟刺永興不茹不吐膏我疲民腴我瘠土枹鼓不鳴萬室安堵五稔於茲瞻依父母民之悅之式歌且舞 詔丞武昌凡三仕楚民之思之曷其恃怙衆心成城乃建亭宇遺愛弗忘斯仰斯俯侯不自賢功歸 聖主嘉命重臨者孺快覩迎恩易名措躬僂偃讓而彌光豐碑斯豈豈第循良爲世儀羽詎予一陬重若珪璋

甌甌洞續稿

卷之一

八

重

大中丞世忠邵公生祠碑

公餘姚世家嘉靖中公之先大夫嘗爲昭武太守旣去之數年昭武人思而祠之予承其後蓋得俯仰祠下儼然奉遺像視已成事爲後事師暨予以大計入京公適舉進士每相過以祠事見問輒愴然泣下曰先大夫冢木可材矣其後公由中秘爲名御史薦歷廷尉拜大中丞出鎮南贛所至威靈澤流風業光美赫赫負公輔望頃又自宅憂 詔起開府我楚邦予從山中聞之舉手爲父老賀此天閔楚困而以公賜之楚人更生哉夫楚故瘠壤也列郡十五分州邑三

百有奇介在八省之中山川阻深道里遼遠當天下大勢五之一又 龍飛郢都爲 先皇帝鄴錫鑒益

重諸藩封雲布羽衛星羅且西有三苗二酉之壤東有長江大澤之虞而中丞臺寔紀綱之非有忠猷遠畧未易制也至於窮陬僻谷功令所不逮部使所不經則德意壅而不盡宣民艱閔而不盡上吏治混淆而不盡覈在平居已多隱憂猝遇兵荒則四方不逞之徒響應竊發所在輒議增賦餉之百姓益無所寄命蒿焉忘其生業而有遠心今天下稱困急而難之難者宜莫如楚矣公之入部也適當其難首下諸司

甌甌洞續稿

卷之一

九

分布 詔令巡行郡國進老更於庭降顏問疾苦已乃張設條教風厲守令以下與民休息已申考課法右蕪平而左精悍去泰甚而不責苛細旋罷不急之役汰無經之需歲省不下數萬緡已勅所在繕城郭聯保伍序模構用戒不虞會卽鎮之譟甫解而反側尚多不自安公捕得始禍者數輩請誅之餘置不問卽始帖然歲旱公從吏民雪不遑寢處穀價驟貴公用平糴法伸縮濟之比歲又大旱公不勝其憂請留漕糧備賑乃勅所在糜餼者而粟其老稚者所全活不下數百萬衆宗祿不繼公感然曰此 祖宗朝所

親愛而富貴之者也可坐視其一日不甞食乎因檄諸司稽帑羨數歲逋以時共之又稍稍分俸以佐不給未幾大盜起宿松據長旗山出沒鈔劫顧松雖畿邑而與我斬春黃梅二竟互為犬牙以故二竟人皇皇持兩端或畏死而欲從亂或畏罪而欲守死遠邇驚怖川陸並梗公聞變疾馳至黃州與兩兵使坐策曰此亡命小醜烏合為亂不足圖第兵貴萬全有如一而攻之賊不東逸則西蹂東逸則震留都諸陵西蹂則震荆郢諸邸亡論繹騷我土地糜爛我人民保釐之謂何矣遂約會留都周中丞提兵夾攻之賊

甌甌洞續稿

卷之一

十

即楚

果自潰而渠魁劉汝國等悉就禽露布所過歡聲震山谷公乃郊勞將吏已但上書告事而不獻其功主上益嘉悅之賜以兼金文綺亡何有詔召公入內臺秉法紀董正百官公且戒徒而北過斬斬父老遮道願留公吾儕小人徒以饑饉餘息微福於天藉公天威出水火而就衽席安矣藉今天不可再幸微公其誰更生之會聞南臺御史有為楚人請留公再鎮而不報者乃相顧涕泣以御史之力不能得公何論小人公行矣願千歲無恙小人第當歸而尸祝公踰歲斬諸王侯鄉大夫父老子弟聚族而謀生祠公且

礱石麗牲期世世報功德而使予文之予作而嘆曰斬人之役全楚人之心也即斬安而全楚安公之功德大矣以勞定國祀典有之豈石相繼公血食一隅者比哉竊又謂公家兩世三十年父以循良祠閩子以保障祠楚俎豆相望金石流輝古今盛事指不可再屈殆所謂忠猷遠畧之效也祠在斬西南半里許與襟江樓浮玉亭鼎峙寢室四楹饗堂三棟翼以丙舍闔以重門介石為階陶埴為垣俯大江為湯池引羣岫為列戟巋然一京觀也公於是乎不朽矣而經紀其事則州牧徐希明銘曰

甌甌洞續稿

卷之一

十一

蔣

衡和轟轟江漢湯湯雲夢七澤鬱為帝鄉四封八表宛在中央險阻繇邈既大且疆天灾叵測土脉膏盲旱潦頻仍疹癘踉蹌道殣相望四曜無光雖有子遺匪厄則僵冠蓋絡繹孰軫如傷帝眷南顧簡在忠良爰命邵公重鎮荆襄宣威布德殫力勵勦察肩求瘼籍奏流亡風厲百職捍患彌荒內奠公族外靖疆場暴躬露禱轉灾為祥胡爾東竟斥堠倉皇一夫揭木羣醜跳梁驚我士女窺我葢藏公也赫怒六師奮揚既攻其心載搃其肱罪人既得凱奏鏗鏘捷聞天子爰錫褒章俄奉嘉命入侍嚴廊嗟嗟楚士

依戀徬徨銘功頌德乃築斯堂棟宇宏麗俎豆芬芳
祝公壽考百福穰穰俾爾孫子寢熾寢昌豐碑昭揭
永大勿忘

韓公攝政碑

晉勲韓公起家進士初授鄧子理未幾奉其尊人諱
以歸廬居三年改理吾鄂其理兩郡不獨治獄平而
清聲流江漢間為三楚廉吏冠諸屬父老蓋跂足望
之矣會吾州長吏入計兩臺使謂公曰州民坐塗炭
極矣微子其孰起之於是公捧檄來攝州事至即宣
布兩臺使教令矢諸明神與諸丞史與隸約莘野一

甌甌洞續稿

卷之一

十一

陸

介關西四知不佞自為儒生佩服之矣今且竊祿受
事有如不愛簞簋而以一介于四知請得聽若鳴鼓
即不鼓而道路以目吾獨不畏明神監乎若屬其亦
改圖毋復崇奸稔惡孰敢吾法而魚肉吾民有之亦
明神之所厭也請得操三尺按之不汝姑息已又與
諸鄉正里魁約不佞知父老患苦苛政久今願一切
除之與若休息禁追呼緩詰捕使若得遂其生殖保
有室家與閭里相守望備非常其益戒器訟謹蓋藏
毋通正供毋行文罔使不佞得效鳴琴卧閣與古人
同風拜父老之賜也不則非吾良民吾亦不得私庇

之諸慄慄受約公又寡嗜欲簡輿從節供需水泔食
疏即薪米魚菰諸纖嗇小物不以俸易之不入其解
行之一月而通國信三月而比屋安市不飾賈野不
輟耕一卒不出郊一儉不入境訟者悔罪輸者應期
諸左右巨猾皆號虎而翼蛇而足狐鼠而城社者悉
憚公廉威宛舌屏氣一無所肆其毒於是農歌於野
商謠於市士相賀於塗女相慶於室莫不謂韓公吾
天也而粹白之操則冰玉也而慈恤之政則乳保也
而摘發之神則照膽鏡辟邪珠也安得州人常戴此
天平會兩臺使有所咨問公公當趣駕暫徃父老皇

甌甌洞續稿

卷之一

十三

并序

皇然惟恐公不復來相率遮留公者數千人或塞其
帷或捧其屢哭聲震於山谷公亦為之泫然嗟乎異
哉公攝政甫三月何得民之速乃爾而民又胡為謬
致其情哉客有曰水濁則魚困今苛則民亂今公出
州人於困亂而席之平寧不啻鋪饌而飲喝也即一
日見德矣何待三月古有攝魯三月而化行攝齊三
月而政令一者公豈其徒也晉叔向亦云良吏所居
民之德公殆不可以久近論淺深也嗟乎異哉客得
之矣父老既送公而猶戀戀不舍因謁予曰吾儕小

人自兒齒以及黃髮所見賢能吏不少至欲如我韓公約已稱真廉牧民稱真愛則百年來一見也豈獨未見即父老所傳郡乘所載不知幾千百年未之前聞也夫以三月之間而遺千百年稀遠之蹟是尚不可紀乎予唯唯退而紀其事將碑之適公反駕諸父老之最高年生平不見官府者數輩趨迎公因以碑告公謝曰父老愛我而浮譽我奈官常不可何已又過予力謝之予知公謙讓不遑姑不敢強乃公又得代去且三月餘父老初情亟亟不可遏碑告成矣公名魏晉勲其字魏郡東明縣人諸父老列在碑左

甌甌洞續稿

卷之一

西

意

明相國呂文簡公祠堂碑

按公姓呂諱調陽字和卿別號豫所起家桂林嘉靖甲午中粵西鄉試登庚戌進士一甲第二人由史官歷司業祭酒官詹侍郎大宗伯仕至光祿大夫柱國少傅兼太子太傅吏部尚書建極殿大學士累贈曾祖以下三代祖妣俱一品錄蔭子弟凡四人至萬曆戊寅十疏乞骸骨歸上賚予殊厚且遣御醫視疾行人護行踰歲抵家越庚辰元日薨於正寢訃聞上悼之輟朝議卹賜祭十一壇追贈太保謚文簡遣官行營起冢儀章甚備朝廷恩禮大臣未有加於

此者其子興周輩因建祠饗公而奉公生前累受誥勅及身後所膺贈官誥命御製祭文並勒豐碑用彰主上恩德光延俎豆澤沃泉壤公之為桂林重不啻九鼎大呂矣乃楚興國之大冶縣為公先世故土而五世以上祖家壘壘茅潭里中有司為禁樵牧過者無不改容下拜曰此相國里也且始封一品是曰鑑祖非即由楚而戍粵者乎其澤未斬其游魂未必不依依故鄉況公每懷五世及周之義由鑑祖及公才四世耳公嘗一過茅潭展墓叙族而與里人交甚歡已又治第州城親為其季子興武議婚開產業

甌甌洞續稿

卷之一

十五

端

將遂以州為菟裘計甚深遠海內士所共聞也夫桂林特公家徙戍既脫一借公重遽使全粵為名都而家廟邑社蒸嘗歲舉里人乃不得望而裡之奈負公之靈何於是父老因諸士大夫謀於國倫國倫以告郭令達達曰盛典也願身任之旋請於韓太守濟濟曰盛典也願力贊之蓋守為公所舉士而令則國倫門人故議不待更端而定役不待持久而興事之所由舉也蓋有會焉令既相地於縣北里許後負西里山前臨車馬孔道於是捐俸慮材誅茅測景建堂三棟而即以神櫛居其中乃布露臺除甬道營緯楔為

門繚以垣堵塗以丹青夾植松桂諸木翼之門左方
爲守祠者廬而又買地若干畝附祠左右歲可得數
金爲春秋二祭資又礱石以待碑者士大夫若向僉
事日紅周光祿價徐舉人立朝與二三縣僚文學博
士時時佐令視工蓋經始於庚寅初夏而卽以其秋
落成郭令於是筮期奉相國主登堂入櫺端冕而牢
祀之諸父老與行路之人觀者大悅莫不竊歎微公
不能發山川巨靈微賢守令不能舉千百年曠典猗
歟盛哉季子趨而拜之俯仰徘徊愴焉有深感退而
告國倫曰先相國志欲反楚而先家興武於州乃竟
甌甌洞續稿

阨於疾而奪於年惘矣惘矣猶幸茅潭有社郭門有
祠庶幾先相國之靈所在乎若曰神依於人則興武
在此祭有先河而後海豈河尊於海哉或源也或委
也今卽源楚而委粵亦人子之心也而况兩在並裡
乎國倫然其言季子遂具書報伯子時伯子已自光
祿少卿稍遷應天府丞過家得書大喜因與二弟舉
人興齊中書舍人興文遣使致幣屬國倫記其事碑
之國倫憶嘗爲公作狀論其世已詳茲不具述第述
祠所由建爲里人風夫里人竊竊焉願祠公謂公起
興甲拜相位冠羣僚名聞中外望而裡之足以張楚

如是而已乃公所以能使人祠而守令士大夫之樂
於祠公者則不以名位而以立朝大節故在朝則朝
重在野則楚粵兼重里人不盡知也考 國朝以一
甲第二人入相者自永樂苗文康公秉至公凡七人
而位極一品且得謚則徐文靖公溥與公二人乃若
歷官三十年守正而進見幾而退始終醇白上下無
間言爲一代完名則公一人而已嗟乎此殆有常相
疏太傅所不及者難矣哉若其啓沃三聖師表天下
儒紳定禮樂弘謀猷夾輔勲勞書在秘室卽士大夫
有不盡知何論里人其爲楚粵交重而交祀之公蓋
足以享之也國倫楚人請以楚事喻昔者尹吉甫起
房陵爲周內史其後周與房陵並祠之孫叔敖以下
里士爲楚相後楚王封其子於寢丘奉教祀而下里
之祀卒不廢諸葛武侯其先瑯琊人後起襄陽伏龍
山相先主保蜀至今蜀所在有武侯祠瑯琊襄陽之
祀亦並不廢則信乎神依人哉公蓋與三君子無古
今而楚粵並有子孫族類爲依又三君子缺典也今
公下世已十三年祠成且二年而韓守與郭令亦已
相繼遷秩去季子曰過我以碑爲請遂自忘其老病
勉爲之而系以侑神歌三章章八句

一歌曰靈之來兮自玉京撫三象兮下太清駕蒼龍
兮驂赤麟霞爲佩兮霓爲旌只尺兮殊庭陟降兮明
神拊鼓兮鳴笙俎豆兮苾芬

二歌曰靈之來兮自桂林踰九疑兮眇洞庭乘鄂渚
兮思故林瞻東方兮樂繽紛考蘭堂兮壁以蓀充椒
桂兮繚杜蘅采三秀兮奏五英酌玄覽兮氣氤氲
三歌曰靈之來兮自茅渚一舉兮明霞端森玉珮
兮鳴珊珊手瓊芳兮視耽耽儼息駕兮湖之干簇孔
蓋兮候青鸞雲霓變兮魂來還享明禋兮旨且安

明吏部考功員外郎敬甫穆公神道碑

鹿甌洞續稿

卷之一

十八

方

初予與敬甫未有交而友人王元美則嘗以敬甫大
義語予予心高之蓋二十餘年而敬甫又嘗采錄明
詩謬及予不可謂不相知也暨下世之明年其子太
學生光胤馳書三千餘里以大司馬拱辰石公所爲
狀來屬予爲作神道碑且曰先考功遺命也予復何
辭按考功名文熙字敬甫世爲魏之東明人其受姓
則自魯穆叔穆生以後未詳所傳而可傳者高祖敬
敬生山山生錦俱力田不仕錦生封禮部公陳實娶
陶安人以嘉靖丁亥正月十一日生敬甫封公故業
儒不售旋棄去而經營其家已見敬甫岐嶷慧朗知

非常兒累延經師教之八歲屬文卽有奇氣十六中
里選爲邑庠諸生每試輒雋與今司馬公結總角交
歲時相砥礪而心下之已司馬公先第敬甫益奮志
下帷曰有不與吾友同朝而仕非夫也踰三年辛酉
敬甫果舉於鄉壬戌成進士授行人奉使齊魯宣雲
江漢間所過名山大川無不周覽而豪詠之已稍遷
行人司副晉工部都水員外郎隆慶戊辰司馬公已
爲諫官抗章言事數中貴人不法忤旨逮至
闕下受杖諸中貴人將甘心焉戒司門者不得闌入
一人敬甫獨攘臂排闥入遇朱程二帥長跪請救諫

鹿甌洞續稿

卷之一

十九

陳

官死以全主上至仁而二帥憐才名亦自此爲當
世重豈無意乎二帥曰義士也第起視之諫官不歿
矣杖旣諸中貴人猶恚其不歿也左提右曳鞭箠交
下血肉淋漓敬甫以身蔽之乃得扶掖而出僦寓都
門外爲之延醫視藥累日夜不怠比視司馬公稍稍
有生氣遂捐橐橐資宅謀與俱歸會封公適至或謂
東宮恩旦夕且覃蓋少需受一命以去乎封公曰休
矣吾不忍以一命損吾兒大義也敬甫遂得脫然與
司馬公方舟還里中至今談者髮上指剋心猶錯愕
爲公危也後元美治兵魏郡表敬甫之廬曰忠義齋

庶幾與鄭公通德並稱哉非久 朝廷用薦者言詔
公起補禮部 負外郎而封公之得如其官與孺
人之稱安人皆自禮部受 璽書也無何遷尚璽丞
尋改吏部考功員外居考功七月雅能以直道佐其
長司黜陟會所善部御史論劾權貴人權貴人疑其
疏出敬甫手目攝敬甫敬甫曰可以去矣因謝病求
去不得出爲廣東按察副使非其好也遂拂衣而歸
築逍遙園以自老已乃手裏其所著詩文若干卷題
之曰逍遙園集屬所善劉御史梓而傳之海內學士
大夫慕敬甫大義久暨得讀其全集莫不肝衡擊節
甌甌洞續稿 卷之一 二十

以賑賈名反重吾邑人困也比歲秋大潦野無賴
敬甫出所積薪萬束施邑人邑人無不待之舉火已
又割地一頃充學田捐百金飾學宮百金周貧儒而
諸宗鄭戚屬之家其郵者則無算也每聞臺使交薦
其賢輒掀髯笑曰將奪我逍遙遊而役之方內耶無
以爲矣蓋其志在雲霞水石間一無所羨於人世晚
年尤好著述而傳行藝林者已十餘種暇日則蒔花
竹狎禽魚以自適最後聞養生家言而心善之將內
外兼修以希延年住世屬遭封公安人喪過哀毀質
驟爲風溼所中證遂不可治其在彌留時顧謂光胤
甌甌洞續稿 卷之一 二十一

曰而父一無所恨第累歲詮次文選未卒業而棄前
功私心甚缺夫遷之續談也與昭之續固也其書皆
有所託而傳也是在吾兒矣語畢遂化去時辛卯十
二月三日得年六十有四司馬公以爲厭塵壒而返
帝鄉也倘其然乎一子卽光胤博古好文善繼述二
孫元驥元驥尚幼諸婚嫁姓氏詳誌中吳子曰古稱
死友若羊角哀荀巨伯其所爲輕死生眇小一節
士耳乃若司馬以身殉國不負友考功以身殉友不
負國出萬死一生爲 國家培正氣爲天下萬世振
綱常義亦大矣哉乃其一官隨起隨躋第浮雲視之

卒以逍遙終焉而獨司馬受 上簡注身為三部尚
書功成夾輔非敬甫為之地而誰也若其吐詞宏麗
著書雅馴並稱不朽大業其才非止用一世矣至不
私其家以全活萬眾又何仁也公家穆叔有言身沒
而其言立於後世謂之不朽穆生亦以見幾去楚而
免於胥靡市春之辱公其猶有祖風乎是可碑也已
銘曰

宗國之胄肇自季孫舍魯適魏茂啓來昆封公樹德
爰高里門考功崛起奮若冥鯁才兼六統義烈三辰
古心危行廉廩朝紳為能不有其身而衛友人成其
甌甌洞續稿 卷之一 三

君為仁君為能不有其家而振邑人成其親為仁親
不磨者文不朽者名今之君子其孰與倫勒茲豐石
為千萬禩徵

甌甌洞續稿文部卷之一終

甌甌洞續稿文部卷之二

武昌 吳國倫 著

渝州 馬攀龍 刊

墓誌銘七首

明節孝張母馮孺人墓誌銘

孺人蓋涪陵張茂才孔時之妻也茂才公蚤世孺人
年甫二十二孺居凡六十四年諸督學使御史大夫
侍御史之部屬者無不廉孺人節孝而累旌其門事
載蜀志稱張節孝云行年八十有六卒於家其孫鍾
祥君仕可痛弗及視含也泣而為狀自鍾祥遣使請

甌甌洞續稿

卷之二

楊煌

予銘夫節孝如孺人可以風矣又得藉慈孫以顯其
名跡豈予猶弗樂道乎按狀孺人姓馮氏世與茂才
公同里稱望族父景賢仕為河泊使母素氏以弘治
六年十二月十一日生孺人孺人生而端靜寡言笑
河泊公異之擇相得茂才公曰是世家子其先有隱
德其後必昌因以孺人歸公而裝遣甚盛初公家承
累世鉅資屬其父廷璽公好施予緣手且盡又破千
金之產為其從子輸官遂中落孺人甫十七為張家
婦即能解其裝佐家奉二尊人魚菽行茂才公經師
一無所靳歲時食饗家祠酒脯賓客以及庾廩

藏雞豚孕字之屬雖至纖嗇罔不躬執其勞而閭以
內庶幾井井治矣會茂才公暴病卒時二尊人垂老
二子呱呱襁褓中孺人痛毀幾絕誓以身殉其姑何
忝抱孺人且哭且慰之曰新婦死夫得矣奈二孤何
卽二孤不乳兩老人皆餓鬼耳豈新婦忍乎於是孺
人強起忍死襄大事稱未亡人屏處一室內外姻戚
一切弗通往來兄詔欲奪其志孺人毅然以死拒曰
不及黃泉毋相見也會歲凶食指告匱孺人日夜勤
紡織以帛易粟調以精者奉舅姑哺二子而自饜糠
覈甘之無何舅姑相繼疾革孺人竭資共藥餌焦毀

甌甌洞續稿

卷之二

二

形神夜焚香願天願以身代舅姑聞而憐之泣曰婦
苦矣汝誠無夫吾實有子兩老人卽不諱何以報婦
第願它日得婦如婦耳聞者莫不傷之孺人旣拮据
治二喪如禮其後貧日甚餐粥不充而孺人自慶晏
如惟日望其二孤有成立長怡次慎並負大志卒用
孺人勤儉之訓治生開產業至累數千金而張氏復
振顧孺人有家且老猶手自劈麻理絲組而身衣布
素以爲常每遇舅姑與茂才公忌日輒手治簞豆薦
之哭盡哀至其誕日則又戒子婦不得稱壽曰非未
亡人宜也嘉靖壬戌秋孺人卧病貼危二子憂懼請

延醫視之孺人曰吾恨不及爲汝父薦棺槨視若曹
以至於今死亦晚矣豈其手尚可使入脉乎二子又
請命工像之孺人曰吾幽居五十年雖至親不面奈
何面畫工且遺其像面後人乎又戒其子勿尚浮屠
勿治美棺曰浮屠爲人懺悔吾無悔何懺且若父祖
皆以家難薄葬而後喪踰前非禮也洁士大夫至今
傳以爲名言後孺人病復起矯健若故且觀諸孫多
朗秀可授經術時時割機杼爲贊曰使若曹知出吾
力庶幾思自振也諸孫退而力修其業成儒者四人
而獨鍾祥君先舉於鄉孺人喜且泣曰若祖父不待

甌甌洞續稿

卷之二

三

調

矣後鍾祥君四上南宮不第孺人命之入官且諭以
守官牧民之道有耆儒老吏所不及詳者已鍾祥君
謁選得宰今邑則奉大母教以拊循其民民甚戴之
戊寅冬鍾祥君遣使入蜀爲孺人壽適孺人病已踰
月謂使者曰不復見吾孫矣幸告吾孫夙夜服官毋
以我爲念遂卒卒之日爲萬曆六年十月初七明年
十月十六日葬火峰舖生男二怡娶羅氏慎娶夏氏
孫男七孫女四際可娶李氏勉可娶熊氏求可娶操
氏獻可州學生娶吳氏行可州學生娶陳氏女一適
劉大儒一尚幼並怡出仕可卽鍾祥君娶湯氏立可

府學生娶王氏女一聘程進階先卒一適戴民樂並
慎出曾孫六曾孫女三俱幼予聞託孤難死節易忠
臣烈婦一道平若荀息所稱竭股肱之力加之以忠
貞蓋其難矣方茂才捐館時孺人何愛一死顧二老
二孤並以孺人爲命則有難於死者而竭力矢忠仰
事俯鞠六十四年如一日坐見其子殖於家而其孫
顯於國是謂其濟君之靈也又安用以死繼之夫孺
人之有昭節而以壽考終也天之祚張不已厚乎銘
曰

貞姬潔婦往牒攸宣苦節純孝罕聞其兼母也天植
旣甌洞續稿 卷之二 四

不貳所天自筭及耄一志靡遷二老有終遺胤成賢
爰篤家祚宗祊載延表宅旌里汗簡流傳日月爭耀
金石匪堅考終罔缺正氣獨全精靈如在炯炯斯旣

明詹母吳孺人墓誌銘

詹仲子頃補麻城文學官則先走下雉訪予越歲被
召爲翰林孔目且行又過予言別因出其母吳孺人
狀稽顙涕泣而請曰慈母棄不肖孤蓋墓葬者垂三
十年今始得垂於某山之陽卜以是歲十二月某日
舉而告藏願先生爲誌其幽卽景鳳世世且不朽予
於仲雖新交然知其莊事予爲母也敢不拜命按吳

與詹俱休邑著姓孺人爲吳丈人長女母程出初孺
人貌侵而目眇吳丈人意軼軼惜之從日者筮遇蒙
之九二其占吉宜納婦克家吳丈人竊喜已擇信得
詹處士益大喜以爲有宅相如是占不虛告矣年二
十歸處士處士諸高行具其傳誌勿叙孺人外朴中
慧事處士如賓終歲布裳操作不樂爲治容又多心
計佐處士賈會處士賈閩鄰人有盜其大父金者業
已執賊仇家嗾賊先自殺而誣大父殺人邑令方利
其家坐大父抵死而盡收其族窮治之處士聞變自
閩匍匐歸詣縣白父冤狀語侵令令怒持之益急處
旣甌洞續稿 卷之二 五

士幾斃杖下終不易辭令雖心壯處士而執不爲理
孺人泣曰獄成詹氏不臘矣聞行告急吳丈人有如
詹父子不免爲冤鬼兒豈有死所哉兒聞父善青陽
令青陽令善令君誠得青陽君爲容令君固不待其
辭之畢也丈人如其畫得青陽詒書令君事遂解里
人稱處士能子而不知畫自孺人出矣誰謂生女不
足爲緩急哉後處士嘗湖陰孺人遭大母喪躬治含
歛如禮而朝暮哭盡哀暨處士奔喪還詢之一無遺
憾尋佐處士創家廟修五世功而督誨其二子爲賈
爲儒謂賈任父勞儒當顯名亢宗也居恒耻言人過

即兒女有過不忍加誅語凡孺人耳目所經終其身
記憶不忘里中舉女子率以時日告孺人其後子女
議婚叩孺人如問史孺人晚年眇眇甚久之遂盲然
猶娓娓口家事督過諸婢不休婢有悍黠不用孺人
命者孺人時時仰天長歎彼謂予盲也予心實不盲
豈能一日不有而翁家乎坐是日益憤悶無聊即二
子諸孫娛戲其前不解也屬仲子守經術幾二十年
不第里中少年往往竊笑之孺人則謂仲負才不羈
人亦不易識譬之神龍雖伏九淵而聳壑昂霄之氣
固在豈至於斥鷃比翼哉第俟時耳未幾孺人頽頽
甌甌洞續稿 卷之二 六

乃竟發賢科備入史職名位且殷殷起即孺人身後
之澤豈有涯乎蓋可銘也已銘曰
嗟母氏貌侵而德碩目眇而覽宏策其家而家難平
穀其子而子業成宜尔多孫延尔令名黃山白岳之
間葱葱菁菁為母氏佳城
明畢節婦吳氏墓誌銘
節婦為休寧吳記公女畢仲子承良之妻也年十八
歸仲子二十四而孀居三十七以完節下世宗老賢
之私謚為節婦因屬其叔氏太學生承恩具狀馳謁
于申之曰忠也不造幼失母依嫂為命蓋自髮燥以
來不知嫂之非母也今不及事嫂矣將以其年月日
奉其柩於某山啓仲子之窀穸合葬焉願先生為誌其
幽而銘之庶幾報嫂萬分一嗟乎昔子思為位哭嫂
東方朔不忘其嫂長養之恩兩賢賢矣而其嫂之賢
不益彰乎狀稱吳畢二姓並以貴豪其里相結為世
親節婦方待字閨幃時業已精女紅閑嫂訓暨履畢
氏之庭益能賓事仲子而孝養其二尊人每恂恂以
其身下伯姒歲時登堂為壽上食進衣履悉視伯姒
為豐嗇不敢有所先在禮娣姒猶兄弟也其近之矣
尋遭姑喪諸喪具則多節婦手出哀禮並至會其姒

稍病不能家輒躬厲勤約佐之而家政益飭門以内
無貴賤無不私心德節婦者又視兩幼叔襁褓中甚
恩由乳哺承襦以及修經師供饋游學一無所愛其
餘力叔每感泣謂人二孤不自意無母而有母也無
何仲客歿訃聞節婦悲痛絕粒誓以身殉其父母姊
姒力勸之謂仲無嗣汝實有身幸而生男仲不死矣
與其徒歿斬仲後謂何節婦姑強起忍歿以待觀歸
每哭幾絕已而免身又女也節婦椎心呼天曰天之
罰仲深矣未亡人何以生為蓋自是日益毀瘠杜門
屏膏沐矢以布衣蔬食延餘喘諸宗黨一切慶吊並

甌甌洞續稿

卷之二

八

謝不赴第與其二女日夜勤紡織絮相吊耳後舅
氏且老欲以其庶子嗣仲而屬節婦撫之節婦曰為
舅氏撫幼可以第繼兄母乃不可乎已從宗老議于
伯兄之次子有登為嗣會聞舅氏客歿而叔氏承芳
又卒於家伯兄承德亦以家難驚怖病陷危節婦又
椎心呼天曰天之禍畢未已也奈何不以未亡人身
代之里俗婦人多私厚其女或有諷節婦蚤為二女
地者節婦徐應之此伯叔公共之家也女自有家未
亡人何得私予即仲子已立嗣恒產不傳如祀事何
於是乃拈其生平所儲貲若干授伯叔為置祀產以

遺有登未幾疾作益悲思其夫遂鬱鬱不能起生嘉
靖庚戌六月十四日卒萬曆丙戌三月初五日二女
長適程某次聘程某嗟乎傷哉節婦初欲死其夫不
得已欲幸一男以不歿其夫又不得展轉沈憂卒不
速下壽而盡志亦苦矣其稱節婦何忝焉乃予既難
其節而猶嗟異其比於禮若慈幼叔能使其叔母視
之與不私其女而厚遺其嗣此大有裨於風教雖才
丈夫難也人言匹婦之行不出閭巷豈其然乎銘曰
古有貞姬從一無貳風教既夷閨德鮮備予子吳葵
獨秉斯義少寡含辛守死不易匪石而堅匪玉而粹

甌甌洞續稿

卷之二

九

孝竭二尊慈彰二季訓女擇繼惟禮是比毀瘵以終
乃見初志居今踰古閭史勿替勒此貞珉永託幽窆
明勅封太孺人謝母鄭氏墓誌銘

頃歲六月謝少叅蒙叔自蒲首來為其母孺人乞銘
予觀蒙叔服已除而戚容未解且冒暑雨間關數百
里外而欲不朽其母意至殷也予何敢辭按狀孺人
嘉魚人鄭司訓女母龔出自少端靜敏惠精擅諸女
紅會蒲圻少司馬謝公為其子文林君於庭擇相得
孺人卜之宜家遂納吉逮孺人歸文林君則能敦孝
謹善承司馬公甘宜人意公悅之因授以家柄載其

宜人與俱宦遊四方鮮內顧矣乃孺人之柄家也視
謝氏累貲厚祿一非已有第爲操局鑰謹蓋藏已乃
躬執勤儉日督諸戚獲外耕內織計歲入以足經用
約有奇羨悉手籍以待宜人歸司馬公益大稱善方
文林君諸生時性稍峭直好面折人過孺人每從旁
微諷之輒解暨入貲遊太學則又申戒之茲行與四
方士交願少折節毋自徽徽損德譽非豪也文林君
謝曰曷言哉尋又代文林君修經師督誨諸子不少
姑息已文林君歸視諸子經術漸明大喜曰子爲吾
益友也者而又爲兒嚴師謝氏其振乎未幾伯子師
甌甌洞續稿 卷之二 十一

得奉再命易理官而稱御史孺人同之蓋異數云伯
子在臺中三年嘗侍 上經筵多所抗言朝政劾治
大臣不法 上並嘉納之旋命按兩浙風裁凜凜所
上兩浙賢能書類多一時名士未幾稍遷河南按察
僉事福建叅議並以正直著聲稱固自孺人內教豫
也後伯子中忌解官歸間謂人曰啓自省於世一無
所負獨愧負吾母耳孺人聞之曰過矣自吾爲謝家
婦常恐有所失墜乃不自意五子兩舉進士三爲經
生兒又以金紫歸侍吾養邑長老且以爲榮兄復何
所缺望意猶耿耿耶過矣於是伯子晏然承歡不復
甌甌洞續稿 卷之二 十一

文林君如初且抱諸孫皆繼體矣屬公晚年於文林君有微介而遇之近屬文林君稍稍不能平孺人心憂之去筭側席引過自咎徐以大義規文林君曰君自孩提爲司馬公後因之有室家長子孫世受謝氏恩不薄安得以微介有惑志人將謂子道何文林君大悟卒善事司馬公而猶厚視其弟監事爲之延師聘婦不以煩宜人暨監事中夭孺人哭之不啻哭仲子至撫兩庶子若已出文林君心德之嗟乎孺人豈惟內德茂即善處人父子之間難矣難矣狀又稱孺人性樸素居恒衣不重綵食不美味至急宗人之難

甌甌洞續稿

卷之二

士

方

卹內弟之私則慨然解橐裝一無所靳此自天性慈厚此本根而積慶來裔有以也何論細行哉予故志其大者而系之銘銘曰

母也令德天發其祥爲邦之媛爲謝氏匡聲不踰屏徽音洋洋履不及闔帝命煌煌祚于而家儀于而鄉宜爾子孫寢熾寢昌百千萬禩幽靈斯藏

吳室兩孺人合葬墓誌銘

兩孺人爲會寧令吳國賢先後正室蓋嘗佐國賢成儒備歷家難與同憂勞且竝長子孫將大吳氏族國賢賢而功之久而不能忘爲狀請銘於予予覽狀悽

然動廢處之感因采其大者志之按兩孺人與國賢俱崇陽邑人其先雷氏爲處士星女其繼胥氏爲處士南女雷救峨眉尹後孺人習聞內訓稱閨彥嘉靖壬子適國賢國賢年甫舞象業已抗志攻儒術父逸士君雖心期之而猶戒勿自苦乃國賢自受經以外夜取先秦兩漢書擁被讀孺人爲灌膏煮茗佐之令勿伊吾出戶以憂逸士君明年國賢試爲邑諸生旋應鄉舉不第逸士君怏怏有憂色國賢益自奮勵積書牀第間日夜誦讀與孺人相對如賓顧逸士君寢疾不待矣蓋三年孺人與國賢哭同哀喪同易且念

甌甌洞續稿

卷之二

士

心

逸士君歆望於國賢也爲有疚心會歲饑粟驟踊貴十口嗷嗷又困繇賦不給孺人蓋恐奪國賢志晨起手餉諸農人治田厯厯充卒歲尋又與國賢服王母喪三年孺人瞿然瘁矣隆慶元年丁卯國賢舉於鄉歸而拜母因謝孺人內助勞孺人愀然曰榮矣奈先公不及見何明年國賢還自京師下帷修故業孺人佐之如初會國賢將舉王母與季父二喪適孺人有娠不乳而壞遽與國賢訣曰吾殆矣恨不及贊于襄大事且自先公齋志而歿姑老子幼家未造也子其追圖之母以一婦人有微勞於子而過自傷國賢哭

之愈慟爲服廬杖蚤暮不去喪側遂中寒氣成瘡經
臘不瘳母孺人患之因亟娶雷孺人爲繼室蓋國賢
與其兄守鼎故同業也乃孺人履吳氏之庭七閱月
若處素室夜不解衣爲國賢視寒溫供七箸已耳後
國賢瘡稍愈而飲嗽漸微又時時念故室淚交於睫
不止孺人每將順其意而曲慰之又厚遇雷之父母
兄弟一無所愛至上堂事二姑下堂撫雷所生子女
無不各當其意則出燕孝至性也是時國賢雖再困
公車雅好修古文辭以自見而一切家政委辦孺人
孺人無不立應庶幾有鸞鳴雜佩之風焉已視國賢

甌甌洞續稿

卷之二

十四

諸

所嗜圖籍百家言輒不吝解管珥統緒購之而佐讀
之勤有如雷孺人復起也遠國賢殯雷孺人則孺人
縞素治喪無異喪其同胞姊宗鄰人極口嗟異之其
後國賢累困而志不詘孺人事之益謹最後國賢憂
神人見告今年不第且有灾孺人大恐比歸則孺人
擁幼子稚孫迎賀國賢曰子幸抱完璧反以無禍爲
福足矣安見才美如子不有命可俟乎國賢以爲然
徐就齋居究用世猷畧踰月孺人病熱瘳至不能御
盂盥而猶禁勿令國賢知比知則頭岑岑不可起矣
嗟乎兩孺人先後事國賢皆所謂表裏稱耦也暨下世

後國賢始受官之窮邊庶幾三載報政可沾 貽恩
及泉壤顧未及瓜而奔母喪歸矣夫兩孺人竝有士
行而茹荼苦無淺深乃俱死非其年享不逮祿傷哉
茲國賢所爲抱慟不已也雷生男子二人曰徽曰徽
並諸生徵娶周一聘女徽娶龔叔載女繼娶王自明
女女子一人聘諸生蒙應光男孫四人其昌其冕徵
出其昇其冕徽出孫女一人亦徽出胥生男子二人
曰徽曰效徽諸生聘諸生龔衍材女效聘武昌衛指
揮使劉日孚女萬曆戊寅某月日國賢葬香孺人於
邑之園出越已卯某月日啓雷孺人殯合窆焉志成

甌甌洞續稿

卷之二

十五

重

而銘之曰
淑哉二女宛其逝矣蘭則通芬玉則繼美胡然祀故
鬼而又哭新鬼彼偕老者誰天道爾爾俾爾子孫繩
繩累累南山之靈與二曜終始

徐母姜孺人墓誌銘

初翰林徐君受室於姜而與予同鄉舉子故得習翰
林君長者兄事之而稱姜孺人丘嫂云比入仕不相
聞問者久之翰林君既卒於官後十三年孺人亦以
天年終又三年其子文學來聘儼然手孺人狀過予
且泣而請曰先慈棄不孝孤墓木可材矣而獨

墓下之石未有銘使其懿行泯泯無聞於世則孤之大不孝也敢藉先君子之靈而以不朽之圖徼惠叔父叔父其哀憐之語畢猶泣下不已予亦愴然不能辭按狀徐姜並廣濟望族徐先世多顯者具翰林君誌中而姜之先則學士公某按察副使公某爲最著孺人父處士諱學魁母彭氏以正德丁丑三月三日生孺人孺人自少端靜有異質七歲時處士授以孝經列女傳諸書一二過輒強記成誦尋自工爲刺繡辟繡諸女紅不假督誨處士益珍愛之偃蹇擇配得翰林君大喜迎之館於家孺人待年及笄始歸奉舅

甌甌洞續稿

卷之二

六

姑初舅氏竹谿公善積居富甲其里顧以好義樂施散去數千金季年貨用稍不繼賴孺人能任婦事力佐其姑馮孺人秉家卽盡解裝橐應之無難色用是得舅姑驩已又有所推貸諸昆季而不收其責諸昆季娣姒無不德孺人者至左右翰林君業儒尤不遺餘力已翰林君籍名諸生屢試輒異等嘉靖己酉舉禮經第一人邑長老舉手爲孺人賀曰相力多也孺人曰有尊人之義方在少婦何力焉未幾翰林君如京師未及對公車而聞馮孺人訃訃以歸視諸喪具井井辦治自孺人手無一遺憾因泣謝孺人微子

則吾不子何以生爲後翰林君見竹谿公春秋高意不復出孺人從史之曰兩尊人教子異沾一命姑今不逮矣幸舅氏尚健飯使猶噉噉漿菽不得分五斗之奉以怡餘年後卽尊官厚祿能免於北嚮之悲乎翰林君乃復就道入試南宮又不第謁選得邛州學正竹谿公憐遠不能從之官第勅孺人與俱比至邛日相嚮歔歔每一御時食輒涕下廢七箸曰誰爲乃公致此者蜀王故好賢嘗宴翰林君而賜扇獨美孺人見而異之此王家所爲修貢珍物也田間人罕見因急遣蒼頭馳致竹谿公一舉目不忘舅氏類此

甌甌洞續稿

卷之二

十七

居再歲請得携聘兒先期東歸除舍宿酹以待翰林君過家爲舅氏壽踰年君果遷翰林院孔目行未及家而竹谿公已下世諸大事皆孺人身任之無不如禮翰林君筑筑苦塊德孺人益深庚午服除補前官僅數月病痺不起計至孺人哭累絕稍甦亟遣文學往奔喪喪至則孺人過哀日爲盲矣文學爲謁醫治之稍明孺人卒謝去不藥曰未亡人無天矣安用復觀日月爲自是哭日夜不休目復盲嗟乎孺人賢孝天性哉蓋莊事翰林君三十年嘗慮君胤嗣未廣而買夏姬以進顧夏姬又不宜子而乳女孺人女其女

不知其夏出也居恒好儉素衣不厭澣味不求珍卽
毫釐圭撮不以開出爲助翰林君廩至設具供賓祭
則務豐潔成禮每翰林君以垂橐入孺人益喜曰清
白吾志也自孀居失明以後怏怏不知有生人之樂
遇文學上食則泫然泣曰而父不共享矣上冢又泫
然泣曰爲我告而父未亡人目不能視丘隴手不能
薦羹湯與處夜臺等矣無何手足並痿卧起不越一
榻猶能呼女孫與說古賢婦節孝而申誠之諸近屬
子弟來問疾則以次問所業而訓以耕讀勤儉及正
家之規人人拜以爲名言最後祝文學曰而外舅無

甌甌洞續稿

卷之二

九

木

嗣而母老且死不忍其鬼餒卽百歲後行毋學其與
舅墓稍近幸兒孫毋相忘使得分杯羹之奠而毋瞑
矣無何孺人病眩燥亟執文學手欲訣而不能言遂
逝享年七十有一文學遵治命卽以其年十一月二
日奉孺人柩於青岡之麓藏焉男一卽文學來聘娶
呂某女女四長適胡濟次適邑諸生饒于京次適蘄
諸生張孚俱孺人出又次適邑諸生饒于豫夏姬出
孫男一長猷幼未聘孫女三長適郭惟圖次適邑諸
生周于禎次聘張某翰林君諱鰲字子極生平朴茂
端亮動不踰準繩而尤嗜性命之學鄉人多迂之而

君益自信庶幾獨行君子哉乃來聘又馴行孝謹嗜
學信道有父風今且起家貢籍謁選人待縣官用嗟
乎孺人婦翰林君而內行敦母文學而家訓肅宗黨
周親口津津誦義蓋可以不朽矣予姑志其大者而
銘之銘曰

母也天只匪伊人只胡其降也以上元而歸也以上
已待年而字笄何纒纒舉案而賓佩何疊疊履綦
有餘軌而栢棧有餘旨以遺爾孫子青岡之丘望之
若妃肆勒玄堂俾爾千祀

詰封一品夫人方母余氏墓誌銘

甌甌洞續稿

卷之二

九

意

余夫人者太保大司馬嘉魚方公配也萬曆庚寅四
月廿八日病卒於家太保公以訃聞請卹上卹
之因卜兆得邑之蒲洲原將以明年春二月奉
命營葬事先期遣其伯子日中持狀越千里來造予
問銘予惟太保公故文章家所與海內名公鉅儒不
知其幾而獨問及不佞得無謂同郡故交傳諸惇史
者有足徵乎謹按狀誌之夫人爲咸寧余鴻臚大川
女母張氏以嘉靖己丑十月廿二日生夫人夫人始
生適有二錦鷄來巢鴻臚君大異以爲瑞徵暨夫人
難襁褓漸露異質鴻臚君時時摩其頂而珍愛之曰

女當大貴難其匹會已酉太保公喪其元配夫人周因介媒氏約婚鴻臚君鴻臚君訢然曰女得情矣遂受聘而以夫人歸是時太保公業已舉進士出宰吳中大邑顧獨節廉自喜家猶嗶嗶無厚資夫人益操勤約佐之一切美衣鮮食不以自御而獨謹事贈太保公孔夫人二十餘年無惰容無違志接諸姑婦姒曲有禮意宗黨內外皆資之其後身處貴重而猶不忘布素之風蚤夜率諸女奴親蠶績及染紵紉補諸織音以為常晚年性益好施往往急人之私而不自德每為邑中焚廢橋梁壞道不惜厚費頃歲存饑民

甌甌洞續稿

卷之二

二十

調

大疾夫人閔然傷之勅諸子分視四竟設糜餽饌藥餌其疹者而薰理其孚者四竟之頌蓋洋洋焉初太保公浮沈郡邑每踰期不調夫人每以義命安之謂公生平直道事人不習為巧宦乃屈伸倚伏非人所逆觀也豈守令能國公平久之公歷藩臬大夫開府遼陽雲中兩大鎮則夫人進曰公天下才今且乘施仗鉞鎮靜封疆不可謂不遇矣第聞邊氓久困將吏習宴安不武公其竭股肱之力一振之使諸邊息馬解甲紆主上西顧憂即將相之業可坐而定也公豈有意乎太保公心壯其言乃所為戰守方畧則已

殫慮畢智先圖之矣公在邊鎮數年虜畏公天威交臂輸欵秋毫無所犯語在雲中處降錄無何晉兵部尚書總督薊門戎事又數年主上高其夾輔之功賞賚殊特因詔入掌邦政累加太保兼太子太保賜璽書追爵公祖父母父母皆一品而夫人則自安人淑人益封至一品夫人又錄蔭其三子授文武侍從官夫人拜命益恭因又進曰公力竭矣主上眷遇公亦無以加矣嘗聞古大臣知止足而戒盛滿公蓋乘時自引去保有完名乎即一日不去恐忌者從其後矣公慨然改容謂夫人有遠覽明日遂

甌甌洞續稿

卷之二

二十一

方

上疏乞骸骨歸主上亟下溫旨眷留之顧公歸志已決疏累上乃得告嗟乎夫人筭而相室內行純備難矣至又諸義命審出處大節而成太保公去就完名豈婦嫗之內所嘗習哉蓋其性深沈敏慧得之天者獨粹固宜其福祿厚子孫衆多如是未艾也卒之日天年六十有二太保公哭之慟曰天喪吾良友乎生四男子長即日中授錦衣衛千戶尋中武舉第三陞本衛指揮同知娶魯氏繼娶楊氏次日明任右軍都督府都事娶魏氏繼余氏次日興任南京左軍都督府經歷娶某氏次日接順天府儒學生貢娶某

氏女二長適漢陽蕭翰林以占之子丁泰次適蒲圻
謝司馬懋珍之子廷蘭俱庠生孫男五弘基弘緒弘
謨弘德弘瑞女孫二長聘蒲圻御史大夫謝仲南之
孫某次聘蒲圻少參謝叔蒙之孫某太保公諱逢時
字行之自號櫟野子銘曰

夫人誕鍾異靈行侍嘉耦倫分既敦幾微若剖言合
古先匪啻自口是宜為上公妻為象賢母多福是庸
五章非偶功成身退幾哲天牖踰耆而逝胡不臻上
壽邱恩自天賁尔丘阜生榮歿哀覆載齊久魚獄蒲
原貞珉不朽

甌甌洞續稿

卷之二

三

煌

甌甌洞續稿文部卷之二終

甌甌洞續稿文部卷之三

武昌 吳國倫

渝州 馬攀龍

墓誌銘五首

明故惠安大尹子承蕭公墓誌銘

惠安公以萬曆癸未十二月二日卒於家越八年其
子譽始奉周尚寶元孚所為狀來請銘予惜然悲之
因憶公令惠安時嘗遇予榕城一見輒吐情實私謂
予繼美不習為吏乃閩之馭吏者又率賤驅馳而良
詭遇豪傑之士有裹足去耳予惟惠安之政且成安

甌甌洞續稿

卷之三

一

得出此憤憤語無何公中奇禍被逮下 詔獄邑父
老免之而朝論因以為疑事遂解從薄譴以歸已得
其被逮下獄諸詩讀之然而不怒憂而不傷又庶幾
風人之旨而與獻吉稚欽兩先生諸作相先後益知
公正氣自天植不以禍福介也乃僅踰耆而逝悲哉
按公姓蕭名繼美字子承羅田縣人蓋其先家河之
南宋靖康末始有仕為蘄春令者因家蘄春之八兒
河元至正間避亂徙鄱陽而子猷公寔自鄱陽返八
兒河尋徙羅田之九河蓋九河在多雲山之陽風氣
故聚而子猷之裔祜善相地遂卜為定居其後祜生

存禮存禮生信信生洪洪以髫年舉景泰癸酉鄉試仕有令名歿祀於鄉社尤河蕭氏自洪著矣洪生時臣時賓並舉弘治壬子鄉試時臣令上蔡時賓令分宜皆不忝有父風時臣則公王父也生公父處士公玘娶胡孺人正德己卯六月五日生公公生甫及期而處士公蚤世胡孺人年才二十有六矢節撫公暨公七歲就外傳每以不得見父爲恨依依其母前問父何狀母曰甚矣兒之似父也公因自鏡其形圖父形以示母母哭示僮僕僮僕哭示其傳傳下淚鄉人入異之十五經術通補邑學弟子會晉江蔡先生來

龔龔洞續稿

卷之三

二

爲邑博士日聚諸生談性命之學諸生見以爲迂稍散去而公獨尊信依歸之因自號敬吾子自是學日益過日寡動以古賢聖自期即冥冥所爲無不可與天知者嘉靖丙午舉鄉試益不替其敬學初志燕居無情容與人無惡言適色而歲時奉母則尤曲極愉婉卽一啓口一舉足不敢忘久之胡孺人捐帍公乳乳草土間一麻衣三年不解帶迨服除將遂齋終焉計無意復對公車曰母節未顯而身自貴非孝也蔡先生詒書以大義趣之方復就試不第因謁選得惠安云惠安爲閩海罷邑又新剏倭夷者未起戊戌

未休公至閩然勞苦之一意以拊循爲務而猶內恃糗糧外修械備民始喁喁然樂生邑故無城城之自公始緩急遂有所恃稱嚴邑又伐石築輞川堤七百丈捍潮護田而城益固已乃括廢寺侵田若干畝代民輸餉又別置田若干畝以濟貧儒後邑人名堤若田皆以蕭冠之志感也諸惟民便不遺餘力爲致之其所不便雖上官日討其上寧決去就而已至一切阿附遊媚以希世延譽皆耻而不爲有督郵且至而苛責邑餉不給者公詩其壁以諷之督郵大慙去然目攝公矣丁卯公預闕試事所取多一時名人顧公

龔龔洞續稿

卷之三

三

積勞五年名績爲諸邑冠而卒不見表異厯厯與庸俗吏伍故其意常倦遊驅馳詭遇之歎蓋有激乎其言之也自解詔獄里居一無所怨尤而從事實學愈力且得就正其鄉耿在倫先生駸駸有徹悟庶幾不知老之將至癸酉子舉舉於鄉有司舉胡孺人孀節部使者將聞於朝旌之公夙願於是稍酬乃以暇日取其生平所著詩文及雜俎五種考諸書共若干卷授其子譽藏之家戒勿以示人未幾痼疾不起天年六十有五其前一日猶與友人萬元善論學論文疊疊不倦或問以家事卽不應公不可謂正斃哉配

黃孺人內行醇至左右公成名孺生一子卽譽字公
譽娶胡別駕汀女孫三人長斯露娶諸生王廷揚女
次斯馨聘朱懷慶子得女次斯和聘徐延平宗曾女
女孫四人長適諸生周申次適諸生王三捷次聘胡
一清次聘高子士曾孫女一未字嗟乎公子然遺孤
也爲能抗志修家學振歎世之統以開子孫遠圖有
祚於蕭大矣乃其業止百里長猶蒙難以去於世何
踰踰也顧身退之後親見其母以節顯子以文行顯
又三孫玉立世澤寔長皆蕭之先所未有天人倚伏
之際微乎難言哉至公嬰患難而不自失擅著作而

甌甌洞續稿

卷之三

四

相

不自才則非以學術勝不能也耿先生爲作傳蓋有
取焉予故誌其大者銘之墓在某山之陽銘曰
蕭之遺胤乃有斯人抱古心而獨立履末路而離屯
磨之不磷吐之而世彌珍何吏之拙而儒則醇天道
孔邇孰知屈之爲信俾爾門閥奕奕子孫振振於積
其世在貞珉

明故儒林郎開州同知子陟下君墓誌銘

萬曆甲申正月廿五日開州君天年七十有五卒於
家明年乙酉十二月二十日葬洪莊之原附曾祖母
塋又踰六年辛卯其子應徵應聘並遊南太學與吾

兒士良善因東狀致幣長跪乞銘於予予憶四十年
前在京師聞諸其鄉李文定公嘗談及卞氏爲廣陵
右族累世負高賢爲一郡冠而尤好行其德以急人
之私士無遠近誦義蓋指君之祖若父也予旣心重
其家世德而二子又裒然抱經術待用縣官且造予
執通家禮甚恭遂不敢以耄辭取狀而叙述之下君
名岡字子陟其先自大士祖占籍廣陵數傳至文貞
文貞生福福生珰珰生封中書公晟是爲君父母王
氏封孺人皆以伯子貴也王孺人以正德庚午八月
四日生君君少有大志刺經綴文雅爲同儕所推讓

甌甌洞續稿

卷之三

五

意

久之竟格一第用中書公命入貲爲太學生屬其家
五世共饗食指蕃多中書公且倦勤因勅君佐家政
君亦毅然肩之蓋君故多才智善治生然一切耻用
其心算第使農無輟耒而不苛食其餘商無留居而
不盡網其息逋者寬之匿者恤之歲以爲常以故下
僉羣情上當中書公意且身任百勞而不以一錢斗
粟營私帑里人稱之曰使卞叔子他日得司國計當
如其家矣其後家政旣修貲益累厚君乃得謁選授
粵西藩幕故事幕職取具揖讓送迎善事大吏爲勝
任耳君入粵獨以廉幹自見諸大吏皆厚遇之時

寇不靖軍府方檄君議用兵君至畫地爲山谷白軍
府曰此小醜負隅而懷不心者耳何足以煩大兵且
兵之有利有不利招而懷之示以恩信則萬全軍府
如其言使之單騎往諭諸酋諸酋竟自畏伏解散去
四境晏然粵人奇其功曰下君以三寸舌當百萬師
壯哉緣是行能益著擢同知開州開州畿輔重地所
職詰捕視他邑倍繁君但申保伍嚴遊徼飭虞候以
坐制之盜風盡息尋受知上官檄視篆按治雜獄奔
走無虛日君遂倦遊奏記自免歸先是中書公卧疾
時伯子仕於朝而仲子不祿君獨日侍牀第進匕
飢餒洞續稿卷之三 六 意
藥不解帶者旬月餘比公未及小愈而王孺人暴
卒君執然外治喪而猶蚤夜強入慰中書公無何中
書公亦不起君悲號毀裂益不自勝會四方平客踵
至君從草土間擗踊應酬曲中古喪禮觀者無不戚
容稱善其後每遇節忌瞻拜兩尊人遺像輒淚下哽
咽終其身不衰比歸自開州又不靳厚飾篋篋爲兩
尊人乞諸當代鉅公名筆或誌其幽或表其墓道及
輓誄諸文彙而成書用彰不朽嘗遊金陵過冶城見
道旁荒冢廢祠驗之則晉尚書驃騎將軍卞壺墓也
君惻然心動曰安知非吾卞之先臣乎考將軍依裴

盾時嘗行廣陵相又安知廣陵諸卞非將軍裔乎
世遠胄系不可考乃其父子忠孝凜凜爲百世師何
同姓而忍漠然安在其不忘本也因聚族而謀捐貲
慮材伐石負土巋然一新之而復率子姓祀以少牢
成禮而去至今都人士多公慷慨倡大義類此居恒
好施結客有祖父風至自御則澹泊若儒素不隨俗
作遊冶侈麗態與人風度宏坦能容小過尤能忍小
忿人亦諒其無它羣然樂親之晚年頗厭市囂築樓
邗江之濱日臨其上靜觀太虛因自號虛樓子非久
病在牀留弟呼二子誨以勵志勤學無一語及家目
飢餒洞續稿卷之三 七 湘
遂瞑嗟乎君庶幾乘太虛往哉初配高孺人爲大司
徒高公銓孫女先卒繼配孫孺人爲恩官周公珍女
內德並茂宗鄭賢之高舉一子太學生萊亦先卒周
舉二子一女子卽應徵應聘應徵娶何憲副城孫女
應聘娶王別駕汝奇女女適高光祿格子曠孫女俱
應徵出一聘太學生王保民子士一尚幼銘曰
維揚之後世澤攸鍾才不大售而克稷其躬仕不大
顯而克樹其庸好施樂恤用廣乃祖乃父風閔先臣
之死國曠千載而新其封赫赫大義表於江東宜尔
壽考令終萬祀斯崇載言貞石永麗宵宮

明故熊處士惟登墓誌銘

處士之卒也予既匍匐往哭之越三年其子文熙輩卜以萬曆辛卯十二月望前一日奉處士柩葬鴈落湖附其父宗禹公墓右先期造予以誌銘請謂予與處士生死交也其復何辭按處士名楚善字惟登興國州富口人其先豐城市漢人有祖世傑元祐中進士及第官翰林尋以言事忤旨謫黃岡令生一子於舟中因名楫入國初楫避偽漢兵徙家富口久之易楫為福占州籍長子孫傳至子和公鏞宗禹公清父子經營積居稍稍開產業又徙今畬谷居焉處士

甌甌洞續稿

卷之三

八

卽宗禹公子也母劉孺人以嘉靖乙酉九月十五日生處士處士自少警敏好讀書宗禹公為延名師授以經術輒通曉大旨為文能自吐其奇會宗禹公暴病不祿處士孺然與劉孺人形影相弔遂至軀體孱弱不任誦習之勞劉孺人以為憂因令廢學秉家政屬間左豪利其腴產將乘孤弱而卵殪之訟於官人入為熊氏危矣處士毅然矢諸天曰有祖父之靈在使畬谷不保安用孤於是昂首走郡使君自白郡使君竟直處士而抑間左豪里人相顧失色曰是孤也不易動矣其後內難外侮不戢而定乃得安事劉孺

人而曲承其意用能日振家祚拓先人之田廬修長者之質行以自樹且諸習世故人情而善為說辭不輕然諾每為人排難解紛一稟於信義而傳於典章使人人悅服而後已至欲行金為處士壽則有掩面走耳以故處士名益著士大夫無不願交庶幾布衣之儒而俠者乎每郡使君召問耆老民間疾苦及保境救荒諸大計而獨處士有所奏對輒見采錄而以更老之禮禮之其它因人成事者並自失居毋喪衰毀骨立殯祭皆執古禮以孝聞遇宗黨戚屬仁而不阿督誨諸子一無所姑息課農人樹稻樹竹木纖悉

甌甌洞續稿

卷之三

九

有條無敢私愛其力又生平好潔晨起趣童子掃除堂廡門庭拂拭戶牖凡榻客入見以為精廬有為童子稱病者處士曰非若所知室靜則神清乃所為不病也暇日靜坐一室焚香誦詩取自適客至輒呼飲飲不十數行輒陶然假寐席上有元亮之風焉晚年髮少斑白益健飯夏多露寢冬不挾纊予以為壽徵也乃一病數日遂不起傷哉傷哉卒之日為萬曆己丑二月廿八日行年六十有五初娶吳孺人生一子文炳婦劉氏並先卒繼娶夏孺人生四子文熙婦劉氏文翰諸生婦吳氏文昌諸生婦添氏文明婦孫氏

孫六人華誥文炳子婦鄒氏華衣華冕華宗文熙子
華封文翰子華胄文昌子並幼既論其世而復有深
慨焉憶予垂髮時先大夫觴宗禹公而使予行酒宗
禹公避席起摩予首曰國器也因令處士與予相結
處士年少予一歲常兄事予後雖出處異途無歲時
不相勞問而關休戚通有亡者五十年如一日蓋處
士不軒冕予亦不知處士布衣也頃予罷歸處士
又遣其二子時時來問業且從吾兒遊甚驩三世通
家分不薄矣非予銘處士而誰銘耶銘曰

甌甌洞續稿

卷之三

十

隆

重然諾其處儒俠之間乎鄰汝宅者汝父志汝幽者
汝友子子孫孫其世守

明懷遠縣儒學訓導則勸莊君墓誌銘

吾友莊君頃歲卒於官櫬還富口予舉上衽哭之其
孤自清業已拮据襄大事造予請銘予未忍遽銘蓋
傷之也今墓草再宿矣因追憶其生平之槩撰次之
君名以善字則勸興國州富口人其先興輔公隆徙
自奉新縣凡數傳至處士克閻公侍即君父也母劉
孺人予嘗誌處士墓載莊氏世系及處士諸質行甚
詳不再述初處士感異夢而生君知非常兒已果校

疑秀朗雜處群稚中時時陳俎豆習升降以為娛伯
父克溫公儼見而奇之謂是兒當以儒顯因令就經
師受學數歲經術成益負大志會處士為里中豪所
構大破其家客有諷君當棄儒為治生計者君謝曰
棄儒徒辱吾親非計也因益下帷自奮一出試為諸
生高等督學使進而餼之尋復假館受徒稍稍取精
食承處士養處士喜曰此吾兒不棄儒之力也吾可
以忘貧矣處士故嗜飲晚年益豪每與二三酒人貰
飲肆中輒以牙籤為質籤盡則分其餼之餘以償之
君惟父意所適無不立應君又師事伯父父事季父

甌甌洞續稿

卷之三

十一

意

克言公信並得兩公歡心而內行益篤有弟以嘉天
而遺一娶二孤君既竭力厚葬弟而猶衣食其孤而
婚嫁之無何處士與劉孺人相繼下世君毀瘠幾不
勝禮已廬墓三載餘哀未忘諸父母所嘗嗜不忍食
諸父母所未御不忍衣其由行古人之道乎蓋自遭
喪以後累歲大饘十口嗷嗷日貸粟以哺之曾無宿
飽君猶栩栩然自得客至輒止而觴之即芥案為薪
解余糲為具一無所愛至於辨志先義利臨財慎取
與則雖饑寒迫身不少變古孝廉之士其庶幾乎為
文博綜古今取材諸大家而能自成一家江漢間士

人無不聲慕莊先生者鄉里後進生多出其門起家對公車者數輩抱策待用縣官者數十輩君竟以數奇不售有司垂老乃得齋函貢身領懷遠司訓此何異神龍失水白壁闇投於人乎比自京師還過里將赴官已有病容而含淚別予又多永訣語心竊異之抵懷遠纔數月寢疾而逝傷哉觀行懷遠諸生哭送之比反富口諸親友哭迎之亦可以觀君矣君生嘉靖壬午十月晦日卒萬曆戊子十一月晦前一日享年六十有六娶管氏先卒生一女適仁義里朱希閣而孤自清則相室黎氏出也婦毛氏自清貧益甚然

甌甌洞續稿

卷之三

十一

意

能抗志讀父書亦已試為諸生以庚寅十二月十二日葬君六墩村處士塋左傷哉君與予自少莫逆至老不衰以君之才非予及也乃予遇君不遇非予所知且居恒負文名而不矜蒙家難而不自失嘗為有力者所擠而緩其貢期卒無怨色暇日登山臨水縱飲豪吟風度灑然至今可想而抱予嘗有過君盡言規之予一無所能君又浮譽之予作郡時將延君為兩兒師三請而後至見予郡齋蕭然喜曰子為廉吏真吾友也暨予自大梁罷歸乃得除別館館君分粟而飽者數歲而後北上謁選庶幾古道交也今君已

矣予無以為質矣而又不能厚恤其孤視邱成子張

卿之高義有餘愧焉尚忍銘君哉銘曰

疇拙汝遇而藝則工疇嗇汝享而器則宏世莫汝庸道之將窮介一命而長終傷哉天乎六墩如壙不樹不封斯廣文之幽宮

明奉政大夫江西贛州府同知抑之邵公墓誌銘

奉政公卒葬其州陸官屯且四年其伯子以仁始被命徵入為陝西道御史乃自京師馳使山中乞予銘其辭甚哀予不得以老謝先是以予嘗銘其季父大恭

甌甌洞續稿

卷之三

十三

木

公墓論世詳矣蓋黔之有普安也自高皇帝始普安之有邵也自其祖旺始而邵之有封爵也則自中憲公華譜始中憲公嘗為重慶丞娶金恭人生四子而公行三名元高字抑之自蒲賓陽子居恒與其兄貢士元吉僉事元善第大恭元哲自相師友脩經術振家聲遂為衣冠右族尋以大恭報守淮之政得賜爵贈其父中憲大夫母封恭人云公體貌魁梧自少負奇節性更篤孝年十四時自重慶扶中憲公櫬還隨路為孺子泣路人哀之未幾伯父言伯母吳相繼不祿公服喪如喪中憲公比就京師受學有星家

者感公以祿命謂宜棄儒而商公厲聲斥之我生不
有命在天而在汝口乎於是益下帷自奮久之儒業
成嘉靖壬子舉於鄉凡四詣京師舉進士不第慨然
曰太恭人老矣不在此時就祿養何待因謁選人得
吉之龍泉令龍泉邑小而介在山谿民多豪梗喜訟
又善行金帛餌令一為所餌徐陰持其長短中之
以故前令無一不以簠簋敗者公聞之口此豈邑負
令哉令自負耳到縣即庭見士民矢心與之約曰令
來安若非利若也若屬其毋徂故習諸徵不應期訟
不對簿者令得奉法收考之不汝庇有如今所為不

龐鵬洞續稿

卷之三

十四

大

法以一介自污即若屬不言神明殛之諸廩廩受約
去而猶私瞰公節廉自愛人不得干以私始益心信
之下令令行理訟解責逋逋漸入諸保任里魁莫
不肅然見憚無復敢為餌令計者邑人大喜私相語
曰明府真廉平吏吾屬其有天幸乎於時上官業已
賢公為書最上考乃旁邑諸豪令目攝公矣會隆慶
改元龍南盜竊發軍府中丞憂之計非得異才如龍
泉令不治因奏請加公五品服俸移治龍南吏部
如軍府言即日擢公賴郡丞仍知龍南縣事公自度
從郡賴縣恐吏民不見親且縣方被寇人情匄匄亟

當綏緝以安其心以故賦事行法率從簡恕諸伏謁
請事者公又溫顏款語慰而遣之莫不謂府君親已
縣東下歷高沙為兩賊巢所據又東則惠之和平岑
岡在焉公謂三窟不滅百姓不寧將陰圖翦之它日
假勸農周行四境出入山隧盡得諸巢可攻狀還謁
軍府密陳之不啻若畫地為營壘聚米為山谷也軍
府奇其計而不能用則賴守以撫議先入之或以公
計告守守見謂喜事心疾之因與所昵信豐令交構
公公雖有聞亦不復問其後公又倡議軍府欲分岑
岡一巢隸賴而割龍南兩巢地與之合置一新縣庶

龐鵬洞續稿

卷之三

十一

科

幾偵伺不煩而緩急可制其命諸繕治之役承請得
身任之軍府如其言疏請於朝該定南縣尋移信
豐令令之令自謂守故昵已當得署右秩而乃有龍
南之移是為所賣也怏怏不能平無何死矣時公尚
在龍南繕治城郭知令以患死極哀憐之親為經紀
其喪而賻卹之一時郡縣諸君莫不歎服公不修怨
近古長者顧龍南既設諸巢賊不得召固稱亂且與
編民按堵而居耦耕而食長老一無所患苦寔公遺
之以安也乃賴守有前卻而交構公者又非一口公
遂不得久於賴議當得調會太恭人訃至即日匍匐

就道行兩邑士民遮留之不可得比歸營太恭人葬
事竣與仲兄季弟議謂伯氏以奉母不仕稱隱君使
吾三人得宦遊無內顧憂者伯氏賜也。因推祖宅讓
伯氏而父事之三人皆自築室居焉公自反初服口
不言功亦不以去輟為望一意飭名檢惇宗族督誨
諸子弟暇日縱情山水與親故相娛樂後伯子起家
萬曆癸酉舉鄉試庚辰登進士科除興西臨桂令令
臨桂三年公猶能單騎往視之居未旬自立命具歸
騎伯子踞留之不可曰兒守官吾無所慮第聞經界
之法不便豪右恐兒任怨過耳今井井若是雖怨何

甌甌洞續稿

卷之三

十

科

慮吾姓矣抵家未二年年纔六十寢疾卒其在彌留
時神清氣定無一亂語第手書十餘條遺誠子孫目
遂瞑嗟乎公不可謂正命哉公生嘉靖丁亥四月廿
四日卒萬曆丙戌二月十一日即以廿秋九月廿三
日歸窆配唐宜人前永昌府丞唐葵女子男二長即
御史以仁宜人出婦徐氏次以讓側室董氏出婦吳
氏孫男二長象乾婦吳氏次象臨婦唐氏並伯子出
予聞邵氏為普安孝友族黨人稱之乃伯子守家學
具用世才又予所親見乃不知奉政公善樹德以祚
其家如是也即所述丞輟時三巢之書寢不見用而

卒用其議定新縣鉏亂根遺其地以百世之安公何
負於輟而其功不賞耶夫有功德於民而不食其報
公何憾焉乃伯子繼迹入為主上耳目臣宣力樹
勛以行公未竟之志公於是乎不歎矣予故志其大
者為銘銘曰

甘棠美伯相也命虎走庶蕃昌寔延爾祖於赫

高皇肇闢興古乃有勗士荷戈戎伍徙自秣陵實彼
荒土基迹累仁興文易武及公之身三世珪組戮力
公家借籌軍府置邑平巢民用安堵與人誦之曰父
與毋章貢流聲藉藉京輔勞不自功於世何迺展棄

甌甌洞續稿

卷之三

七

啟

一官退營芝圃人損天益疇其逆睹伯子嗣興乘時
遇主執法宣風匪曰小補考德斯光家祚彌侯公
雖首丘昭若綠谷陸屯之原冢材楚楚勒石泉官縣
縣男祖

墓表三首

明文林郎江西浮梁縣知縣玄初龔公墓表

往予一遊玄初公都下逮今契闊且三十餘年不相
聞問然猶記憶其人魁梧峭直任氣節自喜心常偉
之顧公居恒抗論批文鮮所當意而獨為予屈一指
每得尺牘輒鼓掌嗟異而示其子衍材曰此如椽筆

也異日而父即泉下安得藉其一言不死乎嗟乎士
相知不必以遠近爲疎戚矣今年春初公病卒衍材
奉遺命具狀冒暑行泣過予請表墓予哀其意表之
曰公諱叔賁字維白人稱玄初先生蓋潮州太守茂
陽公之子新昌大尹贈御史文卿公之孫也其先自
江右徙居崇陽之吳漣塘而隱於耕者凡七世至兩
公始用儒顯先後舉進士仕所至並善樹德而去後
見思民到於今尸祝之初潮州公娶鄭孺人生四子
而公爲其仲公生而有異質長益瓌傑豪宕潮州公
大奇之雖與其兄弟俱遊膠庠至刺經綴文公但自
醜醜洞續稿 卷之三 六

言丈夫志窮當益堅老當益壯我何以擇官爲乃投
牒謁選人得合州學正合故文獻地公用經術爲其
儒者師殊不厭薄日鳴鼓坐講堂與諸生陳古諷今
而手校其課業乃得陳乾亨輩數人游揚之已皆衰
然舉也人遂稱公氷鑑云會與其州丞史有卻而爲
所齟齬於監司公聞之奮然率諸生排監司之門召
丞史立數其不法而自白無過且語侵監司受陰譖
而疑豪傑非體遂欲擲手板免官去監司於是益賢
公而亟令丞史自伏庚午擢浮梁令浮劇邑又五方
之人雜處爲陶冶以共大官諸取給縣吏者徒日繁
醜醜洞續稿 卷之二 九

益復跳笑歌呼以自寄其傲諸故人于閭里少年雖
貴猶嚴事公不敢有闕入門磬折召宴率居樽下稱
賤子上壽公亦自安如常與之盡歡一有小失輒倚
醉譙讓之明旦又不自知所謂以故公雖有使酒罵
坐名而客屢日益相躡至蓋謂公外有風稜而中無
城府也嗟呼茲予所稱公任氣節自喜類若此即動
與世忤猶有古人之風使得階制科服官闕廷則疆
項正色雖責育不能奪矣乃僅試一令遽罷無所自
用其奇然進不附勢退不合汚蔑幾濁世砥礪哉予
又聞公里居十二年不餌藥不作佛事甲申冬偶有
微疾遽告人曰吾明年正月三日其逝矣聞者疑以
為誕至期遠近親友入問疾公以次抗手辭謝意各
有屬然絕口不言家事而惟以慈孝命其子徐起自
櫛沐正衣冠呼飲酒數行遂令婦車蓋鳴金鼓以往
嗟呼公不可謂知命君子哉公生正德乙卯春二月
去卒期年六十有六初娶丁氏無出繼娶王氏生三
子伯衍極季衍樞俱殤仲印衍材娶劉中丞子成女
繼娶何氏孫女二一聘舉人吳楚才子微一聘太學
生饒忠子其衍材將卜葬公某山之陽是為表

勅贈文林郎襄陽府推官子東劉公墓表

劉公下世蓋在萬曆甲戌之仲春時季子三才方纔
憲諸生間厪厪具士禮以葬屬其郡攷功氏任瀚為
作誌稱公猶處士也越九年壬午季子襄然為其鄉
舉首癸未登進士第選授襄陽府理官理襄陽三年
奏績乃得被恩詔爵公為文林郎如季子秩季子
厥然喜而猶愀然悲將奉詔改樹公墓道而表章
之因介予友孫孝廉敏政徵言於予予按公諱涑字
子東蜀嘉陵之鄰水縣人永樂間五世祖壽舉明經
為慶陽理其子尚綸亦舉明經為京兆理尚綸生介
介生祥祥生繼僊世世有隱德繼僊字崇樂即公父
初娶艾孺人舉二子伯子澤公其仲也公生嘉靖改
元三月望日自少警敏日可強記數千言弱冠受學
伯氏業已成經術而不見知有司會伯氏與崇樂公
先後物故公哀毀踰禮尋亦委身家政上堂奉母下
堂恤伯兄之遺孤稍稍厭薄制舉業矣時有司里選
士公亦晏然不欲行諸執友憐其才從旁慫恿之公
謝曰休矣家慈春秋高矣吾豈能割一日養而就經
生名哉艾孺人聞之亦稱快公事艾孺人敦行古溫
清禮則極愉婉遇有過輒長嘆順受而不敢少有迂
色有疾則手調七藥日夜侍牀第不休孺人居恒以

伯子之遺孤啓蒙爲念公既從襁褓中撫啓蒙而成
立之至廢者則田園自取其硯塋者而以腴與孤僅
僕牛馬自取其老瘠者而以壯與孤孺人曰吾老且
死不復爲孤慮矣以故里人孝友公而卜其後將大
未幾執母喪哀踰前喪幾不能起然公自廢學以後
益能拓先業而其配甘孺人又以勤儉佐之貲復殷
殷起庶幾彌素封矣後邑人以繕城之役坐困米價
騰踊或勸公出糴以自利公笑曰以吾居邑屋而坐
視宗鄭無生色非夫也尚忍以升斗自利哉姑守此
與宗鄭人共飽耳其一切稱貸公而適不能償者公

甌甌洞續稿

卷之三

三

往往面焚其券而不使聞於人鄰少年有橫侵公田
界者蒼頭不能平以告公公曰若但謹避之吾終不
能以小嫌傷古人親睦之義卽爲子孫計非尺寸之
土可長恃也少年聞而愧悔自失益服公長者已視
二子漸長歲延明師傅之雖病憊伏枕時不廢誠語
每謂先世父子相望以儒術起家及汝父之身娶家
難而不克自振沒齒有餘憾焉兒曹其勉圖之以竟
吾志毋自負負先人也居數歲季子補邑學諸生試
輒高等公喜曰兒有英骨當貴第恨老父不及見耳
語訖相對泣數行下無何公竟不起年才五十有三

墓在飛鳳山之陽云男子三人長三聘娶唐氏次三
綱蚤殤季三才卽司理娶梁氏繼江氏女子二人一
適吳一爵二適庠生侯世芳並甘孺人出男孫五人
士賓士魁俱庠生士光士某並唐出士英江出女孫
二人尚幼嗟乎攷功氏稱鄰邑故多質行長者宜莫
如公蓋公其天性篤於親而子猶子如子而又恤宗
鄭不私其才避惡少年而卒能使之愧悔自失樹德
厚矣故身未被章縫而歿膺華衮行不出閭里而名
聞朝廷算不及中壽而澤流奕世謠云百年之利
樹德有以哉以予觀季子識畧風猷爲士林望卽初

甌甌洞續稿

卷之三

三

試江漢間爲天子操法亦得爲文林公行仁行且
立朝樹勲伐銘鐘鼎公殆非可以一命榮矣予故表
其著者俟史臣采焉

勅贈太孺人劉母甘氏墓表

孺人爲文林郎劉公妻而襄陽司理三才母也頃司
理致書爲其母乞表墓辭曰先慈棄不肖孤家食時
不得沾祿養又適以省試不逮視會將抱舉魚之恨
終焉今墓木且拱不自意猶藉一經之遺釋褐奉除
書爲襄陽理比及三年報政復蒙肩主上恩特下
璽書褒錄因錫爵先二人先慈之稱孺人寔自今始

蓋泉壤之遺榮臣子之極幸也惟襄與鄂相去千餘里猶得以比褻吏竊聞先生下風願不靳一言為孤聞母幽德彰示主上恩不朽先生豈有意乎語云不知其安視其子即司理君孝思孺人蓋可表也已狀稱孺人甘姓行三父處士宗德母楊氏世與文林公居同鄰水兩家並邑望族初處士視孺人端靜娟好足不踰域言不外聞雅珍愛之因口授以內則諸篇必欲待宅相而後字不輕許人會崇樂公將為文林公納聘處士猶偃蹇焉比聞里中長老稱劉氏有世德而文林公又才男子遂慨然受聘而以孺人歸

鹿鹿洞續稿

卷之三

三

相

之歸未數歲遭崇德公喪孺人與文林公竭哀襄事無遺禮又謹事父母父母故嚴重視諸婦如束濕薪獨孺人以下氣柔聲左右之鮮不稱旨即分理諸務大者蒸嘗家廟俎豆賓客羔鴈內外親以及米鹽壺脯鷄豚孕字之屬纖悉媿孺人一手治之比其理也又不自言勞曰姑力也每自屢巖巖至奉父母則非滌澣不進父母亦時時為改容私謂仲得婦如是者十餘年父母卒文林公旋以過哀病骨立一切家政屬孺人總之孺人拮据佐文林公撫孤賑乏解筐篚為兩兒行經師修而猶用其餘力積居里數千

金為文林公開產業富甲其里里人翕然稱孺人第而傑丈夫也居恒督誨司里君日夜企有以自樹暨司理君補邑博士弟子試偶在司理人喜且誠曰若母雖幸而有家不免為裘褐婦安得吾兒奮跡當世易我以尚方錦乎司理君受誠益下帷博綜群籍明習古今事要駸駸成名儒未幾文林公卒越五年孺人亦病暑卒又二年為萬曆壬午司理君始領其鄉賢能書明年成進士以有今官又文林公與孺人並受貤典以有今贈云嗟乎孺人以令德成其子司理君以榮名顯其親劉自此大矣倘所謂世德之

鹿鹿洞續稿

卷之三

三

鹿鹿洞續稿文部卷之三終

甌甌洞續稿文部卷之四

武昌 吳國倫 著

渝州 馬攀龍 校

序文十二首

蒼雪公詩禪序

蒼雪公姓揚名文字子實吾友伯海曾大父也伯海故多執而尤自喜於詩諸名人之遊金陵者無不樂與伯海交乃伯海之爲詩也蓋本家學云自蒼雪公稱詩 仁宣間著有詩禪二卷梓在西蜀塞大宰家且百年凡三傳楊氏子孫僅遺一帙伯海得奉以爲

甌甌洞續稿 卷之四

楊煌

典則而師法之今伯海年已近七十尚能手鈔其全帙挾之遡大江入楚謁予序予觀蒼雪公述禪者也遂禪於詩采唐人五七言近體八百餘篇而以禪家三乘品之有如編貝繩珠秩然有第而古體不一及焉至所評說養意趣審格調以廣歌爲詩之源風雅爲詩之備離騷爲詩之變則又古今不易之論近體不必盡也豈就晚近爲詩者而指以從入之法門耶夫詩也而禪喻之蓋卽所謂借言以會意意盡無會處庶幾深於詩哉昔匡稚珪說詩能解人順而讀郭景純詩者輒覺神超形越此其肯大與禪類難言之

矣伯海既以詩世其家猶欲廣其傳與天下後進生共其又禪家所謂傳燈意乎

劉武選遺稿序

昔者吾友劉方回氏蓋自舞勺之年能爲近體詩暨舉明經入對公車往反燕趙梁楚者十餘年諸體漸備然率自命其意每尺牘出輒爲人所爭傳不暇施點竄卽時時雜用宋元人語亦不自覺憶嘗同予登黃姑山而觀蘇長公故所書銀山鐵壁處方回興至詩立就屬予和之輒見稱賞以爲近唐云而予時實未知詩也後方回舉進士爲司馬卽時予與海內二

甌甌洞續稿 卷之四

二

楊煌

三君子稱詩 闕下方回見而大悅之因盡棄其生平所著一變爲唐音此非獨其才情高而志殊足以自帥也顧方回自少嬰羸疾雖呻吟瞑眩間手一卷不置已又勞於服官羸益甚以故好古而艱於博習好吟而怯於苦思取適其適而止焉乃里中先輩之能詩者自郭侍御楊按察以往方回其鴈行矣方回詩自一變後尤善其韻晦不槩以示人而獨予所見不下二百首其由武選請告還諸作卽予亦不多見屬捐世時其孤之斗尚在孩孺不能收遂至散逸無尺牘存嗟乎傷哉今之斗且壯哀其父泯泯無述

也因乞諸長老士大夫家口弦而腹筭者董董數十篇彙爲一帙謁予序而傳之嗟乎傷哉此無異鑿下桐而赤水珠也雖取數不多而得之滅沒之後爲益貴耳夫世亦豈必於方回求多乎

賀郡大夫張公考績序

初張公令鍾祥業已 奏績被 命馳封其父文林郎毋孺人屬大中丞劉公敕有司爲營綽楔里中昭揭 主恩而旌張氏世澤爲後來臣子風甚盛典也豈惟蜀人以爲華楚人且聞而豔之矣會公守興國又三年而所 奏績非一邑比由兩臺使以及藩臬

甌甌洞續稿

卷之四

三

諸上官無不循良公而署上考以聞於 朝而所俟新命又非郎官比也夫君子脩其職以報君顯其身以及親張公有焉于時其僚佐與諸文學官皆爲公德色相賀因屬予致辭予惟公往歲入計蓋嘗有不腆之辭矣比其績猶未成也茲不三年有成時哉昔者魯報政周公見以爲遲曰變其禮易其俗所以遲齊報政周公見以爲疾曰因其俗簡其禮所以疾夫政之難易因乎地而報之遲疾因乎才周公蓋有所試矣藉令大公爲魯伯禽爲齊卽有異同而強弱豈盡槩乎迺若王稽守河東三年不上計謂恐以功于

甌甌洞續稿

卷之四

四

名韓延壽守東郡三年不行縣謂恐無益而重煩擾此兩人者非不赫赫秦漢間然予竊憶其時法制未備吏猶得寬假無結束何可緣之爲已成事乎今國家重親民長吏而考課之法於守令爲最嚴每下恩澤詔書褒勞異績而爵其所自生或增秩賜金或超拜右職於守令一無所靳公於斯時報政殆功名遇合之會乎予觀公初政猶不免有變禮易俗之勞久則因而安之惟衆庶便卽強禦不能奪上官不能移庶幾用齊魯之政濟焉公蓋長者也有養才而不自用操孤介而不自賢其政務在近民民亦樂近之

若家人父子相保愛而四境之內諸壤土肥磽里俗淳澆積聚豐耗生齒休戚公用不心籍而掌撫之卽山谷無知偶造其前欲有所嘗公公但問以一二微事若烏攫吏肉亭長寄聲之類其人大驚以公具知其狀惶恐叩頭而公終不忍置之法其有悖而負公者公反先自刻責豈其負之何以至此負者聞而創悔無所容因自繫髡肉袒謝於庭公卒善待之毋藏怒焉以故恩信素結令必行禁必止訟者立解而輸者踵至諸一切構會相告訐與若反唇相詬語者皆不煩鞭箠傳相救厲以自新矢不復犯間行兩縣

入阡陌則縣父老子弟扶携道擁輿問起居公因
察所患苦而蘇息之所至稱善惟恐公之不行縣也
蓋三年一日郡邑一家矣語云鏡執清而無事善惡
從而比焉衡執正而無事輕重從而載焉夫吏執清
正而無事以鏡善惡以衡輕重不亦猶是乎以此報
政則所謂名實加上下者也而又何嫌於自功今公
且受知主上非久當增秩超拜而二尊人行亦謝
郎官而大夫矣茲諸君所以爲公德色相賀與

劉子成先生集序

子成先生既罷中丞十五年予亦罷大梁政歸先生

甌甌洞續稿

卷之四

五

乃使執訊詒予書曰昔者陳思王自負其奇無人乎
一世然卒自謂所著多蕪穢因刪定別撰爲一錄而
其客丁敬禮氏亦嘗以小文使王潤飾之曰文之佳
惡當自得後世誰知定吾文者嗟乎古人志在可傳
名相高而氣不難於相下乃爾矧予才不逮二子遠
甚而所著蕪穢何啻過之竊不自量敢以刪定潤飾
微惠我明卿明卿豈無意乎時予固謝不能而先生
遂欲命駕造予面屬之會病作不起越數年其子應
占儼然奉諸稿來再拜而請曰此先子治命也豈惟
乎也敢專承之予因受而卒業焉則孝廉吳國賢狀

業已刪定過半題之曰太白原稿從其故居名也予
又窮數月之力精求之得三之一屬兩兒工良士良
爲銓次之始殺青授應占應占奉以告劄剛氏書且
成應占又再拜以叙請叙曰先生初爲法曹郎猶及
游五子間相習爲古文辭會其時疆圉故多先生好
談兵家言爲當事者物色且被選事名而出之治兵
夜郎淮海尋以上首虜功超晉御史中丞填撫江北
諸大郡蓋十餘年距躍戎馬間自謂乘時樹勲伐受
知主上將相之業可坐而致也亡何坐飛語罷去
天下人共屈之先生亦自執執不能平又累被薦書
甌甌洞續稿

卷之四

六

輒爲人所擠不見用始慨然語國賢吾悔不竟五子
業也舍雕蟲而汗馬藉卽以汗馬徇國安見其爲壯
夫哉穆叔不云乎身沒而其言立於後世謂之不朽
夫不朽大業也又安得目以爲小技吾與子其圖之
矣今觀先生里居以後諸作多視宦游時數倍而博
且雅又數倍大較一言不五子不詩而文則言言武
于鱗也卽予不敢負先生地下而有所求多殆武庫
之有利鈍玉府之有瑕瑜乎取一於三使後世徵其
利不觀其鈍寶其瑜不掩其瑕先生於是乎不朽矣
地下可作庶幾謂予知言哉

送黃州太守范公入觀序

昔在列國漢東之國隨為大今黃鄭相隨而大於隨且數倍夫黃之大非獨其疆域廣財賦訟獄繁也又非獨其四封盜賊閭里輕俠根株窟穴多也又非獨其丞史緣絕之弊與諸吏請求銖兩之姦蝟發不易禁也即搢紳先生世家右族若學官弟子之待賢良文學之選者燦起雲合歛然冠三楚矣何論隨故守黃者不貴責煩苛而貴操事要不難核名實而難肅觀望不佞國倫所見黃使君赫赫稱行能而立致通顯者豈少哉然居率見憚而去鮮見思循良之風遠

甌甌洞續稿

卷之四

七

方

焉耳頃聞范公之守黃也不知黃之為大也明師帥之職而存德禮長者之風大者躬厲清白為諸州邑先已乃宣布詔令令所在知上意而所為周急繼困尉安元元便利百姓之道甚備至如晚近所尚一切鉤距披挾術數構會吏民以自賢其才智其究足以澆淳散樸徒傷國家大體無益於治安則公一無所用故其明不察未有能燭其明者其令不煩未有能格其令者其法不峻未有能勸其法者諸吏民藉以脩其職而樂其生莫不輸寫心腹為公奔走事事諸搢紳先生博士弟子藉以重其鄉而善其俗

莫不竦意歛衽嗟服公王佐才史氏所紀有如黃決

公外寬內明得吏民心龔少卿尉安吏民使安土樂業公豈非其儔與若韓趙諸君子非不有赫赫名而公固有所不為矣居二年黃且大治會當率所部諸長吏入計而諸長吏則先期走使涉江問言於國倫曰述職令典也顧州邑各述一職而郡使君總之為一職而小大區焉予儕小子分儔使君下僚北面受質而奉揚之罔敢有怠闕乃智有所闕而使君開之力有所短而使君振之故實有所弗協而使君型範之胸臆有所結約而使君宣鬯之使仰無束溼之虞

甌甌洞續稿

卷之四

八

方

俯無引肘之累各竭其才而已焉茲有造於吾儕而所以造黃人者至恩也詩云豈第君子民之父母若吾使君奚啻民之父母也與哉今者五馬在駕襜帷在門祖而舍輶者在郊諸父老皇皇焉攀無郵也願一言屬飲餞者先生豈無意乎國倫曰以予所聞而質諸長吏之所請則信乎古今人情不甚相遠而循良之風可復追也公今入朝當為天官所表異天子且親問賜金超拜三公九列非黃人所得借何惑乎諸長吏為黃人戀戀哉惜老言不足為公重姑以俟史氏云

送黃岡趙明府入 覲序

趙君宣州名儒起家進士初為武昌令且二年兩臺使表奏其能治劇徙黃岡蓋用薛贛君由死句徙長安尹子心由栗邑徙平陵故事也在黃岡又以治行考成天官大冢宰得書最以聞受知 主上褒以璽書賜爵其父母榮矣趙君亦用是感奮思竭智畢能又安黃衆庶報 主上恩會有明詔諸察舉守令有理效者令久任不得數更易遇公卿缺即選諸所表以次用之故以趙君久於黃凡四年再入覲予聞趙君之初覲也黃父老士人匍匐攀送百里外者不下

甌甌洞續稿

卷之四

九

方

十百輩迄今行政久樹德深黃父老士人之匍匐攀送者不知幾百輩踰境當幾百里然亦河內人借寇小黃三老留延時也其為別殆益難矣于時郡衛諸參軍與其邑諸僚佐又日習於趙君之賢有所託以取重而陰拜其賜者也將為趙君卜祖於郊儼然介予友王行甫書來以贈言見屬予不佞即弗嫻於辭乃趙君予所知也安得無言夫趙君沈毅長厚其為政每以經術自輔節廉而不近名又其才足以肩重理煩亂所居邑介在大江之濱為上下舟車所湊冠蓋相望無虛日趙君第從容應之不慢上亦不厲

民即受記考事不盡任法而大旨在拊循孤弱鉏抑

豪強以風示四境四境畏而愛之遇奉檄持興革大議輒復引古今處便宜各當事要諸上官自以為不及見丞史有細過不忍暴章第以意相曉令自改圖而卒保其無敗有郡大夫馭吏稍嚴急趙君微諷之逢其怒趙君退而引過曰大夫方正人吾自進言過激耳大夫聞之賢趙君不容口其後大夫已遷去橫被飛語幾墮不測趙君則傾身排衆論力白其冤事乃定予又聞趙君在邑其經費不繼不忍鬪市徵取諸家帑佐之予嘗詒之書曰士之仕也不家於官清甌甌洞續稿

卷之四

十

方

矣而又哀其家以供官用豈非古所謂清畏人知者乎予所知趙君通才大節蓋如此雖兩臺使累薦未必盡予故撰次以為贈言諸君子當亦不謂予佞也語云器大者受亦大山嶽之高也以藏垢河海之廣也以納污由古及今有德厚如趙君而不旂常台鼎者乎茲行當首應明詔矣

海天小隱圖序

齊大夫之守鄖也政平訟理稱良二千石矣乃居恒念故土而視郡齋如寄自謂家北海上舉目見海日以恣玩弄而懌情志其景有八今去海遠遊羈紲

官忽忽如有所失第時時眉睫間耳于時客有繪八景圖以為贈者大夫蹶然喜曰異哉客力能移海也予隱於吏其猶隱於海乎遂命之曰海天小隱而李太史本寧為作記陳州牧心叔賦之諸僚佐郡士人相與修贊而歌詠之總總林林累而成帙司理錢君寔銓次之以傳而獨虛首簡俟予序予披圖誦諸撰述則恍然觀於海矣小隱其旨自王康琚氏大隱隱朝市小隱隱山林豈不謂身隱小而神隱大乎大夫負天下才業不能一日去朝市獨奈何避大稱小也予聞赤縣九州裨海環之裨海之外復有九都大瀛

甌甌洞續稿

卷之四

十一

海環之由斯兩談裨海大瀛之一洲也北海裨海之一隅也而況居北海之濱曾不足以當蹄涔大夫隱以為小不亦宜乎故曰環堵之外耳有所不及聞百里之外目有所不及覩厭小而驚大非善隱也驚大不已將東涉波谷西躡豐沮南升汜天北窮大幽使車轍馬跡遍天下且將航扶桑之津蹈積羽之衢躡龜鼈之梁探金樞之穴使吾怪覩異聞精驗於一世而後為大乎噫乎日亦不足矣夫驚大者忘乎其小者也安小者忘乎其大者也忘乎其小必蕩而失其所歸忘乎其大庶幾天下無全海焉何也舉一隅而

裨海其槩也舉一洲而大瀛亦其槩也安見九都大瀛而蹄涔小乎茲大夫所為神隱與康琚氏異也今夫善飯牛者富貴不入其心故牛肥善求馬者牝牡驪黃不入其目故馬良善度世者紛華波蕩不滑其衷故與世推移而無迹大夫寓目於海而遊心於天所見蕩瀟潮汐吞吐三光與島嶼之飄颻魚龍之潛躍烟霏之下合乍散天琛水怪之若沈若浮金宮玉闕之時有時無海重鯨人谷神水伯之忽見忽不見皆幻也所謂包乾與括坤區莫非幻也惟大夫為能幻視一世即一世皆海無朝市無山林可隱可顯而我

甌甌洞續稿

卷之四

十一

無與焉是大瀛在其胸中故自是常小而天下無全海非蠡測管窺之謂也小隱之為義大矣哉予姑書此以報司理君而八景則諸撰述詳矣復何贅

督學王公類稿序

督學大夫上海王公蓋在先朝為名御史直聲動天下予竊心壯之屬抱牒海濱不及遽見諸章疏已得之則凜然骨鯁之風即正色立朝如孔父通達國體如賈生面折廷爭不畏疆禦如汲黯未之遠過益令予竦意變色願為公執鞭乃公非久坐直道忤權貴人去國而服州郡矣頃遇朝政清明公稍遷按

蔡僉事入楚視學政予在田間聞之大喜曰正人登用楚士先得師世運文物其相待而興乎已又得公所爲古今攷叙讀之大旨嗤剝剝而尚探討薄藻繪而崇典章知公直言敢諫陳古諷今非獨以氣節勝而得之博學明辨者深也古之儒者類能脩先聖之術明習當世務以待論辨爲天子使而今也不必盡然以公當之予知其不忝矣孔子曰學所以益才也不亦信乎故以爲人臣必正必直以爲人師必公必明學之不可以已也如是今公居楚且四年所樹士多上國所材亦既有成教矣始出其類稿若干卷

甌甌洞續稿

卷之四

十三

以視內翰郭美命美命大稱善以爲可傳傳之因寓書屬予序予受而卒蔡焉則往時所見諸章疏褒然列在首表而文若詩墨墨其後有如編貝貫玉夫章疏無容贊矣即文成一家詩具三體率多取材於腹笥而脫迹於風斤不落筌蹄不涉蹊徑惟意所適一無所猥襲皆足以絕倫物而抒性情蓋所謂博古而不盤於今綜今而不侔於古也不朽之業其在茲乎夫章疏見公經世之大畧而高風勁節先之文若詩其緒餘也昔者穆叔論三不朽而以立言次功德公寔兼有焉必傳何疑第予無幸未嘗一日從公遊

海內士多知公而予亦不敢自後矣張子高不云乎心之精微口不能言也言之微眇書不能文也予之託於公也亦然善觀公者其毋以立言盡公哉

遠遊編序

豫章友人朱貞吉氏頃歲兩遊吳越歷覽江湖諸名勝吊古懷賢感時紀事所至與諸墨卿詞客交歡倡和得詩幾三百篇歸而手次爲二帙命之曰遠遊編使使持視予屬彈射而序之序曰遠遊屈原之所作也原遭謫見放行吟山澤有所託而逝焉故其詞弘雅其志愈悲非誠好遊也其後司馬遷述史蓋嘗南

甌甌洞續稿

卷之四

十四

遊江淮上會稽探禹穴登姑蘇望五湖闕九疑浮於湘沅歸而博采羣書勒成一家至其自序乃謂詩三百篇爲聖賢憂憤之作則有激乎其言之貞吉親爲帝孫貴視列侯處連櫓而御結駟又身通六藝所知交多天下名人優游邸第翺翔文苑情景並適非復遭讒如左徒被幽如太史也何至憤激而爲詩且以遠遊名編乎嗟乎蓋有旨矣夫錐處囊而穎脫劍在匣而光騰騏驎耳千里之足也而造父弗駕則與凡駒同梗楠杞梓明堂之材也而匠氏弗采則與衆升同夫士亦然古有扣角疾歌抱膝長吟者豈盡遭

說被幽而後發哉懷才不售抱志無以自通中意迫
阨固宜激而成聲耳若貞吉自束髮被服儒術多所
旁觀古圖史傳記發為聲詩藻雅瑰奇為士林所爭
豔而又明習國家故實博通當世務顧見東於宗
有司曾不得試為掌故偃仰一室動觸四隅即坐康
常祿蒙冒天子親親至恩非其安也居恒自度棄
繻投筆之事業已不可為豈其能俛首結舌伏几駒
之櫪雜衆卉之林乎其為遠遊蓋慕左徒太史之風
而欲取助於名山大川以自舒其胸臆之結約亦情
也今觀諸詩體益備思益沈才情益豐而生平慷慨
飢餓洞續稿卷之四 得

題朱圖南豫章社草

予既序貞吉詩而貞吉且不吝受予彈射單車自南
州越匡廬來叩予飢餓洞中蓋與之濡首飲花石間
五六日別去別時貞吉手一編授予曰此墀兒學詩
草也乞題數語其端示之正鵠以動若發機可乎予

閱諸草益三體百餘篇風氣才情大似貞吉有不盡
合則自匠者勇於求新而獲長難範古者優於用舊
而暢意難乃其進也重家鵠而不愛野雉何憂不貞
吉乎夫貞吉子而貞吉有之即辟疆之有路少中壘
之有子駿並足稱父子之美矣予竊為貞吉快心焉
墀字圖南詩命之曰豫章社草

榮哀錄序

榮哀錄者南海王侍御思其親而作也初侍御其父
明經負用世才不遇而蚤世葬且二十餘年乃得被
命追爵為文林郎則侍御令上雋時地典也是故
飢餓洞續稿卷之四 十六 得

榮至而哀生焉夫榮榮其不死也哀哀其不逮也人
子之心豈有已乎古人薄椎牛而珍鷄豚親列鼎而
思蒸藿皆由榮而思哀感深矣予觀侍御之自述與
上雋諸君子之述文林公則王氏之中落而復振也
天寔祚之非是父不能貽子穀非是子不能顯父名
非遭遇聖明未必遽拜恩澤詔以故侍御不獨
思其親而尤思其榮吾親者而懼報稱之難則哀
之所由生乎孝哉侍御可與言忠矣故曰孝所以事
君也昔者中山人之報其君也曰是嘗下壺飧鋪臣
父駟桑人之報宣子也亦曰是嘗煮菽食遺吾母夫

簞食壺飧恩至微細一及其父母則重如五鼎萬鍾而慨然許身報之况主上褒一令之績遂及其所生而使主爵增秩史臣撰制錄海濱之遺行揚泉戶之幽光一日而聲重闕廷易布衣以華衮此之為德盖與覆載同也侍御之潸然涕出奮焉思報固其情哉可謂不忘本矣曩侍御令上雋時予竊聞其善拊循百姓為楚良吏冠頃執法西臺累抗章直言凜凜有骨鯁之風予固知其報主之心日益匪懈而文林公享封爵地下行不止一命也姑為序是錄而傳焉侍御名某字某起家進士先世本王姓以里籍之

甌甌洞續稿

卷之四

十七

若

謠而稱黃者百餘年今始得奏復云

賀黃州曾司理考績受封序

樂安曾君理黃踰三年報政天子嘉其績下璽書褒勞之賜爵其父學正公為文林郎母為孺人而黃所部諸州邑長吏且相趣稱賀君因介趙黃岡致幣山中屬予致辭業已三讓之不得乃報曰頃曾君拜天子褒書昭世德表行能盖榮於華衮矣豈山中人老言尚足為君重重違諸長吏之請乎禮載養于先陳父母之過比其成也即以顯親揚名任之故顯揚之典為人子者隆焉不得不以為悅而不必皆得

則遲也昔者狐毛與偃從君不貳父教之忠也舊不疑為吏嚴而不殘毋教之仁也此其父母盖被華衮以至於今然則士之仕也忠其君即忠其親仁其民亦仁其親非有二道矣夫司理刑官也刑者平也天子愛養元元虞恩德不宜天下有冤民故郡置一理理之理其不平者以助太守為治非欲其文而致之罪也今之為理者又不獨理一郡往往代直指使者行部廉問風俗察舉吏治按訊疑獄其責寔重而赭衣黑幪之待奏獻與黃綬黑綬之叩推轂者寔多其以身試法懼不為輿論所容亦且行私謁以彌縫

甌甌洞續稿

卷之四

六

若

其闕失倖漏文罔遂得藉資質重微能名以塗人耳目其狀不可縷數故郡國望風尊理官如直指即理官多才賢業已成習又每視直指習意為寬猛低昂不得盡用其志甚者謂吏道以法令為師所至飾威稜威車騎勤勞掠自丞尉以下屏息蒲伏不敢叩視其所驗訊雖治多不必得情而遽報辭服致其人甘斃桎梏不顧對理官又廣設機智求吏民過失譴呵細微一有纖介輒陰撻其舛中之使官屬章皇間里迫促一切以為精明至父老疾苦與宿奸大猾之伏城社者曾不及一問如是者人人重足立而直指之

薦章上矣鄙語云苛政不親煩苛傷恩則將焉用理哉不圖黃人得曾君矯矯流俗外也予所親見君進止雍容談論依傳經術職典決疑任平恕惟恐有失入銓身兼數器然用學而不用才用明而不用察攝邑邑治佐郡郡清行部部不擾庶幾所謂理其不平者而止也蓋其大旨寧舍細過而不忍為鉤距鉅簡之法寧失近名而不忍襲蒼鷹乳虎之風寧從吏直指操大體去其泰甚而不忍陰構吏民使豪傑自相仇予固知其以學勝也黃之儒者王行甫氏嘗為予稱君底厲清白密靜有文而學則受之其文林公蓋

甌甌洞續稿

卷之四

九

方

公嘗師事成安鄒先生談名理雖試為文學官未嘗在周孔之道未嘗一日不形於言其為忠且仁也固然哉且古之言陰德而卜其子孫必興者無如治獄不冤若于公高門容駟馬車蓋何比于受符策代為名族是也天處高而聽卑君自度與兩君子比德乎固當世世享有封爵何止沾一命而諸長吏之相趣稱賀意深遠矣君其增慎哉予楚人請以楚故實為君贊孫叔敖為令尹吏民皆賀而自冠老父後至獨不賀子玉為令尹國老皆賀而為賈後至亦不賀

夫以叔敖之賢也與子玉之智也而猶有不賀彼皆欲有所進也豈曾君亦欲有所進乎而諸長吏國人賀君者多矣

甌甌洞續稿

卷之四

三

煌

甌甌洞續稿文部卷之四終

甌甌洞續稿文部卷之五

武昌 吳國倫 著

渝州 馬攀龍 校

序文十一首

誥封劉恭人七十壽序

劉恭人蓋大中丞子成公元配也姓張氏初以中丞公貴封安人後以其伯子衛將軍日孚貴進封太恭人云恭人產自名族開姆訓儀德並脩方中丞公諸生時內困貧外迫群侮君公君姑幾為豪右所魚肉恭人業已茹荼苦躬操作力肩家政而尤力贊公事

甌甌洞續稿

卷之五

一

隆

精治儒術未幾公用儒術顯名而家難遂寢公姑晏然就鼎養暨公由潮陽令召入為比部郎時予適休沐過公未嘗不緩帶促膝語則恭人手自調飴煮茗延之曾不移時漿酒楹肉且具各極精好即流連夜分常勅童子執炙行觴不敢有倦色其為內助類是已為公置二媵並憐愛之且與共甘毳俾得以時侍公諸同朝搢紳大夫無不賢恭人而稱劉氏內德茂者後公以文武才出為藩臬大夫治兵黔筑淮海所至輒奏異績受知主上尋拜大中丞填撫江

北四大郡恭人皆從之官顧其時恭人身益貴處心益仁每見公提兵出禦島夷所全活甚衆則大喜暨聞上首虜功太多輒問我軍得無相當否閔然惻之已見主上數下璽書勞公而兼金文綺之賜累至則從旁謂公此異數也得無有害能而妒寵者乎亡何公果坐飛語解組歸公雖心知恭人有高世之識然鞅鞅不能平恭人又時時以止足之義諷之公意遂驛蓋自歸第以後與公歷二大故易戚並至且事兩繼姑如姑邑人孝之尋見其家孫炳衡試為邑博士弟子且抱曾孫一人恭人自是益好佛樂施予

甌甌洞續稿

卷之五

二

隆

大者飾廢寺藏諸品經累石為梁以濟病涉視戚里中饑者粟之寒者纊之既一無所吝其有所待而娶婦嫁女及昇殯而掩簾裡者不可勝數亦無不當其緩急以故戚里人極口誦恭人仁而祝願殊厚今年恭人年七十會伯子一歲舉兩孫恭人慈顏大喜其戚里人咸舉手相賀曰此陰德之報而天之祚劉也滋昌大哉於是伯子先期謁予言為恭人壽且申之曰先中丞意也因憶予之得舒恭人也則中丞公與恭人為容也且劉舒為內親而舒恭人亦已有孝息得相附稱通家者三世矣敢復以不文虛伯子問乎

昔揚子之言壽曰物以其性人以其仁庶幾不悖於仁壽之旨夫鍾山之玉鑪冶之而益澤朝陽之松柏霜雪之而益完以其受性貞也惟恭人受性仁故以視鑪冶霜雪皆仁微而相夫排家難安事二親仁也貴而畜妾媵不厭賓客且好全活生口而明於止足之義仁也老而敦孝不衰好施不倦而使四鄉之人呼天誦恩祝頌多子孫福壽仁也人以仁壽斯其徵乎今恭人享有家樂有榮名目觀四世之盛而矯健如強年蓋無損於心故無耗於神殆所謂仝然全其天器者壽無算也伯子愛日其由七十而占無算乎

甌甌洞續稿

卷之五

三

科

伯子再拜謝曰日孚得奉先生言進觴恭人即西王母之金液不旨於此矣九華真妃之霞精不珍於此矣是爲序

俞山人紀遊詩序

今天下布衣之士能言詩者不少矣乃獨弘嘉間孫謝二子詩最近古又率附當時諸名公以傳遂得賈重一時爲後進生地微諸名公天下且不知有布衣也何論詩工拙哉今二子詩故在豈有加於諸名公而爲之游揚藉譽若不及者蓋有意焉猶之古人登葵藿於五鼎之前進縫掖於二千石之右存雅道也

甌甌洞續稿

卷之五

四

科

予所聞晚近少年方剽剝諸名公一二麗豪華豔語曾未得其似而已沾沾自多且面謾人而力詆之以爲無當至欲歸而盡焚其牘此鋪糟歠醢而指瓊蘇琬液爲無味者耳將誰欺乎俞山人公臨與予交最晚而予知之則最先頃自陽羨犯溽暑過大江來訪予甌甌洞中與之言詩者踰月益復深相結而過信之大較趣舍同而意氣不相狃也已盡出其紀遊詩二帙視予願受彈射而請序焉予閱其詩有孫之逸趣而巽密過之有謝之苦思而宏麗過之庶幾一時布衣之雄乎而予所交王行甫方仲美王承甫葉茂長黃克晦胡茂承則先後鴈行之矣予因詰公臨所受詩從來謂自弱冠厭經生業而好從大人長者遊迺得習爲韻語取材漢魏初盛唐而心師當代諸名公日恐不得其似且聞先生嘗有一言之譽竊有請焉予既知公臨詩別有心匠而無抵掌效顰之迹乃其志廣而辭遜若此豈必附青雲之士以傳者乎因稍稍爲精求得十之七以復之公臨遂不復有所疑而授之剗剗嗟乎以公臨視諸少年奚啻蟻蠊螺贏哉然公臨非徒以詩雄也年未強而脩長者之行心竊高之蓋公臨故龍君揚客而君揚遇以國士比聞

君揚之謫也入楚慰之及其戍也又匍匐豫章送之
今觀詩中憂喜相關急難相呼號真有古國士之風
焉夫君揚以高才被重譴天下人惜之而不以為冤
而公臨獨冤之蓋必有以察其微而非徒為私恩蔽
也不然以一布衣力不足以叫帝闕而脫故人於
法而徒斷斷然為是奮臂鼓舌何為嗟乎此孟舒田
仁所以稱長者至於今也讀公臨詩者其知公臨哉
王侍御疏草序

南海王唯吾氏為侍御史二年疏凡十幾上大者抗
言內豎外戚不得踰制希恩大臣不得與近侍邀功
甌甌洞續稿 卷之五 五

互市以次有所効治不法陳說便宜若抗慨引大禮
諷 上定國是操政本防微杜釁銷未形之憂每一
具牘纒纒數千言多逆耳犯顏語 上亦稍稍采納
行之獨不貴異物一疏忤 旨左官乃其疏草自左
官後益傳中外士人無不絮息吐舌謂御史抗言時
業已奮不顧身何論去就顧猶有天幸使得服在外
僚則 主上之仁寔能容之也豈惟能容之抑即為
用御史地語云君仁則臣直又云逆命利君謂之忠
夫御史懷忠直以事上分也至得以忠直自効而不
危其身遇也且所采而行者天下陰受其賜其有所

忤而未見之行者猶足以備盤盂戶牖之箴 主上
豈誠薄御史哉昔人謂置里革為良毋不治廷樞為
旌朱雲用是道耳今夫以繡緣繡莫知其美以素緣
素莫知其善故唯唯者衆而後謬謬者異也患得患
失者衆而後危言危行者異也夫異也惟仁主能辨
之亦惟仁主能容之史稱汲黯好切諫不得久留內
帝亦少憚其戇顧論何如人則以古社稷臣當之而
卒用以為九卿諸侯相今御史切諫大類黯而好學
無褊心又賢於黯數倍安知 主上手御史疏不心
許以社稷臣乎郡人徐黃兩孝廉故御史閔下士也
甌甌洞續稿 卷之五 六

北使稿序

往予以計吏再入京蓋聞有金臺十八子云十八子
詩傳自信州紀振東旭仁氏吾友王世貞雅其志而
叙之旭仁故佳公子意揚揚得也又數年旭仁所善
康山人稍為旭仁游其譽是時旭仁官矣頃予南遊
過五羊旭仁謂予避席而言曰不肖豈能久事馬蹄

海內聞子且來不欲遽去今子入我乎使得席五席
杯重溟以與子周旋稱詩雖雖題鑿齒吾厭之矣而
又何以家為予因戲之曰十八子齊名金臺顧不重
耶旭仁曰公等既去國吾猶及邁十八子耳即十八
子皆才於吾而吾竊有志焉嗟乎茲王大夫听以為
旭仁取志也今年予欲移疾乞歸狀且上旭仁聞之
曰吾亦從子逝矣遂稱病謝事已皆不果行旭仁乃
束其北使諸稿示予予觀諸稿則盡識予以後作宜
幽寄賞觸景為情弗溢于思而其辭澤弗膠於體而
其節調庶幾窺風人之旨而自得焉視夫劇目鉢心

甌甌洞續稿

卷之五

七

太

寒膚噤腹而後就者即淺深無論而甘苦較然矣此
豈復金臺時旭仁哉詩言志信矣信矣予雖未能言
詩旭仁不以為不知已至以予為出處則旭仁過矣
昔孔子謂商也可與言詩為其好友勝已者日益也
予不佞何以益旭仁哉姑為詩二章貽之因併叙其
稿如此云

賀通山張大尹重膺獎薦序

通山山邑也與予下雒比壤其土田瘠其民食耕故
不通商賈而治生為最嗇獨視令為休戚耳故其令
之樹德也者與其樹怨也者曾不朝暮所屬在路

即比壤之士與有聞焉猶得籍之裨官野史用以勸
戒後來而況諸監司兩臺使日臨其上若氷鑑乎乃
今張君之為通樹德也蓋得之朱氏兩太學甚具與
予所聞在風謠一口矣張君賢乎哉夫守令稱親民
長吏而令視守為尤親顧民各有心而休戚關乎令
則一孔子不云乎以道導之則吾畜也不以道導之
則吾讐也管子亦曰民不可稍而長也可并而牧也
衆不可戶而說也可舉而示也而樹德樹怨此其大
較矣彼謂物有昧掃而中蛟首掩目而分黑白者皆
以奇勝也藉令親民而可務奇勝則鉤距鉅箠貫

甌甌洞續稿

卷之五

八

隆

輟梟虎視隼擊非不可以賈焦赫名而律以奉職循
理因俗制宜之道則大謬此兩漢循良傳所不取也
張君治通不自用其奇問民所患苦而立蠲之問民
所便安而立就之其政平其令不苛其自奉薄其賦
歛以時諸所為罷里供省茶榷飾黷舍創邑志存關
譏率用民情以為緩急故無所事拔薤而豪歛無所
事赭裾而偷息無所事銜策而訟平五年通大治庶
幾無忝於名實乎兩太學頃又造予而請焉令君為
通五年業已報政諸部使加獎者十三楚中丞李公
御史任公既獎留而又交獎之蓋為吾通故寵異令

君也通士人且相率稱賀願微惠一言為令君重可
乎予稽諸獎薦之辭則所謂願為慈君而不為神君
願為循吏而不為能吏者令君也夫薦也升聞於
朝獎也施聲於野名實加上下矣裨官野史將藉令
君重豈令君猶假予重哉且予聞之形非為影也而
影隨呼非為響而響隨故君子功先成而名隨是名
實之微也又聞士始入官如入暗室久而愈明明乃
治治乃行則久任之效也夫令君政成而名漸起論
定而資益重當不再及瓜趨徵命入矣通士人豈
得久借令君哉即相率稱賀以彰其樹德而志不忘

醜齋洞續稿

卷之五

九

固士人之情也令君蜀之中江人由鄉進士兩太學
之梅之楫故大宗伯胤與予為忘年交云

雙星館集序

崑山顧靖甫妻朱氏小字柔英少宗伯子謙公女也
靖甫父武祥公嘗仕為江西左伯兩家故以文學名
而所生子女並蚤慧能修其世業靖甫蓋自舞象之
年補邑諸生業已博綜群籍兼擅諸札文宗伯公見
而奇之因擇為柔英倩而厚其橐裝歸焉屬大夫人
皇甫氏視諸子婦故嚴不易近柔英獨能折節順命
得其歡心有間輒與靖甫質問古今倡和為聲詩藁

雍雍乎房幃師友矣後靖甫遭讒被大難柔英日夜
憂惶罄厥其橐裝力救之始得稅駕避讐入楚依其
故族居焉居數歲靖甫益以制舉業見知有司顧卒
為新附所由不得登賢書在是二故人仕楚者憐
而助之入嘗遊太學且行乃涉江叩予而以其所著
楚思賦為贄予誦其賦泠泠楚音也悲矣已又手其
妻所著雙星館集二帙視予且請曰詩非婦事何敢
言工拙第此子也嘗事吾母孝又與更家難且壯而
無子子其庶子天階若已乳殆有遺德在吾者三而
吾不忍其泯泯也願微惠先生一言俾不朽云予聞

醜齋洞續稿

卷之五

十

而嗟異之曰顧生丈夫哉不忘婦德而及其言至以
雙星名館名集又欲與河漢相輝映矣夫禮稱婦尚
專一德無所兼見謂焉用文也乃二南所詠多哲妃
聖后賢大夫妻與諸閭巷婦女之音皆聖人所首錄
謂足表風化而興後來也文何傷於專一乎嘗考刪
後詩家漢魏差近古其最著聞者若唐山夫人烏孫
公主班婕妤甄皇后衛羅國王女以逮焦仲卿秦嘉
曹世叔蘇伯玉皇甫規諸妻或諷詠於官闈或謳詠
於邑屋各從所適以吐其情志厥類未易殫述而風
人之旨猶有存焉今觀柔英氏母亦聞其風乎集所

載雙鳥擣衣二賦與三體諸詩類多感舊傷離憤難
懷歸語而風氣音節駸駸唐雅其所與靖甫寄荅諸
篇又稍近徐淑氏所為記稱徐淑動合禮儀言成規
矩柔英有焉乃其幽微之情忼慷抑鬱之志多所脉
脉不盡吐則靖甫之所深憐而亟欲俾不朽者也太
史公謂女不必貴族要之貞好柔英蓋兼之而又有
是集附秣林以傳固不忝為靖甫伉儷哉

節樂會錄序

蜀廣漢子安何君少以經術名其郡三十登貢籍越
四十被命來佐吾州蓋三年豈第之風洽於四境

甌甌洞續稿

卷之五

十一

溢於兩下邑士人賢之然獨時時顧念粉榆每自趣
為歸計屬其長吏與若州父老並力挽之乃止或詰
君曰丈夫張矢四方非與何甫筮仕而遽倦遊也非
所知矣君從容應之曰竊有微志焉方予下帷里中
時有友四人其齒並長而予兄事之即分席而業接
塵而遊予實微其麗澤為多已又傲洛下香山遺意
歲約為十二會應月令也會取其樂樂景光也樂取
其節防侈泰也故食無兼珍飲戒沈湎且不關時政
得失不為鄉黨月旦評各適其意而已焉命之曰節
樂會乃今少者壯壯者老矣或出或處矢不負其初

盟而予猶咄咄車馬間不得操几杖從之頃友人書
來念予為甚予豈不能敝屣一官而忽然負良友顧
重違長吏諸父老奈何詰者因為君畫曰此易醉耳
聞諸君宴集迭有聲詩以寓情紀事有如栗里蘭亭
故風請得東而成書乞名言以弁之用以馳慰諸君
何異親策駟馬車度昇僊橋從諸君俎豆聞乎君用
其畫因予友莊則勸以告吳子吳子曰何君不忘布
衣交厚德哉夫楚昭王不遺跡屨少原之婦不棄著
簪傳記取焉取其不忘舊也然此其小者也詩曰惟
桑與梓必恭敬止孔子於鄉居則恂恂去則遲遲其

甌甌洞續稿

卷之五

十二

待父母國之道何悖至也今何君與諸君深相結而
速不相遺若此倘所謂先聖之家法非耶至欲舍職
事以就之此非獨何君高義而諸君之賢從可知矣
故曰惟其有之是以似之昔者莊舄仕楚而為越吟
王萬寓鄭而勝其所居曰蜀舍母亦人之真性不易
改乎而況何君賢者乎

賀郡使君若思王公獻續序

若思王公西川異產起家經術成進士初試為金壇
令以有風節不畏疆禦聞徵為大司農郎出領度支
入經國計諸所草奏傳檄大司農右臂任之一時名

重朝著會天官大宰爲予武昌擇守遂推轂公計武昌楚首郡故隸行省非公莫可與辨治也比公守武昌則又不獨厲風節一切理勞刺劇馭吏庇民率多崇廉平敦古長者之道風行所部一州九邑蓋三年餘政成而澤溥吏民無不德公藉藉稱今龔黃矣頃當報政如京師兩臺使念首郡長吏爲全楚重輕難其行特表異其治行聞上上嘉之勅天官大宰予上考褒以重書爵其父爲中憲大夫母爲恭人諸州邑長且相率趣賀公使使問言於予豈以予言爲華無亦謂予知公耳公故博學工古文辭樹幟藝林甌甌洞續稿

窺其登降從容且不以予爲耄曲席間俗挹掌慨時又無一晚近世態予固知其心誠厭今而好古卽用古長者之道治郡而政令其緒餘也夫審容體而不盡弓矢之力羿之所以良於射故其中不在射和鑠鑠而不盡車馬之力造父之所以良於御故其捷不在御應心手而不盡斧斤之力奚仲之所以良於斲削故其巧不在斲削則夫用古長者之道治絕而不盡民之力其稱良二千石又豈在政令哉予不佞跼伏公宇下竊嘗扼腕世道不復古而比周相市刻覈賈譽之風於今殆有甚焉乃公子然躬古道風之此豈獨造楚卽世道嘉公之賜矣予又聞矜僞不長蓋虛難久公自下車以及報政猶一日由茲以往抑又可知已固宜其顯被恩禮榮及所生猶之名獄之享祈羊靈淵之納沈玉理有所必至也將無世道復古之徵乎諸州邑長與所部吏民業已慶公遭逢而猶虞公旦莫召補公卿去而失所戴皇皇焉且賀且相訊也予謂公卽如漢龔黃故事旦暮召補公卿去而武昌猶得世世與潁川渤海齊名尚亦有天幸哉

王母吳太孺人六十壽序

太孺人姓吳唯吾王御史母也初唯吾令上雋暨爲

御史留都皆得奉孺人就養尋以直言忤 旨解御
史章而有下雉之行孺人惻然曰此吾兒蒲伏待
命時予且老不能復入解舍晏然飽餘祿休矣唯吾
因扶侍孺人還南海而後之官比在下雉數月時時
南鄉念孺人寢處不安每語其門人徐子黃子家孺
人明年六十一春秋高矣顧予棲棲抱一牒數千里
外不及從諸弟妹稱觴北堂即慈顏少弗怡悅疇則
貽之而予何以自解乎未幾一歲兩遷由郎子理入
為法曹郎輒喜動顏色曰今得微福 主上迎家孺
人為壽天幸哉徐子黃子以告不佞而屬之辭致祝

甌甌洞續稿

卷之五

五

相

焉不佞故嘗仕粵知唯吾負用世器頃又知其廢平
於邑而蹇謬於朝也益樂道之語云不知其毋視其
子微孺人內德茂何以子唯吾哉蓋孺人故儒家女
父嘗以鄉進士仕為桐廬尹有令名視孺人受性貞
好多聰識愛過於男適文林公年才十七業已能厭
薄珍麗惟布執勞助其姑李立家贊文林公治經術
文林公故好客一切供具無時倚辦孺人孺人無不
手調立應之又樂善好施宗鄭內外德孺人者不容
口文林公嘗問中人產于旁邑屬閭左豪橫訟不見
白遂為所併文林公憤憤不能平亡何與李母相繼

下世時孺人年三十七惻然毀容草土間念諸孫尚
幼強起拮据襄二大事家漸不自給孺人皇皇焉惟
恐有失墜每召諸孫前督誨之若先世世有隱德若
父懷才不售齋志而棄諸孫豈王氏之統當未亡人
中微乎若曹其自奮厲於學成先志庶幾地下無遺
憾即若母亦不忝為王家婦矣於是三子次第遊經
師抗志誦習孺人亦自勤桑麻紡績佐之未幾伯子
唯吾業先成登進士第比受官又時時諭以守官之
道雖兩處解舍不厭淡泊如微時故能成唯吾清白
名奏績 賜爵文林公與孺人並由布衣貴而布今

甌甌洞續稿

卷之五

六

調

稱云方唯吾被徵時孺人奉 璽書歸告家廟茲
主上之錫恩而先世之遺慶也宗鄭內外則又舉手
私相賀孺人有子而能成之猶不自功而歸之其先
其比於禮哉王氏將大矣孺人里居二年為其二子
三女舉婚嫁諸羔鴈筐篚之屬一無所需于宦邸尋
又激其二子為文林公修閭左之怨而收復故產唯
吾尋亦被 命為御史矣後孺人視唯吾留邸中每
諭兒幸冠紳羊被繡弁為 主上耳目臣受 恩寢
厚竊聞人子內其祿則外其身又云養及親者更其
難兒其勉之以故唯吾正色立朝不畏強禦直聲動

天下多自孺人教也史稱雋母仁及京兆崔母勸五
原之政豈賢於孺人哉頃唯吾自左官以後所至遂
巡就列折節事事若忘其為左官者不佞是以知其
名位勲示當自此薦升而孺人之福澤綿厚非可以
年算紀矣二子師事唯吾不佞亦嘗竊附知已後古
人升堂拜母今未能也即屬之辭為壽數千里外而
意復不盡邇家之謂何二子曰太孺人以榮名壽得
唯吾先生益彰非它壽比矣子善言壽哉

王屋山人藁序

嗟乎此吾友朱子得遺藁也子得故為河內守而王

甌甌洞續稿

卷之五

十七

宋

屋山在其所部子得登而奇之因以名藁而稱山人
焉則不有其二千石也子得高世士哉初子得為郎
京師一再叩予談稅多所稱引古作者及當代諸名
家一當其意輒欲買勇力追之沾沾自喜甚即予有
所更端而彈射其中子得亦復躍然稱大快若剖其
所嘗疑而增益其所未覩聞者遂結為忘年友云其
後子得遊道日廣所為文辭日宏麗著聲稱海內其
都則予塊焉山中矣已子得出守河內稱良二千石
猶然寄予遊王屋詩無何居大夫人喪里中又屬所
善胡山人載道手一帙視予林林總總予且不勝其

嗟異蓋子得其才兼人不為吏事束而神情風氣闊
闊塵壒外也會服除遂扶病渡江來訪予予觀其容
柴瘠少粒食而猶時時抱書苦吟心竊憂之別未
月凶問至矣嗟乎子得之與予訣也意深哉聞子得
當彌留時以生平諸藁屬愛弟子上社友胡伯良為
詮次傳之且曰序必出明卿先生先生知我也尋執
其父方伯公手告不孝之罪請立嗣嗣立目遂瞑可
謂正斃也矣越數月藁且成書子上伯良乃奉其遺
命來請序嗟乎微二子言心許之矣予聞金石絲竹
不奏於輿者之側為其不能聞也山龍火藻不陳於

甌甌洞續稿

卷之五

十八

本

替者之前為其不能見也子得所交海內士不少矣
乃獨始終待予以自信豈謂予老而猶庶幾知言哉
故曰君子之於言所貴也雖有夏后之璜商湯之
駟弗易焉今以子得諸藁與古作者今名家篇擬而
句槌之則有合有不必合乃其詩能據性靈絕情致
文能稽事要揚國體又往往贈答人而不忘規遊覽
詠歌而不至自放與上大夫言遜而不阿與下大夫
言直而不亢總之辯博通經濟而慷慨磊落之氣傳
焉有單辭不為少累讀不為多者庶幾所謂今之樂
由古之樂乎古稱大夫之才登高能賦山川能祭師

旅能誓作器能銘則子得其具體矣使天假之年猶未見其止也作者且難爲古何論今然子得自可以不朽矣昔人謂當顏子之世人豈無行年百歲者故其姓名湮滅不可復聞而惟顏子至今在夫顏子善言德行卽所謂至人壽不以年子得殆似之彼世之求多於子得者望子得尚遠者也古語齊紫敗素也而賈十倍安用其爲名高乎

勅封安人祝母七十壽序

安人寧海周氏女故汝南太守祝子隅妻今隨州守以函母也其稱安人則以汝南公爲郎時秩滿受

旣甌洞續稿

卷之五

九

科

璽書封暨公爲汝南予適謫睢陽理因得遇公中州結縞紵之交業已知汝南循良多安人助且知安人有子負異質當且爲國器然不知其卽隨州也頃從二三楚大夫聞有所謂祝隨州者治行褒然爲諸長吏冠心竊想望之猶不知其卽汝南子也無何隨州使使詣書山中儼然脩汝南公舊而執禮過恭大旨謂自髫年侍汝南公聞先生名逮今垂三十年乃得釋褐懷牒官比壤竊復聞先生起居而卒業諸稿計不及須臾造廬而請焉不肖爾且有老母年七十六月某日爲其初度辰願微惠先生一言爲壽用佐不

肖爾承餘歡先生其念先大夫寵靈之乎國倫再拜使者曰予今乃知隨州爲故人子予負故人多矣敢不拜命願予老好忘尚能記憶汝南公以嘉靖壬戌上計京師大宰用薦者言推轂公爲督學使疏且上公卽以其夕下世朝士大夫共惋惜之而其鄉長老又多賢安人而難其爲人婦爲人母者非一善蓋安人孀居二十七年如一日旣代汝南公事賈大安人色養備至而又從容排家難擇禦外侮凜凜若才男子至督誨隨州居恒不少姑息每謂爲恒人子易爲賢士大夫子難乃公起家名儒仕中州爲良二千

旣甌洞續稿

卷之五

二十

科

石位不滿德齋志而往以吾兒才豈難讀父書取青紫哉藉令學不能通古今仕不能樹勛伐徒以榮名自豔猶然負乃公也於是隨州益自砥礪誦習多所博通史傳外家言贊爲文辭往往當兩浙稱首萬曆壬午舉於鄉越三年登進士第鄉長老無不舉手賀安人者安人獨不色喜曰此自經生常路無足異第念祝氏世受國恩未知兒所爲報何狀耳名言狀已隨州拜今官奉安人就養邸中安人日以豈第清白爲隨州訓以故隨州之政未踰年而上下交譽之大者諮問耆老修復故實時時進諸生與之說經談

執以次嚴保伍之法三令五申之用能靖境上劇寇而使農恬於野商悅於塗庶幾漢東之國晏然安矣乃安人雖私喜而意不盡釋曰兒善為吏矣將無自見其才而薄取效乎隨人聞之訢訢然相告以使君治隨有如烹鮮秦龍不縱不激馴而致之殆所謂無用為用也而猶不盡當安人意則隨人受福使君當益宏遠而拜安人之賜無疆哉國倫曰安人知子哉夫自隨州為經生以及登第試為大夫皆安人命之為欲大其志而廣樹德非若問平反喜行陰德已也夫問平反喜行陰德皆賢母也民到於今稱之顧何

醜醜洞續稿

卷之五

三

調

以賢於安人即隨州名位日隆隆起而安人之澤益綿綿不置以茲為壽何年算之足紀乎

醜醜洞續稿文部卷之五終

醜醜洞續稿文部卷之六

武昌 吳國倫

著

渝州 馬攀龍

校

序文十首

賀郡守伯常張公報最受 錫典序

益張公未三十成進士出守茶陵踰年以廉平風三楚矣會奔奉訓公喪去已除服補我興國守興國且三年其為廉平益著乃得合兩郡之績報最云兩臺使交疏薦留公視郡如故而以其最上考功氏考功氏上之 天子天子嘉之 賜璽書褒異公而爵公

醜醜洞續稿

卷之六

一

楊

父奉訓大夫母歸太宜人公將實五鼎告奉訓公之靈襲冠被為太宜人壽郡僚佐與諸文學官皆有喜色謂公刺郡良而能以其親受知 主上如 王言所稱至珍美也因趣賀公屬吳子言吳子曰今天下稱廉平吏不少矣誠有如遷固所紀奉職循理廉廩德讓君子者哉夫少年精悍英氣方嶽嶽私計奉職循理亡以自見才諸所為揣摩上官操切衆庶曾不遺餘力即一二屈首受繩墨勉為被服斷珥以希德讓君子之風然非其性也一不見其等改玉矣若此其特臺使薦廣積特 天子褒書豈盡不見錄度其

反顧必有大不自安者而我張公則雖遷固復起無
媿色也已公質行純美政尚簡靜意與民休息而尤
善避選事名日坐堂皇從容理訟牘其有所秉也者
與其所辟也者悉手署而面決之胥吏從旁竊窺吐
舌而已至於疑獄重刑又不厭詳慎而民賴以不冤
且善爲人匿細過曰治道去泰甚俾得自新可耳其
清操責賦籍每出袖中率自以時緩急之而計者輸
者一無所容其偽遇士大夫輒問民艱諮故實歡然
吐其赤心一有請託問遺並婉謝不受過使冠蓋相
望公不靳折節相慰勞乃庖人廩人則取具而已曰
甌甌洞續稿 卷之六 二

吾不欲以延譽故竭脂膏也故事守詣會省抱牒謁
上官歲無寧月公恬然謝不往曰吾不欲以干謁故
病輿馬也郡有亡命大猾匿異境者十餘年經三守
多方捕之不獲公不動聲色密遣一虞候立禽之以
報臺使監司寘於法而不言勞自公入楚凡三遇歲
侵而公憂之無寧日往歲嘗再賑顧今困庾竭矣公
但下令諭富室自量其積聚平糴以濟之而又禁貧
民不得相攘奪爲亂階公雖貴爲大夫晏居猶布衣
革履食不美味客或難之公曰書生起畝畝間又嘗
累嬰家難且先王母先大夫相繼棄不肖不肖何敢

厚自奉以踰涯分哉公介然處一州山谷間名聞朝
著客有願爲公推轂者謂旦暮可遷右秩公第笑而
謝之客休矣善官非吾計也請勿復言茲所爲庶平
則天性也猶之騏驥習而良也不憂其不千里矣烏
甌調而勁也不憂其不百中矣即察舉褒異猶有遺
美何但無愧色已哉予又聞嘉靖之季島寇蹂躪嘉
時公所居鄰室無不罹鋒刃者惟公家舉室先避崔
澤中會天幸得免以有今日則公之成進士也先公
之爲大夫也歸母之爲宜人也皆天祚之然且未艾
豈其先世陰德厚乎諸君聞吳子言以爲不謬其實
甌甌洞續稿 卷之六 三

因錄之賀公

大隱堂倡和詩小序

蒲圻謝大夫叔蒙自解閩政歸遂絕意仕進買山築
大隱堂與山人吳求叔結社稱詩蓋蒲自吾友魏順
甫氏言詩詩道一振至兩叔則再振也頃兩叔自其
邑携所爲倡和諸詩來視予願受彈射予觀其大致
多在風泉雲壑叢林玄曜間抗志沈神各窮其巧力
飄飄然總域中之奇而結世外之想竊爲之擊節焉
因憶十年前求叔嘗問詩於予多所不自信乃今霍
然一變與唐正始大家角將爭取裁叔蒙然乎而叔

蒙則弱冠登朝強年納綬稱詩未數歲遂為求叔大敵求叔往往堅壘伺之叔蒙顧謂予曰求叔吾砥礪也兩人自相師友固宜其交相成哉客問予言因以兩叔詩合為一帙傳之而以予言為引

朱秉器方伯詩集序

秉器朱方伯蓋自登第為郎時稱詩白下藉藉負風雅名久之遇予友張助甫陳玉叔大見稱賞遂相與倡和為同聲交逮今秉器位日尊名日著其所為詩業已流布士林膾炙千萬人口而予獨與秉器無偶歟然未奉其一牘塵塵聲相慕耳頃予方閉關述暑

甌甌洞續稿

卷之六

四

得

謝絕諸游談忽有使自黔南來起挾蓬蘿入之則秉器所使執訊也書旨款密過於素交徐握其詩讀之則清風灑然盪予胸而浣予心目不復知有暑信乎詩能感人哉乃秉器屬予有言愧予非知言也者奈負秉器萬里意何昔者孔子刪詩授卜商商為之序曰詩者心之所之也在心為志發言為詩此商所以可與言詩也即古有采詩之官用以知民俗奢儉澆醇而設教章示之至在諸侯卿大夫交接鄰國皆得以微言相感稱詩以喻其志故曰不學詩無以言詩之為教豈空言已哉今觀卿雲廣歌康衢擊壤上下

交而志同詩蓋濫觴於此不獨三百篇為然乃若屈原離騷為詩之變體太史公贊其辭兼風雅而必先之以明於治亂又謂推此志可與日月爭光及夫漢相梁七言由孝武大司馬以下君臣各言其職不相凌奪而其志亦較然以辨然則詩不言志雖工奚為此楊子所以薄丹青而刺聲悅也初盛唐近體又自漢魏小變盡點六朝靡曼之習相尚為清婉宏麗語斐然一代名家其為言志則無古今一焉予觀秉器負用世才志在四方宜轍驅馳三吳三巴三秦三晉之墟當天下半所至並能其官數見褒異主上而

甌甌洞續稿

卷之六

五

方

猶以其餘力肆為詩歌若登高覽遠傷離懷舊戀國思家陳古諷今以逮折節布衣寄情寥廓諸體錯陳爛然有第或躓其事而增奇或變其質而加麗高不至詭異卑不至儕俗意匠所極才亦副之蓋有雍然赴節冷然中官商者為其志先定也秉器深於詩哉予何得之晚也夫用風雅之志為漢魏詩即漢魏不失為風雅用漢魏之志為唐詩即唐不失為漢魏此在能者從之秉器曰暮且卿相予所稱引采詩觀民稱詩喻志暨奉相梁之詔與諸近侍大小臣各言其職皆秉器事如以空言應之何以為秉器夫射者之

期於至且中也斷者之期於得且應也是志也而皆不能以言告人此雖小藝可以喻大秉器且得之意象外矣予何敢贊一辭

賀興國大夫伯常張君奏績膺 錫恩序 代

頃不佞被 命赴南臺江行過興國之富口將驪舟問故人吳明卿至則明卿儼然出相勞矣不佞爲留一宿與之道故感時事戀戀不能別因從語次微以楚郡邑長吏叩明卿明卿輒首舉其州大夫張君以告不佞於張君故未有交然猶記憶副北堂時嘗從天官冢宰御史大夫大計天下吏業已知張君賢而

甌甌洞續稿

卷之六

六

万

其治行之繁著在恭陵上考中今三年矣猶介然守一州耶明卿曰茲張君所以爲賢長吏也蓋張君之爲興國謹身帥先居處節儉不擅爲條教第問父老所疾苦而蘇息之便得安土樂業滋殖其衣食而已予是以知其不盡用才又德宇冲宏禁罔疏闊日據案決兩造期於得情使人人自伏未嘗文致一人於法也其它反脣許諾一切小過特善諭而立遣之徵徭責負則又緩急以時不煩鞭箠而輸者極至輻輳矣予是以知其不盡用法居常慕古循良之風而猶耻其上下相匿名實不相副以故其政率多破脈爲

園新凋爲樸諸所爲宣明教化通達幽隱禦災拯患弔死問疾曾不愛餘勞至於臺省故舊一無所問遺諸道上官一無所造請輶軒使者一無所私覲曰吾奉職修牧政未暇也予是以知其不近名不干進其爲治行何可歲月計哉雖然今超拜矣曰何以知之明卿曰張君頃報政 天子嘉其最賜 璽書褒之且爵其父大夫毋宜人蓋臣子之希邁而循良之徵也豈有賢長吏受知 明主而猶遲遲超拜者乎不佞蹶然喜曰明卿得之矣夫南臺雖處陪京而計吏之責固兼重語云得一士勝百萬師況得賢長吏乎

甌甌洞續稿

卷之六

七

右

且今天下所苦徒以吏治急也彼其馭於繩墨錄錄因人無所自見其奇卽於世無裨尺寸而亦不能爲天下苦而其苦天下者則用才者也用法者也好名于進者也夫吏用才則求治太急少蘊藉而精悍刻覈喜事自功將無所不至卽鉅筭鉤距長厚者所惡聞彼且敖然馮胸臆爲之是所謂烹鮮而擾之也吏用法則疾惡太甚少所寬恤而武健嚴酷周內巧詆將無所不至卽蒼鷹乳虎仁人君子所深避彼且冒焉逞溢怒爲之是所謂狼牧羊也更好名于進則多誣誠就僞棄樸而取華拂民性而稱便宜用私智以

為獨斷政不必平訟不必理取其空文而已焉甚者
卑疵纖趨藉資賈重或購方物玩好以充庭實或陳
篇奏記以自媒或偽占戶口虛侈鳳集以標異政是
司馬季主所謂盜而不操矛張攻而不用弦刃者也
諸此類非不足以取近效獵一時虛聲乃至損國家
元氣而病民物大情不惜矣其為天下苦可勝言哉
茲尹晉陽之請保障冀渤海之先計安蓋審所重矣
張君誠賢長吏乎不用才故其才不匱不用法故其
法不訛不好名故其名可久不干進故其進必以正
即一吏可以風一世矣漢宣帝號知民事難能嘗曰

甌甌洞續稿

卷之六

八

心

庶民所安田里而無歎息愁怨之聲者政平訟理
也與我共此者其唯良二千石乎夫所稱良二千石
非有行能異等而以政平訟理當之夫吏何以苦天
下為哉邇者四方旱潦民困滋極上方下詔罪已
令天下郡國守相修實政賑恤流亡殆有甚於耳民
間愁歎而望其平且理也乃良二千石未必多見而
得張君於楚之一隅豈猶當宁所未聞乎是計吏
者之責也明卿復起避席請曰州士人德張君有知
召父杜母願屬一言為賀不佞遂以舟中答述語稍
稍潤色歸之且屬明卿曰幸語張君毋以一州牧之

續自隘毋以異時通顯而忘牧一州不佞日望之矣
張君名某字伯常起家進士

吹劍集序

予友王生太古氏自以吹劍名集介命本之來為乙
序予覽其集則倚牘大嗟異焉生之於詩勇哉初予
東遊遇生梁谿與之往反茂苑松陵間一月許每聞
予與吳諸士人談輒第默然一無所可否然予心知
其好也已生手錄其詩數十篇取問授予北面請質
予謂之曰美矣顧子嫠人而吳居幾希聲之似吳人
也然子之神情標格多近古而不盡吳蓋一改玉而
甌甌洞續稿

卷之六

九

稱善之善乎生起謝曰昔繞朝贈士會以馬策蓋進
之也不佞野請得執先生之言自策可乎已生別予
三年作南嶽歌寄予予已嗟異之又二年其友嚴道
行褒其集成書則曩所請質數十篇業已交去殆盡
塵塵繩削其一二存之乃若新構諸詩雅多博習精
詣自成一家言殆有廓之而愈宏按之而愈深者生
之於詩可不謂勇哉夫挈餅之智不可與語玄覽偏
絃之音不可與語合奏今之為詩者彥吉蓋傷之而
謂人人詩而不能入自為詩有味乎其言之也然予
猶謂人人詩也者珍入嚼核而錦人散穉者也庫庫

無論矣卽所謂人自能詩亦少有辨焉驚凌厲則驚風鞭霆而失其馭馳迅疾則越山超海而失其居恣詭異則屠龍豢虎技成而無所用故夫不善用才與不得其門而入者其究同也彼方高自矜許旁若無人而去風人之旨益遠豈復可與言詩哉王生詩取裁於古而自鑒其精才有所不盡騁而約以法法有所不盡程而輔以氣氣有所不盡奮而和以情以故諸體錯陳而不亂衆音相傳而不溢無疾徐如連斤無俯仰如執玉蓋所謂得其門而又善用其才者也彥吉殆是之取歟予猶憶彥吉爲黃州時嘗遊揚其旣

旣洞續稿

卷之六

十

十一

旣洞續稿 卷之六 十 十一

客葉茂長意殷殷厚也頃得生遂又引以爲重而謂可當百茂長生賢於茂長乎一不爲少矣其尚賈勇自愛以永終譽毋徒與布衣爭雄不然茂長其前魚乎乃若名集之義道行詳之矣

旣洞續稿 卷之六 十 十一

今海內稱鼎族者復有如巴郡劉氏者蓋不但累葉通顯而清德令聞與世並長豈其御龍之澤寢延彭城之胃至於今滋大乎夫水方折者產玉園毓者產珠劉故多鴻士鉅儒出必爲天下重蓋珠玉之淵也亦其內德之茂有陰助焉若今功甫方伯母柳太恭

人不啻燕喜所頌令妻壽母矣恭人初以吾師督學公貴封孺人後以方伯貴進封今號今年冬月某日爲其八十初度展適方伯旬宣吾楚且當戒期入朝覲天子不逮與諸昆季遶膝進觴因誦不遑將母之詩眷眷有私慨焉時其所部十五郡大夫心爲方伯慶而不敢以玉帛爲禮乃拜使致書山中屬國倫以言爲恭人壽申之曰子於恭人爲通家子而習劉氏世德其曷辭焉國倫唯唯而言曰劉氏先代有隱德自御史公起家進士以下五世凡九人而仕楚者三世何楚人微福於劉偏厚而甘棠之思百餘年未

旣洞續稿

卷之六

十一

十一

已也督學公嘗自給諫謫理武昌時以經術識拔予而予十年前且嘗從方伯並以藩臣入賀萬壽迭相過從燕邸中修通家之誼甚洽恭人於予有母道矣今予年已踰耄業既無以報吾師而又自度不能升堂拜母顧猶得爲諸大夫執筆以自附於岡陵松柏之頌幸哉蓋聞恭人歸劉時猶及事其高王母鄧孺人曾王父尚書文簡公曾王母太夫人王父中丞公王母太淑人一時金紫克庭冠帔盈閭閭里人所極豔而獨恭人澹然若固有之第廩廩遵家範

祝女紅日治滌滌纖氎以供諸導而自奉則永不重

采食不蕪味以其餘贊督學公行推讓振卹之義所
與督學公累更大故率用誠信相之不至有遺憾至
於南勝妾御僮僕曲極慈厚每過其所望已人之賢
孝恭人者無內外間矣恭人有六男子自督學公下
世義方之訓恭人身任之以故六男子皆被服儒術
待縣官用方伯蓋仲子也今仕至方嶽大臣咫尺階
卿相矣恭人猶然敦儉素習勞苦如編民家風茲豈
非壽考無疆之徵乎又諸孫男女三十餘人曾孫男
女二十餘人歲時從諸子諸婦斑白稚齒聚於一堂
羅列拜舞為恭人壽佳氣充盈慈顏闔悻想像當何
甌甌洞續稿 卷之六 十二

似無論今海內學士大夫家即古之崔母觀四部樂
潘母遠覽王畿未有如恭人者夫恭人身承五世之
統月觀四世之胤猶歎盛哉恭人不自盛而以儉素
勞苦持之茲盛之所以益久而自求多福享有天年
非偶然矣且恭人以德壽身以多子孫壽家以方伯
經濟才壽國方將累封誥拜惟軒羽葆之
賜未有艾焉方伯即有私嘅得無少自廣乎予又聞
方伯之言曰始予筮仕泰業已采玉井之蓮酌大液
之漿馳而致之壽恭人六十越今二十年執珪仕楚
又將體江漢將衛霍結顯氣於太和之顛挹沆瀣於

雲夢之數馳而致之壽恭人八十夫秦楚故以靈勝
甲天下吾得竊其精以奉母即千金之獻五鼎之供
非恭人悅矣嚙嚙將無方伯能縮地乎宦轍所至一
觸目舉足乃心罔不在恭人庶幾託天下靈勝以祝
之而孝子之所為愛日者至矣克愛日之心即卿相
無以加於奉母何論秦楚哉

李母張太恭人七十壽序

吾楚觀察使惟貞李公嘗仕吳與吾友王司馬元美
善乃今奉其母張太恭人入楚且屆七十壽辰而藩
臬諸大夫蓋從觀察公習太恭人賢將致祝走使下
甌甌洞續稿 卷之六 十三

雉問言於吳子而以元美之祝為容予觀元美叙述
公母子凜凜有志節可風一世於予私心戚戚焉即
耄且病敢不拜命之辱蓋張李為餘于世家而中憲
公與太恭人皆名儒之子左氏稱周卿晉大夫世為
婚姻兩家豈今之劉范也初太恭人歸李已不逮事
王母張孺人而中憲公則繼母余孺人子之比長中
憲公亦不自知其非余孺人出矣後中憲公以諸生
入太學余孺人從達州公之官遂以家政畀太恭人
太恭人身任之曾不待尾瑣纖嗇而家益治余孺人
心悅之未幾達州公與中憲公相繼捐館舍而太恭

人乳乳稱未亡人事余孺人益謹至督誨諸孤蚤夜
誦讀一無所姑息遇有玩愒嬉遊輒厲聲箠教之或
曰茲貌孤也蓋少寬之太恭人曰非爾所知吾故以
嚴為慈身代其父耳以故觀察公兄弟並大悟奮志
綴學成文儒無何觀察公舉於鄉連舉進士太恭人
於是成訓矣公初授中書舍人所與同舍多貴公
子曰以裘馬宴樂相徵逐太恭人誠之曰兒筮仕清
曹念當取間稽故實為國家忠計何至從貴遊損功
費日且穢爾先世素風乎觀察公唯唯已擢御史秦
命按楚太恭人又誠之曰汝執法代天子巡行重
甌甌洞續稿 卷之六 古 得

矣其惟 王命是共庶幾稱不辱慎毋以權相故阿
比其鄉後公果以法拂權相意而出知湖州踰數年
晉按察副使為吳郡治兵又三年晉浙省大叅分部
浙西之金華府乃湖州之稱治平也與吳郡之稱保
障也浙西之稱附循也亦多受策太恭人而將順之
其以平反訓則高母矣以脩潔訓則崔母矣故觀察
公每被 璽書褒勞榮不敢自功而歸德其太恭人
有以哉頃公觀察吾楚又率用太恭人命厲三尺董
正百官獄無冤民部無賕吏楚人人能誦之無所用
予佞猗歟休哉太恭人非徒厚其家祚而所為隆施

四方以振民生培國脉者非淺鮮也其為壽徵殆無
疆矣乎元美又言太恭人就養吳郡時適王宗伯元
馭持正忤權相退居里中與元美治養生家言諸言
官因乘旨以異端之說中之而一時仕吳自臺使守
令以下無不屏跡避者獨觀察公日相過從歡洽忘
爾汝元美間戲公曰得無畏累乎曰吾受之太恭人
矣第從長者遊即一日得禍無憾也非久權相敗而
公名位游起太恭人之賢益彰嗟乎李氏母子志節
謂不可以風一世哉因憶予在大梁時不能為權相
庇一墨吏遂為所銜而見放宜也豈敢附公後而希

甌甌洞續稿

卷之六

五

方

兩王先生高風庶幾少免皇甫規之耻耳諸大夫曰
吳子以志節壽太恭人而及其子善祝哉
奉賀迪功郎予可仁兄七十壽序

吳國倫曰予可予仁兄也別號印川居士以奉
詔入貲大司農 賜爵為楚王典儀稱迪功郎云予
少兄五歲今年八月六日為兄七十初度展將戒鐔
疊偕諸從諸子孫展宴樂百拜以介兄壽兄聞之愀
然辭讓者三曰季休矣季思先大夫先恭人樹德並
厚並未逮七十而棄諸孤汝兄乃以不德踰之而欲
強之受拜是重其不德也又先大夫冢木可材始得

被恩命泉下汝兄不學徒以季顛壯年服在王官
享過所生人豈不知量乃爾又吳自籍州元九世曾
無一祖見曾孫者汝兄微天幸見之矣願何以報先
世明德而敢覲焉當宴樂稱壽乎國倫曰善夫德必
歸其先享必慮其後茲吾兄所以為仁且壽也蓼蕭
不云乎宜兄宜弟令德壽豈常祿則曰儋爾俎豆飲
酒之飫兄弟既具和樂且豫茲并則又曰爾酒既旨
爾殽既嘉豈伊異人兄弟匪他夫兄弟之為壽且樂
非他比也奈何國倫曰固乎兄曰季意誠美兄何人斯
敢言仁且壽國倫曰請得為兄申叙之初予與兄共

甌甌洞續稿

卷之六

十六

方

學兄且弱冠儒術通矣會念先大夫老而伯兄病旋
棄去遊關關間取什一之利佐父兄振家且使弟有
所資而肆力於學遠廢著時兄猶念弟所受產磽塉
歲穫無幾請於先大夫與之合食者數年即一魚一
菽未嘗不分甘焉已念予仕而未有家則力為之經
營築室治生產稍稍自給且自予為諸生以至於今
白首矣有過則繩墨之必改而後已有疾則藥石之
必瘥而後已有賓客則召而觴之必竭歡而後已又
每遇予抱子抱孫輒喜動容色端冕焚香以告謝家
廟諸所為仁其第者何敦至也家從兄有家而好善

兄陰贊之使厚施德以結人心一有外侮則毅然身
翼之不為動有從孫少孤負異質兄憐而撫為已孫
為之延師聘婦與寡孫同有族孫負仁兄恩而行反
噬計者兄不校且問之曰此迫於貧而失其心也卒
善遇焉問者極口嗟服居恒抗志脩名檢族黨少年
稍稍行不義率恐為兄所知而寢至為人居間解紛
息爭往往不待辭之畢各自惶恐引咎去至欲有所
懷以為長者壽則有掩面走耳居不過中人產所與
窮乏待兄而婚喪者數十家頃歲里中大疫有內親
一日而五喪者兄臨哭甚哀並厚飲而歸諸土費且

甌甌洞續稿

卷之六

十七

弟

不貲諸所為仁宗族仁鄉黨者何敦至也至於除道
成梁喜施飾庵觀特兄細行未易更僕數矣夫同氣
之親天倫之懿不言則終晦後言則近誇予姑述兄
賢行之大者以示諸從諸子孫庶幾作法來裔稱壽
無疆乎於是國倫執爵而前歌三詩為侑祝曰願大
人耄耄期頤為國難老諸從諸子孫徐亦執爵而進
前迭歌三詩為侑祝曰願大人子子孫孫世享餘慶
國倫又進曰宴樂哉初兄拜王官不就而予又以五
十還山與兄相老皆不及于政矣乃君陳以孝友兄
弟為施政孔子稱之豈政有不仕宦達而在孝友者

乎於兄乃有喜色酌予以大斗勞之

奉送郎郡伯幼文王公入覲序

幼文王公故以經術名江左起家進士初仕爲上饒令用察舉行能高等入爲比部郎居數歲稱操法平諸曹郎莫能及上說之詔守郎郡郎漢東之國介在襄郢申安間爲楚西蔽而公以德禮長者之道治之與諸僚佐及所部州邑長吏相告戒吾屬奉明命來職在親民藉令不民是親而用智任法術擾之謂上德意何卽一切精悍武健足以賈能名而詭取右秩竊有所不爲矣予聞其治郡且二年率慎事自重

甌甌洞續稿

卷之六

六

若

廉靜而不設科條第考于文之舊政希叔敖之遺風身自約而厚恤其民施所好去所惡使之安土樂生殖如是而已焉所辟用丞史居恒善遇之不使有所苦至欲緣絕簿書受賦而肆舞弄則憚公撻發而止矣公每念山谷愚氓無知而觸禁罔輒不厭反覆以求其情往往從疑議終不忍文致一人於辟有若閭里輕俠負固橫恣公按治之必使自伏雖貴人豪長者爲請一無所聽曰下民懼夫莠盛而苗穢也馭部吏推轂其賢者而引繩墨其否者大指使賢者勸否者首新私快矣而何以斷斷然束溼爲哉遇諸士大夫

敦禮尚讓吐露腹心問父老疾苦諮訪國家故實

以爲牧政助已乃徵古之廉幕輯郡乘以其暇遴諸生之儒者而親課之蓋使博杭之名一洗而於菟之俗再變居然今龔黃也治行業已班班著聞非獨與人能誦之部使者能表薦之卽音官野史皆得從旁郡旰衡而擊節矣會公且戒期入朝受計考功氏諸部吏從之而祝隨州則諸部吏之長也又於予爲通家因走使致書山中屬予爲公贈言且曰諸部民視公若慈母親之也諸部吏事公若嚴君尊之也然必民安其生而後吏安其職漢宣帝以政平訟理與

甌甌洞續稿

卷之六

六

若

良二千石共則公之宣布德意惠此元元豈惟上與共之其自諸吏以下皆嘉公之賜公茲行蓋舉衆職爲一職也重矣子寧斬一言乎予旣述所聞而論著之又申之曰如諸君旨嚴君慈毋固一道矣經曰毋取其愛而君取其敬兼之者父也其斯之謂歟王公臣諸吏而父母六屬而愛敬歸焉太守吏民之本信然哉卽舉衆職爲一職當且哀然爲天下太守冠矣諸君其以不腆之言告公上仁聖方勤郵於民而憂勤於社稷有如召問公治平所繇增秩賜金如漢故事公何以請之其以三楚之饑困聞毋

徒私爲鄭急也

徵君程汝正六十詩冊序

汝正程君海陽世家子自少美姿儀見者以爲瑤林玉樹朗然映人初先大夫與其尊人交而汝正昆季與予益厚善稱通家及汝正既冠尊人倦於賈伯兄仕於朝遂能身屬家政爲父兄操利權規魚鹽之利西賈鄂渚蘄春東賈秣陵瓜步然率雍容游閒坐總其槩一切子毋輕重貿遷低昂皆擇人以任之卽其人飾冠劍連車騎交郡國守相勿問焉以故終藉其力累貲過織室家而又時時折節好施振貧乏結

甌甌洞續稿

卷之六

二十

得

賢士大夫所至公家有急往往不愛餘力佐之其後賢日鉅義聲著吳楚間漸廣予聞而竊喜焉蓋予宦遊四方垂三十年不及一再遇汝正然兩家休戚常相聞也頃予得放東遊過真州遇汝正道故甚歡時予年已六十汝正又大治具爲予壽然汝正少予六歲耳而予視其眉宇神氣猶然風塵外物竊益心喜之此爲壽徵不可量矣是時汝正已有三子遂倦遊將營別業里中老焉今年三月十九日爲其六十初度辰予將介使致幣趨海陽爲汝正壽會聞汝正且來見訪因勑童子飼魚灌蔬春黍醲秫以待之且先

賦一詩致祝徐以其意示諸門人兩兒子使屬和焉

諸門人曰孔子薄千駟而高首陽誠不以富也卽楊子雲作法言蜀富賈齋錢十萬願載於書而不聽恐其富而無仁義耳况先生足不抵闕闢言不涉貨賄而獨於程君忝忝然得無其行傳仁義而有當於先生乎予曰然太史公有言人富而仁義附焉又曰君子富而好行其德予於程君蓋有取爾矣夫膠鬲起魚鹽爲商賢相段干木身爲駟僮魏文侯以千騎造之子贛廢著鬻財曹魯間能使孔子之名布揚天下由斯而譚賈何負於儒哉諸門人曰信如先生言程

甌甌洞續稿

卷之六

三

方

君蓋君子之流也昔莊辛對楚王謂君子之富賢者愛之不肖者事之皆欲其壽且樂今先生不忘布衣交而脩著替躋屨之誼又風人以厚也曷爲乎不樂道之因相率爲詩歌若干篇爛然盈帙適汝正里人汪可仕蓋嘗德汝正而思報者遂飾一冊並登之乞予爲序其首云

甌甌洞續稿文部卷之六終

甌甌洞續稿文部卷之七

武昌 吳國倫 著

渝州 馮攀龍 校

序文十一首

邵伯如先生制義序

邵伯如先生蓋自諸生以文學名吳吳故言游之鄉多文學士然未有不避舍先生者顧先生已酉一第以往凡四上公車不得奉 詔對年且過五十始屈首受邑學博士之吳興教授生徒非其志也無何鬱鬱捐館舍矣諸海內知先生者莫不扼腕先生豐於

甌甌洞續稿

卷之七

一

重

才而奮於遇又董董以中壽客死天道之謂何乃先生生平所為制義則自身後益傳予暇日常從市肆購得數十首讀之快然惟恐其盡因稍稍借為批評授諸兒及諸門人矜式之曰此閑於制而不束於制者也即取弘正間程式與王陸唐瞿諸先輩之文並案而評騰之無所置甲乙焉蓋先輩學務博綜辭根理要勁風骨而不露美色澤而不穠運變化而不謫今文由古文也晚近承學競自伐其根素而欲以畫脂餽米之技當之鮮不覲焉自失矣諸子聞予言而三歎之久之間有 詔厲天下文學官釐正文體禁

一切剽剝鉤棘語不錄而獨采先輩之文播為士型

範於是所在後進生始復慕先生而購其遺文恨不可多得會先生之仲子麟武以進士來理我武昌而予首以先生遺文來請又得數十首出以示人則人人爭手錄之予曰管城疾病矣因命吾兒校而付剞劂氏以廣其傳嗟乎先生之為斯文也不得身用之而以子用不得親見其傳也而以四方後學傳其猶軒后之珠重淵不能匿下和之璧端石不能藏乎天下之至寶其精光固自有時而發而一時顯晦亡論矣

甌甌洞續稿

卷之七

二

重

賀隨州祝使君被薦序

夫薦舉之典關世道民生豈其微哉存昔帝王之廷咨岳讓能籲俊尊帝上下交相敬戒師師濟濟之風至今猶想見焉漢選察舉郡國文學高第及長吏守丞行能異等以次補右秩或下璽書褒厲增秩賜金或即選諸所表召拜公卿太傅以故史稱漢世多良吏由察舉慎也今世察舉與漢制小異蓋漢薦吏無專官自三輔太常以及列侯中二千石皆得各舉所知以備雜問其猶有立賢無方之遺意乎今天下長吏守丞治行惟按部御史得察舉之乃其所察寄耳

目於方岳監司采風謠於耆老胡隸必方岳監司耆老胡隸皆曰可而後舉雖善官者不能挾詐僞以奸其權是亦漢遺意也然予又聞尸子有言舉士不論才則伊尹管仲不為用張敞與朱邑書亦謂故事各達其時之英俊若必伊尹呂望而後薦之則此人不因足下而進矣夫舉必當才舉吏者之職也至有才以希舉豈所謂名實純美者乎頃御史柯公按楚薦列楚吏而以隨州祝君為稱首大旨謂祝君文學吏事可當漢循良即異時召拜公卿太傅無忝也一時朝士大夫與隨諸父老子弟莫不竦意為祝君賀其

甌甌洞續稿

卷之七

三

太

僚佐陳君汝岳君世祐則走使下雒索予贈之言似謂予知祝君也遂不敢以耄辭祝君故汝南太守子隅公子也又少年負奇取明經甲科最高等其領隨州以隨為漢東大國非祝君弗任也比入郡遂能折節問民疾苦循循遵檢式不自用其才亦不擅為條教第宣布詔令通達幽隱則與民休養而已大者釐正田賦使游民不得浮食閭里詭脫繇役次即慎守藏便宣輸納而宿豪大猾不得因緣為奸屬其境西連荆汝東拒鄆鄂大盜時時竊發為長老愛祝君坐策要害嚴游徼申約束使民自相守望以待之未

與文縛小偷格殺巨寇數十輩境內晏然稱平比歲荐饑祝君憂形於色尋捐俸設糜聚饑人而哺之已乃請發帑金千金易粟賑之所全活不下萬衆訟庭多暇輒進博士諸生與之評文辨疑義而旁郡諸生亦多聞風而鼓篋至者蓋視祝君馬南郡矣君又好為古文辭每一篇出客珍傳之雅為李太史本寧所稱賞頃復刪定故隨州刺史劉長卿詩序而剞劂之以廣其傳嚮意雅道可知已夫祝君以經術潤飾吏事章章乎名實相應類此部使之薦豈其浮譽哉故曰形非為影也而影從之呼非為響也而響和之君

甌甌洞續稿

卷之七

四

隆

子功先成而名隨之即祝君一日而名滿中外雖欲自掩其功不可得乃部使則知已之遇耳且虞丘之薦孫叔敖為楚非為敖也公孫枝之薦百里奚為秦非為奚也魏子之薦賈辛為王室非為辛也知薦者之所為則知被薦者之無所為惟無所為則奉職循理其志不渝破觚斲雕其趨不易世道民生且嘉賴之非獨能其官取公卿太傅而已祝君其懷柔圖哉君字耳劉浙西海寧人

王行甫集序

王氏楚世家行甫蓋稚欽先生從子也稚卿在德靖

間以詞才擅名史館海內士爭誦說之近體庵有四
傑古詩凌厲三曹而文則刻畫左氏內外傳楚諸先
輩鮮有能方駕者行甫乃自束髮抗志欲修其業以
故不矜門第不席父兄之資而獨厲首誦先秦兩漢
書攻爲古文辭以自見而見者類以爲囁嚅惟所與
一二詞客膾炙之比予有大梁之役過齊安行甫儼
然曳逢衣叩予談稅言言中窾予亦心許之此其志
不稚欽不已也越二年予歸自大梁行甫業已鼓篋
遊太學著名公卿間顧益不自有也歲時涉江叩予
山中把酒相倡和者十餘年又嘗偕予西陟天柱東
觀甌洞續稿

卷之七

五

子哉行甫始稍稍自信曰庶幾無忝我伯父萬分一
拜子之賜也子曷難一言序之予聞古之言曰言以
足志又曰學以益才夫言之不可以已也志先之才
之不可以已也學先之是故舍志以立言其言不文
舍學而用才其才易置以是而望作者之庭不亦難
乎茲無暇遠引卽吾楚多先民自鬻子以逮屈左徒
作者凡數家或幽綜造化明覽神理或習於遺訓而
富於典墳或著離騷兼風雅以爲詞賦祖卽傳之數
千載以下誦其言而志可知已論其才而學可知已
夫稚欽修先民之業以爲後進師行甫又脩稚欽之
業以自傳於古匪志定而學足能乎雖然有神解焉
而志與學不盡也語云用規矩準繩者亦有規矩準
繩夫非輪扁所不及言匠石所不可試者乎且夫琴
不鳴而二十五絃各以其聲應軸不運而三十輻各
以其力旋故曰便有聲者乃無聲者也能致千里者
乃不動者也今之談稅者鮮究斯極何以知行甫哉
予自童年聞稚欽之風今老矣又得藉行甫爲質以
不朽茲不憚爲通家云

卷之七

六

相

姪氏從本錄序

太僕姪公思載 蓋自嘉靖庚戌同予舉進士交以深

越二十四年舊曆癸酉予適奉 命視黔中學而公
二子伯允迪仲允升並試諸生高等相繼舉明經科
一時黔中以家學顯名姬氏為獨盛矣予既別公十
餘年且屏處巖下聞仲子業已剖符為滇之路南守
茂有行能顧引望六千餘里不通問問歲時念之會
路南遣使併奉太僕公書來見存予楚然喜曰故人
高義哉乃又以從本錄屬之為作序按錄姬氏其先
舒城人自樞密公真為舒守禦遇我 高皇起淮右
首率所部應之授神武衛鎮撫直故長子謙繼其官
擢濟州衛指揮調宣府右衛議第曰誠與誼並占籍
甌甌洞續稿 卷之七 七 訓

濟州久之誼起行間歷陞濟州衛指揮使調西安右
衛誠子昱是與有勞焉及誼故子景尚在祿祿昱得
以從子借襲後景長還襲之已調貴州普安衛昱與
俱往尋病卒景適調征松潘夷上首功 勅晉都指
揮僉事景故無嗣而昱子信信子鑑並以家難空乏
因循踰期遂為文法所格不得襲而鑑獨筑筑依新
添衛守祖塚家焉居數歲鑑奉 詔輸粟授冠帶舍
人尋累軍功實授右所百戶還鑑子瑄赴襲則又束
在軍正條坐越級降為小旗蓋姬氏汙馬之勞樹自
開國傳襲 累朝凡再格而報罷茲太僕公所為鞅

鞅不能平也自太僕公起家稍為先世昭雪兩臺使
從聞帥臬大夫議僅得以舍人附衛稱官籍云昔者
晉舊臣之族降在皂隸者叔向閔焉謂非所以勸有
功也漢功臣苗裔或絕或乏班固表之殆亦有深意
况太僕公身為勳舊子孫而能默默坐視其澤斬焉
已乎至錄其事而以從本名則仁人孝子之心也其
為太僕公子孫者抑又可思已夫物本乎天本乎
祖均之一本也孔子曰不生穗向根不忘本也范文
子亦曰言稱先職不背本也即左氏所紀於國曰先
人之敝邑於居曰先人之敝廬於寶玉曰先王之敝
甌甌洞續稿 卷之七 八 相

器春秋並予之其亦以仁孝為訓乎予竊以為姬初
以戎事興至太僕公父子卒用儒術通顯文武迭勝
屈信相倚伏天之贊姬也於是不可度矣

王素常集序

王敬美氏蓋予師大司馬民悅公仲子予友大司寇
元美公愛弟也往予二三兄弟偕元美稱詩京師時
敬美方弱冠美丰儀而刺經綴文已嶽嶽負奇氣乃
又承世德而師友其父兄遂成名儒會登第以後迫
家難與元美舍皇皇棄官伏逆旅人奉司馬公素履蓋
不勝其憤懣拂鬱間有所激而為詩詩輒高品元美

大驚異之適予待調入京間行過逆旅人慰以二詩雅為所稱賞旋與予詣請室視司馬公敬美因口誦予詩一時父子師徒相顧默然飲泣而別久之敬美多所誦習考鏡而脩古文辭漸工李于鱗見以為大奇呼小美而才之吳中人稱王氏二美矣於是敬美益自喜而日買易於作者其志不奄有古人凌駕一世不已蓋自難後里居侍太夫人養垂十年起家為儀部郎累遷至大常少卿中又歷十餘年而居喪請疾之日半之頃自太常請疾歸遂不起海內士由一藝以上無不欽歎悼惜爭為詩誄哭之元美書來謂

甌甌洞續稿

卷之七

九

天喪吾弟吾無樂乎有生矣傷哉踰歲元美詮次其遺藁合古近體詩及序志傳記贊頌諸文得五十餘卷錄而傳之走使遡大江入楚屬予序而其子太學生士駟輩又申之曰此先君子治命也嗟乎敬美故兄事予而晚年知予尤深顧愧予才不逮敬美遠耳今手其遺藁讀之累日夜不能掩卷庶幾其人儼然存乎蓋敬美其才蕪人而尤研精於風雅典謨暨先秦兩漢魏晉諸書旁及二氏百家音官釋史之屬無所不窺且倘嘗諸艱心志荼苦以故聞識廣而神氣益完思慮深而天機益敏意興高而風韻益逸之其

境之所會而極其情之所通無不應手立就蓋有巧若承蜩弄丸勁若飛戈奮戟麗若繩珠編貝捷若駕風鞭霆廓宏若張千門立萬戶詭異若飛兔越山神魚超海千態萬狀使人應接不遑而叩之則有餘音按之則有微旨也予竊擬其性情繫於詩而風世之道寓焉論議持於文而經世之道載焉此何止立言士即吾黨諸兄弟當之鮮有不自失者斯真元美弟哉乃元美雖善張其弟而不為嘔語詩多其涵詠漢魏晉宋而謂不從門入以神詣之境勝文則出入西京韓歐諸大家間采世說自以為得其三昧嗟乎知

甌甌洞續稿

卷之七

十

意

弟莫若兄矣夫行空之馬不受銜壓燭地之蠶不假營繅謂世之所不常有也才如敬美豈世之無常有而可區區臆論哉別著有澹思子望崖內外編經子臆解閩部疏三祀圖說窺天外乘二酉委談學圃雜疏諸書業已行世至其生平德誼中外行能則相國元馭公志之不具述

觀一軒藁序

蓋在嘉靖己酉予與觀一陳君同舉於鄉君故精擅經術旁及史漢外家言暇日好為詩歌以自適久之累待公車不得詔授文學官司教吳興之孝豐稍

遷淳安縣令所至藉有令名顧其受性樸直不善宦
卒與時枿鑿飄然拂衣去非止厭束帶耻折腰已也
里居垂二十年掩關抱書課農訓子不復知有世味
而獨詩歌之好日癖篇章之投簾笥者日充其子茂
才雲奎輩東而錄之得若干卷成書請於君題之曰
觀一軒藁因走使甌甌洞屬予序予倚牘而嗟異焉
君與予交四十餘年地相望僅三百餘里又皆同有
此好乃生平未嘗介一字相贈答而於垂老之日始
得握故人全稿讀之亦自意外奇事夫陳君出處類
陶元亮而所為詩歌亦往往似之稿中諸體畧備率

甌甌洞續稿

卷之七

士

調

多任天質而輸寫其胸臆當境與情會言言境也亦
言言情也故不資型範而自合不假津筏而自超不
涉蹊徑而自為一家庶幾陶然澹然有如其人矣夫
詩言志陳君志在自適故亦取適而止焉漢楊雄作
甘泉賦成夢吐五臟出而卒自謂雕蟲小技壯夫不
為豈無旨乎言之哉蓋巧遲不如速拙即作者亦忌
過役其神而巧斲其性予故謂取適而止者似元亮
也鴻烈之言曰好武非俠也好馬非騶也好味非庖
也從其所好而達於其所不必好可與語陳君之自
適哉

方山人詩序

山人郭人也貧而嗜詩詩輒工郭山人之為詩者無
慮數十家而獨不知有山人山人亦私謂郭山人多
自以詩行其俠亡奇徙而游楚楚人王行甫識之遂
與之結社講業因時時過予言詩一有所觸而悟輒
大稱快鼓掌起引巨觥自浮曰史遷贊離騷楚風雅
楚蓋有其遺音焉吾舍楚何適已益抗志希古博習
好問雖僦居窮巷被褐羹藜手一卷不釋與至則長
歌微吟惟其意之所如予嘗避暑樓下而山人讀書
樓上每聞其吾伊聲累晝夜不絕叩之則屈宋而下

甌甌洞續稿

卷之七

士

相

以及揚馬班左諸賦無不成誦予益心異之山人又
自謂士遇知己難耳貧何病於是携其家來與予割
舍而居分粒而食者十年而詩益奇進名藉藉江漢
間余友曾司空三甫陳京兆王叔李太史本寧郭太
史美命鄧給舍震卿費給舍國聘周督學啓明朱懷
慶子得丘潮州讓之與豫章諸王孫無不折節山人
而與之言詩者後楚饑山人始別予移家秣陵予偶
江行遇其從兄定之司徒舉手謝予曰家第仲美詩
一變遂可為布衣嚆矢微予其孰能隱括之未幾山
人自裹其詩若干卷成書從秣陵遣其子用讓來問

序予憐山人身處世外性甘貧如飴故能澹泊勤苦
自趨於雅道今觀諸體錯列種種得之應心其致深
其韻遠意氣豪而不恣色澤妍而不靡擬古而不涉
蹊徑詠事而不落塵滓山人深於詩矣茲伯牙所爲
見志匠石所爲取質山人蓋助予多也予何補於山
人哉第其初與行甫同社而詩卒與行甫並傳予竊
不忝爲知己耳客有曰山人遊道廣奈何輕去父母
之國客遊二十年忘歸豈其家於詩乎予解之曰此
從所好耳彼鴟夷子皮非生於陶唐系楚亦非畏墨
產也所至卽爲安土而人尸之豈必執重遷而譏東

甌甌洞續稿

卷之七

十三

臨

西南北人不近情乎夫鯢徙而鵬則搏扶搖蛇蛻而
龍則乘雲霧士固貴善變耳客又曰詩者持也持人
情性不使縱也乃山人往往善使酒卽酒人畏之奈
何不自持乎予咲而解之曰山人持於詩而不持於
酒茲所以稱山人客惡知之客驟然曰今知山人矣
奉祝龐大夫張公五十壽序

公凡三仕楚所至有惠政而官屬士民並戴之然獨
於我武昌最久自州牧以及郡大夫歷十餘年累被
薦書凡兩報政再拜 恩澤詔卽長老未之前聞以
故州人與兩邑人親愛公不異所生父母而公亦于

視州邑人所爲乳煦捍衛計不遺餘力遇州邑長佐
之新至者輒不靳舉舊政告之有一善若自己出口
津津爲之游揚有一不盡善則又陰訾而曲論之使
無有失墜乃已茲庶幾開誠布公之心哉官屬藉公
自樹士民亦藉公自安無不舉手稱天幸而稱戴又
視旁邑倍矣歲三月庚申爲公誕辰寔始行年五十
人人望見公美髯豐頰頭無二毛不知其艾也逮公
巡行下邑所過父老遮道擁輿相勞問願公千歲諸
搢紳儒衣冠則猶稽老更惇史而采閭巷頌聲合而
書之爭先爲公壽此何以感焉語有之羣嘯而風羣

甌甌洞續稿

卷之七

十四

本

吁而雨聲應氣求非可強而致矣適大冶令郭君達
將命爵祝公先期謁不佞爲修辭謂不佞知公也夫
父老祝公矣搢紳儒衣冠祝公矣豈部吏之祝能復
有所更端而異其撰乎竊以爲祝在父老則麥丘之
遺風也祝在部吏與搢紳大夫儒衣冠則闕宮之遺
響也殆異辭而一言微公其誰當之或曰古者五十
不稱老不稱老而祝之何居在禮男教有之男子由
幼弱而強壯皆乘時有所服習至五十而神氣始定
今觀公氣腴而神益王人不知其艾也夫艾也豈非
善順耄耄之徵乎一宜祝又古者五十始命爲大夫

為其閱歷多而於國家事要民情鮮所不習用之
在事則輕車就熟路迎刃無全牛與初仕服官政者
不同年而語也乃公則自強年受命稱大大每試
盤錯輒有成勞此殆天授異才不待閱歷而綽綽有
餘裕者而猶夙夜儆恪惟恐上負知遇下失吏民心
不自知其大夫也夫大夫也非九列三公之階乎二
宜祝又五十慕父母者稱大孝知天命者稱時中知
四十九年之非者稱君子今觀公言必稱先德而侍
母養極懽亦可謂思孝奉職循理而耻於阿附以自
媒亦可謂侯時每一令且下一獄且成微有不當於
齟齬洞續稿

卷之七

十五

科

衷曾不俟終日更張之亦可謂知非庶幾衛君子之
流亞而虞孔之徒也三宜祝夫宜祝斯祝之矣何待
三彼所謂不稱老者鄉尚讓也非是之謂也郭君聞
予言大喜再拜謝曰達不敏謹奉先生名言三祝公
豈惟公壽即武昌所部諸州邑皆公壽域矣

程氏考旋集序

是集具程辰州累行甚都而三子者奉以為景鐘彛
鼎不啻也命之曰考旋何在易履之上九視履考祥
其旋元吉夫履上之終也旋履之完也元吉履之大
善而有慶也辰州公考焉集所由名不誣矣豈亦晉

劉毅所謂闔棺之論乎今公即世已十餘年集之傳
垂十年而傳又多自鉅公鴻筆林林總總類皆華衮
其文而金石其聲公蓋可以不朽矣乃其仲子洎未
已也介使數千里問序於余余撫卷而嗟曰汝揚余
故人也初予與其從兄弟汝濂汝正為布衣交暨公
計偕遇予京邸儼然以二從書見投遂為莫逆已公
登第為戶曹郎相與過從數歲驩甚每與之飲若赴
大敵雖賈勇奮臂不能當比諸客類唐散且盡公猶
軒軒然引滿自觴竟一席身無情容口無譁語燕市
酒人無不屈首咋舌下公者余既習公長者恂恂多

卷之七

十六

科

質行徐察其主計則握算有餘智肩事有餘勇諸曹
郎並推讓以為不及未幾予以謫謫公亦以宅憂歸
一別如兩兩相望如參辰久之猶從鄉人聞辰州循
良聲尋以待調自罷堅卧不出海內士人爭高之乃
不知其望者而倍也悲夫悲夫今觀辰州年表與諸
狀志傳誅頌贊之屬益知公天都異產而居身大節
經世鉅猷瞻多諸君子之口未可以縷觀盡而吳安
人又以清德遠覽秉家政佐之固宜其仕為良牧處
為高士歿為明神所在社而稷之亡忝也及讀公所
目著中星圖說忠孝經註典禮治安八議則自掩卷

竊歎公學通三才明習當世務其漢書賈之流亞與
且善自韜匿不欲有著述名若曰身隱矣焉用文之
茲公之所以為文也故劍期於斷決不必龍淵莫邪
琴期於宣理不必鳴廉號鐘學期於有用不必三公
四嶽大夫也以其有用者小用於一世又以其不盡
用者大用於來世則著述之遺也穆叔之稱不朽公
其庶幾哉予故不論其世而繫其大者如此

大隱山人稿序

大隱山人者荆國樊山王自號也王字昇甫食邑斬
少負異質抗志慕古日以讀書為娛每晝分而食夜

甌甌洞續稿

卷之七

十七

意

分而寢不知倦諸左右內豎竊病之諷曰夥王之為
沈沈者身嬰衾冕珪組而處殿屋帷帳歲奉千鍾日
御五鼎所不足者非富貴也奈何不自喜而營營博
士業為山人咲而不應蓋賈勇於學折節親師友尋
築大隱園邸旁以待四方名公卿大夫與布衣之豪
至即倒屣擁篲迎之日治供具為高會與之陳說稅
文倡和為詩歌各罄其囑乃已蓋山人既不自有其
王客有起而為王壽者輒引滿浮之曰子縱憐而王
我王何以加於山人哉自是山人名益著而所為詩
歌世益珍傳之會 詔下宗正條遞減王祿而大隱

園客則猶此相錯也山人於是坐困不自給至鬻
舍質子錢厪厪為朝暮計已又上書請自試不報乃
奏記荆王謝朝請以家乘授伯子而自擇冠野服脩
然屏處半畝之宮時疏種藥計貧如飴間與一二方
外士談養生家出世之旨將老焉屬其三子賢而能
文哀山人諸藁得十七卷因介劉生九齡來謁序蓋
劉生予門人而山人倩也予即不文嘗為大隱園客
敢不拜命乃窮旬日之力卒業諸稿不獨具體作者
而音節鏗然人耳色澤瑩然人目為其學足以廣才
而不為才縱情足以赴法而不為法束詩賦在曹魏

甌甌洞續稿

卷之七

十八

意

李唐間而文駸駸四大家矣夫弓待檄而後調劍待
砥而後利玉堅而鑲之成文則礪諸之功也木直而
揉之成輪則張括之力也彼言棄學而循性何以異
於舍舟而履水哉山人自少慕古至老不衰其取諸
檄砥礪揉之益非一日矣即世世珍傳之奚疑予所
交諸宗大梁淮甫豫章用晦宗良貞吉最久而南陽
孔炎子厚亦時時以竿牘相求晚年乃得與山人父
子稍親而一時經術辭才並足以發五潢之精烈而
稱聖世佳公子顧獨山人有大致焉在不自王而善
用隱也是又能以不文文也文其在茲乎鴻烈之言

曰歌采菱陽阿而使鄙人聽之曾不若延路陽蜀非歌者拙也聽者異也予卽不善聽山人業以爲知音矣謹序

多雲館藁序

多雲山在羅田竟嶄然起中天爲衆山冠邑人蕭舍譽愛之因以名其館云蓋舍譽旣舉明經十七年年尚壯而所著古文辭業已具諸體成一家言富矣顧猶有深意不欲示人以朴乃越數百里涉江就予取質焉予得縱覽諸稿而竊歎之茲良工哉何運斤之捷而心手輒相應也人亦有言循繩而斲則不過樹

甌甌洞續稿

卷之七

九

表而望則不惑舍譽豈遵是道乎以舍譽才美而猶濟六藝之源風四詩之旨咀萬彙之華漱群籍之潤浩浩乎彬彬乎若臨武庫而鋒不可勝選涉鄒林而材不可勝掄予且目駭心憚之矣何以質爲第從酒間取其才不受約而氣不就馭者一二評隲之舍譽輒大喜避席起酌大斗爲予壽又自引滿盡數斗如是散髮飲者數日不復問一字別去別半歲使使街其藁來請序則已削其初者半而精其初者半得卷十五成帙六予日手一帙且讀且快惟恐盡茲不選鋒之最銳掄材之最師乎舍譽可謂勇矣夫今之談

稅者非縉紳大夫則布衣士縉紳以退食布衣以游閒皆得肆餘力爲之而猶多所不盡舍乃舍譽介其間進不得自媒退不得自佚終歲守公車業以待詔對不圖所就一至於斯也非負簞才能乎夫以經生譚執鑿鑿中窾如是者世不多槩見頃予覽詩數得東越一人胡元瑞而吾舍譽竟然起而角之亦足以張楚史氏以秦壯齊曰東西秦今雖謂兩生東西楚不亦可乎又舍譽爲稚欽太史鄉後進且嘗游元美大司寇之門兩先生名世作者舍譽蓋有所受之也故曰鼓舞者非素縱不煦者非眇眇漸靡使然耳何

甌甌洞續稿

卷之七

二十

有於予予聞師曠之調鐘也以後世之有知音者也予誠非曠而舍譽無負於知音矣友人王行甫又爲予言羅俗近古士人多愛客而蕭氏世孝謹有萬石君家風至舍譽好行仁義修乃祖乃父業而益振之頃屬歲儉不靳割家庾鋪饑者而藁裡其筆者樹德甚衆邑人人誦之嗟乎舍譽豈獨詞人也與哉

甌甌洞續藁文部卷之七終

甌甌洞續稿文部卷之八

武昌 吳國倫 著

渝州 馬攀龍 刊

序文九首

賀大冶郭令君考績 加恩序

往予在中州遇郭君而知其擅經術負用世才既別十餘年君累舉進士不第始謁選得大冶令每過予道故猶怏怏不自得顧其治行則已藉藉輿誦余竊心喜之比及三年當報政 闕下屬歲不登而民易動兩臺使難其行而獨表異其功能書最以 上上

甌甌洞續稿

卷之八

楊煌

嘉之賜璽書褒異君因爵君父為文林郎母君妻並孺人一日而令君名動 朝著 恩光照耀梁楚間至榮矣 璽書且至今君冕衣裳郊迎如禮而邑老更士大夫莫不喜動顏色謂邑百年以來所未有此不獨令君榮即邑且藉令君重而後來者皆有所豔慕而視君為吏師邑人自此有嘉賴矣其佐陶子鄭子與其幕陳子將飾篚篚以賀君固辭曰達不習為吏徒以二子夾持之力苟免於墜失又不自意微福兩臺使而冒 天子寵靈日鯁鯁焉懼不勝也敢復拜子之賜無已其乞吳先生一言乎於是三子造

余以告余曰令君余故人也茲受 命不受賀其賢

乎夫吏治自古難矣而治於今尤難而治大冶則又難漢世稱得人之盛列在循吏可指而數焉漢以下抑又可知已難也今去漢已遠文益密賦益繁令握百里符自郡大夫以上兩臺使以下皆得討其行事而董正之曾不敢自用恩以紓其衆尤難也大冶又楚僻邑其地磽确而物力微其民勤苦纖嗇不足以自給加之饑饉益蒿焉不樂有生乃責逋之檄日衆案下令將能覆釜而糜耶且猾家少年類多操刀筆侍上官往往有所憑以干令一不應輒持令長短而

甌甌洞續稿

卷之八

二

煌

輕重之令稍不自樹則首鼠而依違其間鮮不為所中以視它邑不難之又難乎郭君領邑客有難之者輒毅然曰客嘗我乎邑豈有裔民也請奉 天子之德意以蘇其無告者奉約法以平其無情者何難焉且邑何嘗負吏吏自負邑見以為難耳至欲執法以便諸少年則何異削足以就履刻首而就冠乎邑人聞其言業已竦意俟之比至則崇禮教簡科條公聽斷杜請託問遺節財省供庇善良而抑豪右徵歛以時緩急率多極至而輻輳者已乃餉待饑之歲遇方張之孽曾不遺餘力故一年民憚三年民安諸少年

一無所問而卒亦無長短可持茲令君所為善自樹而功能表於臺使 恩禮錫自 朝廷要之名實副也夫居前不能令人輕居後不能令人軒古人耻之矣故器以錯錯別利鈍馬以馳驟辨為良今大治不足以前君而君且以大治自見邑何嘗有吏吏自負邑名言哉且天下惟愛民之吏能得君亦惟得君之臣能顯親此國家治平之通理而守令公卿之大都也人亦有言山致其高而雲興焉水致其深而蛟龍生焉君子致其道而福祿歸焉文林公孺人並以閭里之節受知 天子則以令君故釋裘褐而被華裘

魏洞續稿

卷之八

三

而奚以筐篚為

大隱樓集序

是集蓋嘉魚太保方公詩也公故有十二卷傳於世

而沔陽陳述齡序之暨公謝大司馬縣車里門築大隱樓養病其上數年著述滋富乃屬其門人合編為若干卷手授予校之因得窮數月之力卒業諸體且諷且歎美哉洋洋乎唐音也夫詩自風雅變而為離騷而漢魏六朝則又以代變至於唐一振幾掩六朝而上之今之談稅者謂七國裂周而兆漢六朝閨漢而開唐予竊不知其解漢以前亡論六朝惟嵇阮陶謝近古以下琢句雕章非不工且麗按之則色澤愈豔風氣愈清靡靡去漢遠矣何言閨唐人政厭其靡靡起而振之為能家樹幟而人建鼓一變而為正始

魏洞續稿

卷之八

四

大家即有所自開非六朝也故近世海內名公欲追風雅之遺反漢魏之模而不可得類多布衣於貞觀持滿於開元大曆然猶未必一一破的難矣諸憑軾之士望豐和之圃董董能挽弓數宣言詩不漢魏而唐猶之舍穿雕貫蠶之技而為人負輶矢亡豪也將誰欺乎若太保公之為唐音則尤有倍難於唐人者蓋唐制以詩取士故詩不工不士童而習之有專力焉今則經術世務先之制益備進取益嚴未有緩其所先資而攻其所不急者公未冠舉進士而詩已著名此不有天授能乎其後為令為郎為郡守為藩臬

大夫治餉治兵歷三十餘年躋而復起者再最後遇
上簡知由邊鎮督府荐陟大司馬轍迹幾遍天下所
至題詠紀述具載集中其才情美其音節調其氣豪
宕不羈其風度廓宏高遠而一無所闕塞真有吞雲
夢吐衡和鞭風霆而上下霄漢者是旣林之大觀也
乃其微又不易測躋不加歎起不加盈謗書入而無
愧心薦書入而無德色威震華夷不言勇權義將相
不言貴此古大臣之度每於其詩槩見之公庶幾周
公之流亞歟而唐人又瞠乎其後矣人亦有言詩無
楚風楚無風也江漢汝墳列在二南非楚風乎即大
甌甌洞續稿

龍章尊君命也曷稱龍焉君乾道也乾爲龍聖人

尊之示不可褻神之示不可常也夫制命在君非常
數被命在臣亦非常遇故書勞勸能則予不受爵感
恩報禮則仕不愛忠由一命以至九命由受職以至
主瓚和鬯皆龍德之施而神道之教也豈臣子所得
私覲而槩膺之者哉我國家綜核吏治恩禮臣工
布在令甲有差等而不以中外得之者稱天幸不得
亦不敢有觖望自予所聞睹累朝先輩嘗有位至六
卿未及沾一命貤封其親者則所謂遇而不遇非常
遇也何論外臣哉頃郭君爲大治三年報政太宰太
甌甌洞續稿

而後耀閭里人耳目已也竊又聞國士之遇與上將之封恩止一身耳古人且終不忍借況榮其身又及其親者乎壺殮鋪父與簞食遺母雖及其親恩止一飽耳古人且以身報之況享有祿養又錫有封爵者乎以此思報郭君當無所不竭其惓忱矣載籍所記若三命滋恭世篤忠貞皆臣子受命之遺矩也予竊為郭君願郭君勉哉

雙鳳編序

頃玉叔自金陵寄雙鳳編至啓而視之則所與元美先生倡和於鳳臺作也夫鳳神鳥也文有神而文人

龍龕洞續稿

卷之八

七

方

之遇合亦有神故玉叔以遇元美為奇元美亦自謂得玉叔晚聲應氣求和鳴盛世翩翩雙鳳哉門人勒而傳之可謂好事也已予於兩君子皆通家而犬馬齒差長故雖伏在丘壑不為所遺且楚去金陵一衣帶水兩家述作並得時時相聞即不及與雙鳳接翼諧鳴殊無所恨獨憶玉叔故於敬美有深交在閩中嘗有二龍編為士林所豔今敬美化為異物矣元美傷不見弟猶得弟其友玉叔傷不見友猶得兄其兄撫今思昔當何如為情而予讀其詩若文有餘悲矣乃元美又謂不敢以旗鼓當玉叔玉叔且有小巫大

巫之遜兄事元美而心師之語皆由衷而氣亦兩相下豈諸少年憑軾之客所得窺乎至玉叔以纂史望元美元美以薦天下士望玉叔則尤盛世之希音也命之曰雙鳳蓋有取焉予又聞之楊雄曰君子在治若鳳在亂若鳳為能隱見以時今元美踰者力謝太司寇以歸玉叔方壯盛起大廷尉入次公輔或翔千仞或巢阿閣則各以其時為隱見而於鳳德交相重也謂是編者又安得文人兩君子已哉

黃先生易經崇雅稿序

漢人有言學經不明不如歸耕謂上以明經舉士士

龍龕洞續稿

卷之八

八

煌

以明經應舉經固用世之先資也士有弗明弗措耳夫明經難矣而明易為尤難蓋易畫無文而為文字祖易書不盡言而為五經鼻祖函三才之神理統四聖之心傳潔淨精微廣大悉備自商瞿以下雖老師宿儒罕窮其奧何論經生哉乃吾黃先生則年甫踰冠即用易舉進士高第出守吾州每公暇輒進諸生示以所著易義諸生無不竦意而北面宗之不啻奉以為指南而信以為神物競相傳錄頗為儒書者病會有池陽生蘇至昌來省其父因得受經先生請其副幾二百首鋟梓以傳名之曰崇雅稿書成造予請

序顧予耄矣獨嗜文之癖未盡捐手而誦之喜心勃
勃動蓋先生蚤慧若自神授而師友多大方名家業
振顙門辭根性術而又搜三古之遺察五運之變業
既深於易矣乃能匠意結撰無一不中窾且多畧傳
註而成趣超卦爻而成文化圖數而成象其機蓋在
牝牡驪黃之外而心手疾徐之間非若經生飾說已
也故挾策不再試亟爲制科所收茲貫雕之手盡聖
之斤乎夫以老師宿儒所難而先生獨從英妙得之
非神授不能矣予又竊謂下雉生與池陽生並得遇
先生而以經術授之似亦有天幸昔丁寬以易東許
田何馬融以易南許鄭玄而二子卒以易學名東南
今先生之易當在下雉池陽間諸生其毋負先生哉
賀武昌太守若常韓公考績 加恩序
韓公自法曹出守我武昌三年當報政 闕下會兩
臺使議謂武昌楚首郡任既繁重而歲又大侵所部
十州邑饑困之民方嗷嗷然託命太守何可使一日
解郡符往也請得留其行而獨表異諸政績聞
上上嘉悅之 賜璽書褒勞稱治平第一 加爵其
父承德郎爲中憲大夫母安人爲恭人蓋可謂名實
相副榮矣郡父老所在心德公既幸公留尤幸公被

恩命喜色相賀聲洋洋載於塗其條張君某君聚而
歎曰茲父老之心哉夫大厦成而燕雀喜風雲舉而
龍虎從物有固然顧吾屬日奉公畫一之令以爲吏
師用分其猷以共乃職幸而罔有缺失皆公賜也公
榮與榮豈其在父老後乎於是走使致幣山中徵言
於予予訢然起而拜使者徵諸君且欲有所託而報
公敢不拜命之辱漢紀太守吏民之本則所部諸長
皆以親民爲吏事而太守得討其良否而董正之職
方氏郡縣名義亦曰郡者群也民所群往也縣考縣
也民命所縣也夫民命縣於縣而群於郡其稱吏民
之本意深哉楚之爲郡者十五而我武昌政務繁重
倍視之又附在行省兩臺使藩臬諸大夫日臨其上
而與諸王宗及閫帥衛尉同城雜處且當水陸孔道
過使冠蓋絡繹無停晷亡論滯獄不易平逋負不易
責即抱牘請謁手板遲延業已不勝其勞屬者歲耕
饑益以天行疹癘十屬之民男不得修農畝女不得
刈麻考屨而轉徙叢薄枕藉道路者不可勝計公來
適當其難蓋三年無一日不憂兄顏色其最幸者公
所欲爲民便宜補救朝受質於上夕布令於下一無
所壅闕而吏民並受其福則又視諸郡爲多蓋公其

才開敏其度廓宏爲能勇於肩重而不自功捷於割
微而不自智確於持謀議定危疑而不自矜許遇僚
屬坦然露心與士大夫恭而有禮字所部饑困之民
真若疾痛之嬰其身計不須吏祓除之歲時發帑金
乞糴境外分賑諸屬又令民間行平糴法自相保卹
所全活不下千萬人尋遣官分視疹者藥之殮者輿
而瘞之父老相聞未有不涕泣誦恩澤者至奉部檄
督逋賦公又愴然感額曰民益不堪命矣吾安得比
迹古之良二千石使吾民安其田里而亡歎息愁怨
之聲哉乃爲之時緩急寬期會如不得已而取之父

旣甌洞續稿

卷之八

十一

煌

老從饑困中聞公仁人之言又莫不涕泣相告吾儕
小人寧湏吏無死毋寧負公以故武昌宿逋責在諸
郡後而輸反在諸郡先蓋公以撫字來之也公故法
家每從請謁逢迎之際晏坐堂皇諸質成對簿之徒
鱗集其下伺之公以次召訊立得其情而哀者辟者
咸自伏吏人宛舌屏氣一無所緣絕爲奸故庭無留
訟獄無冤民蓋公以明允平之也頃江州大盜二百
餘人越境鈔劫震驚我土地而其守相將且姑息庇
之公毅然約會境上面折其不法守相皆有慚色盜
竟伏辜所部一二墨吏公初猶善諭之使自新已知

必不悛也遂趣之使自引去公三年之績所爲最大
且著者類此何嘗一日不爲民哉故曰以仁行法法
亦仁也以法行仁仁亦法也太守吏民之本微公其
誰稱哉且爲人臣得君有道在得民爲人子顯親有
道在自顯此考績之典所以慎辨幽明而遷固兩史
臣類皆右循良而左精悍蓋有爲也昔者王良造父
天下稱良御乃若鉗且大丙則又除銜轡弄鞭策而
能使車騁若飛馬驚若絕朝發扶桑莫入落棠此殆
假弗用以成其用者也御民亦然今天下豈少良二
千石哉顧非用民則自用而欲如我韓公則且丙之

旣甌洞續稿

卷之八

十二

煌

神御也難矣難矣公旣以報政遇主被非常之恩
旦夕且召拜公卿去如龔黃故事父老何敢望借留
第令我武昌與潁潯齊名亦公之遺也謹書此以待
史氏

林毋徐孺人八十壽序

莆田林生元世居業南太學從吾兄士良遊甚驩顧
念其母徐孺人壽躋大耋遠在數千里外不得歸而
從其兄稱觴於庭意軼軼不自安也因介士兒謁予
再拜曰二孤非毋氏不生而毋氏聖善劬勞非名言
不顯願微惠先生一言爲毋氏壽茲不獨毋重而二

孤將奉以爲世珍人子之心如是豈先生所弗與乎
予初猶難之而生懇懇未已遂有感而歎曰林氏其
以慈孝與乎蓋孺人出同邑故家笄而適林處士省
非公爲元配婉順柔嘉動合士行事二尊人曲極孝
謹大得二尊人心屬處士公身爲家督歲計食指不
供乃懷資及解孺人簪珥買行江淮間孺人躬自操
作庀其家日手調滌澣承二尊人養二尊人益喜謂
有婦若此兒出無內顧憂矣會處士公每有天幸賈
常倍息而歸孺人率用勤畝佐之貲殷殷日起賓客
交遊日益衆因割其產之半以益季弟而猶稍稍推

龍龕洞續稿

卷之八

三

其餘以急宗鄭之貧困者人言處士公好行仁義孺
人寔贊襄之賢聲溢閭里矣顧孺人三乳皆女不宜
男處士公業已近艾而猶念與孺人敵體而起貧約
未忍言置妾孺人則先意從吏之茲其時矣奈何以
一貧婦故而忘宗祧遠慮乎於是始爲處士納蘇氏
蘇氏入而孺人第以女第畜之食息進退咸得從容
自如曾未踰三年蘇母連舉二子長卽邑諸生顯世
次卽太學生元世處士公時時抱二子歸功孺人孺
人輒舉手加額曰此皇天祚林而林先世種德之餘
慶也貧婦何力之有焉後孺人視二子襁褓中恩勤

備至不知非已出比二子稍長日依依孺人前亦不
自知其蘇出也未幾處士公下世孺人哀殯如禮不
使二孤它日有遺憾比其時年已踰耆不樂親細事
而以一切家政畀蘇蘇代其勞而孺人特總其大督
耕織謹蓋藏積出納而已已乃延經師課二子業儒
居恒述處士公遺命曰此子也才惟爾不才亦惟爾
今乃公雖不祿言猶在耳兒忍負我使我負乃公乎
且乃公儆極艱苦以有家貽爾爾但飽其餘粒不思
起儒術一振之非夫也勉矣以故二子大自警勵雖
循循逢衣徒而綴學屬文並有佳譽取榮名而揚世

龍龕洞續稿

卷之八

十四

德蓋可計日待焉吳子曰孺人丈夫女哉叔向賢大
夫也其言吾女多而鮮庶子有慨乎母性之不廣也
詩不可以觀乎夫樛木之碩多福龜斯其言之樂有
子孫由妃性遠下廣也然廣於婦德亦難矣太史公
有入官入室之歎無亦人情乎如其性不必廣卽江
沱無悔心而小星爲怨耦操井臼而不知勞膳鵲鷄
而不知煮將至秦越其所天而立矜其祀不顧世殆
不可勝數乃孺人獨有大造於林氏豈非林氏天幸
乎予聞林生言蓋不勝其欽欹矣夫孺人之大節在
廣至爲處士公有家有子而猶代其夫就養二親義

方二子廣矣而又廣孝友於昆弟廣施予於貧乏可不謂丈夫女哉此多福多壽之徵雖期頤不足爲孺人算何言大耋乃林生德其母深而祝其母無算亦惟是母能享之林氏其以慈孝興乎

奉賀武昌太守若常韓公入 觀序

漢制太守治郡有行能者滿歲爲真選滿三歲則課最爲高第又最者爲異等乃得下璽書褒勞增秩賜金而復以時召問使有所陳對而知民事難吏治名實尋以次徵拜公卿而行能錄錄者無與焉爲能宣明教化惠養元元則所爲問遺老詒故實者必備

饒顛洞續稿 卷之八

十五

而爲天下治安計必完卽恩澤殊常簡託重大彼蓋有以勝之故三代以還吏治莫盛於漢至稱功名損於治郡則史不一二書而其人相業光美卒亦垂竹帛不朽我國家經制損益三代而重親民長吏實錯舉漢故事用之而獨召問陳對於諸長吏入觀時一再舉故由行能異等而出入將相書勞盟府與漢史相輝映者不可勝紀享國長久其繇是乎予於是知吏治之重無古今一也韓公守我武昌凡四歲業已用行能異等受天子最上褒恩蓋需次拜公卿時也命爲人觀脩歲事所部十州邑其父老

皇皇焉聚族而相告曰公吾天也今且入朝吾儕小人將焉依其長吏聞之亦皇皇焉聚族而相告曰公吾師帥也今且入朝吾儕小吏將焉恃蓋知公入當列內臺而隼旆熊輿不復楚也因設祖漢陽門爲公舍較戒途而以贈言屬吳子吳子曰吏民之情如是哉予不佞伏在公宇下公不以衰廢見遺歲時勅有司存之又從行縣枉駕與之飲予故不獨知公負天下才而猶心異公躬行古人廩廩有德禮長者之風焉夫公故法家然內明外寬治郡持大體不設繁苛之條不下操急之令目攝諸俗吏之小有才者

饒顛洞續稿 卷之八

十六

類多工獵名而鮮情實徒足以澆淳散樸傷國家元氣一切耻爲之第身先節約以爲所部諸長吏風又好揚善匿過全器使卽承吏奸利失職不遽案治之姑嚴諭之使自改圖其卒自校文罔則又不以私庇其親民若慈母之字嬰兒察饑寒燥溼而以時乳襦之諸所爲救荒拯厲省利息訟調徵額清弊源禦盜賊姦宄勞神焦思曾不遺餘方其用法平用恩益廣更民無不爲公輸心腹者以故四年之內十部之境受旱潦而不至流亡望烽燧而不及荼毒且也郡附行省公不知其爲大政倍十五城公不知其爲繁盛

使監司日臨於上賓客使臣日載於塗公亦不知其
為擾此尤非才智所能盡運而公之所以稱異等其
必有道乎昔漢宣帝召問龔遂何以治渤海遂曰皆
聖主之德非臣力也帝以為長者之言今公入

天子必召問公公宜有所陳對豈徒若龔少卿之讓
讓已乎夫少卿之治渤海先得請如所願一切便宜
從事無拘以文法故能自行其意布德宣威使盜賊
賣刀劍而執鉤鉏民用安土樂業今以武昌視渤海
非止有盜賊之患而且不得自便宜也公其以武昌
之難與公之所以不難於武昌者對乎蓋武昌吏民

龔龔洞續稿一

卷之八

七

方

不能一日忘公公亦不能一日忘武昌第得藉公之
靈 天子使代公者如公來即武昌之民安而龔少
卿再見矣且少卿之對蓋用耆酒王生言也予自度
不及王生然亦為父母國之道也公能王生言乎

奉送州大夫汝礪黃公入 覲序

公少負雋才弱冠起鹽官就試督學使劉公劉公奇
其文而以國器與之未幾舉明經連登進士第海內
稱劉公水鑑矣會謁選得除內秩大家宰一見而
識之曰異才也不使親民事問閭閻疾苦歷國家故
實而徒以郎吏徇之恐不足以廣其用世資非待異

才之道也因授公知興國州事 命下賀公者或曰

子以經生釋儒衣冠曾未數月剖符領郡乘軒駕五
馬巖然稱楚牧伯不已重乎公默然無喜色難公者
又曰善官者避外而趨內今子甫報吾伊遽操案牘
日與丞史吏民相質究豈其所嘗習而豫圖之毋乃
難也公亦默然無難色退而語人曰夫賀我者少我
而故豔之也難我者少我而姑嘗之也少則少矣古
不有年二十餘通達國體十八而棄繻請纓者乎此
猶易易也又不有十二而定策取上卿七歲而為孔
子師者乎夫少何可量也有 王命在吾往矣於是

龔龔洞續稿一

卷之八

十八

方

趣駕入州州父老望見公英妙若瑤林玉樹光彩映
人簡重又若底柱之峙三門屹不可動莫不舉手相
賀此福星也州自此振矣公因首問民瘼知累歲不
登而旱虐尚未已閔然念之身自齋沐除壇請雨考
禮登百神而雲霧之居必側身出必徒跣日百拜於
路不以為勞州人無貴賤無老幼皆冒盛暑從之公
益憂見顏色禱之踰月天乃雨耕耨者稍稍穫秋作寄
命須臾會又迫上官期會督責徭賦檄下不啻束溼
薪促大弦也公不得已感容應之始雖見謂嚴急已
即安於先公後私之義極至而輻輳焉卒之報善不

施租吏不擾人人反自喜以為便訟者在庭公置對
會無費辭第據案劈劃各中其隱鮮不惶恐自伏公
又寬其罪罰遣之用是法日平訟日減囹圄幾空暇
日延見博士諸生與之談經術課公車業手為繩削
而評品之使各竭其才而日趨於大家蓋人人父師
公矣公又於士之無家者粟之於神之廢祀者廟而
種之而猶不受請託不納問遺不畏強禦不責苛細
至遇賓客入境供帳厨傳徒御之屬屢屢取成禮一
切不欲以民力養交與僚佐士人交初若重體貌一
無所假借已而即之則洞然披心不設城府人益驩

龍龕洞續稿

卷之八

九

然樂親之其他惠政未易僂指數以故任未二年上
下交譽兩臺使察舉廉平治行業已為三楚最以予
竊窺公諸所事事了無成心多自率其天性迎刃解
糾紛懸鑑照情偽而已故令下即著龜無所事察政
出若已成事無所事創即當世所稱老吏多歷世故
備嘗艱苦者遇之鮮不自失誰其少公將無皮相而
已乎予嘗聞之士始入官如入閭室久而愈明明乃
治又聞齊居使子奇治阿已又使使追之還報曰臣
見所與共載者白髮也夫以老者之智而少者決之
是能治阿矣今公入官不待久而能明治郡又不資

老者之智而能決在古人且難何論老吏且也州處
楚東垂介在山谷僻陋此處最下壤也公以英年用
餘力守之曾無秋毫厭薄意譬則舉兩牛之鼎烹鷄
執擾龍之仗御馬輿誦在田野薦書在一朝堂茲且
戒期入覲聖天子將遂寵異之父老皇皇然恐又
為通都大藩所奪雖欲借冠其道無繇方聚眾而謀
遮留公未有當也屬其僚黎君吳君以幣造予謂將
具酒脯餞公於郊問言不佞夫僚佐之情亦士人父
老之情也予何敢以毫釐因擬公牧政之大者論次
之授二君以助輿焉

龍龕洞續稿

卷之八

十

龍龕洞續稿

卷之八

戲黿洞續稿文部卷之九

武昌 吳國倫

渝州 馬攀龍

序文九首

劉伯子義草序

往歲劉伯子翊成永逢承從其世父過予予止而觴之卽遂循俎豆間修長幼之禮甚遜然予竊異其風神韻宇飄然不群業以神駒繡虎當之未幾舉明經高第且出馮太史之門客有傳其先資之言者言言雅馴中矩矧奇氣古思鬱不盡吐經生正業固當如戲黿洞續稿卷之九

是操此以射澤官破的必矣會又下帷三年秣馬再北乃以近草一帙問序於予予因得縱覽焉初若然犀牛渚而照水怪忽若穿井而聞仙家雞犬聲已又若涉海宮而呼鯨八淵客相對作隱語瑰詭驚世絕俗蓋九州之內所不必有六合之外所不必存也異哉伯子之才乎惜予老而少文不盡知其解耳夫謂經生正業爲制義也者不倍之道寓焉故上有所制不得過求諸士士亦有所制不得過州其才有如師心匠意馳騫高玄經傳不足而之左國左國不足而之莊列莊列又不足而之越絕齊諧秦碑汲冢

戲黿洞續稿卷之九

二

一切金石幽怪之文皆得剝削而粉飾之見以爲神奇顧獨謂制何予故奇伯子才而尤奇其過用夫伯子其才無人過用何病竊慮夫才不伯子而過猶伯子者去制遠也故居取安土不必覓閑姑射永取章身不必火浣吉光味取適口不必天漿玉醴仙槎靈瓜惟文亦然取應制而已何至苦心極力使人不可解乎耄夫胸中故無一奇每見奇輒駭異談奇亦多拘攣非通方之見也乃欲驟爲伯子益友殆有深意焉吾兄及二三門人則又進而言曰伯子異才也在國則斂其華以應制在野則變其體以自娛是草蓋其抵掌也而非其捧心也噫嘻有是哉奇而又奇矣因併述其言以告伯子

魏澂江近體詩序

蒲圻魏文可氏故按察順甫公伯子也起家明經凡佐三大郡用行能高等擢守滇之澂江且二年牧政稱西南最屬其意已倦遊海上記請疾輒爲臺使監司所固留乃得卧理清晏坐嘯行歌益肆情於述作因東其生平所賦五七言近體詩若干首成帙命之曰怡雲亭稿時予門人姚允升適爲其屬路南守因得請其副傳之走使萬里問序於予且曰魏使君意

受先生彈射而後殺青先生其留意焉嗟乎文可之
於詩其天性乎昔在嘉靖中海內五六子講藝

關下順甫雖後至日懷鉛操觚從之未幾詩且厲行
五六子歸而有雲山堂稿傳於世卽其邑之先輩若
魏蘇州廖學士皆有所傳然視順甫少遜矣乃文可
不藉師友聞詩於庭而能專心致志以承之閱二十
餘年手不停揮口不輟詠蓋所謂家學世業與性成
也頃猶削草過半而僅錄其精者存之庶幾選鋒待
敵割腋備裘矣予復奚所用彈射耶雖然文可之志
未已也其必取資於予則知已之言也客有曰使君

甌甌洞續稿

卷之九

三

湘

擅諸體而獨以近體示人將有待乎予曰昔者齊宣
王好射用不過三石而左右譽以爲九石王悅之夫
射用三石不爲無力人矣其以三石而蒙九石之譽
卽以近體而冒諸體之名茲齊王之所悅而文可之
所耻也乃其志猶不以近體徇也奚病焉客又曰近
世諸詞家類多馳騫怪譎高自矜許使君獨取唐正
始大家所爲清平調而諧聲依律赴之若有所制而
不一縱豈猶不盡用其才乎予曰相馬不論足力而
以毛澤爲儀則廐無千里矣相玉不論貞粹而以徑
廣爲儀則篋無連城矣相詩亦然文可善用清平調

庶幾驥稱德玉比德乎乃其志猶不以清平徇也
病焉客誠予言而起曰先生知使君何但知詩予曰
士之相知難矣子思子不云乎龍穆好飾弄相人眉
睫以爲意天下之淺人也而公叔子親之橋子良修
實而不脩名有若洪鍾不撞不發天下之深人也而
公叔子與之同邑而弗知今天下之親龍穆者多矣
若吾文可生平不好弄而脩實不輕發若洪鍾又與
予同郡稱通家予故以其人知其詩以其詩益知
其人也客三歎而退予因具述以告路南君而自附
於文可知已云

甌甌洞續稿

卷之九

四

湘

韓氏哀感錄序

昔者曾子南遊於楚北嚮而涕泣曰非爲賤也悲不
逮吾親也閔子三年喪畢孔子與之奉而知其哀未
盡夫曾閔孝矣豈必後世無曾閔乎予觀韓氏哀感
錄而知孝天性也其有所感而哀生焉則天性與會
閔同晉勲其庶幾乎蓋晉勲祿仕不逮毋封爵不逮
父風木之恨將與天終而其師友親知匍匐弔之爲
狀爲銘爲表爲誄並爲晉勲寫哀頃晉勲又使予作
傳傳成合爲一帙授剡厠氏每一披誦有餘哀焉因
命之曰哀感云予故不文不足爲晉勲重乃諸名公

皆鴻筆鏗然金石爛然華采爲晉勲親也者於是乎
不必然益足以動晉勲哀記不云乎墟墓之間未施
哀而民哀錄之所載儼然墟墓景也若夫泰山之薪
者以哭而動孔子哀齊人雍門周以音動孟嘗君哀
彼猶其疏者也思哀則哀至而況祭諸天性者乎所
曼容亦曰孤者易傷感茲晉勲之哀所以不能自禁
也豈徒哀之且思所以繼先志以提其躬而脩其職
不忍以一介傷清德不敢以一念負幽靈而民且嚴
君事之慈母依之古聖賢論孝而及事君忠蒞官敬
晉勲毋忝焉夫有所授於先君子至章明也異時經
甌甌洞續稿 卷之九 五

送別郡大夫叔見張公序

古語布之問御於馬問治於民蓋御之工拙惟馬知
之吏之廉濁亦惟民知之故無俟它問賈誼之論大
政亦曰民者吏之程也察吏於民取其愛焉十百人
愛之則十百人之吏也千萬人愛之千萬人之吏也
虞考績周考成漢考課率用是道而漢猶有遺憾焉
輒近世難言之矣夫吏親民而亦親於民輔軒轅者
入境而知淳澆察眉而知寬猛觀耕稼而知勤惰采

風謠而知勞逸庶幾名實相副上下不得相偷豈惟
涉者安其位而黜者亦安其心矣今不問民將風聽
諸臚語而已乎卽臚語猶兩可一爲愛憎之口所中
其實遠矣夫人情何常之有同已則生愛異已則生
憎愛者譽之憎者毀之吏脩其職不暇安得人人而
同之而保其無纖芥乎叔見張公三仕楚而所居民
戴所去民思在郢爲良令在下雉爲良牧並樹生祠
尸祝之比佐武昌又六年兩臺使累薦其治行

天子且兩下璽書褒之公何負於民也乃踰六年不
遷而考功氏大計置之調籍報至人盡駭之莫知其
甌甌洞續稿 卷之九 六

解夫不奪其官而量移其地考功氏豈盡無意乎第
未親問諸民而以衆人選國士耳通郡士民皇皇然
惟恐公掉頭納綬去泣者盈巷挽者塞塗劍劔兩臺
諸監司而乞留公者千餘人兩臺諸監司亦莫不泣
下議欲如河內借寇故事乃公之去志決矣夫民情
如此而朝命如彼薦者欲加諸膝諸者欲墜諸淵嗟
乎豈計吏獨非爲民乎言者予思謂申祥曰公叔子
以人口親敬吾則亦以人口親慢吾漢文帝召季布
無所受辜罷去布因進曰陛下以一人譽召臣一人
毀去臣臣恐天下有識者有以窺陛下此其旨大類

張公事而人情之不測尤有甚於此者予又聞歷陽
化湖賢智與愚闇同溺巫山縱火膏夏與蕭艾同焚
茲適然之數公所能順受也扁鵲天下之良醫也不
得與靈巫爭用鮑丘秦之德士也不得與趙高爭能
則儻然之遇公所能達觀也乃若樹木者疇以腴壤
灌以潔澤方異其千雲霄也一人拔之遂無餘藥治
犧樽者鑊之歎劇曲成文章方異其登几筵也一人
舉而毀之曾不若溝中之斷故天下之憐才者終不
能勝夫忌才者也豈亦公之所能盡乎乎亡論公諸
上官下民中僚友胥為公有深嘆矣公且行僚友將

龐甄洞續稿

卷之九

七

出錢於郊使使問言於予予曰公蜀人蜀道之險公
所習見而舟車所親歷者無異康莊矣今世路何如
蜀道願公一以康莊視之舟不以失舵而棄川車不
以折軸而棄陸展禽不以三黜易直道子文不以三
已生愠色彼其予奪險夷我者非我有也而我所有
非人能予奪也非地能險夷也况公遺澤在民輿論
在上官僚友內不愧心外不損譽歸而奉老親抱稚
子樂也出而捧檄之官宣力樹勛伐亦樂也進退豈
不綽綽然有餘裕哉予習公最久而知公負達節最
高不作泣路書空態故得坐進此言以代分袂云

陶長公寓黃集序

陶長公懋中於予故未有交屬兩都人士有稱其富
詞才而高視一世者予竊風慕之比量移黃州且三
年始一通郵問則長公不待面而莫逆矣未幾長公
偕友人王行甫來見訪握手飲北園盡一日夜別去
予視其意氣激叩風稜峭直談藝則易牙之辨淄澠
品才則造父之別駑駿予益心下之每歎其為風塵
外物然知其不免於世也已從行甫得長公寓黃集
讀之則自耿尚書周尚書梅給舍周侍御以下諸名
人業已章評而目注之或謂其振家學而操國器或

龐甄洞續稿

卷之九

八

謂其高行能而無博雅或謂其借形勝而發天才或
謂其抒性靈而成仙籟各極褒美而無一語浮其實
固宜其膾炙人口而黼藻人目也乃行甫又屬予序
豈予復能贊一辭哉蓋行甫嘗為蘇長公編寓黃集
予寔序之今長公以直道寓黃與蘇同而以詞才為
黃重亦與蘇同而其所不同者長公不作宋人語也
序何辭且晚近士志在漢唐而由宋人蹊徑者不少
豈盡其才不漢唐人若哉不得其門而入耳長公既
得其門而步趨之而舞蹈之駸駸躋堂堂則不獨以
才勝譬則蒲且連鳥於百仞之上詹何驚魚於九淵

之下庶幾應心應手而盡其技也乃其微則有形勝
所不盡著竹帛所不盡宣者故夫為平者準也為直
者繩也若其不徂於準繩而可為平直者則不言之
術也叩官而官應彈指而角動此同音者也至於五
音無所比而二十五弦皆應則不傳之道也長公其
進於是乎而視漢唐咫尺矣何論蘇序成長公以有
所中且納綬去黃黃千萬人借留不得予聞之而有
深嘆焉予固知其不免也豈有風塵外物而能久處
風塵者乎昔老萊子諷齒以剛折舌以柔完子思曰
吾不能為舌故不能事君耳長公之不免也其亦不
能為舌之效乎

旣甌洞續稿

卷之九

九

隆

居夷漫草序

袁山黎君實氏故善說詩尋以詩起家三仕為文學
官最後乃得稍遷中都天長令往在盱江嘗介一侍
走千餘里問詩於予益託之乎知音不待面也予感
其意草一詩報之垂十年不相聞問矣頃又自天長
命一使來請序其居夷草啓而視之則皆寓清平時
諸作也清平故黔夷地自我高帝闢而造之為承
冠之國弦誦之鄉者二百餘年而猶稱居夷何其有
先朝王伯安先生寓龍場嘗以何陋名軒若實豈亦

有所感乎因憶予二十年前嘗奉簡書視黔中學
歷所部諸山川名勝蓋有穆駿所不及周而漢節獨
師所不盡下者心竊自壯焉至欲吐一詞張之則其
景未易敵且嘗三過清平與故人孫山甫王幼明把
酒稱詩累日夜不倦至于今香爐金鳳諸峰色霏霏
几案間未忘不圖君實武予舊遊而能以詩敵予所
不敵起予哉蓋君實自少守家學有其父風又多大
人長者之遊為能抗志古昔兼通六藝詩多唐人近
體而即無一語不唐乃其思親懷舊述旅悲時頗多
翰寫性靈依傳倫理神情所會才美赴之庶幾有風
旣甌洞續稿

卷之九

十

隆

人之旨焉又不為唐體所徂予又聞秦楚燕趙之歌
也異轉而皆樂九夷八狄之哭也殊聲而皆悲予觀
君實居夷而不陋夷所為詩且與樂教之蘆笙牂牁
之土鼓金齒之弦筑迭相響應而其鳴皆條即清角
如曠吹律如衍無以易其悲樂之情予手而誦之黔
山川又若驅而至前也謂君實不起予哉今君實由
文學官而陟百里長去偏國而適通都其塗漸坦而
其志漸舒采詩觀樂以待宣布中和有餘地矣其毋
一曰志居夷意哉

愛日編序

往徐子築愛日堂居其親予爲之記未幾徐子且祿仕爲天長文學官迎其親與俱卽養以三釜有喜心焉比母氏中棄獨徬徨奉其父還里中日益有懼心所爲逆母事父具鮮有餘力已括所藏諸縉紳大夫詞人墨士爲其親壽者得詩文若干首哀爲一帙命之曰愛日編以示予嗟乎徐子之懼心深矣蓋其父廷祥氏少與予爲布衣交今行年七十有三故徐子知年不敢不愛日詩云欲報之德昊天罔極其是之謂乎且古之孝子愛日非能謂義和而令安行也亦非能增度數而益漏刻也又非能如新垣平魯陽公

甌甌洞續稿

卷之九

士

科

測候攝戈而便月再中也第欲充其欲報之情親有餘日報益有餘力卽分陰寸晷不以三公易不以萬鍾加焉何論日故曾子一夕五起老子七十自娛皆愛日之心爲之乃其不待之懼難言哉予於徐子殆有深感矣或曰昔者王符之著潛夫也曾以愛日名篇何居予曰王子之愛日爲民也君道也徐子之愛日爲親也子道也均之欲其舒以長也異時徐子得君受事而以爲親之心爲民其所爲愛日不已廣乎

興賢錄序

興賢錄何錄興士之賢且以脩興賢之典而使士益

興也徐先生其有造於興乎蓋先生初以名進士出宰越之鄞邑鄞故人文奧區樞機鼎甲之臣接羽蓬迹於朝無不神明先生才而純美先生節者會以它事正色忤郡守守銜之因得行諧而移先生入楚蓋不知越人失之而楚人乃得之也未幾諧者之舉累著彈章而先生才節益顯其攝興事興士人又自布天幸焉下車卽以治鄞之餘力解興大困者數事已乃脩舉古循良之政問疾苦諮緩急躬行田野勸農力耕民由是益親之而逋者漸輸訟者漸自解去日坐堂皇若無一事者先生曰何興民易德如是豈非

甌甌洞續稿

卷之九

士

科

予卧治地乎而興諸士乃得從容曳裾操鉛槧日造先生問業先生益大喜因與諸生分日爲程談經課藝累數月不倦諸士遂多斐然成章者先生因錄其成章之尤者數輩而擊節賞之曰興多賢哉遂東而傳之吳子曰興楚商壤也何敢言多賢由先生不自賢而後見興多賢耳夫玉人剖璞得玉爲其能相璞也珠人披砂得珠爲其能相砂也豈其漫無所擇而槩以爲珠玉乎予意先生相士而得賢其有所試矣予因告諸士其益勉自進修毋負先生興賢意且諸士不聞里人之興頌先生而願尸祝之者乎夫民且

易德而士居其先必有以三鱣頌先生者先生自此升矣先生名庭綬字公綰豫章信州人

冠山人詩序

山人家龍平山北枕大江去千厓厓百里予雖久耳山人名未嘗一面蓋山人自少好遊託迹遍燕趙秦晉齊梁之墟所與交多賢豪節俠士而所為筆海墨林則天下名山大瀆且載也奇氣壯懷鬱而為詩類多豪宕磊落語每一篇出聲動侯王公卿而予友肖甫司馬助甫秉器兩中丞並推轂之山人用足名益重交益廣輒不勝自喜往往揮金躍馬從諸少年游

龍平山續稿

卷之九

十三

意

買醉邀歡歌呼踴躍蓋一時布衣之雄也越十年餘興盡而歸惟有奚囊詩草存耳山人其先故素封一旦垂橐而入縣齋而居又能晏然忘貧築二餘齋以自廣謂無祿有餘富無官有餘貴也坐卧齋中不廢吟詠而其社友張太守子龍暨饒汝順諸茂才時時累飯齋酒脯造而寬之未幾王行甫以山人來而予固恨交山人晚也比見山人豐頰長髯風流慷慨儼然訝以為富貴人二餘其有謂哉因與之飲酒談秋累日夜不倦已閱山人諸詩則風流慷慨如其人豪宕磊落如其游率自任其天真而神情符彩互發交

映美矣美矣業心許為贊一辭踰三年未就乃山人歸而精求之若有超悟取舊草焚其半而更定其半携以示予予誦之則鏗鏗有餘音也按之則穆穆有餘思也何山人奇進一至於斯不獨如其游如其人矣因醉之四十日而序其詩曰山人豈楚人哉夫侯王公卿下山人而山人不知榮天下名山大瀆奉山人而山人不加恭乃必窮而歸歸而取質不佞而後精求之豈予敢有所引山人自躍如耳且予聞之善學者用衆等之食雞必千蹠聚狐必千腋也山人取材諸名家善用衆矣而獨取質不佞將無善用寡乎

龍平山續稿

卷之九

十四

意

傳文一首

左司馬熊公傳

初予從公釋褐蓋遂同邸舍云公雖長予十七年曾不予少相與評議古今抗論天下事得失難易無不在其股掌心竊壯之其後公三入計三遇予都下道故益歡最後公開府嶺外予適守高州親見公削平大寇功成病卒行間當病革時猶手書數行與予訣嗟乎茲所謂死生交也予既為位哭公屬道遠不及

臨又數年始得從里中再上公冢竊有餘悲焉其伯
子熾始授予簡使作傳夫公非予傳而誰也按公姓
熊名桴字元乘別號鏡湖居士武昌人其先晉陽人
自和叔公徙武昌凡四傳至南海永清卽公父南海
公居官居鄉並有遺德兩在皆俎豆之娶萬孺人生
三子而公其季兒時卽沈敏端重不習爲嬉遊會從
南海公之官其長吏一見而奇之已從經師受詩爲
文一出卽試爲諸生冠後嘗以廩讓其友李生邵生
尋以貢讓其師周生每居親喪毀瘠不勝禮至析產
多所推讓兩兄又多賑恤諸宗人蓋自未第而邑士
翫翫洞續稿 卷之九 十五

會大寇數十萬據寶山三吳震恐而州衛將士悉調
集軍府備非常徒以空城委公公憂之適操江蔡中
承來視師民方藉以同志公因號召民間義勇實城
事未及集而盜數千薄城下矣公悉發城中壯丁守
陴身自冒矢石巡行樓櫓增飭諸械備是日雲日黯
慘蔡虞有它變謀逸出公以大義留之後見賊攻東
西南三關急蔡徑從北關夜馳去城中人無不自危
又其夜三關內外一時火起衆益洶洶疑賊已入城
至訛言中丞公且走吾屬何坐因爲公手劍厲聲叱
之曰中丞公出爲調大兵援汝何言走也有言走而
翫翫洞續稿 卷之九 十六

人誦慕之矣嘉靖癸卯舉於鄉庚戌舉進士除太倉
守太倉吳劇郡公身先勤約下令疏重役節供億清
浮糧禁吏民不得爲奸興學勸能郡一切辨治壬子
夏六月島寇卒犯吳公始有憂色曰吳自此多事矣
蓋知吳以佳麗餌寇又晏安久人不知兵寇一再深
入吳卽不爲沼倖也乃預戒其丞史繕城厲兵爲保
障計尋奉軍府檄提兵吳淞江劉家河並用水陸師
大剿賊鋒走之明年春三月寇再入犯嘉定上海殺
裨將二人肆行剽劫公曰事急矣如待檄而行使賊
得先我非計遂自勒兵分二路翼擊之賊稍失利去

惑衆者僂以徇衆遂堅守累日夜不倦寇始解圍尋
會諸將追擊之殺傷畧相當踰年寇又至諸村落及
旁邑之民來奔者且數萬公令開門悉納之城上用
火具城下設溺伏竟破賊而完城如初後賊逸而蹂
旁郡旁郡人謂公實遣之適蔡中丞坐太倉罷恨公
因嫉其所善孫御史采旁郡人之言論罷公 朝議
不以爲然又吳父老爭赴關爲公懇會軍府奏留疏
亦至得不罷然已不復視太倉事日與諸將治兵寇
至則擐甲荷戈擁兵迎敵寇退則登名山臨勝水賦
詩長飲慷慨歌呼未幾以功擢蘇郡丞尋擢河南按

察僉事兵備蘇松會島寇繼至橫行江淮公會諸路
兵日夜追擊每出奇計勝之東南軍氣出公日振又
密贊軍府以計禽巨酋王直滅其黨軍府累上功狀
上三賜白金文綺擢副使治兵如故無何蘇州民亂
福山吳淞崇明兵亂公皆不動聲色平之後金山軍
叛在松江挺刃逼部使者索餉部使者錯愕無出公
第今開四門傳檄諸軍還衛轉餉且至矣諸軍解去
公立遣党別駕部餉往比至諸軍又執党以叛兩臺
使危之公乃單車馳金山諸軍業已釋党蒲伏道迎
公公開誠諭以朝廷威法因得一二倡亂者鞭之

龍輿洞續稿

卷之九

十七

相

而衆復擁噪門外公正色曰諸軍得無有所苦而欲
入自白狀乎其具以牒來衆畏署名遂自解公因密
諭將吏夜捕首惡十餘人誅之旦日勝宥其餘遂不
復叛蓋公居吳十二年凡再保危城五定內難身經
大小三十餘戰斬首虜三千四百有奇建崇明福山
川沙柘林吳淞五城開楊林瓦浦虬江白茆四渠補
珊海田賦二千二百有奇吳人恃公爲長城而所在
尸祝之不爲過矣時議公負文武才當超撫吳會
東南解僉而雲南適有土官素儀之亂又擢公參政
從視之

分未定蠻夷自相攻耳何足以煩大兵因檄素儀
帶之使攝諸夷如守吏遂不下一矢亂自定比擢陝
西憲使則孫御史業已在要路因從大計中公左遷
山東參政時河塞徐沛間阻漕大司空朱公方建新
河之議難其人聞公且來喜曰得熊公吾不憂河矣
遂以三河口屬公公力任之爲蓬居河上日夜率吏
卒分水土爲二工獎勸者以激惰者吏卒日夜爭趨
事不少休竟鑿沙石成渠而又築土堤壘石梁分導
三河漕遂達大司空奏河渠書以公爲稱首隆慶改
元入賀上卽位遷山東憲使已錄河功進秩二品

龍輿洞續稿

卷之九

十八

相

戊辰遷浙藩左使會廣東有曾一本之亂朝議推
公拜僉都御史填撫之公聞命馳入竟一本方寇會
省急聞公先聲稍解去公因上平寇四策請帑金五
萬爲輜皆報可公遂先發千金分賑附省諸殘命布
令郡邑各拊循其民毋務精悍刻深傷國家元氣以
時平徭省賦行保伍法使民自爲衛敕諸將分造戰
艦百有六十傳大舉區畫既定始遣將將步兵芟夷
高惠諸洞賊斬首三千舟師邀擊一本於潮海三敗
之連入閩公又奏改鴻雁洲安民鎮兩盜藪爲二縣
使賊無所匿罷遣安南夷且撤其國備竟上勿使

一本得南柱是檄樓船將軍會閩兵圖一本柱馬耳
澳斬首虜三百有奇捷聞 上賜白金文綺勞之一
本勢窮誘倭酋丘古所入寇惠州以勞我師時大兵
在湖公望募勇敢士三千人自將入惠城以堅衆志
使使馳南贛求援屬材官周雲翔殺其主將以叛公
分兵守城旋大發火具夾攻雲翔雲翔敗投丘古所
公隨縱反間得雲翔誅之時南贛與他鎮會兵轉至
遂進擊丘古斬首一千五百有奇其黨悉平捷聞
上賜白金文綺勞之公見一本未滅嶺海禍未已毅
然決策親督諸將進攻稍後輒懸軍法示之柱是將
龍龕洞續稿 卷之九 十九 科
士出海殊歎戰遂克一本生禽之斬首虜二千有奇
焚溺可數萬願捷書甫上而公勞瘁不支矣病數日
且劇猶自移檄理兵食不一言及家事以已巳七月
廿四下世距其生正德丁卯年僅六十有四廣民所
在廟祀公初 上聞大捷嘉悅之進公副都御史比
計至 上惻然悼之下璽書臣桴以死勤事忠矣其
贈兵部左侍郎錄廕一子入太學詔有司爲起冢遣
守臣致牢祀焉嗟乎公不朽矣公內行甚修負才開
敏而有識畧爲吏廉幹善拊循然用法不畏強禦居
恒未嘗言兵而臨敵制變動中機宜雖武戾汾陽不

能過又馭將假體貌卒能得其死力知人器使有拔
自千夫長而推較爲大將者至持重好謀臨大難不
驚居大功不伐嚴然古社稷臣也配陳孺人有相德
生二子熾燠俱以廩入太學而熾尤孝謹博學善屬
文孫十人獲初太學生爲邑諸生者六人公之澤其
未艾乎

甌甌洞續稿文部卷之十

武昌 吳國倫 著

渝州 馬攀龍 校

傳七首

涪陵處士張公傳

涪陵張叔見氏守興國三年以最聞 朝廷累加恩其父母及妻叔見憫然退而思曰仕小子奉職何狀乃得微福賜爵且兩世其自先德茂爾因述其曾王父廷重公諸高義請予紀而傳之按處士名璉字廷重其先蓋南昌世家元末有祖壽輔仕蜀阻兵不能甌甌洞續稿 卷之十 一

東遂家涪陵之五龍鎮傳生漢霖嘗以五千金助高皇帝軍興詔旌其門而其孫璉博學博內行嘗手纂譜牒修復古鄉校禮郡人士至今稱之璉生九世即處士父以耆德屢延為鄉賓娶包孺人生二子長璉次即處士處士藉先世累資屬其兄以奢廢處士勿問也而猶父事兄不少懈鄉先達尚書劉公岳及嘗歎其友愛而贈之詩處士性又好義樂施予趨人之急甚其私諸宗人饑者粟之曠者室之暴者紬紵之曾不愛餘力嘗出直收其鄰何氏田已聞其婦姑相抱泣也惻然折券還之里人給事中劉公宦以効逆

璉忤旨罰餉米二千石輸邊處士聞其以忠受禍首捐百石助之而諸好義者聞而爭赴焉創遂得生還後璉敗復起為江西副使從子昕嘗闕費官錢三百金郡逮治之杖且死處士走訴郡公昕無知犯法死則死矣奈吾伯氏不臘何願入田產七百金償官贖昕罪從之已昕出泣謝處士微叔氏吾為獄鬼矣昕不報叔氏有如此日處士曰但得汝生幸矣豈望報乎以故處士晚年益貧困乃其妻何孺人則善慰之盡解其簪珥承襦易穀粟為朝夕計屬其子孔時孔暉相繼蚤卒獨孔時遺一婦馮榮榮抱二孤孀居節甌甌洞續稿 卷之十 二

甚苦然處士益安義命即家無宿儲亦不失其故志馮嘗歸視其母病且死挈囊金數斤私馮曰用資汝孀毋令諸婦知也馮歸以聞於處士處士立命還其父曰豈有世家子而食人私金哉徐撫其孫之頂示馮此亦千金子也後病卒行年六十有四二孤孫長怡配羅氏次慎贈奉直大夫配夏氏封宜人曾孫七人仕可即叔見以鄉舉知興國州娶湯氏贈宜人繼石氏封宜人際可勉可求可並業儒未成獻可行可立可並庠生贊曰處士信高義哉太史公有言天下熙熙皆為利來天下壤壤皆為利往利之於人亦

大矣方處士富盛時輕財樂施恤內振外大者解直臣之危而脫兄子於獄猶曰舉先世之餘散之惟恐弗盡乃既貧困無聊而志操益厲雖數十金不苟取則又何所爲哉昔端木叔棄累千金之家散之一國及病不能藥死不能瘞而受施者相與反其子孫之財嗟乎此千古高世之行也予於處士再見之顧端木見德於受施人之助也而處士之子孫則竟以儒術自顯儋爵分祿爲縣官用天助之也天之所就就與反財者多乎

王孺人傳

甌甌洞續稿

卷之十

三

科

孺人郭趙州妻姓王氏父曰遇春世居武昌郡之東門嘉靖甲申母郭夢文鳥翔其室以九月九日生孺人孺人生而娟秀蚤慧王公奇之每爲陳說古今興亡及賢人列女諸名跡孺人輒心悟而通書記王公益大奇之謂難其匹會趙州公諸生時失其故耦將委禽或曰郭生貧而負俗獨奈何予女王公曰人固有魁傑如郭生而長貧賤者乎卒予孺人孺人既歸趙州公卽布衣操作修婦職口不言貧君姑悅之謂得婦族富人嘗昧裏遣女奴之趙州所覩新婦何爲則孺人業已結束上堂起居君姑供饋饋歎曰此

必與郭氏而吾諸婦坐敗耳趙州公有兩弟並不治生而習遊冶公患之將析以資斧使自殖孺人曰姑徐徐善導之不然見謂新婦不長者今若兄弟不相容也後兩弟果出不遜語孺人但引續塞耳若不聞辛厚遇兩弟久之兩弟皆愧悔稱丘嫂賢而宗鄰內外賢孺人者一口矣每趙州公讀書至丙夜孺人常合燭執女紅佐之不倦至飭家政雖纖書必親若脯醢菹蒲絲組麻縷以及衣襦履絢之屬罔不先期而具以故趙州公得一切勿問而專精綴學成儒名已酉舉明經已試爲杞博士爲郛城令稍遷趙州牧孺人皆從之官每謂公性峭急不能忍事恐難爲下時諷以佩章之義公亦降顏聽之稱益友會其丞不職以私求蔽於公公弗許乃伺公入計使其妻修棗桌之贊見孺人寘幣焉孺人受棗桌而反其幣曰幣非婦贊且恐汚長吏名也其人慚退不復敢吐一辭比自趙歸爲兩兒娶婦每晨起呼兒下帷治公車業旋勅兩婦率衆指動動理家夜分猶秉膏火針刺紡績汲汲如微時趙州公勸之休不休曰吾不欲讓子婦情也不見某家婦逸樂終歲坐糜其夫人之產而終不自給乎年四十以後性更好佛喜施旦暮沐

甌甌洞續稿

卷之十

四

科

諸品經曰肝乃已見人貧有急輒不吝分囊裝濟之
諸親鄰待孺人而衣食婚嫁者數十家歲大疫諸扶
携造孺人乞棺者無不立應蓋人人誦陰德云居恒
不言人過聞人蒙難卽憂形於色爲之不食俟其平
乃復竊喜曰人孰無不幸哉已見二子經術成累試
得儒曰兒勉之彼朱門華轂而子孫多不振者善未
積也吾雖老猶及見若曹高吾里門矣萬曆壬午仲
子舉於鄉明年癸未登進士推擇爲翰林院吉士里
中人曰茲郭氏積德之報乎其冬十月孺人寢疾忽
謂其伯子曰吾其歸乎何神不吾守而嬰兒出也十

旣甦洞續稿

卷之十

五

隆

三日遂卒年僅六十趙州公名懋字子德伯子正位
府學生娶詹氏仲子正域卽翰林吉士娶張氏季子
正夏亦府學生蚤卒一女適郡將軍華峰三女孫並
幼嗟乎孺人之必興郭也知言哉夫女貴貞好不惟
其才而兼之蓋難矣予觀孺人高識美志行仁而好
施佐趙州公於微而又篤有是子使郭之二世並用
儒術顯名卽古所謂樂羊子妻公甫文伯母何以過
乎予與趙州公通家而重以吉士之請故得論次其
大者俟史氏采焉

勅封劉孺人傳

孺人爲劉大夫妻而伯子秉缺奴也頃伯子斬然被
哀經涉江叩予予睹其容稱其服與之對食則一飯
一蔬以往七箸不復加矣已避席泣數行下賜授予
狀曰茲先孺人遺行也不孝缺業不能身代先孺人
而尤不忍其埋滅無聞於世願先生不靳一言華表
之嗟乎孝哉伯子母德其益徵乎作劉孺人傳傳曰
孺人廣濟李氏女其大父淑嘗仕爲商水丞父萬善
隱於耕母劉以嘉靖癸巳生孺人甫八九歲父母相
繼下世孺人乳乳與一幼弟相弔於室備嘗艱苦聲
不外聞久之徵仕公爲大夫卜相得孺人曰此真吾

旣甦洞續稿

卷之十

六

隆

兄耦也時大夫方困諸生食指不自給孺人日操勤
儉佐之內事徵仕公彭太孺人曲極孝謹外供賓客
每不吝解簪珥爲具至自奉不厭麤糲脫有弗繼雖
縣甑累腹不言饑也視減獲多所寬假而督誨三子
則又嚴峻不以姑息爲愛屬其弟病羸且不起孺人
手調七藥進之因呼天而號曰李氏之不斬一錢耳
天乎忍復降割乎弟病旋愈人以爲孺人孝感云辛
酉大夫舉於鄉第二人尋遭太孺人喪孺人相之哀
禮並至隆慶辛未大夫登進士授中書舍人孺人從
之京會今上覃恩賜爵乃得奉 電書封大夫父

為徵仕郎毋妻並孺人也。孺人既貴，猶以布衣蔬食為常，而猶躬自漚麻辟繻，無暇日。或風之貴家何自苦？乃爾孺人曰：「非若所知。念吾姑已不待養，且不欲忘貧賤為諸婦倡耳。」已大，擢監察御史，被命巡行畿輔，與河南山東諸路屯馬所至，風厲百官，蘇息萬戶。中外肅然。敬憚之，會同官傅劉二君相繼彈政府下吏議，大夫慨然抗章救之，章留不下，蒲伏待罪者數日。邸中兒女子錯愕，慮有不測，皆吞聲哭。獨孺人不為動，徐論之曰：「臣從君猶婦從夫，汝父直言供御史職耳，追恤其它，即生死呼吸無復可悔，何以哭為？」

既甌洞續稿

卷之十

七

刑

聞者仕之幸。上意竟不罪大夫，再命之按蜀。乃政府心疾大夫甚，遂不待其報命，遽山東按察僉事蓋外之也。之山東未幾，又遭徵仕公喪，還與孺人襄事。一無遺憾，蓋孺人故多乳子女，有寒疾比更二喪，過慟，孺人骨立矣。曩徵仕公善為其子卜，相固宜身食其報如是哉。萬曆丙戌，大夫復起山西，如前官，無何孺人舊疾舉，益痼遂以其冬卒。晉邸中時伯子臥疾，杜家仲子秉賦遊太學，叔子秉鈐讀書匡廬，皆不逮與孺人訣。獨庶子秉鈐在侍，孺人摩其頂而終焉。蓋一雖產異母而孺人于之甚恩，故鍵亦毋孺人不獲。

知其所自產也。卒年五十。月四，晉諸王侯卿士莫不賢孺人而哀大夫失良友，爭相匍匐吊之。而伯子則有臯魚之痛，不可解。顧伯子業已博識，工古文辭，而與諸弟並負用世器，所為不死孺人有餘地也。何憾哉！大夫名天衢，字一登，今權陝西參議，位望隆隆起矣。

新野王妃邢氏傳

邢妃為南陽衛指揮邢山女生，而脩備類丈夫，乃其性獨柔婉，貞順執牀下禮，甚恭。年十六奉詔封為新野恭簡王繼妃。初，王元妃李賢而蚤世，妃悉遵其

既甌洞續稿

卷之十

八

刑

遺矩脩壺內之儀，謹事大母，莊而撫元妃所生宣懿王保愛益至。莊大母賢之，謂新婦不獨能其家，即國祚賴之矣。是時王邸第未治，又為先王治寢園羊山，工鉅而皆不贍，王以為憂。妃請為王計歲入，王祿可千餘金，而奉邑所上厨校又千餘金，皆君賜也。第無闕費，移以治第，治園庶幾不病民，且彰君賜，不亦可乎？若邸中一切經用，請得躬執勤儉，無使一人有浮食，而以餘粟餘布佐之。蓋三四年，兩鉅工告成，國人賀王而王歸功妃。妃曾無德色也。已，念王早孤，家廟禮多創而未備，請下王臣之知禮者議，議如禮。

遂著爲令而世守之妃既有子鎮國彌鉞與宣懿年相次而才過之妃每抑鎮國不使與宣懿抗會宣懿病不任應對起拜王將以偏聚衣之妃從中力贊竟以宣懿請封王後宮多姬姬且多舉子有王姬者美而有寵於王陰行妒將不利於諸姬子妃輒傾身陰翼之皆得免王姬惠恨因時時語侵妃妃恐傷王意不與之校無何王寢疾妃呼天請代不可竟薨妃哭之累絕誓以死殉唐憲王匍匐往慰之乃強起宗老或謂王姬負寵當殉王使內使曳姬姬窘求救於妃妃憐而釋之曰若不足爲王蓐踐躐也仁人之言哉

甌甌洞續稿

卷之十

九

後宣懿王嗣位往往稱疾廢朝會禮憲王意在鎮國以爲言妃聞之持嫡庶之義力爭於王前事遂寢妃自服莊大母以下諸喪哀禮備至最後宣懿與鎮國夫婦皆不祿妃又撫宣懿之子榮僖王宇滄及鎮國之子輔國宇浹篤愛並如所生暨榮僖以冢孫嗣王稍稍倍妃而行不遜每執妃侍人而扑之事聞唐成王將絕以宗正法妃陽驚曰無是也得無告者過乎王益心儀妃長者間迎入宮與其妃用家人禮稱伯母進食上壽徐救女奴數十人舉音樂前導妃宴遊別苑其驪且授內史彤管紀述妃大節懿行將

疏聞於朝旌異之妃謝曰未亡人受知賢王幸矣何足以塵天子覽乎蓋妃秉家政邸中歷恭簡宣懿榮僖凡三王諸內帑外舍多妃所經營而增拓者逮其子孫若鎮國輔國出邸第令守常祿曾不以尺帛斗粟私益之曰未亡人爲先王冢婦不得以私病公也年七十八以病薨成王率群臣臨其喪族祔恭簡王墓藏焉輔國暨而能文口授其子奉國宙松具爲狀而奉國之子碩勲孫器封相繼工辭翰而與予神交因走使遠來屬爲邢妃傳予讀太史公外戚世家而知自古事國多外戚之助非獨三代之興爲

甌甌洞續稿

卷之十

十

然也然猶以爲難言之若曰妃匹之愛君不能得之於臣父不能得之於子乃邢妃節行純備爲能相王業風人倫而猶保其胤嗣世世揚休美庶幾於君臣父子之間無一遺憾塗山姜原而下誰其儔乎

中憲大夫劉公傳

劉公名賓字世爲山西沁水人今大方伯子明父也少業儒弗就稍稍習文法試爲邑史比見其曹耦卑疵纖超萎腰咋舌邑令前惟恐一有所弗當心竊耻之曰壯夫不爲也因入貲取具冠服退而家居者二十年不入公府一意與牛恭人力農桑藏書自

給間操餘貲買行江淮間市繒易金屬估者誤握算多與之數十金公心知其誤也立召其人還之或嘲公賈之趨時若猛獸驚鳥之祭惟恐失利今不藉機智而利且倍取之何傷而乃與人若棄爲是迂也公笑曰吾視取非其有爲不利非若所知已歸而督誨子明治儒業且成大喜曰幸哉有子何以家爲因謁選以文亡害補郊司權居郊未一月聞子明首舉三晉輒囑然棄官去曰小臣不必以身用矣未幾子明舉進士奉詔入史館日簪筆侍朝無間請急歸省公而獨南嚮念公不置踰歲乃得遣使迎公如京

甌甌洞續稿

卷之十

十一

太

邱子明喜動顏色爲奉几杖進衣上食公愀然不樂曰享取其適而重綵簪豆非老人適也小子聽之時與子明同館者二十八人聞公至皆結駟具羔鴈儼然造之見公恂恂長者又美髯豐頰多福壽徵莫不舉手爲子明賀迨公還沁又相率有贈言都人士榮之而公獨逡巡不敢當會子明由諫官外調公無愠色曰兒弟直道事人內外奚擇焉後稍遷民部員外公是以有承德郎之封未幾歷浙江按察副使公是以又有中憲大夫之封璽書自天鐵牙金排焜耀閭里蓋殊遇也客以賀公公無德色曰以小臣被

再命不知兒所爲報矣因時時移書誡子明其益精白乃心乘時樹勛伐用荅主上寵靈萬分一毋以老人爲念以故子明敷歷中外二十餘年所至名實純美赫赫稱王佐才蓋得之義方者厚也子之能仕父教之忠公其有焉公既貴而有家一無所改其初節居恒忍嗜欲薄飲食與布衣士同風出入一款段馬兩蒼頭從之邑令強之與弗與歲計所入董董克食指共賓祭稍餘數十金即以市粟餽之外庾以待里人之貧者月歛則平賈糶之歲歛則計口贖之從子東啓少孤公子而教之遂成邑名士東鄰子困急

甌甌洞續稿

卷之十

十一

太

以其所居室售公公與之直矣而又闕然念其父老不忍使遽遷俟數歲其父以天年終乃爲其子購別室居之公之爲長者類是豈一有所緣飾乎吳子曰茲所爲積善也夫積非有爲而爲且非一朝一夕之故也公累行自少至老不衰若所稱史不屑抱牘賈不屑殖利仕能行其意以自免老有封爵而能自貶損以行仁義此何所爲而爲之公叔子之言曰順臧纓者成帷幕合升斗者成倉廩并小流者成江海劉之餘慶未艾其自公身卜之矣予觀忠伯相君予其恬元甫宗伯予其審知言哉夫恬知止足而審以用

根柢兩者庶幾合道而稱積而子明又足以承之
曰百世之利在樹德乎公今年七十有七體力健
不異壯盛時牛恭人則倍公七年矣子二長東星即
子明方伯次東銘孫四用相用康用儉用儔並受經
術足以世其家而子為傳其大者如此

韓公傳

韓公下世且四年其伯子晉勲業已營葬事乞穆考
功志其幽石少保表其隧不朽矣顧其孝思未已又
以傳屬予予為之傳曰公名廷相字良弼別號兩峰
其先潞州長子人永樂中通州公徙居長垣史友諒

甌甌洞續稿

卷之十

十三

屯凡六傳生公大父劉弘治初割垣之東隅為東明
縣故又為東明人劉生公父璋娶谷孺人生公及仲
廷臣季廷佐公甫十歲遭父喪而二弟尚在襁褓族
子利其產將構難卵殛之公抗志不為動久之身為
家督無暇卒業儒稍稍習法家言試為功曹已八貲
為省祭官非其好也上承孺母下撫幼弟備歷艱苦
用能復振其家叔母胡蚤寡無子公母事之卒厚葬
之始終無遺憾訓育二弟並有廝成立至廢著諸便
利田宅惟弟所欲分給之一無所私以故二弟並饒
於貲輸粟縣官仲為太學生季受省祭冠帶皆公力

也已省祭君暴卒公傷之而字其孤歐無異已出
人稱公長者二口矣初娶楊孺人生晉勲甫八歲而
楊卒繼娶賈孺人撫晉勲未數歲而賈又卒公見晉
勲時時哭兩母過哀益憐愛之顧其望之太厚而督
誨每過嚴偶見其出而與群兒嬉也怒捕之誤撮其
頂髮髮絕血流各孺人走抱晉勲泣讓公公雖內悔
而猶正色曰是兒豈足姑息即使之捫痛知警亦誠
子之道也自是晉勲感悟專志力學不復為兒戲谷
孺人老而以節終公父子執喪如禮事聞有司有司
旌其間公故與少保考功二先生為布衣交二先生

甌甌洞續稿

卷之十

十四

嘗過飲公見晉勲岐嶷大奇之公乃令晉勲就學邑
中師事二先生二先生為櫟括之經術日益精進未
幾補邑博士弟子隆慶庚午舉於鄉鄉書至公走謝
二先生二先生又曰晉勲千里駒此特其初駕耳請
更待之越萬曆丙戌晉勲舉進士公大喜益歎二先
生知人隨策一蹇視晉勲於邸未數日從間道歸不
使人知暨晉勲除德安司理迎養公公見晉勲日坐
訟堂召罪人對簿判秉辟決死生公惻然誠之曰見
為刑官關民命至重古有斷獄流涕務從輕比者蓋
其慎也見益加慎焉厚汝德自汝來裔晉勲故豈第

士聞公言益謹出而求情入而報命行之三月郡獄
平公喜曰兒庶幾有仁風哉吾將歸而為汝高里門
矣比歸屬吏有以文筆織葛遺公者公力謝不受曰
田舍翁無所用此遂垂橐入里中里人高之謂公能
以無欲助于廉也公居恒善治生理家不辭纖蓄後
家起子且貴公愈折節下人不設城府人益樂親之
里有兄弟相構累歲不決者聞公孝友輒退而自慙
惟恐公見公性又好施徃徃急人之困而不自德歲
饑出粟貸其鄉鄰所全活甚衆見道殣則囊裡而掩
之公生平質行類此人猶異其享大耋膺重封為快

龔龔洞續稿

卷之十

十五

落

也乃歸自德安年纔五十有六遂病卒天道謂何墓
在宅之某方兩孺人附子即晉勲名魏初晉勲奔喪
哀號累絕已除服起家補武昌司理其理武昌猶奉
公遺誠微無大小稱平至其自愛嚮然一介不取則
神明可質茲真韓公子哉吳某曰嗟乎韓公善樹德
乃爾其有子如晉勲殆天祚之而食報不必以旦夕
計昔于公以不寬與其後楊伯起以清白遺其子孫
司理君無有焉而公實貽之矣餘詳考功志不具述

張母龍孺人傳

孺人蚤世且九年其孤如岳始介友人賴茂永來乞

予作傳茂永又具述其家世貴盛與孺人節行甚都
予即有作庶幾無浮譽乎傳曰孺人姓龍氏泰和人
後巖先生女也先生起家鄉舉仕為行唐令其二子
並以文學補官晚舉孺人先生愛其始秀鞠之甚珍
因命名曰九玉暨孺人脫襁褓日開內訓端容止精
習諸女紅蚤夜不懈先生亟摩其頂曰此吾家文夫
女第難為倩耳已擇倩得張司城子煥大喜以為嘉
耦蓋張故萬安右族司城君又個儻好讀書得當
先生而厚送孺人歸歸時年才十四髮尚不勝簪業
已能佐二尊人庀家相司城君力學內潔蒸嘗外共

龔龔洞續稿

卷之十

十六

落

賓客曾不俟告戒立辦焉後司城君卒業太學授某
城兵馬司兵馬稱京朝官然其性任俠好與四方賢
豪結歡不屑視生產孺人拮据操作力贊之即浮費
日繁而故實不少損亦不少拂司城君意司城君曰
子真丈夫女哉越隆慶癸酉司城君捐館舍是時如
岳甫齒二尊人耄矣孺人號號然忍死骨立抱孤事
二尊人備極孝謹自矢終身無異志有窺其尚少而
微諷之者孺人輒唾其面拒之曰尔猶人貌乃欲禽
獸我乎自是宗鄰內外無不視孺人冰玉者未幾二
尊人相繼病且卒孺人視藥視含以及襄大事一秉

於禮觀者益賢之會有睥睨其家將造嚴以賞孺人者孺人正色厲聲斥之曰三靈在天六尺之孤在戶未亡人可死而不可暴若將奚為於是睥睨者死舌寢謀而孺人有家如故然孺人雖有家而性好儉素衣不厭澣食不厭疏卽濕麻漂絮一切纖裔細務類多身親爲之至於篤宗親振鄰里貧乏則又一無所靳其視如岳孤雖塵塵如一綫而歲時督誨每過於嚴未嘗以姑息爲愛卽誦習之暇一有嬉游輒召而夏楚之且泣且誠曰兒忘人欲奪汝母將危汝身而利汝家乎是何可一日不自振也卽不自振而家聲

甌甌洞續稿

卷之十

十七

意

有所失墜未亡人異日何以見三靈地下乎暨如岳受室經術且垂成孺人猶督誨之如初以故如岳益抗志於學而懷經世遠圖未敢一日違母輕出求自試無何孺人病不起其在彌留時神氣猶爽然瞻視不亂第抱如岳臂泣叙祖父締造之艱與孺居嗣守之苦屬如岳勉承之目遂瞑時萬曆甲申五月某日如岳哀毀終喪始得試僑補邑學諸生尋應明經舉待用有地固孺人督誨力也嗟乎孺人以弱齡爲張家婦二十七而孺居三十八而化去計其司城君之日少而爲張氏積功遺慶獨多大者矢心從一不

踐二庭且身代司城君厚送其親而義方其子節孝何廩廩也而又能肅內政彌外侮保有故家以遺其後卽享年無幾而令名常在宇宙其貞妻嚴姐之傳乎是何可使民民無傳也

記二首

煙光樓記

欽之侯公初以按察僉事提兵駐紮三楚東戶所爲保障計甚備不具述公每出江上視水師有暇輒就行營臨眺問延禮二三鄉大夫談名理諮故實坐必移晷而後休已公謂臨眺庫庫非所以居長著

甌甌洞續稿

卷之十

十六

意

將謀構一講堂易之會聞湖北之命行不果後二年公自湖北移鎮襄陽且三年遭太夫人喪扶柩東下舟過斬則斬父老邁道泣送公公亦泫然泣下蓋卽公故所視師處也公徐起步過行營愴然興嗟顧謂二三大夫不佞不習爲吏三仕楚矣乃所至楚人不求多而反見德豈非諸大夫躬厚道風之雖然不佞豈能一日忘楚且負諸大夫也請得用予初志構講堂於斯紀一時之遇以期再晤可復許乎二三大夫曰善於時梁生之文以地一區獻姬生廣明願有後公喜出橐中金若干授姬生以去時萬曆癸未

冬日越明年甲申夏四月姚生與梁生之大父佳約相與經營之偶得鉅材遂鳩工創為樓三楹是秋七月樓成二三大夫登焉則地勢爽瑋結構宏麗且負郭抱山襟江帶湖憑牖四望西際樊口東薄匡廬水氣氤氳巖霏縹緲數百里奇勝攬在睂睫二三大夫栩栩然歎曰樓壯哉微公其誰當之客有謂吾屬因公建樓登樓思公蓋名侯公樓乎夫楚之為樓其最顯者武昌庾公巴丘燕公營道萊公襄陽仲宣皆志其人與樓俱永其義亦猶是也姚生曰美矣非公意也夫公蓋欲與諸大夫共也者且與諸父老共也者

鹿巖洞續稿

卷之十

九

公不自有其德而寧有其樓乎今公雖去楚乃楚人席公餘蔭居茲堵而卧帖席日所睹見數百里煙光出沒山水間皆幻也而吾屬與公時聚時散亦幻也夫宇宙之內惟幻乃真惟真乃無盡而世之所指以為真者又未必非妄也妄必有盡時矣茲欲以無盡思公其煙光乎維時日已薄暮客有誦王子安所著煙光凝而暮山紫者二三大夫躍然喜曰善遂名煙光樓且以廣公意云姚生因具狀涉江來請予記予知姚生嘗受學廬先生多聞而好行義遂為之記若

遊白雀洞記

洞在富口東大嶺之絕巔故無名頃歲有彈雀者過其處見白雀彈之進入石罅間不可得因挾荆莽求焉則涇涇一洞也遂亦不敢深入出以語富口人富口人始有一二好事者從之遊呼為白雀洞云友人莊則勸時時謂予曰其奇予雖病憊乃有景在域中勃勃神往矣會率舟送所知出江泊百箭港則勸迎謂予曰白雀洞微子不名茲來登山靈意乎其明口則勸偕其弟則可則大與其門人程子良羅伯明各以壺榼趣予予乃自港登陸窮富口水郭越玄帝廟

鹿巖洞續稿

卷之十

十

遵江干東行見江帆與予巾車爭馳野興益適可三里度軍山之陰經吳將甘寧墓又二里許境漸僻徑漸崢嶸旋躋一曲磴諸客稍疲頓息焉且息且飲移時而後起凡數折得小嶺跨其脊以望大嶺尚百仞餘皆童山第多美石盤紆礪礪秀色參天意所謂洞當在石際也從脩隴陂陁而上二里許得洞門業已有樵人束火為前導門以內左徑右潭徑不幾不容履俯身而下得平土可受十五六人潭故與江為消長杳渺莫知其深乃其旁石磷磷起周遭連蜷狀若欄楯蓋天造也已從來火又入一窠如此房雖稍

湫隘而四壁皆文石玉質星彩爛然挾火光射入顧見壁間綴巢石乳淋漓其中叩之樵人曰白蝙蝠巢也嘗考蝙蝠食石乳千年毛羽盡白信矣信矣鄉彈雀者所見白雀得無卽蝙蝠乎彼千年靈異物豈彈射所得加也徒爲吾黨除道耳已就外洞取隙光與諸客席地飲十數行扶携而出登洞前危峰振衣四顧長江外繞重湖內漚風瀾雪浪浸溢兩腋而盤塘富口萬井相望塵塵如積蘇回睇大坡石樓鍾成冊竈隱約烟霏中不可辨而獨吳伍負故壘唐李煜殘堞魏鍾繇洗墨池與下雉南城諸遺墟並接襟袵可

甌甌洞續稿

卷之十

三

隆

指而弔焉乃若西招樊山東揖廬阜上下數百里烟光吞吐粉粉排排使人應接不暇茲大嶺之擅奇也豈盡於一洞哉於是諸客乘興各踞一石鼓飲痛醉吾兒無忌挾其友陳生後至則携來酒汁且盡矣少選反照在山千巖競麗予且頽唐而歸比至山麓遇友人莊則久携酒勞予田家頗不勝杯酌乃後至兩生則一吸而罄其餅矣時萬曆丙戌十月晦日

丹山別業記

海陽邑南三十里有丹山聳臨谿上福源水出焉谿上故多素封世家而程爲最鉅程季子汝正又予少時布衣交頃築園舍有頗擅丹山之勝何侍御少愚名之曰丹山別業季子常約予爲別業游不果因請予記予謂生平酷嗜佳山水然不能喻度而意繪之姑有待焉越五年書米大有舛望始擬狀爲之記曰別業蓋跨源水而扉循石梁入扉數武則割源爲池池瀟瀟受烟月又飛一橋水面若虹飲橋脊負一亭曰濠上亭意其處可任公子釣也舍橋而北爲覺輝

甌甌洞續稿

卷之十

三

堂堂植雙桂抗檜忘勢欲參天堂左右爲招隱儲芳二齋沿砌雜植名卉與池藻相輝映從右徑入羣玉山山蓋壘太湖英山諸異石成矗立方池中巋然瞿塘灩澦雖象馬不足名耳山半得清冷亭有泉鄰鄰落方池作鳴玉聲稍折而下入藏陽洞洞不甚遠而石脂吐四壁英英可餐尋從一竅蛇行出洞又得漁磯一躍磯而上則平臺由平臺稍却則倚雲亭亭臺之間巖壑窅窅篠竹樹蔥菁無復人間境矣亭背闢一闢曰壺關達如在堂堂奉玄帝居也其左徑則枯松數十章交陰僻巷蔽虧日月雖盛夏不暑窮巷而小

嶺出嶺多紅梅每歲梅先春而華因名絳雪嶺嶺半長松偃蓋下覆白石几以待手譚凡再折入雲岫窺水簾洞飛泉散沫聯如貫珠響如曳珮令人心目倍清洞前巨石怒起筋骨盡露作猛士當關狀由洞後捫壁側足而登出藂蘿外則又平行可縱步因緣以石垣而建八風榭其上倚榭騁目則黃山白岳諸峯隱隱眉睫矣邑令南海陳君爲榜其榭曰丹山積翠蓋茲山最高處由北巷而南穿一竇得齒齒軒軒半架池上池蓮可千頭花時亡異坐錦雲中不觴而醉又垣外多垂柳清陰入軒返照鳴蟬佐之令人忘倦

瓶甌洞續稿

卷之十

三

其兄辰州君汝揚常飲而樂此因題曰新皎清芳又折而左依槿籬行籬以內皆蔬畦籬盡歷木香棚簷薇架南涉湘筠坡坡下積潦成陂而菱荇菱茨雜茂其中而陂之東涯桐陰匝地忽五石如飛來借名五老峯峯下時諸品菊而閣其上曰穉宜閣迤邐而南上華陽岡入粟里皆披榛莽行而朱實累累高樹間能解人道暵最後陟舒籬臺臺執復出樹杪俯視風榭又隕然矣下臺經白茆亭東入簷蔔庵庵中頂禮觀音大士而以簷蔔花爲清供北望如在堂金碧相射茲別業之大樂云季子每謂是役非敢自爲樂初

以奉家大人歡而與四方賓客共且微玄帝大士之靈毋令人以我爲恭也吳子曰予據狀爲記託之乎計游曾不能僂數其勝卽異日躡屣從季子游奈應接不暇何夫季子方挾高賢實行吳楚間家殷殷起乃其志不在什一之利而在山水之大觀此必有闕閱乎塵埃外者予按丹山郡志所不載而水經所載丹穴之山又在異域非是或曰以山多赭石名或曰容成子浮丘公嘗於天都合巵豈季子亦欲有所託而游於無何有哉

瓶甌洞續稿

卷之十

三

瓶甌洞續稿文部卷之十終

甌甌洞續稿文部卷之十一

武昌 吳國倫 著

渝州 馬攀龍 刊

記七首

脩然亭記

陳玉叔之爲草堂蓋在古玉沙城中背郭而俯濠館閣森峙并石錯陳當沔一面之奇業已自爲記而其客侈傳之矣已又築一亭其前屬予名之曰脩然玉叔大喜因使其客問記予謂客知所爲脩然乎夫脩文羽也脩然則飛揚自得之謂予非脩然其亭以甌甌洞續稿卷之十一

其亭亭者脩然耳且亭外境也所得與館閣并石俱者也而亭亭者藉境以寄意意有所會館閣并石皆能無翼而飛至其中所自得則不在亭而在亭亭者也君子無入不自得玉叔其庶幾乎玉叔文章家而尤習事要通國體敷歷中外駸駸負台鼎之望貴矣乃其出疆而視官寄也過里而視亭亦寄也彼其中之所自得殆亦有無翼而飛者歟進之則假道於天游託宿於重閭境與意會意與境忘若莊氏所稱脩然往脩然來不以人助天由吾身以及寰宇間所具無一非寄也而亭文何名哉客曰善詩不云乎惟其

有之是以似之先生蓋不獨名亭矣因錄以爲記

藻塘記

戊子新春八日之夕宴爲故人曾尚書作此記覺而憶之無多闕漏卽辭不雅醇而其景甚奇事甚怪故不暇改竄書而存之將寄尚書一笑焉

塘在竟陵城西北故爲民間種魚處曾仲子買之築爲園越歲藻叢生焉因名藻塘屬其伯子以三罷尚書歸日載酒奉其父藩伯公往率諸孫前引觴爲壽樂焉塘非獨仲有也已郢中諸大夫暨諸懿親門下士日亦載酒奉伯子往更相爲壽無虛日樂焉塘又甌甌洞續稿卷之十一

非曾氏有也比予過郢則伯子業已携其塘上侯予予至飲未卒爵起視水藻鮮麗如濯錦然時一二蒼頭從藻次捕魚致驚群魚驚起頰首莘尾縮項細鱗類不可名狀有游而成文者有戲而吹浪者有趨而避餌者有奮而角立者有飛而狎罔罟者有失水而相煦沫者魚人盡棄其具撫掌大咲予與伯子亦輟然咲嚙嘻樂哉漁人豈詹何任公子與伯子豈莊惠哉此雖塘不得自有也何有於人予聞王者德至淵泉則藻茂而魚肥今樂藻乎樂其在藻者乎無亦樂其藻之所自茂魚之所自肥乎帝力何有於我矣

子因以記見屬遂書所見記之

嘉定張氏積善堂記

堂在東海濱初自前朝為嘉定張氏世業故未有名而以積善名則自君瑜公始也君瑜公為伯常使君高太父伯常起家來守我興國三年政成且被

恩詔爵及其父母乃慨然思述祖德以范後來因造予請記且曰太父命也予聞積善之家必有餘慶易教也顧積之為言不其從來久遠非一朝一夕之故難言哉語亦有之一年之計樹穀十年之計樹木百年之計樹德夫穀者利其實樹木者利其材乃若

甌甌洞續稿

卷之十一

三

方

樹德則蔭及昆裔澤流無窮非止為身世圖矣予於張氏竊有深感焉按張之先為大梁人隨宋南渡居今邑之中槎里由始祖世英公歷傳五世皆能以善自植而名不出其鄉至君瑜公始以孝行著聞為布司所旌異而從子昂尋亦舉景泰中鄉進士教授信州張氏家祚於是殷殷起矣君瑜公乃得割庾廩飭故堂而一新之勝以今名顧堂雖蕭然田廬間木無丹漆垣無圻藻澹然示子孫以朴其為貽謀豈非一日而百年乎後子和公亦復顧名思義敦內行而好義樂施德芳公又以樸直承之硜硜然自信不與世

俗為低昂且廢於財而厭入城府有司聞而禮之累舉鄉飲賓辭者再強而赴者再辭及奉直公美中受性近訥尤能循循守孝謹口不言人過身不涉利場遵父訓以督誨其子伯常舍積善之外無長語焉且自曾太父以下四世聚於一堂守先人之田廬耕於斯食於斯誦詩讀書於斯恬然熙然與井里人相出入資不能貸人而亦不貸於人力不能訟人而亦不為人所訟弟以無辱為榮無喪為得耳即閭左豪起而恣睢一方輒謹避之聽其旋起旋滅一無所介於中庶幾無懷葛天之風歟蓋至於伯常張氏之積善

甌甌洞續稿

卷之十一

四

方

又五世矣夫積德百年而後興舉十世之善以視古之九宗十六族其為濟美豈有異乎今邑人每以伯常之舉進士美中公之被 地典歸諸其堂不誣矣伯常又為予言往島夷犯邑時鄰室被燬殆盡而斯堂獨存鄰士女被繫累慘辱強半而獨予家三代無老幼皆以身免此不有天幸乎嗟乎此積善之明證益不誣矣頃伯常座任兩州率多惠政如古循良吏不欲以精悍自見其奇蓋廩廩祖父風予固知其有所受也或曰伯常將經營四方股肱王室安事一堂予應之曰荀卿氏有言未有不美其堂而芸郊草者

蓋先其本也第其先世之善積於家為伯常地伯常之善積於國為先世光慈孝兩相成矣茲堂固不重歟伯常且當以入計過里與其弟仲孚並立孫上堂為大父德芳公壽何愉快甚也觀餘慶而思積善其在斯堂乎其在斯堂乎

愛日堂記

徐子應時自署年以父執視予而從予遊最久即累更家難外侮予未嘗不身衛之蓋非獨憐其才而亦知其悖內行也未幾徐子默於鄉且二年築堂城東南隅奉其二親居焉客有難之者曰徐子政貧甫一

甌甌洞續稿

卷之十一

五

得

第又困公車地鮮置雖家不儲石何乃不為祿仕而自賃拮据先其所不急且示人泰乎予解之曰茲政徐子所急客自未喻耳夫徐子之二親老且病歲時僦居一陋室風雨不蔽牀第不安每有疾痛呼號聲徹於市徐子輒椎心而嗟曰天乎夫何迫阨吾親至於是也即晨膳而夕膳之弗旨矣嗟乎孔子之重知年曾子之幸逮親蓋有深意焉而徐子則其時矣故曰孝子之於親養非難也敬為難敬非難也安為難南陔之詩亦曰眷戀庭闈心不遑安堂之役徐子方求安其親恐不逮也客猶以為不急將無泰越其親

而可乎客慚而謝曰小人之愛徐子也淺先生之知徐子也深請勿復敢皮相人矣客退徐子謂予請名其堂予榜之曰愛日徐子默然驚且喜曰如汝化之為此堂未嘗謀於先生亦不敢告人以意誠不自量非其力且非其時也即有客難其何說之辭今微福先生而寵以嘉名於愚心有戚戚焉其善教人孝乎夫孝子愛日敢曰能之乃予親不能一日安故居必何待也而猶忽然不知愛此日乎先生蓋諒其不得已矣於客難何難焉已聞徐子居其親於是堂也且三年日與其兄汝器進七箸侍食操几杖侍行寢則

甌甌洞續稿

卷之十一

六

得

問承厚薄視枕高卑以為常故養不及三釜而親甘御不增一采而親煖娛不必取漿弄雛而親怡然怡殆已忘其老且病焉為徐子能安之也夫惟心不遑安而後能遺親以安愛日之義徐子思過半矣頃徐子將赴南宮又奉親命來謁予請記予故畧其經營之勞與諸輪奐之美弗具而直以徐子太意記之因申之曰此士之孝也不有卿大夫之孝乎孔子詠士孝以夙興夜寐無忝爾所生詠卿大夫孝以夙夜匪懈以事一人夫夙夜云云均之愛日也故曰孝者所以事君也子行且當釋褐稱子大夫其尚勉之

郡司理邵公恢復官牆紀事

州學改建蓋自維山胡公云今觀黌官校舍雖已強半頽蝕而規式之崇峻結構之精嚴猶儼然一巨觀也乃學官衙齋列在學之東偏負城面學墻皆壘陶埴爲之由學門延袤接陽新門可十八丈內外斬然無一居民喧雜茲胡公所爲計至遠也逮今百餘年來間舉修葺不過飾爲旦夕計最後一二奸民乘有寇警輒詣學官恐之曰衙齋孤僻餌寇盍召有力者實墻下隙地翼之安枕矣學官然其言遂不聞於州司許之無幾接覺連櫪且數家卽諸生曳履而過不

甌甌洞續稿

卷之十一

七

七

敢詰問越萬曆戊子冬郡司理邵公來攝州篆旦謁文廟登講堂俯仰廊廡久之歎曰美哉學官圖之此爲時矣失此將大壞如之何徐與諸生步出學門左右顧因問諸生曰彼迫官墻而室者皆新構也豈有斯受之耶諸生具以實對公隨遣承史仞之則已壞墻六丈而侵入齋地又十丈有六公曰奸民哉夫有司以興學爲首務顧坐視其頽蝕而不能圖猶曰訕於財也乃咫尺官墻爲奸民所竊據而不一問則何謂焉卽不佞以攝至不敢侵官以圖其大亦不敢怠事而遺其細請得以夫子之靈恢復之因逮諸奸民

庭數其罪皆叩頭自伏願撤屋它徙而歸所侵地公又捐數金召工治墻無何墻斬然如故矣諸鄉士大夫趨而往視之莫不欣欣嗟服曰此夫子之靈而公之初政也吾屬與有色焉屬國倫紀其事夫公理郡僅半年視州事曾未兩月諸惠政在人已不容口卽俄頃指顧間不動聲色立復官墻數仞而使士氣一振紀之不爲佞矣公吳郡人名其字麟武起家進士

田公隄記

頃予重游南康白鹿洞因過五里橋謁玄帝行宮遂循紫陽隄入舟所遇行者于途漁者于河頌其郡守

甌甌洞續稿

卷之十一

八

田公之賢千萬人一口也時公行縣未還而予神遇之矣踰歲南康諸生嘗及予門者數十輩束書以黃生裳來爲田公隄乞記蓋田公在郡善造士而厚恤其私又嘗新徙郡邑兩學官並得善地而才賢相繼登用士人人德之其爲隄則又爲郡學深遠計蓋學臨南城城當彭蠡湖一面湖受章貢弋三江之水而成巨浸禹貢所載東匯澤爲彭蠡是也揚瀾左蠡縣流而下稱江湖絕險南康以斗城扼之能保無陵谷之虞乎宋淳熙間水勢漸迫城西時朱元晦爲郡守大治隄以障之至今號紫陽隄不朽邇年水勢徙而

漸南南城人患之以告田公田公相其地而有隱憂
因聚諸僚佐士民坐策之失此不隄狂瀾將嚙我城
趾城趾一受嚙則附城而廬者其沼乎據城而官者
其塗乎夫有司避選事名坐貽一方大患非智也顧
濟土災年驟興大役重為士民困亦不得為仁西顧
紫陽隄先賢之遺矩在焉儼然後事師也將無起元
晦在異代抑坐待隄從地出而水患可以蘆灰止乎
吾其圖之矣按元晦治隄時告王轉運得錢百萬米
五百斛告趙提刑亦得錢百萬而徐轉運又以千緡
佐之此一時也當誰告而可吾聞神依人而行將卜

甌甌洞續稿

卷之十一

九

諸明神其濟士民之靈也不濟則守之弗和於人神
也於是齋祓玄帝宮請得移其香資之美數百金大
治隄神若冥冥應之公亦若默默承之尋奏記兩臺
使及諸監司僉曰捍大患而不秋毫損民便計也如
其議以行公乃擇一二丞史之廉幹者授以金而任
之董役公惟相度經營稽出納省勤惰而已於是鳩
工伐石慮備操畚鍤距城半里許累為長隄由大南
門遶文昌閣黃婆磯以下延袤可千餘丈廣可二十
尺公又時時徹軒蓋減騶從巡行而勸勞之登登馮
馮趨事者日益忘倦未數月隄成堅若壘壁險若天

塹外捍風濤內蔽城郭居者按堵升者鱗集無復憂
墊漂溺之患而學宮巋然臨其上又若翼而增高環
而增秀士民聚觀且悅且歎曰壯哉夫非元晦先生
復出能乎哉遂名之曰田公堤蓋與紫陽並稱云乃
田公不自功曰神工也予又聞五里橋之居玄帝自
田公始公遂得為帝隆施用其香資新學宮廣學田
膳四方學徒猶推其餘代貧民輸賦皆神惠也然皆
一時之惠而惟用之治隄永絕水患則千百年之惠
也昔者召信臣為南陽造鉗盧陂以利民累石為隄
杜詩繼而增脩之其民歌曰前有召父後有杜母以

甌甌洞續稿

卷之十一

十

予觀於田公學術治行紫陽之流亞也曷愧為民父
毋哉故隄名田公志不忘公也而公以為神工志不
忘帝也人神交鬯南康其一振矣夫聖人以神道設
教良吏以神道興民非怪異其說示人疑也天壤之
間實有是理而惟通幽明之故者知之禹以治水稱
神黃櫨其智神平嘗讀吳越春秋禹至牧德山遇神
人授禹靈寶五符以役蛟龍水豹又云禹遇蒼水使
者登宛委山發石得金簡玉字書乃知四海之根百
川之理周行天下所至召問其神而疏記之今田公
才本神授而玄帝又北方水神其以香資遺公治隄

彌水患安知非神力乎即功在禹下而神道殆不可
誣矣是役也贊襄則僚佐某某視工則丞史某某而
諸生之記事者並列碑陰公名瑄字其閩之大田人
起家進士

朱方伯公祠堂記

余按古者卿大夫而下各得隨分立廟以祀其先自
秦惡廟制比於上特禁抑之故民多野祭云紫陽氏
倣古廟意而異其宇位諸得上祠四代用以明孝而
合族祠所由來尚矣蘄水朱方伯公卒之踰年其子
某奉其喪卜葬華桂山之陽附祖塋也爰即塋前建
甌甌洞續稿 卷之十一 十一

祠而祀之以斯地公所生長極不忘耳渡江持所自
著行狀謁余為記予因次公之行事俾世世子孫登
其堂若有見乎其容不啻履雨霜之感愴也蓋公出
紫陽之裔故籍樂平至顯卿始謀徙新下之吉遂家
焉傳八世而為公父公生之先三日有僧報期公生
而僧逝莫有知其解者公為人額崖骨竦目如燃炬
聲若叩鐘弱不好弄長不為技而獨刻意向學乃累
試累不如仲捷公之父稍稍欲奪其志而公之志益
堅冬擁一敝絮夏揮汗御燈火誦習每踰兩夜里中
嘗有盜一夜鄰室相驚而公竟弗聞也者伊吾聲自

若也年三十始補邑弟子負後八年舉鄉試第七
九年成進士授行人是時分宜柄政頗庇里閭諸偽
竄籍江西者驟擢要地人勸公故自樂平徙也何無
故土之念抑且致身青雲之上乎公曰有命竟不籍
江西然亦得選授南臺御史南臺當留都重寄並得
封駁時事公凜持丰采章前後數十上凡所措置悉
關公私利害如捕兩倫長諸倫屏息置市籍大府中
貴人無敢抑買搜鳳陽安慶兩倉積蠹罷諸府當馳
道者歲時徵調繕治畿甸為清徃者江苦盜盜率與
求盜者比公巡江時盡知其根株窟穴檄勅諸當事

甌甌洞續稿

卷之十一

十一

者失盜所在即被主盜劾復條示以逐捕方畧遂爾
沿江上下桴鼓不鳴商旅往來而無恐矣秩滿出守
常州常稱劇郡無兵燹水滂之後公重憫其困也廼
躬率以儉約省譙會交際勸務耕桑去食穀畜因與
議定婚嫁喪葬儀品畧依古禮不得過法民專用其
教越歲郡中皆有畜積且好平反獄訟求其生而不
得則涕形於色至於屬邑則務成就其賢名民有越
疆訴者即令有可指摘者輒下其事而密以手書戒
諭之如宜興令以慙直受詆則挺以其身解之以故
官屬人人感激自奮後多以良二千石聞者凡積三

歲陞陝西副使治臨鞏臨鞏極邊虜所出沒公度地設奇有勝敵功虜嘗犯金川以疑兵勝虜遁去後犯靖虜弘化以步兵火攻勝虜奔抹不及俘獲過常天子下璽書金幣以褒之然公念戰勝而怠者敗日夕練軍士查舊侵以給其餉誰謂儒者而少將才哉他如公之懾悍藩調停茶市及理寺僧久繫不決之刑方是為疏節耳撫臣請以安攘計屬公而公轉為雲南叅政時黔沐桀驁亂吏治衆莫能制又例藩臬官甫蒞任往往謁其廟拜堂下公至即以禮抗抑之黔沐國公度公非可下者頗遂改節敬公終公之

甌甌洞續稿

卷之十一

三

方

在滇不復恣胸臆矣滇故有銀場公會視其篆公所遣官盜匿若干乃公同郡人也公治如律有蘇冀州風又有監官頗自富事繁坐齊民所逮治衆多公處其法半用半不用及提調大比士多得士錄文多出其手人至今有傳之者辛未以母喪歸公慟未得訣且視舍歛也哀毀瘠甚扶而後立既服闋當出獨念其父春秋高脫或如辛未事抱兩終天大慟謂人子何竟留不出听暮親侍膳羞問枕簟以者齡猶子第禮不違左右者凡七年喪事畢始起為浙江右布政治如故操為首相所听有頃自免歸歸而自適者若

于年而卒公生於正德某年月日卒之日是為萬曆戊子年某月某日也公居鄉恭謹甚無大小無敢慢下至滅獲亦善遇之性不喜飾衣寧再澣垣屋寧焚素而獨嗜道家言時時誦之非賓讌邑令罕觀其面至邑有事不便於民有訟不直於邑輒移書詳別白之公固不令邑人知乃邑之人則慕誼無窮矣公名某字某以子貴進階通奉大夫公父某封陝西副使母姚恭人配張恭人亦以子貴進封夫人次勝夫人子男女若而人孫男女若而人張先公卒葬南蔣家山勝又先張卒葬新州兆二山用形家言不便合

甌甌洞續稿

卷之十一

四

方

葬遂不合祠而李中丞盛春李太史維楨各為之記云嗚乎公可謂無忝所生者矣夫人生而有材而常患不能盡其材當公三十以前其不振者數矣而公益自刻勵寒暑不間盜驚不知雖承蜩之志何以過乎後之對策取高第街使命入糾百職出驟五馬三歷藩臬卓有令名也固三十以前之所得也然予又聞公去常而適陝也常人士祠之後由浙而過常也常人士紛勞問之諺云桃李之下不言成蹊公之長懷慶君蚤成進士次太學生而為公奉祠也良有以也予既多公可祠又嘉祠公者之志敬綴以詞三章

聊侑享焉詞曰

天惟德親地以下取北鯤南溟乘彼風雨誰其蒸之
鐵冠之父九世當興樂哉茲土其一樂土維何是日
團波山川繡錯松栢參差昔爲公居今爲公祠載堂
載蒸式訓是彛其二訓彛維何維公勵志窮經下
樹敷有位去後見思宦成若棄俎豆輝煌孝思其三

行狀一首

誥贈奉直大夫橋南胡公暨配周宜人行狀

初奉直公之舉在鄉也予尚童稚見郡大夫騎迎公

甌甌洞續稿

卷之十一

十五

而市過之儀文甚盛竊有豔心因益自奮於學暨予
爲諸生間從公杯酒論文公會不少予顧謂其曹曰
此一勁敵也久之乃得從公如京師倖叨一第自愧
才不逮公而第先公莫知其解後公竟不遇兩謁選
人予兩得爲北道主與公道故甚驩最後則公仕蜀
予亦外遷遂不相聞問而公下世矣公下世後其孤
應辰舉丁卯鄉試癸未登進士第爲戶部郎尋以嘉
績受主上知加恩追爵公爲奉直大夫配周爲宜
人戶部君奉直書且感且泣因致書數千里屬予曰
先二人棄孤三十餘年矣孤雖有兄弟先後不祿而

家父中微孤且藐然在弱齡不克襄大事丘殯者二

十餘年歷萬曆壬午秋始卜馮家岡合葬焉孤罪深

矣而猶使之泯泯無述尚得稱人子乎頃得藉子之

靈徽有錫命將乞館閣鉅公銘墓表隨用彰

主恩而揚先世德微子其執狀之予既感戶部君知

已之言而尤不忍負公地下因採掇公遺行銓次之

公姓胡名希瑗字子翼別號橋南楚大冶縣人遠祖

烈仕元爲襄陽太守罷過通城之白馬鄉家焉傳生

再四壽二壽二入國朝徙居大冶生道貴道貴生守

高守高生文瓚文瓚生玉堂世隱於耕玉堂生遠郎

甌甌洞續稿

卷之十一

十六

公父號東泉公公始業儒爲邑名士娶孫孺人生公
公生而美丰儀見者以爲冠玉性蚤慧日可強記數
百言東泉公奇之謂是兒當充吾宗會其邑宜山令
同公方罷歸爲女擇倩見公大喜而許字之卽周宜
人也公稍長益淬勵承父訓旁覽博習爲文有奇致
非久選爲諸生每試輒爲諸生冠時名藉藉江漢間
矣嘉靖辛卯公迎周宜人歸丁酉舉鄉試高等是時
邑士不登賢書者二十年公乃以英妙於拾之無不
嗟歎東泉公善教子宜山公善相人云已公累試南
宮不第歸輒下帷誦習如諸生時聞攜其弟鎮江公

希寅宜人第憲副公大烈深入東方白雉諸名山得
靜禪房授以經術曾不問寒暑後兩弟相繼登用皆
公隱括力也公里居雅敦行誼修古文辭為諸名公
所重壬子之冬公兄弟且戒裝北上東泉公命之曰
若翁衰矣不以此時沾祿養何待兒圖之癸丑公又
不第乃趣其兄先歸曰有父命在吾將仕矣遂屈首
待次為大冢宰萬公所識首錄之授巴州知州雖非
公志而亦捧檄有喜色謂可具太夫冠服駕五馬車
過家迎養東泉公也比馳歸未及家而訃至矣公晝
夜哀號屢絕復甦以孝聞越二年又哭周宜人過慟
甦甦洞續稿 卷之十一 七

食日減形日癯諸親舊竊為公懼丙辰除服強起如
京師補官得潼川州尋以其冬履任州領七邑劍外
一大都會也顧其土田磽确民喜訟且當舟車孔道
長吏坐不溫席會又聞 三殿灾下令采木蜀人所
在稱厲公適以病息嬰之人多意其不勝任也顧公
素負才而練任事要不動聲色迎刃解之諸所為理
訟清徭防奸剔弊率自秉公立決吏人抱牘其旁吐
舌而已邑故有鹽井然苦開塞無時督課者按籍槩
徵則豪者善匿懦者不及除利害縣而通賦愈積公
急之乃里設一耆稽井之開塞以為歲課差一切不

徂故常行之半年歲課無損人人稱便州學與遂寧
學並有齋不數百章或議取諸此可以應令且省采
運之勞而亟奏上功便計也公毅然不可曰伐文廟
材以自功如先聖之靈何於是檄其屬能吏一人專
任之果應期得大木且視旁郡奏報獨先其宅幹局
類此州人某子甲罷御史里居往往怙勢暴其鄉人
以撓官法公遇之不惡而歲第稍翦其羽翼陰制之
遂不敢復逞鄉人皆神明公公行能自此起矣大中
丞羅公廷繡按部御史宋公賢交薦公於 朝一時
朝士大夫謂公且駸駸階通顯也亡何疾作竟不起
甦甦洞續稿 卷之十一 十八

計其居官僅踰一歲而彌留牀第者百日孤櫬歸自
萬里外雖路人無不墮淚傷之周氏故以門閥甲一
邑宜人父祖並祿仕歸故遣宜人時齋送頗厚乃其
性孝謹循循共婦職不以貴盛驕人已盡解其裝佐
奉直公內膳舅姑外資賓客一無所怙至自奉則澹
然若貧家女衣不厭三澣食不厭脫粟久之家政益
脩禮恭於姊姒恩逮於臧獲宗鄰內外賢之公以是
得無內顧專力問學成名儒宜人每舉子女率自乳
卽燥溼寒煖剔首捫座治梳梳不盡委之保姆侍人
未幾以積勞負病孱然骨立亟勸公置妾媵公未之

許爲宜人廣延名醫弗治先公三年卒公生正德癸酉二月三日卒嘉靖戊午正月六日享年四十有六宜人人生正德丙子十二月二日卒嘉靖乙卯二月朔日享年四十生男五人宿廩定宸采宿廩生娶尹氏曹氏並卒繼娶汪氏廩場定卒娶許氏宸卽戶部郎中應宸娶孟氏封安人采廩生娶黃氏並卒女四人一適里人尹榛餘俱夭男孫四人允淳定出允忠允懋宋出允某戶部君出文孫十人一適庠生向露賓一適庠生劉子楨一適武昌庠生吳正經一適太學生尹士翹一適庠生向日鳴一聘蘄州蕭明哲子世

既甌洞續稿

卷之十一

九

聘一聘黃岡俞憲李植子勝薦一聘太學生馮汝振子某一聘庠生尹熾子某一未聘曾孫一人未名允淳出吳某曰嗟乎以奉直公才美既扼一第而又客先一官且不逮中壽何數奇甚也周宜人自忘其貴而能以相道貴其夫有造於胡大矣乃未一足履宦邸而先棄諸孤豈其冥數儉耶幸多才子孫世其家學而戶部君方且操清白攄忠猷蒸蒸用所爲不朽其親者至彰著也公與宜人豈必以位顯以年壽乎謹狀

哀辭一首

張宜人哀辭有序

維萬曆丙戌夏六月張母姚太宜人年七十有八卒於家其家孫恒仕爲興國守不及視含而訃至自東海則七月望日矣初興國君聞宜人疾業已憂見顏色食不旨寢不安比聞訃益復捐膺毀容哀不勝喪稍蘇卽欲解印治裝爲歸計郡士人匍匐往慰之曰使君不有王父在乎先王制禮不可過也君曰孤不德何敢踰禮獨念先子棄孤未數年王母又不訣而棄孤家之不造孤罪深矣奈何又羈維一官而使王父策策然形影自相弔乎而孤何以覲焉人貌乎

既甌洞續稿

卷之十一

十

無已則請告歸治喪耳慰者曰使君不有壯弟在乎卽請告恐東於制非可自行其意也無何兩臺使及諸監司檄並下勉留使君如制出視事郡父老子弟聞之翕然安乃使君則不自安甚也夫天下王父母未有不慈其孫者而孫之克孝卽不多見焉而况孝如使君乎茲可以樹風教矣於是郡士人辨香來帛到羊刺禾將告奠於宜人之位而屬國倫爲之辭辭曰嗟宜人之誕降今鍾海嶠之淑靈啓嘉祥於胎族兮遵姆訓以馴行旣內美之貞好兮又雜佩乎蘭蕙鑑女圖以自儆兮凜七誠之如臨相君子以偕老

今躬慈孝為儀刑厥流俗之侈麗兮敦朴素以還
虞食指之衆多兮雖纖裔而必親歷四世之蒸嘗兮
翊門祚以中興貽貽謀於子孫兮享聖善之令名肆
冢嗣之蚤慧兮應江左之文明述祖德而善繼兮佩
儒術以南征奮修轡於天路兮揚休光於闕庭結銅
符以出牧兮紆錦里而增榮宣 帝恩於二郡兮將
慈顏之日欣踰耆願而望耄兮佇馳典之逮存胡彌
留於寢疾兮指泉路之冥冥嗟慈孫之失訣兮渺關
路而屏營滋元卿之抱痛兮虛令伯之陳情瞻道像
而縷割兮儼咲語其非真聽雞骨之告瘁兮慨鶴馭

甌甌洞續稿

卷之十一

王

甌甌洞續稿文部卷之十一終

甌甌洞續稿文部卷之十二

武昌 吳國倫 著

渝州 馬攀龍 校

祭文六首

祭戶部主事石惟美文

維萬曆戊子新正二日之夕戶部郎賓峰石公卒於
家計聞郡中猶以為訛言也越二日蓋棺矣其友河
南叅政吳某潛然傷之哭不為位又方有寒疾不能
匍匐往臨因搦管代招遣使持辦香束帛奠焉其辭
曰 鄉以士顯匪惟其多康成通德于木西河大樽

甌甌洞續稿

卷之十二

喬木猶禁斧柯居不社會殞不巷歌邑子如子賢文
悖美二箕之間七峰在祀龐灝攸鍾乘時崛起發軔
賢科分符 帝里出宰河邑胼胝其勞久分民部金
石其操遇 主加恩重書崇褒永歸書遊里頌賢豪
胡適庭闈溘焉棄養毀容失聲哀不任杖予寔弔之
黠黠和嚮雞骨僅存神情沮喪積痛滋久抱疴寢深
繼親而逝并開陰森幽問所至疎戚沾襟古有先孝
庶幾斯心嗚呼予先子仕子後予歸子壯予老幸藉
容輝予今已矣曷其依依粉榆掩色淚不勝揮嗚呼
五子在序遺經盈笥華屋膏肓宛其捐棄中壽弗臻

名孰忘化者達觀幽明如寄

祭趙汝脩文

萬曆丁亥九月廿四日故茂才汝脩翁君卒於家其友人河南參政吳其俞聞往哭之慟載八日是為十月初二乃持牲帛羞醴奠焉嗟乎汝脩自象勺與予交假館接塵分經共業雅以古道相命逮今四十餘年即操技有利鈍適時有顯晦而蓬麻之託金石之盟則眷眷如一日也且君年六十有七予少君三歲耳一月之前尚能過從劇飲跳跼歌呼予竊心壯之自以為不及豈其先我而異物乎且君博物好辭贈

甌甌洞續稿

卷之十一

二

科

炙士人之口垂老猶能括一代詞人語語精求而手錄之成書未傳往往倚牖長嘔暨易簣之頃猶不勝其遺憾嗟乎汝脩雖不以身用世而用其志於不朽無忝焉鴻生鉅儒矣而予之哭之慟也蓋有微感焉昔者郢人亡而匠石無以為質惠施徂而蒙莊無可與言汝脩有靈其知之乎技淚陳辭庶幾來格

祭莊司訓則勸文

維萬曆己丑春三月望日吾友則勸訃至自懷遠聞倫蒿焉傷之而哭以詩四章既晦聞其親及宮口即以明日爾爾往視之哭益慟因多難絮酒而為文莫

焉嗚呼則勸自弱冠友予已並試為諸生業相觀食相煦文譽相先後比應制科有售有不售國倫寔心愧之既予宦遊四方垂三十年而後歸則勸猶儼然典章縫也顧其志氣如初而益益甚國倫益心愧之矣歲丁酉則勸始通貢籍詔補懷遠司訓戊子春二月別國倫之官曰不佞垂老抱一牒稱文學吏用自畢其生平命矣夫唯是去子遠征相望不相逮人壽幾何又安知此別非隔世事因相抱泣數行下觀者或曰茲訣辭也乃之官未數月病作又數月溘焉不起將無訣之應乎夫歿生有命訣與弗訣皆不得

甌甌洞續稿

卷之十二

三

免亡論矣顧以則勸生平綴學負才操心飭行曾不少愧於古人奈何運厄陽九所至迤邐甫解章縫遽登鬼錄羸兒嫠婦千里徬徨篋存囊書鮮遺粒容棺無土責負在門茲鄉曲所不忍聞而朋儕所不忍道天之降割於則勸一至此極乎技淚陳辭腸寸寸為裂則勸尚能鑒而知否

祭葉別駕文

惟靈梓鍾禹穴秀發姚墟奕世名聞琬琰瓊瑤登緒家學卓為名儒講藝辟雍翱翔上都氣凌雲而飲吐擬奮翼於天衢恨鉛刀之弗試歛驥足而難舒介一

命以從事安末位之可居捧遷書而適楚方彌節乎
歟隅豈征衣之初釋曾一策之未施忽彌留於疹疾
遂委蛻於須臾豈枳棘非所息厭塵氛而鬱紆餌霞
精而羽化馭鶴駕以凌虛嗚呼位不稱才壽不逮德
匪吾儕之獨悲殆士人之共感藉予殺今蘭皇聖子
酒兮止澤惟脩靈之洋洋其乘風而來格尚饗

祭州守葉公文

維大明萬曆己丑六月十八日初寒葉公奉命來
守我興國甫履任卽以其午病作暴卒郡齋郡士人
與諸父老子弟莫不椎心呼天哭之慟夫公方曳紫

甌甌洞續稿

卷之十一

四

綰符坐堂皇受參謁厪厪成禮曾未下一令布一德
遽棄吏民而逝何慟也豈徒以其卒之暴耶嗟乎難
言矣蓋州之於楚僻在東陬行部之節罕臨向隅之
悲莫控而又頻年受旱比屋阻饑盜賊肆殘疹癘流
毒脂膏竭而責逋未已愁歎起而械繫愈繁農有遠
心士無生氣天人交虐朝夕自危聞公且來閩郡延
頸未瞻神采先被仁風謂公初領除書卽詢民瘼一
耳倒懸之急遂輕趨駕之勞嬰溽暑以長征閱驕陽
而大息攢眉入境抱病登堂民方坐塗炭而望更生
公欲起瘡痍而施再造胡彼蒼之降割致良牧之忽

傾一日之間賀未幾而吊至四境之內喜方劇而悲
生失我所天叩心無地山川黯慘雲漢淒迷豈公之
冥算不遐抑郡有妖星作祟思其故而不得占厥識
而愈疑夫天以公賜興而奪之大速興以公爲命而
恃之不終茲所以椎心呼天而哭之慟也蓋勸公由
自慟也自慟益勸公也嗚呼哀哉五馬之取弗叱百
雉之城若空揭素旆以揚靈指赤城而返骨擲江漢
而扁舟招海霧以銷魂采蘭杜而薦芬紆結寔以寄
愴神如不昧宛其來歎

誥封李母黃恭人祭文

甌甌洞續稿

卷之十一

五

楚江之沱麟鳳莪莪厥有異靈鬱爲昌嘉一母四才
文武殊科經之緯之國是用華孰崇爾基天實祚之
孰張爾閭母實造之內德森茂晚操永持間宗士行
族凜婦師撫摩異產掩彼蘭玉禮訓既申機誠彌肅
奮翼九天揚聲四隩績用有成簡書褒錄雨露自
天聖善是謀庭張幕府塾樹儒林稷福在躬象服華
簪慈顏懌豫嚙齒簾金鼎寶錯陳庭彩交映令壽燕
喜具曰餘慶既適且康曷嬰斯病奄棄諸孤渣焉大
命南閩西粵泰隴之陲川陵修阻函問遲遲倉皇解
組萬里悲啼重宮不飾冥路何之關雲引涕風樹鳴

哀總惟黯慘氣實神堪仰叩穹昊俯辭泉臺樂樂
骨槁心爲灰嗚呼鶴馭弗旋芻靈且駕娶糴其沈蘭
儀永謝悼我邦媛春停市罷安見燭龍照茲長夜嗚
呼長夜難旦英爽若存升堂想像恭人溫溫通家腐
朽愴激招魂爰修薄薦澗藻谿蓀

雜文四首

香雪齋詩引

予友趙仁甫氏以理池州得謫謫居潯陽且二年課
士餘閒率用吟詠自遣所著有廬山賦以及古近體
諸篇好事者傳之雅爲士林所壁頃予遊匡廬仁甫

廬山洞續稿

卷之十二

六

携具入舟扼腕道故因出香雪齋詩一帙質予問言
閱其自叙則衙坐有梅樹始花望之晶晶然雪也嗅
之馥馥然香也蓋所由名有謂哉因憶予家北園有
老梅數株自爲一林亦嘗以香雪命之與仁甫意偶
合乃仁甫詩既與匡廬角峭拔又與香雪爭幽奇炎
炎層層各曄妙境即流致之感不盡忘而陳古諷今
憂樂嘗互見此騷經非湘澤不著鵬賦非長沙不傳
而龍標夜郎皆有所激而就名高也天其以潯陽奉
仁甫乎仁甫自此升矣而徒仰屋書空也者何爲也
性元美見仁甫詩大嗟異之曰何其似明卿也噫嘻

明卿安足似哉而謂其些似予林則可

士兒齋前吉祥草生花解

按吉祥草似蘭而莖葉稍短微香不作花乃其妍
視蘭過之且貫四時不萎亦嘉卉也本草註謂生西
國爲胡人將來考三雅與諸類書並逸其名惟華嚴
經贊如來偈有云此中吉祥最殊勝因質之高僧恭
乾恭乾曰有之釋迦佛坐吉祥草而成道由釋迦以
上諸佛皆然第相傳爲天帝所賜世不常有今所在
布之真贋未詳耳予意草以不萎得嘉名與佛氏真
如不落生滅輪轉同故成道者取焉取其吉祥之名

廬山洞續稿

卷之十二

七

猶所謂極樂界無量佛也疑帝賜卽此如以草而已
則佛家寶菩提樹沙門供薦荀花亦帝賜乎且胡人
從西國來必胡僧也此草中國昔無而今有昔少而
今多蓋有所自其復奚疑恭乾曰長者得之矣夫草
異矣乃當百草黃落之候從葉底發五花赤英英若
珊瑚枝出海茲增異哉客見而瑞之以爲兒賀顧兒
方落落困心時瑞將奚徵豈其由因而草儻所謂賀
者在閭耶夫草故不花而以生花爲瑞卽一物之變
幻有不可測而况在人兒其勉圖之毋負此草時萬
曆丁亥秋九月望日

異夢紀

頃予脾病小愈夜卧中夢郊行遇一虎甚威行者皆辟易予獨毅然無恐虎徐向予垂頭伏地若有所急而不能言予名而數之曰汝負凶性好噬人山神奏之天帝天帝將僂汝下莊馮婦所在有之汝將焉匿若其從予改性矢勿噬人庶幾可回天帝怒萬一得變爲人虎聞而領之乃猶自捫其腹有難色似謂腹非食人不充也予曰此易笑耳夫天帝好生而人爲物靈尤其所最好不可犯至於家六畜而野百獸皆天帝所生以資人者也汝視百獸有害於人卽搏斃而食之何傷乎虎唯唯而前予因摩其頂拊其臂戒之歛爪藏舌聽予念佛遂携以歸歸置祖祠下而左右起伏惟予指使予曰此其性易馴幾化矣因命之名曰斑生從其文也斑生應聲喜徐亦自能合掌念佛會有二客來訪予予與之爲禮斑生亦從予後與客爲禮如人狀客大駭辭去顧問予曰斑生何爲者予曰斑生非人也蓋山中猛虎偶収而化之遂變爲人耳客勃然曰異哉微先生雖梁鴛復作難矣明日以告俞敦甫氏敦甫曰占夢非小子能易所稱大人虎變其爲休徵亡疑予笑曰佛經云夢相本有而無

觀瓶洞續稿

卷之十二

八

八

謂夢時有覺時無也夫虎化爲人無是事有是夢難真有之惡獸且可化世何多下愚不移者哉時萬曆戊子清和四日觀瓶洞六十五翁吳國倫記

彩簾贊

夏夜夢過上傅遇劉將軍曰手持一戶簾視予曰此吾母太恭人自障物也展之則五彩爛然照耀雲日予大異之將軍因請予作贊遂於夢中錄筆贊曰嘉尔文簾障茲清室美同編羽隨謝繡蕭若有若無能大能小縹緲瑤臺之上輝煌金母之前舒則文錦七襄卷則霞綃一軸雖般僊復出製難爲工使顧陸重來色不成彩翡翠翩其耀日玲瓏颯以鳴風壽域昌佳慈顏悅豫託微言而表異介景福以承休疏引九首

觀瓶洞續稿

卷之十二

九

九

重修永福寺疏引

予往歲東遊嘗憩吳江聖壽寺蓋得亮上人云屬其邑大潦上人方聚米二百石施衆蘇困急約俟有秋薄收其息爲後施資名之曰長生米已從寺隙營齋堂飯僧掘地得片石有文爲宋僧如哲所遺長生米記予既高上人精義內典悟大乘法而又能用鉢資食一方群生遂與五百年前僧記相印證心益異之

因與約爲青蓮社友已上人追送予金闕舟中信宿而別期以今年六月朔日入楚見訪至期予借福勝寺方丈除一榻俟之上人果至予喜而執其手曰長江二千里須菩提得無折蘆浮杯渡耶何超忽乃爾上人徐以吳中諸賢豪書授予則又有永福寺之託蓋邑人周之禎凡五兄弟故冢宰恭肅公孫也世守經術而性俱樂善好施爲有感於長生名義生慈悲心慨然割度米千石就永福寺建義倉貯之而舉義士二人司筭輸凶散豐歛略倣朱晦夫社倉遺意尋上其籍邑令邑令徐善長氏予門人也因贊成之三

觀瓶洞續稿

卷之十二

十

吳之境聞風誦義者億萬姓矣顧獨殿宇廊廡日就頽廢久之僧衆且弗安其居義倉誰與守也諸賢豪乃復禮拜上人託以重修鉅任募化十方嗟乎義倉爲一方生命重上人又爲三吳賢豪重所至當結勝緣何藉於予而上人與諸賢豪必欲予言則恐自揚其功行而卒昧於因果也意深哉按永福寺在邑八赤鄉建自梁天監中歷宋元迄大明嘉靖初年凡經增修者四巋然稱東南名利逮今又六十年則五王新造之辰十地中興之會也而况國寶斯儲民天永賴豈復容一日坐視其頽廢乎予謂動以上人高行

風以周氏義聲卽二百石可益而千石千石亦可益而億萬石通都大姓豈無善信檀那給孤長者如吳江周氏子乎畢茲善緣光復寶地天神人鬼咸護持之庶幾八識田中種種靈粟六十世界同躋樂境卽上人亦不必掉廣長舌也而予乎毋乃贅乎

重建蓬萊宮疏引

雉郡北郊獅崗左腋舊建通真觀題曰蓬萊宮前居真武祖師後奉上清大帝攬平湖爲玉鏡夕現靈光招遠岫爲金屏晨通御氣樓施九柱突兀瀕鄉之庭山肖五城峽繞縣圃之麓赫赫龍龕尊萬歲軒軒鶴

觀瓶洞續稿

卷之十二

十一

馭降群靈拜舞習朝儀五夜衣冠雍肅瞻依祈萬壽四時鍾鼓鏗鏘香燈上徹於叢霄典教中興於福土顧以歲年滋久棟宇垂摧法象雖存丹青漸剝神依人立人豈遑安家三兄既捐數百金飾帝居以重煥家四兄亦移百餘果拓寮廡而一新惟茲正殿創自正德庚辰逮今六十七載靈輿且盡頽圯無時爰稽舊蹟先大夫寔始倡義經營偶觸微慈諸羽士因之乞言募化且予晚年好道知三素之非異端屢夢遊仙悟九丹之有神授赤松家石室神農尚執弟子之恭廣成寓崑崙剗后亦脩順風之禮况茲靈島切在

鄉取浩庭吐納天和降祥咫尺崑閬胎元一積聚
氤氲敢竭初忱用圖新構捐出數十畝易買數十金
雖棟梁榱桷之材業已粗備而匠石徒庸之費尚多
不敷於是上白郡大夫下告鄉長老公聞義舉協贊
玄工使紫府之尊崇不日成於多助即玉虛之昭應
十方賴以垂休各締善緣同躋壽域蓋予力既艱於
獨任心猶不敢自功特藉黃冠恭陳赤悃譬之龍文
之鼎非一手所能移孤白之衷必衆腋而後就極知
迂僭懇望曲成

西資啓信二卷小引

甌甌洞續稿

卷之十一

十一

東吳沙門明心長老少業儒書壯綜佛典行遊五嶽
且遍頃自伏牛山來訪予甌甌洞中年已踰六十而
凝神久視趺坐諦談則崑然須菩提也暇日手鈔彌
陀經文自爲讀偈命之曰西資寶卷又錄鳥窠禪師
與白侍郎問答修持語而益以戒懺法儀命之曰啓
信因果總之所謂引接下根爲牽果修業地故歆以
西方極樂動以慈悲報應使人念佛念心即心即佛
有如吹法螺擊法鼓明法燈說大法經雖聾瞶可起
也長老真慈悲哉大悲呪云能誦此呪阿彌陀佛常
住其頂日夜擁護法華經亦云念彼觀音力福聚海

無量此其大旨二卷蓋有所稽矣夫無情說法惟無
情者得聞嗟乎安得十方善男女盡無情哉

爲智師題法華經會引

智師初隱廬山雅精內典偶乘烟月過訪甌甌因留
湖上結庵禁趾三載每有諮問不靳開陳方聯塵外
之交忽動補陀之念往來江海疾若浮杯頂禮天人
神同飛錫蓋又因予過吳門謂王元美適元美閉關
述禪與之談空證聖一言契合數月徘徊遂欲印造
華嚴經以廣誦持法元美旣爲施首又手題疏端遇
師厚矣旋以鉢資不繼經板多蝕乃得吳中法華善

甌甌洞續稿

卷之十一

十一

本裝潢十二部以歸雖非貝葉金文頗具牙籤錦帙
擬就龍門故剎特修鹿苑道場廣結善緣弘贊佛法
重來乞序義曷可辭按是經本名大法蓮華經七帙
二十三卷衍自文殊宣之彌勒流傳中國殆千餘年
三藏鳩師譯其文終南宣釋述其義蓋佛祖降生之
靈窟沙門度世之真詮也稊衡諸品包括三經四部
十輪同歸一法千燈萬劫總明此心廣野紛綸明洪
鐘之待叩慈悲歡喜待塵谷之應聲又如天雨曼陀
花瑞色敷萬八千土風入音提樹妙音啓萬二千人
微我智師嚆探秘密將賜三乘之宏畧用開一世之

迷關苦海難津假諷詠而推移慧筏愛河易溺託聲聞以引接恒沙使諸僧尼受戒受持善男善女念心念佛同躋快境永謝塵緣善哉善哉其斯會之謂矣予雖未深究禪旨而亦知自護善根樂觀會成敬叙其

題恭師金竹坪疏

金竹坪在廬山顛之中凹去天池寺迤南五里地稍平廣故未有顯名憶予三十年前登此山嘗過其處坐觀四面峰岫岫岫竹樹蒼蒼與諸雲石風泉快心娛耳目者不可勝數因戀戀移時不能去蓋天然一

旣

洞續稿

卷之十一

詩

靈輿也私謂古今仙隱禪迹於茲山者不少獨奈何遺此為鹿豕場將無山靈有待乎頃聞襄陽恭師講經廬山將買舟訪之未發而師已儼然在門矣叩其所棲即金竹坪予為之蹶然笑師來其破予三十年一夢乎師曰不忝沙門竊藉菴產少入伏牛山祝髮受戒粗通內典已復北遊京師南踰嶺海還過金陵洪濟寺閉關持誦者三年乃遡大江陟廬阜訪匡續之仙踪吊遠公之遺社因得結茅茲坪據五老之背居焉其宅鐵船石鏡雙劍香爐大林諸奇峰或拱吾前或翼吾左右庶幾抱影遺形了自性耳不謂四方

緇素不我育朽扶携入山從之八年之間風聞雲集日益以衆屬其棲迫隘曾不足以置其踵往往趨大樹下趺坐受參禮與之傳法救迷即人人飲醍醐非久遠計也因與諸緇素對佛發願相地開山募化諸檀越勸建二殿左右二十四禪堂鑄造千葉寶蓮大佛像三尊講經四十八部顧工大而費耗不貲業已竭一方之力經營數年僅就其半今將被衲持鉢遍走通都大澤謂諸王公貴人善男女隨緣施助用畢垂成之功共佈無量之福敢丐仁者一言為容幸念沙門萬一不吝予親師妙相有如達摩西來而叩之

旣

洞續稿

卷之十一

詩

談經則錚錚洪鐘也因留寓蓮華菴踰兩月始取疏而題其端夫造寺造佛像雖達摩亦以為小果然因以居衆講經開甘露門廣度群品其為功行亦大矣由所謂馬鳴天竺花雨雲華香水而卜曹溪卓錫而營灣麓觀之則像教之興與地靈之顯固亦自有時也師但自行阿耨菩提心耳十方長者寧無慈悲歡喜而為廣殿長廊之助者乎師行予且旦暮往觀其成矣萬曆丁亥秋九月九日題

富川門初建二橋疏引

州治之東南有水郭馬蓋魚鹽之市而駟僮之場也

居人拒水而門名之曰富川門用以扞外蔽內所縱
來遠矣門之左爲周公隄右爲謝公隄二隄距市各
百餘武故皆斷岸冬春水涸並有小徑通往來逮夏
秋則斷岸受兩湖水夾出環富川門合流入江蓋形
家所稱遶龍水也又左隄有官庾右隄有謝君直先
生祠在其上小民之附隄而居者近百家當水溢時
涉者往往稱病嘉靖庚戌州大夫南海周公築其左
又十餘年居人通力築其右旁以亂石輔之各與隄
埒遂可通輿馬肩戴逮今三四十十年無復病涉者矣
然而病涉其害小自有此築而兩水關塞失故道泛

甌甌洞續稿

卷之十二

夫

陸

濫遠徙爲形家所大忌居人疑且懼焉諸長老聚而
謀曰隄爲計久遠固當不廢第須穿隄爲橋使兩水
復由故道出卽一方風氣無少損而居者涉者皆便
之且不使奔流齧隄益固業已有成議矣屬二三
文學請於今大大張公張公曰父老議是矣因首捐
數月俸資之經始顧土石糗糧費且不訾非數家之
力所能肩也故又手籍居人之稍有家者與商賈之
子孫茲土者義勸之稍稍分餘資與衆共舉猶之聚
腋成千金裘繫絲成百丈錦也豈諸君所不樂從乎
父老來聞於予而予爲題其疏如此

重修甘公祠疏

甘公祠祠吳將甘公寧也公蜀人少任俠好弄兵三
國時自將八百人詣劉表表不能用改依黃祖祖亦
不能用尋脫跡邾長以計策于吳主孫權權國士遇
之遂爲權出死力破黃祖走曹仁卻關羽禽朱光最
後夜拔曹公營使北軍鼓噪自廢累功至折衝將軍
蓋桓桓虎士也乃其用武樹功率在宅處第嘗爲西
陽太守領下雒陽新二縣而富口則其屯兵故壘富
口人至今祠之祀祀典固當此不獨威惠一方久而
未泯卽公生平慷慨激烈之氣疑有鬱結不散如伯

甌甌洞續稿

卷之十二

十七

陸

有子胥之爲厲者左氏謂匹夫匹婦強死其精爽猶
能依憑於人况公生爲虎士歿不爲明神乎茲無論
廟祀血食更數十世不衰乃郡大夫歲奉令甲使贊
人薦鬯饗人薦醴儼然端冕尸祝之暨父老子弟與
若上下漕艘賈舶諸長年三老無晴晦無日不磔雞
刺豕持醢錢螻意拜祠下者神依人而行厥有以哉
祠負大嶺俯長江據潯陽上游而扼樊楚東戶巋然
一壯觀會歲久棟宇剝蝕漸不可支父老聚而謀興
新之力不克任業已請命郡大夫與諸漕艘賈舶稍
稍割驢騾之餘脂共圖之圖之一年厘厯訪門應計

其疲廢費尚不訾父老莫知所藉手將募助於四方
賢豪長者以其意屬友人瞿伯明莊則可則大持晚
乞言於予予聞惠本而民歸之志民歸而神降之福
郡大夫事也有其舉之義不可廢父老將大夫之命
而勤其事為一郡崇故跡以表前代英風且使
感朝祀典傳久遠不替義舉哉其濟賢豪長者之力
也神之靈也郡大夫惠民受福將益藉以有徵焉予
不佞何敢以空言為四方勸姑題其疏如此

題光碧和尚請師講經會疏

頃福聖寺僧光碧有志內典自廬山聽講而還為余

甌甌洞續稿

卷之十二

六

頌其禪師恭乾明經四十八部登壇待叩響捷洪鐘
傳法救迷應神虛谷余竊慕之未幾恭師遠來見訪
延寓小庵者數月與之談禪證聖雅能以幻修幻離
空悟空似又不啻善見解也於時光碧輒欲潔除道
場留師開講會師有金竹坪之役被衲暫往許之撫
錫重來又數月碧將迎師了厥初志因持疏乞題於
予用告沙門眷屬十方善男女齊心結會諦聽玄言
庶幾不墮下根同求上乘善念哉善念哉即茲善念
與文殊頂禮世尊長跪奉教殆有聖凡而無堅瑕矣
余嘉其事慨焉贊之夫經逕也佛祖宣言為末世衆

王指迷途而開覺路超愛河慾海而登彼岸故其德
八雖有頓漸而止歸成道則不二法也故曰千鐘一
明萬法一性空華本無而忽有復相適有而竟無不
着有無不涉流轉四十八部秘密之旨思過半矣乎
非緣講解孰啟樞機恭師發慈悲心開方便門廣度
世法將使百千萬衆齊超三界獲大願也予又有聞
得其人如聚沙而雨之非其人如聚聲而鼓之被談
經而天雨花說法而石點頭者非獨其師神妙即諦
聽之人皆有神解也碧之為會其毋聚聲哉

題太和山除道疏引

甌甌洞續稿

卷之十三

九

意

客有自楚王所來叩吳子者曰子知楚王好善乎
王好善而王之諸臣皆好善若內侍郭君則諸臣之
首善者也吳子曰王之好善奚徵客曰楚所有雲臺
畫華武庫京觀長松文梓翠羽通犀驕驕馴駁雕弓
利劍丹青楮墨鄭女曼姬非不侈也王一無所好惟
善是好郭君實翊贊之夫郭君素業已託孤嗣國口不
言功而王當冲年蚤有東平樂善之譽脩昭祖之
遺緒用能光王室而遷天休且於山川明神瑩精敬
禮蓋嘗數遣郭君詣太和禮玄武為今皇帝祝
萬壽而郭君亦復私為王祝千秋諸宮觀祠官羽人

無不忠郭君而歸美楚王者乃郭君心知茲山為神仙靈窟遂欲得請為黃冠從磨杵鍊形之教因結庵會仙觀居焉上書謝內侍事王不以為可下令曰郭某在國為親臣在孤為保傅安得一日去孤入山即入山學道善矣孤誰與為善乎因三召之赴國脩故職乃郭君庵居時私念太和一山盤礴秦韓荆楚間以奇勝甲天下而玄武儼然居其最高處蓋即廣成子之崆峒黃帝之軒轅丘也顧自遇真官以上八十里皆文皇帝時所治馳道夾植杉松翼之即其中陂陀詰屈不盡無而四方善男女來朝謁者皆得

龍

龍

龍

龍

魚貫而入蟻附而登不以踣躓為虞顧獨草店以南六十里許則半行沮澤泥淖中往往為行者病計且委土施棧恐率為溢潦所決非久遠圖在是告虔於玄武徼福於山靈誓將聚工伐石甃之與馳道埒此其志勇於古之移山梁海者矣歸而奏王王曰善第道里遼遠徒庸無算糗糧縉錢益復不貲非取助於十方好善之士豈易舉乎在是郭君敬奉王命使下走乞言於子子其廣王之善以及郭君可乎吳子曰太和超五嶽稱尊玄武總萬法稱帝蓋天下之巨靈也予嘗兩遊茲山野見仙廟帝居彌山跨谷玉階

金榜照耀雲漢蓋文皇帝當國家全盛時用天下全力治之已為千古所難繼而郭君何為者乃欲以石易土除六十里通道與馳道埒志亦壯哉客所謂勇於移山梁海不誣矣王制有之司空不視塗則國非其國故司險治涂郵人徇路法至備焉今郭君雖無司空之責乃其心不忍使一夫困泥塗此豈獨王善之而山川明神皆聽之矣四方好善之士其誰不樂從乎客名劉汾江夏人時仕楚為尚書郎

龍

龍

龍

龍

甌甌洞續稿文部卷之十三

武昌 吳國倫 著

渝州 馬攀龍 校

疏引四首

題南岳僧募請藏經緣疏

南嶽僧寂慶遠來叩予坐談岳景之勝若移而置眉
睫間令予焉欲矯杖欲飛矣徐起和南謂予曰岳蓋
七十二峯而七十二寺據焉其先三千七百祖師神
解大法流照叢林遐哉邈矣惟是側刀峯則大千禪
師主之而佛法中興嘉靖間故相內江趙公嘗以史
甌甌洞續稿 卷之十三

官奉使登岳訪千師與之遊赤帝峰探所謂朱陵赤
館遺跡得古斷碑讀之大悟非人間世也因益崇岳
祀而尊信千師暨為宗伯時又遣官齎送藏經及銅
佛銅鐘入山屬于師奉以為世守久之千師涅槃吾
師海量繼之延請高僧閱經三載其後寺日頽經日
蠹則峯勢孤高易受風雨故也遂又改建藏經閣於
祝融峯以待施經者頃沙門行遊東吳還過廬山掛
錫黃龍寺與眾僧閱經因問此經卷帙莊嚴無異金
函貝葉安所從來諸僧曰微福 皇慈頒自內府葺
甌山寺遂為祝聖道場乃吉水會司空是有力焉沙

門竊不自量而有所請夫廬雖名山不列五岳惟南
岳之尊俯四岳而小天下而祝融又岳之第一峯無
論仙隱禪逸代不可勝紀即自上古所稱祝融遊息
帝舜巡行神禹得金簡玉字之書以治水繫非諸岳
有也乃獨不得內府頒經為鎮山之寶七十二峯諸
弟子即無一善知識而能不以為缺典乎茲行將南
趨金陵北走燕都謁諸公卿士大夫與其大發慈悲
歡喜心為隆施請補此缺經云不住色布施不住法
布施福德無量豈必不遇趙相國曾司空其人乎第
被衲持鉢公府所厭見而又安得鼓空舌以動之願
甌甌洞續稿 卷之十三

乞仁者一言為容庶幾不負名岳且且負明時也予
因疏其意題之而復贊之曰和尚有志哉夫佛家法
海可變而蘇也山可納而芥也西域之經可駝載而
中國也無一足以難其志者汝但勵汝志佛力山靈
且護持之予幸矣豈復能以一言為岳輕重

為唐侯建生祠疏引

州與瑞鄰而為瑞人所暴且二百餘年蓋不啻魚肉
之矣萬曆初蒲溪唐侯領州牧來見州人畏瑞人如
虎則感然聚父老而謀曰瑞人蠶食吾土不賦不役
且乃人剝財焚室廬繫累妻女無虛日豈其負固齎

民哉此縣經界未明耳經界明瑞人亦吾人也安得影射脫籍兩不受約束而獨爲州厲夫琴瑟不調必起而更張之失今不圖州漸爲空國而瑞亦釀禍不細欲安兩界之民無如立里便父老欣然有喜色而猶私慮其難乃侯業已有成筭先爲州人復宋山南渾除兩大蠹以示威信瑞人無不股票徐奏記兩臺使請立里兩臺便如其議疏 上凡再奉 明命兩界之人心始定益服侯神明由是盜者棄弧矛而共賦役居者釋械備而安漁樵此侯之有造於州也非徒父母之也會侯遭母喪去而嗣侯者欲掩其功而

醜醜洞續稿

卷之三

三

得

自見才謬謂立里非計且罪及一二倡義者人情頗爲所搖幾至中變幸 明命昭昭在也越十餘年更兩張侯相繼綏緝不獨州人安卽新里之民亦視州爲樂土父老思侯之功謀欲建祠尸祝侯因介諸孝廉文學來乞言於予予曰徵父老言予亦志之矣古語有之非常之原黎民懼焉及臻厥成天下晏如夫侯智於察禍本而勇於建大議而復排衆論冒群疑奮不顧身以圖之卒一舉靖兩界之難遺于百年之利此其功不謂之非常乎且也割常祿以充公費歸之日實不持一錢州人人能言之是何可終泯也乃

今建祠之役一人倡義衆人群而樂助之益可以觀侯矣不然侯去州已久其守它州又已被謗削籍去父老何所爲乎祀典謂以勞定國則祀之能捍大患則祀之侯庶幾無忝哉

重建通真觀蓬萊宮成奏功疏意

伏以道闡虛無總先後天而立教機呈法象超億千劫以揚靈匪緣 神貺之普昭曷啓人心之多助祥臻福地景集叢霄國倫誠惶誠恐稽首頓首竊惟帝降玄天 丹傳紫府 父靈母聖珠懸淨樂之宮腹實心虛鼎采崑崙之秘上祖羲皇奇偶重德合陰醜醜洞續稿 卷之三 四 得

醜醜洞續稿

卷之三

四

得

陽下開老子五千文功參造化推移四象恍有物而冥有真鞭駕五龍上無天而下無地朱陵赤館表重風重於衡山貝闕金墉秩祀尤崇於天柱維闔邪凜茲甲觀自前朝建在壬方帶 稷嶺以象崑丘淑氣氤氳四境襟重湖而稱弱水靈光照耀三辰勝勒通真伏臘走萬家香火場開祝 聖星辰集五夜冠裳顧歷歲滋多致故宮漸圯羽士側身而頂禮居人觸目以傍徨爰屬下臣恭圖始事倡言募化合力經營鳩工慮材約貲五百餘兩聞風仗義取助六十餘人各發歡喜心同修方便福匠石操斧斤若神運公輸引

繩墨如天工門屏飭而瞻望彌尊輦道除而趨時蓋
肅殿廊森峻非徒葦故鼎新金碧輝煌寔似珠聯璧
合驚移海上虛空神島飛來大吹雲中彷彿帝居切
近燎燭交輝徹曙爛日月之重明笙歌合奏盈庭賀
乾坤之再造朱幢寶蓋凌灝景以飄揚慧劍陰符應
置樞而奮迅奉 虛皇永安朝享列天將分布威靈
川嶽改觀 神人胥悅伏願 洪慈廣資浩澤均沾
默牖民衷家興仁而戶積善陰扶 世運 君壽考
而國太平災疹不生比屋拜康寧之賜雨暘時若連
阡樂豐穰之休

甌甌洞續稿

卷之三

五

重修銀山寺緣疏

銀山在州西北十五里許卽州之主山黃姑駁駁其
後蟠龍蜿蜒其旁土多赭色金銀氣出焉下有靈湫
經四時不涸而古剎莊嚴擬有泉石之勝不知初自
何代宋蘇學士子瞻嘗遊此而奇之大書鐵壁二字
留鐫石上後人因建蘇公亭於寺側以表高風遂爲
一方名蹟予蓋三過茲山俯仰徘徊頗愛其幽勝顧
寺漸荒落無可結社處而蘇公遺像亦已移置伽藍
案頭叩之沙彌不復知亭所在閱今又十餘年梵宇
僧寮頽廢且盡不惟事佛難卽棲僧難矣里中長者

豈無善心屬累歲大饑益以流疹貧民迫於救死富
室困於責逋力有所不暇給姑徐徐焉則神人之所
恫也今者年穀稍登而州大夫又時時下寬卹之令
民間漸有生氣而善願易生予友郭生宏遠乃以兩
沙彌來屬予題疏曰此千萬劫一時也子其圖之予
因以郭生言告州大夫州大夫亦曰此千萬劫一時
也子其圖之予又以州大夫言告里中長者里中長
者亦曰此千萬劫一時也吾與子共圖之予以是觀
人心之同而知佛力之大乃偕題緣疏用告十方各
發歡喜心破慳吝識稱家度力佈粟捐金乃召工師

甌甌洞續稿

卷之三

六

經始領袖董役州大夫將按籍以考其成使叢林再
開像教重興種福之田蕪而復治照寂之火滅而復
災此所以樹無量德結最上果也夫寺以山名山以
人顯厥有自矣有其舉之而猶徂今以廢古豈有所
難乎彼給園施宅何人也今基不待卓錫費不至布
金又合一郡宰官善男女同聲齊願爲之視古人難
易且十倍倍豈吉祥善事必待古人復起而後倡將
毋寺從地出乎諸檀越勉矣偈曰
我觀佛林中種種多羅樹樹樹開寶花花花結真果
分果食衆生果盡樹如初生意本不息來歲復如茲

可知世間財一切非我有但得託善根時聚亦時散
禍患伏多藏喜捨從乃心怨府難久告福田可耕獲
念彼銀山僧徬徨無寧處諸佛行播遷十方焉皈依
爰發菩提心遍告善知識未旦鳴金鈴群迷夢時覺
了然心即佛破各修功行總不責果報自作無量福
讀十四首

仲和宗侯像讚

侯也帝胃膺土維釜二鄂之間肇茲肇石念尔

昭祖縣縣王澤世席其休紫衣丹宅氣以居移神緣
靜懌含英咀華鈇彼靈液其禮滋恭其志彌適曷以

甌甌洞續稿

卷之三

七

儀之如金如璧

如澄和尚小像讚

和尚和尚自供自養有菩提心無風塵狀披袖數珠
貌瘠神王耳息潮音目平海藏立但倚空行以曳杖
出山何管面壁何嚮叩之默然豈淨諸妄我亦維摩
竊有攸望三禪非真四大非障一悟無生便躋無上

題少宗伯子禮朱先生像讚

嗟乎先生予父行也學為通儒立朝凜風節後進
生多北面事之予少嘗登先生之堂見先生貌古而
軀幹屹立色溫而襟度汪洋侍酒論文令人累日夜

忘倦已又舟送予四十里而後別因訂過訪之盟會
予薄遊於外席不及溫而先生亦不果至今且三十
餘年徒想像先生已不可復覩矣獨其叔子之相奉
先生遺像來索讚予展而視之端冕而拜之儼然先
生復起含笑過予踐初盟也得無神有所通不以存
歿為今昔乎乃若先生仕不忘丘壑處亦不忘

朝廷才有所不盡用而志固未嘗不自得此其大致
尚在阿堵中可想見焉非丹青所能肖也

程處士汝正像贊

余蓋聞從衰得白從白得老若有慨乎其言之暨觀

甌甌洞續稿

卷之三

八

蒙莊氏大塊佚我以老則又奚慨焉目予與處士交
且五十餘年處士雖已踰耆而髯鬚差白乃其風神
俊爽猶然弱冠時而予則衰老甚矣直處士身處闌
闌心遊豈閭閻殖貲賄若虛蹈險阻若矢斯其為佚之
效乎茲圖形者又得其意於形之外丁益為之改容

梅僧像贊

予爾緇流蚤堅願力沃若龍華淨土則植真空不空
至相無相孰圖汝形能無汝障幡動匪影鳴匪聲
彌照彌寂阿堵含精如意在手欲前且卻問何所之
西方極樂

李季宣小像贊

何物季宣皎然冠玉望之若仙被以奇服含章爲展吐辭爲瀆淮海維揚地靈天篤昔左氏稱公子鮑美而豔于大叔美而文季宣其兼之乎

陸無從先生小像贊

不佞遇無從最晚而聞其博雅名則甚著此一解后秣陵遂爲其逆友今再遇則皆顛顛老矣誰爲無從貌者易逢衣爲岸巾野服曳杖而步松菊間姿態神情閒明可挹此政嚴整所宜置即使稽含贊之不敢謂其非託也不佞何言

甌甌洞續稿

卷之三

九

按察何月梧公像讚

何公故秦人守武昌時予尚孩孺比長從父兄聞公多惠政陷直不阿至冒群疑立發楚世子弑逆卒正典刑定綱紀至今談者髮上指冠勁氣何凜凜也乃竟以此爲當時首鼠者所嫉陰行誹而罷其山西按察副使以歸歸始家廣陵爲廣陵人暨予入仕則又聞公自爲郎時嘗正色拒權璫抗言抑寵幸方士心益壯之恨不一望其風裁今公下世垂三十年其孫月祚儼然奉公影子來索贊予起而端冕拜之則勁氣凜凜在也嗟乎何善畫者能得公生氣而善贊者

忍柱負公豈其無丈夫氣耶予不知其解矣

程處士希準遺像讚

嗚呼處士偉丈夫哉何體幹魁梧風神明秀有如其生也而志墓者又謂處士個儻不群孝友成性賈不射利儒不微名狂不狃少年俠不扞文罔庶幾于木之匿馴儉膠鬲之混魚鹽者乎逮其晚節思返幽貞抱甕灌園懷經種樹屏紛華以自葆委元化而待終則信乎息土之逸民天都之小隱也其仲子法貧而嗜學遇予白門痛父遺形踞而乞讚讚之

自讚小像

甌甌洞續稿

卷之三

十

賢嘻此予七十老友像也人謂其似予然耶否耶蓋予與此友交自少至老無一日不面第未嘗問其姓名至與共安樂同患難不少變色殆又非面交者今瞠然耄矣而氣猶然腴而神猶然王而風襟韻宇猶然磊落不羈望之殊不似耄也夫不似耄安得似予賢嘻予自有真像卽似非真予也何論不似

徐明府公綰像讚

猗歟都哉公之冠冕南州也豈徐孺子之苗裔耶何其清德似孺子也夫孺子以清德隱而名高公以清德顯而名並高殆于百年稀觀予不自意晚遇公蓋

望之若懸珠冠玉而神鋒獨藏挹之若芳芷幽蘭而風韻獨遠徐察其自樹又若脩松文梓而材節獨堅且長皆清德之象也乃豈弟之頌在楚越台鼎之望在士林則清德之徵也彼貌公者似公矣豈必盡似公哉

徐幼鯤小像讚

噫此吾友徐幼鯤歟何清修之度朴茂之風猶有近古人者儼然毫練間可挹也而愉色婉容知有親也而角巾野服不知有官也而明有所不盡用氣有所不盡吐則瑩精於學府選志於執林所為不朽圖者

卷十三

十一

重在内也豈亦傳寫所能聚乎予庶幾知幼鯤耳

呂惟烈小像讚

嚙嘻龍種鳳雛金鱗錦羽質有其文維皇昇子美哉象賢秉茲儀宇丹青者誰貌之毫楮英骨軒軒仙風栩栩氣徹冰壺手伴玉塵聲昂霄優游章甫時然欲咲時然欲語端冕視之若儔若偃改容叩之若鏡靈府宅相如斯良當公輔寫照神奇亦莫與為伍

寇巨源山人小像讚

豫章涂生為巨源寫小影成巨源持以示予且索讚予睨而視之居然一巨源也夫巨源少富而今貧少

遊而今息乃其性好讀書耽詩嗜酒則生平如一日其貸也不知其嘗富其息也不知其嘗游意恒栩栩自適殆未易狀也涂生乃能會神情於筆先悉姿態於象外使人望須眉而知其為詩人酒人將揖而與之語可不謂工妙哉

銘六首

太極研

易有太極儀像生焉硯有具體經緯臻焉磨而不磷其道乃全津津乎辨老少渾渾乎若大園

荷研銘

卷之十三

十二

質若玄王製為夫渠既堅且潤金水之儲真人與游墨士與居比德不瑕流光四隅

瓦研銘

琢石為瓦形如偃月不事深文尚玄守墨未央爐餘銅雀玷缺彼易失真爾完且潔

八角研銘

熒熒端石規之若輪四極象天亘以漢津八紘象地環以大瀛和墨濡筆君子經綸

筆筒銘

憶予為中書時嘗入空同山問道逢管城子曰與

俱留山中日侍廣成子爲掌記久之不倦廣成子曰
爾孺子可教矣

斑竹詩筒銘

爾東空空爾文斑斑惟空乃文衆美斯閑閱若雲霞
啓若天關好音千里無往不還

跋九首

跋何仁仲二園記

予性故好園居蓋聞友人何仁仲治兩園雲夢間並
據幽勝欲往觀之未能頃仁仲自爲兩園記携以視
予則一在城隅一在水村諸樓閣亭館之宏麗木石
甃甃洞續稿 卷之十三 三
禽魚之充牣烟霏晴晦之變幻無不繪在筆端種種
觸人心目有如行雲變之渚應接不遑因觸仁仲而
戲之曰茲記出二園豈君有哉

跋車牛圖

服牛駕車自少昊氏始中古之世率用以供兵輜其
後則卿士商旅並得將之引重致遠利天下惟以車
上之飾別等威耳此圖凡三牛車車大小牛之少及
御涉緩急具有情態雖殘墨微猶足稱雅觀乃敬
美斷以爲唐宋間筆而孔炎則又自謂出五代厲居
貞手予並不知其解也安得起牛口人問之

跋李文正公辭翰卷

吾楚先輩以相業辭翰名當代莫如李文正公公相
業彪炳國史無庸復贅即辭翰在當時已爲獻吉所
推重而至于今且百年餘雖單詞尺牘學士大夫家
珍傳之則又慕獻吉而增重也夫中以林宗折角扇
以安石長賈而況公所撰者自有足珍者乎予觀卷
中二詩六帖子神情婉雅筆法蒼勁儼然挹先輩高
風而知獻吉非浮譽行甫之珍之也知言哉

宋人伐木圖跋

潁州人黃鵠年甫弱冠工白描嘗客遊梁楚間數歲

甃甃洞續稿 卷之十三 四

不爲人所賞識頃因王行甫謁予予視其筆法頗近
小李因携之吳見王元美元美見而大奇之贈以詩
其名稍著此卷蓋在吳門舟中作亡論毫穎纖細意
態安閑玩之能醒人心目卽夫子當大樹下受侮宋
人時猶然與二三子雍容不失常度又似能有所窺
於象外者予益心賞之藏之家笥亦當一妙品矣

跋子昂馬卷

卷爲張肖甫所遺云出趙子昂手予卽不能辨其真
然未敢謂子昂之後無子昂觀此馬方首圓骨張腹
修尾若初出渥洼水中雖銜檠未施而神氣飛動已

有橫行萬里之狀矣其為飛黃奚疑一侯官引之及若奉詔開天閣備法駕使人人竦意竊觀神品哉藏笥中十餘年適安小范過訪山竺出以視之雅見賞識因跋其後以為贈蓋小范天下才宜畜天下馬也

跋張幼于座右銘

幼于製銘侑座辭警而衷惕庶幾御溫厚而知穿敞厭滋旨而識空曠以視其躬而與一世無迕蓋其慎哉語有之心與慎垂則心與險會慎斯術也幼于其無所失矣

跋張幼于諸銘箴

甌甌洞續稿

卷之十三

十五

蓋聞古之行善者非名之務心自甘之故險易不渝初終並篤為能符神契而結人情與夫內析外同吐實懷詐者不帝徑庭也幼于自所居所御莫不有銘有箴茲何為者不可謂自甘善乎

江妃賦跋

羨長楚游偶有所遇因作賦以自喜而託之江妃為名才既俊美辭復精宏覽者無不心艷之而予獨有微諷焉鄂渚市門逢蠻獠得聞麗妖妙有如賦所稱其人與子周旋乎羨長曰子不聞宋大夫有言天下佳人莫若楚交甫與予所遇皆楚妃乃得援故

事以望奇遭庶幾其人相當耳予撫掌而咲曰子憂乎夫江妃解佩交甫懷而失之且遂失妃所在憂也楚又有所為神女者願為楚王薦枕席而卒薄怒自持不可親附徒以微詞相感動亦憂也子從枕席之間遇江妃將無憂中憂乎第宋玉能為楚王賦神女子亦能為交甫賦江妃補枕席之闕文破千古之大寐庶幾其有謂矣

饒孟縣手蹟跋

嗟嗟此予故人饒孟縣家信也大之約束內外督護子孫以及供賦役謹蓋藏量出納分任僕婢諸纖膏

甌甌洞續稿

卷之十三

十六

妮瓊一一心畫而手條之又無一語不可告人今孟縣公久下世其子于豫奉以為手澤襲以為家珍每誦一過則哀痛哽咽不止因携以視予予儼然再見故人也予嘗謂故人古人乃其家信亦近古如此于豫其知所重矣古孝子有跪讀父書而猶畫壁作棺象者于豫豈非其儔耶

書三十一首

報同年書

隔歲不通一介之間且只尺也國倫不已薄乎乃奔走之苦骨肉之戚則又未有聞於典謁者而欲門下

見諒愈難矣頃與試事撤棘後日益卧病顧所收汝南七子皆一時之儔則先達者實倡之魯無君子斯焉取斯信矣近况何似案頭著述可使俗吏一刮目乎兩郎君風氣日上想當非久大成以究門下所未盡也去歲造訪酌中曾得一律久忘書上亦愧不工今特書一扇奉寄併望賜和薄有所修於從者伏惟諒之

復許相國書

國倫楚之鄙人也仕鮮令名退嬰多疾即操觚學爲小技三十餘年曾無字句可希作者頃以一二故人

龔龔洞續稿

卷之十三

七

方

憐其老而無述不擇蕪穢趣之付剞劂氏遂敢自忘踈賤乞序宗工雖介茂承先容而竇惶懼非其分乃今書且垂成而佳序儼然適至不有太幸其奚以蒙序中至以雅道區別一代數子而使國倫覩其間尤過所望何閣下之愛國倫姑息甚耶夫孔室四科望而未見鄭門六藝兼之爲難若閣下有所試而與其進則國倫雖老不敢不勉矣頒惠諸珍並非山家所嘗見心感高義告之司藏惜不然之灰無可爲報恩地耳茂承赴京先此申謝伏惟台慈諒登

報郭美命吉士書

兒子還得奉華牘知不見老幸甚至聞哭太夫人過哀而又出入山隧間卜兆且未遽得殊自辛苦此自慎終之道然亦可以悖世俗矣夫以執事生平負奇好古一解褐即從館閣遊讀中秘異書而習見絲綸所自出命世之學宰天下之才蓋自今橐籥之矣竊在通家不勝私願程萬里者生武經門人也不知執事何所聞而召用之豈非太夫人之靈與名家世德之驗乎此其人雖遊於形家而實慷慨好義用之必不負所知也

復張羽王書

龔龔洞續稿

卷之十三

六

方

歲暮得縣使致書而聞真作真賞之論心竊歎服鄙人謬附知己實未窺作者之門何當高許乃爾頃遊建業姑蘇所遇詞客強半如明公所慨王元美兄弟畢竟非吳人也小集雕將完尚多魯魚亥豕之誤未及改正故亦未敢遽傳明公與元美序則膾炙士林久矣日內又得許相公一序刻未成姑俟另寄草草復

復邢子愿少參書

某伏在丘樊蓋從諸詞客聞明公大雅名已操舟過并山則明公儼然先之又從兩王氏兄弟聞明公識

畧襟度非諸詞客能尺寸也業已心嚮之暨明公執
珪仕楚則以宇下之分不敢輕率通姓名會張興國
丘潮州王太學胡山人三致雅意益不知所自豈朽
耄尚足與言耶明公甚盛德矣比聞督漕赴淮道經
富口竊不自量僭擬一望顏色屬津程緩急非索居
者所能知卽劄江門則仙帆飛越速矣政自悵悔而
命使在門細閱來書情文款密生平爾汝交殆不是
過自顧謏薄何以承之惟是齊魯人天性文學古勿
論矣近自廷實于鱗爲明公嚆矢而明公新持牛耳
爭長桃林卽海內多奇鮮不相下而猶有下問焉不
甌甌洞續稿 卷之十三 九

登作者之庭不已也可勝歎服

再奉許相公書

初春胡茂承行業已附書申謝旬日後乃得奉佳序
入梓成書蒙冒龍靈腐朽生色譬之野人冠玉望者
改容俚婦佩蘭聞之爭臭然非其有而竊其似內愧
滋甚矣屬貢生莊某就試 澤宮敢以二部託之獻
典謁乞賜留覽大加繩削第令尺牘可傳庶幾不爲
門牆玷也莊生蓋某總角交而經術行誼至今賴之
相輔顧以數奇弗售晚通貢籍將介一命以爲日暮
途遠計心竊憐之倘蒙閣下盼睞推移卽九還國倫

恩猶過之矣緣恃吐握之風忘分瑣瀆不勝惶懼惟
鑒亮幸甚

奉大司馬張肖甫書

前歲得桃源令致書併浙中諸大作讀之神情並至
且知擁傳還京銘功大常業已草四詩志喜無便可
寄而漢陽劉生嘗一索字先容未敢保其能通心也
已又聞有總戎薊門之 命兩年邊燧一舉三關晏
然可知名世勲伐必待其人乘其時而後振也去春
曾過弁山會元美語次極稱足下將相才福吾黨諸
子所不能當信矣信矣小集新成恨不得足下一叙

甌甌洞續稿 卷之十三 十

首簡今附莊貢士一部併錄四詩爲一冊陳上乞賜
裁教萬千莊名以善第之總角交而經術行誼至老
更相師友乃竟以貢籍晚就心竊憐之且家無四壁
旅乏懷資卽欲懸次乞一文學官恐亦未能枵腹待
也敢以託之足下足下豈吝一日之享不使寒士誦
大恩乎第年過六十飲食差強每念同袍故人心輒
怛怛動不已想足下此念同耳草率布其區區伏惟
亮察

報湯海嶽書

十年前有方山人自豫章携足下書來知國倫在足

下神交之末啓緘誦之皆莊列左馬旨世人且不能
向敢望能作平久之聞足下登第後即有所陳諷失
當塗意抱牒南游則所謂吾道南也南益重矣夫復
何言國倫老於脈管卒無寸牘可傳非才之罪學無
術也有如足下才本天授而學又足以益才用意無
今用事無古海內諸名人見者無不避舍何有於國
倫而猶齒及之乎久失報書馳念若渴屬稚子士良
赴南雍便草草為問併以拙稿附覽士兒微知嚮往
幸進而教之

報少宗伯忠銘王公書

龔龔洞續稿

卷之三

三

恭諗明公負命世才應時崛起為帝者師為一代
文儒冠冕其不敏亦嘗竊窺述作之林而聞學士大
夫之緒談矣企仰宗工何止避舍顧十年以前役役
賤有司無階一望清塵非久則幙被還山迴與世隔
即不肖姓名人且見厭敢復言薄技於大方之前耶
頃自友人郭美命任白甫移書儼然以海南四景詩
見屬且曰明公意也業已強顏應之猶冀其為我藏
拙也豈明公不以為蕪陋而收之且獎之乎異事異
事在昔聖人刪詩不擇闕巷史臣論世雖稗官野史
錄焉明公蓋命之矣見贈四章情至而詞益高古所

為詠五指峯者又恍焉嶺海可縮坐我飛巒絕磴間
也因得如數和答幾未免學步效顰之媿矣附使陳
覽併致區區之私統靳崇熙不併

與郭美命太史書

鄉所為四景詩強顏殊甚而宗伯公乃以為可詒書
見報賦四詩贈之豈謂不佞承執事下風未必無一
語近耶若執事又以奉寄俚語為可則不知其解矣
與任白甫書

以執事才謂當取一第探囊耳而猶濡滯少時咄咄
異事豈其好簡古之過不免有字句揆俗目耶前書

龔龔洞續稿

卷之三

三

已微諷而執事吟詠不止竊有深慮焉幸執事自度
以輕重為緩急可也宗伯公躬吐握之風下問巖穴
賤士即見示六詩洋洋雅音矣執事又欲不佞從而
和之獨不惜形穢乎士兒不遇遠勞惋惜然不暇於
山而蹶於垤似有天意焉比來閉戶抱書風氣日上
異時不負名教則蔡夫子之賜大矣使旋草復

報張郡丞書

明公真心愛人而人樂親之即杯酒迎送之間可以
觀德政況鄙人受明公厚遇萬倍尋常者乎偶送王
侍御出富口而華緘適至情誼藹然又雙鶴翩翩若

自緱山飛來令人遽欲騎以仙去俟歸至北園時持
細酒聽其九臯之聲而協八風之舞太愉快哉吏旋
草草申謝

荅蔡督學書

側聞明公直節古行間關畏途且二十餘年而宏辭
高論所至爭購而傳之國倫蓋心嚮往焉恨無根柢
之容在記室耳頃有天幸明公來執楚珪謂可計日
親就又以一二子弟在序過自引嫌未敢輒通名姓
會得明公所撰武錄序文讀之歛衽嗟服蓋不獨詞
格高古絕類秦漢人即兵家機事邊圉壯猷未有能
擬擬洞續稿 卷之十三 三

報趙太守書

中州之游甚下過而不遇乃鄙人免後始有以目

士遇足下者鄙人蓋心遇之矣可勝私喜耶尊翁
卧遺澤在楚人甚深楚人思尊翁即亦願足下重來
保釐綏輯之足下今且握玉麟符制股肱郡政視賴
渤聲微兩都開府之日近矣豈必薄楚而使甘棠之
詠不繼譽耶望之望之鄙人日就衰老且當饑疹之
年生計蕭然情興落莫每念往昔雲日為愁適稚子
士良赴南雍便令代申起居此兒稍知嚮往而本業
亦不甚荒倘辱進而教之亦可備藥籠一物也

報劉允陽司成書

國倫荆南鄙人且伏在林壑無可自通於尊貴惟是
擬擬洞續稿 卷之十三 三

齋居念世母間 朝廷登用鉅儒輒鼓腹稱慶不啻
若九鼎大呂之重景星卿雲之奇也况我明公以天
下才乘時奮興歸然甲蜚聲館閣垂耀虹霓風躡
夔龍辭嫺左馬異時相業光大可占所焉 社稷靈
長造福非淺鮮也私心傾嚮已非朝夕茲者士兒赴
監將得稟律呂在師襄受繩墨在匠石即其父亦在
教澤中矣又安得泥未同之迹甘自絕乎伏惟台慈
諒察不宣

報魏敬吾司寇書

往歲附徐參軍上書問候諒當無亡浮沈非久即聞

大司寇之報乃暫去北而南知閣下主盟斯道心在
王室比不爲邇南不爲遠優游翊贊弘夾輔之勞以
竟天民之業茲其時也第索處丘樊漸就衰耗然日
觀四方史珍邊燧明滅無時竊有杞人之憂虔勤添
室之歎其在閣下身任天下之重長慮却顧抑又可
知顧須臾無死以待 朝廷燭邱疆圉平寧庶幾旦
暮事乎稚子士良居業南監遂得藉爲書郵今之代
申契濶并致區區之私伏惟台諒幸甚

報馮元取驛傳書

閭門枉駕白圖留歡視燕邸邂逅時高義又數倍矣
甌甌洞續稿 卷之三 三

扇頭長律字句精工奉揚清風宛在左右歸後不聞
一耗而台從入西粵更今鄙人增疑顧此時所在家
事西粵稍稱偏安姑信步以待何如僕老病日甚第
於文酒間興復不減明春且七十門下忍無一贈言
乎彼中士人有所謂張羽王者博雅君子也爲生同
社故交門下曾物色否問之南孺方伯得之矣

答陳明府書

明公之治雋也乘夷黔之節而兼賴勸之政蓋四年
于茲不獨雋人歌之即餘瀾流風溢於比壤而比壤
之民且不勝延頸顧安得二鄂諸長吏人人明公平

國倫伏在丘樊無復世念每聞明公之風竊爲鄰國
私喜尤爲中州人物增重至於明公聞望勲業則不
假獻諛日隆隆起矣獨愧衰遲懶病不敢以姓名求
通塊焉自絕罪無可文詎意明公不計其過而閱其
無他儼然命使存之天牘綢繆儀文腴縻遂使腐朽
土色薜蘿分榮循省莫知所自感何可言讀所寄
志慨然嗟服向所見近志似一家言今則一邑言也
明公卧理此後其樂矣

復唐君平書

往歲不佞以職事從令伯於嶺海嵩河間契若金蘭
甌甌洞續稿 卷之三 三

義同手足自不佞得放還山而令伯且無何下世回
憶二十餘年僅僅駒隙存亡之懷結不可解頃不佞
衰耄已甚百念俱灰豈知門下尚推令伯餘愛儼然
詒書問之似謂不佞尚可與語益令昔心復萌不勝
山陽之感比聞梅泰符云令伯有子且賢足以世家
學竊復心慰至欲執手道故則不能翼而往矣奈何
門下才美天授而又瑩精好古非老朽所敢當異時
樹幟詞林流聲金石稱不朽之業必門下無疑也望
之望之泰符詞華則麗酒態磊落大是江南佳品而
獨於舉子業不得肯綮門下得無爲之蹙括乎倚醉

東書不自知所謂幸諒

報李本寧大參書

明公自大梁之南頓生初不知其解已聞有西河之痛疑其邸署不吉遂不辭遠牒不厭積薪而去以避之其然豈其然乎乃好事少年友以是爲口實而浮及其他以中之卽蕭蘭異臭玉石終不相淆然文章憎命末世忌才陽九之厄未有能自完者生最無聞不敢自附於君子之後王元美才名最盛而蒙謗議獨多嗟乎明公豈能免於今之世乎姑自養晦數年徵召安車且下矣生所晚交廣濟冠山人巨源貧而能詩詩又不襲諸山人口吻蓋嘗游肖甫助甫玉叔秉器諸名公間頗爲所賞識茲且遡漢江上雲杜求明公之廬一舒其生平傾向愚意門下食客雖多未可少此清狂品故敢削牘爲之先容幸關人入之

龍龕洞續稿

卷之三

三七

復樊山王書

頃我昇甫樂善安貧僻居別館國倫得以矯屣託小徑而入奉教移晷清風襲人是避王侯之享而尋儒者之樂蓋古今希觀矣契濶二年無間通候厲兵荒之後十口嗷嗷幾不能自振而獨銜杯嘯咏未盡朕耳忽奉手書且有執筆之委而脫之腆緡何可當

日內家兄甥集客履盈戶所示諸集尚未能罄緘閱謹先拜命容少間當次第勉圖之蓋國倫於昇甫投分不淺義無可辭惟少緩其期幸矣筆卷爲昇甫家珍一旦割而見遺與受皆似未安且有高帝遺像在大非臣民之家所敢貯也謹用歸璧餘族序成之後奉報不宣

報舒給諫書

春首有書附盧上舍入京奉候未知得達否旋聞以直言見放爲世道重爲鄂渚光且與嘉魚咸寧相繼而作三鳳鳴此一放也蓋數倍於九遷矣山中朽癯

龍龕洞續稿

卷之三

三八

不聞理亂然爲天下大本慮亦復不淺且主上明聖未嘗棄直臣直臣進言批鱗逆耳即萬死不避何言放耶明公哲士惟有安意以俟河清耳知明公以暮春還里亟欲走哨旋以病奪久之則瘴暑逃之深谷矣偶便先附啓居姑俟秋涼移舟造訪豈明公所弗與乎

報徐行父廉憲書

江上之遇平居所不擬夢寐所不期蓋結志素敦馳神且久天亦因而輻輳之不然困逆石尤風炎氛蔽岸怒濤蹴天兀兀坐蘆葦三日不得解纜何爲也哉

雖其時抱病戒飲而十六年契濶之懷宜寫幾書
可謂寸晷而千秋矣歸語山妻稚子莫不鼓掌稱奇
乃旬宣之駕不之楚而再之粵使國倫又有歡望羽
王何厚幸耶國倫明年七十倘得苟延須臾明公開
府來矣年來強飯如常兩孫姁慧可教而呂氏女且
抱甥目前賴以爲日無它美也

報張逢源工部書

稚子士良歸自白下述遇明公甚奇而明公視之大
厚既觴之且館穀之又進而與之言詩稚子何知蒙
茲異眷卽其父木石人未有不知感者已得贈兒諸
詩讀之清新俊逸駸駸大雅歷下故多才豈聞邊李
之風而興乎鄙人不自量蓋託之乎神交矣

與趙仁甫書

稚子回自南雍誦說高義不容口且拜書儀之惠甚
敦無任感激每念仁甫詞才吏事著聲江南翹企
徵書不遠朝夕去春忽聞左遷之報大拂輿情無論
鄙人愕然即坐客門人亦多憤憤變色此遵何說哉
新安友人間言纍端起自同類世道益復可疑願仁
甫安之絕口勿言所從來則受大致遠必自有時鄙
人蓋嘗屢躓世途飽經羣態亦有味乎言之也客適

潯陽會當乘興造訪舍親張侍御即可爲東道主人
相見幸先及之

答蕭合巽孝廉書

越疆見訪累次交歡且得把玩高篇有如涉珠官臨
武庫光彩奪目應接不遑媿快甚矣第家貧歲儉不
能爲從者共芻糧以致飲不逮平原之期罰不依金
谷之數足下興盡而返得無爲地主藏污乎從者重
來惠我雙玉鼎情敦價重鄙薄何以承之業已與子
壻親朋呼醪相勸酬共誦高義無量而又念及小孫
餽以精物何用情過乎銘刻銘刻日內偶有小冗兼
爲酒困時時負病卽朱子上來僅僅一醉而別耳留
稿三冊已閱其二屬風雪中開卷擲毫微有呵凍之
苦故尚未能卒業俟新春同拙序馳上幸勿誅其愆
期也

報呂惟烈書

日來兩兒俱下第家祚可知歧望粵書踰半月尚未
見至豈賢壻亦有所待乎尊堂老夫人秋來康勝姑
婦極相安第望賢壻榮捷早還以畧爲歲小女藉府
門餘慶及老相公之靈於九月十三日丑時生一子
貌相命數易養易成此賢壻之大福賤夫婦之深幸

也因憶老相公當時欲返故里先託子議婚而後選地築室意頗深遠幸而有孫雖九原不起其靈蓋安可知賢者以為何如

報張叔見郡丞書

累日為明公事鞅鞅不能平散州士民尤極感歎莫知所出將走控兩臺又以有所畏而中止此其故似可端倪要之明公不必問也區區下情韓公祖則深知之無可奈何惟有仰屋幸韓公祖以贈言見委稍得為明公輸寫不自之心備極畏途險巇之狀竊意明公見之可發一咲浩然往也何如何如楚蜀殊疆

鹿麕洞續稿

卷之十三

三

雖然長別引領西望涕下瀟瀟謹遣人江上視行物不成贖惟明公照之

報孫玄亮書

玄亮江東奇男子也坐談須臾鋒穎勃不可遏即諸篇稍有好新之過然明珠照必十乘良馬駕必千里其進容可量乎勉矣勉矣抱病抵舍始屬贈言偶付便人寄上諸幸裁諒不宣

報徐南孺廣憲書

分携十三年往往夢寐中再觀比其覺也益復淒然涕下安得前旌入楚為班荆道故地乎弟且日向衰

顏而嗜酒耽詩興尚未減即兩子淪落孫尚可娛亦不知世間何物可勝貧賤獨以里中莽鱗大疫風景蕭然不能無隱憂耳羽王京兆粵西才子撰述簡雅遂成名家自受知明公而其價倍重因而有山志通志之役山居藉是不甚荒涼且辱明公愛及其兩兒益感厚德不容口竊敢為道謝曩見羽王寄有蓮葉洞詩謂與明公同游見懷此何可當也

報方金湖大司馬書

曩者小僮還始知老夫人捐帷幕竊為閣下關情第以道遠歲凶不能遽申一奠無任耿耿遠勞大兄千

鹿麕洞續稿

卷之十三

三

里見枉屬以誌銘敢不拜命之辱第思老夫人榮躋八座禮冠蠶宮餘慶流光恐非賤士所能贊即閣下所交名公鉅卿握如椽之筆以待指使者不知其幾乃不它屬而屬之國倫豈其以國倫為四十年窮交不忍相棄已乎委非其任益用懼心容當取間構思具草請質至於珍貺見遺皆貧家所未親情文鄭重感刻當何如前詩序畧增數字附大兄轉達統惟裁諒不宣

鹿麕洞續稿文部卷之十三終

龍龕洞續稿卷之十四

武昌 吳國倫 著

渝州 馬攀龍 校

書五十六首

奉少司寇丘公書

不望台光廿載餘矣人壽幾何長別乃尔且長公登第心喜之而不能賀及其物化心哀之而不能吊同袍之謂何而顧悠然自處以薄人情哉即老丈憐而見寬臯固不容追矣邇聞卧龍復起雷域中而雨天下第雖伏在草莽與有榮焉每聞大議輒爲社稷快心書稱稽古稽謀屬之耆老今其皇上用耆老時乎延佇太平幸強飯自愛第自得放以來頗安義命業已知灌園之非賤食藿之非貧矣惟是一念故人輒動悲感偶便附問幸裁察

報蕭翰林書

往歲得劉生戴生所致書知閣下不遺靈朽尚欲引而溫澤之古意相度具見不勝感服今閣下優游禁近日讀中秘異書以嫺辭命而侍調燮即吾鄉二左屈宋且難在先進何有於某而猶及之敬謝敬謝

與趙稽勳書

自從者入京書郵斷絕山澤遺朽望天漢彌高矣今詞人多不善藏其用往往媒忌賈禍雖世俗妍淺而君子之自處亦不應若是疎乃獨明公負兼才而厚德又足以將之故享名而不爲名所累玩世而愈爲世所推此必有妙用存諸君子拜下風遠甚矣客歲偶從白下覓鐫書者因得握手於田班荆道故夷猶名山古寺者幾旬日然未嘗一舉杯不北嚮念明公也逮閱于田新詩大自賈勇精進其在明公益復可知安得尺牘見遺慰我饑渴

與徐懋誠書

龍龕洞續稿卷之十四

江門錢別兩閱歲華蓋自榮拜以後凡三得書不及一答則以居無便郵遊無定踪非挾其貧且老自外也豈執事所不諒乎西曹清晏日與海內諸名公步武酬酢講求法比諮問諸故實無非進修地即異時在事可應手迎刃而解執事以爲然否

復鄒彥吉書

游棹過錫山知公有戒裝之冗且聞邢君按部將至急欲避驄遂方命不及留歡歎負至於今矣山中有聞不勝駭愕曩言清風在江漢非敢爲諛也青蠅營營奈白璧何某德薄名微又素居幽僻不能爲公輕

重然聞永安者舊持論頗公語云良璞不剖必有泣血以相明者公其無慮乎乃公之風稜峭直不能依阿人亦有難乎免於今之世者如何如何去歲惠書今春始到與諸篇亦復稍露圭角豈詞家直道必有不能盡藏其用者乎相唁一詩書在便面附行甫轉致惟裁答

報大司馬張肖甫書

莊周兩生行業已具問而第園居文酒之興日復不淺卽四方詞客踵至而索之亨葵共飽不必皆求羊也足下保障元勳計當銘太常載盟府入贊機密此

龔龔洞續稿

卷之十四

三

勝

實其期衰朽故人不勝延佇拙集諒已槩覽倘有可采幸不吝一言重之

報許相公書

前月初舒翰吉行曾附啓候屬小刻佳序近遇善謀書者另書改刻蓋重之也書成無郵寄覽偶年家楊伯武赴京便謹以二部附上山中病癰無它過望所上願者四方無警百畝有秋可忘憂以終老耳計閣下參贊調燮定當遺天下以安而某何所用過計臨發不任延佇

報耿在倫少司寇書

一

伏自明公再起正氣復伸有關世運不小雖於第在雲泥之隔然明公親見道行而第亦躬被末照且得舍鋪鼓腹爲田夫野叟倡亦明公之賜也今春重游太和遇鄭陽李中丞於途坐談兩日夜多所新聞此公兼才遠畧世所共推乃其學術之精心術之正則明公流亞也渠亦尊信明公不啻自口同心之言其臭如蘭信然哉

報大司馬張肖甫書

莊周兩生相繼還里中並得手教且大篇盈牘蓋以兼金芝草之惠與若兩生侍坐時寒溫語卽三十年

龔龔洞續稿

卷之十四

四

勝

交情數千里遠念宛然旦夕眉睫間也感激感激兩生並戴恩遇之厚且損費橐裝莊已踰涯周亦無復過望足下猶以爲未至何盛德甚耶邇聞薦晉宮保入握兵樞夾輔之勞定當銘鐘鼎傳竹帛卽巖穴樗朽借光爲多且使輕薄少年不敢謂詞人無當於世用也喜曷可言適州官入覲便附起居諸不瑣瑣

報元美司寇書

商舶還得足下尺牘且知元馭自元馭元美自元美有味乎其言之也元馭初入政府逢楚人輒問不佞心極感之但不敢通一訊夏時偶逢閩中故吏附一

書併小稿候敬美未知得達否家信爲一問之兩郎
君想當連翩翹舉君家累葉光美尋常視一第自海
內士人望之難在登天項不佞兩孺子在試文氣小
有可觀然不敢預卜蓋曰有命耳別後體中無它酒
德小進頃伯玉書來謂入秋當赴來王之約殊令勃
勃興動姑俟遣女後爲東計耳曹子念久許過訪不
至云何

報黃鳴臯憲副

使來遠矣非故人高義其誰數千里外致慇懃於空
谷耶感謝感謝通聞騶從巡行下邑郵患賑饑澤遍
甌甌洞續稿 卷之十四 五 勝
蒿萊謳歌載道萬山三峴不足碑矣又一方兵政載
修雖遐陬亦藉以無警何幸何幸武當之約屬冬春
間當遣女恐不能速赴卽赴而故人榮遷行矣奈何
前寄小刻政愧無當於大家乃謬加獎許豈生所敢
望乎使旋草復不任馳念

報何仁仲書

久不得足下耗且無郵致一字通心西望卽子其
異域墮使在門授以尺書知相念甚及讀兩則記則
益牽我遊興恍焉坐二杏浮三洲也何當從孟孺之
後客足下幸舍哉新刻諸篇種種豪宕而有致卽一

二可刪無害於完玉司理公江表閩人而以文事見
委愧非其任第重違雅意奈何足下與孟孺有見在
之約喜不自勝北園初春常埽石漉酒以待

報錢司理書

某跽伏草莽老且病久不敢問世路人然如明公入
楚則龍德鳳苞楚人無貴賤遐邇無不快覩而誦慕
之業已神交卒亦不敢通咫尺之訊蓋草莽之分也
豈知明公誤耳遊談尚以其爲可與語折節輕千里
枉使問遺某殊不自意夫以明公江表名家腹笥典
籍筆挾丹青握讀來書窺一斑矣乃使其充贈言之
甌甌洞續稿 卷之十四 六 勝
役何異乎般曠借耳目於塗人哉愧甚愧甚日內偶
有兒女之冗不及構思少間當勉脫一草請質惟原
督千萬

報向葵卿侍御書

希使華牘鄙薄何敢承乃山川千古待予兩人一發
其靈則世之所棄又天之所予也屬此時殘暑尚暫
又將有事家廟未能遽出姑待遣人爲期而往幸諒
之族人事屢藉鼎言戴德深厚及世世也豈其敢以
短褐管屨赴尊貴之召乎感謝感謝適見公家季小
試卷鋒穎殊銳卽大敵無怯矣造庭趨賀殆其期乎

復朱子得使君

經歲不通問相望為勞小稿成書時亟欲寄覽求正
苦無便郵今會行父道執事有過訪之期業已掃逕
除榻用俟傾倒久之則載道將命至矣光景如流佳
會難偶計執事從吉以後又當有遠遊通家知音引
領何向能不悵然乎沁亭諸草爛然藝林而以彈射
之役責之鄙人何執事虛懷甚也來論甚嚴遂不敢
自外微有評騭敬俟尊裁

與子得論詩

扇頭新詩種種凌厲別後奇進一至於此可謂不負
甌甌洞續稿 卷之十四 七

知知已矣及閱沁草強半參差豈里居與宦游其致
固不同耶乃執事雅志少陵而少陵之自謂有曰語
不驚人死不休苦心可想又曰老去詩篇渾漫興則
至老而化也執事當盛年學杜奈何采其漫興而畧
其苦心耶大率五七言律當以少陵十二家為鵠不
厭沈着渾雅絕句當以李白王昌齡為鵠不厭豪爽
奇偶七言古當以初唐諸子為鵠而以少陵之氣魄
運之格愈宏麗句愈森嚴斯為難耳其有任意縱橫
夾雜長短句皆于鱗所謂英雄欺人耳竊有所不采
至杜五言古詩鵠在漢魏今草中獨少此請俟異日

再論

報鄒彥吉督學

夏末秋初兩聞郵報業已兩遣使持二詩候之江門
不得望前茅而返比州吏回則生以瘴暑憂早病臥
幾不能興索得長書與大篇讀之不覺清風灑然投
於咽而襲於腋病去可大半嗣又聞舍舟命駕徑趨
鄂城攜手再晤之盟兩不及踐悵云如何且山中病
夫百禮都廢又子弟列在膠庠引避嫌迹遂不敢修
虛文稱賀中意久不自安在明公必能視生形骸外
也

甌甌洞續稿 卷之十四 八

報王開封

中州之遇極荷相知蓋自展棄以後抱影蓬居無聊
一問天上人矣開封股肱郡累歲灾疹萬戶嗷嗷茲
得藉明公附籍而賑卹之想當比屋更生無復愁嘆
流離之苦竊亦為之慰心并州故鄉不其然矣邇來
篇章盈案引領殊渴幾時洋洋乎來哉

答顧子敬

春間往反江行不見子敬悵悵有所失乃子敬書來
重以久別為念神相感哉至所論過時之歎幾不免
自傷乃古人所為重厚積貴晚成謂何而子敬乃尔

也黃沙小地生胃虛讓之名而君家未享其實至今
負愧子散每以爲言何易德耶而生愧益甚矣邇時
病暑閉關僅與萬里一朝暮見見亦蓬跼不爲禮子
敬愛我其俟秋氣稍清而後來乎適有君家襁褓客
鄭生貢士以逋亡命過敝州因而枉顧生實不能毀
性見之似已有微憾甚矣客之不相知也面時爲一
解何如

報王敬美督學書

往年西歸江路頗安穩足下以訛言爲第繫心蓋所
謂愛至慮亦深也自足下入閩音耗遼阻又久不覩
甌甌洞續稿 卷之十四 九

邸報不知足下已榮遷未能以一言爲賀想當見原
元兄書來約第再往屬當送女不及赴意在明年春
秋之間爾時足下或以絳騶過里則大快也小集政
望批評示我更定乃槩無一語彈射謂何所示入閩
諸章精雅爲甚而三論與諸士業則兩兒爭寶之矣
兩兒並落落而諸從兒游者又多翩翩豪舉時命通
塞固然哉而賢郎與諸賢從亦復暫息何論豚犬兒
哉邵武人來第適以其口送女百冗蜩集且無以答
貺諸幸裁諒萬千

報大宗伯徐明叔書

去歲曾附數字一詩爲問久之忘其郵爲何人矣向
奉郎中見慰書謂回首二十八年如一夢嗟乎千百
年亦一夢耳丈今懸車海上目觀潮汐盈虛曾不及
晝夜況浮生世路乎惟是去歲入吳不及一造再奉
笑語悔恨以至於今幸元美尚有續約果往必不敢
自外也茲乘劉生便敬附起居併小稿一部寄覽

寄魏舜卿太僕書

長安之別一瞬二十年第且老矣再晤無期舊懷彌
篤且出處異路音驛凌疎如之何不悵悵也爲念明
公初以觸悍相排 君側巨闕請劍未成懸車轍下
甌甌洞續稿 卷之十四 十

正氣大節炳如三辰明公豈復自意有今日乎乃天
佑皇室世路廓清登用碩儒爲斯文盟主則天下士
人並逆覩而企望之矣卧龍復起卿雲俱升延佇治
平可勝舞蹈第自罷河南以還無復長進第安貧不
廢學差足遣其餘年耳明公能無一念及乎

荅雲仙宗侯

客冬奉來教知君侯已悟無上秘非止爲長生住世
計也某婚嫁初畢且將從事於斯第恐不得其門耳
異時扶盧敖之杖結向平之期倘得從君侯於三山
五嶽間乎未可知也

報丁元甫書

春首報書後聞天下計吏獻績承 恩未有一出海
陽右者斯文九鼎官轍康莊當自茲定價桑梓故人
無任忻快卽以久任之法不免再還故邑則故邑人
借寇天幸然內微有期矣某垂年嗜酒筆研漸疎時
有結撰亦多醉中漫興不復程於大家自洞草以後
無一語可奉足下覽者言之不覺自失許相公不佞
故人且足下知己而不佞又與足下爲莫逆交則執
筆之役宜足下及不佞也但不佞嚴穴人不能爲相
國壽託之乎不知可耳乃又爲人執筆是知而不賀
醜醜洞續稿 卷之十四 十一

原諒千萬

與朱上舍書

曩遇足下燕市中造次投分不減素交至以妙藥見
惠使數年老眼猶得篝燈開卷微福爲更多久之不
可復得矣在大梁時爲草山中葬母詩奉寄不知得
達否偶會貴鄉林肩吾一問起居千里心慰因以前
詩再書一過附覽諸幸裁亮令兄邦憲諸郎想都克
肖年來有登第者否併問

報沈孝甫太僕書

往年齋捧尚得一會京師雖咄咄車馬間無暇倡酬
而聲氣自相求應獨恨繼見之日少非久僕作山中
人矣山中業與世遠於中一無所繫乃明公之被譴
而出應詔而入大於世道有關僕未嘗不嬰情焉集
中三詩畧見鄙意道遠莫致明公得毋謂鄙人非人
乎今者南滁之行不知所謂然名山重地非至人不
能享知明公蕉鹿視之矣偶乘俞公臨往謁之便率
爾附候諸不宣

與王行甫書

屢負訪期無以自解屬此月廿日士兒又添一孫不
醜醜洞續稿 卷之十四 十二

勝賀客之擾適又送州別駕行別駕故御史以諫麟
謫蓋方正人也瀕行索詩文數首應之亦不勝運肘
之勞故復濡滯數日而使問再至奈愧心何擬五日
後無客卽發舟徑抵柯山雖嚴寒不爲阻詹仲子前
三日過索母銘亦已面許王敬美目空海內獨推尊
濟南一人乃今齒及不佞謂與濟南互勝又似深相
知豈其所造漸入悟耶然不佞自不能當耳三文槩
閱一過獨世德篇引事累重及不類古作然乎否歟
容面請

報王元美書

王道友回得數字未幾使者遠臨具悉近况至以敬
美遺稿序見屬似非第力所任蓋敬美天才鴻筆爲
一世所共珍而所交名公鉅卿可託者不少何取於
第第重違尊意義不敢辭且第識敬美弱冠時中間
修通家之好附同調之盟垂四十年情誼殊厚而晚
年於僕更多獎借至謂第近體詩與于鱗作先後戰
場未知鹿死誰手其言雖過而相知不可謂不深故
又不忍辭也屬諸徵文之責叢挫一時披閱敬美詩
文又不欲輕遺一字久稽使者旬日後乃得伸楮濡
筆勉就蕪草倚牘自顧寂然增慚非惟結構不佳抑
甌甌洞續稿——卷之十四——
士

報王公子書

僕於尊公修通家之誼者四十年凡三聚京師一遇
吳下亡論接杯酒談枕文即兩家休戚升沈相關並
切不忝古道交矣自去歲得凶問後神霄氣結東望
赤心顧詩不盡哀莫不成禮遂爲此生缺事遠勞信

使以尊公治命屬序其詩文從冗病中草草卒業如
啓武庫而入珠淵光彩奪目無一種不驚世此得之
天才非徒學力大也以拙年而任首簡殊無當於大
家徒類用莖莖以擊洪鐘引雜繒而緣龍象耳重違
尊命脫草附覽併謝豐貺不宣

報趙慶白考功書

舊誼在東雖久且遠曾不少渝曩在丑戌二春嘗因
門人之計偕者兩上短啓並未得報音或者天曹之
門典謁未易通也顧又聞執事自入天曹時起草在
朝時請告在野乃所建白則冠裳正氣而所詠歌則
甌甌洞續稿——卷之十四——
士
風雅遺音夫至人不有一世乃能用一世有如執事
豈直用一世已哉僕老矣嗜酒嗜文不減往昔獨以
十六七年不序故人一字鞅鞅有缺望焉

報宗良王孫書

屢勤書問含意獨深乃過訪之期久而未果生固料
足下必不食言而亦必不能遽發也每謂足下少負
奇年入始衰益復好學稽古砥礪名行藉藉佳譽大
爲詞苑增重顧猶有一日意外之事聞者咄咄豈足
下老懷能堪乎幸且安以俟之金雞未必無鳴時也
扇頭贈詩字句深穩不忝稱同調新舊兩映業已如

命儻為評騭大都求微疵於美玉責纖累於純錦而生之受益足下及深矣幸更裁定秋暑作毒食不成味卧不成寢草草數行附公臨以報不知所云

與用晦宗侯書

去秋僮還知足下有所苦第亦大自不安今年客自豫章來者踵相躡每問足下起居或言其畧或默而不言且望一字不得國倫罪人哉然足下之不必全小信為貧也而第之不能仗大義亦為貧也假令當時管鮑皆貧管豈獨不知鮑哉用此或可解罪萬一如何如何俞公臨住小園四十日且行因得附問

甌甌洞續稿

卷之十四

十五

與王行父書

暫來忽去每示人不測且當淫霖暴漲時短棹夜行冒險何謂倘從者小有肘戒而主人之罪滔天矣豈獨不能留歡耶來諭云云益令人錯愕此後得無加慎重也前領佳稿為遊客踵至未及徧觀已視孫疹幾危復平尚以藥石為乳丘讓之行繞三日俞公臨尚住北園揮汗將迎病態為甚使至適有齋後之俗謹與之分疏而鮑良可自咲乃所惠藥器珍品領之踰分且值荒落無以答祝佳稿序即容取閱思之新詩並妙而哭茂承者更自悲感友道之厚情見乎

詞矣

報蔣嘉惠書

某舊遊閩中竊聞明公瓌傑名即無幸一望顏色而心神嚮往久矣頃伏山樊念與世隔者十年不敢通責顯即明公儼然出宰我隣邑亦未及知然福星照甘雨餘滋隣邑見休楚人均拜其賜矣使命速來問遺腴緝殊所不自意豈明公不知其不肖而哀憐之耶某今耄矣恐竟無以報明公奈何故人黃大理驟絕十九年萬里一書不次於函幸為致聲

與門人黃廷評書

甌甌洞續稿

卷之十四

十六

故人登第欣喜欲狂第丘壑病體懶性成癖久不通貴顯遂亦不敢修一言之賀奈自絕何乃故人不責其疎千里問遺高義脫為鄙薄何以承之媿甚媿甚至以出處為言則病體難支矣惟有抱書問藥以送餘齡它復何羨乎幸我故人力學砥行乘時樹勲翊宣主上明德即病體亦與有末光焉

與門人孫武昌書

自許下一晤而別蓋十年餘無日不望吾子升司徒策高步為吾道鼎重偶中夏得報吾子已懷牒就鄂縣將無所謂仕有時乎為貧耶幸此時當塗率以治

行爲才品彼由科貢而登臺省者道相望也卽公爲
貧而仕無損於高步矣勉之勉之君家宗伯身後事
體有便幸詳示

寄大司馬兆行方公書

頃年附一書感使又附一書程武生未知得通記室
否一念西馳老而弗替且相望不滿千里欲問起居
未易卒得撫今思往勞勞如何去歲會崇陽劉應占
詢知近況甚適私心大快今年春意將買舟造訪兼
探赤壁烏林之勝又爲兒病中阻入秋則以里中早
潦爲家口計不遑徒使神爽飛越耳計明春且赴武
甌甌洞續稿 卷之十四 十七 寄

與大司冠時良潘公書

自武昌熊生入京曾附一候而熊生業已辱厚視寄
言感恩未幾弟入長興哭徐子與墓還過湖城登道
場山望見昔所嘗詠昆山芝林儼然挹故人清風於
霄漢之外也時恐爲人物色遂挈舟夜發悵悵以至
於今比歲聞我故人爲 朝廷持大體隨中飛語納
綬還山天下士人無不錯愕股弁何論弟也情見乎
詞矣今佞人已放 朝論著明雖故人高視世外而

威明之世豈能一日少此社稷臣乎心感高義亟欲
往問緣無力買舟果糧念屢發而中輟適吳江山人
俞公臨東歸便謹託爲書郵特致區區之私公臨詩
大佳似在孫謝兩山人上幸進之

報徐行甫大參書

得閩中書後消息斷絕者數年然知明公旬宣嶺外
已有成勞抱感雲間尚未從吉此其大畧也安得從
吉以後攬轡一入楚乎佇望佇望弟自罷歸營一小
園日從園丁灌蔬時果木以自給雅能忘貧遺病至
於兒輩淪落不振蓋有天命焉頃抱一孫漸能學步
甌甌洞續稿 卷之十四 十八 寄

與周伯從公子書

往歲漫游過貴里與執事奇遇乃執事之遇不佞若
素交意氣蓋在山水樽罍之外也顧不佞老矣執事
方抱大器應明時鉅用稱象賢濟美復何所采而及
老人耶吳江送扇人已爲執事致回書東望高堂亭
亭在目弟欲致一問無郵耳偶蘇州林生過遂得託
致起居幸裁答

復浦君融秀才書

僕楚鄙人雖習爲雕蟲三十餘年曾無一字有當在作者且三年前曾過吳門所會諸詞家亦不爲少獨不知海虞乃有君融在俞生來得君融手書知不待面已讀諸近體清婉絕塵底幾視卿復出顧諸詞家未有一言及君融者相知難哉聞已爲元美兄弟所賞識卽無所事浮丘生矣解后無期相望自今始君融倘亦有浮湘之意乎延佇延佇

與楊惟明使君書

自去西南天十餘年音耗遂絕然鄙人之慕大雅則日日神馳洪崖南浦間也客有過我北園爲道明公甌甌洞續稿一卷之十四
有枉駕之興豈其然乎然則明公未嘗終棄鄙人可想矣感何可言

報大司空石東泉書

不觀台光十有五年回憶燕邸望塵中州賜問通心忘分若有所聞而采焉豈砂磧之場隱明月鮑魚之肆藏靈蛇耶此意殆耿耿至於今矣圖報未能與言轉塞倚蓬蒿而瞻霄漢卽升沈異境今昔殊時而寤寐相求要於雅道不朽則明公得國倫於世外可乎頃見穆夫子所選明人諸作謬及國倫明公又從而表章之茲國倫所以益心折而樂爲世外交也生平

所著大半荒唐行年六十以後始敢銓其半以示同聲然未經明公郢正何敢妄言不朽

報蔡見麓書

久曠興居每訊道體休嘉輒爲社稷稱慶比聞絳騶文豸自南而北爲朝廷持風紀董正百僚翊贊皇猷倡明聖學一時人心回嚮千古士氣中興明公此行關繫重大國倫雖老死巖穴竊復有大願焉惟明公圖之

報朱明虹書

年來衰狀漸出不能苦思邇且從方外士談養生家甌甌洞續稿一卷之十四
言思欲屏鉛鉅捐杯酌而猶未能脫然也且大編在案未便卒業日懼責逋者來幸入清秋聞明公被命拜大京兆私計北裝稍緩而不佞舊負亦得稍寬又行甫移書謂台駕由西路北上道出蘄黃約不佞出江一會竊喜躍不自勝乃使至又不知前旌旂指謂何業已閉門謝事細閱諸體雖蒿目腐心不敢爲明公愛力以明公兼才博識肆爲詩文遂當雄視一代乃好學而又好下問尤一代所未有虛抑乃爾復何所不臻其妙第恨不佞無緣爲明公負屨撰几杖從之遊耳古人薄感恩而厚知己豈竊附知己之後

李不得一握手乎延佇延佇禮意綢繆大出望外敬謝

報大司寇李漸達書

國倫楚之鄙人也學不通方仕鮮佳譽即覲顏冠蓋時士且羞與爲伍不知何以見知明公叩之淪落之鄉取之污鱗之後儼然折節下之而又寵以溫辭衣以文繡此其事已二十餘年而銘在內心則沒齒一日也比嘗拜命之辱爲尊公志幽何敢虛負屬投海濱日與猺獠倭夷相尋兵革久之徙黔南量移中州私謂小間即可報命顧明公已踰九列而八座矣名

甌甌洞續稿

卷之十四

三

煌

世宦業既非竹帛可盡書一尋公累被地恩中間稱謂亦舊狀所未具也以此負心罪益難追豈明公能諒乎屢欲上書自解率復引避趙趙適舍親徐參軍行遂敢自忘疎賤敬問起居併告負心之罪惟明公憐而寬之倘肯另下一狀容當竭其愚昧爲尊公作傳少贖前愆可否惟命

荅子厚宗侯書

使至覽足下書與泰遊諸詩知足下讀書博而進道勇且志在千古不欲與今人俱其乘皇運結友盟則在踔躍六秋之外均非衰朽所敢望第足下虛懷

似猶以元美之評爲未確乃愚則謂楨伯知足下未甚深耳蓋足下近作刻苦過高程以古人不患其不逮患其逸而不入故元美以古勁許之而猶謂有所不宜殆忠告乎即子威善才品非不爭高顧一涉纖麗一落沈晦其究少味足下其以爲何如病中勉成大邪傳遂因頓不能和詩容再圖

與姚生書

承委烟光樓記業已於五月脫草屬使者未來不敢輒附他手今使至且得願貞之教益令人增感笥中舊藏有願貞庵三字古圖書正擬建一庵以從事於

甌甌洞續稿

卷之十四

三

煌

此而來教詳及得無有神授乎久之不落風塵拜足下之賜弘矣敬謝敬謝赤壁之行當在八月但籜冠野服所過不敢入城俟臈舟烟光樓前期足下同子敬出一會可耳

報王行甫

八月末旬業已問舟西向率爲賓客踵至徵逐無虛日繼之風雨作苦濡滯於今誰謂鄙人信人耶此以後不敢爲期有間即挂帆耳

報李本寧書

頃再遊武當往來過雲杜境知足下有哭母之哀亟

欲馳用廣病至不能呼吸遂憩然以歸歸未數日
新安汪生持足下書來具悉相念不淺而鄙人薄德
之迹益無以自解也汪生篆印隸額大似可觀即行
草未盡善亦不敢以枉本視之今且再趨足下因得
新為書郵附申一奠於慈几幸昭察

報大司馬吳公書

山中十年世人共棄之矣明公何所采擇獨從萬里
之外三見存焉即古道交未如明公者顧無從
稱報奈何王侍御至省知明公神王福集且有鎮靜
以來海不波瀾不瘴煎荆棘之林為廣路徒豺虎之
醜醜洞續稿 卷之十四 三

答蘇愈憲書

自明公建節雲杜問俗陳詩風行江淮某願承末光
久矣茲行庶幾登岳之後便可反棹干謁一奉教雅

虛往實歸不謂明公行部尚在鄧中往來適相遭悵
悵為甚願其山谷朽壤一無可采不知明公誤聽何
客浮譽視之眈眈既遣訊於方城復留行於郢上用
情縷縷不啻素交求之古人未必多見矣豈其所能
當知感知感但久出思歸晷刻為虞簋之天氣向暑
披裘待葛舍舟從陸徒旅稱病即直指方在按事而
穉穢子胡為乎來似亦當少引也負罪方命亦恃明
公能見原

報大司馬子薦王公書

自明公先後鎮薊門使祁連不烽畿輔晏然高枕勳
醜醜洞續稿 卷之十四 三

報元美司寇書

隔歲不相聞馳念為甚曩約再過弁山有二意一為
仁兄壽一欲修廣成之問也至今前意更決則以聞
老師贈官賜祭葬報必欲款一日負土之勞而後少
安在心計八月望後可發舟必不與信通自武當初

歸病目未出偶劉子成中丞其子遣人專候索書先容草草數行應之

報許相公書

前歲附茂承一書上閣下言謝久之聞茂承有南陽之幻得無浮沈會在武當道中逢其使有爵云前書已致且得閣下報音偶未携來其然豈其然乎坐是久不通心馳戀為勞頃閱邸報見閣下特被恩詔尊顯二親蓋臣子之異數生人之極榮也閣下謨謀啓沃以報主上自此當益無所不至某託在末交坐進此語豈閣下所欲聞乎里人舒吉士還京便遂

甌甌洞續稿

卷之古

五

三

得介為書郵草草申一問諸惟台亮不宣

荅楊文植方伯書

附孟孺書後又踰歲不致起居馳仰為甚頃游太和舟往反經涇口瞻望玄廬恨不矯足為翼乃以久出思歸無程鼓棹猶謂遲也而欲改陸造訪則又病軀所不能勝且氣候已入夏尚尔被裘作客豈其真確穢子乎遠辱見招感高誼無已負罪方命非其情也

辛諒原

報安小范

已丑之冬曾附黃孝廉一書上典謁云已投書而未

及面故不得報昔茲又踰二年國倫年七十矣前歲嘗往返毘陵毘陵人雅能口足下家行鄉評竊已心敬之比見足下辭臺省而為曹郎已又謝北曹而改南省可知一世之所豔皆足下之所不屑志有在焉未可與善宦者道也夫人有所不為也而後可以有為今欲為天下當大任而不動心樹功而不德色舍恬澹之士奚以哉足下雖善讓讓不能避矣偶貴鄉吳節判將漕赴南都便謹勒數行申謝并索七十壽詩萬一不吝如何

荅張公觀孝廉書

甌甌洞續稿

卷之古

五

三

不見公觀倏踰五年比得一簡二詩讀之何一日千里乃爾令人驚絕蓋簡之古雅類漢魏人語而詩之沈著在唐初盛時遂足為一時諸君子冠豈獨老人避舍哉昔者吾友元美書稱公觀風度絕似明卿豈知明卿不似公觀遠也握手有期尚當更端請質卧病空谷不知有春屏公觀遠念吊賀相繼處情厚矣願以衰薄當之不任心愧

報吳國賢書

三

山中鄙夫膏肓泉石頃辱兩公不遠數百里結駟過從有如裹飯餽饑人調州起沈疴即殘山剩水被寵

靈多矣矧伊人乎第窮限暑月無以爲供具少結從者之歡內愧爲甚公必有以諒之湖上分携烟波浩淼愴然東歸其情寓一詩矣已爲中丞公作詩序爲浮梁公作墓表字句皆從揮汗得之良苦中丞公集業已竭心力爲之校讐刪定中有潤色實不敢負幽冥八月初旬可成書矣此書出卽視五子不甚相遠它無論焉天目集笥無重本可寄容易圖楚史檮杌嘗索之兩京市肆不得而公儼然見視惠喻百朋便當敘而傳之爲張楚一助乃所載不盈數牘又多雜出左國目覽劉向說苑諸書非秘典也何難購若是

甌甌洞續稿

卷之四

三七

傳

且諸書所載楚柱王與孫叔敖事更數倍於史不知當時史臣何以不兼采今欲增入又似非古本奈何此須與公面商圖之記里鼓不知所出柳宗元嘗作此賦有觀其象可以守威儀三千節其音可以表吉行五十之句唐人頗膾炙之事道似非古典有之必宋以下事無足深求如何如何

復吳國賢明府書

自國賢有嶺東之行遂不得郵候者數歲嶺東人偶有宦於敝州者生微以饒平爲問輒感額握手而歎曰其邑新設難制其民新附易携前金未有一善其

後者生已憫然爲國賢苦然猶恃國賢才氣足以自振天或以此振國賢也乃國賢亦復不免謂何劉使致書讀之淚落以國賢生平行則古人文則大雅何負於世而內多家難外鮮遇合造物小兒真不可測矣幸陽山與楚接壤民俗稍醇國賢卧治有餘力推案著述名世傳遠豈非國賢樂事乎美合編自序高格玄思駸駸化境無復李王蹊徑詩云他山之石可以攻玉生亦與有微力矣如何如何強識畧生雖未得遽讀然似書名近宋人卽不爲妙而記事珠嘉靖初年梁人劉國翰所著采錄雖博不過各物小家尤

甌甌洞續稿

卷之四

三八

傳

不可與之重也幸再詳又所指徐使君張中丞皆不知爲誰有便不吝見示萬萬生於國賢漠然已甚乃當治行之際詒書分祿拜之愈覺愧心敬謝敬謝生明年且七十矣來日無多佳會難偶揮汗占復不知所云

甌甌洞續稿文部卷之十四終

龍龕洞續稿文部卷之十五

武昌 吳國倫 著

渝州 馬攀龍 刊校

書

報王人參書

得公兩書兼損嘉貺知公念某深也感謝感謝省會來旨慨世路之多險傷正類之難容有古屈左徒賈大傳之悲焉同病相憐能無邑邑但第自罷歸以往野性甚適夙病漸瘳謗書之爲德亦大矣孔以得失歸命孟以行止歸天而彌子與臧氏之子曾不假問龍龕洞續稿 卷之十五 本

與門人沈侍御書

曩者一日之遇未敢自附於知己比聞南宮高第東觀妙選不覺有喜心即一日之遇固執事萬里之初駕也僕雖伏在田間竊藉末光多矣其爲心喜奚獨焉久之不敢稱賀則以微福爲嫌且恐故人不復記憶徒取賣耳會微鄉舒翰吉回每談盛德不以衰棄

見遺且感且慰茲翰吉北上敬附短緘爲候諸不宣

與門人任白甫書

久不得一耗如何爲情西歲京闕白甫復不備咄咄異事卽以晚成之說爲解而以其時則可矣奈何使來致書欸欸如面至聞長安市中諱言風雅厭棄詞客爲之扼腕而嗟然以不佞視之前此雖不諱言而厭棄爲尤甚也白甫且一意治經生語取高第策要津而後以其緒餘及之卽無論世之諱不諱厭不厭也如何如何僕老矣頃病目閉闕謝絕酬應乃從者自京師來謬有所託且知宗伯大方家未易當也白

龍龕洞續稿

卷之十五

二

本

報李本寧書

甫何不爲我量乎強顏爲之恐無一字可采幸裁正汪懋叔行草草附弔問想達矣茲偶遊廬山遇本建於湓浦維舟接談者數日始信王家龍鳳謝庭蘭玉皆自世德鍾也且聞足下今冬將踐龍龕之約然平否歟荒逕殘山並得增色延佇延佇

報王元美司寇

八月末旬業已累糧曾公舟履及於雉濱帆及於湓浦會日疾驟發不能面人爲兒女輩強挽改期過此則向寒矣計明春初遂得勇往卽足下從四嶽薦起第

亦不敢負初盟但當三宿弁山而後反也乃足下所
示近得一人或可容第修下風之問否留意千萬

荅貞吉宗侯書

比來命駕訪故探奇且復先下雉而後匡廬義何高
也卽谿上雲山林間卉石並得妄與匡廬爭勝況不
佞國倫乎惟是貧家不能爲從者供屨屨每有慚色
又從者解纜時偶怯風雨不能遠送私心戀戀則與
九派俱長豈若侯能盡諒乎舟人還自潯陽知江行
亡恙幸甚兩使以竹榻繼至卽以置之雪山水井間
以待銷夏君侯清風襲我多矣計此時君侯定當御

觀甌洞續稿

卷之十五

三

啓

王喬之烏策廬敷之杖遍躡匡廬諸峯高視狂歌一
字爲珍而八極爲塊其誰屬而和之西睇甌甌惟有
白雲起相應耳如何如何二編業已窮數日之力細
閱僭評知君侯必能虛受郎君社稿亦已如命題其
端恐無當於郎君特藉此以納忘年交耳

荅程巨源秀才書

不佞於君家法正父子爲三世交乃尊公之友不佞
則又因汝正而及也尊公朴茂溫文令人飲醇自醉
顧自都下一別遂分古今三十年來徒以憂寐爲偶
能不合情比勤執事遠賜問遺用意殊厚且見負奇

揆藻種種兼長遂爲秋林樹赤幟撫今思舊既悼
公不作猶幸執事名家且感且慰第愧林壑朽癯才
庸識闇不足當執事厚道耳以正使便聊草一詩奉
荅薄有所致非敢言報貺也諒之諒之

報大司馬兆行方公

頃歲在金陵從李臨淮見公影稿意態逼真然視在
長安別時稍豐替矣久不見公面之驟增一快顧三
年之間憂與公坐嘯行吟者十餘度得無神隨影往
乎明春造訪之約的不敢虛張丞書中業已及此何
尚濡滯未到尊使遠存具諭高義二詩見寄尤見公

觀甌洞續稿

卷之十五

四

啓

神王而藝益精且感且慰尊公詩序憶在大梁時已
束草附一都護寄比還山中此草遂不知所在以爲
尚可補鈔乃今始知其爲烏有先生也怪事怪事容
當補作請正如何如何

報王元美書

家貧歲儉不能裹腹行遊坐負初盟馳想爲甚得張
孝廉所致書知大兄乞歸疏再上不報卽部事差簡
天以佳山水奉大兄爲壽意殊不薄幸且安之頃見
耿司徒一疏忠佞較然朝野正人無不倚大兄爲國
家重求去太急謂主恩何胡孝廉詩數可謂博采精

求去取嚴正其中尚小半可及惜第未與之交耳太
常集成何以不見寄望之望之偶南海陳忠甫赴金
陵便率爾託致起居蓋其人曾以儒生爲裨將旋自
罷作布衣游說劍論詩大有奇氣此行欲一望見大
兄愜其素仰無它覲也

荅俞羨長

行書知足下卜居之難與侍藥之苦遠遊似未有期
也懸念懸念乃俞本之行曾奉一書二詩奉訊今足
下不一言及得無有浮沈耶即足下往歲携去諸公
書有無一報尤爲可異豈有負人俞羨長哉必有說

戲題洞續稿

卷之五

五

調

矣丁元甫新居毋喪足下與之深交義當一吊或乘
此見過望之望之安小范東南高品而詩亦沈雅有
致又不厭貧家蠶繭留醉三日意猶戀戀僕晚年得
此新知真望外事讀足下諸長律雄視一時中間微
可商俟面訂也

報周伯從秀才書

往寄俞本之輓章併有數字之間久不見報以爲必
無便郵非忘我也適從令親安小范得來書乃知俞
生作殷生也浮沈之矣一咲一咲聞執事讀禮之暇
縱覽苦吟力追作者痛心賀之生年來仗庭尚健飯

嗜酒且得抱兩孫爲目前之娛第以懸壺之家屢值
饑饉至不能果糧出遊即王元美有白門之約亦未
及赴今秋稍稔則鼓棹而東再過惠山與執事一飲
二泉未必無偶也至於世途一切久不入夢若欲起
溝中之斷望續於匠氏揭不然之灰幸嗟於煬人皆
謂謂不自量也執事謂我願之乎高義則知感矣小
范其人如玉所作漸超上乘海內一高品也留醉三
日夜情興未已穢舟俟報草草無章詩幸諒嘗不一
荅鄒彥吉督學書

戲題洞續稿

卷之五

六

詞

相臭十年以往可當萬期至於赤牘盈箱瑤編積案
時時抽玩則又依稀望衡宇而聆簪欵也乃者黃口
鏢金浮雲蔽日使萬鈞之弩摧弦雙龍之劍歛鋒扼
腕長息夫復何言顧謂山藉梁鴻里鄰吳季高風壯
節可託古今奈何南北連兵中外失靈人心思亂世
運難窺憂天之淚蓋不勝揮踊海之情安能盡釋第
僕老而足下正壯漢陰抱甕差稔於吳市監門耳如
何如何去歲勉閱青藜稿微有所窺鑒足下東歸業
已三遭蒼頭望前茅於江上不謂足下乘流削迹不
見一人蒼頭持書空歸秬增悵悵繼見行甫爲道足

下戀戀之情至今悔不與行甫俱也今夏卧病幾不可起無何老妻見倍情境凄然所委序詩尚未脫草幸俞山人東歸有期便可託寄幸賜教諒不宣

與黎惟仁文學書

海上為別十五年矣乃足下詩態酒態時時在目中不獨交情可念久之不通一問則道里遼遠音郵少便耳敢一日忘故人哉頃歲聞惟敬兄訃音不任街痛業已哭之二詩載在小稿不復錄偶貴鄉王唯吾氏左官敝州得省起居尚健吟詠甚適雅極慰心遂因其歸草草附候併以小稿陳覽詩扇奉懷統希照

甌甌洞續稿

卷之五

七

存不吝一字之報幸甚

荅徐衡州書

某久伏山樊分與世隔即區區姓名舉世厭棄之矣不知明公誤聽王侍御齒及遂以餘喘為念儼然命使涉江見存篋篋充盈楮墨璀璨此之為誼視素文何加焉知感知感第明公駐斲已數月某未修一介之候冒茲龍靈增愧什伯奈何里中距斲一水間明公仁聲洋洋浸淫比壤有如德星在望甘雨為膏雖山樊病夫亦能舉手加額矣吏旋草草申謝諸不宣

報蔡大參書

頃禮玄岳過隆中遇貴鄉李中丞留之論學者一晝夜某雖至愚微有所省自謂生平奇遭頗恨聞道晚

耳乃中丞於故鄉同志每言及我明公蓋云明公心學獨得處世人未必盡解某因憶二十年前曾為明公負轡道上抱牘堂下而明公不以賤有司視之諸所啓事受成一一破拘學見信明公遇某厚矣久卧山中無由再覲會聞明公起家入楚駐節西陽又遠隔二千里外徒勤悵仰竟阻趨承奈之何顧子敬回屏賜書問益增感舊之思至論以無聲無臭之旨又似子敬獎借過也夫某在名理實未有所窺且自度

甌甌洞續稿

卷之五

八

不能越卑近以求玄遠故特從事於庸言庸行遂敢謂無聲無臭之理在焉蓋就其所持循而言非敢以聞於有道之門也豈知明公憐其朽腐而欲進之乎某益不敢不勉矣顧使去揮汗寓謝諸不宣

報歐楨伯書

新林浦別後其秋即聞足下請疾解虞部歸自是三年隔絕數千里外惟有夢中命駕耳安得執手談藝如往昔耶所委詩序業已敬承屬見示佳稿數種回舟時為江雨所泥不可展讀遂亦因循未報已會邪子愿謂當校刻於楚未幾子愿又遷去不竟所圖王

唯吾來復辱教命重以多儀且有見懷佳什增媿焉
甚乃唯吾之行復造次不能少待使生尚作負心人
奈何計唯吾榮轉後此中必有馳賀者因而補寄可
乎然言涉面漫矣奉荅小詩書便而請教諸乞裁答
不宣

與門人沈侍御書

示遠念遣使惠書且以酒資見餉幽谷野人何以被
寵靈至此明公自厚德耳東行擬在此月未發舟先
太倉而後興化蓋太倉爲座主王司馬以九月受
卹恩改墓道將修桓榮負土之役興化則一上故人
甌甌洞續稿 卷之十五 九
宗子相塚耳往來俱不敢進謁亦不敢勞枉顧特假
一舟藏於真州相待 耳矣來書款叙情懷委婉真切
親友及兒曹讀之無不倚牘而嗟謂明公不遺故舊
有古人風可以挽末世偷俗也使去草草附謝諸另
致不宣

與華樺源書

執事令樺源且五年廉能之聲溢於薦牘卓異之績
紀在天曹 賜宴賜褒恩數備矣乃報政之後猶以
民間逋賦緩拜 地典豈古稱撫字勞而催科拙耶
乃今朝政清明賢奎垣廓桃源不得久棲鸞鳳臺諫

之命且下矣鹽院沈公乃生濫竽貴州時所拔高品
士遣書問遺殊不忘舊且知生有太倉之行擬欲出
真州一會然直指行部不便相接生亦不欲作人間
襍穢子幸執事一言先之

報陳方伯書

久慕風猷無階攀附且自分朽棄甘老漁樵不復敢
以姓名求通貴介頃雖往反鄂渚又以簪冠野服所
至避人卽亦自絕於明公之堂負罪爲甚乃明公見
念雅意則兩郡公先之矣命使在門謁問腆厚益增
薄德之愧奈何惟是明公經濟之學博雅之才海內
甌甌洞續稿 卷之十五 十
士人執鞭恐後顧猶虛懷廣錄下及山癯垂老受知
殊過所望惟有銘之肺腑耳力疾稱謝不盡不盡

復君霖宗侯書

君侯高義踰歲未酬引望斗牛之墟紫氣亘天知君
侯結社其下文光燁燁起乃以六書名樓果然哉讓
之公臨甬中督至云與宗侯俱來君侯中有所迫阨
至潯陽返駕鄙人之不遇君侯似亦有數焉已讀尺
書四律懸情戀戀且有再枉之約遣使玩以爨器衣
之文敎用意勤厚然則士相知豈必接塵分席而後
稱莫逆耶感禱感禱屬潯暑中揮汗擲塵神氣索然

又入視病孫出將游客面無息踵雖欲有所請質將
能乎扇頭一詩用答來雅六書樓二律尊命書冊顧
紕繆大甚並無當於大雅倘不吝裁教何幸如之

報李心湖書

夏口之遇曾不移日而瞻望清風直道業已傾生平
矣扇頭二詩聊抒感慨翁遂以為可與言耶鄙人夙
昔左遷不敢自附於君子之後然磨礪砥礪則從顛
沛得之而況翁以萬鎰之寶當五城之觀蓋有所謂
堅白無磷緇者即抱牘之境皆鈞衡地也幸更加餐
自愛以需臺下鄙人不勝大願

甌甌洞續稿

卷之十五

十一

報章衡陽書

避后吳門立談莫逆至勤從者往返松陵若水間觴
詠徘徊興盡復生戀戀不能別執事之遇國倫過矣
憶別後過白門時尚得以尊公傳託令親國子先生
轉寄業已踰六七年不奉一耗則前書之浮沈與傳
文之可用與否皆無從問側身東望可任馳情比聞
台駕暫息姑就非久 徵書且下入踐臺省陳力樹
勲殆有餘地焉不俟山中人獻諛也

報前賓清國史書

美言醉中別天下今八年又止於臺中相像足下可

知浮生聚散皆醉夢耳如何為情比問足下稍遷蓋
王相王故嗜學好賢計足下必有遇焉乃居王邸未
久連宅憂歸而貧益甚又哭母過哀厯厯存難骨則
不獨出行南舍譽二子口嗟乎鄉曲稱孝廉舍元獻
其誰乎初夏成一輓詩卒無便郵可寄適蕭使至反
辱厚問極感至情及讀惠安君集叙益服老筆古健
猶可凌駕少年場乃不佞所為多雲稿序則惛然自
失矣幸更裁教萬千蕭氏詩禮世家今舍譽又以文
顯大足為羅重然羅無君子斯焉取斯足下雖欲不
尸其功不可得矣稚子過貴境歸頌厚遇久而不能
忘敢為稱謝

甌甌洞續稿

卷之十五

十二

報陳觀瀾廣文書

一別改年有懷如結頃從者過里始知榮授得隨州
古稱漢東之國隨為大今雖非其時矣然楚俗相安
鄉書密邇以廣文居之更便且吾丈文學行誼素重
士林此行必能修復五教振起羣賢使隨大如古亦
儒者不朽之業也勉之勉之隨守祝公為生通家在
隨數年屢辱存問心竊感之適從者行迫不及致書
相見幸先道意

答程巨源書

一歲三書書輒累千言言吐珠玉霏雲霞而又精以家珍遺之墨妙在案者生氣色在笥者縉菁華巨源之遇國倫異數矣屬茂文不面別未附謝言而今弟令叔繼至必欲先得序而後為郵濡滯經春始得偏閱賢橋梓與諸名公撰述勉構成文畫虎續貂不覺赧然自失業已為之敢終藏拙乎幸巨源不吝繩削千萬每念巨源博雅宏奇真一晤不可得而國倫白岳之興至老未衰姑待有年方能裹糧命駕又計丁元甫為巨源知己今宅憂里居得無走相吊乎迂道相遇亦一奇也如何如何

甌甌洞續稿

卷之十五

十三

陸

荅錢洞衡書

命使遠來持手書具問且授以玄旨惠以方物誼至敦矣顧鄙薄何以承之惟有感刻耳年來海內士大夫無論隱顯喜談性命之學者不下數百輩即舉寥寥而彭聃家言津津在人口吻第各是其師說而師之所說又各循習見解衣食道塗百無一當第雖聲慕而神依之且經數年亦未遇一至人間一定論因而玩惕爾莽以迨於今適見先生所著仙學秘訣二書令人穆然思冷然悟儼造殊庭而聞廣樂矣然先生微言中多引而不發非下根塵慮所易窺尚俟

史履扶筇專詣靜室修下風之禮百拜以希指迷但得竊聞斯道即不仙亦不死也先生豈無意乎

復周良玉光祿書

奉來教知諸品經皆在腹笥至以九字談金剛經而又以一空該九字可謂博而能約矣第僕前奉質政恐門下泥於烟島雲林風柯月渚之境而不能忘若能對境忘境便是在家出家雖日遇四境不為有不見一境不為無所謂真空皆應自心得之一切見解聲聞祇足為真空障奈何門下不求之自心而求之妄境與文字間以為真乎僕本下根於西方之教請

甌甌洞續稿

卷之十五

十四

陸

荅行甫書

事甚淺不敢與門下角知識尚俟異時小有所悟求證未晚也所惠墨池真乎幻也敬謝
柯山之約非敢自渝九月抵蘄相望咫尺矣屬舍親徐比部急索小舟赴金陵勢不能遠會又聞陶使君且至為俾二日待之竟不得一晤西風驟起舟人有難色興盡而返大負初心正欲遣人告罪從者而從者又已將命持繹幣珍品見遺厚薄相形可勝愧汗茲聞陶使君不口過訪喜而欲狂業已腰鑰刈諸葛菜脫巾漉漿桑酒敬俟清塵第望行甫與之俱來更

為地主增重萬勿愛勞辱示陶使君佳詩大有天趣而神氣且壯詞林一鉅敵也竊欲謬贊一詞不待其請但日內諸觀吏通發文責未償姑俟窮冬可勉副耳薄有所陳不敢言報禮

報王百穀書

舟繫閭門經兩旬始得一晤乃贈言立就具感高情尋草一律奉酬則度楓橋而西矣抱病抵舍已在五月之末未數日即遣一力為公致行書渠甚知感為念王氏二美相繼登鬼錄吳門匹練光彩屬之公矣樹幟登壇羽翼風雅不佞竊有望焉即餘齒衰耗醜態洞續稿卷之十五 十五

答丘長孺書

鄉得手書及稚子所稱述知長孺負美才有大志將友天下士力追古作者心竊壯之至欲遠走空谷而有所下問固所願也奈衰耄謏劣一無所可問何尊公佳稿諒已殺青幾時成書望亟示我千萬適宛陵梅泰符往哭尊公因附數行為問諸容另致不宣

寄張助甫中丞書

久別不奉一字之教又十六年此無異隔世生也將

足下疎遠國倫人情乎且足下出塞還山悲歌雅曲津津人口洋洋我耳國倫似管小有贊焉雖欲疎遠於足下不能也豈足下忘之不者龍門高驛使不敢仰視千里之心竟難通也頃有東行兩遇乾甫白下則乾甫執禮恭處情厚移觴促膝談稅追歡又宛然與足下把臂時事因而思足下益劇而亦未免有微望嗟乎凡稱梁楚淮楚謂其為比壤也今不千里為異域並立一世若古今足下安乎國倫垂七十矣來日無多故敢作此絕語惟足下深念之情見二詩尚有所不盡若足下之痛元美想不減於國倫也何醜態洞續稿卷之十五 十六

如何如

復鄒彥吉督學書

頃不佞之入吳也情以哀奪興緣病減即大方詞客所至願交然不過與之啜虎丘之萍飲慧山之泉而形衰氣短曾不能為名山大川揮霍萬一乃今足下鞭駕衡和吞吐雲夢舉全楚之勝繁貯之腹笥泄之毫端有如三辰麗天四瀆紀地使人耳目不暇應接心神不及奔馳而又自甯熊屈宋以及賈大傅補處士孟參軍之屬旁采蕪奴充物盤礴日進諸經生鰲鵬而陶冶之業已削荆楚之璞叩君山之鐘張洞庭

之樂以待獻明堂而陳清廟所得與不佞孰多也而猶讓不佞善取不善與足下何厭之有乎一笑一笑不佞垂七十矣往反江行筋力倦憊自分閉關待盡無意遠游顧足下又欲我以南嶽七十二峯示我以長歌短律使人脉奮蹶張坐不帖席計將鼓枻溯流從足下再往足下可復許乎曩見屨提齋稿知足下退處久詩入化城卽元美不易及何論不佞乃元美作叙相知甚深屠長卿雅負才名其文乃尔非不佞所知也今讀青藜稍勝長水而視屨提似皆不無少遜久不見足下見諸作知足下神王氣宏學日益博

甌甌洞續稿

卷之五

七

太

思日益細海內名家垂首避席六子不足七矣讀足下長水自序開筆吐舌不敢復贊一辭而青藜之命則敬聞矣容旬日具稿請裁何如又念足下此何時也縱披塞塗卷籤連屋尚多抱柱木而希神斤懷小璣而望桂楫者何可勝煩蜩而猶念及丘壑之朽癯乎踞讀長牋拜嘉玆貺古人高誼今再見矣敬謝諸不宣

報任太字書

風慕神交歲月累易竟垂一握天豈限之曩晤謝叔蒙參知吳求叔山人每談足下高雅不獨治才掩襲

黃詞才軼屈宋可當三楚儀羽卽他技亦復精擅苑名賢無不避席遜之且乙在售經術而又甲在辨官材一解縫衣儼然號大夫出佐名郡天下事何常之有是在自樹耳計此時壯游宛洛攬結名勝益助胃中之奇操筆如椽運斤成風天趣爲獨多矣安得瑤華飛示破我沈冥耶潯陽見夢之作愧不敢當業已勉和恨無書郵偶便附聞并申一候

報張羽王書

秋末冬初兩接飛翰知丈未嘗一日見遺乃二年無一便郵通訊則僕之罪非生之心也勝故二集精覈

甌甌洞續稿

卷之五

六

太

簡雅成一家言八桂自此重柱三都日坐山齋手而誦之有若身同古人容與嘯詠其境何止神游計此時通志成書丈又得自理家集一出並當名世視諸君子雕蟲之業徑庭遠矣私心歎服非敢爲同聲標榜亦惟吾丈能諒之僕漸就衰頽學道畏難且不能謝絕賓客卽往時縱飲豪吟之態時時有之安得日侍丈側領秘密之旨乎蓮葉洞詩屬和已久值呂中翰過里敬錄扇頭以佐微物附上

報族國儲將軍書

平谿感別薄有贈言仰望勞勞益十年如一日也回

憶舊游周旋鬼國不獨開府不識名將即聯鑣接轡
諸大夫亦多知之未盡而以衆人遇之乃不肖在公
投分獨深公亦過信吐露情實遂爲莫逆交非偶然
矣昔盧刺史之奇守珪李供奉之識子儀皆自其才
器得之今天下才器如公指不易屈豈不肖敢自附
盧李後乎偶公故人楊伯武見過備聞起居因得附
數行爲訊幸裁諒不宣

寄傅侍御伯俊書

得徐普致書後俞生繼奉兩絕句來宛覩故人風况
無異金閨對月時也前聞紫命藉重西臺山中人
甌甌洞續稿 卷之十五 九
敢言賀心喜而已異時繡斧巡行倘不鄙夷荆楚儼
然幸臨之則滄浪之濱未必無望塵之地果如所願
乎即握手傳觴短歌長嘯雖老且狂知故人不厭也
適吳人林肩吾入京敬附起居幸裁答

與王督學書

某無幸在仕不得望前茅入山不能干典謁自絕甚
矣每從學士大夫竊觀大篇博雅宏雋浸淫古作者
心誠嚮之乃明公仕楚三年陶鑄多士某承伏高雅
非無階也又念兩兒在序稍宜以干澤爲嫌諸所欲
陳削牘中止安得明公憐而寬之乎今某且老矣生

平諸草未及就正大家偶以故人相憐漫付剗削自
顧蕪穢爲甚然當明公采風時又不敢自棄而不以
請質乞明公不吝彈射之不勝大願

復劉子明方伯書

國倫伏在山樊久與世緣斷絕然耳在而心未盡稿
側聞明公直節壯猷繫望朝野時時北面仰之乃台
駕嚴然入楚則尤意外天幸也又以垂死餘息自分
賸賤不敢以姓名求通蓋不勝其拘攣矣豈知明公
過聽浮譽閔然念之至以左掖中州先後陳迹爲言
若所謂神交者此何以蒙明公之不擇一至是哉感
甌甌洞續稿 卷之十五 十 瑞
愧感愧別委爲尊公作傳敢不拜命之辱比閱家藏
諸集種種名言似難以稗野之詞溷入作穢即群公
莫誅間不雅馴國倫何人敢操筆而議其後幸明公
諒之

報丁元甫書

久不聞問馳想爲勞明公甫入諫垣即陳讜論正
國體定群疑閣邸報時欽祗欽服其在朝論又可知
已比聞太夫人訃遠爲舍心昨小介還自會城始知
明公已訖然處望室且亟亟爲太夫人卜藏恨不能
晷至苦塊間相嚮一哭茲且遣人薄巾一奠屬山妻

稚子則病未寧而生又病目不能作輓詩即容補寄如何

答李獻齋書

奉違道範將不記年人壽幾何乃爾曠缺向在仕途猶謂塵鞅所迫南北不自由乃既並在家食又相望如此其近誰則間之而使片帆如絕壁隻字如沈珠回視少年意氣相許不自知其解矣今老丈踰耆而第且近老豈無寤寐眇若秦越不在此時期一握手將何待耶仲春在蘄州聞老丈且來待之四日不至興盡而反茲又徂夏入秋矣令姪枉過始拜尺書言

甌甌洞續稿

卷之五

三

報陶蘭亭書

竊聞明公振起家學通達國體為朝野鉅望生雖伏在空谷猶恨不及一瞻丰儀已讀南中新刻諸著作益知正氣直節不獨工立言衛意方殷會台駕入楚竊計邾鄆一水間撫承奉教必有偶也乃竟拘繫羈縻不能挾刺渡江從諸客旅進而明公且復逢人記士兒與王行甫並致雅情天下士固有不面而心

交者明公與生是矣黃州清政碑在輿口真足以貫金石動鬼神安得在事諸賢人人師明公則楚雖三戶天不能災地不能害而空谷朽癯亦藉庇安枕矣嗟乎難言哉適貴屬廣濟生饒于豫來問詩於生便欲趨府師事明公遂得布其區區之私併為饒生介紹蓋此生負奇不獨精擅經術而於古文詞更自博雅頗為行甫所推重生因贊之曰子欲學為詩人文人乎所至師友不少矣至欲學為古人樹三不朽之業舍陶公奚其為模範乎饒生忻然過信遂買舟而西乞勅門者入之

甌甌洞續稿

卷之五

三

報汪伯玉司馬

往歲自東海還過金陵遇令弟仲嘉造次附一問併問仲淹入秋猶及見仲淹報王行甫書辭古而氣勁似出無疾人手以為有起色也踰冬入春則凶問且至嗟乎國倫受知明公甚深乃不得以一字交仲淹仲淹亦若不知有國倫者此所謂當其世而失之也可勝悼哉明公生平愛弟過在愛子愛身國倫習聞之矣比當彌留永訣哀痛可知國倫不能匍匐分哀私心有如割痛偶成代哭十二韻奉慰二章少見相關之情久無書郵可寄適仲嘉之友馬生東歸便遂

較揮汗登用仍託仲嘉轉陳若曰強哭者不哀非所以語國倫也明公其鑒之倘國倫猶可食新二年甲午之春定當賈勇造門爲明公稱壽且了黃山白岳之緣恐過此則終夢游耳幸從者如期俟我欽水上

報李對泉大司寇書

伏自中州得放遂投空谷卧病天上故人虛勤憂深分與世絕無自一通其心豈謂台尊不遺疎賤遠頒華牘款叙平生長思讀之猶然而奉教也顧國倫衰老無聞且嘗遺臭貴境明公不計其罪而猶采其一得以爲言使并州故鄉之思有所觸而復動乃罪孽

甌甌洞續稿

卷之十五

三

隆

種種非一得所可文宛其已矣在許何言茲幸天祚皇家柄用耆碩明刑弼教遠契臯謨握銓秉鈞宜媿傳業此其大造於天下國倫亦得延佇太平寄命旦夕也

報黃奇南郡守書

城西飲錢雲物含情暨聞大計平寧日候熊與返郡乃察外遷語辱我嚴慈殆此郡之無緣彼郡之多福也於明公何與焉明公高才遠駕一蹶無損第人情機阱世路風波反覆靡常咄咄可歎生初入仕時亦嘗遭此雖不敢自附於直道然知屈伸倚伏其端甚

微非人之所能測彼其善中人者未必不自中也幸明公泰然自寬用需遠大至望至望尊眷在州平安業已移寓江防公署生與陶明府嘗往視之弟從者不收一葉使人無所用情但得榮補有音便當以家舟奉送必不至失所也

報黃元甫書

執事自少負奇久在心賞暨自南州過里博綜高雅益竊驚服今齊上第大協所期三月三日適與徐應時修稷北園共念執事未已而佳音忽至喜心欲狂競取巨觥相賀蓋吾道不孤里人生色二十餘年山

甌甌洞續稿

卷之十五

四

調

川有所藉而吐氣關繫匪輕大喜也誠重之也自今便當優游館閣侍從闕廷陳力矢謨翊宣盛美老夫竊有深望焉其益崇謙虛敦節儉德養望以待簡知即將相之業可坐致也若夫修文好古當以老夫爲前茅縱飲狂歌又當以老夫爲殷鑒是在執事心辨之必不敢爲執事迂計尊公卧疾危而復起執事可爲孝矣

復馮繼山太守書

久慕英風無階晉謁緣鄙人廢棄之日正執事敷歷之年隱顯殊塗形影相左非敢忘尊公舊德而以薄

道自處也豈執事所未諒乎適承使翰具見相關
謂二家親義素重一旦以小故構此不解之仇不但
少損士風卽尊公尊堂亦有大不安者倘肯俯聽朽
人一言各自悔悟請憑二家親厚長者從中善處勿
爭小利勿計後言譬之就大樹以息影濯清淵以去
垢回視一切皆空花石火光景幾何易曰君子幾不
如舍正二家今日之良藥也蓋朽人以此告德蒙亦
當以此告執事所爲解忿息爭術止此矣若復以一
字助訟而干當道非人所爲也更望加察不宣

復顧德蒙茂才書

戲顰洞續稿

卷之十五

五

謝

論來知足下受侮在人竊爲驚異有如肩受之矣以
愚意爲足下私計則田訟方寢而馮訟相繼縱二理
皆直二訟皆勝亦不願足下有此名蓋直者曲之敵
勝者負之仇人壽幾何乃終歲與人爲敵而與敵爲
仇乎况足下以復仇之名而與爭田之訟人心不甚
服况尊公阻之不聽親友勸之不休必如何而後已
乎以足下大才日侍尊公大教一自反而天下無事
矣奈何執已而不化乎請自悔悟從鄉長老善處是
鄙人所願至欲一字于公門徒深仇家之怨無益在
足下分毫也餘見荅馮君書中不敢多贅

荅寇巨源書

僕久企巨源名近歲始得兩握手兩拜赤牘見巨源
學日進心日虛不追古作者不已也以僕同爲
楚人而又相望若此其近晚得與巨源交歡而梅高
陽之徒結蓬池之社亦厚幸矣巨源乃過自謙讓而
身下之得無效古人尊負芻爲上客拜賤卒爲神師
乎走爲僕增愧汗耳清明江夜小飲頗豪返棹則以
風候迅速夢中過龍平不及朝食抵舍竟負初約且
孤張子龍饒汝順雅意悔恨無及奈何比者病暑謝
客無間通起居從者遠來何當注念敬謝敬謝承諭

戲顰洞續稿

卷之十五

五

與朱康侯文學

杪歲辱枉顧備領清言雖信宿勝平原十日飲卽便
道勝呂安千里駕也弟家貧歲儉無以爲從者結歡
至今負愧胡山人來承賜書并古體詩爲壽展讀數

過竊歎康侯負兼才而抗志高遠經術稅文並臻妙境遂令老夫吐舌何有餘子乎幸勉戒衡轍不患不千里也尊公慕謫業已拜命之辱不獨心許會獻歲以來日為椒栢所困即游客踵至不能應又患痰症腕骨作痛坐起失常不敢潦草親鉛槧姑待天氣和暖勉搆馳上倘康侯不以爲誕乎律詩二章即康侯行後補作者茲特附使陳覽古體詩亦容嗣和諸乞裁諒不宣

復胡對薇書

伏自門下有隴西之行不復相聞間叩之里人率甌甌洞續稿

卷之十五

五

謂起居無恙稍爲慰心顧獨鳳雛麟趾消息尚遲則畧刻望之矣使者遠自數千里來儼然存及腐朽已踰望外而又執禮過謙頒惠過腆豈腐朽所能當乎且感且愧追憶兒時望潼川公若僂稍長乃得侍席里門接塵京邸益習其溫文之度而心異其博茂之才仕僅下大夫曾不及中壽客死至今有餘悲焉名世之業其屬之門下矣奉委作狀昔心復胡杜義亦不敢自外第恐衰齒枯腸不能掄揚世德奈何使者亟趣鄂城不暇停鞭待報率爾先謝俟其重來當具草上也諒之諒之

荅孫震南公祖書

空谷柴居衰頹日甚百禮都廢世亦厭聞其姓名不圖明公忘分見念寵之華牘貺以豐儀典出非常兒孫共訝且自明公下車向未敢以一字通心第聞牧政俾頽渤清風播江漢日從父老歌詠太平竊欲有所撰結一致區區之私會以家難拆心鉛槧廢閣頃又以不慎致疾僵卧呻吟報書不知所云且卒卒無以荅貺死罪死罪

報王損之

昨年走吊反辱厚意厚遺享之非分愧感而已閨門甌甌洞續稿

卷之十五

五

若

別後抵秣陵稍以應酬濡滯到舍則五月矣江行觸暑卧病兩旬仗庇小愈茲又踰一歲明春且七十酒德詩懷尚不甚減第念尊公四十年交情敦若千古今遂爲異世即想像瞻忽未能一日忘東望海天似有缺陷悵快何極惟是執事昆玉振翼接武爲一代儒家文林門祚宸大世德彌彰鄙人所稱老師老友皆可含笑地下是上願也尊公傳奉有遺命必不敢以不文辭幸以狀來萬千

復張念華書

頃歲呂倩自桂林來持門下手書見問長跼讀之辭

旨溫密令人擊節解頤何門下嗜古之篤而託交之神也山谷朽癭知感莫知所自矣夫門下有用世鉅材遭邁明盛間望勲伐咫尺機衡茲且銳意述作力追風雅而究三不朽之業乃復近取羽王遠交不佞豈所謂棄千金而買死馬骨乎此之爲志非今人可與語顧不佞何以承之

報鄧滿谷書

別門下不記歲年僕且七十老矣門下負王佐之才不用於一世而用於千百世著書種種儒術經制備焉真足以興禮樂致治安而名望詞章皆虛文也每甌甌洞續稿 卷之十五 无 一馳情輒復長歎非徒感別實有所繫於中此見天子思賢禁林虛席 詔下之日莫不爲門下揚眉門下將登安車就道乎將爲魯兩生乎然以愚意計之則一官不足爲門下重而門下當爲吾道重也適鄒生自貴邑來云門下問及遂敢因鄒生附致一問併以二詩請質

答賴大參書

昭武舊游三十年如一夢第聞明公惠政去思至今猶昔則謂昭武與賴滿谷名何泰焉且聞明公間關蜀道叱馭回車才有所不盡用功有所不盡歸高蹈

清風羽儀一世潦倒如生徒有延仰耳令姪孫茂承重來下問慚無一字之裨第得明公書問若從天來高義溫辭披之累日有如奉几杖叩金玉也自分疎薄何以承之感刻感刻屈內子中藥抱痛成痾莫知所以答貺聊賦一律用見鄙懷伏惟覽照幸甚

報李本寧書

數月之間三遣使矣慶弔相關至情無已而以施於鄙薄衰廢私心定有所未安足下何仁也諸孝廉得足下佳文業已裝軸賜賀揭之中堂真足以表雲漢掩珠玉獨愧其人未必能當萬一奈何方圖遣謝會甌甌洞續稿 卷之十五 三十 感寒卧疾不能作書而使者在門矣篋篋充庭且從東海驅蓬萊山蹠至即善爲岡陵之祝者無可致辭又何敢踰隴望蜀耶回憶舊得此圖二十年前無時把玩已爲鬱攸所灾遂作烏有豈知二十年後又重見之可知海市幻也而圖之自有而無又自無而有亦幻也以我兩人閱世曾何事不幻哉倚枕占謝併布區區

答王喬書

執事文武才在國爲虎臣承家爲龍種乃猶下交稚子與之倡和又從而緩急之窮旅寄遭通家至誼非

叔季所易觀也且得借觀風雅心竊重之因而感念
尊公舊交薄致哀輓蓋既悼修靈之不返而猶幸來
裔之寢昌即繼命如君牙續史如遷固不足多也詎
意執事用情大過而遺再存厚割家珍遠託知己顧
僕已衰其何修以承之愧死愧死玄省有諸篇爛然
珠玉業已詳玩不能贊一詞惟執事裁定教之

報穆考功公子書

尊公高義中外共欽僕奉神交傾嚮尤切由甌甌洞
望迢遙園則數千里咫尺也俄聞訃音五內縷割豈
間世才品亦不免於造物忌耶幸不朽之業在又得
甌甌洞續稿

卷之十五

三

賢子如執事承而繼述之則尊公不以年算為壽後
千百世如生矣遠承謬委分不敢當貴邑去京師不
過數日之程鴻筆鉅卿多尊公所友善不以相託而
託之林間朽人拙叫異事且閱執事來書與行畧古
雅精宏能令人死舌閣筆用是遂巡數月不敢吐一
辭屈我見翁公祖僅翰如雨命使如星遂無所逃避
勉脫一草自顧蕪拙不足為尊公表揚抱愧欲死奈
何惟執事繩削用之不勝大頌

啓三首

賀巡撫會都御史邵公召回都察院啓

一

伏以 天祐 皇家篤生彥聖 帝崇風紀簡用耆
儒降靈已應 昌期夾輔斯稱命世羣僚竦意九列
延輝恭惟臺下甄秀姚墟研精禹穴蜚聲吳會遠紹
甘棠之遺風奮跡 天朝躬承 鉅覽之休命翰藻標
奇在廟觀風猷表正於鳥臺詳刑陟而天下稱平執
法中而萬邦為憲保障之澤洋洋浸潤江湖鎮靜之
威赫赫宣揚夷夏頃臨三楚比及二年哀列郡之阻
饑乳哺不遺餘力憤羣兇之負固戾夷輒有成勞文
武兼資寬嚴並濟振牀清嘯南樓興擬庾公緩帶臨
戎西峴思遺叔子勛伐累書於盟府謨謀薦協於台
甌甌洞續稿

卷之十五

三

賀韓使君五十啓

恭惟公祖臺下才擅經綸望傾 朝野明經高第士
林欽董賈之文章秉議法曹郎署以張于為矜式宣

承駿命出綰麟符楚十五城首列吏民之長鄂千
萬戶躬行字牧之仁迎刃解紛察眉求瘼五袴之歌
盈耳兩岐之頌載途考績書勞吏治比肩在頽瀨
賜金增秩帝心流照在衡湘筋力方強初度五旬
如壯榮名未艾超遷八座何疑耿耿赤忠恩星與
壽星並耀煌煌丹詔國曆與家曆齊長僚屬騰
歡山川借色某識韓有幸借寇方殷恭遇誕期聊效
隅陵之祝僻居遐谷虛懸拜舞之私屬有庸言具在
別牘

謝吳茂文啓


甌甌洞續稿

卷之五

三

伏以天回泰運璣衡肇啓三陽我思美人咫尺猶懸
一水辛盤杯酒未申接席之歡蔗境逢心徒有停雲
之感匪但鑠人失色兼令玉燭無輝詎意鯁隅特勤
鴈使遺之華牘貺以豐儀文綺並陳光掩雲霞絢爛
奇珍錯列氣凌蘭蕙芬芳靈樞實自瑤池遠借延年
之助仙釀鬱爲醴液深飲德之私空谷朽癯自分
何修蒙厚遇執紼高品將無同調結深交五內皆銘
一絲莫報謹裁蕪牘用謝雅情

甌甌洞續稿文部卷之十五終



甌甌洞續稿五十四卷續稿二十七卷

山東巡撫
採進本

明吳國倫撰國倫有陳張本末畧已著錄初國倫
爲兵科給事中時以倡衆賄楊繼盛忤嚴嵩左遷
世稱其義在後七子中最爲老壽初與王世貞李
攀龍唱和後與李維禎汪道昆輩狎主詩盟其著
述頗富然在當時胡元瑞作詩藪已譏其用句多
同一篇而外不耐多讀

國朝朱彝尊靜志居詩話亦謂王李旣沒甌甌幾與
四部爭富而海內之爲真詩者寡則文章不逮其
行誼矣此甌甌洞續稿國倫所手定續稿則其子士
良所校刻明史藝文志此二集外又載其詩藪十
五卷今未之見意亦散佚歟